

四庫全書存目叢書編纂委員會編

齊魯書社


四庫全書存目叢書

四庫全書存目叢書編纂委員會編

齊魯書社

四庫全書存目叢書

史部  
第二三一冊





責任編輯：孫言誠 賀 偉

ISBN 7-5333-0535-3



2B94/01

# 四庫全書存目叢書·史部二三一

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 47.25 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價：87600 圓

# 史部第二三一冊目次

## 史部·地理類

齊雲山志五卷

〔明〕魯點撰  
北京圖書館藏明萬曆刻本

..... 一

普陀山志六卷

〔明〕周應賓撰  
湖北省圖書館藏明萬曆三十五年張隨刻本

..... 一六三

續刻麻姑山丹霞洞天誌十七卷

〔明〕左宗鄧撰  
北京師範大學圖書館藏清康熙五十六年瀧溪晚樓刻本

..... 三〇五

嵩書二十二卷(原缺卷十七)(一)

〔明〕傅梅撰  
故宮博物院圖書館藏明萬曆刻本

..... 五二一

齊雲山志五卷

〔明〕魯點撰

北京圖書館藏明萬曆刻本

附《四庫全書總目·齊雲山志

五卷》提要

齊雲山志序

白嶽雲巖舊有志草草不足以  
備勝覽惟我

先師許文穆公序之藏諸祠官  
未付梓文獻無徵豈必異代為  
然乎不佞叨令茲土四年間登

嶽凡十有六日六十有六日見  
道士身矣己亥仲春同年程廉  
侯邵明仲張以言偕遊焉以志  
屬不佞遂搜得先師遺序詳載  
其言之云志之不可以已也公  
諸生時讀書於雲巖謝執政歸



復登覽故丘老焉竊惟我

明興二百餘年金陵西六郡以文

章貢

皇猷拜執政者公一人猷之降神

豈虛語哉成公未竟之意不揣

固陋損益其舊志認為編輯藉

齊雲山志序

丁生惟暄以舒董厥成亦草創

云爾如其潤色以俟君子

萬曆己亥端陽日

賜進士文林郎知休寧縣事臨沮

魯點撰



邑下丁熙化書



齊雲山志序

王者在宥望山川而徧羣神由虞夏以來封禪云亭之趾何可勝數要以天時久而始興地靈閔而後顯氣化人事畢輾而奏纂隆夫非天庥帝貺符瑞自然之應乎

高皇帝肇造區夏貯鑾萬室

齊雲山志序

成祖靖難北服有冥助順于是祗奉太和之祀赫著域中齊雲山屬徽郡東南一喬嶽也由宋未有

玄帝行宮在焉

世廟中興以謀禱驗于是祓而望拜遣祠官至山告禱如儀間歲屢至尋出內府錢幣作宮觀增廣壇場

鳩繕庀緝和于前勸吉王昭格迪  
隆天造遐不煌、煜、燿于統精  
我山故未有志于時柱史莫公如  
士持節巡功竣屬休承方君萬有  
及不佞國黃進士雲龍吳博士子  
王詹吏部景鳳志之草甫就而未  
及行後二十年而司馬汪公道昆  
自潤歸屬門士黃生天全志之草  
再更而未及就掌故者病焉又十  
年而  
今上御極蓋嚴神人之祀遣官祀如  
世廟禮十方士人奔走祈禱不下太  
和宮殿精舍亭榭之設月增而歲  
飾蓐煥儼翼視前十倍勝矣歲癸

己余謝政歸而謁  
帝程生洎吳生文璧往山中羽士逆  
余嶽麓既禮  
帝畢道紀程天寧提點汪時章金輔  
經帥其徒侶稽首而告山之有文  
字自先少師公秘署雲巖始山之  
有紀載自少傳公嘉靖志始乃今  
遍志通亡方冊何在往屬滇幕君  
族子璣概舉而臚列之志草略具  
殺青業竟退故實而補缺典儻然  
邀  
帝君之靈惟少傳公序矣不佞唯、  
齋雲之樓  
帝真久矣測野在牛斗之墟而虛危


之宿值焉清澍扶輿磅礴百餘里  
其峰巒崖壑泉石洞梁之勝環障  
奇怪千億不可名狀居然與太和  
埒蓋太始氏之所判澄凝匹溟渤  
者也夫以封禪告成之主凡七十  
二家而混沌結繩者且半之至于  
今而後膺封祀名海內豈天之愛  
道地之為章俟時而不取遽我是  
亟宜志也已余獨靳夫今之崖壁  
鑲題且遍而無舉宗以上者志于  
何有程生進曰桑扈氏之水經微  
載之作者或待素焉又靳夫海內  
之士梯航呼籲接踵茲山望著慕  
而即若素神所從妙者志于何有

吳生進曰此以其神神彼以其人  
神無方無體人神合矣不佞通領  
之善矣夫人之謬太史公也近有  
一武當而不能舉何論齊雲又烏  
覩所謂崑崙者乎甚矣齊雲之山  
志之不可以已也揚育時之隆大  
帝居之貺彰山川之靈進之則討曩  
昔幽之則嚴禮樂細之則拾遺佚  
作者之善物備矣匪直畿輔黃圖  
之光  
聖天子恭默昭假之化所施及隆遠  
哉衆曰善乃屬諸羽士載之  
賜進士光祿大夫柱國少傅兼太子  
太師吏部尚書建極殿大學士知



經筵起居注總裁

會典郡人潁陽生許國誤



同郡後學子劉然書



齊雲山志序

海內名山以岳稱者五蓋先王執  
冒明堂集玉帛取五方中道輻輳  
道中氣亦和陰陽不煩涼燠維時  
外是奇嶼絕巘雖滿輿圖祇供玄  
覽勝臨為墨卿騷壇解頤助耳新  
安幅負千里六邑皆環山以居名

齊雲山志序

一

疏六水實滙一溪敍藝神點績比  
隣它郡獨吾休控歛上流中居五  
邑故測景在中圭南風氣融結繞  
蛇昂霄金水去之曜麗而不輒木  
火削而不剝鍾於人產於物本一  
類從俗尊質雅其民馴奉官師如  
神明其士大夫即高誼峻節雄文

邃學悉出之和平而軌於道所鍾者然也齊雲山又在休中域前襟溪水上透率山率山者山海經所載蠻山也為江南隩區臯祖古尊三天子都即此若黃山大鄣皆其衍脉一再衍而為齊雲圖經號白嶽號中和山曰岳曰中和旨可測矣按圖綴異殊態肖生更僕莫能殫述山之闢代遠不可攷上有玄帝金像相傳百鳥銜泥成者威嚴奪人目宋朝觀宇薄廬厄於爵攸明興稍稍增羽衣構椽頂禮遠近禱雨禳癘徼禎祥立應如響猶未盛也

肅皇朝以禋禩叶吉勅建鼎新沉檀雲翦銍磬霞翩鐘鼓殿堂齋室几閣與高高與下下遍滿岳麓間而霽月涼颼道流敲磬步虛聲或隄嶠嶼奏絲竹韻度嵐煙飄飄然僊界拒掌見之余嘗避暑於捨身崖得其槩第意蹄岑眉睫無為河伯笑乎及結綬遊江右登匡廬又遊川西登青神登三峩其崇峻宏巨固什百千萬而廬之五老峰青神之香爐峰哉之天門洞不能埒齊雲者亦什百千萬豈非清泚中和之氣端貞渾璞不競巧而巧勝不恃大而大具必有莫

之為而為之者耶山故有志近百  
季無名公華削蕪冗不倫舊輯且  
散逸邑

魯侯子與先生政治人和慨從諸  
搢紳所請稽故徵新不數月而志  
就為卷凡若干余時過里社侯屬  
以序亡何奉

齊書山志序

勅入四明視海其侯亦以民部

內召余同門友人邵明仲移書千里  
討諾責其何說之辭余惟明仲讀  
中秘書卧遊海島蓬瀛奚啻靈岫  
願授簡於剡說之天

魯侯濟古楚才中牟婉蹟休民社  
倚藉者甚遠特寄興於介丘安足

當雲夢洞庭一瞬乎然召伯之公  
也詩人思以甘棠

魯侯之去也甘棠在志志存則澤  
存齊雲千古不磨侯之德亦不磨  
矣或曰侯嘗言官茲土以不德累  
吾民柰何神茲山以德累吾民夫  
神拯民灾貽民福錫羨無方累之

齊書山志序

五

為言何也冠蓋秘祝至止郡邑借  
聲或以名入或以利入匪獨累民  
亦以累官有味乎言之哉侯將藉  
此以表

大神靈貺明德惟馨仰不可褻歟不  
可假睹方岳而憶玉帛鏗鏘如臨  
頤中和而思義匪軌於道詎敢升



中此侯之所為志也若第以圖經

文字詩賦為茲山哆口必不然矣

賜進士嘉議大夫浙江提刑按察司

按察使奉

勅巡視海無兼理邊儲前兩奉

勅整飭杭嚴兵備督理江西清軍驛

傳副使邑人范涑撰

齊雲山志序

六



己亥中秋月程尚賢書



齊雲山志序

齊雲山距邑西三十餘里其巖

巒泉石之勝聞天下迨

世廟時以謀祀響應鼎新宮殿

命官掌祠幾与太和山埒海內

播紳士未禱者無虛日率由治

以達山輪蹄相望於道山之為

齊雲山志序

吾休重也所從來矣夫山雖稱

奇特塊然一堯石爾乃磊落洞

達撐霄拄日負彼竄拔不凡之

質以靜峙於幽閒廣莫之區初

何意

帝時崇隆其間而奔走天下

為也山不期於神而神自棲焉

神不期於人而人自至焉余諦  
思之始而疑繼而悟終恍然而  
失大都悠々塵世觸景成迷洎  
後風波動皆業障惟明神託  
靈巖山与賢士大夫不遠千里  
而遊者盖二懷出塵之標覺迷  
途之誤當波流風靡之時冀一

奉書志序

十

置身清虛雲物之表以脫徒業  
障視山之塊然靜峙同一無象  
於世也然山以神著神不負山  
人以神玉神其負人耶感召  
稷祥捷如桴鼓祀典良足徵已  
吾

邑侯魯公蒞休逾四年所清淨

寧一如一日若深有所得於巖山  
之趣而布諸政者以可謂不愧  
山靈矣今陟且去尤亟以志  
為後其品槩可想見云

萬曆己亥仲夏之吉

賜進士中憲大夫福建泉州府  
知府邑人程朝京謹

奉書志序

三



里人江大同書



刑厠氏黃奇

齊雲山志序

余觀漢郊祀志述昔王者受命而興多主封禪云此其說昉於書之岱宗詩之喬嶽中間并叙七十二家雖涉荒唐而名山勝槩藉以耀當時誇後世者實惟天子寵靈之而志書紀載之也志之不可以已也如是夫吾休齊雲一山離城舍許為新安之東南鎮嶽高曠遼邈周圍綿亘數十里其上之重巒疊嶂奇崕怪石清泉流澗絕勝不可殫計而約其大都石天一門五老諸峰擁護前後爐峰特偉中立拱揖

玄帝之居天造地設與楚嶽太和相表裏歷趙宋以來水旱禱祀輒應然尚闕而隱也迨我國朝

世廟祓靈

聖祖誕生裡祀始崇嗣出少府錢遣官賞奉山命將作構室宇而神居益廓樓臺亭榭丹雘日新四方士女頂戴焚香道路不絕游人騷客鐫題歌詠金石為徧廼茲山之靈遂以大顯余家白麓去齊雲甚通未第時常讀書山枿每呻吟暇偕同儕共相登眺見昕夕之際烟霞吞吐旋出



旋沒日月虧蔽倏雨倏暘變幻  
 千狀鄙衷灑然塵慮頓釋歸從  
 道士索志為睹印心所懷顧道  
 士應以舊志殊草艸而新志先  
 年欲脩自許少傅公迄今未成  
 刻也余頽首而嘆謂誠闕典哉  
 今幸魯令君來蒞邑四年所政  
 寬民和遠近咸德之而以其公  
 餘脩飾志稿捐俸刊布賴余友  
 丁以舒校正余與令君前後同  
 出先師少傅公門喜令君有以  
 成先師之所未成也敬謝不敏  
 用為之序

賜進士文林郎巡按直隸監察御

史邑人汪先岸譔



里人金文泰書



齊雲山志目錄

卷之一

藏圖

山水

宮殿

關梁

物產

田賦

名賢

道士

高僧附

卷之二

建置

詩文附

祀典

命使

奏疏

靈應

卷之三

宸翰

勅命

御碑

藝文

傳

贊

碑銘

賦

記

碑文

頌

疏文

表

會紀

卷之四

宋

古詩

律詩

元

律詩

國朝

五言古詩

七言古詩

五言律詩

五言排律

五言絕句

六言絕句

七言絕句

卷之五

國朝

七言律詩

七言排律

齊雲山志卷之一

知休寧縣事南漳魯 點子與 編輯



署儒學教諭崑山顧懋宏靖甫



儒學 訓導冊徒吳 半蔓之


國子 生邑人丁惟暄以舒 校定

嶽圖

夫仙靈所窟宅三神山遐哉海之上矣白嶽  
之爭奇雲巖之競巧玄君宮焉亦曰海陽信  
夫此造化工也邑人丁雲鵬圖之有妙有之  
趣冥搜玄覽者亦按圖可遊乎志嶽圖













山水

按休寧封域鄣山左麓也山峭厲水清激惟

白嶽臨漸水為余楚玄嶽副他山不敢望焉

惟嶽降神生甫及申天之將雨山川出雲應

禱如響也有自哉志山水

齊雲山高五百餘仞許自幸山麓巖壑結連百

屏其後初山以齊雲名焉黃山當其前趨千壑

奔匯白嶽山東麓西點水帶麓萬嶽迎趨千壑

飛瀑石龍仙講堂太山南十里如衛諸峰流碣石北

十里石萬壽山樹園高在南洞中南山與岐

獅子山在宮西三里屏茆山在宮西三里象山

即其鼻也天門鳳峰屏茆山在宮西三里象山

輦輅峰石壁峭立屏列如碧霄峰切許常隱見

震中玉屏峰翠巖如屏鐘峰左鼓峰右香爐

峰時立當陰前高二百仞許絕不與群山相

至夕風雨自五老峰門外插劍峰巖右展旗峰

武左仙人峰南山天柱峰三百仞高拱日峰

後石笋峰山西五里駝駝峰巖前展誥峰巖上

天衢峰亭上喬松峰望仙峰亭有照壁峰

凌風中和峰亭有隱雲峰白嶽峰亭上獅子

峰西三里獨聳峰西三里鳳峰西三里印峰

門西三里姑峰西三里五鳳峰西三里印峰

聲柱笏峰北陽山五龍峰天柱人呼之隱陽

門峰聳後西瀛峰奇東北峰十里鵲橋峰上巨

峰嶺上玉女峰特立如華三教峰南三

如道冠玉臺峰峰西輔巖峰高四有延慶寺

燭峰天柱金牛峰北山五雷峰三萬壽峰

獨聳巖宮西高三百仞頂有池深莫測常有金

出神大境宋初時有寇結寨圍剿今無存

石門巖有東門內元和中密多巖有安多院

黑虎巖虎文品如左石崖間退思巖西接真巖

仙鈴巖崖外館中有與聖祠初觀音巖一舍坑

虎嘯巖亭下忠烈巖真文昌巖河左留雲

巖在華月巖天升上遠望石錦通佛巖北

石橋巖立橋外理遠有九巖峰萬鼓峰白龍

出上石龍巖峰下有石橋院圓通巖巖右滴

水巖觀音巖左梧桐巖東二十里懸崖可通

舞有雨巖仙在望竹子巖巖南道德巖巖上

石門希真巖石如龍巖甲兒然深八二十

佛祠有雨巖仙在望竹子巖巖南道德巖巖上

**紫霄崖** 餘仙勢缺壓過之者足未涉而氣已攀  
**捨身崖** 住左松崖之側深百仞許俯視絕人  
之曾異  
**雪崖** 樣真上楠崖下石門竹崖左松崖右  
**龜石** 銚石接盧危陡中交棋枰石在仙人宮  
**獅石** 山麓港羊石凌風亭工車盤石一在整  
一在松  
**金鑒石** 亭中和鰲石雲水太平石亭下金  
月亭在上  
**鷄石** 巖白鸚鵡石燦燈其中完若有眼夜雲  
**座石** 石門上無睡仙石山嶽咆哮石棚前楠  
**石東天虎踞石** 天泉中立石壁立如屏丹隅  
**藥窠石** 五老峰背昔有異人居此  
**石驚鳴** 在望仙石壁鳴花潤華林塢燕霄栖霞  
**塢** 碧霄下淡竹塢峰西桃源塢桃花  
**飛昇臺** 拾月初仙臺在卓星臺在神凌虛臺  
下七星臺斗壇飛鶴瑤臺道院思恥臺  
**點川** 西來帶黃江潤之子峰南山桃溪桃嶺藕坑  
文會黃川嶺出乾溪溪入點川戴溪出  
**渠濱** 山南太平嶺出漁溪資水會渭水藍渡  
上接點川通荆楚下可直抵山麓  
**雲龍潭** 水面天比潭珠簾下為碧蓮池瀝此為

宮殿

夫崇表福區廣神仙之宅導道德之風所稱  
銀宮金闕丹臺碧洞者蓋在人間矣齊雲觀  
浩劫今稱宮金碧與日月爭光九殿閣亭院  
之屬星列焉巍巍乎玄都靈境也志宮殿  
玄天太素宮在華轡玉屏峰之下上有凌虛臺左鐘右鼓前香爐諸峰淨樂  
宮在桃三元宮在紫陽玉虛宮在紫霄天乙真慶  
宮在玉虛治世仁威宮在玉虛宜男宮在月無量  
壽佛宮在紫霄應元宮在靈官  
寥陽殿在紫霄興聖殿在紫霄  
玉皇樓在紫霄飛雨樓在紫霄戴霄樓在紫霄  
雲樓在紫霄晨夕樓在紫霄悟真樓在紫霄摘星樓在紫霄  
樓在紫霄通明樓在紫霄紫微樓在紫霄拱極樓在紫霄拱  
中在紫霄紫微樓在紫霄拱極樓在紫霄拱  
宸樓在紫霄正心樓在紫霄含章樓在紫霄南極  
樓在紫霄視遠樓在紫霄  
清虛閣在紫霄凌虛閣在紫霄東明閣在紫霄黃  
庭閣在紫霄三官閣在紫霄冲虛閣在紫霄  
秘玄閣在紫霄玉虛閣在紫霄通玄閣在紫霄

真真石室在大梯 小壺天石室在延 卧龍石室在延  
 雲崖館在真 初仙館 松鶴館在宮 玉屏仙館在延  
 延慶寺在真 石門寺在延  
 朝真亭在真 橋西亭 雲巖亭 第一仙閣亭  
 環峰拱秀亭 登高亭 中和亭  
 風亭在真 白嶽亭在真 瞻敬亭在真 松  
 月亭在真 海天一望亭在真 雲  
 水亭在真 漸入仙閣亭在真 溪山  
 第一亭在真 望仙亭在真 桃源洞天亭在真  
 步虛亭在真 離龍坎虎亭在真 玄都亭在真  
 紫雲亭在真 更衣亭 來鶴亭在真 松鶴亭在真  
 浮雲亭在真 五老亭在真 白茅亭在真  
 五鳳亭在真 太平亭在真 白嶽亭在真  
 林亭在真 憩息亭在真 授經亭在真 通真亭在真  
 天下第一名山坊在真 白嶽中和山坊在真 御建坊在真  
 忠烈坊在真 天門坊在真 衆妙之門坊在真  
 天寶坊在真 日華坊在真 玄天金闕坊在真

坊	左	右	西
簾霄	治世	仁威	天門
虛下	坊	坊	坊
	宮	玉	在龍
	右	虛	弄精
	迂	聖	王
	坊	坊	虛
	開	前	簾霄
	蓬	萊	天
	洞	天	乙
			真
			慶
			坊
			虛

蘭梁

粵惟青牛度關西來之紫氣邈矣若藍橋王  
杵遇亦奇哉雲巖之為關者橋者紫雲最勝  
天中則天然石梁詎云隔兩塵乎徼山之靈  
庶幾旦暮遇之志關梁

第一仙關

雲龍關熱霄崖上風虎關熱霄崖右紫雲

關左換五老峰右換三姑峰去里餘有授經亭過此關至石橋亭勝蹟幽閒不可窮

迎仙橋

夢真橋在壺口上 鵲橋在桃澗外 如蟬在石上

朝真橋

坊中  
下和  
東亭橋  
山鄉  
麓子  
藍渡橋  
里東  
程下  
篁二  
墩十

*[Illegible handwritten text]*

明倫彙編  
家範典  
孝行典  
卷一百一十五

為記觀前  
石橋

漢水如帶遠近而東  
中  
天橋在岐山舊名石

橋  
來  
仙

橋花在砌挑水雲橋亭雲下水登封橋麓在東白巖點

之月  
托之  
練要

津也最高處望  
紅也悠然延佇

六亭市

橋本市 橋本市 藍渡市 渠口

物產

夫瑶草青精紫芝珠樹採大藥者稱焉蓋山	川之靈烟霞之氣故不為塵土生也或曰心	有荆棘則交黎火棗不見試問山中許道士	即人間長史與彼不與此厥旨微矣志物產	穀有仙稻 <small>此山田宜早稻壟種山壟不用水山粟二種</small>	魯粟 <small>其穗如桑喬麥作粉食黑粒黍似粟而黃豆</small>	赤豆 大麥 小麥 芝蔴 山芋 蕨粉	蚕豆 六穀	菜有白菜 芥菜 菠薐 葵 藿 甜菜	莧菜 蓬菜 芹菜 蘭菜 薑菜 木耳	蘿蔔 茄 金瓜 乾 葫蘆 扁豆	木 <small>有楠</small> 當來 天門 大可 藏牛 根盤 石生 枝葉 如	蘇 <small>雲時</small> 相 手 植 於 古松 數十 株 勢如 虬	花 <small>真種</small> 如 葉 在 旁 葉 前 道 會 方 橡 中 有 可 腐	楓 梓 檀 桐 梧 桐 槐 楓 株 杉	棕櫚 水楊 桤 木樨 榆 蒼栢	菓有梅 枇杷 山櫻桃 白菓 桃 李	楊桃 榲桲 棗 栗 橘 山核桃 杏	梨 山荔枝 郁李 松子 蓮藕 葡萄
-------------------	-------------------	-------------------	-------------------	---------------------------------------	-------------------------------------	-------------------	-------	-------------------	-------------------	-----------------	--	--	---	---------------------	-----------------	-------------------	-------------------	-------------------

竹有茅竹 <small>味中用製凡山竹長幹節節有粉</small>	慈竹 <small>用製竹味苦竹葉非竹葉而實竹葉</small>	時 <small>熟竹</small> 葉清 箬竹 幹小而實葉大而實生	家爭如大麥未採食 淡竹 方竹 金竹 四	季竹 觀音竹 鳳尾竹	藥有胡麻 金沸草 柴胡 全胡 半夏	南星 麥門冬 天門冬 苦參 七葉黃	荆 皂角 黃精 地骨皮 五加皮 茯	苓 山藥 瞿麥 薄荷 芽茶 山柏皮	菖蒲 龍膽草 希仙草 桑白皮 寄生	草 瓜蒌 金銀花 七葉一枝花 山當	歸 仙茅 獨腳蓮 草烏 香附子 山	地黃 益母草 金星草 活命草 仙人	掌 術 大小薊 金絲荷葉 耳草 百	合 山查 石乳	花有石菊 <small>秋開香遠時幽蘭葉生玉簪葉圓花</small>	如仙桂 <small>秋開香遠時幽蘭葉生玉簪葉圓花</small>	曆八九月水仙 <small>葉常綠如蒲一莖一葉似開通土石</small>	中摘烹飲 山棠 海棠 山杜鵑 萬年松	又名黃花菜 山棠 海棠 山杜鵑 萬年松
-----------------------------------	----------------------------------	-------------------------------------	---------------------	------------	-------------------	-------------------	-------------------	-------------------	-------------------	-------------------	-------------------	-------------------	-------------------	---------	------------------------------------	-----------------------------------	--------------------------------------	--------------------	---------------------

1. The first part of the document is a title page. It contains the title of the document, the author's name, and the date of the document. The title is "The History of the United States of America". The author is "John Adams". The date is "1776".

絲五忽



地稅○舊杆業地玖分柒厘伍毫○今山門神

基殿址道房亭庵園坦荒蕪下地共計叁拾

畝玖分柒厘叁毫叁絲

塘稅○宋杆業獨聳塘今新塘共陸畝玖厘叁

絲

田地山塘共計貳佰伍拾柒畝捌分肆厘零陸

絲伍忽

夏麥伍石貳斗有零

米壹拾貳石貳斗有零

舊志卷之二

賦

五

李太白詩云地遠名賢好不其然乎登嶽而

討往蹟誦氣陽之佳句莫不有儒雅異代之

思焉我

明諸名公皆氣陽之徒也接踵而至者茲嶽之

靈信有徵哉志名賢

宋

朱晦菴先生諱熹郡之婺源人徙閩建安煥章

閣待制侍講領鴻慶宮祠謚曰文追封徽國

公從祀孔子廟庭曾遊雲巖石橋巖舊志雲

舊志卷之三

五

谷子五言詩一首即晦菴先生也

程洺水先生諱玘邑人宣奉大夫權吏部尚書

端明殿學士贈特進少師以道士余道元請

題雲巖二字刻于石

明

程篁墩先生諱敏政邑人翰林學士禮部侍郎

贈尚書有齊雲巖記道會徐秘元藏之未刻

郡司理蜀人張鵬立石書碑陰

王陽明先生諱守仁浙江餘姚人兵部尚書封

新建伯謚文成倡道東南明良知之學正德

閑游雲巖左司馬汪南明公文昌閣記特表章之

湛井泉先生諱若水嶺南增城人南兵部尚書謚文簡嘉靖初遊雲巖群新安士子講學于石橋巖之天泉精舍刺心性圖說於巖洞之壁

鄒東廓先生諱守益江西安福人南國子監祭酒贈禮部右侍郎謚文莊嘉靖中遊雲巖新安士大夫從之遊講學廊巖題能者從之於中立石

羅念菴先生諱洪先江西吉水人翰林院修撰潛心理學晚年訪冲舉冊訣足跡遍天下名山嘉靖間遊雲巖

耿楚侗先生諱定向湖廣麻城人戶部尚書前南直隸提學御史嘉靖甲子登雲巖群諸生講學三日而返題思耻臺於中立石

許穎陽先生諱國欽人大學士少傅贈太傅謚文穆為諸生時讀書於雲巖致政歸復遊焉汪南明先生諱道昆欽人兵部左侍郎致政歸頻遊雲巖建無量壽宮有贊有石橋巖銘若

記若詩多著作為雲巖增勝

徐魯源先生諱用檢浙江蘭溪人太常寺卿萬曆丙申冬遊雲巖諸生從遊講學於棚梅菴及古城書院熙舊從門牆又躬逢其盛矣

夫有道之士皆能鶴骨松貌泉停谷虛列名  
於丹室然不數見也茲山之幽奇有道者潛  
遊焉不可踪跡於唐得一人而已有功行者  
勿論出家在家并錄之志道士

唐龔棲霞 乾元中名籍無所考抱道絕俗  
宋余道元 石門谷子不知何許人寶慶間遊至

馬陳惟一 相休本里居士寶慶間遊至

金士龍 休市元里居士寶慶間遊至

蕭潛淡 休市元里居士寶慶間遊至

葉元鄭 休市元里居士寶慶間遊至

國朝汪以先 休市元里居士寶慶間遊至

先年秋與鄉道三入協加其志鄧道

瞻先休黃川人源發永樂特以許道

永胡守中 休市元里居士寶慶間遊至

秘元 休市元里居士寶慶間遊至

年八 休市元里居士寶慶間遊至

汪泰元 休市元里居士寶慶間遊至

應公 休市元里居士寶慶間遊至

泰公 休市元里居士寶慶間遊至

清公 休市元里居士寶慶間遊至

王公 休市元里居士寶慶間遊至

之公 休市元里居士寶慶間遊至

雲公 休市元里居士寶慶間遊至

元公 休市元里居士寶慶間遊至

陳鑒相 休市元里居士寶慶間遊至

黃渡清 謝浩寧 楊建寧 胡瑞寧 鄭  
華寧 呂永寧 吳伯寧 朱齊寧 汪軋  
寧<sub>經書</sub> 汪用章 已世經 朱鳳經 汪新輝  
已高經 洪鳳書<sub>休邑溪人號雲屏</sub> 金一龍 呂正賢  
真人府知事汪椿清 汪汝清 吳繼寧

明	宋
無	昕
有	崇
拓	杜
我	昱
當	記
然	中
火	梅
食	潛
	記
	即
	此
	人
	印

明無有德獨峯巖但食

和

養正堂主人

卷一

年

史 231—29

齊雲山志卷之二

建置

按齊雲石橋二巖皆麗白嶽僻在萬山中晉以前草昧而已鬼神蓋秘之也唐宋漸著我明德隆盛山嶽效靈不封禪而宮崇之瑞雲靈跡其待時而顯者耶志建置

唐元和四年歙州刺史韋綬建石門寺於岐山

石橋巖○宋杜昱記畧 韋公綬持節領刺

史本州一夕夢古貌僧造公長揖曰特來相

訪公曰住何所僧曰郡休寧縣石橋巖公既

齊雲山志卷之二

建置

一

寤迄旦問諸左右索圖經視之縣西三十里

有岐山石橋巖巖下有石室深廣數十丈可

容數百人中有石講堂佛像遣人按之一如

圖經所載乃輒俸建精宇其他鐘鼓什物具

足有僧本立遊歛造公以石橋巖焚修為請

公欣然命往焉山下人胡則為施財補所未

完卒為一方勝地光聰續住至今山主行所

即第八代法屬遂書本末托黃居士請予為

記余方知此巖因事所興後居是巖者無致

忽焉○邑令鄒補之詩 吾家石室爛柯山

空洞虛中十畝寬此處石橋渾畧似只消一

局片時閑○紹熙癸丑休寧縣丞李龜年行

視塘塢因過岐山石橋主簿黃伯華繼至同

宿山中李龜年詩 石橋橫空勢穹然虹霓

夢拱正不偏乍觀牀底月生晦光明透微團

圓天下来詎止容十客上廣還當度群仙丹

厓翠嶂開左右凌霄蔓絡開鮮妍橋西一柱

屹孤聳誰斷鰲足撐清圓巖前石佛金碧眼

相妙形軀皆石鑄可憐屋不蔽風雨殘僧無

力營修椽常侯建寺感神異舊碑所載元和

齊雲山志卷之二

建置

二

年我行塘塢到幽谷恍疑身在天台巔雖無

玉澗乳深壑諒有寶鐘鳴遠煙薄公邂逅同

勝賞山靈相與非無緣行瞻坐睨意忘倦夜

深各就東窓眠粥魚催粥下山去稻花滿路

風翩翩○嘉定乙亥邑令池陽王東詩 兩

山環合勢相迎中有修梁石幻成天地既能

開此秘我來識面勝聞名○休人趙幾詩

橋上速行踪橋畔安禪室嘗記山中人神交

一千石世慮蟻旋磨浮生駒過隙不尋橋上

行沉淪真可惜

宋乾符元年建蜜多院於白嶽山南○沙門如

**覺**記畧 休寧縣西四十里有梵剎曰蜜多

乾符元年建置雲林深邃遠去井邑氛埃樓門崢嶸高倚翠巖丹嶂昔傳靈異洞中開千葉碧蓮今謂幽奇峰頂挂百尋飛瀑且茲精舍唯有佛祠乃皇祐中前住持僧惠周所造也歲月綿遠棟宇傾隋僧道政重建金仙如未寶殿一座絲繪漆飾募信人財同成佛事創始於紹聖二年季夏畢工於五年仲春歷唯宏敞頽極莊嚴

建軍

三

寶慶丙戌方士余道元初建佑聖真武祠於齊

雲山丁亥少師程泌題雲巖於石○余道元

記畧 古歛點山軒轅昇舉之地南百里有

山曰白嶽巔曰齊雲齊雲面眇丹臺點巖旁

挾獨聳石門地氣之最秀者學仙常居此道

元未遊以潛師印記宜我室此遂謁地於金

君安禮士龍慨然樂予解居士陳惟一同志

遂於寶慶丙戌蘿草結茅既成內翰程公遺

以雲巖二字山川草木自此添鮮碧矣噫乾

坤不老此山與之不老此山不老則泓水公

之書與之不老故自今至止以暨後來咸得與道同昌者合思其誰之力云

丁亥居士金士龍徙居中和山結草庵於獨聳巖下三巖田悉歸之

乙丑佑聖殿災真武像如故居士葉介夫金士龍重修之并建兩廊樓成

淳佑己酉大水石崩丸解真武像如故庚午葉介夫程大有胡大祥建三清閣四聚樓○侍

即程元嶽題水位之精於殿前壬癸方石池以鎮本山午火也銘曰靜而能定繫不可污

建軍

四

中藏龜蛇上應虛危

咸淳丙寅朝廷下嚴賓之令始鑿殿基四至立

冊印押築牆石限之里人朱經畧孫一鳳金

道大胡道清胡晉龍翕然捐田畝以備洒掃

之需

德祐乙亥葉介夫重建佑聖殿○金太鏞記畧

或曰泰和之山真武開跡之所中和之山真

武寄跡之所雖大小不侔而棲真降聖迥出

塵表風雲神異其理則一茲山自宇宙來氣

靈秀鍾隱顯固有數也不有神人指之於先

諸君子述之於後終秘於烟霞之隅今固為  
萬載祝聖之道場矣葉介夫一柳善士老於  
文學不慕聲華由是聞雲巖山房一憲著述  
如治安龜鑑藥石等編自號雲崖山人予方  
替叅沿海制閩王事靡鹽雲崖脩述顛末不  
遠千里請予記他日或扶杖而登茲山雲崖  
必無逃予之足音矣

明永樂庚子邑人汪以先道士鄧道瞻募修石  
路開齊雲觀開化方士欽偕其兄鼎來問道  
於以先遂師事之

宣德己酉汪以先建三清殿上真西廡

乙卯鄧道瞻方士欽募善士汪五老方周祐  
撤上真殿新之○程富記畧 點聖丹漆與

然可觀神座作九鳳丹霞之宸侍衛列十大  
天神之儀及夫半山懸息之亭旁護以碑甃  
神愈開揚四方來禱者日絡繹不絕履茲道  
之康莊觀茲宮之壯麗殆有過於前矣吁盛  
衰興廢維關乎山川氣運實亦神靈假乎人  
以致之予奉誥南還適值落成士欽踵門道  
其已與師以先及道瞻創就之由燕夫施貳

君子之名謁予記之姑綴此鐫諸石以為後  
之嗣聳者勸

弘治甲子修天門抵天梯嶺石路及巖洞之役  
至正德甲戌告厥成○吳渾記畧 宋有天  
谷子居茲以開雲巖之基今汪泰元架水憑  
崖書真仙洞府四字鐫於巖壁洞中景一新  
其一道德巖其二圓通巖其三真仙洞即羅  
漢洞也其四水簾洞泉出其巔前有碧蓮池  
其五文昌巖由天門兩抵天梯嶺悉石道夾  
護闌干自弘治甲子抵於正德甲戌十有一

年而巖洞之役始告厥成噫夫山一拳石之

多巖洞之幽石門之勝礪峰之奇則武當之

所無也試約兩山之靈將伯仲之茲山潭洞

能致雨以救旱為民福甚遠宜書之為証

○汪維羅漢洞詩 高僧已出世古洞白雲

深坐我月明下猶聞清梵音○方漢珠簾洞

詩 千峰萬峰彩霞生獨向碧霄崖下行人

間六月苦亦早坐我珠簾聽雨聲○李汛詩

古洞疑龍宅雲深不可遊水崖晴亦雨石

榻夏如秋新月鈎初上輕烟懶不收珠簾中

至久風露入五細○陳鳳梧碧蓮池詩

和嶽頂鬱蒼蒼海內人稱小武當黑虎巖前

風欲散碧蓮池畔雨猶香空中樓閣澤飛動

巖上仙人正望洋羽士譚玄更深夜只疑身

在紫雲傍○胡宗憲石楠詩 亭亭玉樹托

雲根仙子移來掩洞門疑是柳梅更幻化山

靈呵護至今存

正德乙亥道士汪泰元建玉虛宮於紫霄崖○

李汛記畧 齊雲巖之西三百武有飛崖曰

紫霄道人汪養素即其下為闕者一為宮者

二為坊者三祀玄武之神為樓者五為庖者

二以自棲崖上飛泉分注左右角為池池上

作鍾鼓樓為二司晨昏也鼓樓之右風虎闕

鑿天衢二十六丈起星臺於挿劍峰鍾樓之

左雲龍閣鑿天衢百二十丈築雷壇於展旗

峰閣之外作巨門與東石門對為觀之左輔

馬華林塢種果樹數百株鑿塘墾田為住崖

香火之貲皆非常之劫工始於正德十年乙

亥孟春訖於嘉靖二年癸未仲冬蓋積十年

所募而克就焉落成之明年遣其徒方瓊真

未鏡山請予登覽遂偕孫生汝信往焉巖多

佳亭輒相坐談終日抵觀則已夕矣酌數巡

訖卧晨起昇上浮雲之巔側視崖霧瀟然如

湖波海濤所謂宮也殿也樓與臺也隱隱半

露若蜃氣所幻頃之日出烟消棟宇盡出竄

鏤壁琢煥然丹梯翠岫相輝予指索耽石戲

曰此非屢與皆相顧大笑夜卧仰視覆魄悸

不能寐起憑樓檻萬壑風號如雷頃更寂然

惟聞屋水瀉下濺濺如碎玉聲夫山中晦明

之變倏忽不同如此殆詞人畫史不能寫也

今為養素有矣○馮世雅詩 仙人騎虎雲

中行手拾瑤華琰玉英欲捫星辰辨吳楚

霄峰頂坐吹笙○黃訓飛雨樓詩 偶謁齊

雲殿初登飛雨樓未須誇虎跑端可匹龍湫

璦蓋自在地珠簾不上釣坐來嘗一盞洗却

十年愁○朱邦詩 巽巖偃日洞光微碧落

晴池看雨飛旦暮涵浮雲水影誰同觀幻靜

山扉○方靈詩 吾友少谷耽山水為我每

道龍湫美六月飛泉洒石崖遊人冷氣透骨

隨自恨平生欠此緣夢魂常在東甌裏昨侍



巖君白嶽來山中雲物真奇哉泰山靈巖有  
予晴每觀眼界無崔嵬信宿乃轉西降陁但  
見樓閣空中開樓頂不用鴛鴦瓦一片陶成  
天所舍頂上泉從樓外瀉不問春秋與冬夏  
坐看珠簾直垂地卧聽瑤笙遠度坐而師龍  
王亦苦辛青天白日流甘露可憐只注小池  
沼惠之所及數錦鱗安得留為六月用千畦  
萬畝皆回春倚欄一盟三嘆息道士問予何  
所憶我本無憶亦何言呼酒捧翁且酣醉而  
聲歌聲相應春舞羅班衣生瞑色

建淨樂宮於桃花澗

建

建淨樂宮於桃花澗

曹天

記畧

淨樂國

乃玄帝降秀鍾靈一度桑梓之鄉帝承天詔  
父母赴真仙封父曰淨樂天君明真大帝母  
曰善勝太后瓊真上仙居任九霄我

文皇靖難之初感上帝之佑勅建蒼神觀復遠  
所親此太和淨樂宮所由肇也夫太和延鍊  
道衣鉢之時齊雲乃神遊劍籙之寓齊雲雖  
未勅建其洪厓邃洞處處雕祠叢桂繁松林  
林結館莊嚴福地羽儀洞天而淨樂宮尚有  
遺焉贊教楊玄相有斯志亦久矣其徒汪麗

清能嗣其志廣募建斯宮東環聖仙嶺西抱  
象鼻岡背負展誥峯肩峙橫張壁立屏擁面  
迎黃嶽如芙蓉宮下有泉即擬磨針之澗澗  
上有石亦置老姥之亭棟楹宏敞鏤闕參差  
金銀與日月爭輝丹碧同煙霞競彩一壑並  
分齊雲準太和之置兩宮相望蓬萊接圓嶠  
之間永作億載之觀又增一區之勝○孫士  
暉桃花澗詩 得得來尋仙子家瑤林琪樹  
鎖烟霞仙源欲覓不知處流出紅桃幾片花  
○徽州知府馮時雍建新泉精舍於石橋巖之

建淨樂宮於桃花澗

建

建淨樂宮於桃花澗

曹天

記畧

淨樂國

淨樂國

天泉新安諸生講習其中○嶺南湛甘泉先  
生若水講孟子盡心章於此詩示同志 道  
遠訪名山早晚到天泉天泉夫何如天一為  
之源天以一而清泉以一而靈物以一而生

心以一而明明者心之德三才同一極自得  
還自昭天然絕人力此泉君自酌自酌還自  
得中味鮮人知人莫不飲食  
嘉靖丙戌建桐梅庵○鄭佐記畧 玄帝香火  
之盛在均州曰武當在嶽曰齊雲武當有桐  
梅棚體梅實樹至今存特為神異齊雲未之

有焉。本山道會方瓊真以樹梅三樹植之。邑處士金顯寧語瓊真曰：子昔遊武當，謁樹梅觀，私念齊雲亦不可無是道會，能崇成庵宇以張其事，予其任，檀施可也。未幾，顯寧終，子曰琢曰：瓊曰：瓊不敢忘。益弘父志，遂構二堂六楹，疊石為臺，方泉為池，質以黝墨文以冊漆，輝煌之中，神像儼然。然後武當之神異者，又移於茲山矣。厥孫曰鉞，曰鉞，曰鉞，買田五畝入庵，為香火之供，亦可嘉也。遂為之記。

嘉靖己亥 御賜齊雲觀名玄天太素宮除免納本府香錢備本山焚修給護勅○正一嗣教真人張彥頤疏請旌揭福地以昭祀典。本山住持贊教楊玄相賁奏 命下禮部如勅行。

嘉靖乙卯建夢真橋於桃花澗○吳瀛記畧。余家去齊雲三舍而近，余兄惟昭孝友忠信，仰止山靈，對越惟謹。歲乙卯，遽危疾，醫罔奏功。一夕夢玄武名語曰：爾疾須衡石程金購藥，庶其痊。可兄寤驚，無何疾瘳，憶夢登山祇

謝神眷，將至天門渡石澗危橋，因悟神言，於是捐金召工伐石為梁，以濟遊客。

嘉靖丙辰 勅遣高士兼三清宮住持陳善道錦衣衛千戶何景同太常寺寺丞兼玄天太素宮提點朱宗相修真武殿戊午告成。

御製齊雲山玄天太素宮之碑○太常寺丞兼提點朱宗相疏請勅建以隆香火○禮部尚書王用賓議覆照太和龍虎等山並賜重建。

巡按直隸監察御史莫如士題請修建齊雲山真武殿合用物料估計該銀叁萬叁拾捌兩肆錢○工部侍郎雷賀題覆 內府承運。

庫發出欽降銀壹萬兩差進士黃輝領送至山修建真武正殿一添設配殿二鐘鼓樓各一及宮門二重俱用琉璃瓦修蓋金碧輝煌宮闕壯麗迥過於前代武當太和宮之匹亞也○郢中翰林修撰李維禎詩四首 欽。

殿 先朝事祀延司空，將作水衡錢高，謀禮典周原。並太乙祠，仍漢時專，愷繡五文宮，錦色香焚百合，御爐烟小。臣曾典蘭臺史，封禪書成謝馬遷○山光春色總氤氲，欽履飄然。

書成謝馬遷○山光春色總氤氲，欽履飄然。

慶紫雲鐘阜六龍蟠天鳩錢塘犀鳳舞續紗  
風生碧落傳清籥日射金泥落秘文聞道祈  
年多瑞應嵩呼遙祝

聖明君○天門紫氣鬱嶺岷南斗星輝壯斗壇  
鐵笛一聲人跨鶴玉簫三弄女乘鸞峰霞晴  
傍霓裳舉宮樹春森羽蓋團夢裏慈庭垂白  
短祝釐清夜禮黃冠○峯上新開帝宇雄宸  
游千里海陽宮飢稔金爵先拓日樓觀飛塵  
自御風遂使百靈朝萬國休論五嶽視三公  
江南水旱頻封事為謝祠官祝屢豐

嘉靖戊午 勅建三清殿於拱日峰下○巡按

直隸監察御史莫如士疏請改建

建紫雲閣於五老峰側○戴章甫記畧 白嶽

來自岐山二十餘里故奇絕紛競不可悉狀  
者惟西來最勝盤螺並立如去欲番者三姑  
峰也參差俯仰翩聯如向人拱揖者五老峰  
也方平如障峰半踈松行列蒼翠貼嵌丹崖  
如畫者獨聳峰也由是西望諸峰有如劍如  
戟如蓋如鼎者踰二里餘則茅臺嶺麓矣嶺  
麓浮沙穿石小澗清冷漾漾而流五六里則

渠口馬九西來謁神乞靈者惟此路直捷稍  
坦夷予從弟萬清通藉黃冠居山中久乃奮  
獨募之力仗眾姓之貲險阻者鑿之傾仄者  
補之鱗次以石一年而功訖由是架巖跨谷  
建一闕閣外建亭請記於予以紫雲名闕道  
德經之得傳於世者乃尹喜迎禮老君出以  
示之此亭即以授經名之

隆慶丁卯吏部右侍郎陸樹聲修白嶽山路○  
進士王景象記 昔高辛氏以仲春舉高禘  
之祀弗無子以求有子而后稷於是乎生故

其詩曰克禋克祀以弗無子嗣是叔梁迄禱  
於尼丘生仲尼明允亦禱於賦眉生二雅  
是言之禱求之禮感應之祥古今所傳不可  
誣也雲間陸平泉翁舉辛丑禮闈第一人歷  
官翰林祭酒至今吏侍幾三十載生平不愛  
官職不嗜貨利雖心存魏闕未嘗一日無山  
林之思天下皆信其誠而非矯也資用之餘  
周給都盡其殆釋氏廣種福田者乎夫如是  
則翁之德合於神明有素而祝史陳情於高  
禘無愧辭矣嘉靖乙丑翁尚艱於嗣精意神

馳命門人王曉爰禱於白嶽為新安之靈山  
能出靈物不崇朝而雨千里者也其即魯蜀  
之尼城而以高禘之祀祀之豈應於古而不  
應於今者乎果以丙寅七月降生賢胤蘭芽  
蕙茁椒遠而蕃此其基之翁迺指白金若干  
修白嶽山路殆將千弓以便征人以答神貺  
昔象嘗履馬湖見道流張景山以出世之方  
答曰爾能遺榮棄利一切斷念乎爾之所有  
能施孤窮乎能修地捨路乎今之居官率不  
能也神仙至艱庸可冀乎余深悅其言今翁

卷五

史記

七

泊然無欲與世殊科種種修行不著諸相使  
景山聞之當欣然而笑惟神正直惟嶽降神  
生甫及中以慰翁心亦感應之固然也象忝  
附驥尾豚子清爵肄業成均竇翁門人董是  
役者族姪曉之勤為多而爵亦與焉予既嘉  
翁之素履有合於神又喜白嶽之無私仁者  
之昌後以副翁之禱於是乎記

萬曆丁丑年徽寧兵備按察使馮叔吉建文昌

閣於五老峰前兵部左侍郎汪道昆題曰瑤

光庭○歙人汪道昆記

玄君此帝也我國家建都北極與主玄君盛  
德始於北而濟於南二時具在於楚則時玄  
嶽

文皇帝治之於越則時白嶽

肅皇帝治之一以鉅麗一以神奇繫其廣狹不  
同亦晉之於魯也所出同矣夫天象懸衡於  
北斗而居斗口者曰文昌二時故未有特祠  
殆非類於上帝之義也往余有事玄嶽乃始  
建文昌祠祠成業已勒石紀其事及余既釋  
邦政退就父母之邦則以至祀同科胡為乎

卷五

史記

七

獨拙於此會馮使君行縣至余輒以祠議抵  
使君使君慨然應曰司馬有意乎斯文叔吉  
幸得為役顧嶽形皆北鄉諸祠事因之地利  
則然其於方位無當也其西麓出而為阜故  
以形勝面南冠阜為亭亭廢不治要以南觀  
五老左提三姑控二水為隍屬天都若宸蓋  
正位而立獨當一奇建祠便於是檄縣長吏  
發贖金三十斤則以丞劉守復重其成邑人  
奉軍金汝賢為植其制悉出使君部署不五  
月而告成使君則以研屬焉請得如玄嶽故

事適余在疾使君尋以逸秩行及余以下  
謁玄君齋宿祠下既完且美然幾手穠元之  
庭即隕區神畢避三舍矣竊惟

明興以文治治天下寔惟諸臣元輔

列聖而左右之括蒼於越具曰文成斐然並舉  
往余為之揚扈則元美以為不然作者將自  
托為名高惡用兩君子為質余悚然意下不  
佞於是乎失言夫仲尼以身繫斯文本之自  
文王始純德不顯則文王之所以為文即三  
代之英宜不及此今之名世兩君子豈不偉

集賢堂

史

車

哉其一為帝者師其一聖人之徒也要諸文  
德以為德則為緝熙文治以為功則為怙冒  
文言以為言則為易教之潔淨精微以是曰  
文文之至也借曰未喪而君子然乎哉近世  
愈益卑卑務自引而高一世文學侍從之臣  
猥以為黼黻詞章之士猥自以為桓文即有  
所長其何以希不朽以是而概諸兩君子其  
猶朝菌之視大椿與嵩高之詩曰惟嶽降神  
生甫及申自昔籍籍稱楚材其為嶽降不虛  
矣惟茲產上都而被首善蔚為國楨非有

待而興此其選也乃今連茹而進翩翩而拔  
前茅亦既如林矣上之為周召之治為訓誥  
之文經緯天地以成章煌煌乎明德也下之  
則知天命如括蒼知性與天道如於越即德  
非其至星陰則從而陰抑或急近功持卑議  
曾雕蟲之不若侈然自以得與於斯文此之  
謂啓德畧星天垂象而嶽效靈何為也時馮  
使君以方伯居楚都人士述不佞之言告徐  
君侯君侯楚人時以方祀而飭祠事乃進都  
人士申不佞之言夫象而列星形而名嶽天

集賢堂

史

太

文也太上立德其次立功其次立言人文也  
若殷良弼若漢宗臣遜志典學以佐中興勦  
躬盡瘁以輔少主天人徵應之符不與矣三  
命二表則其緒餘都人士第師文王學孔子  
時而鹽梅時而魚水無施而不宜司馬非直  
為南國謀且以張楚非直張楚且以廣厲四  
方成位無良頸以是而廣使君之德意乃抵  
二史氏屬曾令君軋亨勒之庶東○宿文昌  
閣曾明府遣訊地主傳呼五老俱天門  
擁萬靈趨掉頭珠樹招黃鶴揮手瓊樓摘

嶺海由來疑結縻朝天何處望乘鳧三山  
好在此都外百里憑將赤日扶○五老峰頭  
聞樂地絕丹梯路峰巒綠髮翁朝隣止雨  
後天樂下雲中笙自王喬度簫知羸女工霓  
裳初入破借翼欲乘風○欽人潘之恒陪飲  
休二明府錢元英魯子與偕邑人丁以舒宴  
集瑤光庭詩不是張筵近斗樞中天廣樂  
竟虛無杖頭綠玉簪仙掌杯底寒波挹鬲湖  
舟洞陰霞成夜旦瑤枝霜露絕榮枯金庭此  
日還三觀帝綱何年一舉鳧

建昌

十九

萬曆戊寅休寧縣知縣陳正謨修太素宮

萬曆己卯徽州府知府徐成位重修玄君殿○

邑人御史胡宥記夫今太守蓋古諸侯云

古者山川能出雲為風雨則皆曰神諸侯在

其地則祭之新安山無如白嶽歟之神曰玄

君民間祝禱禱雨多應嘉靖中聞於

上遣使祝禱三至三應

上乃大神玄君復遣使加封秩祀尋建殿殿如

帝者然未及三十年所壞矣萬曆五年太守

中庵徐公以勞民西至白嶽還謁玄君顧瞻

殿宇喟然歎曰何謂東蒙主昔者先王制禮  
所在鎮山既命諸侯祭之及其巡遊則所過  
罔不致望秩祀乃今凜凜方嶽何以寧神而  
示敬雖然民未安其生吾未暇也居一年老  
有養少有長矣善有旌惡有勸教化行矣衆  
復以請太守曰民未積聚未暇也乃下令使  
民各以其意為倉倉視其鄉贏詘為多寡其  
法視常平加省而使倍之蓋庶幾三年食矣  
於是人謂白嶽可葺矣而太守公則又曰吾  
聞歸者以得至為安今徽俗桎梏形家父子

建昌

十

數世恭骸中野而子孫未敢議葬事神豈惡

之乃下令期以冬春悉令死者歸葬送死養

生無恨於是太守公曰可矣乃簡閭右之才

而義者查河汪進汪福貴丁賓蘓文瑾葉淮

程高葉權汪良會查傑邵玄彪程問等十二

人總之令十二人募閭右之樂助者於是人

咸子來不兩月得金若干鎰越明年七月殿

成山川鬼神亦莫不寧太守無恙哉且神者

豈遠於人人若神皆氣也而神為精其道備

悅遠邇而其氣曷嘗不往來曼羨與人決洽

滋液布護其身故神寧則人以寧精之感也  
今神寧矣祝禱往焉禱而往焉有不受福乎  
夫鬼神非人不歆所由來非一日矣神之福  
之伊誰力哉以今觀於太守公方其民事未  
訖則謂神將祐民者也從神所祐而不遺民  
以事鬼神政和民安然後為民繕葺而寧之  
神不失主民不失聖德與神明通矣百姓乃  
以歸神之力而不知為太守之功茲太守公  
之所為大也公諱成位字惟得楚景陵人  
萬曆庚辰休寧縣知縣曾軫亨重建太素宮鐘

鼓樓

更置

主

鼓樓○邑人訓導吳子玉記 鐘鼓之作自

有熊氏采首山之祥金以鑄紀鐘冒夔牛之  
皮為鼓鼓山通道威震天下是後帝所都居  
量地制域得百里之國者萬巨置都立邑皆  
有鐘鼓之設高岑樓而懸焉其聲遠震所以  
肅政教齊命令也試百神而朝之登崑崙靈  
峰致豐大之際於 詔後代遂為封禪之始  
而造五城十二樓以候神棲萬靈於明庭載  
之紀藉可得而言也齊雲山聲迹遠矣至  
肅皇以禱祀驗為立禱勅建宮宇名曰太素令

縣志卷之五

建置

主

侍從之臣作禱祀而茲山之靈遂顯廟宇卑  
不一紀賴陀郡君侯徐公命邑民查洞汪進  
汪福貴丁賓蘇文璋葉淮程萬葉權汪良會  
查傑邵玄彪程問十二人修繕明年令肅會  
公以合肥治高第進繁我邑是時縣百姓苦  
吏急也而令君於合肥獨持法平政御史太  
夫疏薦令君宜我邑下車即曰事神治民皆  
守土所有事首為條教置父老師師伍長班  
行之於民間諸安靜不競訟皆為良民吏毋  
得問其好合任持掩為豪舉罰所必行兩月  
民皆安土樂業變神為吟士誦於序舍農種  
於野治農大著語具載水部郭公治寂錄中  
於是始登齊雲山召首義民十二人勞之且  
諭曰宮宇就者強半而鐘鼓故有樓莫為經  
始何以宣鳴真旨其計幾何賢用役幾何以  
闢地捐錢金若干為倡永幾二樓巍然並峙  
皆以足並十二樓而輝映玄宮與軒轅臺比  
崇矣蓋鼓大麗而象天鐘統實而象地所為  
宣天地之和而設於神宮者又其至也以故  
撫陽鐘而陰應之揮陰鐘而陽應之聲與卦

之允合而先王為鼓冒之也必於啓藝其伐之也為冬至之音是鐘與鼓皆為樂之君而王者宣政教必尚之也聞令君之言曰禮以鐘鼓奏九夏而維之以祓夏祓戒也孔子曰聽遠音者聞其疾而不聞其舒舒不亦遠乎用以是戒用以是舒當所從事無何會邑治前麗樵樓四境之內罔不脩飾幽以右神微明以嘉嚮民祉於此具見之矣今

聖天子告高茲山而不為時邁過越於有熊氏之駕玄圃為多亦以令君佐郡公相與解祠

事

史

主

祝延之至無事於升封而教告也君侯謂懷民查洞等能訖功以郡公意屬各移扁旌其門而洞等稱主君政治當與茲山並高共久勒石而徵言於不敏子玉謂他日書功於景鐘銅鼓桃是也則以孔子亟與蒲之政在田疇墉屋而管氏亦言入國邑視宮室是舉也可見令君治狀之一豈曰長桑之鳴天鼓乎如后夔之聞大鏞實有盟之詩曰鼓鐘於宮聲聞於外而令君治聲丕著有以也令君名軋亨號健齋豫章吉水世家成丁丑進士樓

之竣功在萬曆庚辰歲立夏月云

萬曆壬午兵部左侍郎汪道昆建無量壽宮○

汪道昆閱無量壽宮成賦 西方白帝引真

源北極 玄君啟法門大地平分淨樂國精

廬宛在給孤園峰開蓮社吾堪老雲擁金城

佛自尊已見化身離色界祇須對面問軒轅

萬曆癸未刑部侍郎臨海王宗沐建純陽閣於

紫玉屏之麓

萬曆戊子徽州府知府古之賢休寧縣知縣丁

應泰建登封橋於黑川之津○兵部左侍郎

汪道昆

記

主

主

明祀百神與主

玄帝

成祖大治玄嶽帝時侈於七十二君爰及

世宗作宮白嶽即齊雲山也概諸神奇壯麗曾

不能什一之要以經牛斗當句服之南控三

天子都表群望岱衛之際此其神阜以故祝

史祠官冠蓋相望自邦畿以及方國自卿相

以及齊民輟擎肩摩率以乞靈而至不憚千

里有如朝宗何所趨之趨彫鑿耳山麓則官



道襟黑水帶浙江先是伐木為私水溢俱駛  
至則望中流若天壑即狂夫何敢憑重以郵  
置稽程行旅病涉其不便何可勝數鐸者徇  
於路頭募數千緡斃后為梁方之內率若弗  
聞也者遇之卒無應者太守古公入境居人  
以狀聞公領之未發也既而叩諸耆舊耆舊  
之言曰此中雖慕義不以啗徇者之無饜第  
上之人聲義先鳴若伐懸鼓而群應之矣疇  
昔徐君侯有事完繕得為植者十人不日告  
成民不知役此十人者力也公曰善則以叩

卷之三

史記

卷之三

縣大夫乃召義士黃侃丁湧查傑朱模金源  
濂以下若而人禮之如三老公首語侃等悉  
以義聲振四方往獨力梁古城則應高使君  
之命今茲之役寧詎倚辦一人爾第先厲行  
諸父老翩翩旅進矣既又誓諸有衆守者非  
作無益厲民而瀆於神顧尊

帝政以庇民其何敢後且也先公守一逢掖嘗  
傾橐梁津人言有開必先余小子由茲崛起  
諸父老善自求福夫非不召而自來者哉于  
時度地分工相與戮力庀事材必中度工必

中程皆歲者斤之固或不餉其年淫雨害麥  
歲大侵米倍價者三境內有殍公以歲之不  
易玉寢力作以紓吾民諸父老言丁夫受工  
猶得以糊其口寢則奪之柰也無寧寓賑於  
工公第曰徐徐諸父老唯唯暑漲一息閏月  
盟工更興迄於七月下旬工始畢會五馬西  
駕謁太素宮工告成適都使奉驛書至公擢  
廣東按察司副使治兵南詔諸父老聞之幸  
公落成於吾境假令遲以時日不敏將何辭  
此

卷之三

史記

卷之三

上帝之寵靈  
聖天子之貺也吾儕第建祠事奉公衣冠而俎  
豆之即路車乘橋而西祠在則公在矣公力  
謝不可頃之不歲罪我之由諸父老幸一洗  
吾過又從而杓之俎豆之間顏何厚也惜余  
行急不遑勒之石以張爾勞亟寢祠事諸父  
老不得請則以告縣大夫縣大夫為公宣言  
母方命第就橋之陽築館舍將令至者齊被  
行者稅車此其美若甘棠視尸祝賢矣國之  
大事必信而徵爾曹第請司馬氏題橋立石

以紀成事不佞謂是役也禪

國典壯 帝居宸幄而陰賑饑承尊而亟用命

撥諸勿亟居然子來民易使矣本之說以使

民民忘其勞則上好義而風動之也帝王升

中之蹟萬古具存後之視今亦猶今之視昔

特書華表署曰登封且系之銘以揚明德古

公名之賢起家梁山舉乙丑進士縣大夫丁

應泰氏起家武昌舉癸未進士法得書銘曰

赫赫 玄武明威下土左右

成祖太嶽將將明堂總章大和洋洋亘於南斗

中和作藪五丁始剖

肅皇中興白嶽效靈禪若云亭其趾川逝不揭

則厲稽天曷濟太守入疆經始皇皇伐石為

梁乃謀諸野賢豪長者其合如瓦板粧赴工

不鼓而賊萬夫之雄東南艱食惻瘼是恤勿

殫民力民不其然枵腹待饗無庸息肩百工

化化三時底績砥平矢直

帝念民功監我粵東繡斧以庸具曰

帝錫良二千石美成不日祖龍無謀驅石瀛洲

徒作神羞

明明天子受茲帝祉屢豐伊始相被虹霽介福  
自天

天子萬年

萬曆丙申休寧縣知縣魯點重修登封橋○邑

人御史汪先岸記 先王之教天根見而成

梁故乘輿濟人春秋多鄭僑之惠而子與氏

以惠不知政議之曰歲十一月徒扛成十二

月與梁成民不病涉母亦兼濟之為弘乎海

陽白嶽為

玄聖之靈區祈禱者報告者咸往焉白嶽迄遷

而下越十里點河襟帶亦江南孔道蓋古官

渡也往來輻輳絡繹星馳一葦則周濟之難

暑漲則稽程之病曩時古刺史丁令尹撤富

民之好行義者共謀之石梁成利攸往矣未

一紀洪水傾十之七乙未際魯侯下車日屢

民隱興利刻蠹弛力緩征民籍以安維時登

嶽祀

上帝過而嘆曰前人之費鉅而功高不及今尺

之補而尋丈之不可為惜哉慨然為修築謀

捐公帑百金為士民倡不佞亦有所捐助民

應之子來恐後工用既具任道會洪鳳書綜  
理之率諸義民勤趨厥事以丙申秋月經始  
迄丁酉春告成功無何暑雨汎濫黠休歛之  
石梁一時並圯者有三惟登封屹然完如故  
永保前人之功賴侯為之後者圖之早也是  
役也費金七百有餘緡觀河頌功侯之明德  
與古丁二公同遠矣侯南漳人舉癸未進士  
前廣州司理再赴蒞海陽百廢具興此特其  
一云

萬曆丁酉歲寧兵備按察司副使張天德築天

壽寧寺

建

志

池於水簾洞之源○邑令魯黠遊天池記

海陽白嶽此

世廟封時之山也禱祀

玄帝宮闕映乎星辰臺觀照乎島嶼而巖壁洞  
壑之奇烟霞木石之妙有如門如爐如屏如  
輦如鐘如鼓如象如駝如三姑如五老如侍  
者如衛者如拜如舞者不可名狀皆峻絕稱  
天巧焉由天門紆盤雨君洞拾級天路而上  
穿山房一曲豁然小有天孤懸危亭如半空  
中則左跨天路右俯天門下絕而君洞晴亦

壽寧寺志

建

志

龍子遺

給音於金闕判溪鷄棹留勝蹟於碧山識日月  
之盈虛懷陵谷之消息樂茲嘉會徵攸山靈  
可再得乎竊有感於斯矣於是海陽令臨沮  
魯黠記之摩於崖張公天德烏程人與泉州  
公朝京都諫公庶柱史公應揚五人同萬曆  
癸未進士○程朝京得池字結伴尋春入  
洞時天風兩腋到天池下界晴空簾雨瀉上  
方指顧畫圖移若非仙子來吹笛應有無人  
此看棋清樽雅集堪追侶使倚峰頭月色遲

○邵庶得冰字 名山偶喜集高朋眺倚孤

亭寂上層烟瑣欲迷金掌露象飛疑灑玉壺

冰遊從知己情偏洽坐向空明意轉騰應識

山靈原有約憑高何勝醉眸凝○張應揚得

壺字 春遊白嶽到冰壺另是天然一畫圖

倚檻倒看晴雨落扶筇遙指洞雲孤巖頭種

术人今古嶺頂吹笙鶴有無星聚名山惟此

夕直携五老獻 嵩呼○魯點得天字 仙

窟神奇別有天 帝恩封祀戴堯年雲深巧

闢丹霄路而作晴飛碧澗泉御氣爐峰縹緲

外瑤光屏翠泐邊微臣守土洵無補星聚

群公北斗懸○潘之恒陪魯子與錢元英二

明府飲天池亭詩 繞池瑤草色斑斑騰取

冊砂一駐顏生扶雙星凌漸水亭開孤鏡對

點山鳴琴合調能相和倚樹連陰得暫攀欲

識下方流澤遠珠泉踈雨到人間

萬曆戊戌工科都給事中邑人邵庶重葺太素

宮殿門

萬曆己亥邑人丁惟暄建碧霄庵於碧霄峰之

麓○邑人程有臺記 余友丁以舒負美才

質秀而穎慧疏蓋素信

玄帝云方半齡即失其尊人省吾公諱潛以舒

不藉父兄之教乃自為以舒余亦僅十齡失

母遇彷彿以舒未始不心儀以舒戊戌春王

正以舒與余卜館地意屬白嶽也

帝遂亭示其讀書白嶽有竹園凡兩其一為以

舒以舒覺而以其一歸之余余不敢後焉尋

不幸有封太孺人變約不及踐於衷耿耿也

帝之靈從此數數見之以舒以舒為人正直卓

有豪氣雅好客居常常滿座久之以舒不期

客客無論薦為紳布衣環海內莫不願交以舒

而以舒倦矣竟之白嶽焉以舒舉子業業登

壇無靜養謝一切障碍其精進不可量

帝嘗啓之余以歲之季冬朔與徐田仲有謁

帝之行因信宿焉觀以舒情况遠勝舊私念其

著作甚饒或未免沾沾自喜夜飲幾達旦各

醉如泥矣既旦余尚卧以舒已坐余榻前呼

余起述夢中語大奇余愕然不認其為以舒

今之以舒非昔之以舒耶贊復無贅逆以舒

於他日其應感宜不止此其小者也於是

以舒信

帝益堅持建庵碧霄峰下塑像崇奉焉擬厥基位

帝命之矣會邑侯子與魯夫子修白嶽志異以舒事重以舒為人爰專以舒校正董厥成志有建置碧霄庵當入志志當有記以舒謂知已則余知建庵之顛末則余強余記焉恍余不足重以舒惟是以舒始而疣有竊笑之者更不能忘以舒也倏而無疣更有竊笑之者更不能忘以舒也玄之又玄彼衆人烏乎知哉

書

建

書

默相以舒蒙

帝之力碧霄之有庵也以舒之不忍忘

帝力於何有也余獲見而知之矣其可無一

使聞而知之者嘆無徵焉則余之過也

祀典

按有虞望秩山川歲徧之秦羅侯置守禮浸以廢漢魏間遣官攝祀事守令之禱水旱者亦許其通祭矣或曰舜其衰也亦時然乎哉我

肅皇帝玄德比重華殿祀白嶽雖望秩奚讓焉志祀典

嘉靖壬辰五月 欽差妙應真人李得晟至

雲山欽奉

皇帝聖旨朕以菲薄仰荷 天命君臨海宇奉

書

祀典

書

守 宗祧十一年歲時若流百千世統緒至

重 儲嗣未立朝夕戰懼聞齊雲山乃

北極神真之福地敬瀝誠懇禱 真靈垂鑒而

錫庥備香帛之儀遣真人李得晟恭詣

神祠下取今五月初四日為始修建 金籙祈

恩求嗣繼緒保國大壽七晝夜至初十日圓

滿修設 九天監生醮禮三千六百分位端

拜 玄恩賜子賢子綿 宗社於萬年世世

守 宗祧而主祀保 國祚於億載代代宜

君位以承 天年穀豐登百姓有樂生之慶

遠疆寧謐四方無警戒之虞

青詞

予惟人君膺

宗廟社稷之託國本為先為 天地神人之主

元良永賴不有資於 神化曷以企乎蕃昌

敬竭丹忱遠祈 靈貺茲脩香帛之儀遣妙

應真人李得晟恭詣齋雲山

北極佑聖真君神祠下仰祈 陰佑爰謹誠詞

冀 威靈之有赫助神力之無方俾予早生

哲子以嗣洪基予聞仁者有後為善降祥予

自繼統以來寅肅畏恭祇奉

上帝事 神尊 祖常懷翼翼之心發政施仁

實聖 昭昭之鑒顧茲一紀儲位尚虛雖

裡祀間舉乎高禱而瑞應未孚於萬祝 前

星將耀赫室或遠憂心上切於

慈闈企望下履乎臣庶予懷用懼口與心謀匪

藉神休矣未繁衍爰遵道範往禱 靈祠冀

愀恤之上通紛祺祥之下集禱符濬發弘開

東震之祥錫美有輝茂顯南離之照民安居

於樂土國養德於長源寶曆無窮皇圖有永

欽降織金皂袍一領 織金繡襦一對 裝金

龍牌五座 金鐘玉磬二口 真武聖像各

一百五十軸 聖父母聖像三十軸 真武

童真內煉聖像二十軸 齊雲山圖一百軸

諸品道經一百部

太皇太后 織金長襦二對

嬉嬭 織金五彩綉襦一對

欽賞銀八拾兩

欽差妙應真人李得晟 奏帶參隨道錄司左

演法等官李用濂蔣振先沈得登張振通尚

道福李常經蕭文傳沈長紳陳弘繼屈常短

楊存楷賈承清王永寧張永通楊弘濬郝永

亨王振聰王常錫系紹隆郭弘經劉存恩梁

存祚王弘賓邵道通徐永仁劉真璜潘存禮

劉承德李本通蔡常綬陳常鉞李承德劉存

胤濤存澤李存樸胡大紳唐宗義

侍職張存欄龔存祖龔招敬李常輔王得先

王計旋王存敬賈延奇鄧紹榮晏永和田存

主 鋪排李明戴奉戴和馮保

本山道官徐秘元方瓊真米素和潘融和汪相和汪曦和楊玄相米宗相葉賢相陳鑒相汪尚相趙雲清汪麗清胡慎清

欽差巡撫應天等府地方都察院右副都御史陳載巡按御史傅炯馮思徽州府知府王繼禮同知李邦推官曹世盛新安衛指揮張紳歙縣知縣楊大章婺源知縣周如底初門知縣汪容黥縣知縣賴暹績溪知縣李旦休寧縣丞張世濬主簿劉時濟典史唐瀾本府都紀張元本副紀潘元迪

嘉靖戊戌五月

欽差正一大真人張彥頤至齊雲山欽奉

皇帝聖旨比朕儲祥未建嗣位久虛寤寐不遑夙夜祇懼爰即齊雲山致禱於

北極佑聖真君仰荷天庥亦惟神助通者天潢繁衍昭祖德以彌光帝宵熾昌承

慈闈於未艾每懷眷祐莫罄名言謹命正一大真人張彥頤詣神祠下取今五月二十七日為始脩建金錄酬恩錫嗣繼統承天大齋三晝夜爰至六月初一日圓滿修設羅

天大醮一千二百分位伏願福祿來同子孫千億昭明有併家室萬年綏令聞於無窮基景命之有永玄機默翊弘施保育之仁神教誕敷永被清脩之化敬摠微悃上奏洪庥

青詞

于惟

玄功顯錫欣承昭格之庥喬嶽儲精茂迓蕃昌之祚矢愚秉於臨女介景福於多男仰戴麻慈曷勝瞻戀茲卜良辰敬遣大真人張彥頤

恭詣齊雲山

奏

玉清聖境元始天尊玉几前

上清真境靈寶天尊玉几前

太清仙境道德天尊玉几前

昊天至尊玉皇上帝玉陛下

勾陳上宮天皇上帝御前

中天星主北極大帝御前

承天効法土皇地祇金闕下

高上神霄九宸帝君 聖前 恭望 大道

天慈俯垂省覽伏以聰明作后求永命於祈

天福祿宜君用申休於主營神人攸堅家國永

寧業者逝日不居尚爾前星永耀寔衆素悃

竇奏琅書詎期福地之靈永真室家之壹仙

源錫美昭元祉於麟祥潢派濬符衍繁禧於

姦慶 慈宸慰千齡之望周閭騰九有之惟

藻慮有年旌 恩無地敬馳真首祇叩 瑤

扇闡道範以祈 靈尚冀冲漠之鑒誦真詮

而籲悃允垂 庇嘏之仁俾克類以克明庶

有憑而有翼

皇帝聖旨朕以眇躬君臨大寶每切敬

天之命時傾奉 母之誠兢兢業業於茲矣候

於歲春

聖母偶致遠和遂成瘡疾躬侍湯藥寔切憂懼

雖百法療治而愈痛愈疾迄今未痊思惟求

救於神庶臻安復齊雲山乃

北極神真之福地敬瀝丹誠上祈

玄造謹命正一大真人張彥願詣 神祠下取

六月初六日為始脩建 金籙祈恩保

母安疾永壽延禧大齋七晝夜爰至十三日圓

滿修設羅天大醮三千六百分位拜叩

洪慈鑒茲愚悃伏願 恩須玄極早除見患之

災 仁降戴霄即臻勿藥之喜轉災為福去

舊從新玉體尊安樂含飴之有永

慈闈寧吉綿眉壽於無疆

聖母青詞

惟王者為天之子事必顧天人生惟母是親

敢忘報母劬夫

慈體遺疾惟深予愆多積仰叩 玄仁俯察冊

悃茲卜良辰敬遣大真人張彥願恭詣齊雲

山

北極佑聖真君神祠下祇迓 恩光脩設醮禮

謹奏

玉清聖境元始天尊 玉几下

上清真境靈寶天尊 玉几下

太清仙境道德天尊 玉几下

昊天至尊玉皇大帝 玉陛下

勾陳上宮天皇大帝 御前

中天星主北極大帝 御前



承天効法平皇地祇 金闕下

高上神霄九宸帝君 聖前 恭望 大道

慈俯垂省覽伏以人主之祈 天永命莫大

奉 親孝子之侍膳問安謹於視疾此彝倫

之要道實天下之同情惟我

章聖慈仁康靜貞壽

皇太后偶以違和遽嬰瘡疾歷時既久災患未

除雖湯藥自侍於

慈闈而疾痛寔關乎朕體非資 神力遙達安

痊遙憶名山實為聖境有禱必應無念不遜

茲微悃以上聞冀

天真而下覽伏願

玄慈降祉祛宿疾之瘥消

帝鑒垂仁俾

慈躬之永泰優游長樂熙五福以駢轉安享

慈寧介千年而不替

欽差大真人掌天下道教事嗣漢四十八代天

師張彥頤清微輔教高士聶一然上清宮提

點張元明上清宮提舉陶隱賢掌禮儀大真

人府贊教方定規陳設贊教藏宗仁本山道

官方瓊真朱素和潘融和汪尚相汪曦和

齊和江惠和楊玄相陳鑒相方德相汪相和

汪麗清朱佑相趙雲清謝宇寧胡慎清余淑

清汪潭清汪椿清戴萬清汪藹清金常清楊

建寧

欽差總理糧儲兼巡撫應天等府地方都察院

右副都御史歐陽鐸提督操江南京都察院

右副都御史簡霄巡按直隸監察御史邢第

提督學校巡按直隸監察御史馮天馥巡按

直隸下江帶管上江監察御史苟汝安直隸

徽州府同知李中孚休寧縣知縣傅燦初門

縣知縣姚德發源縣縣丞鄭希周休寧縣主

簿馮世麟

嘉靖丙午太素宮提點汪曦和欽奉

皇帝聖旨今秋八月十日屆朕初生之辰切念

朕續述 皇圖導迎景貺肆輯福於眇躬迺

篤承乎丕眷謹洎本月初八之吉特遣道錄

衛官齋捧香帛儀物詣齋雲山

玄帝寶壇修建 金錄生辰報 恩祈福永壽

齋醮一筵一千二百分位伏願

天鑒神歆降祥錫慶早悟 太上之玄庶副

天心之眷密垂啟祐永此 皇明

欽降 織金繡幡一對 道德經六百六十九

函

中宮皇后 織金幡一對

嘉靖己未三月初一日太素宮提點朱宗相欽奉

皇帝聖旨昨以嘉靖三十五年六月恭修

玄帝齋雲山之宮已告工完特仰安奉爰命勲

臣齋捧香信敬詣本山

嘉靖三十五年

聖旨

聖旨

玄天帝壇恭建 金錄安神祈祥大齋五晝夜

以三月朔日為始初五日圓滿修設師府眾

真清醮三百六十分位伏願 位鎮名山彰

大法而保邦佑國祀昭福地歲歲靈而安夏

攘夷允資翊護之功克副皈依崇之念禧延

宗社福及神民

嘉靖辛酉八月初九日太常寺寺丞兼玄天太

素宮提點朱宗相欽奉

皇帝聖旨朕以初度之辰每歲生成之德洎今

八月初十日特遣衛官捧齋香帛詣齊雲山

壇殿取初九日為始至十一日圓滿備設

金錄祈 天永命集慶安邦大齋三晝夜伏

願 國祚延長遐齡永真

嘉靖甲子八月初九日太常寺寺丞兼玄天太

素宮提點朱宗相欽奉

聖旨八月十日朕初生辰特命侍衛官員捧齋

香帛敬詣齊雲山建醮請 恩恭迎景輿就

於 玄天太素宮官道朱宗相等自本月初

九日為始至十一日圓滿修建 金錄元甲

承春誕日祈 恩延生集慶大齋三晝夜陳

嘉靖三十五年

聖旨

聖旨

設羅天太醮一千二百分位伏願

恩佑 宗社壽延眇躬慶及六宮休覃萬國

萬曆庚辰正月十六日嗣天師大真人張國祥

欽奉

皇帝聖旨

慈聖宣文皇太后懿旨切念嗣君荷

天洪佑繼 祖丕基撫育黎元政每備於成憲

遵承 寶曆事尤急於 皇儲仰叩

玄尊俯從懇禱由是謹發誠心虔備彩幡詣宮

懸掛特命真人張國祥恭率官道謹以萬曆

八年正月十六日為始至十八日圓滿訖於

齊雲白嶽中和山

玄天太素宮脩建額 天請佑祈嗣

真安宮壹保泰邦家大齋三晝夜祇設

玄天齋真清醮三百六十分位伏願丹悃潛通

黑相靈臺早孕誕嗣於儲君國本攸

俾治隆於世運風調雨順歲稔時豐寧靜

宮中太平天下

欽降 織金五彩寶幡肆對

欽賜香銀壹百兩

直隸徽州府知府徐成位同知丁應賓推官

舒邦儒休寧縣知縣曾軫亨 瞻禮

命使

嘉靖十一年二月十二日司禮監太監黃偉傳

奉

聖旨差妙應真人李得晟往直隸徽州府休寧

縣齊雲山公幹寫勅與他沿途不許欺慢留

難談部知道

本月十三日御馬監太監麥福傳奉

聖旨說與真人李得晟帶去齊雲山官道李用

灋等二十六員侍職鋪排十名欽此

嘉靖十一年二月二十七日

勅妙應真人李得晟今特命爾前往直隸徽州

府休寧縣齊雲山公幹爾須嚴敬自持率領

道衆虔脩齋醮仰祈福佑以稱朕祈神之

意爾往來經過處所軍衛有司驛遞等衙門

一體護送康給車舡口粮照例應付不許欺

慢留難其本山地方有司人員合用供應等

項通行備辦如有不遵

勅旨故違慢事者爾指實奏聞必罪不宥故勅

嘉靖十七年二月十六日詔司禮監太監麥福

傳奉

聖旨往歲朕嘗遣真人李得晟往齊雲山

北極真武神祠建醮禱嗣果獲感應今命大真

人張彥順往彼建醮一以謝神一以祈

母壽事畢大真人還山著隨去高士聶一然回

話寫

勅與他經過去處不許欺悞即便應付欽此

嘉靖十七年二月十九日

勅正一大真人張彥順嘗命真人李得晟恭詣

齊雲山

北極真武神祠建醮禱嗣果獲靈驗特命卿往

齊雲山

彼處虔備齋醮一以謝神一以祈

母壽事畢卿即還山著隨去高士聶一然回奏

卿經過去處軍衛有司驛遞等衙門即便照

例應付不許欺悞留難如有不遵

勅旨故違悞事者聽卿奏聞處治故勅

嘉靖二十五年五月欽奉

聖旨今秋八月十日屆朕初生之辰命道錄司

左演法奚紹隆錦衣衛千戶齊志賁捧香帛

儀物前詣齊雲山著本宮提點汪曦和主行

脩建祈天永命大醮三晝夜有司供應欽

以

嘉靖三十四年五月欽奉

聖旨今秋八月十日屆朕初生之辰命道錄司

左演法李用濂錦衣衛千戶畢清賁捧香帛

儀物前詣齊雲山玄天太素宮脩建祈天

永命大醮三晝夜有司供應欽此

嘉靖三十五年六月十二日

勅清微演教崇真衛道高士兼三宮住持陳善

道直隸徽州府齊雲山

真武神殿年久頽圯已經巡按官查勘估計具

奏前來

奏前來今命爾同錦衣衛千戶何景前去與

同太常寺寺丞兼玄天太素宮提點朱宗相

管造脩蓋正殿并添設配殿鐘鼓樓等項爾

等宜用心督理建造如式期於工程堅固可

垂經久以稱朕崇玄要聖至意其欽承

之母忽故勅

勅錦衣衛千戶何景直隸徽州府齊雲山

真武神殿年久頽圯已經巡按官查明估計具

奏前來今命爾同清微演教崇真衛道士兼

三宮住持陳善道與同太常寺寺丞兼玄天

太素宮提點朱宗相管造修蓋正殿并添設

配殿鐘鼓樓等項爾等宜用心督理建造如

式期於工程堅固可垂經久以稱朕崇玄

受聖至意其欽承之毋忽故勅

嘉靖三十八年正月二十九日欽奉

聖諭昨脩

玄帝齋雲山之宮工完命國公徐延德行安神

禮賁醮意着朱宗相奉行齋事有司供應欽

此

嘉靖四十年七月初十日欽奉

聖諭着錦衣衛千戶傳霖賁醮意詣齊雲山命

朱宗相主行修建祈天永命大醮三晝夜

欽此

嘉靖四十三年七月初十日欽奉

聖諭着錦衣衛千戶倪綸賁醮意詣齊雲山命

朱宗相主行修建祈天永命大醮三晝夜

欽此

萬曆七年十二月初六日嗣漢五十代天師正

一嗣教大真人張國祥欽奉

聖諭真人還山就命他賁奉彩幡香帛前往齊

原缺第五十葉

奏疏

嘉靖十八年九月初九日正一嗣教懷玄抱真

養素守默葆光履和致虛冲靜承先弘化大

真人掌天下道教事臣張彥願謹奏為懇乞

天恩旌揚福地以昭祀典事奉

聖旨覽卿具奏為國報神忠悃觀賜名玄天太

素宮原納該府香錢特與除免以脩本山脩

理便寫護勅給去禮部知道

嘉靖二十年九月十五日正一嗣教懷玄抱真

養素守默葆光履和致虛冲靜承先弘化大

真人掌天下道教事臣張彥願謹奏為謝

天恩請天選永繁焚脩永隆

聖典事奉

聖旨玄天太素宮昔著靈應挺生

皇嗣委宜崇重朱宗相准授太常寺寺丞兼本

宮事汪驥和除授提點鑄降印記公同管理

道衆展夕焚修禮部知道

嘉靖三十五年正月十五日太常寺寺丞兼玄

天太素宮提點事臣朱宗相奏為懇

恩勅建以隆香火事伏照齊雲山肇自宋初

真武化身塑立神像顯應昭著嘉靖十一年  
欽差真人李得晟臨山建醮祈誕

皇嗣續蒙

聖恩特賜山額授臣寺丞提點受

恩至渥補報莫能但達

聖壽元旦長至等節脩醮誦經一誠祈祝每隨  
朝賀之年進呈經數以表報私切緣本山高  
峻一十餘里中虛五十餘畝拱北鎮南山形  
奇勝但懸崖立宇 神殿年深風雨滲漏棟  
宇朽腐雖有香錢微資屢加脩補不能建立

嘉靖三十五年

奏

聖

新殿臣見太和龍虎等山俱蒙施建重新伏

聖

恩施錢糧勅建琉璃瓦殿宮宇添設左右配殿

及鐘鼓樓三門差官一員協心監督例照諸

山堅固永遠崇奉俾臣等焚修有賴因奉

聖旨 玄聖齊雲之脩宗相有本著令該部速

行

嘉靖三十五年二月十九日太子少保本部尚

書兼翰林院學士臣王用賓等奏為

勅建齊雲山估計事欽遵抄出太常寺寺丞朱

宗相所奏本山形勝奇特玄靈顯應素著護  
國佑民之蹟當弘崇神表異之規經今年久殿

宇損壞欲照太和龍虎等山並賜重建似亦  
相應查得二山重新工食費用堪動官銀及香  
錢內動支奏辦今據宗相奏稱本山香錢僅  
足脩補未克蓋造所有應用銀兩合行酌處  
候 命下行移都察院轉行南直隸巡按監  
察御史即將一應工程擇委廉能官員估計  
合用琉璃瓦木植磚石顏料及匠作夫役工  
食等費銀兩數目查勘本山香錢如果不敷

嘉靖三十五年

奏

聖

應該動支何項無碍官銀逐一議處停當具

奏 二十日奉

聖旨便着估計速行不許欺怠欽此

嘉靖三十五年四月二十日巡按直隸監察御

史莫如士為懇乞

天恩欽施勅建事奉都察院巡按南直隸應字

六千六百九十四號勘合劄付前事准禮部

咨該本部題祠祭清吏司案呈奉本部送禮

科抄出巡按直隸監察御史莫如士題稱修

建齊雲山

真武殿合用物料會同估計該銀三萬三十八兩四錢謹以具奏奉

聖旨這些小事何必倡揚該部知道欽此

嘉靖三十五年六月十二日工部營膳清吏司為傳奉事奉本部連送該本部題本司案呈嘉靖三十五年六月十六日辰時該內府承運庫發出

欽降銀壹萬兩著本部官領去交與陳善道等因到部送司案呈到部今將前項銀兩親詣該庫領出即日差委本部進士黃煒管領呈

夜趕送交與陳善道取經該衙門回文收照等因本部左侍郎雷賀具題十八日奉

聖旨是欽此

嘉靖三十五年六月十八日郎中劉秉仁巡按直隸監察御史莫如士為懇乞

天恩大昭

聖德永隆香火事奉都察院巡按南直隸應字六千六百九十四號勘合劄付前事准禮部咨該本部題祠祭清吏司案呈奉部送禮科抄出巡按直隸監察御史莫如士題稱修建

齊雲山

真武殿已經具題合用物料會同估計該銀三萬三十八兩四錢後蒙

欽降銀壹萬兩共四萬三十八兩四錢欽遵謹將前銀分給委官置買物料造成該宇尚有餘銀壹萬兩經高士陳善道千戶何果會同臣等看得舊殿左廊後原有屋宇一區內供奉

三清玉帝聖像議照

上帝不當列在正殿左側查得太素宮東拱曰峰下隙地一段入深一十六丈橫闊九丈六

尺相應創建殿宇一區左右兩廊前蓋三門奉安

聖像及照

真武新殿并配殿等處落成之後內缺供器牌位鐘鼓等項半山坡可建石牌坊一座并碑亭碑石欲將前項餘銀買辦物料召募工役建造堅立庶俾享祀各隆儀度益備等因奉聖旨該部知道欽此遵抄出到部送司案呈到部臣等看得御史莫如士所奏

三清玉帝聖像列在旁廡神棲未妥妥宜改建  
其供器牌位鐘鼓等項及牌坊碑亭均不可  
缺既有前項餘銀工亦足辦相應俯從所請  
合候 命下即行彼處撫按衙門會同高士  
陳善道等准今動支照議建置宦臺萬兩為  
止不許再行科派候工完之日具奏等因嘉  
靖三十六年正月二十九日本部尚書兼翰  
林院學士吳山等具題二月初一日奉  
聖旨是欽此

嘉靖三十八年正月十六日正一嗣教大真人

張永緒題奏為懇乞

天恩請 天選以續焚修永隆香火事係勘得  
道士金元清合應銓補提點加授道錄司左

上一職員管理宮事奉

齊雲山志卷之三

宸翰

恭惟我

世宗肅皇帝親揮睿藻錫白嶽 勅記洋洋

聖謨猗與盛矣誦綸綍而式金玉煥乎文章

日月為昭焉至出 內府金營繕除本山香

錢其投珠抵璧之風乎志

宸翰

欽降護勅

皇帝勅諭官員軍民諸色人等

朕惟玄元之教其未尚矣肆

我

祖宗朝以來所在崇奉有隆無

替齊雲山寔惟

真武棲神之所近詠正一嗣教

懷玄祀真養素守默葆光履



和致虛冲靜承先弘化大真人掌天下道教事張彥頤奏稱齊雲山肇自宋初

真武化身百鳥銜泥塑立神像顯應於昭嘗經水火迅雷烈風崖石屋宇崩摧神像不動迄今數百餘年金容如始凡飾難加四方士民遇蝗災旱澇徼福求嗣有禱即應朕嘗專遣真人詣山禱祈儲嗣果獲感應但祠宇年久卑陋傾頽未加脩理今將本觀原納該府香錢特與除免以備本山常年脩理之費觀賜名曰

玄天太素宮特降勅護持凡一應官員軍民諸色人等敢有不遵勅旨肆行欺毀攪擾侵損作踐者必治以重罪不宥故諭

勅 命

嘉靖十九年正月二十一日  
之 寶

御製齊雲山玄天太素宮之碑  
徽州府休寧縣齊雲山齊雲  
觀原有

真武聖殿相傳自宋寶慶中建  
而

真像則百鳥嚙泥所塑成者迨  
今數百餘年金容如始遐邇

人民凡有禱祈必舁赴焉朕  
於嘉靖壬辰因正一嗣教真  
人張彥頤奏令道衆詣山建  
醮祈嗣果獲靈應自是設官  
焚脩而祠宇卑隘傾頽不稱  
崇奉至意爰命巡按御史庀  
工程材遣高士陳善道錦衣

衛千戶何景往董厥役以嘉  
靖丙辰八月啓工脩建

真武正殿并左右配殿添設供  
器鐘鼓樓等項復創建

三清殿一區規制宏麗儀物備

飾更題曰玄天太素宮惟此

山高五百仞盤繞百餘里上

應斗宿俯瞰大江峰巒秀特

巖洞幽竒允為東南之福地

神仙一洞天也至是宮成金

鋪玉映始足以妥

明神而增勝槩矣御史奏請朕

文勒碑以示永久朕惟

帝以天一之精炳靈降世感召

元君授以無極大道冊成冲  
舉受冊瓊臺主鎮北方輔化  
制運昔我

太祖

成祖開基創業之時

帝赫著神靈翊成丕績乃立廟

南都建宇太嶽殷禮秩祀前

後並隆及朕纘承大統復荷

帝宣靈昌胤彰彰若是

玄功聖德莫罄報稱比歲常發

帑銀脩飾太嶽太和山宮殿

門廡揭坊額曰治世玄嶽夫

神無往而不在則禮儀無往

而不備朕謹效法

祖宗隨在祇若明祀於茲宮之

一脩建罔敢緩焉惟

帝鑒享克誠保佑朕躬昌延皇

祚俾歲稔時和內安外靖佳

祥駢集教法興隆則

帝之福德益衍於無窮而朕實

永有賴矣

嘉靖三十七年六月初九日

藝文

按新安山水不經禹導遂無太史公之跡矣  
若石橋齊雲二巖遠唐宋間斐然有足音我  
明乃章著焉於是乎有紀載題詠文獻可得而  
徵也志藝文

玄帝傳

帝姓李名乞小字安于淨樂國王子也王諱告  
祖諱牛華宗諱端受國在海外西域炎帝癸巳  
歲正月戊午日月合璧氣混虛危善勝太后日  
偶寢夢日先入口吞之覺而有孕經十四月黃

帝甲午歲三月甲寅日

帝產太后左脇焉瑞

氣覆國異香芬然地上化為金玉之色

帝產

七歲凡經典一覽悉默悟之而向道之志甚篤

王不樂歲十五乃辭王出遊王察其志不可變

許之賜帝號曰潛雲子帝出宮遠訪名山因

感戴虛元君授以無極上道且命曰子可越東

海歷羣嶽之野入是山擇衆峰最高者戴霄峰

下居之道成後二千五百歲龍漢四劫中當拔

髮跣足上為三境輔臣下作十方大聖顯名億

萬劫與天地日月齊并是其果滿也帝遂越

帝甲午歲三月甲寅日

帝

帝

樂天中其宮巍峩皆自然妙氣結成自產無色

界也後至高紂濁亂六魔為殃勅帝披髮跣

足躬披鎧甲躡之者蒼龜赤蛇擁之者皂纛玄

劍衛前後者八殺之將隨左右者六甲之真掃

蕩回天乃稱元帥帝歡曰今日乘符鎮極帝

當三元八節甲子庚申每月一度下蔭人間察

善惡公剪錄九一度化身則普濟人物興益教

宗也贊曰玄元之祖天一之精造化未肇先稟

神靈八十二變玄帝之名類產武曲度火老

君電光目閃雲陣眉橫乘龍跨駿千丈其身九

天聲震四部威行風雷倏爾旋乾遍坤上落逆  
象下散妖氛人鬼分宅國土清寧功德固極永  
鎮北昊

無量壽佛贊  
汪道昆  
持世世尊時乘龍象闡教娑婆盈盈大藏西極  
至人牛車同軌沉默非空莊嚴非相其國極樂  
其壽無量四十八願普度衆生千華世界九品  
臺城長年丁壯歷劫升平林端甘露羽族和鳴  
道恒沙衆解脫無明同登彼岸率履夷庚接引  
何夢跏趺何寐無聖無凡無顯無密無度無迷  
無通無塞既無無央亦無無極十方三世斯其  
第一

乾坤定位二儀開五劫之端人鬼分形五嶽鎮九州之地東溟銀榜標題長子之宮西海玉門寶聚百神之野皆所以節宣寒暑鼓舞陰陽萬物賴之以生成四民順之而動止兵戈藉之而底息穀粟因之而豐登玄天元聖玉虛師相仁威上帝蕩魔天尊者顯帝之神水德繼王在先則正位乾符御北斗則斟酌元氣戰頌戴微之右垣則並天乙太乙之座宿列虛星之分野則總司命司祿之權初當開泰之中天

卷之三

碑銘

五

聖靈之孕幽明叶相上下同流凝二五之精以有生建二一之道以度世誕聖王宮出胎母脇寶光所照三辰為之失色天靈護持六種為之震動泊乎髫髻年辭親就道東遊震土元君指迷受錫劍於天帝悟磨杵於神姥折梅枝而寄柳升霄峰以圓功虎將護壇龍神捧足於是叩金扉而進升當玉階而稽首受命上清敷惠下土分判人鬼資大禹鑄鼎之功歲除妖魔繼黃帝鳴角之戰較蹟天曹復居坎位展旗捧劍軋軋開黑帝之宮玄龜赤蛇坤軸闢玄都之府歷朝

顯應有感必通恭惟我太祖高皇帝德符天地功配唐虞用夏變夷易亂以治偃武脩文而萬國咸寧燔柴瘞玉而百神歡享曆數在躬宅中夏誕及太宗皇帝續承祖考欽若昊天寶藉神威以翼聖躬爰由冥力以靖多難風行電掃而天日開明虎嘯龍吟而江山變色蓋精靈通乎變化誠廣達乎神祇也是以勅命重臣建宮福地丁夫百萬星霜再周金碧極輝煌之盛香火盡嚴奉之誠蓋所以答神貺宅成靈今之泰嶽太和山是也是以民莫不敬且信有

卷之三

碑銘

六

禱必通離宮別館適於天下名山大川尤多顯靈蓋神藉山川之靈氣乃可以應億兆之祈求故其居處無常周遊靡止若夫互人之國上下於天女媧之墓浮沉於水神化者不可以理測其瑞妙應者不可以言達其旨是以齊雲巖戴霄崖有玄帝之行宮焉其創始落成別有記序素素道人汪泰元以僕業佔畢托戴生昭來乞序文竊以為股薦盟秩帝王所以奉天地山川禱祀蒸嘗億庶所以報祖宗神鬼奠安宗社底家宅邦厥旨微矣矧夫玄天元聖作鎮此

極應化本 朝統五帝之尊履九宮之始除邪  
 鎮惡降福消災爰建行宮允安兆姓也僕雖森  
 末學難盡揄揚草芥微才豈能著述消埃無益  
 於山海瑩燭冥補於日月尤毫增悚撫案知慚  
 薰沐以謨斯文稽首係之以頌頌曰 元天玄  
 聖仁威上帝作鎮北極斟酌元氣五雷都司九  
 天吏使七曜發時五福治世平安水土調攝神  
 靈展旗捧劔掣電輝霆虛皇 勅命至德寔疑  
 救惠下土北宅上清赤蛇玄龜將列水火福善  
 禍淫月石日左先天治軌面明向午安定山海  
 經卷之七  
 亘今及古恭惟我朝 太祖 太宗惟神補助  
 國祚無窮名山大川爰建琳宮金銀照耀琳碧  
 輝崇拜拜稽首小子作頌上述威靈下贊神用  
 磨礱礱磬刊鐫麟鳳百萬斯年於昭示衆  
 中立石銘  
 鄒守益 安福人國子監祭酒  
 安成鄒守益同劉師泉邦采及王一峰朱調朱  
 震二兒美善游廓巖前奇石突立命曰中立予  
 為之銘以期我同遊無負茲石維汝之直方可  
 以語性維汝之方乎可以語行維汝之平乎可  
 以語政肆中立而不倚廓乎乾坤之正

森雲紀異增修石徑碑銘 廖道南 林學士  
 夫齊雲巖者白嶽之名巨與境也層巒嶺嶺則  
 蛟蚪蜿蜒虛壑豁衍則熊彪魚杰遠而睇之則  
 有石鐘鏗鉤石鼓增岷輦輅岩窈香爐輪囷而  
 天柱為最勝是玄靈之所冥宰也近而睨之則  
 有步雲盤桓凌風飄翺望仙縹緲步虛寥漠而  
 石門為最勝是幽貞之所嘉遁也仰而眺之則有  
 五老耄耄三姑窈窕五屏森列獨聳巖崿而戴  
 霄為最勝是飛仙之所遨遊也俯而闕之則有  
 龍池澄澈虎岑迤邐香洞黝黝桃澗縈紆而珠  
 簾為最勝是化人之所棲息也昔者軒轅訪廣  
 成于崆峒神農招赤松於崑崙殷王咨學於錢  
 鋌姬聖訓政於鬻熊乃知臙輪旁轉輒輿降康  
 湫盤中真坤軫發祥葆光會和至道之妙涵焉  
 聞微顯幽至德之精凝焉王侯得之淵猷茂畧  
 握一以正天下豈勲偉烈參三以邁隆古易贊  
 神明之德書紀馨香之治遐哉邈矣是故茲巖  
 之大都也自宋寶慶而戊戌時則拓基設像厥有  
 玉靈浴水程少師標厥勝矣我 明成化戊戌  
 時則探奇聞幽厥有麓藻簞墩程學士紀厥造

嘉靖壬辰葵源汪公上言於 朝以為然祐  
聖躬潛鍾 帝胤 上可之親灑 宸翰改題  
曰齊雲山奎畫焜煌巨碑穹窿神宇間窳琳宮  
輪奐先是羽人朱素和紹天谷之墜緒慨石梁  
之阻險鳩工伐石甃砌除道厥役告竣而國慶  
適至豈非穹祗昭格精誠感通乃若茲哉越明  
年春二月內史道南遷寓茲土冒雨如注拔雲  
以登素和懇以是請未遑也居無何 詔徵復  
秩素和仍走倂 京師懇如初乃援筆畀之曰  
萬峰層疊趨新安天關地軸何糾盤休陽西望  
齊雲巒山靈秀結玄雲端虎豹炳蔚翔為鸞  
兜躡踞騰蛟龜北辰真極大宇寬景緯璀璨凌  
高寒高人於焉利盤桓覽棠虹帶峨星冠朝棲  
扶桑揚雲翰夕息若木飲霞餐雙劍電灸蒼龍  
蟠麟幢塢駕擁仙官石徑險仄多崎艱素和真  
士興孔嘆鉅靈移石跡噴吐俯憑虛壑鬼斧刻  
工成天路真渺漫 奎章炳煥臨瑤壇我來春  
雨鳴飛湍黃山七十二峰橫神遊八極昭奇觀  
須臾寶月富空圓 天書徵召旋金鑾摩壚鉅  
石珠可刊萬古永鑒予心丹

石橋巖銘

汪道昆

先帝在宥天下凡四十有五載瑞拱九重明威  
四海歌修祀典有事於中睠茲白嶽乃作宮  
獻力普存玄宮翼翼屢惟豐年莫不康食今  
天子嗣興修 先帝之德去泰去甚與海內休  
息宣布德意其惟良有司初寒暑而靡有怨咨  
草莽逋臣此焉怙冒周將隕區擇地而踞西暨  
石林有堂有與跨山為梁寔惟天造褰衣高時  
乘彼神臯義和當御馳騁逃逃經紀五辰雨暘  
時若塲事畢登嘉生有碩察於謠俗民不告勞  
居人露積婦子陶陶樂哉乎三老式歌舞以教  
川谷送遠隔閭丘井耕乎牧乎越在箕顓蕩蕩  
無名維伊耆氏之境我銘崇山垂於有永





周鼎之斐璽兮又洽涯奔湊其泌渤漸胡覆  
切而失措兮觸崕岫以遠遷之剝剝叶切  
撇決裂拉隳唐兮素雌哀號於束阮雲集爰  
戾蛟龍澹兮荀勿律吸洪河之倒躡趾蹈皓  
撫夫景煬兮逕閭闔而高蹠切於是僂僕傾  
霄而心悸兮竊親三堦之將將儼神居恍忽若  
有臨兮曾不可得而名狀叶切歎五車連轅於  
馳道兮抗營室之嶷岨切而作閭點糾勾陳  
瞿為衛兮儼璿極之寥廓以相望惟九宮之貴  
神握四七之旋布兮被萬象之瞳矐而鉉天綱  
卷之五  
彷彿坎熒之陰墟兮歲綏隄乎華蓋之元承黑  
帝之行德兮序列宿以昱於其方晞虛危燁以  
炳明兮蕩莽弗泰元之皇皇從天乙而下羣靈  
兮奕奕指玉橫而歲攬槍爾其恢典度以考官  
兮球琳令甌珉璫埴璫琅材林積珍奇委翰舊  
栗闢創倨直構模依井結阿厥蕪斷塗落以規  
成駢田扶疎洞淹地軸要紹清都離婁眇睇以  
倏倚兮班爾心賦而不敢施其雕鏤經日月於  
戶牖以為朝夕兮黔雷驟陵於軒除璇題檐板  
扶畢夫北河兮麗慶雲之灼爍乎金鋪掬若木

之菁英於納陞兮扶虞淵之華華以層樓桂樹  
歎涌而承榱兮歎沉水之儵歟手蕭對菖蒲垂  
葭而將粲兮間壁釭之明珠梟宰扶切振之  
切之櫛比兮張廉瑕之強幹而薄其蔽堂切  
緩荼之宛而不邪迤兮極剗刷之工巧而瞻瞻  
督脩峻之中繩兮陳勾楯之捷攬乎朝蟬何錯  
綵之澤若流水兮焚檠檠以子偁飛廉樹衛  
切而通視兮睢盱上榮之不可隣茲進馮夷  
玄螭觀切翠楹兮包六漠之無際信神明之  
所廬兮陋林光與朽齒切世皇之降假兮陟  
卷之五  
皓庭而覽茲淵懿續昌飾而有所增加兮嗽出  
日之箭夢以覈彙切測置黎正緯經兮步執  
繫八神之從眠助覽切親之北絕寒門兮昔  
暗昧而罔不四施匡衡肇紅暘之酷烈兮殷紫  
微之翠氣以諉諛屈低昂而衡泰宮兮彤璽  
切玄冥以昭顓游神北落之挈天紀兮威玉  
贊之淑郁而颺景熹肆宗裡何不顯潔黜兮穉  
恭嘿之承釐儲精白日貫三五兮諒貺隆之在  
茲於是徒觀其後負巉巖之丹障兮盡屏切  
扶樹中特高而造天兮席嶧嶧之危柱刊削成

削列惟惟兮韓曄裏手平圃劓戕齟齬而重倚兮  
韓切 璧竦峙以危危巨門堯摧之顯閭兮  
 基弘敷而狹手百堵於是接以文昌之帝座兮  
 殿虛無之寥陽歟雲旗桂幹之翻洞兮播灑  
 東井而轆玉房崦岫翻标标切以脩脩兮翻  
 左屆手堂壇翼長離之翬翬兮曲析橫出手宮  
 之鬱單極檻騫翥之朝朝兮珍館陰淫而彌手  
 嶺屹峴游樂之標倚隙兮千青雲而未半切  
 右經三元之閼殿兮降庠豁以凝去聲寒燕靈囿  
 於東廂兮井公戲廡之西端徑緣與以還寔與  
齊書卷之三  
 兮何匪閨之不可殫蔓進扶臺沾迢遞兮丹  
 發隄阻穢柘叶姍叶閉閑靈陵陪無疇子捷獲  
 烏舉攬獮豸澧泉涌溢貫中唐兮墮隅陽馬柳  
 夷衍然切於是振溪通谷扁偏康千清切防城  
 閨闔坂院堂與陸陵礪礪文砥雅肺礪澳洞室  
 閒樹宴清玄邈下切因方就圓不待改築落彩  
 制究華綈切林麓流瑩蓋奇葩鞞鞞袂以  
 修竹其巔巢蔡翫離文木松杞琴灑檣樞羊菓  
 琴尊峰冠廣漾石院陽欲墮兮遺光曜忽奮飛  
 兮突若情懸萬仞兮庭限與仰昨略兮選相勞

附陣戲于薄陸陸切綴貼危兮排不任踟蹰  
 寫隙窗于頤陀陟陟之韻韻敷渠漱大界之驚  
 流兮暴灑晴空以颯澍而泓溟眇以消截兮落  
 漫漫之淒淒陟叢灌距山之岐兮閱縹碧之嶺  
 嶸然翕欬而不徹兮又堪隱而敵先殺切  
 節天梁之自然兮螺崢峴沃若於河津次出至  
 之前程兮岬岬鄰於青旻翹香鑪之峻峯兮  
 秀出之逡巡瀟呼吸而上通兮風凝凝而下淪  
 固疆梁切之宅靈兮吐含化育而乘象展雲  
 煙盪沃之霈霈兮見怪物之蟠踞雲蒸潤以祥  
齊書卷之三  
 越兮廣盈泥淪以陶冶乎兆人汜濡沆瀣之  
 餐兮嗽燕霞液之飮氣叶貽貞翼憲勞切  
 筆兢業而宥庭萬神思抑慮之奉欽若兮何  
 勗戒誓之能流廷臣蟠七宿瞻玄武之兮子威  
 皇心之精裡蓋况榮顯尊之召嘉號兮何殊祥  
 之不臻谷恢崇而鑠懿和兮庸庸保我父民切  
 云亭子封梁山葉切天顧懷兮盛德躬切合  
 靈符兮瑞便蕃切漸萬世兮滋永年切  
 極古之休則兮豈七十二后之足云切頌曰  
 副聰賢鑒演萍熙餘廣濟汗汗兮剡戴切配

黎賴矣切力 興切 姚懿漢漢漢兮翁濛濛漢漢  
精瘞遲接 遲孰知其朕兮檜榮炤炤號戒招搖  
於嗟旅兮喬嶽嶠古 懷徒胡切 玄瓚極杼洪鬯  
拒兮馨惟穀芬穠 降福百物宣序兮

卷之六

七

七

六 巖開闢興復記

金大鏞

吾邑休陽縣西三十里有山曰齊雲備載新安  
圖中齊雲一石插天直入雲漢謂之齊雲真可  
與雲齊也有巖在其中是曰雲巖坐南向北一  
丹臺卓乎其前而或出於兩山之間黃山三十  
六峰環列排衙其外儼如畫屏惟天都一峰最  
高與齊雲相顧盼若賓主然右挾石門石臺石  
洞天碧蓮池左挾獨聳巖聚仙瀛五老峰桃花  
澗是所謂三巖也然石門獨聳兩環卑下若拱  
侍其旁惟齊雲一巖則雄壓萬山尊居巍巍竇  
慶丁未間有方士天谷子余道元自黔北來游  
謁地於城居金公安禮士龍宏開重拓創殿一  
所名曰佑聖真武祠請額於內相程公泌水先  
生大書雲巖二字歸而刊之石道元自記其下  
備載請地之由與金氏慨然樂與之意後士龍  
由市使中和山結草庵於獨聳巖下凡相與戮  
力雲巖香火者甚力其三巖曰山歸之齊雲意  
可見矣中經水火二變雖契字不存幸內相之  
碑在焉其雲巖丁山癸向鄰於丙午山高至已  
丑火災烈燭品物一空獨 玄帝神相頂天一

不動而火不能燎矣葉介夫與金士龍乃重建真武殿宇以及兩廊樓房淳祐辛丑又水火風雨晦冥石崩瓦裂從天而下祐聖障頂揚沙飛石淋漓之漬障幕穿而神光愈恒聖像倏然而水不能滲矣天地之變莫大於水火水火所不能及神之靈實昭昭矣至庚午僅四十二載惟佑聖殿巋然獨存兩廊棟額前樓歇側幾不能支葉介夫又與程大有胡道祥會緝衆緣闢三清閣四聚樓修整結蓋殿宇滴水從廊廡廚堂直舍煥然一新歛邑侍郎程公元嶽載書

雲巖一扁於樓上又慮丙山午火無以鎮也遷於殿前壬癸方鑿石池一口立水位之精四字於石繫四語於下曰靜而能定繁不可污中潛龜蛇上應虛危以北方壬癸之神面北方壬癸之水取太陰化生之正氣神之由是靈也蓋淵淵其遠矣近咸淳丙寅朝廷覈實始鑿定殿基四至立冊赴官印押築牆石以限永為不朽之基他所未暇也以俟後之君子但雲巖地既皆石山不能鑿而田又少每歲建會醮不可無道侶住山於是里人朱經畧孫一鳳與道友金

道大胡道清胡晉龍翁然愿助田畝以備洒掃醮壇之需由是樂助以志者源源不絕琢兩石在山一石紀雲巖開闢興復記一石記雲巖修造上梁文并本殿基址田山助田契字吁有雲巖為祝聖道場又有雲巖田山及道友田畝供備洒掃崇奉醮壇則以一草一木自是添鮮碧殆不知何時而已耶德祐元年記

中金繼震重勒石所記雲巖開闢興復記金十公安禮所助之業而安禮公乃宋少保安節公之兄係余始祖其記蓋有碑在殿之廡下余大父賜公猶及見之今鈎諸道船中檢其記幸存

雲巖山志卷五

廟編恐愈久而愈遠也

時獲助之石以志不忘云

環休寧縣山皆平遠不足以當大觀出縣西三十里至白嶽嶺山始高峰始奇石路盤迴如線不能容馬遊者有輿綆梯而升至以雙絙曳前後其甚處輒下行拊背或行不成步自白嶽西南行五里至桃源嶺重崖夾峙上結小屋以臨風雨曰中和亭立亭心下視已數百仞野田茅屋秋秋如畫下二巨石蹲伏色黧黑中有白質成突晴曰石鰲鵠鵠旁大壑深不可得其底但聞水聲濺濺出草樹間曰桃花洞循洞南行里餘至獨聳巖巖蒼然峭壁橫截一山近西乃有石鐫方廣若門蓋天造以通遊者門首石楠一株其大數圍四顧門下諸石如伏犀馴象不可狎玩入石門東南聯巖一城懸石四覆勢飛墜其第一曰彌陀巖巖屋不踰丈第二曰觀音巖視彌陀稍劣第一石色正綠昂然而輝尾曰鷗鵲石第三曰羅漢洞稍加大焉二石龍循洞門旁出鱗骨隱隱蹴之疑為石子所砌諦視之石內相粘復意其為真龍也洞深三十餘里杳杳東出可抵縣之藍渡溪然愈入愈狹其後為

之導者第四曰龍王巖視觀音巖加芳巖上飛泉灑灑落崖下如雨四時不竭曰珍珠簾潛水沸散於西礪曰龍池泉西嶽有虎跡如泥潭所印者曰黑虎岑黑虎西行折而南里餘至車硤嶺其峻視白嶽倍之車硤南二里餘至玄武觀觀後一山突起如屏倚天正立所謂齊雲巖也古松數十夭矯如此龍皆數百年物觀左一峰曰石鼓右一峰曰石鐘夾屏二峰曰輦輦皆以其形名觀前溪水如帶垂迤而東為石橋以渡南直觀門數百步一峰挺然拔出蒼蒼中不與群山相屬曰香爐峰橋西數百步高崖中斷一小峰離立澗下曰捨身崖崖西二里餘五峰差列如群仙冠珮珮下天際以向齊雲曰五老峰峰西北間有沉香洞人跡罕至草木蒙翳時有蛇虎潛其中不能往也遊者始入率以白嶽為高至桃源則白嶽已在其下至車硤則桃源又下至齊雲則車硤益下蓋於此可以見天之高地之迫窄不知身之在何境也舊碑云宋寶慶丁亥有道士天谷子自燕北來居彌陀巖一日見異人至相語曰前山高空可移隱於彼天谷

子許之如約訪其處已有塑像焉土人驚異  
往觀以為類 玄武之神固初道院已丑弗戒  
於火淳祐辛酉大雷雨裂石壞屋而 神像歸  
然獨存香火日盛跡其事若不經然山靈所鍾  
亦疑其有不依形而立者予獨慨夫茲山之勝  
淪於窮鄉下邑而不當夫周原廣陸之間以名  
天下爰忘其槩以貽好事者且以繫他日故山  
之思而又慨予文之不工不足為茲幸也  
書研陰正德丁卯予在京師得聖樂聖士  
集愛其文不忍去予及詩齊雲巖一記謂宋  
廣間天谷子遇吳人得其處廉之有道院始  
九丘壑溪湖之勝十說萬狀篇篇殆盡雖此  
亦不得以自秘今人如親侍欽履之役而  
知身之在於虛中七乃嘆曰安符一遂登  
之樂乎越明年戊辰夏六月予來推刑新安  
題其事以文以九月一日登茲山命子為  
類見其學士文字中者皆洋歷其時子欲  
士與道會徐秘元以未刻對所存諸碑請  
無天與道會徐秘元以未刻對所存諸碑請  
石下又明年己巳予為謀置山中大河借  
而下深明間案之境始得學士探奇選勝  
此記乃爾委而弗刻主茲山者亦可觀已  
之記後四年而予始生茲山有侍於子以  
之記後四年而予始生茲山有侍於子以

雲巖西記 李汛  
新安多佳山而齊雲巖與黃山為最巖周迴百  
餘里高三伯五十仞視黃山僅百之一而恢怪  
神詭足與爭雄予弱冠嘗一遊焉距今三十餘  
年每思繼之及讀學士程篁墩先生所為茲山  
記森然如畫在目自是以為可不再遊矣今年  
秋間予出守思思便道抵家巖之道士汪泰元  
養素子遣其徒方瓊真雪崖驅鹿來賀且告曰  
吾師近得巖西異境數處皆人未見者願一覽  
焉予愕然曰有是哉遂戒輿夫破曉而行滄渭  
二弟策驥從之六十里至白嶽嶺與夫告險乃  
舍輿而躋遇亭輒少憩焉至午抵觀養素迂於  
虛危之池揖而進曰來遊君子旦來暮返往往  
至是而止竟未知有巖西之勝也請為先驅西  
行數十步一石巖橫可五六餘深半之高又半  
之上覆如閣養素室其下因名退思左鑿崖引  
泉一線入而為井淵然以涵右古松一株不知  
何代物也出巖折西上浮雲嶺忽聆二弟朗吟  
太白頭乘冷風出浮雲之句聲達林谷神思為  
之洒然南下數十步仰視棲霞洞其頂橫卧一

石如蟬蛭曰鶴橋下有沈藥池取鹽者謂能去  
瘡池左岬岬崛起巨屋曰熬膏其下研然可避  
風雨前一石街尾封脊引頸欲鳴儼若橐駝石  
因以名西北人立數峰有堆翠如螺髻者曰三  
姑有矯矯類力士之取金牛者曰五丁又有偉  
然類有道者比肩而來曰五老卒然遇之不甚  
疑其為山也南一石卓立曰天柱峰陰不可即  
乃轉天獨障障之巔有巨石素曠可坐數伯人  
予曰此蓋天以憩遊者耳亭其上養素欣然  
領之一澗自西委蛇而來幽漠澹泊窘而為  
澤者三宅而為井者九井視潭加小而深為龍  
所宅澗口飛瀑砂激若晴雪滿山清沁飢骨此  
三里一石洞屏攝整然如房殆有異人隱此莫  
之能見又此一里五峰並峙而中稍高曰五鳳  
樓上有石人呼之隱隱若有聲應嗚呼異哉巖  
也或亂而理或散而聚或飛而歆去或卧而不  
起或猗猗而可畏或窈窕而可喜或遠而若聞  
或近而不覩或莊而嚴或媚而嫵千變萬幻自  
開闢迄今而始呈露於予夫豈偶然耶養素又  
謂西去十五里有巨石飛跨兩山間長五十餘

丈廣十丈其下穹然去地百尺天上人間無此  
礪也迫暮未及往亟循故道返月色已在榻矣  
明旦登天鼓峰緣絕壁而上若有挾之去者不  
覺遂至其巔予曰嗟乎高哉點初歛發之山烟  
樹歷歷一目盡矣時風烈甚即下夷處回視我  
勢峻絕却股票自危頃之南轉峰陰擬觀白龍  
烏鵲諸洞聞幽籟颯颯出深谷中遂止因語養  
素曰名山近在百里內且不能窮而欲遊想何  
哉留四詩出山觀之道會徐秘元朱素和等各  
携酒以送遇佳處即亭飲至石門而別已醺然  
矣入暮抵家夜念奇勝既於予遇不可孤也旦  
起述其大槩以適好事者異日或有名其勝於  
天下者能非此張本也歟



天下山川之神莫不以興敗雲雨生育萬物為職肆惟國朝成憲率命守土之官春秋焚祀而大臣行部至其境者必崇訪焉我大都憲安成彭公奉聖天子璽書撫巡南畿惠利元元六載於茲矣迺治癸亥夏秋之交穡事垂成早寇為雲民以災告者畢集公憂心孔殷爰命駕以省菑自應天歷寧國太平諸郡赤土千里遂撤有司用加賑卹泊撫臨徽境見雨暘異於他鄉績歛連歲年穀小登亟訊之得郡守象山何侯雱柴所感賞久之因喜而留行臺信宿尋至休寧而休寧之穫視績歛加豐公召父老詢之食曰距邑西有齊雲巖為玄武神所居頃者少旱邑奉郡守命嘗禱於其巖輒雨應民享其利焉公聞而大悅曰山川之神靈有如是耶吾將訪之越朔旦肩輿涉藍津循山麓石逕梯磴夷險百折遂過於嶽嶺石亭繼躋桃源洞天盤旋崿岨約行里許有石門焉寒泉瀑布珠簾炫目隨過羅漢洞步車猗嶺以造其巔覺風生兩腋涼而並至而蕭爽之氣森然襲人四

望輦輅鐘鼓諸峰屏其後壚峰拱其前又有龜蛇龍潭奇怪萬狀神殿隱隱建其中時有白雲滿山謝絕人境公曰是真齊雲巖歟公既謁神徘徊瞻賞情有餘致廼作而嘆曰巖巖茲山佳境天造神靈攸鍾雖不運動而功利及民殆與天地同其用惜乎不當通都大衝時獲名賢品題以誌方輿乎公值道出黟會而留宿山房復念神之靈以勝覽不可泯也顧理叨侍陟降命記其事仰惟公負朝廷寄託之重輯綏畿服一念惠利元元之意昭格遠通神明安之而歎之山川攸為效職霖雨隨車公之慰喜寔多焉廼順臨是巖大觀固已重於昔矣尚當俟宗工鉅筆紀頌盛美以垂不朽理何人敢僭贊其間而公命且嚴謹遂見聞就正於何侯侯曰可於是書

重修太素宮碑文

吳子玉 邑人

聖人之治天下百神受職於明堂之庭銘心絕  
嚴安祀群嶽考虞氏連奉之曠式告至會祚而  
不時邁其邦道立中央神徽效應夏禹日觀自  
樓卯階惟今日之祠嶽見之也蓋自升中建號  
七十有二亞斯而後帳殿森乎嶽趾巡躡所經  
奕奕亭亭謂盛德獨起連延不絕榮光隨旂祥  
颺統輅聲名文物震耀今古侈心所託無能忘  
與然名山顯位萬靈禮祀不可缺者 文皇帝  
有玄嶽 勅建 肅皇帝有齊雲 勅建皆遠

齊雲山志卷之三

碑文

末

詞官行禮不親封玉冊不置石礪不十二辰陞  
博擇歲巡告高之典而善通之固焉矣百代光  
之無極哉齊雲建宮宇不二十年上漏下朽勢  
趨於頽萬曆戊寅郡君侯徐公言之兵使君下  
撤修繕頽宮之高巍巍仰華棟而捫天狀工鉅  
費不貲莫知趨赴徐公下教於縣縣乃徵邑之  
才好行其義者查洞丁賓汪福貴汪進義文彥  
葉淮程高葉權汪定會查傑邵玄彪程問十有  
二人董其事上以忠義激乎下下以忠義應乎  
上以故十二人者皆抵命不怠經之營之歷也

齊雲山志卷之三

碑文

末

寒暑晴用告成約探攻堅倍蓰於舊繡楠瑛栢  
釳砌金祀飛甍鮮妍畫棟雲蒸丹靑映日翕純  
輝煌四阿白盛霄霏可接允有以奠 上帝而  
綏百靈誕禧萬年社稷福澤六幕民人皇皇哉  
其功盛矣肇事於戊寅八月工訖於庚辰九月  
徐公屬縣大夫曹君命雍人鯨之將攸躋以落  
之值 天子詔祠齊雲山太素宮詳定法物如  
嘉靖年之儀親製贊祝無一秘請命真人國祥  
至山展禮十日而罷徐公曰是為落大矣令縣  
勿落屬幣酒勞查洞丁賓等首功者仍屬會令  
君貽而表其廬野史氏曰蓋自 世廟祀山後  
而今始再祀云然不先不後遠宮宇繕成之候  
右序之事若有契焉柱楹之腐鈞然不隳及繕  
建訖日祀禮斯臨非有神宰之能幾之如是乎  
虞典樂緯所載寫黃圖稽故實未有若斯之可  
紀者也今海內際天所履煙火萬里鼓卧戎亭  
燧息烽堡東北攸寧窮裔朝請斯之為符詎俟  
三脊之茅故宜召萬玉以警涂登山閣而勸牒  
同於八九摠之無窮不為進越乃命一介陟其  
高山齋於宣室以遙對玄宮之權不誦詭訛之

如從不購弛如此固載縹緲所當作頌者也徐  
公百政已歸俱已報績而是工役上不知費民  
不知勞尊君保民敬天事嶽於此具見往發之  
期與釐祝值人臣之祈年視在上之秘請又第  
厥心矣詩曰懷柔百神及河喬嶽允王維后敢  
依之以作頌云其辭曰於燦昊天而明離章玉  
膺成命伊嘏其康吉雲油福草蕤蕤明道既  
登百昌咸即貞而覽之載嘉錫之非惟錫之維  
皇允保之喬嶽巍巍有覺極之震疊度宗來茹  
來咨不邁不深大君也哉維北之宮 玄武虛  
神案山帝卷之上 年表 主

白嶽行記 凌登名 同知  
歲戊寅夏六月先大夫寢疾薨諸孤皇皇無策  
乃具三表使暨于乞靈於白嶽神弗徵福諸孤  
忍死以圖大事惟是大母墓門之石先子屬志  
於汪司馬伯玉於是小子名有事於白嶽以及  
司馬氏十月八日出舍湖南之館越明日自北  
郭買舟而西亭午泊餘杭舍舟登陸飯於逆旅  
輿行二十里拉青山僕夫不前遂止宿丁亥過  
西墅晚至於潛宿鎮角城中故人張時敏書紳  
聞予至掃室焚香偕其父固邀以入為設鷄黍  
慇懃特甚而予以齋戒弗茹夜二鼓就榻陪予  
者諸生余某其舅氏也五鼓發於潛過昌化縣  
宿朱柳舖已丑辰刻過車盤嶺已刺過界山午  
過老竹申過畫眉三嶺拉暮宿杞梓里是日也  
所行九十里越十數岡巒崎嶇上下絕壁危崕  
高歎泰天下可建瓴鳥道容足傍臨絕壑良亦  
難矣唐宣拉新都入紫陽門止開化寺辛卯發  
新都午刻至休寧舖時至巖麓有石坊曰白嶽  
中和山步有餘級為山門曰第一仙關折而南  
山頂一亭峙焉又上曰環峰拱秀俯視諸峰景

秦山志卷之五

五

案履寫下矣大溪一線當其左循此又上硿磴委折巖谷上下每高處皆有亭曰中和曰凌風一道委蛇中建石坊進此又數亭最上曰海天一望此臨大澗亦奇觀也稍西曲折最高處則有水雲亭有漸入仙關亭有溪山第一亭峰巒尤勝其上為望仙亭自望仙而下約百許步窈窕邃谷有亭翼然臨兩巖間橋接亭下曰夢真下有流泉為二山通道亦極幽勝由橋而北復度一山登玄都亭半里許有小石洞為淨樂宮忠烈巖又上為通真亭過通真則天門儼然在焉若鑲若剔空明嶠此一竇通行洵出天巧一大楠樹當天門之前道者云此樹江南無兩入天門迤邐一徑環拱殿連危崖上覆若屏若幃若雲物幕屋名公巨卿高人墨客留題賦詩幾無賸石一洞曰雨君水自洞下點滴若簾又謂之雨簾聚一潭曰蓮塘巖竇虛豁惜皆為乞子托處頗索清曠過此為真真石室對石室而上曰天梯循崖而入左爐峰右道院祠宇星羅不可勝載最近為桐梅庵由桐梅而東為真武正宮榜曰玄天太素宮入門有石池池水澄碧

秦山志卷之五

五

殿宇莊嚴宏麗令人肅敬每歲三月三日間有洗殿雨雨色微紅洵奇矣殿後主峰為玉屏左右二峰曰鐘鼓其前為香爐甬自平地孤峭業岌頂設石亭一道人主燃燈每夕援籬而登壬辰五鼓肅禮玄帝懋風忱禮畢還飯道院於是道士程某者過引探諸勝由宮前而東入沉香洞捨身巖洞之上有院曰宜男吾鄉胡使君所建出院遠北而上穿林陟磴左右皆峭壁壁上多前人書字又自南而東則紫霄巖在焉巖望古洞襟以金碧巖頭水落晴空飛墜若戛金玉恍然洞府也維時朝曦始發照暎山谷倍現精彩因巖為院肖像者三則真武之離宮也大都巖狀如栲栳池水瑩潔前臨大壑曠邈無礙是稱幽境入境處各有石坊左曰雲龍右曰風虎由雲龍而南稍東沿山而下其峰為三姑由三姑折而南於眾山間出一坡平衍如掌其上初文昌閣孤高精潔蓋監軍馮脩吾所建也五老羅其前三姑峙其左懸瀑界其右大溪遠其後而爐峰一帶亦擁於左方鳥語人聲窸然不聞寔為茲巖一大奇觀云五老對列如斷傍四

峰都無草木獨中一峰有九松儼然筆床五老  
之側則有西天門砌路一帶如糾龍蜿蜒三姑  
向之亦極奇麗三姑之側傍倚一石儼如西僧  
斗笠鉢杖歷歷可睹當其雪後月明不知作何  
等境界也程携鴈鴈我閣中勉為一舉手亟取  
茗盃連啜以快心目時閣初成器飾未備爐尚  
以木風烟可慮因授金於程更以金石徙倚排  
徊殆不忍去癸巳夙興辭神而出初所見奇峯  
怪石又得一寓目程餞別於天門是行也當其  
構異探奇即在大戚未嘗不為伸眉及夫撫景

幸

臨風追念先公雅意山水不得奉以登臨輒復  
泫然悲愴嗟乎欲報之恩昊天罔極予尚何能  
為情哉既下山午次休寧申刻至嚴鎮舍於諸  
生王君之別館方君在者名簡王友也且習汪  
司馬次日遂介君在往謁司馬會司馬卜地長  
干慨然吊於其木泚人而返晤司馬弟曰道貫  
仲淹從弟曰道齊者子隆伺我於肇林偕而返  
夜漏十刻始渡河抵其家丁酉復入城次開化  
遂訪田子執藝衡於學宮尋與子隆登城觀斗  
山書院書院者段使君羣髦士之所也城因斗

山院又在城上院之後有亭曰魁杓四顧遐曠  
衆山圍繞六水朝宗又城闌中一偉觀也循城  
而下至迎仙觀觀為壽亭侯祠相傳統陽曾隱  
迹於此去之日自肖其像於壁余瞻禮焉神彩  
煥發獨異他像真神筆也歸拉僧舍田君以一  
詩書扇頭貽我旦日子復過田君論文移晷鉅  
我九雲館復走使邀孝廉江伯禹來岷來會磊  
落士也辛丑復偕子隆走松明乞文於司馬司  
馬許諾鉅而還義城居二日理檝下錢塘歛睦  
之間有灘曰芙蓉約里許怪石碁布舟穿自石

幸

鏘灣環縈繞了不辨所出杳然奇絕其時方水  
涸行十許日始達富春予自富春策蹇入城是  
役也往返彌月所歷皆佳勝地而予寔扶杖曳  
草情事鬱懣無能探奇採幽僅錄其大凡以識  
歲月

進白嶽記

謝肇淛

推官

黃山歸之夜始雨七晝夜不絕聲二十有四日稍霽歛之與馬適來會衆各持念齋戒寢興露濛濛未解行者疑弗決余曰吾業心許出羣衆奈何以兩師故寒盟肩與先往元翰于楚臺亦以藍筍從道中乍陰乍陽景色變幻薄暮抵海陽海陽魯明府子與知使君齊不為具除道戒與馬如歛故事夜篝燭為文詛而翼日託道而朝巖巖然矣行三十里始及白嶽之趾衆舍車而徒緣石磴上逶紆峻而修廣無甚險絕夾道

黃山歸之夜始雨

七晝夜

二十有四日

稍霽

怪石磴研如拱如躡不暇應接五里許至望仙亭回首下視已似隔數界矣稍下為石鰲塢注水者為桃花礪然勝蹟漫滅僅存其名即土人不甚語也余囊中攜圖以行每至一所輒按圖索之景升笑謂使君卧遊足矣胡為重辱杖屨余謝曰政自不能乃爾從真氣亭折而下象山一峰橫截行者杳然以為無復之矣石壁窮而得亭乃復有石梁亘架中穿一洞以出是為天門信出化工非人力也石楠倚門狀踈相傳數千年物而黛翠不改洞中及諸石壁碑題篆刻

黃山歸之夜始雨

七晝夜

二十有四日

稍霽

始通什九汗漫不可讀出天門循崖行為觀音崖為羅漢洞稍進為珍珠簾乾久水竭殘滴瀟瀟滿即碧蓮池亦可褰裳涉矣意殊恨之左折為黑虎巖石級嶄嶄累然上者為天梯憑梯從窅為真真石室門鑰不得入復下從車磴嶺而西過棚梅庵千武而達玄武行宮自嶽趾至行宮可二十里而還日且曛嚙亟入宮謁帝帝祠髣髴太和而規制差微紫玉屏負其背鐘鼓二峰翼之祠前一峰擬立作頂禮狀為香爐峰其他萬壑千巖環拱羅列奔赴朝宗帝像莊嚴精工殆非人手相傳以為百鳥啣泥所成以啓扁先期默小指未就至今補塑輒落此理之不可喻者也時景升方有事於文昌余三人挾黃冠經華林塢洗藥池抵捨身崖而窮不復至文昌也者夜矣夜宿觀中山雲巖巖千林凝黑而香爐峰頂一燈熒熒照牀蓐間翼日步而上五里許至文昌閣望五老峰端竦如玉筍班樂而不能去者久之至讀伯玉伯念二先生碑又黯然而異代之感遂至南天門踰五老之背以下既下始履康莊阡陌村落炊烟相望于楚

二與人酣宿酒常間每與輒歌二君窘自技  
下過天井觀音巖導雙溪又十里而至石門寺  
寺以石為樞卑棲地毀殘燈老衲淒然相守即  
四大金身亦僅餘泥土矣石龍無恙而口不注  
水寺僧云五月分龍水始吐至十月而涸歲以  
為常不真也寺右為石橋巖巖類天門而高廣  
可五倍之登橋而萬山迴合紫綠千重縈繞衣  
帶故為龍勝之所丁君以舒讀書雲巖令其羽  
士金斗陽攜樽罍至橋下盤桓一日久之雲氣  
起足下雨且霖霖業止寺中顧湫臺無所合僅  
從迺踰躑躑如雨如絲不止抵雙溪暝色合矣逆  
旅不內客行李淋漓景升雅知朱太學文潛以  
片刺往主人方有良會至即謝諸親懿從泥淖  
中肅客入酒散畢至夜分就寢猶聞簷溜淅淅  
澗戶漏盡稍息詰朝乃大霽于楚欲順流觀落  
石臺至藍渡橋覓筏不可得遂入城又翼日至  
臺所觴王謙卿介卿二文學夢雨齋通顧廣文  
靖甫丁太學貞白咸以鉅釘來會入夜魯明府  
始具食明府因微余言不腆白嶽辱使君之雙  
巖以為地主寵光且使君從天都來也安所軒

輕哉余謝唯惟是黃山抗地表入浮雲神秀洪  
朗雄視南服固當吞白嶽八九於胸中至於連  
蜷盤鬱樞柅襍沓若神工鬼斧令人意美心惛  
樂可以忘死若是者豈兄軒轅氏而津溪然弟  
之哉景升曰若是則使君將焉處抑寧有蕪之  
者乎余謝唯唯諸君須矣海濱之地不足當漢  
什一而山川嗟峨差足比數有武夷君者秀敵  
黃山而奇不下白嶽至於九曲澗潯而揚波折  
筍懸空而絕地玉蕊金草仙蛻丹牀委積其間  
又二嶽之所無也諸君須矣質明明府赴郡四  
人者並轡而返乎豈水

三楚升中頌

汪道昆

三楚以民治代興皆楚之良也馨香四達和洽  
神人興誦升聞帝命方外司馬汪道昆勒之石  
郡太守雲杜徐公成位

御萬曆卅紀年五恢帝然兮瞻南輔簡在兮秩  
宗莊新都兮守土履樞關兮望堂皇鏡秋水兮  
戴春暘振月題兮釋策馴蹄嚙兮周行民庶兮  
訟結五辭具兮片言決近欲聞兮聒需遠將援  
兮蹶躡下黃髮兮推赤心培植樸兮暢儒林脩  
常平兮凶無暴扶不逞兮沃母淫息紛爭兮釋

齊雲山志卷之三

中

携貳均蹊獨兮歸農事順帝則兮相忘窺海若  
兮無浹奉繡斧兮東遷筭六籍兮藁五絃肱區  
兮不閉民遮道兮呼蒼天歲功成兮三歷繕宸  
居兮北極周澤渥兮溢四封良莫良兮二千石  
郡司直武陵龍公膺

俾有美兮稟幼清濟爽世兮斐英聲剖荆山兮  
玉質起卅穴兮鳳鳴出真鳩兮理南土奉三尺  
兮具文武陳衡石兮麗天倫釋桁楊兮祛罪罟  
押含光兮直無形猷吳會兮宥上刑攝三章兮  
流愷悌周六郡兮民不寃緣文學兮節吏憤鼓

諸生兮赴正鵠寧論社子游齊盟急繼衣兮下  
白屋吞雲夢兮吊湘魂陟蘭臺兮振典墳張楚  
材兮有斐備宣室兮敷陳紵推轂兮廣路忽一  
跌兮夷庚將溷夷兮幽惠卜輿論兮憤賄賄而  
不平昔周旋兮帝側儼對越兮天則劇嶠嶮兮  
紀舊德良莫良兮郡司直

海陽令丁應泰

陸有海兮閣扶桑規百里兮夷大方矯游龍兮  
沿郭渚挾霖雨兮海之陽戢垂天兮八翼沛來  
蘇兮帝澤錫水族兮屏長鯨距汚瀆兮湛空明

齊雲山志卷之三

中

斤沃焦兮湯沐浴初日兮盈盈停佚征兮歲萬  
計罷力役兮歸耒耜因露積兮萬斯倉立平準  
兮市安肆兩陽儲兮歲殃僵菜色兮相望既懸  
鑿兮比屋疇閉糴兮闔梁運里社兮發粟急調  
人兮道路肉白骨兮溝澮粒蒸民兮鼓腹化從  
目兮為良虎伏辜兮兕斧雉委質兮白章翼賴  
鯉兮直上茁少城兮芝房反休符兮上帝辭賔  
貺兮未遑帝鑒兮慄慄良莫良兮楚令尹



白嶽禱雨文

丁應泰

萬曆十七年歲次己丑夏六月初三日直隸微

州府休寧縣知縣丁應泰齋心徒步率寮屬師

生里老人等焚香百拜陳詞於境內齊雲山

玄天上帝而告之曰泰生江漢而吏海陽七載

於茲矣竊叨再計負惡千條邑有政教未能備

舉邑有弊蠹未能除革邑有滑頽未能殄滅邑

有請託未能禁杜邑有飢寒未能賑恤邑有疲

瘵殘疾顛連而無告者未能撫恤而愛養之以

致接歲水旱田穀不登人民餓莩去冬今春時

疫流行天札我赤子數百千人此皆泰一人所

致而今夏五月以來枯旱不雨稼穡卒瘁合邑

士民無大無小無老無幼莫不涵涵憂蔬將謂

罔厥有秋枵腹待死而忽歸於泰一人泰閉閣

省謹惶惶悚慄畏天震怒待天誅戮又自思眇

然涼薄業愆積惡何德動天感天而致彼甘霖

也惟以玄天上帝鼓舞陰陽膏液宇宙仁覆

憫下哀我人民斯大決靈泉蚤沛時雨俾我疆

理灌漑優渥百穀遂堅好之休萬姓適樂利之

頤而泰有罪惡泰自甘禍謫無以泰一人之故

而播棄衆民也泰與寮屬師生里老人等無任

謝白嶽再禱雨文

維萬曆己丑六月望日海陽令丁應泰謹百拜

而告白嶽玄君之神曰逆者泰暴赤日中走

白嶽道步而禱亦步而應旬之日再得雨烏舉

邑元元呼玄君之賜而令稍稍得售其款誠

非神之大造乎哉迺者接日以來又彌旬不雨

苗勃發而勃槁視前尤甚焉始泰偕告於神以

不令而致旱失詞罪已自知無所逃諱以元元

請命希消渚之賜而神亦應之矣寧獨無終惠

乎哉夫玄君顯化北峙繼水德而王茲白嶽

又副太和而表南園宅中亦北嚮水德茂矣乘

坎而御兌悅潤萬物正神之所為專治者神享

朝廷之望祀奔走士女適於遐荒神庥之及人

者且遠而邑之人嚴事神唯謹神之施惠最近

寧無冥扶而陰騭之乎泰雖自罪自責行負神

明然居官知自守不敢抵於不才有司祈禱知

至誠不敢私宴安口腹而飾民觀聽往之禱而

再雨或神之鑒格而不遽棄令也即邑之人歸

功令亦靡不頌神之德而神之施不終究竟耶  
令踞躋達室倉皇安之猥茲下情忝私蘊結用  
是披心腹而再陳於神邑維疏蕃庶乃瘟疫時  
行十室而六七民不堪命矣薦臻旱雪將子遺  
之是咏神之享明禋於朝而盛香火於此地何  
以安焉若謂天地鬼神漫不問下土之情雨而  
雨不雨而不雨皆適然爾舉感應之理而卒歸  
之褰遠茫昧又何以稱焉吾知神之必不然矣  
夫深自罪責以祈求於神猶恐神之不我答茲  
且直已以與神質世有此強項吏乎哉伏乞大  
降時雨蘇我禾稼保我室家即神之臨令甘  
承之矣懇切在衷詞無文飾干冒明威曷勝恐  
懼戰慄之至

六邑白巖會紀

潘士藻

吾郡大會肇舉於嘉靖庚戌安成東廓郭公寔  
親舉玉趾以臨之一時景從之士彬彬然遂以  
為常六邑各舉於季秋粵歲丙寅我師天臺耿  
先生大集都人士於郡之斗山教鐸所振聲施  
至今予晚乃知學學然後知困困然後益從事  
師友萬曆戊子自京師抵家秋會於休陽之山  
斗聞彭令君有民則同天台先生之門者明年  
會祁冬祝無功來令休陽則予所共晨夕者於  
是會當輪歛彭令君主之遂與無功登郡仙姑  
山所築談經處為會七校之士說說然至意氣  
勃然若有興益信乎君子之德風也予因商訂  
會所於玄宮之東功德堂且謀聚金買田為會  
費是議也彭令君又寔倡之先是東廓翁登白  
巖首為茲會山靈寔與蒞盟天台先生至率同  
遊陞眺紫霄峰巔自謂有風雲味歸之趣今繼  
前趾技藝此山為館穀地比於白鹿青原華玉  
諸名跡使赴者有定所至者有資賴斯彭令君  
所為風之者哉無功故嘗有名會藉茲又白巖  
主也義不當獨讓彭侯予為識始事之端又

命於覺山洪先生及一二長者先生蓋嘗安  
成天台之席於今為時靈光云

卷之十一

會紀

宋

會陳正甫郡伯魯子與休令及汪登于桂文表  
因朝拜招赴宴集乘風雪一登眺然奇踪攢簇  
亦大概可觀記已四宿下山經程夷甫別館至  
西郊寓汪潛夫家隨赴還古之會途遇邵翼廷  
都諫往復憂治世娓娓不置云到院舍魯君顧  
仲二博士群多士金芳遠程玄度等百餘人環  
拜既次第商學蓋院舍寂于前令祝君無功風  
動有自也信宿抵屯溪途宿黃賓王中舍之竹  
樓中舍以言事譴歸讀書敦行朋輩因索余作  
草書十餘幅次早與中舍及朋輩論學而別到  
屯溪朋輩群集溪潄次早遊朱氏花山園亭盡  
其奇勝朋輩環坐半山亭中唐孝廉首發靜虛  
之旨走稍為闡明若謂物生於虛滅於虛而虛  
終古不動大易所謂原始反終佛所謂寂滅為  
樂雖入門稍殊大概不遠也步至舟次朋輩別  
去戀戀汪維禎張覺之吳以忠別於浦口走與  
唐孝廉並榜而行相對各罄所脩證歷六日兩  
抵舍孝廉寓東郭禪寺繼往趙伯璽太常山館  
阻雪旬日而返後止宿於福峰書舍七日別歸  
賓職之二十六日也走念勝遊非偶嘉會

茲行與諸同心窮心性之原昭踐行之實聞於  
儒釋旨歸究至商確焉則於往復篇章宜有彙  
集以藏名山而諸士友簡催面索靡有間月遂  
漫出應之因以質正於四方之正覺儻亦有繼  
河西之誨過尋鵲湖之聚盟而俾鄙劣并茲會  
之儕輩得有警發以共登茲大道已乎諸少會  
語俚章別具

雲巖夢神紀

魯點

丁生惟瞻以舒半歲喪父自苦志力學治古文  
辭密忝西來之旨幾悟矣居常以舉子業鳴令  
深谷之然附贅懸疣自侈於性令惟嘉其為人  
不見有丁生疣也戊戌嘉平既望劉夢陽蘇報  
祖諸生導令禮城隍之神禮畢則揖而言  
玄帝之靈友人丁以舒素患額有瘡如胡桃大  
百法藥物不能治近讀書雲巖候一夕夢金甲  
神人手摩其額左錫以菓按驚寤瘡遂平如右  
食以為孝友行義作人之報云蓋是月朔事也  
令始而駭離而疑迨已亥正元日丁生乃同眾  
賀令嚴令視之果然問其故遮避不言其夢中  
之詳第云余小子形不肖荷神之庥令勗之  
曰丁生勉乎哉踐形惟肖由自性解脫一切  
神不為虛祐矣

桃源洞天記

施鳳來 平湖人

大地之靈氣突湧為麻雲巖中間為桃源洞天門左開仙嶺右峙倚展誥而面黃山桃花洞前繞與黥川會誠僊靈窟宅也先是張選通道人來遊貌古神闇人莫之識黃上舍國瑞一見而師事之因買山結宇居焉其正殿之北鄉者曰金闕祀玄君也後為察陽祀三清也察陽之左南鄉者曰大通明祀玉皇也簷外時灑飛泉焉通明之背軒曰煮石面煮石而閣曰生玄祀斗母也察陽之右北鄉而宮曰青羊祀老子也

前凌虛累重臺而顏曰應元府祀雷祖也背青羊而宮曰三元前崖壁屨屨而中虛者曰混元洞洞右泉涓涓不涸者曰華池前二坎甃為八卦池通明西石突兀如累逕蜿蜒而上者曰翠微天折而北望空一室聳突兀之上者曰靜明居上有石方如枰者曰禮斗臺總之稱桃源洞天云是役也繕蓋以巨萬計矣夫齊雲之著自天谷始然以佑聖一祠合金紫程胡數姓之力纂路藍縷以啓山林猶未足至徵 玄武之靈啟我 肅皇帝於三百餘年後出尚方水衡之

物力以供之而功始就乃黃君不愛重貲獨力成之俾桃源之輪奐與雲巖儼美慙念破而丹基崇矣不尤難哉且以齊雲之秀異闕孕鬱勃宜代甄高真之士翼玄化以輝巖嵐自天谷迄今抑何寥寥也徒恃北極之威靈奔趨天下豈秀固鍾於神而盛於人耶今始得選通歷寒暑籍草卧地而神逾王神舉可知黃君又能悟真訣以竟其詣彷彿鍾呂之傳將齊雲藉以益勝寧獨桃源乎然余往讀藝文志尊老子於道家而神僊則列之方技親近言僊者悉宗老氏何歟老子書具在死而不忘者壽何戀長生即所稱谷神不死綿綿若存體用具是曷嘗有鉛汞烹煉如參同悟真名相絞繞哉關尹曰忘精神而超生見精神而久生忘而超者道其藏史關令乎見而久者僊則魏伯陽張平叔其人焉故知僊原於道猶跡出於屨而跡非屨也以選通內觀其志耶見耶當自辨而余雖再入山未覩無繇叩茲欲亟訪之屬貳南雍未暇也聊因黃君弟子汪應生介余友吳嗣宗以請為之記大都云耳選通無名以貌名國瑞字無心休寧五

城人乙未師選選己亥建洞天兄弟猶子咸樂  
業事內惟青羊宮為少參新陽公子德淳建汪  
應生本黃冠欽無心之高尚師事之以後師選  
通皆可書

上選通仙疏

朱憲潔 字室集 國  
將軍

某生身中土列職潢系尸食梁肉逸樂紅塵然  
業識雖深幸夙根不昧方當髻髻即有志乎煙  
霞甫及壯齡愈精心于服食廣延雲水遍訪高  
真內外經書閱盡猶嚼蠟之可慙黃白藥物屢  
忝恨玄微之罔利年將耳順悲哉老大無成日  
在崦嵫苦也紅顏易老盲修瞎煉抵徒勞心力  
于三千六百門中混俗同塵却虛度光陰于三  
萬六千場內孜孜汲汲切切惛惛若云有志者  
事竟成安心豈敢但言遇高人莫錯過鄙念惟  
殷恭聞大仙道高天地德冠古今袖裏丹砂注  
凡形于不朽壺中日月運寒暑以無更祥狂玩  
世布二祖之高標選選棲山繼三丰之令蹟嬉  
笑怒罵總包含濟世度人之心岩窟穴居盡盡  
蓄深藏秘密之旨孰非大巧若拙盛德若愚待  
諸霞霄者幾滌久慕高風未親玄塵特修疏奏  
一通附心玄衲子貴捧上聞倘弟子前初有緣  
求方寸之地為印證之階如聖師善提行切祈  
三尺之棒作寶筏之津滌雖衰憊微軀猶堪爾  
匍匐池魚籠鳥仍望瞻依乞仙師廣普度之慈

悲憫愚蒙之後學明須金示早決去來臨楮  
勝遙祝待命之至

齊雲山志卷之四

宋

古詩

雲巖

雲谷子即葉人未晦菴先生

山行何逍遙  
林深氣蕭爽  
天門夜不關  
池水時常滿  
日照香爐峰  
靄靄烟飛暖

雲巖同遊

金子潛邑人潭州司戶

丹崖何突兀  
兀與客共躋  
攀一霜九天  
濶斷雲千古  
閑杖行龍虎  
背袖拂斗牛  
間頌言覓刀圭  
乘風弄羽翰

雲巖

葉介夫邑人

吾愛雲巖東  
天門有路通  
蒼顏巖獨聳  
沉香洞空豁  
車從雷隱隱  
松捲雨濛濛  
浩歌碧雲端  
萬壑生松風

其二

吾愛雲巖西  
華林卧幽棲  
馴鹿林陰伏  
烏鵲洞口啼  
仙掌神所刻  
石崖天與齊  
落月散清曉  
亭回聞金鷄

其三

吾愛雲巖南  
天鏡開三潭  
入門見石罅  
構屋依山

嵐千嶂紆巒翠萬象中渾涵居諸歲月深留題仰  
晦菴

其四

吾愛雲巖北飄然度嶂側誰知神仙居自與塵凡  
隔萬年松更青五老頭不白橫玉弄寒雲萬里天  
一色

雲巖

王伯厚慶元人郡守

懸崖峭壁聳危巔青蛇斷石虬藤纏石門煙峯更  
奇絕冷然別有壺中天丹霞曉濕飛紅雨怪石崩  
騰霜巖虎我未登覽望東溟蓬萊弱水知何許

律詩

廿首

十

雲巖

程琬邑人少卿

曲逕峰前轉林行見虎踪澗邊松偃塞巖下洞空  
窪瑤草垂甘露飛泉掛白虹道人面北坐應悟性  
圓通

望仙

孫吳會邑人金事

憶昔雲山裏幽人構此蒼蒼松青巒鬱庭草碧乾  
耗學道當勤苦泰玄迫絕談靜觀心自在明月印  
寒潭

雲巖

程從元邑人臨正憲

石門一望路迢迢五老峰高聳碧霄泉掛珠簾當  
洞口烟拖練帶束山腰香爐捧出仙人掌輦轎行  
來織女橋午夜月明天似水鶴歸松頂聽吹簫

白嶽

呂午歌人翰林休休

白雲堆裏石門開人向蓬山頂上來四面峰巒排  
剗戟九霄烟霧幻樓臺水清潭底龍常宅風靜松  
梢鶴自回好景留人不知晚上方鐘鼓却相催

白嶽寄懷

朱晞顏邑人少卿

林間留我住多時似與烟霞夙有期野老烹茶未  
歇客巖猿偷果去呼兒靜思世上千年事不值山

中一局

律詩

十

白嶽述懷

方秋崖初人侍郎

因叩玄天到此山叫開閭闔入重關白雲飛過峰  
無數綠樹深藏屋幾間物外乾坤常不老壺中日  
月自寬閒何時解組歸林下許借丹爐煉大還

雲巖

程元岳縣人少卿

直上雲巖絕頂峰始知塵世有仙踪懸崖薜澗經  
年雨滿地花飄昨夜風日月住來蒼翠杪烟霞舒  
卷盡園中瑤臺禮罷笙簫歇萬壑松聲自羽宮

雲巖

汪立信縣人少卿



齊雲形勝冠江南  
維石巖巖不盡探  
鑿洞幾時經  
鬼斧度仙何日駐  
鸞驂雨餘圖畫塵  
埃淨日出芙蓉紫  
翠含長嘯一聲山  
谷應老龍驚起出  
寒潭

雲巖

錢時猷人翰林檢討

彈却冠塵曳素袍  
小鞍乘興過林皋  
山巖半葦雲  
烟合樓閣嵯峨星  
斗高五老雲連扶  
鳳輦萬松風動響  
鯨濤玉笙吹徹金  
雞唱落盡巖前幾  
樹桃

月夜

趙幾已人

偶同仙侶宿巖高  
月色輝輝滿太清  
秋水無痕千頃碧  
天燈懸照萬方明  
自憐心似冰壺冷  
更覺身

同鶴羽輕夜靜山  
花簷外落倚闌無  
語學吹笙

元

律詩

雲巖

汪莊已人

度遠復登危依山一徑微  
洞寒龍正蟄崖暝鶴初鳴  
歸來木雲生屐捫蘿露濕  
衣層巖去天近織女夜鳴  
機

雲巖

吳訥已人建德縣

雲破石門開青青烟樹來  
江東好山水天上出樓臺  
日月開丹竈風塵羅酒杯  
回看爭戰地不似住蓬萊

夜

汪堯寬和入舉人

玄館空山靜秋風晚更清  
嵐光連霧氣松響亂泉聲  
竹戶流星近蘭堦落葉平  
夜寒人不寐獨對一燈明

白嶽

方回歙人建德縣

拒衣登白嶽稽首叩玄宮  
巖下群仙洞山頭五老峰  
翠雲飛送雨白鶴舞凌風  
好景遊歸晚蕭聲縹緲中

白嶽

鄭師山和入

名冠江南第一山  
乾坤故設石門關  
重重烟樹散

茂葉簇簇峰巒縹緲間  
五夜松聲驚鶴夢半籠煙  
影伴人間忽聞環珮珊珊度  
知是神仙月下還

雲巖

鮑子壽飲人無後

芒鞋踏破洞中雲  
石徑緣山入窈深  
竹覆仙房涼似水  
苔侵佛面半無金  
日斜孤鶴松梢立  
露下寒虫草際吟  
童子焚香延客坐  
一簾山色晚沉沉

雲巖

管子瑜松江人教諭

萬仞雲巖五老峰  
扶筇手入仙宮  
龍歸洞裏千山雨  
虎嘯林間萬壑風  
雲漢露凝金沆瀣  
浮丘霞擁錦芙蓉  
一從仙子飛昇去  
流水桃花幾度紅

齊雲山志卷之四

律詩

不

國朝

五言古詩

雲巖

陳寓三山人邑令

久說齊雲巖  
今到齊雲地  
懸崖草色長  
幽澗泉聲細  
歷盡高低峰  
染遍烟霞氣  
安得筆如虹  
一寫就中意

雲巖

王守仁餘姚人弘治馬

巖高極雲表  
溪環疑磬折  
壁立香爐峰  
正對黃金闕  
鐘響天門開  
笛吹巖石裂  
掀髯發長嘯  
滿空飛玉屑

齊雲山志卷之四

十首

七

雲巖

汪鈺琴人

遙遙訪名山  
雲路先遨遊  
瑤宮既崢嶸  
石林亦清幽  
自送搏風鵬  
跡寄凌虛樓  
完名復何日  
子焉事藏修

雲巖

胡景鍾初人

好山盤百里  
獨步雲路長  
秋風吹客衣  
振振千仞崗  
丹崖留虎跡  
修竹隱仙房  
星月瑤臺上  
龍文發夜光

雲巖

劉洵鄱陽人訓史

聞說巖齊雲  
陟巖雲復下  
石缺星斗傾  
洞迴河漢

瀉俯觀六合間  
絳紗如野馬  
霓裳微習習清風灑

雲巖

胡宗憲 諸人南書

朝携九節杖  
倏爾臨仙宅  
風捲萬梯雲  
錦裂千尋壁  
乾坤歸俯仰  
吳楚平分析  
誰云小武當  
褒崇同帝勅

天門

朱衡 萬安人 學令工部尚書

洞門長不鎖  
赤日午雲陰  
上有老龍湫  
下多嘉樹林  
松風吹素練  
蘿月度玄襟  
羽客時來往  
閒聽澗水吟

太素宮

焦理 宛陵人 奉政

終日苦朝簪  
奈此山水癖  
明發戒駉使  
玄宮酌素臆  
鳥道林表來  
螺髻雲端出  
空巖落寒泉  
垂垂明滴瀝  
于焉濯冠纓  
頃令塵心息  
瓊樓夜氣清  
瑤笙度蕭瑟

望山

汪玄第 邑人

白鹿嘶山花  
玄猿叫松月  
縹緲隔烟霞  
塵世兩邊絕  
紫炁烝望不至  
青牛杳無跡  
何如歸去來  
忘前讀周易

落照

吳榮 邑人

落照薄層峰  
烟瀟山閣夕  
羽觴飛散霞  
丹房爛白石  
涼月洗軒窓  
清風洒蘿薜  
猶有乘鸞人  
凌風吹玉笛

白嶽

胡正蒙 餘姚人 翰林學士

白嶽奠金樞  
勝境標靈造  
積翠霽氣氤  
崔嵬壯清吳  
天門奕奕開  
石洞儼鋪縞  
飛瀑灑珠簾  
懸崖勢欹側  
丹臺最卓傑  
屹立對雲島  
遙轉華林西  
巔岵峙五老  
迴流清且澗  
疊嶂環如抱  
絳吾塵網暇  
緬愛茲山好  
浮騖越重關  
寧辭千里道  
初乃事遠遊  
亦復事祈禱  
碧落秋氣澄  
蒸暑頓如掃  
晨策恣遐觀  
雲山志卷之甲 古詩

期相

拾瑤草

視夕息叩鴻寶  
探玄意未窮  
了悟悔不早  
願結白雲期  
相將拾瑤草

藏頂

汪道昆 歙人 兵部侍郎

肅皇昔升中  
玄時茲託始  
黻宸薄太清  
丹梯窮太紫  
吾儕共攀躋  
高坐探溟濤  
特室雙雲門  
名都三天子  
南衡差及肩  
東岱僅方趾  
俯視曜靈生  
冥搜混沌死  
神遊歌御風  
天語時在耳  
行樂澹忘歸  
來路或相

白嶽

陳有守 邑人

夙齡志遐討  
西征恣遊目  
三年歷大行  
旬月棲玉

屋洵美自冀方駕言歸海陸策杖登雲峰振衣開  
天谷白嶽標神泉紫煙峙靈隕雲亭望仙馭虛館  
探真籙薄霄叩金庭御風馳玉輅天門挹非煙日  
觀攀若木晞髮九垓城舒嘯三州閣乞山稱外臣  
棲居擎杖卜

救卜周四覽名區自天造金鑪縹緲光珠簾捲靈  
環太宇控赤螭御屏簇翠葆穆穆肅玄君翩翩朝  
五老鍾鼓振東序笙鶴鳴前導有宸負玉局冲舉  
來蓬島長揖執衣袂向余稱夙好弱水幾清淺邈  
近若不早傾壺飲沆瀣出書授鴻寶請名尚通籍

為兩汶蒼吳

古詩

十

吳宮開日月微垣列星辰青鳥擁絳節金函出玉  
宸爾本天都侶伊昔軒帝臣客成共丞弼浮丘相  
主賓芝檢俾司守丹鼎屬陶鈞謫居須百載升中  
應千春浮世以遠邀拔宅何遠巡且辭白嶽去行  
結黃山隣日逐龍鸞隊長與烟霞親延佇蓬萊召  
初海一揚塵

白嶽

方弘靜 歙人戶部侍郎

曰余拙訥徒刻意航空宇閉帷遠達觀局步慚高  
舉雄慕萬里遊未嘗下堂序名山通邑境數載彌

延佇振策發深乘茲焉乃一覩石磴巒崔嵬雲林  
互含吐揮手近星辰半躋辨吳楚天門暝未扃洞  
口晴飛雨奇卉競參差異禽屢翔舞絕壁巖削成  
幻景難殫叙清晨謁玄扉齋心聞法鼓松月地籟  
沉巖窓天人語塵襟於此洗冲抱非外許眷言念  
同懷孰與營幽墅泉壑足棲遲儂豐僅未聚將窮  
汗漫期何用紆金組

白嶽

崇惟道 衡州人

弱齡抱奇癖屢思探幽踪南州夙聞勝始陟仙源  
中石迳入岩嵒瑤草披蒙茸地形轉高深天門啓

東晉書卷之四

古詩

十

鴻濛流眄日月旋俯眺烟雲重千崖灑飛瀑萬壑  
來清風洞宮閼靈異爐阜疑天工身從木石居心  
與玄元通白嶽愜偉觀黃山渺諸峰是即清都遊  
豈必蓬萊窟終當謝塵土於此巢雲松

雲巖

趙志卓 蘭溪人少師大

偶從雲山遊歆向山中住覺路無塵機妙門有真  
悟風清萬法臺月滿三花樹何處吹鸞簫冷然奏  
韶漢

雲巖

周思久 麻城人郡同知

名山秋日上所與儒侶俱所志在寥廓塵網焉足

拘連熱轉谷口仙吹動雲衢遠遶歷石戶樓決闕  
瓊珠五老如相近三姑美且都臨風長發咲撫景  
忘物吾竊歷道機長即此隱蓬壺何必跨玄鶴快  
望遊虛無

雲巖逢玄客

少小學仙侶採藥蓬萊濱將欲覓禁方儼然遇仙  
人悠悠二十載此志竟沉淪乃却大冊藥燦燦具  
吾身步之不盈掬枝則滿蒼昊却病與益算小道  
安足論巖頭脫遊屐歸杖度跡筠迤邐偶玄客長  
蹉歎所珍玉書亦糟粕金砂勿浪噴揮手咲相謝  
已矣安吾貧

白嶽

汪翔 聖人府尹

千峰開白嶽芙蓉挿青天五洞敲雲室天門啓倚  
年高拱玄帝居香爐巧當前鶴跡玉田雨樺影瑞  
壇烟明發振五老逍遙洪崖巔

雲巖

沈懋學 宣城人翰林修撰

高巖薄秋雲邀哉不可即我乘白鶴來點破晴空  
碧五老咲相迎遙向峰頭揖雲間仙樂浮飲飲華  
池液醉倒天門西心與桃源竄醒來神欲飛月照  
金塘石一嘯萬山青頓覺塵機息

雲龍潭

李敏 邑人

水雲深叵測神物潛靈湫曉日耀金光嘯沫潭上  
浮雷兩倏騰變奇踪那可求

五老峰

王士性 昭海人鴻臚寺卿

真幸不終秘靈山開左腋石池涵玉髓頭崖倚千  
尺寒雨盡常飛明星夜可摘仙鹿不再至空洞掛  
絕壁何來五老人脫骨化茲石我愛坐其麓把酒  
酌空碧天風下瑤臺吹我雙鳬舄遙向黃山去一  
片浮雲白

桃源澗

古詩

主

入壑渾無底青山到處達連岡抱曲磻片片削芙  
蓉月冷時窺虎雲深尚蟄龍洞門落回甍隔浦聞  
清鐘東炬達藍渡百里藏仙踪欲問桃花津仙源  
杳無從惟餘澗下水遲日照溶溶

白嶽絕頂

龍膺 武陵人郡司理中

白嶽何巒崒層巒極屢屨策步凌陰峰振衣眺陽  
崖仰拂青冥上俯矚絳氣垂煙樹緬蒼蔚宮闕低  
參差溪谷杳無底懸壁千仞危巉岬故眾滅陁現  
新銜疑呂梁未云險伯昏似者誰側足或徑復攀  
緣因相隨迴嶺覆片石髣髴崑崙崙安風磴飛積霞

雲門隱半規息景曠壁覽照日西南馳崢嶸陟玄  
圃春言拾瓊芝儻挹浮丘公永與千載期晤茲窮  
登頓蕭然不知疲

望齊雲

李炳 盧山人巡撫御史

聞道齊雲巖玄奇世所希我來過其下浚激而霖  
霖登臨儘有興咫尺却相遠高山意竄竄流水聲  
依依延佇橋頭上亦忘海鷗機

雲巖

程朝京 邑人參政

長在雲山麓愛結烟霞侶一涉利名場家山成阻  
語解組近來歸角巾愜延佇林巒映襟帶猿鳥忘

齊雲志卷之十

古詩

機緒山中饒芝朮閒來訪巢許礪礪升天門閑風  
生翰羽徜徉經雨洞寒水清肺腑爐峰屹孤柱斗  
壇開玄圃岩莢紫霄崖淋漓白玉乳漱餘塵累清  
坐久病魔愈獨有五老人逃名出關外肩摩日月  
長髮長松杉大我欲從之遊神交身亦泰朝市自  
生喧雲山終無害人生適志爾何必榮冠蓋

白巖

倪章 餘姚人舉人

重遊白巖山披裘上林麓削壁停雲封懸巖障深  
谷行行路轉幽爐峰掃巖盡石門空中開飛泉點  
新綠板蘿八紘霄靄然皆石屋遙見五老峰仙人

騎白鹿俯瞰萬壑流千山半隱伏兩腋起長風  
手捫星宿摩孳三台明洞燭我心曲塵想不可驅  
漱流洗鬚儼偶過玄玄君授我赤書錄光閃琳琅  
文須臾餘讀一粒黃金丹食之顏若玉飛度紫  
微垣彩雲生兩足始知今勝遊正值蟠桃熟

雲巖

祝世祿 德興人邑令

見說山齊雲到來雲復下日月巖際生河漢衣邊  
瀉萬壑靜蒼蒼蒼天門窺混沌山供芝水饌雲染薜  
蘿棠鸞鶴繞青冥松喬是春遇何物轉相驅雙鳬  
下烟霞

齊雲志卷之十

古詩

雪

湯賓尹 宣城人翰林編修

解馬息山跡望遠攀岑路兩力事昇與欵曲難為  
步絕峰既峻嶒迴峰亦交互溪響斷還續雲封新  
且故松石巖層水寒雲冠高樹鶴跨劃天鄉縣崖  
飛瀑布縹緲神居肅惜惜道心素竄溪合中峰一  
鳥空聞屢

雲巖

黃士吉 興國州人

新都兵始營丹陽漢初鑿松蘿既崔嵬南當亦窺  
廓群山並峯嶺維香泉峰搏未若此巖奇延袤帶  
丘壑東北距天門西南循地絡崇岡互譁盤中峰

自天落上有神人居石室養恬漠危殿生層空丹  
梯標樓閣千堯臨返景萬拱紛迴薄雙峰矗石戶  
瀑流捲簾箔彩壁披雲霞華池匿虬螭地入神明  
墟巖產仙人藥林月啼寒猿松風巢野鶴上帝下  
清都飛仙此騰躍平生愛幽賞躋攀探冥冥扶杖  
經絕巖捫蘿坐靈嶠言采雲中芝筋力詎云弱擬  
見浮丘生林端坐綽約

白嶽

汪淮邑人

出郭值清曉春言遊白嶽徑從傾危微尚眺行  
樂岩堯入仙關窈窕度烟壑俯聆百泉響仰視千  
峰卓峴亭望飛鳧松坪舞鳴鶴探奇興逾逸升高  
步安怯石磴奮先登天門發長嘯王女未逢迎申  
言久離索攬余九霞裳相將五雲幄崖懸嵌玉洞  
瀑散紛珠箔瑤笙按羽衣綺席獻瓊液絕頂欲竊  
陟中道豈厭數逍遙駕雙龍須臾暫分握

捨身巖

陳履祥初人

誰是朝隱人亦有巖棲者白壁沾不售黃金煉亦  
假一簣青山債滿抱玄情渴霞氣熱騰騰泉聲清  
灑灑石牀永夜眠冷風悄不夏鐘鳴深樹巔犬吠  
重崖下拂曙起推窓紅輪駕奔馬流水總不還

華寧事治山靈顧我笑舍身爾飄瓦我身屬虛空  
不尋風塵惹虛空亦粉碎何處容我舍長揖答昂  
璽舍取都非也但當為無為相運莽蒼野

雲巖

袁宏道公安人吏部郎中

江濱有異石好事持作供珊瑚木難珠似者即移  
壘森雲天下巖深壁連緝洞山山瑪瑙紅萐古復  
飛動幽崖晃斧窮玄壑飛仙慟簾雨萬絲飛雲彩  
千年凍

石橋巖

天門即前閣石橋即後戶兩門去幾何五五二十  
五石老易生雲山髡不藏虎嶽神饒客情關起千  
峰雨

白嶽

白嶽

顧懋宏

句曲聞仙都紫上崇帝時曩余陟二山忽若翔天  
際茲嶽喜數遊幽奇亦相僂關形勢巨靈石勢堆  
精衛泉瀑激流珠烟光纖飛翠橋頭界綠晴閣外  
森青檜一昂顙軒昂五峰疑秦嶽馭鶴儼可期胡  
為人間世

白嶽絕頂

潘之恒

白嶽何崔嵬高高入無極冷然思御風忽若生羽

異同游競先登直欲賈餘力峭壁日車翻崎路雲  
屏塞固之發長嘯寒飈起蕭瑟歸魂驚霄虛回首  
如夢寐

白嶽頂

程滄邑人

素嶽何巍巍縹緲出青霄素嶽何巍巍縹緲出青  
霄天宇大詠蕩地紀盤沈寥吳楚巒相望陵丘居  
然超霸秀閼終古升中運熙朝千秋騰真氣八荒  
御飛颺歌以言之縹緲出青霄

雲巖頂

徑細升絕頂眇思與雲齊徑細升絕頂眇思與雲  
齊揮手捫星辰攬袂截虹霓薄言采真游天路客  
攀躋崢嶸良憫世毋庸棄城迷呼吸大和中玄默  
見天倪歌以言之眇思與雲齊

雲巖

唐天鳳華人

茲山盤百曲眇與浮雲齊長林上蔽日赴壑下通  
溪荒蕪交復結灌叢織且低白鶴方晨唳玄猿共  
夜啼晝晦懸崖瀑昏明出澗霓允為靈異窟還宜  
靜者棲疏館臨絕壁鑲石疊基階岡陵森老幹原  
隰芑新美懷土情已遠遠遊履始携煩襟今覺掃  
塵慮此時排賞心良不在誰與陟雲梯

雲梯在何許遙遙碧山一裡飛龍夾驅馳彩虹相對  
起借問誰遊遊倭倭松子被服丹霞衣鍊氣食  
元始時時垂柱顧繁然啟玉齒授我鴻寶篇命我  
長生旨赤文不自辨金丹非可擬長跪問祕訣招  
搖駕莫止長驅凌宇宙虛無非所履依稀王子笙  
髣髴安期舄萬一不我遺長懷于夢寐

謁紫霄宮

丁照化邑人

岩岩紫霄宮躡跡追仙侶旁通小壺天倒景窺靈  
宇霧氣排曉光煙峰瑞烟舉翠微隱岑樓珠淵藏  
洞府天門詠蕩開白雲浮島嶼簫笙縹緲中恍惚  
以延佇

齊雲侍耿宗師

吳周翰邑人貢士

昔時望齊雲齊雲高似天今日登齊雲齊雲不似  
前吾師如履坦我輩從其巔悠然出霄漢極目觀  
無邊何當步亦步千載相周旋

白嶽曉望

丁雲鶴邑人

天鷄振羽翰陽鳥躍扶桑晞微啓晨隙蒙霧生星  
見滅空洞巨靈劈岐嶷神物張玄液浸滴瀝葇房  
吐數芳綿古希然養高世貴情忘輦輅扶北帝耕



苗中東皇雲陰結乳駕山響按霓裳傾崖垂乳竇  
崩壑積霰霜枕秘鴻人寶芝分丹客梁獨鶴盤霞  
蓋機龍叫石床曠哉日寥廓渺以同遊方山中饒  
桂木勿為隱者傷

夏日宿嶽宮東丁明府 汪道會 敬人

薄遊滯隣邑暑雨屆浮節我有二三子尊酒日閒  
設駕言飭巾車追隨茂宰轍望嶽路轉紆登高  
屨陟迢遞凌百盤漸與塵氣絕是時新雨餘山光  
可娛悅衆壑漱鳴泉冷冷噴飛雪一宿化人居彌  
令心境徹

白嶽

畢懋康 敬人 謝史中丞

補展躡仙源冷然隔塵世橫空千餘仞飛霞散  
彩翠天門儼中闕銜鈇列星墜疑是五丁開到  
來人事棄滿壁紅泉飛巋巖表靈異震旦啓玄  
宮孤峰當戶峙上有千鈞鼎香烟恒旦夕覽勝  
探奇絕金光此馬關嶠嶽丈人峰林巒盡幽運  
窮壑飄涼風長松落寒吹居然入蓬山逍遙無  
俗累何必慕五嶽俯仰忘吾意

七言古詩

雲巖

許濱

江南有絕勝盤踞休陽西延袤亘十里峻極與雲  
奔拔雲躡蹻凌空上呼吸可以通仙伏青天倒插  
金芙蓉片片綺霞鋪疊嶂攀援恍惚迷路通忽見  
天門敞穹窿兩山排峙聯復斷混沌誰開開崆峒  
一峰亭亭孤峯崢玉案金爐耀旭日五老綿延天  
際來起伏蟠如如護蹕巖巖而不斷晴雲飛簾花點  
滴懸珠璣散霄陰洞藏烟霧商羊欲舞靈封扉天  
成圖畫千萬狀揮毫洒泚難形狀景夕常瞻散氣  
浮鴻和孕秀山靈王

雲巖

江山 祝人 陳

翠濤十里松風起登登石磴丹霄乘金雞唱罷海  
日紅彤樓閣閣蒼茫中掃石焚香拜真武空中彷彿  
鳴天鼓起來忽聽玄鶴聲千崖萬壑秋風清坐  
久直登巖上石殘星落落手可摘我觀此巖高殊  
天白雲只在山腰邊

雲巖

港若水 敬人 謝史中丞

休寧道人方直養昔說齊雲在天上天風浩浩吹  
遊人雨晴二月花初長遊人自愛花生意花開不

為遊人賞我來長笑山雲深拍手放歌天地廣  
間聲暗人種種不足言不聞三十里鸞鳳聲又安  
知三日有遺響

五老峰

王子言 澤安人知府

巢松老鶴鳴丹井籠月梅花搖素影竹敲白露夜  
窓寒吟弄紫簫山月冷山月簫聲明亮中驚殘鶴  
夢撫孤松我來五老峰頭立遙望天顏是九重

五老峰

塞達 重慶人同知古書

五老峰頭五奇石星斗堪捫天咫尺孤松倒挿雲  
模糊萬壑千巖生肘腋使君逸興凌清蓮直招五

事案山志卷之四

古詩

主

古詩

老富華選我欲層巔食石髓孤標峭壁愁拔綠紅  
顏可駐青山好且停金盞問五老此地當年載酒  
人白骨于今隨腐草爾獨胡為撐天闌日月陰陽  
相吐吞時呼白鶴聲縹緲還邀青鳥共飛翔古往  
今來信如寄獨有江山長不毀峴首空含羊子悲  
牛山莫灑齊侯淚人生盡懽湏及時但願青山徧  
酒卮功名漢闥薪休閒歲月莊園夢已知自笑折  
腰為五斗蛾眉不合空回首見說羽輪生紅顏瑤  
草瓊漿是處有種藥誰知洞裏流青鞋黃帽尋丹  
丘異時獨跨遠城鶴凌空還過五峰頭

天門

崔孔昕 山東人郡守

一徑入天門絕壁俯幽谷晴日生紫烟霞光拂巖  
屋太清一老人指點青雲路授我白兔方縱體乘  
鶴去去後依依邀遊若相逐萬劫謝塵寰一中  
能自足一拳打破崑崙關眼底乾坤任反復

五松

張書紳 侍郎

五松五松紗何方乃在雲巖之巔天門之傍上有  
百尺虬龍髯下有千歲琥珀光擎雲弄日不可以  
直狀亦霄玄鶴時翱翔三人倚松傍雲立蒼球素  
玉鳴珂璫余從九曲來訪爾松雲堂相逢一嘯謝  
烟火時出天門朝玉皇山之靈子揖余而傍徨陰  
余松華酌余瑤漿唱步虛歌洞章廣樂九音洋洋  
湏臾明月上松頂天風雙鶴凌蒼蒼

雲巖

汪尚寧 歙人郡守

我聞海上三山起縹渺洋云幾萬里君家長齡瞬  
息間鶴駕翩翩頻往還有時靈巖稍延佇凌風直  
上九重關三山丘隱同大觀共尔逍遙到彼岸東  
門百里練一匹何如壽山接空碧結樓雲中凌紫  
霄能與人間爭尋尺堪與俯視何茫茫午夜談經  
對瓣香風取蓬洲天上坐當年却笑均忌羊

五老峰

姜子羔 餘姚人 大僕寺卿

君不見齊雲之山奇復奇精靈融結當坤維天門  
玉屏以其翠峯秀聳更有五老突兀西南陸五  
老峰君為誰太極明孕天為基崢嶸萬古勢不拔  
嵌岑直與元炁相追隨頂門之松有千尺苔侵無  
有完鬚眉炯然雙眸借日月赤霞之蓋青霓惟戴  
麟白鹿玄猿綠羅帽四時以並列惟漱石以餐芝億  
千萬劫顏不衰手如招我登天遠問之何為來何  
遲授以寶訣珊瑚枝飄飄羽翮天風吹彼我相視  
俱不疑得非山嶽契無乃陰陽期乾坤會合信有  
時請從五老無他之斑螭之髓蒼龍脂回鸞轉鳳  
同所怡人間之樂無有若此之快者我何為手復  
有人間思須臾霞彩映山麓夕陽斜照峰之足坐  
看老人意逾篤裁雲請向山中宿從今五老峰為  
六

雲巖

許天贈 恩人運使

山脉西來路八千結而為石雲盤旋峻削崔嵬十  
里巖一斷一落復接連高者覆蓋低鋪錢間有草  
木生其巔五老壁立摩帝肩三姑對峙呼嬋娟佇  
觀恍疑會八仙紫霄洞裡王母遶舞鳳之羽飛翩

翻駱駝躡蹻不計年九井汪濊神龍潛絕巘水涵  
珍珠蚌中藏玉人陶性天龜蛇列星左右纏孤峰  
直捧香爐烟層巒疊嶂羅面前石壁下覆千人緣  
何物砥柱空中懸天門天梯非浪傳不費斧鑿真  
天然此景惜在東南偏未與四海人人瞻為我移  
置大江邊棲霞牛首應爭妍幾來登臨詢高賢盟  
之不見思翩翩長才愧非司馬還安得作記窺遺  
編

飛雨樓

黃金色 邑人 蘇漢

山中陰晴昏復朝石上雨聲素雲韶龍涎萬點金  
精噴珠樹千年玉蕊飄初疑春雪白日消又疑夏  
冰乘風敲或者蛟淚落成綃更似群仙雜珮搖水  
簾鎮日寒不捲靜聽洗心衆慮拋安得此雨被陸  
海洗濯塵俗無煩囂安得此雨灑旱暵灌漑百穀  
無枯焦使我清閒飽煖足日日鼓腹康衢謠

紫霄崖

王士性 臨海人

紫霄崖頭天欲傾半空晴雨翳雲坪古洞谿紆絕  
壁橫陰崖鬼斧刻玉屏下有十二芙蓉城飛泉千  
尺下深泓夜半床頭風雨鳴起向山中騎鹿行偃  
伏獅象走聽聽瓊樓貝闕紛相迎東方燁燁綠霞

生忽轉吹入步虛聲恍爾群真朝上清寶幢絳節  
翠霓旌五老三姑集玉京羽人之子調碧笙玄鶴  
朝唳猿夜驚千山月色如畫明溪流屈曲花盈盈  
棚梅疎影夢未成安得便爾遺世情留煮白石餐  
青精俯身千仞一羽輕咄嗟置身一羽輕奈何海  
外尋蓬瀛

雲巖

張天德烏程人徵宰

齊雲巖上即丹丘幾上齊雲復逗遛偃月池邊月  
欲吐棲霞洞裏霞不收天門常有雲烟鎖樹香  
花千萬朵虎踞龍蟠誰削成鷄鳴犬吠皆仙果石  
為天柱玉為屏斧鑿出通玄靈四時長滴珠簾  
雨萬壑爭鳴碧澗冷霧散雲收青未了三姑五老  
獨亭亭聞說吹簫乘鳳去那得王孫歸戴庭君不  
見金丹欲成猶百鍊壺中日月滄桑變

雲巖

王建中平湖人

凌空巖嶂蒼雲疊別是壺天隔戴陌武陵人去幾  
經秋玉洞桃花自春色載上丹梯一振衣招搖星  
斗天漢群懸崖靈谷不可狀高碣豈碑費品題嘆  
吁平蔚藍仙峙更何處青松白石堪依住

天門

謝肇淛閩人推官

力士何年破山骨石梁橫架通金闕寒樓入洞出  
洞雲夜度南山北山月呼吸遙應帝座聞戴微絳  
節盟中分醉未踞石發長嘯驚起排闥虎豹群

天門

鮑應鰲歙人戶部主事

三月春光春欲殘天門峭絕春風寒芊芊瑤草芳  
何脆薜蘿危岑秀可餐千仞一壁當空立伊誰鑿  
開仙靈集不信人間有帝閣星晨壁落手堪憐側  
身面向天門觀便欲飛度天門去怪石奇峰矗矗  
排使人雙腋如騰翥何能汗漫挾飛仙瓊佩霞裾  
數往旋試向珠簾巖下盟分明華雨散諸天

白嶽

張應望高淳人知縣

白嶽山高與天齊策馬登之傍斗奎蓮花聳秀衆  
峰出寶座旋繞萬壑低背枕玉屏摩霄漢面浮金  
馬吐紅霓石磴嶙峋通戴極琳宮縹緲隔青谿更  
上天門朝真闕恍疑羽化群仙躋傲吏逃名尋丹  
穴那知不足是天梯五老崔嵬山之東三姑鳴珮  
自天西旭日懸泉晴雨亂炎光幽洞寒暑迷山頭  
玉笛迎風遠澗底松聲帶雨寒真人有意憐九骨  
九環丹熟共相携

雲巖送祝明府入覲

王之弼龍山人

君不見齊雲有巖稱洞天往來虬馭多神仙又不  
見王喬本是朝天客躡屐凌空雙鳬脫茂室神明  
恍似之北門衰柳難折枝此去風塵路不窮滄溟  
碣石蓬萊東雪撲征衣看似繡雲隨飛鳥揚鞭驟  
萬里時苗止一牛三年之刺馬肯投燕京岑道龔  
黃至考最定有黃金賜薦言神君過明春縱留禁  
闥近楓宸我心願為此邦借冠恂

天門和謝在杭司理 潘之恒

杖底冷風如可御看君飛度天門去瑤裾飄動烟  
霏霏芝草羅生雲絮絮似仄仄車懸轡欲留不  
留思太繁恍然招我雲門駕翠旌孔蓋相攀援恣  
情安得凌霄羽昨夜隨君夢天姥洞口蕭蕭一樹  
風半空吹斷珠簾雨

登齊雲巖

沈 演 高程人禮部

乘槎春半下瑤京行到新安日端午今公勞我戴  
霞杯駕我雲車適地腑與人拈點莽碣間心取目  
成忽若睹我行已徧燕吳峰未若茲峰去天真尺  
五直上天門如舊遊空元當關虎豹怒撫之馴伏  
似木雞天生異物為門戶駱駝獅象就羈羶雌雄  
迤迤走且僵蛟螭蜺蜺翬翬匿却笑初平解收羊

忽聞鈴鐸聲相揚又疑八月青清泣面面匡廬瀑  
布懸乃是滿山飛玉液殿前湧出青髻螺香烟繚  
繞委繫彭銅陵仙人既辭漢金步承露空摩挲何  
如此物依僊窟縱有曹瞞索雨何琴瑟羽衣紛屢  
舞持杯欲共元君語入山早暮陰晴變舒卷烟霞  
吞復吐培塿自與直宰接蒼茫知有神靈聚攝政  
千山萬山雲化作江南江北雨須臾皎日當巖生  
三山海外見絲縷且知世事多錯過誰信山中足  
今古頌君援我大還丹紫衣絳節五老伍不然置  
我巖洞間日吸飛瓊飲石乳元君笑言且弗謂汝  
自不來誰禁汝憮然歸語勾漏令頌借一屋黃丹  
釜

登齊雲過雲心广丁以舒先生讀書處 邵一虬 邑人

朝旦發西郭停午距崖邊杖策窮登頓一亭一番  
連奇哉天門洞一綫擘自然楠葉紛沃若根老盤  
何年珠簾噴白雪爐峯逗紫烟綠瓦覆神宇青松  
肅殿前金石樂山性開襟濯清泉緬懷賞心客葦  
宇此巖巔翰墨時：作人誦管涔篇茲山長峯偉  
誌牘與人傳

五言排律

雲巖

游居敬南山人詩

聞說齊雲勝今朝探遊洞名開絕壁巖霄瀉飛  
 流金嶽龍池注瑤宮虎穴幽古楠依峭嶂深澗透  
 靈湫入殿輕烟合綠林宿霧收壚峰凌碧漢玉關  
 恍丹丘泉掛千崖落山高五老留樓臺紫霄近天  
 柱白雲悠鼓吹通青梵招携狎野鷗坐深溪麓靜  
 窓暝月華浮二妙同懸榻三春暫引時酒杯穿石  
 髓仙藥聽瑩綴雨外川全霽洲前風半颭未能隨  
 羽鶴何處覓青牛玄嶽精靈肅吳山草樹稠還瞻  
 五雲上香輦駕蒼虬

雲巖

姚德惠詩

自昔聞勝槩于今慨壯遊雙鳬凌鳥道珠箔瀦巖  
 流崖迎瓊霄逼林深玉宇幽遼陽雙白鶴塵世一  
 丹丘名賢雲登覽峭壁多題留體裁浩晉阮風格  
 陋揚劉畫棟棲玄鳥盤渦浴雪臨春秋自來去朝  
 夕對沉浮涼月分疎綺虛窓豁醉眸披襟爽清籟  
 何處聞笙篴尋真撫丹灶望氣覓青牛白石煮欲  
 烟青松陰吏綢安得遂脫屣展來風駕紫虬

雲巖

楊河會詩

幾年懷勝地千里到齊雲飛嶂連標起懸梯到石  
 分蓬壺開日月丹鼎鑄氤氲五老峰為侶三姑玉  
 作屏門通塵外路簾纖水成紋香氣金爐篆星光  
 珠斗天烟霞九曲鎖鐘鼓四天聞秘籙長生訣靈  
 符不世勳龍旂未縹緲鶴取從紛紜更疑瞻仙闕  
 玄宮謁帝君

雲巖

莫如士詩

山上與雲齊登山雲又低盤空天際杳遙望曉烟  
 迷石磴通幽徑園亭引曲蹊門深非斧鑿梯峻渺  
 紅霓漸與諸天近恍於人世睨九心猶未脫此地  
 雲巖

雲巖

宋鑑詩

齊雲標福地縹緲接蓬壺閭闔天門迴勾陳復道  
 紆鸞旗迎輦輅龍蓋擁香爐石壁苔為篆簾泉水  
 作珠真人來五老帝女下三姑禮殿凌霄漢齋壇  
 鎮斗拒雲端雙闕峻洞口一松孤庭舞千年鶴池  
 生九節蒲丹房餘上藥玉筍閑靈符別岫塔前出  
 飛梁樹杪迂頌言依勝託長日覽真圖

白嶽同遊

林勝蛟詩

刺史黃堂貴名山白嶽尊升中脩靈事問俗馭熊

軒廷轉雙旌迥嶠危五馬騫迎車馴野鹿獻果下  
仙猿陰洞懸鐘乳陽崖掛雪痕烟霄應咫尺河漢  
落潏潏歲拂金章潤風微裁蓋掀虛危應玄宿閣  
闔叩天門石鼓寒聲動香爐瑞氣溫天倪真有象  
道教總無垠日月棲龍勅雲霞帶鳳幡萬年香火  
真昭代錫恩蕃

白嶽同遊

王誥 蜀人邑令

白嶽凌霄漢清秋望楚萊天門紅日近寶殿彩雲  
開玉屑寒飛雨金爐煖照臺烟浮梅院落香度松  
風來五老神仙侶西公濟世才幸隨冠履後慷慨  
亦開懷

非律

太素宮

姜子羔 餘姚人太僕寺卿

仙壁迴青嶂神宮掃紫霄何年鑿混沌此日駕秋  
搖驚舉天門開鯨驅地軸朝風雲蓋大宙日月避  
層標颯矣威靈懋雄哉世界超千楹輝翕沓萬翼  
歟蒼荒地迥流金液臺高響玉珎雨花晴不斷霞  
彩夕偏饒洞竅疑通岱池喧款上潮峯帷群峭合  
柱笏萬緣消豈復縈塵幻還將志次瀛金丹如可  
就吾欲侶松喬

太素宮

馮夢禎 翰林祭酒

聖代肇封泥神仙窟宅奇丹梯隣日月岩殿俯虛  
危寶笈千年秘靈威萬里知身從金闕化道作玉  
虛師帝許分玄社妖能蕩六屏女巫紛屢舞祝史  
競陳詞頌保君親壽還令風雨時小臣遠下拜  
颯颯僊來斯

白嶽徵會

祝世祿

龍象標靈界琴樽問舊盟地浮青玉案人供紫芝  
莖自信乾坤在誰爭堅白鳴竹風鈴閣靜花雨石  
床平混沌山雲合清寒海月生放歌天柱外百谷  
應同聲

非律

白嶽

臧懋循 吳興人博士

名山何代拓異跡自今稱地闡神明秘天垂景象  
增仙壇雲不散丹竈火常蒸直是玄工設端非拙  
力能陰晴誰譎詭向背極峻峭陡絕全疑削款危  
儼若崩高空愁度鳥積水訝留氷維即輕身濟還  
應累足憑崖窮迴謝監谷響答孫登息擬跌依草  
疲思步倚藤藟劃然看戶開欣此得皆升寶室靈光  
炫香爐瑞氣凝虹蜺扶晝拱日月避縣燈虎就巖  
關時龍隨咒水騰淫威倖造化飯禮遍黎烝北與  
外恒嶽南嶺鎮秣陵有來誠肅肅既往切兢兢紫

和言奚若黃軒到未曾比聞脩漢祀鐘鼓夜相仍

水簾洞

李敏已

海關鮫人館山藏龍伯宮水晶簾不捲雲母帳常  
空新月垂鈎挂輕霞散錦懷蝦鬚珠灑落翠羽玉  
瓊璫路接虛無上天開小有中仙居隔烟霧塵  
若為通

白嶽

張聘夫 琴人如燕

浮策廬教杖高攀白嶽巔望中疑路斷到處盡崖  
懸瀑灑如春雨霞明不夜天鳳龍拱帝座鐘鼓報  
竟年丹鼎烟常合金光草白鮮幾時婚嫁畢未此

伴雲眠

閱無量壽宮成

汪道貫 欽人

淨域騫初地禪居近一乘青蓮千嶂合朱拱萬峰  
升帝時祇林接仙源定水澄瀉濛濛開結構日月見  
含弘金布寧無地垣開信有徵狡狴驕躡躅燕雀  
喜飛騰未散靈山會猶傳無盡燈遠公詩作社陶  
今酒如泥庭燎疑珠斗江光耿玉繩昏迷同已覺  
彼岸問先登

白嶽

金鵲 已人

靈神開靈景仙嶠帶清流宿命雲中駕朝乘漢上

舟誰非李郭擬自是向禽投巖壑堪緬蕙沙汀謬  
狎鷗重玄昭帝關疊翠擁神州縷勝探奇到諸峰  
一杖收束來真氣滿北接斗光浮石室從苔繡珠  
簾侍月鈎躡崖矜伏虎寄柳羨蟠虬花爛棲霞洞  
風颺飛雨樓天香凝藻翰地籟憂琳球鶴響珠方  
集錄書異代留登封懷屢獻側陋愧旁求就日晡  
華髮憑虛縱遠眸春容窺浩蕩磴道坐夷猶藥米  
三芝秀羨珍七菜羞狂歌山鬼伏痛飲羽人酬對  
局移初晷燒丹定幾秋雙騰赤玉舄更舞紫霖裘  
舉手謝塵累還期五嶽遊

石橋巖

劉克治 南海人

福地仙靈集名山日月開飛梁跨碧巘琪樹隱丹  
臺鑿豈神丁力看疑原氣未天門攀咫尺地脉自  
蓬萊巖檻花為雨松扉錦作苔芝童貽石髓木客  
勸霞杯桑海塵應見桃源路不猜寄言心賞侶即  
此是天台

謁太素宮

朱雲卿 華州人

通亭今來若舊游天門開石罅帝座出雲  
頭拔地成極飛空起蜃樓寶香龍篆焚金像鳥  
目五老峯巒接三姑洞壑幽斗杓宵挂闕嵐氣



曉張憐樂竈山人煉蓮花石髓流眼經皆創見身  
到即冥搜勝藥兼三楚靈風被九州太虛隨感應  
晉濟任祈求王者歸符命仙班盡冕旒高尊居作  
微玄聖德無儔慕道輕千里餐霞欲久留茲余本  
源地長跪問真脩

謁太素宮

邵一經 邑人

攀緣登帝時紆曲入僊鄉紫氣凌玄闕彤雲護碧  
堂春林琪樹秀晴圃玉芝芳寶伏森龍節金函寶  
鳳章石柙浮霽靄巖檜上朝陽宸嶂高生色爐峰  
迥吐香烟霞塵境隔日月洞天長願藉燒丹隱相  
於五老傍

入桃源洞天得見異人張邁邇

何三畏 華亭人

忽入桃源徑豁然小洞天中有邁邇子狀貌如頭  
僊蓬頭還跣足晝睡夜不眠超脫塵凡外無礙亦  
無牽踞石時趺坐瀟灑已逃禪庭前開藥鼎欲鍊  
五色烟行年百二十將閱世三千何地無異人相  
晤良有緣臨別慙慙祝汲引意惓惓未遂從遊願  
聊咏游僊篇

謁齊雲

董杏 嶺南人

何代初開劫今朝始振衣盤盤線路迴疊疊翠峰  
圍石甕塢何地桃花洞有扉采真頻喜去極目總  
忘歸門自天空鑿泉從樹杪飛虎蹄痕錯落象目  
影依稀鐵樹年多歷銀鈎字幾揮經奇口錯愕吟  
咏韻霏微轉過僊關秀旋聞玉殿翻屏風天蚤設  
爐鼎世今稀帝果禽銜象龕還香授磯玄靈元赫  
穆一介正皈依敢道通穹極或能兆幄幃俄回因  
晚霧薄宿待朝暉一夜豁聲響幾幾山佛火輝凌晨  
景鮮艷飽食力輕腓洗藥池邊過棲霞洞口睇向  
晴簾雨濕不塞駱駝威五老排僊叟三姑列玉妃  
大羅僊頗足震旦地疑非得酒神愈王搜詩音正  
希百年寄玄賞一日涉崔巍

齊雲邁邇僊

邵繼才 邑人

山中有老人云是桃源叟終日只蓬頭長年惟跣  
足有爐莫問丹勿藥何須砌不沐長不眠無塵亦  
無垢心閒體自輕貌古神難朽顴破不離肩袖穿  
時露肘聲聞動縉紳譁咲驚凡俗未讀五千言能  
膺百八壽放形天地閒獨步神僊後何必羨三丰  
半齡猶可邁

五言絕句

白嶽

栗應麟

朝登白嶽雲暮宿白嶽雨林深風淒淒六月不知暑

飛瀑

汪景洋

瀑灑丹樓雪春藏紫洞霞武陵烟景暮倚處認仙家

雲巖

汪尚儒

青巖五百仞直欲與雲齊自是烟霄客蓬瀛路不迷

白嶽曉望

范沫

蚤起白雲飛萬山作銀海倏忽湧紅輪嵐光依舊在

雲巖

徐用檢

長松夾煙霧下見西日黃陰晴咫尺間仙境安可常

其二

岑壑水潺潺暗芳足金谷明當謁玄宮齋心洞中宿

小壺天

郝德溥

巖巖紫石懸漠漠青溪遠謾說小壺天壺天無大小

真仙洞

借問大羅仙云何棲此碣朝餐楠石雲夕卧蓮池月

捨身巖

詹軫光

元從何處來更從何處去巖前看白雲欲辨渾無語

通仙橋

觀石石成橋去天天咫尺試問往來人何如鶴一隻

度九橋

汪本湖

石梁架長虹飛瀑應空響凡世日往來頭言斷塵想

萬年松

橋邊聳翠蓋神護萬年松常容公客撫何必大夫封

宜男泉

泉水瀉巖麓清如貯玉壺人間携一勺中有夜光珠

飛雨樓

梅鼎祚

懸崖晴雨飛橫空清吹發方池湛虛明恍惚對秋月

桃花澗

汪宿

灼灼澗上桃花開一何晚疑有仙人棲流出胡麻飯

三姑峰

相携此尋真木石共將處不學大小姑相對語即語

紫霄崖

黃三策

為慕安期術南來陟此崖登雲還願望想已是蓬萊

石橋巖

吳翰

半月空中影橫梁絕翠微有時雲氣斷鸞鶴誤驚飛

桃源

鄭元

手種千桃樹扶疎向日紅須教時雨露歲又領春風

齊雲道中

韓士元

總步率清溪春深麥穗齊物華川上媚愛聽山雞

齊雲山歸遇雨

韓士元

出山朝行雲歸途暮行雨不自巫山來雲雨何多遇

六言絕句

白嶽

陳履祥却人

抱璞幾投親闕扶筇一問員嶠紫霧叢中撫鶴白雲堆裡吹簫

其二

鑪鼎烟籠碧漢鶯鳥聲轉玄林生去塵襟如脫覺來羽伴相尋

其三

袖底玄珠閃電雲端白鶴游空何處庚辛堂甲飛簾晴雨丁東

其四

龍伯投竿人代神鰲釣養仙潭縱步狂呼欲起凌秋跨上天南

雲巖

曹欽葵人

玉髓香分雲洞水簾飛濺瓊珠半掩巖扉臥坐真真石室自如

其二

山靜時聞天籟彩雲幻出奇峰何處吾伊徹夜讀書人在雲中

斗陽道院

邵一儒邑人

到來空翠衣濕望覺氤氲雨多醉客仙厨有酒換  
書道士無鵝

桃源嶺

源裡人甘避秦源外人爭逐鹿嶺雲飛去無心嶺  
樹依然在目

碧霄菴贈丁以舒

張成斐 邑人

天際青環疊嶂菴前碧擁片雲欲向三茅叩訣  
携九節尋君

其二

空翠冥濛染屨明霞掩映飄裾伏火鼎中靈藥  
香案上道書

香案上道書

桃花洞天

古洞逶迤有徑仙桃爛漫成花窈窕不聞雞犬沉  
沉祇見烟霞

其二

紅雨巖花亂落白雲洞戶斜開河處更逢仙子此  
中宛入天台

終

七言絕句

雲巖

汪進 邑人

琅玕芝草滿空山月上瑤臺鶴未還五夜夢回九  
霄吟始知身在白雲間

雲巖

于明 新安衛千戶

青山一帶白雲封金闕宋開動鼓鐘兩袖清風輕  
欲舉飄然直上最高峰

雲巖

方漢 初人

淡月雲房別有春巖頭鐘鼓發清晨香爐峰側車  
碁嶺時見烟中作禮人

雲巖

宋國華 奉新人邑令

偶向山中摩道眼孤踪偏喜鶴為群不妨芒屨披  
長袖踏破峰頭幾片雲

雲巖

鮑仁 無錫人新事

翹首雲巖倚碧空萬重峰擁玉芙蓉瓣香千里英  
靈裡風落青山日暮鐘

紫霄崖

汪尚恭 郡人

秋風吹客紫霄巖萬壑千崖在眼前烟靄莫教遮  
嶺樹遙心先到五雲邊

太素宮

茅坤 歸安人副使

仙人丹竈九成臺雙引河流天際未長風吹洗峰頭色萬朵芙蓉掌上開

文昌閣

汪道昆 秋人傳即

亭亭虛閣倚招搖風雨千山積翠繞一片雄霓當戶起晴光初度赤城標

天梯

萬丈丹梯入翠微片雲冉冉叩巖扉祗應洞口招黃鶴不向山頭問白衣

九日

大隄何處問逵達五老翩翩綠髮珠瑤草只今堪把贈空山不用掃茱萸

天門

崔孔昕 山東人新亭

西入天門步上台茫茫石徑倚雲開遊蹤歸何處跨鶴揚州今又來

秋夜

汪君海 學人

明月瑤壇秋夜清石床松壑聽談絃松間雙鶴忽飛去萬籟不鳴心杳冥

望仙

方建鏡 秋人

石樓晴日翠雲生赤脚山人雲裏行搔首長歌基芝曲阮郎休作鳳凰聲

白嶽會

何其賢 邑人新亭

崔嵬白嶽斗牛邊邑屋賢豪大會年莫道掩關機事息片心遙逐嶽雲懸

獨聳峰

王圻 松江人提學副使

獨聳危巒接紫虛洞天為廩石為梁千年黑黍依然信有靈明護帝居

太素宮

徐用檢 蘭溪人太素宮

上居太素宮步虛披雪羽衣同篆香直與烟雲接曉雲去浮渾沌中

五老峰

王寅 秋人

五老峰前鑿刻成霜磨石上赤虹生延津肯與雙龍比仙駕音驚觀玉京

望仙

烟霞足處急飛仙鍊就金丹不記年一嘯萬山雲氣合閒呼白鶴下青天

五老峰值雨

范涑 邑人按察使

雲深細雨聽鳴鐘載酒吟詩五老從不是東山謝安石偶來看屐歷高峰

雲巖

金階 杭州人御史

歸去扁鵲鶴御風斜陽一望斷高聯不知後夜烟

霞夢飛過黃山第幾重

白嶽

陳新紀  
邑人

白嶽清秋入望新  
瑤宮石室倚嶙峋  
松堂夜半壁月上  
鶴下聽經不避人

天門贈羽士

王泮  
紹興人布政

賓陽谷口玉嶙峋  
遙望天門映樹春  
為問此中誰是主  
清虛宮闕誦經人

石橋巖

李敏  
邑人

石戶穹窿透絳霞  
乘風遙訪玉清家  
數聲鐺笛秋雲裂  
落盡仙楠一樹花

太素宮

馮亭禎  
秀水人翰林編修

嘉路丹梯禮上清  
紛紛仙樂奏乾城  
玉皇親賜緋衣著  
五色雲中樂珮聲

雲巖

苗金色  
邑人

良朋呼我躡雲來  
長嘯一聲青天開  
道士相逢潭不識  
霞光月色滿樓臺

白嶽亭

沈懋學  
宣城人翰林

白嶽靈區隱少微  
千峰秋色澹刑扉  
閒亭獨坐渾無事  
片片晴雲亂撲衣

雲巖

程朝京  
邑人

群雲山上露華新  
面面芙蓉瑞日曛  
芒鞋竹杖從來穩  
踏破峯頭幾片雲

其二

乾坤若六百  
年身忙裏能閒有  
幾人輸却道人巖下老  
輪迴甲子不知春

太素宮

錢穀  
杭州人郎中

萬丈丹梯百折通  
飄飄兩袖御天風  
欲從羽客竄玄封  
元禮雲中太素宮

天門

邵庶  
邑人

峭壁天開一線通  
雙懸日月照圓中  
足亂烟霞歸日却  
疑身世御罡風

其二

芙蓉宮闕萬清暉  
秀擁雲霞掩翠微  
五老翹然塵壑外  
還子放鶴碧空飛

白嶽

鼓好古  
麻城人欽命御史

滿巖倚雲天際遙  
看白嶽與雲齊  
只今踏破羊腸路  
一咲巖空萬壑低

其三

千尺齊雲百里天  
問期著屐已三年  
洞中休覓長生藥  
一日逢僧一日仙

天門

陶望齡 會稽人編詩

一入天門路更幽每從林杪見溪流白雲坐斷人  
閒世猶有溪聲到上頭

夜

丹壑蒼煙處處鍾夜深天畔有孤筇寒燈一點松  
龕裏照見雲中五老峰

水簾洞

祝世祿 德興人吏科給事中

借得仙人碧玉筇冥搜巖洞鶴能從水簾不逐晴  
雲捲開數天青六六峰

碧霄峰

遊

散策相將汗漫遊峰頭墮翠雨初收凌風更上峰  
頭石萬壑白雲如水流

陪許閣老宿柳梅菴

天上歸來海鶴姿白雲五老夙相期垂髫道者眉  
如雪丹竈分光餉紫芝

羽士程松谷卷

章嘉禎 德清人吏部

仙窟蒼蚪倚窳寥流霞滴翠騎晴霄道人閑罷黃  
庭出明月清風弄碧簫

雲巖

謝存仁 祁人布政

謁帝天門紫氣重群真擁散聖仙宮低垂拾得金

虎阜一夜天風駕白龍

白嶽

張訓 邑人光祿寺丞

乞靈如蠟度仙山萬古猶新路不間祇入白雲無  
十里陰晴寒燠異人間

其二

錦簇峰巒玉作闌貫珠簾慢漾潏潏爐烟結霧潭  
無畫鳳蟠光中覩聖顏

天門楠

詹軫光 華人和府

疊疊峰巒勢自參天門隱映紫雲含虛皇應恐人  
迷處故挿懸崖百尺楠

五老峰

薛蘿為衣松為髮聯翩蹴蹋凌超忽道人長跪問  
紫芝笑指巖頭一株發

天門

陳履祥 祁人貢士

鑿窳渾淪透太空當年殊費巨靈功雲霄咫尺金  
銀闕不問桃花澗水紅

紫玉屏

數嶽峰頭列紫屏綠雲深處隱彤庭叩開石壁朝  
元去留看乾坤隻眼青

捨身崖

荆那由旬劫劫塵空巖刺有萬年春塵身不捨層  
崖下那得虛空身外身

月

沈有則 宣城人進士

斷崖千尺刺芙蓉一錫閒雲落晚鐘獨倚月明清  
嘯發居然天半走群龍

夜

謝肇淵 閩人舉人

中天別岫翠模糊咫尺丹霄即帝都夜半山窓烟  
雨裏香爐峰頂一燈孤

其二

洗藥池邊丹杆聲紅塵隔斷旅魂驚夢中不識朝  
元路只在棲霞洞裏行

元路只在棲霞洞裏行

珠簾泉

孫鑒 金坑人

松月吟成出紫巖泉聲汨汨落谿南種桃道士歸  
何處只隔雲山見雨簾

雲巖

朱瑞鳳 會稽人知縣

帝城斜日滿高臺萬井千山烟樹開樹裏點江流  
不盡南風時送客帆來

香爐峰

張萱 南山人詩人

紫烟高閣萬山青磴斗歸來集衆靈白晝玄關無  
一事香爐峰畔讀黃庭

五老峰

吳道達 邑人

五老各各邀仙子霓為羽衣雲為履西瞻函谷紫  
氣多東望扶桑紅日起

老君洞

洞裏老君若箇是三千著言猶在耳霞光柱下片  
片青氣色關前翩翩紫

桃花塢

高維嶽 宣城人

獨御天峰萬疊霞尋源亦自有仙家人間欲覓迷  
相問歲是三千一結花

拱日峰

朱自

占盡靈山第一峰青天片片散芙蓉忽擎滄海挾  
桑日照破塵寰幾萬重

廊巖中立石

朱正民 邑人上林書畫

廊巖突兀碧雲堆又得偷閑看殿來望裏雲天萬  
尺五相看中立對靈臺

飛雨樓

周天球

晝日看山飛雨樓飛泉挾雨映窓流陰陰雲氣便  
衣冷信有人間五月秋

五老峰

皇甫汈 崑山人附儀

五老西來高插天參差遙與白雲連三姑若問誰



爭長總在山中不記年

五老峰

注道會 蘇人

三孤石畔晚霞明五老峰頭落日晴翠管雲璈飄  
不斷天風遙散步虛聲

天門楠

吳翰 莆田人

一樹枯楠碧漢間天門開處鶴飛還孤根化石晴  
含雨香葉為雲暗滿山

丹梯

唐天鳳 夢人

曲曲丹梯萬石摧天門中斷五丁開虛皇不塞長  
生路却許世人自往來

玉屏峰

扶搖烟霧亂山青仙侶乘鸞駐翠屏鐘鼓聲中駐  
未罷天花落處樹冥冥

珍珠簾

徐作 南昌人尚書

天門香霧接壚峰中有飛泉挂玉龍白晝晴飄珠  
萬斛決訖真可蕩心胞

玉屏峰

巍峩仙關玉屏開朵朵青蓮擁上台蔽日虧雲高  
列嶂時聞風雨萬靈迴

白嶽

趙善政 法名應使

白雲長向嶽中生此嶽因之以白名一線通天知  
有路回看人世萬緣輕

飛雨樓

聞說齊雲接上台危樓長嘯忽雲開何人倒挽天  
河水幻出晴空飛雨來

龍池

一道寒流瀉劍峰遙看白日霧重封只今四海思  
霖雨誰識天池有卧龍

虎岑

怪石依稀出薜蘿負嵎勢猛欲如何新安自是弘  
農政有虎于今亦渡河

棲真巖

棲真巖上有真人我欲飄然作比隣嘯引清風丹  
峯在紫芝瑤草自相親

車銬嶺

白嶽雲巖此在中千盤鳥道一車通不知自己平  
霄漢兩液飛颺候御風

鐘鼓峰

天造玄宮即化城東西峯列不知名客來夜半聞  
清竊疑是空中鐘鼓聲

沉香洞

沉香洞外路微茫洞裏應知日月長  
五百神仙頻駐輦時聞笙鶴度蒼蒼

文昌閣

朱國禎 揚州人翰林

高樓百里望黃山一碧天青襟帶間  
獨有白雲封絕頂瑤光點點鶴飛還

其二

灑然飲酒五峰下猶記當年六六峰  
三浴寺前甘露水至今身在覺從容

太素宮

劉汝佳 邑人工部主事

窈窕玄宮金碧輝香爐前裏玉烟飛  
漢皇方祀勞封碑無上高真擁太微

五老峰

五峰天表捧笑容秀聳文昌閣上達  
把酒欲呼諸老醉白雲何處覓僊蹤

雲心广訪丁鶴三

黃習遠 蘇州人

碧霄峰下羽人家縹緲笙簫隔暮霞  
馭鶴僊郎何處去攤書几上點飛花

雲心广

朱廷旦 嘉善人

碧霄峰下盡欄凭縹緲香風入座蒸  
翠雨話深山

閣草白雲眠破石床藤

珠簾泉

汪應妻 新山人舉人

曲曲尋幽段段殊巖懸清溜濯醍醐  
山情不斷一簾雨海日常傾萬斛珠

碧霄峰

碧霄庵上碧霄峰隱見雲霞淡潏潏  
長嘯一聲驚鳳至秋風傳遍萬山松

贈選過

姚舜牧 湖州人修國文

清晨來訪選過僊選過僊人猶未起嗟予常存選  
過心祇恐僊人亦如此

桃源洞

范允臨 蘇州人督學

羽袖飄飄香夜風翠幢歸殿玉壇空步虛聲盡天  
未曉雲壓桃花月起東

桃源洞

葉秉敬 開化人知府

白嶽雲邊一徑通扶餘海上自稱雄何如少室齊  
嵩嶽堪老稜層面鐸翁

贈選過仙

劉鐸 廬陵人知府

碧崙晴嵐鎖洞奇洞中仙子薜為衣人間日月誰  
能管歌坐峯頭送夕暉

其二

翠屏烟障滯為家跣足蓬頭歷歲華已拼此身為  
木石不知世上有丹砂

贈選過

沈士茂 湖州人主事

千丈崖前一衲遊人傳甲子欲三週只饒徑寸光  
明地年年海屋為添籌

五言律詩

雲巖

朱允升 邑人國師

呼童扶杖屨特向此中遊福地紅塵遠函關紫氣  
浮閑雲歸洞口曉日出山頭試弄桓伊笛涼風碧  
樹秋

雲巖

趙訪 邑人知縣都事

洞深通海島地僻隔塵寰爐卓一拳石屏開四面  
山松陰隨日轉雲氣逐龍還好雨催遊興寒生六  
月間

重遊

孫遇 福山人知府

昔到齊雲境別來今十年丹房留竹月寶鼎熟種  
烟往事渾如夢重遊信是緣有懷君父事翹首五  
雲邊

天門

司馬亞 山人知府

陰壑生瑤草巔崖鎖綠苔鐘聲聞下界瑞氣接三  
台樓頭山月出洞口石門開朗吟發佳興持節擬  
重來

雲巖

張旭 邑人知縣

天上神仙宅山中紫翠堆風清巖瀑響雲散洞門  
開輦輅臨空駕旌旗拂面來塵緣經此脫便是到

送萊

白嶽

王華 餘山人詩

白嶽望中登黃山四面屏峰高疑近日路險欲接  
藤野色千林雨梅花萬樹水天空孤鳥外極目是  
金陵

雲巖

劉儒 市人詩

名山今日到好景一番新松掛巖前月桃開洞口  
春峰懸排輦輅樓觀炫金銀獨立烟霞上曾無半  
點塵

天門

葉天壽 學人詩

翠壁鬱蒼蒼峻嶒接斗杓石門開月窟蘿磴作星  
橋輦輅祥光擁香爐紫氣飄平生塵土相盡向此  
中消

雲巖

李點 建安人詩

蘆閣疑無地靈棲別有天神仙閣寢宅鐘鼓發雲  
烟乳竇翻蒼隙星壇上斗邊何當掃氛翳俯眺萬  
山霽

雲巖

方遠 宜人詩

三五探奇客俄成閑苑遊日月琳宮秘雲霞碧洞  
幽松樓玄鶴亭瀑瀉玉虹秋何日邀仙伴燒月

月悠

重遊

戴嘉謨 詩人

山靈如有約此日得重來萬樹晴雲薄千峰碧玉  
堆珠簾翻地湧石戶鑿天開行到懸崖處新詩別  
薜苔

天門

江宗漢 詩人

策杖穿山徑秋陰野翠繁雲幢覆寶藏石棧接天  
門草脚泉聲細松頭鶴影翻我來非巧福采藥擬  
窮源

雲巖

潘珍 學人詩

雲外真仙境江南一洞天上方聯斗極下界遠人  
烟屏玉山為障簾珠水自穿勝遊憐日晚兀望思  
茫然

煙峰

程鏡 洛陽人詩

瑤闕凌空起煙峰倚日孤簾虛窺海陸門迥接天  
衢崖掛猿枝老松翻鶴背廬東南清絕地何必問  
蓬壺

雲巖

張大魁 詩人

形勝名南國神光燭上台天門雙闕入雲輦一屏  
開風吹騰空度整峰駕海來香爐迎日上五色散

仙臺

雲巖

孫耕人

一逕雲連石千崖玉作堆山中開洞府天上現樓臺日吐靈光炯風嘶紫氣回俯看心宇濶八極共徘徊

雲巖

余勉學

遙興懷康樂靈巖並鴈山每於案牘暇即往雲霞間何日辭塵紱長棲駐世願吏人催五馬又向郡城還

晴

曹冲冠

風霜借晴暖結約此登臨仰面天台近回頭海嶽

主

沉峰巒丹樹外洞府紫雲深千古鍾靈異還興曠世心

天門

廖道南

乘雨入天門披雲繞洞垣懸巖聞嘯虎飛石見攀猿霞結仙人座星垂帝子璫未須誇閬苑即此是崑崙

天門

程紀實

紫氣浮金闕丹霞映玉臺天門通日月巖瀑走風雷芝草春長住楠花石上開吹笙仙侶迥一鶴下

蓬萊

雲巖

劉子伯仁

洞府棲玄帝山樓隱列仙紫泥金藥秘丹字玉符傳入榻雲霞護窺牕日月旋豈知塵世內別自有壺天

白巖

汪寬

風袂曉翩翩高凌白巖巔五峰標日月雙闕擁雲煙泉落巖前雨花明洞口天青童不相值丹訣幾時傳

太素宮

董漢臣

謁帝玄巖上朱衣禮玉華洗心同水月飛步歷烟霞石闕先天闢瓊宮太乙家長生知有藥壺首乞丹砂

主

雪

雪

方大汶

薄暮投仙館丹爐火正紅巖櫺繞積雪石洞迥無風笑接洪崖侶同棲玉室中冷然生八翼飛步躋層空

珠簾

胡天祿

塵網何時脫名山此再遊珠簾晴亦雨玉洞夏還秋天外聞仙樂雲中出屢樓蓬萊疑在是不用問

冊丘

雲巖

徐州蕭縣人部司理

浪說雲巖勝觀風特地來洞門天設險石壁篆封  
苔滴瀝泉聲細參差樹影開倚闌看月上清夜且  
徘徊

車硯嶺

蘇景邑人

一上車硯嶺奇觀覺更多石門開翠壁金闕入烟  
蘿雲散爐峰出天清輦轡過悠然玄妙境塵世自  
風波

天梯

汪善欽人給事

天梯登月窟石洞啓雷城仙境由來淨塵襟到此  
清霞烟千嶂合鐘鼓半空鳴不見談玄客閑雲自  
送迎

飛而

葉景茂人

突兀空中起紫紆畫裏登晴崖飛瀑而陰壑積層  
冰病骨今猶健塵心到此澄真知異人世望一  
支藤

太素宮同造

劉謙亨洛陽人御史

金闕依丹壑琳宮近碧霄輕霞明曉露飛雨灑晴  
潤間窈窕衣裳冷幽閑草樹饒玄談逢二妙瀟灑共

陶陶

天門

江潭人舉正

久慕茲山勝于今始一來水通巖頂出天鑿石門  
開簾滴珠珠絡烟留桂栢灰玄宮霄漢近無數乞  
靈回

雲巖

汪居安桐城人郎中

突兀應千仞神靈動萬方古今雲霧裏銜出弟兄  
行鹿作遊人伴芝充羽客糧我來忽忘去信宿卧  
山房

巖夜

王聯任邑人邑令

鳥道披星出山房共月眠蕭簟雲外夜鸞鶴洞中  
天萬壑收輕霧三花起瑞烟接離期丹著松下聽  
談玄

天門

曹世盛開人郎司理

排入天門勝龍總接上台紫霄空碧落白嶽即瑞  
臺飛雨晴還冷淩風暑自迴清虛千古興吟眺侍  
重來

白嶽

吳錦邑人

白嶽陰陽聚丹臺歲月長森書留浩劫鳳吹引清  
商巢宇思無際雲霞興不怠夢遊天路近飛鶴到

芝房

天門

郭鳳翔 大邑人新用知

石磴盤空上天門傍日開深山饒草木靈境異風雷龍下玄元殿鶴鳴絳節臺秦皇徒泛海此地即蓬萊

蓬萊

秋

唐守禮 烏程人知縣

清秋甦病骨遠扣雲巖扉五老峰前月中霄弄玉輝而珠泉上水一白拊金微坐看冥鴻舉星河落翠微

天梯

程元利 邑人

華雲山志卷之四

華雲

三

下

福地獨攀躋懸崖石作梯飛霞雙闕迴落日萬山低玉洞藏丹訣金仙駕紫霓桃花流澗水天路豈終迷

太素宮

張雲路 山西人進士

暑月猶馳激停車工翫霄齋心瞻帝闕祀嶽虔仙橋靈跡瑤光秘彤宮玉翰飄顧同天地永瑞氣繞清朝

雲巖

汪如珍 邑人知縣

仙觀雲巖上春風又一過天門開石壁星嶠隱松蘿勝地塵氛隔華林野趣多黃峰延客坐此與更

如何

黃庭院

董份 烏程人書學士

乘夜陟天階劃然星斗開梯攀千級上人向九霄來碧洞雲為館黃庭月滿臺漸非王逸少誰為寫經回

黃庭贈羽士

陳鑒 吳人布政

方外有佳士雲巖高隱身黃庭探妙理白鶴結芳隣仙壽元無算蓬壺自有春願言偕道侶同作洞中賓

白嶽逢程松谷

皇甫汈 崑山人副使

華雲山志卷之四

華雲

三

上

福地番丹谷仙家慕赤松逢君白嶽上結屋翫霄峰蓋偃堪巢鶴枝蟠欲化龍食脂顏可駐何日得相從

雪中寄懷

洪垣 吳人進士

丹壁臨無地冰崖玉削如雲深不可採日暮迴愁子境物紛為異鴻濛物有初懷君何處所跼坐讀殘書

白嶽

金銳 邑人

靈山躋望處紫霧鎖天門仙路茫茫出玄關隱隱存谷應吹笙響崕留拄杖痕翻憐不死藥鶴池未

能吞

雲巖

秦鳴雷 台州人而書學士

靈境真奇絕何難遠道來千盤仙路迥一徑石門  
開瑤席設芳篆祥雲護法臺釣天沿路秦恍惚入  
蓬萊

太素宮

帝室何年建高居儼太清爐峰依日拱輦路逐雲  
輕劍擬蒼龍躍笙和彩鳳鳴吾衰時遲暮欲此問  
長生

雲巖

茅坤 歸安人刺史

去天特盈尺轉嶂復千峰縹緲星河外氤氲雲樹  
重飛來挂璫玳削華秀芙蓉箇是神仙境行鞭赤  
玉龍

太素宮

不必問蓬萊今朝接上台纔臨萬花谷便入九成  
臺雲外芝幢引天邊鶴吹來劍光生赤電早已決  
浮埃

春望

申時行 吳人少師大學士

驅車背城郭遠遶出平林石徑綠溪轉山樓隱霧  
深幽花弄晴態好鳥伴春吟悵望雲間路隔僧物

外心

紫霄崖

山中留客劍天上遇星軺攜手尋丹壑披襟坐  
霄風兼泉瀑響香逐嶺雲飄明日南征路相思越  
水遥

雲巖夜宿

張應元 邑人翰林洗馬

探遊不覺倦夜宿傍蓉城洞客供麟脯山童弄鳳  
笙彩烟流暢細華月逗窓明即此真仙境何論玉  
署清

天門秋望

王承

浩嘯天門外西風洶作濤蒼蒼秋色裏漠漠白雲  
高掠漢來雙鶴騰波出六龍虛生渺何許極目獨  
心勞

白嶽

余懋學 華人侍郎

先年躋白嶽轉盼已成陳野鶴尋新侶閒雲亦主  
人出門都悟境是處可修真得日重樓跡五雲栢  
正森

白嶽

葉時新 邑人吏科給事

采秀凌丹嶂尋真陟紫霄天門五丁闢帝關百靈  
朝鶴益行相值鸞書會見招蓬萊瞻不極縹緲白



雲遙

秋

余孟麟印人翰林侍講

緬矣遊山賦  
峭然看竹期  
庭虛含午潤  
洞古得秋遲  
鳥影危峰度  
雲衣雜樹披  
凌風如有翼  
吾欲問龍之

秋

莫雲卿華亭人

雲日蕩湖陰  
秋光上界侵  
橫空開繡壁  
隔水映丹林  
洞壑僊靈閑  
烟嵐勝蹟沉  
奇遊在眉睫  
何待訪幽深

九日

馮亭碩秀水人翰林侍講

九日喜當晴  
秋風展齒輕  
群峰懸塔影  
萬壑墮松聲  
世事看蓬髮  
禪心問菊英  
白衣遙送酒  
溪上了滄盟

白嶽

龍德宇武康人官外

御風凌白嶽  
霽色為誰開  
應識仙靈喜  
重看野客來  
玄文披玉軸  
熱氣擁丹臺  
何處吟仙侶  
還天一鶴回

白嶽

李敏邑人

秀並黃山勝  
精儲白嶽奇  
氣凌三竺小  
名出九華  
早日月開玄  
宸龜蛇護赤  
蟬蒼虬如何  
取從此訪

安期

雲巖

沈慈寧宣城人

仙人馭孤鶴  
何處訪方平  
野鳥窺山潤  
殘花點石枰  
雲流丹竈濕  
斗轉剡池明  
夢隔青霞侶  
空邀五舌笙

碧霄峰

董嗣成歸德人印中

幽境洞天遙  
青霞護碧霄  
寒泉當屋溜  
清磬隔松飄  
谷口芝常秀  
雲中鶴可招  
夜深天籟弄  
仙珮下瑤瑤

五老峰

李詩

五老在庭間  
神仙玉洞閒  
名巖齊四嶽  
奇不讓三山  
瑤草霞為袖  
喬松綠作鬟  
相邀上斗斗  
談笑拂雲還

香爐峰

龍膺武康人印司理印十

霞峰尋桂女  
雲路覓芝童  
據石赤霄上  
飛杯綠氣中  
坐移麟角杖  
吟對鹿皮翁  
泉杲天香散  
蒼烟捧帝宮

天門別李太史何典客

有客隨黃鶴  
聯翩下短轅  
挂君九節杖  
授我五千言  
雲物胆俱邊  
峰巒氣欲吞  
離群應共惜  
別路是

天門

天池

沈茂榮 慈縣人即太守

何年通法水此處聞仙關而氣翻蒸地池聲倒激  
山孤亭凌漢絕衆嶼抱雲環欲藉觀星土因之聽  
水潺

天門

張應揚 邑人巡按御史

奇探天門勝翩然物外蹤雨簾風不捲雲洞畫長  
封鳥道盤千仞蓮峰列幾重相看塵慮息玄鶴下  
青松

天門

孫如游 餘地人翰林編修

削壁清宵外雲開忽剗然何人持巨斧鑿破石中  
天虎豹當關守風雷繞洞旋夜深凌漢近星斗掛  
衣邊

白嶽會

丁應泰 江夏人邑令

巖色慚無補仙壇會有神江山千古勝冠履一時  
新促膝忘形好微言藉酒親朝車明發近迢遞帝  
城春

白嶽會

李瓚 邑人

飛泉凌千仞披襟俯八荒翠微開帝宅丹氣繞仙  
房星聚文成象風流美擅塲高懷殊未已日暮且

徜徉

白嶽

郭永祿 壽州人休寧訓導

謁帝登名嶽迎釐禮法筵山峰青靄合星斗碧空  
懸泉瀑飛靈雨爐香起瑞烟清虛人境隔何處更  
求仙

白嶽

金人龍 邑人

白嶽仙臺迥玄都帝時幽瀑飛巖竇雨栴覆洞門  
秋嶺月看彌近窓雲拂更留紛紛車馬跡誰是采  
真游

廊巖

郭德溥 安福人翰林洗馬郎

廊巖何裁薛迥出玉衡端烟火千村曉風雲萬壑  
寒石銘懷世業樽酒罄交懽不淺滄州思持綸且  
釣磻

廊巖

唐軫光 要溪人知府

穿雲丹磴上一甯碧霄卑飛瀑尊前落斜暉坐上  
移片石孤如立懸崖半欲垂雲房應爾就莫爾此  
心期

雲巖

曲曲疑無地登登獨有天層梯懸樹杪多院倚山  
巔雲氣巖前積爐香月下照浮生自飄泊採藥更

何年

雨

潘士藻 臺南人高寶司卿

驚嶺攢烟蓋樓簪帶雨衣空濛迷樹影冥漠窮泉  
飛直上天門曉環看碧落園主人何處所石磴棚  
梅扉

雨

陳履祥 和合貢士

石牀永不寐夜雨亂泉鳴何處蛟龍關傳來江海  
聲虛窓留霧暝遠樹帶山平人代渾如失吾從上  
妙行

齊

祝世祿 德興人高寶司卿

齊 律詩

律詩

齋榻無餘事名香手自拈乳松支石閣蟲葉下風  
簷竹卧陰三畝山看雨一簾隣僧乘月訪談笑落  
筆失

閣

余孟麟 婺源人侍郎

閣以憑虛結尊因問字携花深雲不散水瀾月全  
低撫檻聽龍曲停軒待鶴棲烟蕪秋色遠思侶武  
陵迷

閣

歐大任 嶺南人郎中

玄武宮西側千秋此閣尊雲移知嶽立松響似濤  
翻鶴並爐烟起鵝因墨沼存曉來看玉檢杖策過

天門

憶白嶽讀書

謝存仁 和合貢士

風昔此山中孤亭燃碧空瀑飛蘿澗月松落石門  
風雲岫為誰去霞樓不可逢那堪勞勞目迢遞紫  
霄宮

文昌閣

金茂邑人

高閣逼層霄登臨四望遙三姑浮瑞色五老挺仙  
標飛雨晴仍灑明霞晚更飄踰躑躅來鶴馭縹緲送  
鸞輿

香爐峰雨望

潘之恒 和合貢士

香爐峰雨望 律詩

律詩

想像浮金島虛無對紫霄雲移峰乍削霧積氣長  
飄神劍沉風雨推燈照沈寥黃山天外影晴望不  
知遙

白嶽

胡介 和合貢士

勝境攀初到仙源望不迷嶽深餘雪在巖迥與雲  
齊紫氣隨靈駕玄霄映御題試看珠樹裏鸞鶴幾  
群棲

太素宮

丁惟曜 和合貢士

驛嶠風為御井階香自焚光搖風闕日影散斗壇  
雲禮罷尋仙處吟邊押鹿群林巒有不足杖底駐

斜暎

太素宮

汪元英 邑人

春氣彌三極晨光啓九霄紫衣壇上醺絳節殿中  
朝仙樂置風度宸香瑞霧飄玉墀紛舞蹈同效祝  
神堯

太素宮

沈有則 宣城人進士

高瞻出塵寰躋攀咫尺難峰從天際挿雲傍地邊  
還素女青鸞駕仙童碧玉環恍然玄帝至霞珮響  
珊珊

白嶽值雨

查應光 邑人舉人

靈隱林中秘竒搜物外天峰峰迷紫氣片片失青  
蓮崖霧恒蒸雨山嵐不辨烟獨寧幽賞愜藉爾歌  
書傳

其二

整轉疑逃世峰孤斷欲連乞靈還今日肇跡自何  
年北帝威儀肅中升秩祝偏冷然物外意鷄大白  
雲邊

白嶽

劉一嶠 南昌人初令餘事

夙有烟霞癖空山我獨來千盤峰瘦日影壑水奔  
雷客侶樓臺集松杉歲月培那能携五老駕海踏

蓬萊

白嶽讀書

丁惟暉 邑人

屏跡來仙境冥心遠世囂千函分玉笥一榻傍丹  
索嶽色晴還雨溪聲暮作潮時聞釣樂奏縹緲度  
層霄

其二

几席清堪掬圖書稔自寬溪山群籟寂永夜一燈  
殘霧暗藏文豹雲高赴彩鸞翻懷雙闕上沆瀣滿  
金盤

五老峰

龍德孚 武陵人貢外

自負耽竒客名山興更偏瑤峰金闕迥香案玉皇  
前花散晴空雨松暝萬壑烟脚盃邀五老相對一  
嫣然

五老峰

孫如將

聞說廬山勝峰懸五老翁此來登白嶽雲際忽桐  
蓬拱立如迎日逍遙欲御風却嫌塵俗侶還倩紫  
雲籠

石門寺看大龍井宿金紫臺

朱正民 邑人

寶剎諸天外誰將金紫開護禪龍在井聽法鳥窺  
臺朗月過巖松慈雲擁榻來逢僧今夜話萬劫隔

塵灰

白嶽

李思諫

寶巖尋靈嶽高登志採芳芝童偕探歷桂父伴偶  
得灑落珠簾影氤氲寶鼎香白雲飛片片時惹  
蘿裳

白嶽

汪大同

峻嶺不盤旋登登大嶽巔目空清淨界心徹蔚藍  
天絕壁晴飛雨虛巖暗泉振衣詢五老來者幾  
通仙

太素宮

太素宮

太素宮

岳秀即蓬萊雲光變恍惚疑生羽翼翻信幻胚  
胎地闢玄風振人瞻熾氣未布章宏對越欣慈御  
香回

岐山

鄒德溥

戴陟岐山勝幽清玩不窮巖巒丹鳳穴鈴鐸白雲  
宮瀑洒千年雨橋橫百丈虹高岡鳴可待應卜遇  
非熊

天門陪酌

祝世祿

名嶽雲中起芙蓉繡作城朱曦明使節青鳥導仙  
輦巖挂三珠樹霞虛五舌望天門星斗近和露

環航

天門贈羽士

唐思謙

道德漸何有天門忽爾逢談今夕事關達古今  
風暮色低雲樹秋散集草虫幾能離世網飄蕩亦  
猶龍

桃花洞

周天球

山隱雲邊路林窺湖上天身疑出宇宙目已斷風  
烟幻迹虛舟外閑情短策前桃花春更好為憶避  
秦年

觀音巖

曹元吉

大士曾遺跡巖虛不惹塵月含蓮葉水露灑柳枝  
春寂寂靈通境生生妙化身焚香觀自在誰是箇  
中人

石橋巖陪謝在杭吳元翰丁以舒謝于楚同

遊

潘之恒

五老峰西路三回訪石橋愁疑連斗近未覺去人  
遙黛色深如水松聲遠似潮幽期能自托海客豈  
難招

夜宿黃庭道院

汪元英

鐘鼓破幽寂樓臺隱宵冥不因探白嶽那得宿黃

庭蘿月烟臨榻松風青透極隔窓聞朗誦字字珠經

太微院

梅鼎祚 宣城人

鳴磬收殘照焚香坐太微巖空聲互答天闕影垂輝冲點凝玄眎希夷契道機靈鳥滄海曙合巖飛雲飛

雲巖

吳文璧 邑人

一自登封後蒼茫象帝存層層青黛拭處處白雲屯脉出崑崙遠名將太岱尊攀躋殊意興揮手即天門

雲巖山志卷之五

律詩

五言

雲巖

施守官 湖州人

謁帝趨靈嶽幽尋興不賒壺中別有境谷裏舊為家已訝芝如蓋還驚棗是瓜渾疑達子晉相對斷三花

雲巖

汪棟 邑人 清康熙時

躡屩登真境天梯幾百盤懸崖晴亦雨古洞夏猶寒墩管雲中曉樓宮樹杪看赤松知不遠我欲問還丹

雲巖

曹邦瑞 婺源人

形勝天然造瓊宮耀日華氤氲峰拱關幽窗石通

橋亭榭懸蒼壁階梯接紫霞盤桓松月下恍若汎仙槎

白巖酬別丁以舒之白門

陳履祥 和州人

緣君勤學道結客恣探奇玄鶴山中伴青羊市上隨情深曉雨夜意得看魚時別後勞相望南天黯黯垂

太素宮

謝室欽 人

帝祀高標後民霑雨露雨澤私盟林成八桂採秀得三芝積翠園珠關連峰連斗旗路傍欣舞蹈有慶觀金安

雲巖山志卷之五

律詩

五言

夜宿白巖道院

吳可榮 邑人

不夢遊仙枕遙懷太上京巖虛通月白壑靜逗烟清庭樂六英奏宮鐘九乳鳴起瞻雙闕曙鶴駕致相迎

三姑峰

黃源

玉立三峰並霞封疊錦張松陰晴拂黛蘭氣暗林香窈月懸秋鏡山花簇曉粧森森如解珮隱約白雲鄉

雲巖

郭 輝 餘姚人 嘉慶

久說齊雲勝躋攀最上層天門懸日月金闕御風

靈泉滴珠簾潤霞流石戶明擬入蓬萊島瀛然出世心

白嶽

羅治豫章人

茲山表靈異雄背隔塵氛地肺風雷合天門鐘鼓聞衆峰殊讓岳五老更連雲自向玄君乞烟霞得赤文

寄贈丁以舒讀書雲巖

于若瀛海寧人

嶽擅東南勝廬依洞壑分青藜然夜色丹嶂鎖晴氛天井垂虹度雷壇下鹿群山雲應妬爾賦就欲干雲

雲巖

朱國禎烏程人

十載尋山興雲巖兩度來昔遊如夢寐今到重裴徊深院黃庭月靈壇白日雷遙遠千嶂合一點是丹臺

其二

曾上太和顛危峰傍日懸岵中堪並立兩地各開天奇絕遊多快清虛骨可仙行踪十萬里何處不翩翩

登白嶽

金忠士邑人御史中丞

地軸端仙窟天梯接帝廷攬衣揮霧縠瞻閣擁雲

青閣覓成羊石靜翻相鶴經萬方紛走叩北極搖威靈

其二

景色陰晴幻蓬壺咫尺攀掬泉分石髓摘果駐冰顏竹蔚凌虛迥烟霞護道閑冷然風已御即此出塵寰

白嶽

何宇度安陸人

石磴千盤仄雲蘿百尺懸半生訪出世今日詠遊仙壑盡疑無地峯巖別有天醉看雙螭屐步步入雲烟

其二

丹巖開雪竇青嶂劃天門五嶽名相亞三吳勢獨尊鐘聲和鳥奏旌影帶雲翻何必聞雞犬秦人似尚存

謁白嶽

汪雲鵬邑人書生

嶽峙凌層漢探竒躡鬱盤身環山水麗意豁地天寬送影來玄宦流音度紫鸞焚香朝北帝鍾鼓徹瑤壇

碧霄庵同丁孺三夜飲

袁中道公安人

依巖懸畫閣客至似飛翔南牖騰蒼壁西窓曉綠

簷入泉歌易隱敵兩笑偏狂爛醉休言未數蒲有  
石牀

齊雲

素應兆 應天人博士

天門通一線霜入雲間碧水環腰帶青峰聳巖  
巖林幽曉鳥啼谷靜看縻頑不盡探奇興行又  
幾灣

其二

僊都群峭合儼見碧摩天古洞交靈竹香臺簇瑞  
蓮食花羊卧石棲樹鶴藏烟何必尋玄圃丹霞已  
駐年

齊雲山志卷之四

律詩

李

天門同丁以舒湯築夫張午垣雨遊

顧錫疇 山人祭

竊遊如舊識勝地頗多緣履挂雲中樹節翻雨後  
衆鼓棋危磴下行酒斷煙邊同志皆僊儒何須更  
覓僊

石橋巖

辭官謁洞府空世得天梁鬼斧闢濛混山靈弄莽  
蒼但能傾白墮何必候黃梁一仰一狂叫無言可  
頌揚

宿白嶽道院

程學昌 邑人

原缺

齊雲山志卷之五

國朝

七言律詩

雲巖

程信 邑人 邑人 邑人

臺觀曉巖最上頭香爐對聳篆烟浮天河遠下千  
層碧雲路遙通一線幽鐘鼓樓峰分左右玲瓏蘆  
瀑自春秋仙靈顯跡新安境多少生民仰庇休  
雲巖楊司理祈雨

試詠今年善處乾憂民誰解 聖心寬辦香方爇  
雲隨馬一疏遙陳雨布壇萬頃焦枯俄變色四郊  
悲嘆轉成懽他年收入循良傳異績令人拭目看

白嶽

葉綦 新州人 卿史

混沌誰開有此山曉巖一竅透玄關仙人歎訪知  
何處蓬島移來在此間日望九重紅日近神遊八  
極白雲閒歸來不跨揚州鶴只借天風送我還

雲巖

高輅 淳安人 大學士

齊雲形勝大江東雄石巖巖接太空門對香爐峰  
卓立路穿石戶洞旁通雨餘烟島含晴碧日旭林  
霞散曉紅萬壑千崖遊未盡不堪歸興夕陽中

五老峰

周正 文江人 都守



五老峰高逼翠微  
海天空濶白雲飛  
石門無鎖松蘿掩  
丹井生香檜竹肥  
童子洞前教鶴舞  
仙人山外跨鸞歸  
凝眸一豁塵襟洗  
忘却人間是與非

雲巖

程敏政

芝人尚書學士

四山迴合杳難窮  
翠錦屏開面面工  
巨石穿雲成戶牖  
半崖飛雨作簾櫳  
地靈今古神先擬  
境隔仙凡路可通  
極目丹丘何處是  
巍巍樓閣倚天中

五老峰

何年絳節此中停  
五老依然護紫庭  
鐘鼓分頭雙岫碧  
香爐當面一峰青  
匡廬未可爭誰秀  
玄武應知不自靈  
勝景日斜歸未得  
細摩蒼壁讀碑銘

雲巖

汪敬初

夜來飛夢繞雲頭  
今日靈巖得勝遊  
西望丹丘白鶴東來  
紫氣度青牛身忘人  
世三千界眼見仙  
家十二樓萬古神奇  
天可闕蓬萊有路不  
須求

天門

康永紹

柳人柳守

石門雲洞自幽偏  
為問雲巖隔紫烟  
天下名山無此境  
世間何地更尋仙  
雲中騎鶴還丹室  
雨後驅龍種玉田  
安得携書來住此  
五雷山下坐談玄

天門

程明達

邑人

石洞誰穿薛荔封  
玄雲金闕遠聞鐘  
萬松風奏笙簧雜  
疊嶂天開錦繡重  
久住定應九骨換  
偶來忘却病身慵  
斜陽更驛東南望  
正見黃山第一峰

月夜

侶鍾

山東人柳守

金闕羣飛翠霧間  
蓬萊元自在人寰  
綠園城郭千村雨  
青遍簾櫳四面山  
華表鶴歸遼海遠  
瑤臺鳳去洞簫閒  
我來倚遍欄干月  
雲路天門夜不關

重遊

胡富

蘇人尚書

鞍馬匆匆我又來  
仙巖依舊碧崔嵬  
松間吸茗分烟翠  
石上題詩拂雨苔  
幻世有人逃甲子  
洞天無地著塵埃  
品題不盡齊雲景  
獨立斜陽未忍回

碧霄峰

洪鍾

錢唐人尚書

碧峰天際屹岩荒  
樓觀孤高倚泐寥  
白晝風雷生洞府  
清晨鸞鶴下雲霄  
千巖草色浮空翠  
萬壑松聲捲海潮  
明月幾回仙侶集  
白雲深處夜吹簫

天門

彭澤

關中人柳守

遙望天門紫炁浮  
天梯上去是丹丘  
丘珠簾不捲四時雨  
玉洞深藏六月秋  
山似畫圖舒眼底  
溪如練帶落橋頭  
不知身在白雲上  
更覓齊雲頂上游

五雷峰

王鑑之

山陰人尚書

日華晴射五雲峰野色山光映玉聰按部敢辭千里遠祝釐惟願萬年豐山川歷歷神仙界民物熙熙太古風為飲霞觴題片石姓名晉在洞天中

五老峰

王賓 淳安人御史

暑展攀蘿亦勝遊人生何必羨瀛州路從五老峰前過水向群仙洞頂流雲裏金雞三唱曉樓中鐵笛一聲秋層梯直駕碧霄上更有層霄在上頭

雲巖

吳韞中 樞密人主簿

仙巖永日白雲封北面黃山六六峰石壁生寒懸翡翠銀河倒影浸芙蓉功成離坎三千行位列虛危十二重歸去人間明月夜步虛聲裏想行踪

碧霄峰

洪遠 歙人御史

峭壁盤迴上碧峰齊雲隱隱玉虛宮微風不動壇烟細北斗平臨石勢雄龍出洞雲浮檻白雞鳴海日射窓紅遊人咫尺青天近歷歷溪山在眼中

雲巖

馮蘭 餘姚人副使

齊雲巖更出雲中勝地東南帝宇雄石罅鑿開從混沌爐烟飛動轉空濛珠泉直洒古今雨琪樹高懸樓閣風老我到未猶未晚江東萬里見孤鴻

雲巖

張鵬 臨安人御史

拂塵暫陟翠微中蓬島遙連此地樹石立穿雲霧磊落泉飛作雨洒溟濛稚川去矣猶存竈藥冠冷然欲御風夜半詩成還自詠碧霄峰外落飛鴻

雲巖

許銳 登州人御史

我到雲巖豈世緣十年夢寐若遊仙排空石磴封蒼蘚映日爐峰起碧烟斷壁懸雌雉飛鳥倦寒潭古洞蟄龍眠殷勤祠下無他祝惟願君親福壽偏

同遊

吳裕 紹興人御史

久懷仙子絆塵緣誰道登臨侶是仙雲擁玉龍春起蟄日晴舟舄暖生烟松林入靜鶯時轉山郭民安大夜眠只為輜車多惠政相逢盡說聖恩偏

碧霄峰

曹祥 歙人御史

山如圖畫映虛簷靜坐貪看自不厭曉日烟飛千樹抄碧霄雲淨一峰尖岑樓渺渺聞風笛巖洞露霏掛水簾好雨東來涼透骨悠然佳興此中添

秋

王子謨 淳安人御史

巖洞空窈秋氣清此中風景類蓬瀛八牕霄色涵山色四面松聲帶雨聲鼎伏離龍舟已熟夢回蕉鹿世空驚停杯掃壁題詩句連袂登臨記弟兄

雲巖

何欽 東山人御史

地勝由來神亦靈九天雲霧護玄冥翠華縹緲扶  
龍馭羽蓋翻翩簇鳳翎樂奏鈞天傳洞壑香飄合  
殿肅風霆凭高四望生遐想夕照黃峰列畫屏

雲巖

李汛

初人知府

百里雲山一萬盤吟邊移步換奇觀龍扶玉輦開  
玄宸整對香爐出紫壇石劍倚空霜額銳珠簾到  
地雨聲寒月明時有鶴笙過恹恹底天門夜不關

雲巖

汪循

邑人通判

絕境憑空擁畫圖神仙窟宅世應無竄中席地億  
萬里天下名山三四區緯宿迴光騰紫炁坤靈受  
職拱玄都平生勝有烟霞癖老去登臨不用扶

雲巖

唐勳

廣東人邑令

凌風絕頂亦奇遊信是齊雲入遠眸便小他山皆  
丘垤應知此地即瀛洲泉飛半壁晴還雨烟薄層  
巒翠欲浮吏事催人看未了山靈期我再來留

天門

唐皋

歙人翰林修撰

望入天門接杳冥尋閑今日一登臨置身霄漢千  
尋頂快我乾坤萬里心而後瑤山青似髮雲頭蹙  
木小如針南薰拂面涼如洗携客凭欄一朧吟

夜

陳鳳梧

廣東人初人主事

六宿齊雲最上頭此身真覺與天遊星光點點低  
垂殿嵐氣飄飄盡入樓萬壑松濤俱闌寂五更溪  
雨自飛流神清景絕渾無寐未曉俄驚曙色浮

五老峰

汪鉉

華人尚書

簇擁懸崖第幾重憑空削出玉芙蓉人間偶見三  
山境雲外高撐五老峰風透疎林來舞鶴雷驚深  
洞起潛龍拒衣不盡登臨興何日重來訪赤松

雲巖

方顯

初人教諭

策藁直上白雲隈渾似飛虹背上束金鞍但從深  
谷起石門獨向半空開桃花流出千層澗瑤草獨  
芳百尺臺不是劉郎元誤入至今那識到天台

雲巖

胡昭

邑人

閒上蓬萊頂上行天風吹颺布袍輕雲開輦轅琳  
宮出日照香爐瑞氣生羽客呼童朝種玉仙人騎  
鶴夜吹笙十年悔被紅塵誤擬欲凌虛問太清

新晴

潘旦

華人尚書

萬木同聲吟午晴喜看天色漸分明石爐香氣浮  
雲氣佳蕩泉聲作雨聲境接虛崖天戶闢路窮小  
澗木橋橫紫霄回首日初暝長蒲松閣月滿庭

石室

方謙

初人主事

勘破浮名一羽輕山中端可寄平生年華空惜花  
開落賓從常夢鶴送迎石室夏寒冬自暖洞門朝  
雨晝還晴幾番欲結黃冠社月白風清豈世情

丹臺

胡繼宗 天水人 員外

仙子何年別此臺琳宮琅宇自崔嵬半空香案孤  
峰出百里懸河一線來碧石洞邊山屈曲白雲天  
外路紆迴憑高何地長安客曉霧依微望欲開

雲巖

戴祥 續人 郎中

丹巖幽徑半苔封未到先聞磬與鐘洞鑄閒雲龍  
氣濕林依空谷鳥聲重憑高放目心無礙冒險尋  
詩意未慵忽有好風開遠景東南又露兩三峰

雲巖

葉天球 琴人 員外

紅塵幾載夢青山始躡雲巖一解顏羅磴雲連唯  
鳥道石門天關自仙關茅菴野老真堪畫翠壁丹  
崖信可攀軼掌自憐塵世客藍輿又向雨中還

雲巖

劉淮 羅山人 御史

巡行漫興上雲巖爭得丹青畫一線帝闕爐峰  
烟作篆仙家洞府水為簾江南奇觀此居最日暮  
短吟殊未厭回首瑶林發清興好風助我筆鋒銑

天門

姚弘謨 秀水人 編修

獨騎鸞翼上南溟雲外天晴畫不扁晴瀑遙分千  
澗碧陰崖俯眺萬山青篆烟縹緲籠金屋絳節崔  
嵬倚玉屏何日搥拋塵世事紫霄深處讀黃庭

樓

沈祥 崑山人 員外

嵯峨樓閣倚天開雲氣經年護石臺山鬼祇從林  
外嘯洞仙常向月中來疎鐘曉度孤村樹細雨寒  
滋小徑苔苔拜罷靈祠出門去眼前何地不風雷

雲巖

顧應祥 吳興人 刑部

萬里馳驅暫息肩羽流扶我上層巔山坳路轉渾  
無地石罅門開別有天傑閣高疑山斗近飛梯直  
與梯階連道遶物外吾所願却笑塵踪未得仙

白嶽

葉一清 初人

白嶽千年形勝在青鞋今日我重遊當門松影番  
殘照入院鐘聲送晚秋樽酒笑開黃帽社石床高  
臥紫霄樓此來應有烟霞分誰說蓬瀛隔弱流

雲巖

聞人銓 餘姚人 提學

齊雲石壁雲中起斜日有與度碧霄飛雨真如天  
半下爐峰長對佛前高青童綺樹傳仙訣玉女瑤  
臺吹鳳簫古洞餘銜卧蘿月紫霄丹竈侶松喬

雲巖

蔣貫 初人 給事

或徑紆迴半草萊輕雲冉冉傍雲臺陽華不負山  
靈約陰翳徐從地主開夾道蒼松排小隊盤空綠  
霧迥浮埃自從此日登臨後一路詩囊費剪裁

雲巖

汪如玉邑人舉人司

樓觀巍峩積翠峯洞門無鑰有雲封香飄丹井三  
花樹陰覆瑤壇千歲松童子開籠朝放鶴道人揮  
麈夜降龍爐香炷罷閒吟眺身在蓬山第幾重

雲巖

胡松鶴人尚書

萬壑陰連路欲迷遙從松杪躡盤梯天門望處  
乾坤別輦路登時日月低雲山謾誇天谷隱風流誰  
繼晦翁題昨霄夢破雷聲動應有龍涎泛碧溪

白嶽

宋茂熙莆田人御史

終年未脫紅塵累今日方成白嶽遊絕壁已驚霄  
溪近妙門更有洞天幽樓臺隱映真如畫草樹蒼  
蔥不似秋莫向人間說仙境夜來清夢自悠悠

同遊

汪玄錫發人侍郎

勝日朱幡白嶽來路沿溪曲與山隈天門羽蓋千  
年樹雲際香爐百尺臺風急劃然驚鶴過地寒猶  
自見梅開使君豪句應題遍賦就天台識異才

同遊

鄭佐歙人刺史

磴側巒而後天雲中簫管雜鳴泉松搖草輒起  
山動花發香爐散霽然日月轉九青嶂上滄溟浮  
屋玉屏前追陪豈是凡間客五馬諸侯第一仙

太門

胡宗明人舉人

環立諸峰此最尊蓬壺別是一乾坤望迷雲磴疑  
無路歷盡天梯喜有門陰壑松濤時入座晴川烟  
樹自成村眼前事事堪圖畫獨對清樾孰與論

同遊

馮世雍武邑人即字

黃鶴山人塵夢醒早春約客遊太清琳宮蓋殿倚  
雲出霧袍羅磴凌空行珠巖琅玕紫芝發石洞富  
窈丹霞生醉登絕頂幾孤嘯千崖萬壑風冷冷

同遊

戴嘉猷人給事

秋日携朋共此臨仙宮遙望訝幽深空中綠竹未  
清韻巖上松筠落翠陰野鶴閒雲知客到青天白  
日見同心夜來酒後烹山茗月掛林梢正好吟

雪

余光人御史

往來山下幾經年今日登山值雪天履着氷花迷  
石磴手攀玉樹出雲巔殘碑蘚落蒼崖月古洞珠  
懸瀑布泉始覺巖紛渾不染令人脫俗欲參玄

飛雨

李棟人

大觀天地無如此萬壑千峰取次論雲霧起遙遙  
送目洞天深處共開樽雨飛石閣全無暑月上華  
林淡有痕未畢淨生憐尚于終尋丹灶養真元

雲巖

謝恭 邑人知府

尋真特地步齊雲石竇中間一送分日灼爐峰騰  
紫氣雲開金闕擁玄君倒巖花樹簾泉冒伏洞龜  
蛇藥鼎燠奇勝紛紛吟不盡細看太史紀遊文

夜

歐陽鐸 泰和人和楊史

燒竹山行月上遲看山好是夢回時清風遠送笙  
簫曲斷壁倒懸松栢枝石鼓夾屏停象輦珠泉分

雲巖

十一

孤瀕龍池神功開闢誰人力歲歲回家自報祥

秋

程曉 邑人

笑挾天風騎玉蚪仙人邀我巖前遊細將妙理說  
空有不覺狂歌驚斗牛白石浮雲走蒼狗丹崖落  
日翻金毬一聲長嘯賦歸去涼露滿身都是秋

秋

胡容 雲溪人

草樹參差石磴盤洞門銓訝層雲端江南形勝鍾  
白嶽斗北精華燭紫壇六月雨飛翠崖冷千年劍  
倚青峰寒斜陽回首天梯路十里秋光桂欲丹

雲巖

朱孫炎 杭州舉人

參差石嶂插天危俯瞰層崖片片微鶴馭凌烟天  
欲暝龍宮倒影月初歸地橫絕壁懸金鼎雲微天  
花襲羽衣自是仙閣隔凡路夢魂清夜總忘機

雲巖

程璣 邑人知府

嵯峨萬壑與千巖誰寫江南大幅練天外孤峰撐  
石鼎洞前飛雨絡珠簾着殘棋局仙應遠題遍詩  
龕興未厭歸去塵埃空注目神功妙劈斧痕銛

雲巖

沈圻 平湖人

海內名山說武當齊雲山勝亦相方平臨野麓開  
園盡遠格點黎走辨香靈爽有神能赫奕塵埃無

雲巖

十一

處可棲藏請看石上萱墩記摹寫茲巖亦已詳

太素宮

尹耕 大同人

宮門雲擁麗金粧谷口花飛竇篆香萬里指揮龍  
一顧九霄來往鶴雙翔星巖丹髓真難覓石室玄  
文定有藏敢向餘生希入道願分五福錫時康

五老峰

顧可學 無錫人

覽勝探奇心目驚恍如身在紫霄行巖前五老朝  
南極海外三神接上清旂壽丰空翻日影笙簫絕  
嶽度天聲黃山縹緲浮丹氣萬道祥雲繞玉京

香爐峰

潘仲駿 烏程人

山作香爐雲作烟嵯峨玉觀隱千年半空飛落千  
珠雨匝地停分五出蓮隱隱笙歌穿石室翩翩鳬  
鴈下芝田不知乍出浮埃外疑是乘槎霄漢邊

雲巖

程敏庸

玄宮靈閣生雲霓朝曦萬壑丹翠迷萬壑空景鶴  
雙至跨飲流泉猿一啼芝草且尋姑射洞桃花不  
羨武陵溪瓊漿謾醉有餘興白日欲頽猶未西

飛泉

汪載

碧嶂丹崖隔世塵飛泉縹緲挂嶙峋雲封石戶疑  
無路步入天台別有春官海幾年醒短夢仙家端  
許寄閒身酒闌何處聞笙鶴風靜瑤壇月半輪

雲巖

方良牧

天開別境隔塵寰萬壑千巖鎖玉關玄帝旌旗丹  
闕裏太清樓閣彩雲間法蓮日護龜蛇肅仙洞時  
鳴鸛鶴閒幾度焚香見天女月中歸去佩珊珊

雲巖

吳元良

萬丈丹梯有路攀白雲天關入仙闕凌空漸覺隔  
塵世長嘯恍疑生羽翰獨立香爐當寶殿雙懸鐘  
鼓擁瑤壇蓬萊不在寰區外自是尋常一剎難

太素宮

唐順之

帝集離宮聖列仙崔嵬桂館接祈年金華畫灝平  
門露玉樹晴迷萬戶烟宮女窺粧臨綠水中官洗  
馬度晴川共言赤縣開玄圃無事瀛洲訪洞天

雲巖

陳時霖

步虛影入碧鏈漪逸興遙生博望時道路風塵慙  
骨相雲霞夢寐恆心期森嚴輦轡凌霄迥縹緲  
簫出洞遲安得鶴然逢白兔紛紛鸞鳳出鞭笞

夏

汪鏗

五月登山暑氣微清齋習靜自忘機幽松古檜參  
差見怪石危巖勢若飛一叩仙闕如夢覺翻嫌世  
事與心違不辭百折紆迴路携得烟霞滿袖歸

白嶽

張景賢

暖峨白嶽倚長空勢入層霄鳥道通路接天門雲  
宛轉崖懸晴瀑雨瀟瀟香爐縹緲承朝霧金殿參  
差動曉風東望太和應咫尺更從何處問崆峒

太素宮

陳銳

蓬萊遙望九霄懸玉簡金書擁列仙春暖松篁著  
潤芷山高雲霧離爐烟南極祥光連帝闕東隅曉  
日麗荒天撫臣百拜仰雲集仰祝吾皇萬萬年

重遊

李廷龍

暮魯米勝地遊又經黃葉滿林秋行看石磴  
重陰思入清虛事事幽野鳥無心傳幻語閒雲盡  
日卧山頭我欲登高舒望眼不知何處碧霞流

夜

朱堯山陰人御史

夜半山中鐘聲清舉頭星斗最分明雲歸古洞茫  
無影雨過前溪自有聲出匣瑤琴流水意離巢野  
鶴解人情為尋幽谷栽芝草還待犁鋤學耦耕

夜

吳維嶽孝聖人御史

天啓玄都衛百靈小樓支榻宿青冥千林風雨鳴  
巖壑半夜星辰匝欹亭雲裏金鐘衆聖樂香前玉  
笈度人經曾聽小謝談奇絕何日同來倚翠屏

雨

徐汝圭淳安人御史

雨過雲山翠欲流為尋仙跡此遲留天門掃石開  
棋局鈎嶺飛泉點玉簪谷響忽驚仙子珮山空時  
覺洞門秋興來笑把欄杆拍黃鶴一聲天際頭

雪

袁煒慈谿人少師大學士

玄宮萬仞倚天開千里尋真帶雪來風落寒聲鐘  
鼓動山凝紫氣虎龍迴金銀仙闕丹霄近赤綠靈  
文主帝裁獨立晴峰看碧宇含毫欲賦愧非才

白嶽

金程邑人

嶽蓮金碧擁朱差洞口珠簾雨濕垂磴道彩雲迎  
絳節燿峰香靄護彤墀中天晃耀龍章下北極飄  
飄鶴駕馳迴望丹丘應此地未須海外訪安期

太素宮

王廷幹寧國人知府

靈山秀出應天文到此尋幽勝昔聞洞入水蒸疑  
濕雪爐瞻香氣似蒸雲金泥鳥跡仙祠永玉札龍  
函帝澤勤萬歲百男延頌祝虛壇清夜禮玄君

天門

徐中行湖州人憲副

雲扶複道踏層空石劃天門一線通忽有樓臺飛  
碧海遂今日月破鴻濛懸崖瀑散諸天雨落木秋

望仙

羅洪先吉水人翰林修撰

遊踪無定獨倘佯處處尋山得習忘不記歲年慚  
伯玉且依木石偶唐桑巖頭月出閑窺易谷裡松  
深可繼糧只恐樵夫隱名姓豹林曾有異人藏

其二

不才無補人間世採藥初諳物外情白髮入山機  
自少黃冠作伴語偏清風迴正憶冥鴻遠木落因  
知委蛇輕却笑年來擣散甚丹砂何事未曾成

白嶽

徐子鳴蘭人



白嶽江東靈秀開中天積翠起仙臺入關已彌烟  
霞起倚欄頻招鸞鶴來惟石凌空撐殿閣飛泉瀉  
澗走風雷我來欲遇王喬侶一笑臨風未忍回

重遊

姜子羔 餘地人太僕寺卿

靈巖高與白雲齊飛磴懸梯此再躋人世滄桑隨  
變幻天門日月自東西塞幃碧嶂諸新賞駐履丹  
崖得舊題冲舉何須戀妻子揔之吾道是醺鷄

太素宮

汪道昆 歙人兵部侍郎

帝時高標落日懸仙關遥望白雲天衝風布帽堪  
睇髮向夕藍輦未息肩東海虹霓秦紫石中天鵲  
鵲漢祈年頻來不為金元草秋後貪看玉井蓮

太素宮

程廷策 邑人知府

漸入玄關乍雨餘中天積翠擁仙廬靈樞電遶山  
河淨福地雲開竹樹疎樂奏八風諧韶濩光分五  
色爛幢旗中和毓秀春齊在永保吾皇萬歲居

白嶽

余翔 浦田人知縣

東南真氣抱神臯謁帝重來感二毛塵世漫隨滄  
海變名山不改白雲高泉鳴石壁飛寒雨風入松  
林急暮濤聞道襄城迷七聖勞生那得解天綯

其二

北斗天高不可從靈巖壁立翠重重松間此日素  
雙鶴雲裏何年駐六龍短褐朝元隨羽節空囊采  
秀躋仙蹤日斜咲倚虛教杖谷口西風落暝鐘

其三

尋真何必到崑崙崑崙禮罷玄壇日欲昏萬壑雲霞封  
帝時十洲鸞鶴下天門鸞飛敢謂丹砂就書著還  
瞻紫氣屯相對高樓清不寐長生有訣細堪論

其四

樓閣岩窈切太虛客來登眺倚蟾蜍露分玉女青  
精餘駕薦薦仙人白鹿車鸞鶴參差雲外舉芙蓉隱  
映月中疎夜闌聽徹鈞天樂剪燭焚香讀遺書

白嶽

龍德化 武陵人知府

閣落鈞天起暮鴉山靈驚訝使君車千峰盡布瓊  
為靈萬樹還翻玉作花白嶽崔嵬開壽域紅塵浩  
渺隔仙家狂吟紀勝忽長嘯絕壁風生月色斜

碧霄峰

尹臺 江西人尚書

萬丈丹梯接碧霄上清樓閣最岩荒漫迴令尹青  
牛駕來赴仙人白鶴招與結烟蘿成綺構思傳雲  
鳥度簫韶平生奇覽無茲境肯厭千峰柱杖遙

飛雨

李時英 錢塘人知中

飛雨樓前曉晚鐘霞光月色水淙淙千年瑤草碧  
前拾億劫金丹洞裏銘遶磴恍疑青嶂合板蘿直  
破白雲封何年取坎填離大板袂還樓第一峰

雲巖

劉庚對郭人副使

翠擁峰頭自絕奇塵寰那識避秦時偶來羽客拾  
瑤草何處騷人琢錦詞山作香爐雲作篆金為宮  
闕玉為楣此身已住蓬萊頂惟得巖頭紫氣垂

天門

董份烏程人尚書學士

雲霞扶我上高臺一到天門迥異哉崖下峰巒開  
萬壑洞中日月劃雙迴珠泉晴灑蕭蕭雨石洞雲

生隱隱雷絕境幾人能道得却慚孫綽賦天台

雲巖

歐陽佑分宜人教諭

閒來尋樂得悠佯勝境雲巖念未忘千仞攢巒懸  
日月萬年經世易滄桑羞將白髮臨溪谷欲採黃  
精學辟穀時見片雲飛作雨洞中尤有五靈藏

天門

倪邦彥上海人通判

巖頂天門似劈開環看竦傑應三台簾垂飛瀑珠  
珠瀉爐送薰風紫絳來絕壁松樛雲影散晴林鶴  
舞月光回玉屏春麗明仙掌蓬閣金花點碧臺

雲巖

卓明卿仁和人光祿署正

冊房宮窈白雲隈萬壑秋清夜轉哀北臺昔年  
現在禮巖今日為靈來人窺上界星辰近地湧諸  
峰日月開始覺塵機才一息攬衣還起望三台

雲巖

謝廷傑新建人教諭

昔年禱嗣雲巖裏曾與真人結世盟天上麒麟來  
白嶽堦前蘭桂惠蒼生西山洞接丹臺迥南極星  
迎寶炬明珍重靈文無以報香屏遙寄一毛輕

飛雨樓

申時行

仙人結屋紫霄間雙瀑高懸響碧山洞口垂簾還  
細細樓臺飛雨欲潺潺淋漓何異瓊瑤液煮藥時

看潤玉顏幾度尋源向蓬島遺波猶自落玄關

閣

趙志皋

塵世浮沉大夢中偶來問道入崆峒寒巖夜靜人  
食露曉暉秋高鶴馭風窟宅若為開混沌領未  
許破鴻濛碧霄清月憑虛閣七一峰頭抱太空

天門

蔣坎

朝真直上紫霄峰石戶天開一徑通與雲齊塵  
世外心從斗轉法華中簾泉灑灑常水雨巖洞沉  
沉半倚空自愧俗緣猶未了蓬茅閣苑幸先逢

太素宮

鍾廣陽

洞門深鎖翠微宮松下丹梯曲逕通玉几遙連雲  
色紫瑤臺高映月明空鐘聲入繞千崖瀑爐氣晴  
吟萬壑風歌問玄宗何處是霏霏烟樹隱房櫺

雲巖

李得陽

攀躋曲磴訪真仙窈窕壺中別有天清溜散成巖  
樹雨彩雲浮作石爐烟千峰疊翠開金像一水澄  
鮮護玉田簪散漸余猶未脫步虛遥望意茫然

白嶽

金塘道人

登臨欽眺天門上白嶽青春萬壑前風磴俯觀陰  
洞雨煙峰遠接曉山烟孤雲江海風塵迥北極思

波草木遑今日此身高霧裏人間醉亭實堪憐

雲巖

黃道

折阪千盤到上頭憑高下見白雲浮珠泉不斷晴  
疑雨玉洞長陰夏亦秋削壁一門通碧漢奇峰五  
老列丹丘冷然便有乘風意仙迹微茫未易求

重遊

蔣勸能

不到靈巖已十年于今登覽景依然爐燃峰杪香  
仍遠簾捲雨花珠尚減五老峻嶒迴日月三姑掩  
映染雲烟呼童試訪羽衣者別後何人幾煉鉛

太素宮

扶搖送我入層霄足躡天門欄斗杓目闕珠宮輝  
碧落蒼松翠竹漾青飈鳥嘯金像靈千劫龍吐綸  
音荷累朝繞殿壓觀諸勝跡朗吟掀笑樂陶陶

雲巖

朱南雍

萬仞崑崙萬狀奇天工琢自混茫時盤旋碧漢玄  
穹路周匝紅雲大帝居縱有王維難入畫媿非崔  
灝敢題詩只金暫脫風塵外且向山人學采芝

文昌閣雪

徐用檢

一樓岑起萬峰中積素飛花望盡空絳節影歸瓊  
樹色洞簫聲入大王風情均仲舉高懸榻興繁山

陰夜駕蓬此日同雲迹徑路徒知吾道在崆峒

天門

李維禎

雲峰四合吐青蓮片隙中窺小有天地以象耕山  
作闕洞曾龍卧石為田清風自覺羲皇上玄竅誰  
開混沌先礪底桃花春色暮却疑人是避秦年

天門和李本寧太史

邵正魁

帝庭縹緲五雲連閭闔分明衆魏懸百道晴飛丹  
嶂雨九重春鏤石楠烟霞邊路隔元非世洞裏花  
開別有天長嘯便堪稱大隱未應金馬負當年

重遊

沈懋學

幾度翩然取鶴來雲收東海見浮杯天風吹露濕  
裾濕星斗排空月殿開五老靈標低紫岫千年真  
氣護丹臺可知仙子遺塵累今古詞人半草萊

玉屏

拂袖孤雲度石屏月明飛錫下仙靈江涵練影浮  
烟白山插蓮花逼漢青北望玉京開碣石東來真  
炁接稽亭冷然恍欲乘風去未許人間識歲星

太素宮

李維極京山人學錄

西陸初分北鴈過至尊親駕禮纖阿寶鼎典秩周  
官盛少采刑糾太史多久已重輪歸帝德還看三  
珎協天和裸將圭璧通神貺蕭管遙聞奏影嫁

白嶽會

鄭應奎邑人

萬峰晴照帶平沙路入班龍太上家巖下有人歌  
蕙草谷中無處寄瑤華珠簾壁灑千秋雨石戶插  
開浩劫花垂老生涯逢化日洞天甲子自來賒

白嶽懷曾明府兼示羽士

黃道年今邑人知縣

偶從名嶽探奇勝中有仙人醉碧桃道德年深龍  
虎伏陰符到處鬼神號已蒙賢令俾司篆却笑揚  
朱可拔毛頭賦遂初猶未得羽流今日羨君高

雲巖

屠隆鄞人主事

結屋依巖古殿空何年巨石擎鴻濛樹穿一線河  
流白日吐千條海氣紅直是手捫飛鳥外始知身  
在亂雲中洞門蕪火堪深入疑與三茅九子通

太素宮

太素宮高入宵冥繡旗畫戟護群靈壚峰政對黃  
奎瓦寶座天成戴玉屏蠟炬未殘仙樂細經臺初  
冷霽雲停下方銀海波濤積湧出芙蓉幾朵青

香爐峰

壚香寒遠樹氤氲林外疎鐘隔水聞鑿石亭空宜  
放鶴就牀衣冷識歸雲日華倒射金書額霞氣高  
騫寶冊文便欲棄家携一笠采芝長奉玉虛君

桃花澗

下馬扶藤策短筇斷橋西去躡靄蹤紅泉細落桃  
花澗青靄斜抱石笋峰太乙壇空猶有樹寥陽路  
遠只聞鐘但教一洗凡心盡騎鹿仙人亦易逢

白嶽同潘去華祝無功陳光庭詹君衡程于

旦曹忠可丁以舒遊

王之弼龍勝人

傾蓋名山夙有因掀髯揮麈為君頻池疑石髓浮  
秋露壇入香風拂座塵隔世烟霞迷鹿豕爛柯日  
月老樵人尋真歲歲期携手流水飛花莫問津

閱無量壽宮成

龍膺

平判新開近帝廷，  
梵宮閣度雲耕乍。今淨土黃  
金界更接玄都白玉屏，  
怪石縈盤遶五老群巒羅  
列拜千僧化城不夜先傳法，  
照通空斗與雲燈。

白嶽

丁應泰

江夏人邑令

懸崖烟霧挂蒼松，  
徑轉丹梯第幾重。絕巘春回飛  
瀑布，亂峰天近插芙蓉。  
金銀長現雲中閣，風雨時  
聞谷口鐘。勝地東南稱白嶽，  
光輝玉簡漢皇風。

天門

振衣飛舄每從容，  
策杖天門第幾重。雨過連峰標

翠鷺雲穿飛瀑掛，  
蒼龍巖前霧擁諸靈駕。林外風

傳萬壑鐘，欲問丹砂仙客遠，  
坐臨高路倘相逢。

偕邵都諫明仲登香爐峰  
范涑

帝居仙嶽厥璇宮，  
孤嶼當筵落碧空。爐自乾坤開

日鑿香留雲霧古，  
時同躋攀律罕人難到。曉望冥

茫意轉雄，不有鳳池資羽翼，  
憑虛却得御高風。

白嶽酬唐孝廉君衡清風行之贈

靈嶽相逢意便深，  
劇談終日轉沉吟。陽春忽唱清

風調下里翻慚白雪音，  
龍蟄重淵非寂寞。羊亡岐

路費追尋，惟君最愛春禪語，  
欲偕禪閣托寸心。

雲巖

丁若瀛

雲巖中聳接三台，  
振翻凌風亦快哉。石蹬盤紆侵  
漢表，簾泉淅瀝傍雲迴。  
金幢寶籙輝蒼壁，玉乳瓊  
芝映綠苔。歷覽莫窮玄窟勝，  
恍疑身世即蓬萊。

雲巖逢謝生

常道立

巖巖峭壁石門開，  
乘興閒隨一鶴來。萬谷陰風滿  
木葉，半簾晴雨長莓苔。  
涼生洞口移仍戀，迢遠山  
腰去若迴。仙侶雲深無處覓，  
相逢幸有惠連才。

雲巖雨中懷了元甫

石床不寐曉晨鐘，  
欲度玄關幾萬重。金鼎含烟香

護郁玉室積翠氣，  
春容乘風遍踏諸天界。携酒同

迎五老峰飛閣捲簾時，  
極目喜瞻雲雨到花村。

雲巖

郝德溥

雙飛飛飛踏紫烟，  
倘伴仙窟轉堪憐。步迴雲磴星

杓落醉倚天門日，  
月懸翠壁擎空春。澹澹清谿帶

薄野芊芊丹臺元篇今猶秘，  
且托名山草太玄。

紫霄崖

金銳

從未聞苑不虛標，  
應有祥光降紫霄。列壑團雲長

靄靄諸峰吐霧自朝朝，  
雨簾寒灑珠璣亂天關。晴

開金碧逾笑外，  
此間忘歲月樂欄幾度長新出。

天門

樊文選

嶺頭石壁最崔嵬，百尺門從一片開。  
壁畫巖龕分造化，手高深直指上方。  
臺清霄有路，天堪問玄鑰無窮。  
竅可猜莫道層雲關鎖，客夜深應有鶴車來。

天門

莫雲卿

夢想靈源一度尋，紫霞成障石成林。  
倒看日月天門小，下聽風雷洞壑深。  
投杖山先生起伏，傍衣雲氣失晴陰。  
悟來海嶽襟期濶，到此彌長出世心。

楠

戚懋循

壁立天都削不成，一珠千古鬱崢嶸。  
氣連宮闕烟雲上，色借巖巒紫翠屏。  
空裡似浮仙鶴影，月中時落夜猿聲。  
底須伐作山陽鼓，自有奇音滿太清。

太素宮

陳所蘊

祥雲縹緲護簾櫳，上帝端居白嶽宮。  
玄極九重開闔闔，赤霞一片判鴻濛。  
杖頭猶影迎初日，殿裡鐘聲送曉風。  
下走肅衣瞻禮畢，靈光欲賦詭難工。

太素宮

戴燦

千峰窈窕與雲平，人向蓬萊頂上行。  
丹府有田皆種玉，紫霄無處不吹笙。  
蒼巖懸樹杪，星河濕劍倚天門。  
日月橫驅石，何年東海去曾如此處學逃名。

太素宮

戴燦

白嶽

沈茂榮

驅車芳甸徧行春，振策靈巖暫采真。  
樹杪樓臺涵紫氣，雲邊洞壑絕紅塵。  
鸞笙度曲迴仙駕，龍節頻香煥玉輪。  
從倚天門瞻北極，願將嵩祝獻楓宸。

天門

蒲宗敬

秋色天門眼界寬，步虛聲遠碧欄干。  
石楠帶雨晴常濕，簾瀑生風夏亦寒。  
身近雲霄玄鶴迥，手捫日月紫虬蟠。  
浮萍宦海勞趨走，願借真人九轉丹。

雲巖

朱應奎

奔雲山迥與雲齊，霧破前茅路不迷。  
坐嘯天門揮日月，行穿雨幙捲虹霓。  
霓霓朱陵黎上雄，鈞禮玄時曉臺寵。  
御題一自登封南國盛，不知帝子自窮西。

白嶽

李元

震旦岩荒峙介丘，凌虛飛步儼仙遊。  
已超闔闔三千界，還上瑤瑤十二樓。  
米青芝春不斷，絳紫氣晝常浮。  
天高露下爐峰頂，遙接峨嵋萬里秋。

其二

魯點

白嶽玄宮拱帝星，封疆柴望各休寧。  
天垂雙闕排鐘鼓，地湧孤爐簇輦屏。  
勺水分龍千里澤，片香下鶴萬人靈。  
光函御碣籠雲氣，呵護關門紫翠凝。

白嶽

魯點

白嶽玄宮拱帝星，封疆柴望各休寧。  
天垂雙闕排鐘鼓，地湧孤爐簇輦屏。  
勺水分龍千里澤，片香下鶴萬人靈。  
光函御碣籠雲氣，呵護關門紫翠凝。

文昌閣

顧懋宏 如州人

盡日登臨興轉多更携月席上層坡閣中環色迷  
蒼岫檻外流光照綠蘿幢蓋影隨香案吏笙蕭聲  
雜步虛歌昭回五彩成文象仰視明星渡絳河

太素宮

吳華 丹徒人休庵訓導

盤桓曲磴躡雲根 北帝高居絳闕尊萬姓乞靈  
通海甸五丁開道峙天門瑤壇寶劒風雷護玉冊  
龍章日月秋羽士晨朝仙樂迥步虛聲秉悟真言

太素宮

唐軫光 發源人知府

北極虛危擁翠華南天宮闕鬱吟岧嶺烟忽散千  
峰霧燈影常探五夜霞絳節雲移闔闔動丹臺日  
轉斗星斜從知禮羅笙簫歌不盡巖前墜瑞花

太素宮

三宗本 邑人知府

白雲靈嶽鬱巖從磴道攀緣百折通虎洞吹風迴  
大壑龍湫激雨散遙空玉笙忽度仙人駕羽節終  
朝上帝宮聖代即今昭祀典尊分五峙擬升中

太素宮

張壽朋 南邑人主事

聖帝親題寶籙文何須七十二朝君丹梯直上迷  
青霄紺殿憑虛護白雲開盡客懷千里到引來仙  
吹半天聞向平婚嫁應能舉此地松喬自結群

香爐峰

汪文璧 邑人知州

芙蓉攢翠勢崢嶸中有爐峰拱玉京想是飛來標  
特異遂令斷絕攀孤擎江天氣結龍文幻海日光  
採鳳篆明攬勝緣蘿登上界衣沾香霧覺身輕

天門偕金子魚同遊

懸崖截業倚雲浮一竅中空貫斗牛鑿自五丁通  
蒼極開從三島接玄洲石榭巒巒垂天拱玉笋亭  
亭掩霧收旋覺珠簾暗灑雪漫同仙侶浪遨遊

雲巖

梅守德 宣城人

崑崙迴磴入雲峰天與玄關啓秘封日月平臨仙  
掌現星河遙接御階從晴室飛雨三千尺翠壁浮  
烟十二重不是玄君開妙境人間那得借扶筇

都下意返齊雲

邵庶 邑人知事太常卿

仙源靈嶽幾躋攀塵網相驅入漢關邱第陸沉空  
歲月故園遊夢遠蒼山三姑製就蘿衣贈五老遙  
憐華髮斑斕向無生翻貝葉素心長與白雲閒

九日同范憲副原易汪大學潛夫登香爐峰

秋來爽氣振衣輕把菊凌風倚太清峭壁孤峰擎  
玉案重屏列嶂簇金莖烹雲石鼎和丹竈吹月瑤  
臺奏鳳笙同調雅歌誇勝會幾回極目愧蒼生

雲巖

王克封

策馬西來乍釋肩  
捫蘿直上白雲巔  
四圍嶂簇千  
花嫩萬丈梯懸一線天  
咫尺桃源塵世迥  
氤氲羽  
蓋翠微連誰能脫履來棲此  
縱不飛身也是仙

白嶽

張應揚

白雲深處絕纖埃  
踏破春烟幾度來  
天向壺中排  
洞壑人從樹杪見  
樓臺泉飛瀑布懸  
空瀉峰擁芙蓉帶露開  
只此冷然風可御  
何須海上訪蓬萊

其二

策杖重尋白嶽遊  
白雲依舊滿山頭  
門開石壁天

蘇雲山志卷之五

詩

為鑿梯挂藤蘿夜未收  
巖雨時看晴盡落  
煙烟長  
傍曉嵐浮月明何處望  
蕭度人在瑤臺十二樓

其三

名山高與白雲齊  
萬壑紆迴路欲迷  
水瀉崖前簾  
是雨步凌岡頂石為梯  
手捫星斗層霄近  
袖滿烟霞下界低  
更上文昌看五老  
還疑太乙杖音黎

雲巖興復碑記志感

金繼震

高躡如登泰華巔  
殘碑磨洗認先賢  
人經絕代十  
九世名迷空山四百年  
俯亂蒼雲疑去地  
平視碧落別無天  
巖前不改谿山色  
萬樹花開籠暮烟

太素宮

孫鑒

宮極宮高五鳳儀  
玉虛金闕六龍飛  
幡幢日耀朱  
霓閃棟宇雲生翠  
栢圍寶座爐烟清  
細細瑤階草色淨  
菲菲詞臣未拜題  
封禪却戴南冠謁  
戴微

寄贈丁以舒白嶽讀書

焦林

壺寄真君山上廬  
寒雲喬木伴幽居  
黃衣未出青  
藜大白嶽先窺  
玄案盡到處天門吹玉笛  
笛有時月  
磴駐金車散花歸  
夜門徒聚應觀新篇一起予

白嶽

汪先岸

危磴千尋鳥道懸  
嗟我雙闕啟雲邊  
松杉紛滴金  
蕊露鸞鶴高盤玉殿烟  
迴望樓臺開洞府  
時聞嗽管奏鈞天  
瑤函自有長生訣  
底事蓬萊訪列仙

蘇雲山志卷之五

詩

太素宮

振步星壇引羽衣  
玄冥赫奕助皇威  
五千道籙藏  
丹洞十二神樓俯  
翠微飛瀑清和天籟響  
重巒迴映日輪輝  
軒轅遺鼎憑誰問  
拾得靈花滿袖歸

太素宮

周天球

山樓霜霽復蒼蒼  
萬壑千巖入混茫  
忽訝二儀還  
太素何來一炁拚  
靈光玄都豈是迷  
雲隔真宰應將聖境藏  
咫尺齊塵歸不得  
即拚身老白雲鄉



桃花淵

真字子

桃花谷裡好藏春不道仙鄉是避秦煉藥經旬鸞  
鶴守尋真竟日水雲親興來把酒情舒咲客到談  
玄便結隣雙鬢老來無點雪風光應得谷中神

雲巖

朱國禎

烏程人游林  
無居士

靈巖金闕壽蒼蒼萬壑松聲鶴露涼橫劍餐霞尋  
羽客聯鑣采藥共仙郎石梁花滿行吹好玉洞春  
深生夢長遠道悄然悲去住那知身在白雲鄉

天池同魯子與明府丁以舒潘景升二太學

遊

錢中選

夜與人飲今即  
中選

蘇東坡

蘇東坡

蘇東坡

蘇東坡

豈是般遊上翠峰天池却喜故人逢客星霞表懸  
冰鑑即宿花間映岱宗石竇泉飛晴日雨天門曲  
度夜唵龍東南俯檻空機杆欲挽洪波瀾比封

其二

嶧响千仞翠峰限一鑑澄波天半開高下烟霞浮  
几席縱橫雲樹落深杯懸流噴石飛晴雨危閣排  
空接上台欲解塵纓聊試濯相携多是濟川才

太素宮

謝肇淛

謝肇淛

上帝高居聳翠華蒼崖畫壁動龍蛇九天金闕千  
峰月百道霓旌萬壑霞地湧香爐供法像池開綠

白讀冊抄夜來驚鸛歸何處落盡珠宮幾樹花

石門寺同潘廣生丁以舒謝子楚吳元翰登

石橋巖

鞭石為橋勢可憑遙天烟樹鬱層層懸崖路出孤  
峰寺斷碣文埋半壁藤寒盡已無龍注水夜深長  
有鬼依燈下山雨裏空白首幾片閒雲伴野僧

白嶽會

啓景鳳

邑人吏部

雲端連嶽削空青卜日招邀坐翠屏折節共權達  
地主飛書先為報山靈霞蒸酒氣流丹洞風迫歌  
聲入氣冥高誼一時成勝集更教太史夜占星

天池雨

鮑應鰲

歙人尚書訂卿

青青夏木長琅玕急雨排空倒挾湍峽吐重雲迷  
綺席泉飛激瀑落高巖幽奇何必晴先好款洽還  
逢勝賞難六月扶搖知己近天池為爾起蒼瀾

太素宮

黃正賓

邑人太僕寺卿

磴道遙遙駐六龍光搖金闕白雲封巖前月落橫  
群玉杖底烟空曉萬峰峭壁飛泉搖雜佩離宮清  
夜散疎鐘步虛聲徹天雞雉為祝靈星澤九農

其二

珠梯踏盡意茫然忽觀光生萬丈蓮孤柱天齊通

一氣萬靈雲擁贊重玄仙補霜老無凋葉丹陽寶  
有數煙喜駕長風借羽二禮壇高傍斗牛邊

天池同鮑司農山甫曾明府考懷遊值雨

汪元功歙人知府

雲構孤亭半壁危一簾飛瀑挂天池漱寒玉玉  
盈碧瀉出蛟珠累累垂急雨欲催風在慢層嵐乍  
結濕如絲擗前恍惚疑鯤化倒映驚端盡陸離

文昌閣望五老峰

江南仙境絕繁華春色初臨羽士家殘夢未醒晨  
下酒餘糧堪借席邊霞青松秀出仙人髮絳雪飄

齊雲寺在太平山

齊雲

齊雲

成玉女花最喜茶鑄消肺病藥欄徙倚試新芽

雲巖送魯子與明府轉民部舊廣州司理

余士奇東莞人知府

徙倚孤高對夕陽重逢猶憶五神羊青山忽映紅  
霞色綠蟻旋開寶樹香白練晴飛泉作雨玄關天  
造石為梁也知不屬分符客此日追陪盡省郎

雲巖和余明府錢魯民部北上

潘之恒歙人

郢歌曾和五羊城並藉仙班列玉京雲樹幸連桃  
李蔭縣花應傍柳梅生天工絢練支機巧玄圃鶴

驚濤羽成不足淹留達石室靈廟何以見深情

石橋巖和汪大呂

汪文璧邑人知縣

萬壑深巖石作橋彩虹飛渡薄晴霄樓臺隱約雲  
中見鐘鼓依微天外飄泉涌龍珠瑤屑潑潑騰鳳  
管竹聲遙岐山此日拚盡醉休詫王生漫見邀

熱霄崖

陳揚產 鉅仁人知縣

一笑浮名歸去未戴霄峰頂獨酌杯夜看星斗掌  
中落曉見芙蓉天外開盡日被雲尋妙跡有時馭  
鶴到丹臺何當結社棲霞屋重為山靈開草萊

白嶽

梅鼎祚 宣城人

靈秀東南白嶽偏天門日月迴雙懸插空樓閣疑  
浮屋迴午峰氣盡吐蓮寒起瀑聲珠迸雨暖蒸爐  
氣罩流烟蒼然五老遙相揖忽訝行壺入斗邊

白嶽

閔宗舜 邑人知縣

振步雲梯幾百盤芙蓉面面繡琅玕層崖霧合晴  
猶雨古洞松深夏自寒靜聽鼓鐘飛上界恍隨難  
天下仙壇年來簪紱相拋久何處堪尋九轉丹

白嶽

劉克治 廣州人

名區一入絕巖氣芝盡行逢白嶽君熱殿沈沈開  
福地丹臺窈窕出彤雲山中瑤草無人拾月下琅

敬許容閣閣尹祇應占氣象遙留堪著五千文

明聖歡喜晴

吳繼茂邑人通判

共携佳興試春遊遠廓山光宿雨收不盡飛泉寒  
欲墮何來疊嶂翠如流雲霞縹緲三千界金碧參  
差十二樓便爾乘風思羽翼冷然長嘯入丹丘  
閱無量壽宮成

福地莊嚴法界開化城元自接蓬萊碧幢絳節空  
中下戴鳳青鸞谷口來峰擁蓮花依寶座香浮柏  
子散瑤臺請看像教歸東土試向山頭爛柳梅  
白嶽同鮑民部山甫汪明府長康遊

蘇東坡詩集卷之五

年譜

未

晉橋西陵人知縣

層巒千尺白雲連古樹青青不記年路入天門開  
玉闕簾翻滄海捲珠泉丹崖石竹流蔥翠巖嶺松  
濤雜管絃此夕良朋懽賞處知勞太史德星傳

雲巖

王以哲邑人

齊雲峯嶺接雲遙隱隱重關登道岐秀攬六州成  
絕勝名肩五嶽逞天奇峰頭藥草堪技煉石上丹  
霞可療饑此去仙凡元咫尺好騎白鹿一追隨

玉屏峰

獨上玉屏恆素登夫客簇擁最高層石橋西時秋

空碧珠瀑東搖旭日升靜聽斗邊龍劍響坐觀洞  
口洪雲凝浩然長嘯鳴天籟不異縹山頂上乘

白嶽同湯惟學丁以舒遊

崔師訓

白嶽江南第一山風雲長為護玄關仙家洞壑丹  
青裏羽客樓臺紫翠間結伴登臨心共遠乾坤嘯  
傲迹應聞此中誰煉長生藥欲乞刀圭一駐顏

白嶽值雨

金茂邑人

結伴朝元入谷深高居輦輅聳千尋烟光掩映含  
丹壑雨色冥濛護翠岑瀑水遙隨仙樂發濕雲低  
接御香沉乞靈天上人何限誰解玄君度世心

蘇東坡詩集卷之五

年譜

未

紫霄崖

高維嶽宣城人舉人

縹緲晴崖紫氣重披衣長嘯振群龍自疑九元靈  
為篆不羨三山幻結蹤瑤草採將玄圃潤步虛歌  
徹彩雲封壘中共指黃山秀獨摘天都第一峰

白嶽

張應掄邑人太醫院吏目

桐蘿斷處復穿雲五老招邀日欲曛松樾晴雷龍  
起蟄洞飛霹靂鶴呼群聲傳瀑布虛靈籟翠削尖  
峯拂斗文一嘯巖空低萬壑山光野色共氤氲

香爐峰

陳鑒江夏人知縣

屹立香爐挂紫烟中林有客坐譚玄高標參鐵骨

飛起層閣重開羽士建秋畫西風迴雁字夜深北  
斗動龍泉何緣一借松蘿榻携手銀河百尺懸

文昌閣

邵一儒

璇題數仞架崑墟天祿崔嵬抱不如日射簾櫳明  
翡翠雲流窓牖燦瓊琚俯臨丹壑疑身幻獨立青  
霄憶步虛欲借曠閒堆著作夜深何物燭琴書

太素宮

朱完

萬仞青谿絕世氣鸞驂鶴馭擁玄君參差宮闕中  
天起縹緲笙簫下界聞巖瀑晴飛疑作雨香爐高  
倚半連雲捫蘿陟磴尋錢記石壁猶存鳥篆文

雲巖

丁惟暄

合沓千峰鎖碧霞武陵流水石橋餘雨聲不斷巖  
頭瀑春色常迷洞口花天上龍翔開帝闕雲中  
笑吹隱仙家蓬萊誰覓長生藥極目空憐泛海槎

雲巖

李祝

片片芙蓉削不成結廬雲際自孤清巖邊疑有軒  
轅鼎樓上遙聞子晉笙漱石飛泉侵玉案鑿山借  
日作金楹閉門不散真人氣半榻霞光度赤城

雲巖

潘緯

清曉桐蘿入翠微天風吹露濕輕衣千山屹立晴

雲擁一壑泉流霖雨飛路達天門聞王磬身隨羽  
客扣彤闈悠然仙籟俱空窅窅洗塵心萬劫非

雲巖

張成斐

靈山西峙逼雲端攬勝疑從畫裏看縹緲振衣凌  
萬仞遙遙曳杖歷千盤日華遙溢金銀麗雨氣高  
浮紫翠寒笙鶴行當達子晉天風并為送飛翰

雲巖

錢行道

不記烟霄第幾關微茫入境一溪環龍驂玉輦迴  
仙蹕鳥聚金泥翼聖顏天樂空中來絳節御爐烟  
裏見黃山夢游十載今初覺信宿峰頭未忍還

雲巖

孫旭

丹崖翠壁巒岩荒杖屨幽探石磴遙雨歇仙臺千  
洞落風迴帝時五雲飄名山不斷烟霞色塵世空  
令歲月銷望向峰頭發長嘯天門鸞鶴未能招

白巖

汪時元

天門高揭十洲通削出諸峰面面雄星斗縱橫低  
樹杪樓臺隱見在雲中雙看飛瀑千秋色一肅寒  
濤萬壑風蹤跡已浮塵世外席第猶得卧空峒

白巖

張邦

洞府名區次第攀翩翩鶴馭入雲間霄峰紫以真

八氣桃澗紅於道士顏白日展旗開帝闕青天柱  
笏儼仙班烟光香靄空中散知是爐峰夜不關

白嶽

程升之邑人

老樹簇簇擁青蓮嶽色嶙峋倚杖前紫雲升中導  
元帝採真方外問群仙白雲出浚陳封事紫氣氤  
氲護牝玄蕭鼓咎然流壑靜只疑張樂奏鈞天

白嶽

汪聖修邑人

雲表天門石劃開金樓複道入蓬萊爐峰斗削擎  
層漢瀑布遙飛蛟薄雷上列三姑扶翠輦西瞻五  
老護丹臺翹瞻鳳閣龍顏近仙仗久行獻壽杯

石橋嶽

白雲飛出數聲鐘上界樓臺紫翠重萬壑嵐光浮  
薜荔三天秋色盡芙蓉振衣已隔人間世曳杖還  
探物外蹤我欲還尋赤松子到來疑向石橋逢

香爐峰

李思諫邑人

仙磴逶迤轉曲隈孤峰迥聳望崔嵬彩雲影傍金  
爐合旭日光含寶鉉未遙聽鸞簫過碧嶺忽看鶴  
蓋下丹臺振衣絕頂朝展極縹緲香烟半欲闌

香爐峰

吳士良興國人

香爐峰勢倚雲孤影含點江幻有無石詫青羊標

玉柱烟分絳鶴起蓬壺星履獨峙空明界燃木長  
懸不夜珠欲向此中拾瑤草微茫誰為指蓬蓬

五老峰

五老峰生五色烟翠華縹緲半浮天雲陰野鶴飛  
還墮日落空村斷復連莫訝未芝餘紫氣還看燃  
鼎沸紅泉雁門廬嶽分相峙矯首西南望獨偏

棲真巖

金鵠邑人

懸崖壁立與雲齊古洞弘開靜者棲伏火尚傳三  
轉石凌虛別有百尋梯閒來跌足調金虎坐久降  
心觀木雞不必安期瀛海上長生有術宜教迷

觀音巖

汪元英邑人

靈山初日歛虛嵐山嶂中開大士金龍僧入焚香觀  
自在客來鳴磬作和南巖禽獨峙雲長擁洞極高  
垂露半含水月禪心知不染且憶蓮座一回參

鸚鵡石

大士靈龜靜可依仙禽異迹見應稀寄舍日影四  
金眼苔染春痕換綠衣何事巖前長獨立多年臨  
上下同歸想曾解得西來意肯學人間語是非

老君洞

石門深映石樵花蒼翠陰陰日易斜古洞人裝仙

子宅空山客到老，家玄風柱下來。何遠熱氣關前度，已時萬仞靈巖堪。騁聖別從西極見，流沙一

輦轅峰

高峰鬱律鎖烟霞，翹首遙疑太上家。閣道側迴雙鳳駕，天門分駐六龍車。山迎御仗陳玄武，樹引靈旗護翠華。應是軒皇臨海嶠，重停清蹕問丹砂。

紫雲閣

關門高鑿路逶迤，剡剡飛雲入聖壘。紫氣東來占已遠，青牛西度駕應遲。天臨函谷春山合，地隱流沙夕照移。惆悵不逢關尹子，五千欲授竟誰知。

玉女峰

華頂仙妹絕代生，盈盈獨立宛含情。濃裝翡翠妝偏靚，秀映芙蓉格更清。紫霧擁來秦弄玉，青霄送下許飛瓊。洗頭盆注銀河水，夜夜西峰鹽月明。

獨聳峰

壁立峩峩高接天，迥然特出萬峰巔。懸崖竟日涵真氣，絕頂惟時藹瑞烟。境入無無空眼界，身登淨淨斷心緣。舉頭一望雲霄近，何用乘槎到斗躔。

白嶽

天開靈島翼神州，紫氣蒸雲不住流。人代共知崇

白嶽塵寰此即是，丹丘空華玉作裝。紫雲勝幻色難將，日月浮草禪才非。司馬華金情落海，霜天秋

白嶽

天門楠樹儼龍蟠，弄影珠簾畫亦寒。深洞石牀長溜乳，高臺金竈幾成丹。峰頭薜荔堪為服，巖際雲霞好當餐。自愧不如衣納子，山中天地坐來寬。

白嶽

謁帝西來暇出東，華光初徹蕊珠宮。巖前欲問黃冠子，洞裏還逢白兔公。環珮鏘鏘迷曙樹，芙蓉片片點秋空。乘時一謝人間去，長嘯天關駕玉虹。

桐梅菴

層樓面面拱飛甍，萬壑如鱗縱復橫。壘上香塵風自掃，爐中法火夜長明。危梁直似穿雲起，峭壁渾疑削玉成。時有峰頭仙樂奏，冷然身世在蓬瀛。

香爐峰

峰頭草露曉生烟，縹緲當空對法筵。獨聳翠華搖萬壑，常浮紫氣降群仙。靈蹤自有雲霞護，真火還憑日月懸。我欲雙筇凌絕頂，御風疑近五雲天。

桃花澗

桃花遶澗浥香塵，誰可招尋物外春。止水不流千

片士空山能駐萬株新敢言道士還留跡恐悞  
人耳問津樹底誅茅堪避世清時元不為羸秦

郭巖

潘之恒

萬尋白杜舊詞壇徑入青冥轉鬱盤廣樂疑從天  
上度翠屏如對鏡中看歸雲飛擁千壑動陰雪晴  
吹萬壑寒便好乘風雙翮健不勞神鼎問還丹

同吳太常金儀部譚孝廉探五老峰

魯史餘地人

絕地奇峰浸碧空峰峰削出如芙蓉山腰薄霧不  
成雨谷口長松時生風調逼西京噴星斗才豪南

五老峰

劉權

國輓龍與君俱抱百年意願得青山白首同

五老峰

劉權

五老何年度石關雲深猶自列仙班圖拔太極神  
應古身寄名山跡自閒直以烟霞供服食並將冰

雪駐容顏望中簪笏還相向疑是虞廷講道還

太素宮

任夢椿

雲峰千仞俯天都絕頂離宮象白榆皓月中宵窺  
玉宸晴霞半壁護丹爐旂常並偃蒼龍影輦輦全  
披太乙圖一自先朝禱禱後至今山嶽效嵩呼

白嶽簡魯明府

高以學

祠靈不憚費躋攀洞壑冥冥氣轉寒地主嚮期同  
駕鶴仙家未許共驂鸞峰頭皎月猶堪侶樹杪明  
霞信可餐不向此中生羽翼更從何處覓還丹

望仙臺

吳道達

便來仙客隱名山極目徘徊萬岫間左盼函關高  
氣氣右瞻蓬海駐紅顏八公起月騎孤鶴五老飄  
雲問九還莫怪登高長嘯傲丹梯千古許人攀

白嶽謁太素宮

李元儒

石楠千古鬱空青秀蔭天門護百靈池鑒碧蓮開  
兩洞蒼盤玄柳閱霞扃金鑪捧日標孤柱玉華爽

雲臺五屏足

孫湛

翠壁丹崖列紫氣銀宮貝闕望氤氳珠簾不辨陰  
晴雨石戶常封晝夜雲樹影蕭疎搖黛色天書苑

雲巖

孫湛

瑛畫雷文何來飛度嶺山侶吹微鶯笙事已參

雲巖

翟維祖

石劃天門一線通玄關縹緲翠微中香爐半似凌  
霄漢巖瀑全疑帶雪風潦倒故人千里至多情地  
主一尊同興來不盡躋攀意猶有新題覘未工

雲巖雪曉

陳之龍

清曉分明銀海行下方真見玉未生風前山雪盡  
蕭蕭雲裏宮鍾隱隱鳴直是天開玄武宅轉疑身  
到白瑤京寒空迢遞仙人路聽得虛無幾處笙

文昌閣

山閣崔嵬擁翠微天門落日映朱扉三姑綽約疑  
寒色五老婆娑振羽衣逸思偏于方外洽沈酣肯  
與世人遠追隨盡是烟霞侶乘興堪携蘿薜歸

天門

薛岡 四明人

石門縹緲對中台西去遙連玉帝臺仙路曾將銀  
漢接天梯直傍翠微開三秋欲雨雲先出萬古通

蘇東山志卷之十

律詩

宋

明月自來方士浪求東海藥不知從此入蓬萊

白嶽贈金斗陽鍊師

王應遘 紹興人

瓊宮縹緲出雲端中有仙人擁法壇蚤向丹臺鍊  
赤石時從白嶽控青鸞百年身世驚殘夢萬頃蒼  
桑總急湍我亦吹笙來覓伴陽光九轉莫相瞞

天門

陳履 東莞人邑令

白嶽峰高紫氣屯丹梯九轉到天門停車自拂浮  
雲入倚樹徐看落日昏物外烟霞邪易得忙中歲  
月不堪論風塵傲吏人多病空憶仙人碧玉尊

賦答丁以舒寄齊雲新志

佳竑 應天人新志

白嶽呼嶸天下奇十年參道有心期寧知竹史書  
麟日猶是雲山夢鹿時烟暖瑤壇丹竈熟雨深簾  
洞藥苗肥何當一訪仙靈窟布襪青鞋信所之

雲巖喜姚寅丈適至

謝廷諒 金谿人行人

依劉曾此賦登樓忽漫臨風感舊遊掃石蒼苔迷  
姓字映堦瑤草自春秋崖傾雲竇珠簾灑岫引天  
香寶鼎浮見說高禪曾錫胤先朝祠殿擁神庥

其二

並捧天書下九重更從仙嶠覓奇蹤挂旗日映桃  
花澗芝蓋雲移石笋峰天外連翩人倚鶴斗間雙  
吐氣成龍閒披岫幌垂春日萬綠新肥帶雨濃

蘇東山志卷之十

律詩

四十九

五老峰

阮自華 桐城人杭州司理

不信補天由五石請看輯瑞擬三清長年倚杖陪  
丹穴何日聯裾戲赤城短髮如松垂古雪蒼顏和  
霧起新晴俗官孺子滄洲遠小別何堪萬里情

三姑峰

飛瓊自向仙都住玉女空車漢時宮別後白雲時  
在野到來黃竹尚搖風吹簫那得隨高羽含睇遙  
知惜轉蓬誰令紅顏盡為客青天白霧久溟濛

雲巖

林國光 閩人安慶司知



靈宮白嶽自何年萬丈丹梯百折懸珠瀑長飛青  
嶂而爐峰高拂紫霄烟雲迴鸞鶴疑無路洞鎖笙  
簫別有天帝子昇真遺跡在敢云蓬海訪神仙

其二

絳閣憑虛聳太空黃山面面露奇峰門前珠樹千  
霄綠澗底桃花點水紅五老巖巖瞻氣象三姑縹  
渺拂芙蓉何人能解長生訣疑在雲巖翠幾重

白嶽

汪懋孝

白嶽靈區標地勝紫泥霄詔馳天褒輿圖不數秦

封古崇望應齊漢時高象閣雲扶雙翠輦珠庭風

雲山志卷五

律詩

五

度八琅琅小臣願取長生籙拜舞遙持獻宸袍

丁以舒讀書雲巖夢中有感遂建庵于碧雲

峰下賦此以贈

施文德

新結精廬傍碧霄紅塵自不到山樵帝心神夢徵

前席高棟飛甍見此朝壁挂雙龍光射斗蕊然太

乙火通霄凌雲賦就乘時獻豈獨山靈屬望遙

雲巖

雲巖翠壁應天星開鑿何年借五丁石上卅池神

水注簾前珠雨碧蓮停鹿馴古洞依金殿鳳集神

櫻抱玉屏好訴孤衷向帝座天門高時不曾高

冬日遊齊雲

黃流芳

門從天外鑿山開浩劫應隨拄錫來寂定法堂花  
舞雪香浮蘭若石懸臺珠簾飛瀑齊雲出碧澗傳  
聲遠殿迴瀾覺浮生無定著九還何日覓蓬萊

其二

魯說禪心花欲開今看紫氣度關來天門坐見楠  
無樹石壁高懸鏡臺霧霧捲珠簾晴復濕雲環玉  
殿去猶迴相逢休問長生訣東南猶復有污萊

冬日遊齊雲

鄭友周

奇峰峭壁倚雲開仙境疑從海上來萬樹天門障

雲山志卷五

律詩

五

日月三山鐘鼓傍樓臺香爐烟帶晴嵐龜江水光

浮拂檻迴幾度凭高看不厭恍生飛翰到蓬萊

其二

齊雲金闕自天開喜共休文載酒來四海名山相

對眺百年嘉會幾登臺輕烟淡霧零朝霰野水平

橋帶夕瀉瞻雲倚徙鄉思切歸計何由學老萊

庚子冬月同黃郡丞鄭司理祁閻勘木道登

齊雲次和二律

沈茂榮

仙閣獨倚半天開上客聯轡覽勝來削壁高懸疑

臥隨孤松秀陰儼為臺梵音縹緲雲中度澗水潺

溪殿外涵海內共憐時事沸羽流幸未說蓬萊

其二

萬石爭奇四壁開巨靈神劍削成來飛梁洞吐風  
雲氣絕頂烟橫日月臺獅象對躡泉作吼鼓鍾旁  
擁嶂仍涵新安全借回天力把酒臨風賦有萊

再登白嶽謁太素宮

凌登名錢塘人郡司馬

勅使傳宣下玉除經駝白馬到雲居琅函萬軸傳  
真誥洞府千靈護秘書帝遣蒼龍迎絳節人看  
玄鶴駕鑾輿仙壇分得蘭臺簡夜夜神光燭紫虛

其二

不到名山又十年重因盛典謁金仙舊時蘆洞仍  
霏雨常日爐峰自吐煙朝禮楚來趨帝闕飯依  
真已度人天一官事比東蒙主願以金湯叩上玄

奉陪登齊雲次韻

陳翔鸞開人郡別駕

崔嵬金闕接雲開上客聯翩作賦來天外峰巒連  
紫府筆端風雨洗瑤臺鶴翻松影疑山動花拂蘿  
烟散麝迴自愧凡心猶未了漫陪仙侶步蓬萊

其二

疊嶂霞光曙色開玉簫聲逐彩雲來眼空天外三  
神島坐渺人間百尺臺五老嶽凌霄漢近萬松風

扶野朝迴使君登玩還憂國當宁何年問草萊

登齊雲

陳向廷東莞人郡司理

封內神臯北斗壇上清宮闕出雲梯層崖巒過蕭  
聲渺白晝龍歸玉乳寒浩蕩幾人當選勝陰晴終  
古此凭闌揭來何處皈依地猶笑浮生一宰官

其二

高閣層峻向遠開何來三度此徘徊寒帟五老窺  
人出倚檻千峰倒影來龍虎深堂空日月洪濤驚  
圻起雲雷共瞻紫極文昌地爭得群星對酒杯

白嶽

黃尚忠邑人

高峰秀出鬱崔嵬仙子樓從北斗開石劖天門通  
日月泉飛洞壑走風雷金函書似秦庭至玉井蓮  
分華蕊來一嘯玄崖超覽盡千秋豪客此登臺

其二

中天積翠象蓬壺飛磴斜盤更鬱紆瑤海夜光懸  
石室函關紫氣抱香爐尋源漢使乘槎上采藥仙  
童扶羽呼名嶽登封何獨晚白雲依舊鎖玄都

雲巖

簡維韓味人

夙仰雲巖五老峰暮間乘興步仙宮重重烟樹籠  
明月簇簇山巒駕綵虹洞裏龍歸晴亦雨林間虎

肅靜還風鯨生遍覽渾如醉幾度桃花夢裏紅

白嶽宿金斗陽道院

馮

廷  
應縣人

天門路入欲忘歸洞啟雲封闔闔直造混沌空  
世界卻留雞犬淺真機冲霄壁立開丹宸飛兩珠  
流拂素衣望入虛危含紫氣一聲鳥背塞鴻飛

其二

玄嶽名從五嶽開更遺白嶽屬雲來天潢濬發歸  
鴻造地軸雄尊舞象迴日月籠開三里霧烟霞袖  
拂七襄裁勝遊幸續蓬萊興堪羨登高作賦才

雲巖

陳太醇  
錢塘人舉人

齊東野語

李

大和形勝絕天都白嶽名區闢草蕪色相莊嚴瞻  
寶界山陵拱護占方壺人勞竭蹶據丹悃帝憫虔  
蒙闡秘符况復高賢增壯麗兩度徘徊興不孤

登齊雲懷丁明府

章嘉禎  
德清人吏部

何來飛鷲劈層霄石闕岌崑絳節朝浮翠忽連滄  
海色落霞遙接赤城標即看靈嶽千峰紫一肅天  
門萬劫消靜夜冷然明月下水壺濯魄坐吹簫

其二

香爐峰削拱香臺碧瓦參差碧漢隈雲裡笙簧時  
縹緲殿頭日月自輪迴層崖瀑布晴看雨絕壑松

原夜聽雷最是登高堪作賦幾人揮翰大東方

登白嶽

李喬  
應縣人邑令

靈巖宮闕敞玄天禮叩星壇瑞氣縈柱父茅君藏  
洞壑落旒蓋逗雲烟紅飄飛澗春流外香擁燼  
峰夕照前幾度登臨清沁骨袖毫長嘯賦遊仙

其二

高盤帝時鎮神州躡步虛同天地舟不問羨門有  
白鹿且騎函谷舊青牛依微五嶽雲邊出隱見三  
山海上浮下界頻聞衆歲稔濁如聖澤遍田疇

謁太素宮

全天叙  
鄧州人翰林學士

齊東野語

李

天然斧屨負罡風端拱烟霞法相推宣為流虹開  
帝時從知亭毒肩玄功萬霧肅駕龍鸞合率土版  
庭彤璽通敢以微蒙瞻大道頤同回峻祝年豐

五老峰

豈是飛來鷲嶺頭龍鐘霍列采真游白雲變換衣  
裳冷玉洞絨題姓字幽聚族祗應窮浩劫煉形誰  
與覓浮立三姑綽約臨朝鏡長歛蛾眉背汝愁

登白嶽

朱家用  
邑人書舍人

神皋岵嶸絕塵埃幾度凌風振羽來履底烟霞隨  
出納杖頭星斗共徘徊宸居迥闢黃金闕仙跡長

存白玉臺彷彿一壺多變幻誰云勝紫雲蓬萊

其二

石戶弘開隔宇寰  
新然天設此為關  
欲探靈笈尋仙侶  
仰叩玄宮禮聖顏  
雲罩御爐香裊裊  
風傳鈞樂韻珊珊  
棲心莫問人間世  
且學軒轅鍊大還

其三

玄君朝罷訪奇蹤  
聖境何緣遇赤松  
古洞綉苔攢翡翠  
危峰承露湛芙蓉  
泉飛絕壁晴猶晦  
霧隔芳林淡忽濃  
長笑一聲空谷應  
連翩鸞鶴得相從

其四

百折千盤最上頭  
流觀大塊即浮漚  
漚清虛恍下三姑步  
福地常隨五老遊  
斗檠南天開壽域  
日升東海映丹丘  
長生有訣從誰授  
歲歷仝鑪結好仇

登白嶽

主士昌

臨海人大理寺卿

岩堯名嶽俯晴空  
積翠盤雲一棧通  
秩自升中稱帝時  
地當直北奠神宮  
巖前玉笈靈全秘  
天半璇題勢更雄  
霏色蒼茫臨欲動  
扶桑初日映瞳矇

其二

躡躡危板最上頭  
飛雲脫木正深秋  
名稱五嶽誰賓主  
星絡中樞控斗牛  
清嘯儻能逢阮籍  
勝歸還

擬遇浮丘步虛吹落霓裳曲昨夜層霄聖澤游

其三

碧霄清切傍仙庭  
獨擁天邊萬壑青  
王節往來瞻紺宇  
琅與蕭穆走玄冥  
乘雲鶴去墟烟暝  
施雨龍歸海藏腥  
聖世登封無一事  
不將禪草副山靈

其四

銖衣風御入虛無  
吹雪雲門灑碧蕪  
真氣發浮屎座晴烟細  
駐香爐柳梅院鎖軒窗  
寂寂松栢途連洞壑孤  
三十六峯相對起  
山鄰天子舊仙都

雲巖

駱駝

武康人延祐御史

杖底蒼苔擁殺痕  
冷風尺五是天門  
玄關不散真人氣  
絳闕常瞻帝者尊  
谷口雨簾晴乍響  
壇邊星斗夜堪捫  
遊人欲覓長生訣  
五老無言道已存

雲巖

程洙

涑邑人

摩峰環繞秀如華  
巍殿中開擬帝家  
香篆爐烟聯碧漢  
樹搖岳色抹青霞  
寒生絕澗夏遺雪  
暖聚巖巖冬著花  
步躡天門懸隔世  
浪尋海上問星槎

重登白嶽

許文珣

邑人

幾年未歷故山遊  
此日重登值麦秋  
洗藥池邊雲欲散  
香爐峰頂霧初收  
神居碧落三千界  
人倚瑤

臺十二樓是處烟霞堪結伴尋真何用問瀛洲

登雲巖 蔡翥結興人

曲磴盤迴翠幾重不知身在綠芙蓉  
蒼崖怪石驚躡虎樹杪飛流噴毒龍  
環珮風鳴深澗竹笙簧雲奏隔溪松  
生平膺有耽奇癖濟勝還依一短筇

其二

咫尺天門謁帝難側身霄漢路漫漫  
懸崖噴瀑晴還雨古洞陰深暑亦寒  
塵世久無千歲藥靈山合有九還丹  
夜來得藉遊仙枕清夢雲扶駕彩鸞

雲巖 袁中道公安人吏部

齊雲山志卷之五 律詩 主八

尤物從來九子開  
岳山奇幻更誰羣  
三姑絕似三珠樹  
五老居然五朵雲  
列鼎陳敦存岫骨  
飛朱灑墨寫巉文  
滂沱頃刻翻霞錦  
兩韻泉聲西不分

登白嶽 查柏邑人

涼風輕扇蕩氤氲  
滿壑松陰變夕曛  
鳥路梯蘿千嶺上  
洞門劈石九天分  
品頭瀑布飛青雨  
峰頂爐烟鬱紫雲  
好茹五芝騎隻鶴  
僊壇長揖柳梅君

登白嶽 吳孝標邑人

嶽色屏開翡翠連  
芙蓉片又撲高天  
雲端錦字傳青鳥  
樹杪銀墩逗紫烟  
石室夜封曉藥竈  
玉泉秋

滿種芝田相携會擬騎玄鹿笑指洪崖共拍肩

登齊雲巖四首 邵繼才邑人

石楠高擁白雲隈  
蒼翠陰鎖綠苔池  
上碧蓮開淨社開  
前紫氣護丹臺  
洞門一線通玄竅  
磴道千盤接上台  
何處仙人橫玉笛  
一聲吹落額頭梅

其二

振步天梯望碧霄  
行隨麋鹿度山椒  
爐峰突兀雲成冢  
澗道虛危石作橋  
鵠立三姑殊窈窕  
鵷班五老亦逍遙  
飄然便欲乘風去  
華表迴還雀可招

其三

齊雲山志卷之五 律詩 主八  
遙分紫氣半虛簷  
書著還期令尹瞻  
山擁晴嵐浮輦輅  
嵯峨垂雨瀑  
挂珠簾  
松風隱隱流清籟  
池月依依映素蟾  
咲倚孤楠頻極目  
白雲堆裏一峰尖

其四

天門一望海天低  
鍾鼓殷々日未西  
雙瀑遙從青嶂落  
層巖高與白雲齊  
山饒梅柳菴曾結  
澗有桃花路不迷  
欲向此中尋大藥  
還將爐鼎傍霞栖

雲巖 顧錫疇崑山人翰林

引伴投巖蹕秘蹤  
轉千名嶽寄情濃  
三姑翼又大失氣  
五老依又稚子容  
康臥接前人不駭  
鶴歸峰

頂客能從孤楠獨向天門立羞傍屋角百尺松

中和坊

素應兆金陵人傳

陟磴乘風那倩扶人天咫尺是玄都凌空松韻鏗霞佩絕頂雲陰護玉爐翠染烟蘿紫袖舉碧環雪獻側身跡到來已忘紅塵事幽處時聞鳥自呼

太素宮

靈山天劃迥凌虛上帝巍此駐車處日圓輝翔王陞碧霞蟠蓋映宸居氤氲烟氣香爐裏縹緲音聲鐘磬餘前代多男曾叶祝一誠端賴速歡予

文昌閣

文昌樓峻倚崑崙漫攝秋衣試一探桂送午香風拂拂樹搖山色碧卷卷傳家陰陽彰靈縣駐世因緣著廣男不盡塵心皆望遠願教重作化書揮

三姑峰

何處飛來三小阿年華閱歷幾經過未和管曲調儀鳳誰為梳粧稅髻螺鎮日垂簾觀雪瀑含情無意剪春蘿冷然明月同相照世上紅塵到此麼

珍珠簾

朱泰禎嘉興人

雲磴層攀樹杪行雪飛晴晷夜泉鳴石為銀蒜風初定蔓引嫩鬚髮未平笙鶴丹臺天籟發懷新江

畔福畦成脩廊詰曲沿溪轉玉液霏微作雨聲

太素宮

陸錫明平湖人

天遣名山護紫虛芝泥曾到使臣車石幢隱見宮中綠碧瓦參差帝者居封禪有書非漢時柳梅何地不秦餘底須泛海尋靈藥水落花開自起予

天門

乾坤戶牖劈層空納納馮虛受遠風鳥道懸瓏非色界九封突兀入神工雲穿屐底千尋杳天倒峰頭尺五通倏忽此身歎夢翼暫離塵袂即崆峒

文昌閣

齊雲山志卷之五  
我生有癖在奇探一徑微登似風耽傑閣雲章飛片片諸天花雨落斃耗階侵鳥跡先遺韻樹老龍鱗待問聘翹首岱宗遙可接絕勝說法現優曇

三姑峰

僊妹結伴駐巖阿莫訝巫山暮雨過黛色半含侵綠髮烟容一抹點青螺春風自長宜男草晴壁高懸附女蘿彷彿上元君鼎峙夜深曾否散花麼

朝真橋

王佐嘉善人

長紅高駕影泗鄴紫霧霏霏碧溪根千歲松枝巢野鶴萬年石色冷荒榛從來石髓留僊跡此去花

顏逗水津昨夜群界向天際傳聞笙笛覲玄真

戴雲閣

陡立雙峰忽有群珠宮逗露篆烟分巖獅隱現吞  
朝日嶺象霏微吐千氛電影列開虛屋氣霞標劈  
碎散鯢觀想從丹蓋遊旋處若駕長虹覆海雲

五老峰

廬山高卓拂烟嵐此老猶然此處蒼鶴叫雲霄呼  
去北猿隨杖履跪當南秦封愧與稱為五漢禮崇  
衆顯只三滿酌霞觴使君壽華封先拜祝多男

三姑峰

齊雲山志卷之五

齊雲

六十二

林林青鬢簇山阿率律誰當此地過老去求僦拋  
白日閒來携伴曳紅絛囊猶繫肘留丹藥衣上纏  
身有碧蘿見說宰官親親面曾將靈訣贈貽麼

登白嶽

姚之典 齊人 參人

步虛直上白雲巔突兀瑤臺出世緣日曜東溟山  
是紫烟籠北極帝為玄宇懸鳥跡千年石岩吐龍  
涎百丈泉聽罷黃庭食玉液飄然羽化欲登僊

其二

天門天柱望僊蹤拱日香爐牽輅從鳳雀飛來鸞  
鶴石象獅蹲踞駞駞駐峰屏開玉嶂橫旗詒簾賤珠

衆聽鼓鐘五老三姑高萬壽戴霄丹鼎鎖雲龍

登白嶽

姚思孝 齊人 齊人 齊人

揮斤懸崖仄仄攀重關鎖盡更留關石色瓊玖何  
緣秘雲嶠崢嶸不放還絲問天梯誰引級忽從霞  
塢一分班相逢莫訝塵中想孤鶴凌飛萬仞間

其二

鑿幽已沁心頭雨何處龍湫帶雨寒雲紫坐披羅  
漢影風松笑落老人冠峰從憤識翻相怒山自回  
頭幾借看去池邊洗藥不知勾漏尚餘丹

雲巖同唐灼洲年兄訪百歲老人

齊雲山志卷之五

齊雲

六十三

胡永順 杭州人 推官

雲際高巖石徑紆望中巒岫只休儒帝徒縹緲開  
雙闕人在玄清掛一壺塵杆訣成輪是羽步虛簪  
散蓋為珠登臨最喜同僊令飛駕行看欲化鳬

齊雲和胡司理年兄

唐登儒 齊人 齊人 齊人

山形錯繡似相隈柵護天門石乳開巖古猶傳玄  
帝跡地雷應有貴人來衆如珠也飛瀑雨峰似爐  
竈砥柱材忽報山頭氣正紫五雲瓊萃為君催

登白嶽訪通通像

陳以聞 齊人 齊人 齊人

一道肩摩雜沓遊亂山蒙肯有丹丘武林世代何

魯易絳色生年知幾周山為有情偏有累道惟難  
默始能休憑師度典起凡訣笑指終南八百秋

齊雲

雪徑涵

鳥道斜穿碧玉臺龍宮深鎖白雲隈山門停午日  
旁到華關長年霧不開幾見鳬將飛寫過猶聞鳳  
引瀾蕭來三千界外知何地十二峯頭即三台

珠簾泉

許寧繁人

卓削青冥絕壁懸挂空飛瀑自潑潑晚風不捲鳴  
鐘後晴霰常垂立伏前萬顆鮮胎光錯落一鈎鏤  
魄影嬋娟荷衣得覲岳旒座顧洗塵根測上玄

華雲山志卷之五

許寧

李中

丁以舒先生讀書碧霄菴感

神異夢賦此奉贈

真宇離宮接青冥還容一榻借談絳夢魂常作真  
人想彤璽俄通北極靈丹坐乞來煨芋火珠泉分  
滿煮茶餅令威解脫人間世為謝南華論贅形

珍珠簾

韓四維

邑人翰林庶吉士

削壁晴空灑綠苔翻然坐冷亂珠來無雲自下杲  
暎罩不雨誰教足練開已見歲疑風乍捲遙知纓  
絡日常洒舊遊帝子真為我好挂霓裳對剪裁

五老峰

仙跡晴日麗玄都笏拜真人自不孤大化豈容留  
姓字凌空何處覓根株蒼田天地玄元氣秀盡乾  
坤太極圖安得扶筇登絕頂碧蘿煙月老雙鳬

文昌閣

振衣閣上拜文昌坐眺西風桂子香松繞青雲秋  
淨好山迴赤日氣輝光人間天祿瓊琚列我自圖  
書絳節長況復有身香案吏登臨不負紫霞裳

桃源洞天

天門東下採真遊風冷煙青道者留丹竈有人埋  
日月白雲無計換觸醺寧隨雞犬分靈藥自向山

華雲山志卷之五

詩

李五

泉擁敝裘悟得紫霞心一片五湖明月此芳洲

登齊雲

韓士元

邑人同知

春宵挂杖上丹丘啟路呼童秉燭遊天地蒼茫知  
海曙烟雲動繞覺山浮龍宮鳳輦神明護玉檢金  
泥帝津留朝罷仙嶽看次第人間信是有瀛洲

雲巖

陳治

邑人

翠嶽丹梯萬仞盤壺天棲觀九霄寬珠簾織水疑  
蛟客金像啣泥自為官靜夜笙簫聞月殿有時風  
雨繞雷壇多生曾作玄真想應許中宵沆瀣餐

鸚武石



一脫唐宮幻夢驚化身為石伴珠纓點頭已悟無  
生法結舌寧忘解語情色相也因冬雪白眼根長  
借夜燈明綠衣舊侶空憐汝枉受金籠學巧聲

齊雲山志五卷

浙江汪啟淑家藏本

明魯點撰點字子與南漳人萬歷癸未進士官休  
寧縣知縣齊雲巖在休寧縣蓋白嶽西北之分支  
也上有北極佑聖真君神祠明代數經修輯至嘉  
靖中始別名曰齊雲山茲志因舊本而重輯分三  
十七目卷前又有順治中告示一通又後人刊入  
非原書之舊矣

普陀山志六卷

〔明〕周應賓撰

湖北省圖書館藏明萬曆三十五年張隨刻本

附《四庫全書總目·普陀山志

六卷》提要

重修普陀志叙

普陀故有志茲載輯者何意  
鼎新也志者所以彰往不來也  
惟是山川或靈又重之以

王命其再造也將必有廢興之  
焉雖載輯之可也夫表東海未非  
普陀山志序

普陀也耶僻在一隅不比中原  
遼麗然而四大之一也其傾西北  
聖主御焉地絕東南古佛止焉  
神道設教聖人不廢是

宸翰所護持也曷可泯誅蓋補  
陀古刹也興而廢而興者數矣是

舉其其強發諸內節其之皆該而  
遺維壇宇依以維名與制煥然  
廢興一大際會也如曰雖載輯之  
可也志凡篇卷未五為類者十有  
七纂撮於誅文學之手而不任裁焉  
前志重在山要以顯佛靈之志重  
普陀山志序

二

在寺亦以尊

君貶是之編之太指也敬表之叙之

萬曆丁未四月既望

東海舟中周應賓識



重鰓補陀志序

序

一

補陀為祝延名山皈依大士白華載於  
內典黑龍咒於唄音故無志也志鰓於  
侯大將軍以汎海選勝也維時與吾定  
二三居士冒弋見聞凡形勝宮室紀碣  
詠藝繇唐迄今表表者彙列成帙嗣且  
再之三之矣余不敏受讀質以所聞父  
老言一登彼岸知補陀岼懸海上去邑  
三百里而遙外控諸夷先朝貢舶孔道  
也然而代有隆替則時為政抑地劫會  
逢非大士慈靈代為覺迷也  
今上道揆在宥皇極建中而支流餘裒無

不受之廼廣孝治奉

兩宮慈旨念力南海大士遣中使頒經披

繡祝延

萬年而庇之民海上無大兵革於茲三紀

矣而內地屢豐安堵自無痲痛孰効靈

是識者謂疇昔之替良由此山鮮膏壤

序

二

食土檀越四方其緇黃游集動以千計

不無通數也者甚而假途禱幻然指繫

肉至於捨身洞崖慘烈弗恤普門之法

不立僻隅之區為阱慧戒方之左矣以

而夷訐兵燹或回祿見於中宵天馮人

孽謂時政地劫也乎哉邇者當道禁誅

召名僧主住或定莊嚴既以一洗習障

而內外剝素不相能者亦齋心輯志同

奉

綸綍為兢兢勒石頌德則補陀洵一淨土

也福國庇民響應著蔡夫豈冥冥而決

懺錄者哉是則大士靈也抑何以故先

序

三

是歲己亥前殿灾孽礎具燼歟大士金

相自若而護法關神亦不毀此其故可

曙已今茲屢厘

詔諭中使慈飭鼎新殿宇告竣也宜哉矧

其時汎舳艫諸島防援貴相望于滄溟

鯨鯢無敢動焉此寔我

皇靈伊濯孝慈昭假而大士如為助流宣  
 化也志補陀者儻亦遵揚風美意乎故  
 曰事不軌物者則君不舉焉言不微  
 者則臣不獻焉苟其持之有故言之成  
 理君子嘗樂道之矣然則是刻也謂之  
 孝慈志也可謂之軍志治安志也可謹  
 序

邑人邵輔忠撰



普陀山志目錄

卷之一

宸翰

敕諭

御製

卷之二

圖考

山水

普陀山志目錄

殿宇

規制

建制

靈異

頒賜

命使

釋子  
仙附

物產

卷之三

藝文

雜著

卷之四

事畧

卷之五

詩類

普陀山志目錄

普陀山志卷一

宸翰

勅諭四通

皇帝勅諭普陀山寶陀禪寺住

持及僧衆人等

朕惟佛氏之教具在經典用以

普陀山志卷一

化導善類覺悟羣迷于護國

佑民不爲無助茲者

聖母慈聖宣文明肅皇太后命

工刊印續入藏經四十一函

并舊刻藏經六百三十七函

通行頒布本寺爾等務須莊

嚴持誦尊奉珍藏不許諸色人等故行褻玩致有遺失損壞特賜護持以垂永久欽哉故諭

廣 運

大明萬曆十四年三月 日

普陀山志卷一

二

之 寶

勅諭南海普陀山普陀寺住持及僧衆人等

朕發誠心印造佛大藏經頒施在京及天下名山寺院供奉經首護勅已諭其由爾任持

及僧衆人等務要虔潔供安朝夕禮誦保安眇躬康泰宮壺肅清懺已徃愆尤祈無疆壽福民安國泰天下太平俾四海八方同歸仁慈善教朕成恭已無爲之治道焉今特

普陀山志卷一

三

差內漢經廠掌壇御馬監太監趙永齋請前去彼處安供各宜仰體知悉欽哉故諭

廣 運

大明萬曆二十七年二月初十日

之 寶

皇帝勅諭南海普陀山普陀寺  
住持及僧衆人等

朕惟自古帝王以儒道治天下  
而儒術之外復有釋教相翼  
並行朕以冲昧嗣承大統迄  
今廿有七禩天下和平臣民

普陀山志卷

四

樂業仰思

天眷

祖德洪庇良繇大公同善之因  
况

國初建置僧錄司職掌厥事  
蓋仁慈清淨其功德不殊神

道設教于化誘爲易

祖宗睿謨意深遠矣佛氏藏經  
舊刻六百三十七函我

聖母慈聖宣文明肅皇太後續  
刻四十一函朕旣恭序其端  
而又因通行印施序其前後

普陀山志卷一

五

勅諭護持所以錫孝類流

慈恩也茲者朕嘉善道之可依  
念傳布之未廣爰命所司印  
造全藏六百七十八函施捨  
在京及天下名山寺院永垂  
不朽庶表朕敬



天法

祖之意弘仁普濟之誠使海宇

共享無爲之福先民有言一

念思善和風慶雲一念不善

災星厲氣夫善念以有感而

興無感而懈是以皇極敷言

普陀山志卷一

六

不厭諄懇聖詰所貴善與人

同古今相傳其揆一也且善

在一人尚萃一家和氣若億

兆嚮善豈不四海太和此經

頒布之處本寺僧衆人等其

務齋心禮誦敬奉珍藏不許

褻玩致有毀特賜護勅

垂永久欽哉故諭

廣運

大明萬曆二十七年二月

日

之寶

普陀山志卷一

七

御製佛藏經序文二首

御製

聖母印施佛藏經序

朕聞儒術之外釋氏有作以虛  
無爲宗旨以濟度爲妙用其  
真詮密微其法派闕演貞觀

普陀山志卷一

而後代譯歲增兼總羣言苞  
累八極貝葉有所不盡龍藏  
有所難窮惟茲藏經繕始于  
永樂庚子梓成于正統庚申  
由大乘般若以下計六百三  
十七函我

聖母慈聖宣文明肅皇太后又

益以華嚴玄談以下四十一  
函而釋典大備夫一心生萬  
法萬法歸一心諸佛心印人  
人具足勸善覺迷諸苦解脫  
一覺一善皆資勝因是以聞

普陀山志卷一

九

其風者億兆爲之翕習慕其  
教者賢愚靡不歸依則知刑  
賞所及權衡制之刑賞所不  
及善法牖之蓋生成之表別  
有陶冶矣先師素王亦云聖  
人神道以設教善世而博化

諦觀象教詎不信然恭惟

聖母濬發弘願普濟羣倫遂托

忠誠誘善勤侍傳宣廣修衆

因乃印禪經布施淨土兼立

梵宇齋施僧倫成修寶塔立

豎於虛空繪塑金容散捨於

普陀山志卷一

大地濟貧拔苦召赦孤幽無

善不作無德不備證三身于

此世今生明四智于六通心

地普惠雲興普賢瓶瀉大垂

玄澤甘露霑灑于三千徧覆

慈雲法雨滋培于百億無微

無鉅咸受益而蒙榮有性有

生盡食酥而飲惠俾福利之

田與人同樂仁壽之域舉世

咸登如是功德一切善言之

讚歎一切善氣之導凝我

聖母延齡如天永永我國家保

普陀山志卷一

泰降福穰穰矣於乎盛哉大

覺之教宜其超九流而處尊

偕三五以傳遠也

御製新刊續入藏經序

續入藏經四十一函起華嚴

玄談會玄記至

第一希有大功德經記四百

一十卷此我

聖母慈聖宣文明肅皇太后所

命刻也

朕惟釋教東流經典通譯函卷

繁富極矣我

普陀山志卷一

十二

聖母躬體聖善坐撫昇平密契

心乘力修聖果因復假筏迷

津施航覺海續增茲典聿廣

義宗德意甚盛載惟經世出

世厥用夙殊然其立教以明

心見性爲宗以慈悲喜捨爲

用以嗔愛婬殺爲戒以戒定

禪寂爲門大都使人破塵妄

之迷以印妙圓之體惕罪報

之由以脩慈善之根悟未來

之因以減現在之業此其覺

人濟物勝殘去殺之功於吾

普陀山志卷一

十三

聖治不爲無助故經謂莊嚴

施捨周於沙界不若一經一

偈流布之功然則

聖母慈命真可謂續慧燄於昏

衢普慈雲於陰界延佑

宗社種福人天不可思議者矣

若乃梁魏隋唐之主傾國貲  
以崇像飾瘠瘠民以奉緇流  
殊戾釋氏本旨朕所不取亦  
非我

聖母流布是經之意是爲序

慈聖宣

普陀山志卷一

十四

文明肅

大明萬曆十四年三月 日

皇太后寶

御製重建普陀寺碑

朕御寓三十有四載嘉興海  
內臣民咸用康乂一切嶽瀆  
諸祀不䟽不數用以寧吾民  
而徵信於神惟是

聖母慈聖宣文明肅貞壽端獻

普陀山志卷一

十五

恭熹皇太后含純懿之真性  
秉慧覺之上資諸所焚修祝  
釐護國保民者朕一一欽承  
無所愛惜先是南海普陀寺  
毀於祝融我

聖母惻然發念欲緣故址而鼎

新馬朕仰承

慈諭無騷民無煩將作無費水  
衡金錢蓋默示以愛護蒼生  
綿延國脉至意朕益用祇承  
首捐內帑其自朕躬而下悉  
輸誠發願以次助施遣官督

普陀山志卷一

十六

建迄今落成而

聖母喜可知也因題額名

大明敕建護國永壽普陀禪

寺寺在洛伽山頂大海波心

是觀音大士說法道場顯靈

應處也大士圓通三昧普照

十方三十二應身隨處變現

十四種功德不可思維朕無

所庸其讚歎第白馬開緣赤

烏建刹雨花靈鷲在在有之

而海上最著蓋其慈悲大旨

普度法門不可以意智得不

普陀山志卷一

十七

可以聲色求遠而彌尊近而

難即離此苦海便登彼岸指

點最爲真切其密證了義則

有望洋已耳夫惟修之默默

應之昭昭禔福在宮中靈感

在海外有若響答然者即今

聖母燕喜

天錫難老朕荷茲百祿延及孫  
子以至萬邦黎庶海寓宴然  
良由聖力護持神功默祐非  
偶爾也嗟乎莊嚴妙相今古  
皈依功成而不擾教尊而不

普陀山志卷十

十八

瀆則今日盛事與前代瘠民  
佞佛者大有間矣工起于  
萬曆三十年七月二十七日  
迄于

萬曆三十五年三月十五日  
是用勒石鑄詞使羣臣百姓

咸知朕奉揚

聖母德意且以昭示傳諸不朽

云銘曰

茫茫萬有慾愛同纏業風振  
海識浪滔天惟此苦海千古  
渺瀰彼岸寥廓竟渡其誰如

普陀山志卷一

十九

來法身累劫修行妙通圓明  
反照見性慈悲廣大功力無  
邊破昏揭暗慧炬高懸音聲  
萬億遙入我觀由聞起見尋  
根窮端所見非目所聞非耳  
靡有見聞詎有我彼恒河世

界悉歸掌輪隨願界福隨溺  
拯津如汲海水鑄盜具足滄  
溟不虧人飲滿欲如月印川  
萬壑皆圓清光不減皎皎中  
天洛伽浮空瀛波旋繞梵宮  
蔚起翹望雲表大士耀靈遐  
邇  
通傾就貴賤聖凡拜禮恐後  
猗我

普陀山志卷一

三

聖母心契大慈願言錫祚以保  
羣黎予承慈訓啓我覺慧如  
天好生聿嘉二帝載培國脉  
瓜瓞綿延與天同久億萬斯

年

大明萬曆三十五年四月二

十一日

欽差督工內漢經廠焚修祝釐  
御用監太監張隨奉

旨謹立

普陀山志卷一

三



普陀山志卷二

郡人吏部侍郎周應賓纂輯

尚寶司丞沈泰鴻校正

邑人刑部主事邵輔忠同校

文安御用監太監張隨梓行

圖考

古九州之域蓋鑄諸鼎今白華固海上


靈境將必有天造地設者非圖何以傳



普陀山志卷二



大千若曰苦海無邊回頭是岸有形皆



壤不爛虛空則何必不白華何必白華



此山此圖一齊掃却志圖考

























山水

夫丹山赤水蚤有譽於東南豈洛伽猶淹海外邪夫以孤絕之區滌蕩雲日斯已奇矣况仙釋之所棲靈手顧瞻南詢處石巘如環遙望大洋縹緲桑壺在焉可不謂另一天界哉讀山海經惜乎其未廣也志山水

補陀洛伽山在昌國東海中今屬定海縣去郡城約三百里去縣約二

普陀山志卷二  
百餘里山週圍約四十餘里東望小洛伽山南望月巖山西望舟山北望霍山補陀洛伽山蓋梵名也華言小白華華嚴經所謂云補陀洛伽乃善財第二十八參觀音菩薩說法處又傳記稱東大洋西紫竹林梅檀林者是也又扁海岸孤絕處一名梅岑以梅子真於此煉梵山寺南藥故名元吳萊明屠隆作記梵山案山宜踐傷野造張隨令栽松竹立石示禁金鉢盂山在洋中蓮香爐花瓶山在東大似得中形茶山在寺北

金剛峯在太白華玉趣峯在太子彌陀峯在塔右

西子峯塔子峯在西天達磨峯在西天一名羅

巖石元趙孟頫靈鷲峯在妙應妙應峯

峯在白衣白衣峯在東天觀音峯在無畏

菩薩頂在茶山上諸煉丹峯在饒飽嶺

丹于此有白華峯在三官堂左督造張

光熙峯在鎮海會仙峰在育恩院前勾

獅子巖在寺南太鷹嘴巖在摩尼東方巖

山前象巖在無畏佛手巖在觀音虎巖

善陀山志卷二  
門在東天圓通巖在司基玲瓏巖在金剛

西方巖在圓通

潮音洞在東大洋西大洋南海南菩薩

俯而觀名天宮龍女洞在潮音洞有石

壁立中宵金剛窟在寺西幽靜灣上有

法華洞在寺東上有高峯總與摩尼洞

在東天

白華嶺在玉趣梅檀嶺在寺饑飽嶺在寺

子碩碩在青、鼓北

磐陀石一名金剛石在西天門西相傳大士說法處舊有二龍至石下聽法

遂化爲石其形尚有又石五十三塊  
環向磨陀今呼爲五十三峯石磨陀之

上羅平慶可容百餘人十餘人  
扶桑燭龍將駕天光爛然須臾紅輪從  
西藏委之方在佛手巖定照一石其形

無畏石在摩尼壘子石在佛手石

天宮不洞西臺子不巖南毛點石  
在求現求現臺在潮音洞前有窰可觀

卷二

音 石 洞 佛 牙 石 香 爐 石

處舊有庵相傳真歇  
石在山寺後

了揮師備道于此  
西天門石在金剛窟西總兵李東天門

海天一佛國石在鎮海寺東北總

螺石口在大洋善財石在潮音洞前大

大處士

二  
擣飯舉跳在石上  
西音飛炒舉在東鎮海

千步沙自饑飽嶺獺山而行爲千步沙灘

金沙在紫竹林太子塔前路皆黃沙如布地故名亦大士顯現處也

三摩地在寺西

蓮花洋即山  
西海也  
倭奴入貢見觀音靈異欲載還國滿海生鐵蓮花舟不

能行傷懼而還之  
東大洋在山  
洋之得名以此  
在蓮花洋西  
宋仲官王貴等請山

石牛港 禮佛心朱敬信辭歸滿海阻鐵道  
花貴望山叩謝有白牛浮至盡食其花

舟始移白牛還立水次乃一白石如牛

普陀山志卷一

蓮花池在寺前上木橋與蓮花池相連  
興華不常多淤漲萬曆十四年忽

欽賜瑞蓮觀音相至咸謂應斯兆焉三十  
年督造張隨浚治致主也在寺東嘉靖

一  
手  
又  
於  
渠  
萬  
曆  
三  
十  
年  
賢  
造  
長  
隨  
審  
治

金  
鯉  
放  
池  
俄  
黑  
雲  
起  
隨  
化  
黃  
龍  
飛  
海

植  
白  
蓮  
香  
風  
遠  
襲  
方  
二  
江  
間  
僧  
普  
賢  
買

光明池在潮音洞舊名甘露潭正德間太后遣使禱取以療目疾賜名

短姑道頭傳在山西南隅蓮花洋連岸處相

壞航海者維舟於此自此由白華嶺至  
普陀寺路約三里許舊湫隘不堪行督

造張隨開  
拓平廣

菩薩泉在寺左久旱不竭慧泉在龍女

目取以療靈一泉在育恩院西平石

龍潭在潮羅龍居此舊傳龜潭在茶

葛洪井在烟霞館後今廢太史陶仙人井

名龍井久旱不竭每遇金沙井在圓通

清淨境在三摩地木秀泉清惟石攢列空

有境在真歇菴左大學士徐階禮部尚書陸

晉樹聲題夕海天春西方境在西方巖

文題中藤蘿境在巖陀石東山運紫四

統抵石藤蘿境在巖陀石東山運紫四

初抵石藤蘿境在巖陀石東山運紫四

王堂街在寺東觀飽嶺至鎮海寺

僧如珂募梵石道泉皆德之

會稽陶望齡題曰玉堂街

殿宇

瓊宮紺宇布滿名區咸以藏殊妙之相

闕空寂之門若海天萬里風濤激射金

碧丹青屹如鰲柱與海屋爭奇此固不

可二三見也志殿宇

勅建護國永壽普陀禪寺在補陀山南

六年後平曠前代廢勅御用監太監張

隨董建隨以舊基形局淺漏闕遺麓下

晉山志卷二賜今侍郎周應賓有記餘詳碑又郡人

圓通大殿藏經寶殿前復景命

殿天王殿四配殿祀彌陀地藏

門俱在普鐵瓦殿無梁殿琉璃殿

洞在湖音梵王宮在潮音洞上嘉靖

雲會堂俗名十華嚴堂海會堂資

有堂一大學士沈淨業堂涅槃堂俗名

堂以上諸堂演法堂舊在普陀

俱在普陀寺

鐘樓 鼓樓 水陸樓 齋樓		烟霞館 白華館		東西方丈		龍章閣		御製藏經序碑亭		王音亭 應制經贊碑序		普陀山志卷二		建渡海紀事碑亭		天着衣亭		太子塔		爲逝僧藏骨之		關聖祠		竭龍祠	
俱在普		俱在普		間在本寺景命殿左右各三十		建宋嘉定間不三閣在育恩院內都督楊宗業捐資初建		本以上三亭俱在		本寺總兵侯繼		在寺左督撫尹應元		在寺左督撫尹應元		在無梁		在普陀寺前高九丈六金剛塔		在龍灣		在蓮花洋畔		在普薩泉下萬曆三十	

三官堂		三聖堂		欽差御馬監謝太監		欽差御用監太監		大士橋		勅賜護國鎮海禪寺		普陀山志卷二		國政增建海潮庵		馬監太監		圓通殿		山門		千佛閣		景命堂	
在普明		在普明		在潮音洞		在潮音洞		在潮音洞		在普陀寺東約五里		在普陀寺東約五里		在普陀寺東約五里		在普陀寺東約五里		在普陀寺東約五里		在普陀寺東約五里		在普陀寺東約五里		在普陀寺東約五里	

龍王堂	土地堂	延壽堂	俱在鎮海寺內
水月樓	白華樓	智食樓	鐘樓
鼓樓	在鎮海寺	東西廂樓	各三十間作十
方丈	在淨業堂左	香積厨	觀亭在方丈後
華嚴銅塔	在寺東前安	供以鎮山門	
千佛塔	在寺內		
大智塔	在鎮海寺內		
勅賜祝延聖壽磐陀禪院	在晉陀寺西約半里許向有古		
室數楹年遠類地海憲方應明指俸重			
建恢拓基趾殿宇巨麗寶寺之附庸也			
年二月周應賓題曰應身寶殿崇禎八			
承乾宮皇貴妃遺像一尊紫袈裟二襲請			
賜今額十四年內資請方冊佛經一藏永			
進香到院又捐資院之西會稽大方伯			
鎮山門以垂不刊之德海聖田數十餘畝			
崇道倡緣築堤捍海聖田數十餘畝			
行充以所感之力也			
聚沙菴	在鎮海寺西即邊公		

茶山靜室	朝陽庵	在善薩頂之麓萬曆五年間內	
故名鳳	臣明鳳	祝髮於此以鳳號朝陽	
家能克	纂其緒	堅真玄孫如樂皆內臣出	
顯曰瑞	慧濟庵	在善薩頂右僧圓慧建	
題額曰	實圓覺庵	僧如月建如吉祥庵	以僧明潭
月舍空	方廣庵	僧如月建如琉璃庵	在茶山後
靜於此	淨真觀音庵	僧如月建如湧泉庵	在茶山
法喜庵	僧如月建如湧泉庵	僧如月建如湧泉庵	在茶山
國石建	崇德庵	僧如月建如湧泉庵	在茶山
普陀山志卷上			
嚴庵	僧如月建如湧泉庵	僧如月建如湧泉庵	在茶山
雲圓應庵	僧如月建如湧泉庵	僧如月建如湧泉庵	在茶山
千步沙靜室			
禪那庵	在千步沙上僧如月建如湧泉庵	僧如月建如湧泉庵	在茶山
所居之	慧日庵	僧如月建如湧泉庵	在茶山
真泉建	於二十八年讓僧真定守馬泉		
復結茅	於二十八年讓僧真定守馬泉		
楊枝庵	建紹興間僧如月建如湧泉庵	僧如月建如湧泉庵	在茶山
燈智度庵	僧如月建如湧泉庵	僧如月建如湧泉庵	在茶山

<p>曰隱秀</p> <p>造內官張隨酬僧勤勞建庵修靜題額</p> <p>隱秀庵<small>在短姑道頭山上僧如秀全徒</small></p>	<p>題額<small>護法正神定海縣知縣顧宗孟題</small></p> <p>維持正教</p> <p>顯聖庵<small>都督裴三</small></p> <p>三元殿<small>頭</small></p>	<p>韋馱寶殿<small>在禪堂嶺下僧海谷建侍御</small></p> <p>題額<small>護法正神定海縣知縣顧宗孟題</small></p> <p>維持正教</p> <p>顯聖庵<small>都督裴三</small></p> <p>三元殿<small>頭</small></p>	<p>淨土庵<small>在揭飯舉道頭至潮音洞衝要</small></p> <p>建都督何斌臣積善庵<small>在千步沙僧</small></p> <p>題真如妙境</p>	<p>時鶴庵<small>在茶山僧性了建都</small></p> <p>淨土庵<small>在揭飯舉道頭至潮音洞衝要</small></p> <p>建都督何斌臣積善庵<small>在千步沙僧</small></p> <p>題真如妙境</p>	<p>經鎮都督楊宗紫題額曰奇龍古蹟</p> <p>雲籬有菴宇顏廢住持如迴捐資重和</p> <p>題曰天香睡瑞</p> <p>梅福庵<small>在梅鴻係梅</small></p>	<p>鎮守都督楊宗紫</p> <p>梅福庵<small>在梅鴻係梅</small></p> <p>題曰天香睡瑞</p> <p>雲籬有菴宇顏廢住持如迴捐資重和</p>	<p>僧如曜創建中表白永大士</p> <p>白華庵<small>前欽依安海</small></p> <p>題曰海上奇觀</p>	<p>史部侍郎周應賓</p> <p>白華庵<small>前欽依安海</small></p> <p>題曰海上奇觀</p>	<p>育恩院<small>在寺西二里許提鎮楊宗紫捐</small></p> <p>佛馬建屬寺僧性能守靜於此</p> <p>題曰海上奇觀</p>	<p>西資庵<small>乾建周應賓題</small></p> <p>金剛庵<small>僧性</small></p> <p>題曰海上奇觀</p>	<p>清鎮庵<small>在金山僧性建</small></p> <p>汰華庵<small>在茶山僧</small></p> <p>題曰海上奇觀</p>	<p>良大慈庵<small>在西天門側</small></p> <p>靈芝庵<small>僧明經</small></p> <p>題曰海上奇觀</p>
---	--	--	---	---	---	--	---	---	---	---	---	--

規制

說者多言閭架微瑣夏世室以下考工  
記何稱焉夫梵宇靡常

綸音特重要使煩而有體大而可久庶所  
謂得當報者量功鳩材不愆于數夫誰  
非執掌其略之也志規制

寺基面闊七十八丈

進深五十三丈二尺

普陀山志卷二

西

山門面闊二十八丈八尺

山門三間九架面闊五丈六尺

進深四丈 明間闊二丈

左右稍間各闊一丈八尺

高二丈五尺 甬道進深四丈

天王殿五間十一架

面闊九丈二尺

進深六丈六尺 明間闊二丈五尺

左右次間各闊一丈八尺

左右稍間各闊一丈八尺 高三丈

八尺 甬道月臺共進深九丈

圓通大殿七間十五架面闊一十四丈

進深八丈八尺 明間闊二丈八尺

左右次間各闊二丈四尺

左右稍間各闊二丈

左右次稍間各闊一丈五尺

普陀山志卷二

五

高五丈八尺 甬道四丈

藏經寶殿五間十三架面闊九丈二尺

進深六丈八尺 明間闊二丈

左右次間各闊二丈

左右稍間各闊一丈六尺

高三丈八尺 甬道儀門共五丈

景命殿五間九架面闊九丈

進深五丈 明間闊二丈

左右次間各闊一丈八尺  
左右稍間各闊一丈六尺

高二丈八尺

伽藍祖師彌勒地藏四配殿每殿三間

九架各面闊五丈六尺 進深四丈

明間闊二丈 左右稍間各闊一丈

八尺 高二丈四尺

配殿廊房左右各二十五間七架

廊房每間闊一丈四尺 進深三丈六

尺 高二丈

天王殿左右廊房各七間七架每間闊

一丈四尺 進深三丈六尺 高二

丈四尺

藏經殿左右廊房各七間七架每間闊

一丈四尺 進深三丈六尺 高二

丈四尺

景命殿左右廂房各三間九架每間闊

一丈一尺 進深三丈六尺 高二

丈四尺

景命殿左右羣房各十間七架每間闊

一丈一尺 進深三丈六尺 高二

丈四尺

儀門前左右廊房各三間七架每間闊

一丈 進深三丈六尺 高二丈四

尺

儀門內露頂左右各一間七架每間闊

一丈 進深三丈六尺 高一丈八

尺

鐘鼓樓二座明間闊一丈五尺

左右間各闊一丈 高三丈八尺

週圍各三丈

東西隙地各二十五丈



建置

寺雖代不乏廢興抑入我

明惟於焚何亟也洪嘉猶制勝之全不圖  
復有今日兩宮三殿之遙同異哉惟是  
水府無恙鐵蓮長開亦千萬年鞏固之  
一奇也志建置

梁貞明二年日本僧慧諤得觀音相於五

臺山將迎歸本國舟觸新螺礁蓮花當

普陀山志卷二

十八

洋舟蔽不前諤禱曰使我國衆生無緣  
見佛當從何所建立精藍有頃舟向潮  
音洞泊焉有居民張氏目覩斯異遂捨  
所居築室奉之號爲不肯去觀音院

宋元豐三年內殿承旨王舜封使三韓過  
潮音洞黑風驟起有大龜負舟危甚望  
山作禮觀音現相龜沒舟行得無恙歸  
上其事改建賜額寶陀觀音寺置田積

糧許歲度僧供奉香火

紹興元年真歇了禪師泛海結庵于山  
椒題曰海岸孤絕處郡請于朝易律爲  
禪寺三年風雨殿摧住山德韶言于朝  
賜錢萬緡脩飾七年殿成御書圓通寶  
殿大士橋以賜德韶初龍章閣藏之

淳祐八年制帥顏頤仲禱雨有感施錢  
二萬米五十石建長生庫接待莊

普陀山志卷三

十九

元大德四年春命李鐵木兒不花魏也先

治演法堂

元統元年宣讓王施鈔千錠建太子塔  
于寶陀寺南

至元十年住持如智建接待寺于沈家  
門側以爲朝山往來居停之所

國朝洪武二十年信國公湯和徙居民入  
內地焚其殿宇供瑞相於郡東棲心寺

僅留鐵瓦殿一所使僧守焉

正德十年僧淡齋于潮音洞南建正殿五間方丈二十間

嘉靖六年河南輝府施琉璃瓦三萬磚

一萬修飭三十二年東倭入犯總督胡

宗憲遷其殿宇于定海縣東城外之招

寶山迎大士像供馬餘舍盡焚

隆慶六年五臺僧真松來山稍為修復

普陀山志卷二

萬曆六年僧真表創天王殿雲會堂十

四年建藏經殿奉

聖母頌賜藏經立靜室五十三處以應五

十三叅十五年總兵官侯繼高建碑亭

三座二十六年火金石盡燬惟大士寶

軀儼然獨存而關真君鬚髯不為烈焰

所壞是時四方善信益加敬仰施捨木

石一朝畢集而當事者禁不得復創鄉

縉紳力為之請始建藏經殿俾僧守奉

如初二十七年

上頒藏經到山寺殿藏隘不堪安奉內使

以一

間三十年

上發帑金一千兩遣太監張隨更建藏殿

三十一年五月督撫尹應元視師海上

建渡海紀事碑亭七月張隨令西域僧

普陀山志卷二

本陀難陀建普同塔于龍灣三十三年

正月

上復發帑金二千兩仍遣張隨重建圓通

等殿

賜額為護國永壽普陀禪寺三十五年正月

上復發帑金一千兩遣御馬監太監党禮

建

御製碑亭

靈異

攝大道以歸虛空虛空有何靈異迺大靈異出焉此凡情所執而聖解不即但自心無礙則非無非有平常靈異也靈異平常也勝妙弘通不可思議矣志靈異

唐文宗嗜蛤蜊東南沿海頻年入貢民不勝苦一日御饌蛤蜊有擘不開者扣之乃

普陀山志卷上

五

張中有觀音梵相文宗愕然命貯以鉢金檀香盒後問惟正禪師師曰物無虛應乃啓陛下信心以節用愛人耳因詔天下寺院各立觀音像則洛伽所從來矣○大中元年有梵僧來潮音洞前燔十指指盡親見大士說法授以七寶石○梁日本僧慧鐸從五臺山得菩薩像將還國舟抵礁石不能動望潮音洞默叩遂得達岸乃以像

舍于洞側張氏爲築院奉之屢睹神異郡

聞之迎其像入城爲民祈福未幾有僧至

補陀復求嘉木局戶刻像彌月像成而僧

不知所在後像偶亡一指忽波間浮花至

視之廼所亡像指也○宋元豐三年謁者

王舜封使三韓遇風濤大龜負舟顛危且

甚舜封惶怖望洞致禱忽睹金色晃耀現

滿月相珠璣燦然出自巖洞龜沒舟行○

普陀山志卷上

五

崇寧間戶部侍郎劉達給事中吳拭使高

麗還經四晝夜月黑雲翳海面冥蒙不知

向所舟師大怖遙叩寶陀俄神光滿海如

晝歷見招寶山遂得登岸○給事中黃龜

年禮洞親見紫金自在相朗然坐石上偕

遊老稚俱見備作贊頌○紹興戊辰三月

望史越王浩以餘姚尉攝昌國鹽盤偕都

陽程休甫詣潮音洞寂無所睹炷香烹茶

盞浮花瑞脯時再至一僧指曰巖頂有竇  
可以下瞰扳援而上瞻顧之際瑞相忽現  
金色照耀眉目瞭然二人所見不異惟浩  
更觀雙齒潔白如玉將暮有一長僧來訪  
云公將自某官歷清要爲太師又云公是  
一箇好結果的文潞公他時作宰相官家  
要用兵切湏力諫二十年後當與公相見  
于越遂辭去送之出門不知所在乾道戊

普陀山志卷二

壬午

子以故相鎮越一夕報有道人稱養素先  
生舊與丞相接熟典客不肯通刺疾呼入  
謁亟命延之貌瘁神清談論風起索紙數  
幅大書云黑頭潞相重添萬里之風光碧  
眼胡僧曾共一宵之清話擲筆不揖而行  
公大駭遍覓不見追憶補陀之故始悟長  
僧及此道人皆大士現身也○孝宗隆興  
元年七月御選德殿夢遊補陀得異兆遂

製觀音贊曰猗歟大士本自圓通示有言  
說爲世之宗明昭無二等觀以慈隨感即  
應妙不可思迺頌刻殿庭○淳祐連歲苦  
旱制帥顏頤仲禱雨洞中大士并童子喜  
悅出迎自是隨求輒應○元大德五年集  
賢學士張達山奉旨祝釐潮音洞見大士  
相彷彿在洞壁次至善財洞童子候現頂  
上瑞靄中大士再現寶冠瓔珞手執楊枝

普陀山志卷二

壬午

碧玻璃碗護法大神衛翊其前夕之如風  
中烟漸向銷沒但祥光滿洞如靄霞映月  
見數尊小佛作禮慰快○致和元年戊辰  
四月御史中丞曹立承命降香至洞求現  
忽見白衣相瓔珞被體次及善財洞童子  
螺髻素服合掌如生適以候潮再叩再現  
而善財洞大士亦在童子鞠躬眉目如畫  
七寶瓔珞明窓下數羣從悉見○初宋倭

奴入貢船泊補陀洋見觀音靈異欲載之國臨行風浪大作滿洋開鐵蓮花船不能行倭懼而還之故名蓮花洋至中官王貴等奉旨齋捧華幡寶香詣山竊自意汪洋巨浸中大士安在皆人自敬信耳未必有神也方解維滿海復生鐵蓮花風濤涵湧舟不能前從人望山號呼叩頭流血風浪始平輒有白牛隔山浮至盡食其花舟遂可移已而牛返水際化一白石如牛至今存焉故蓮花洋亦名石牛港後元至元十三年丞相伯顏定江南部帥哈喇歹來謁洞下窺無所見迺張弓引矢射洞而回及登海舟滿洋復生蓮花遂驚異悔謝徐見白衣大士并童子像○有嫂姑到山將及岸姑適月來止舟中嫂獨往俄有媼到舟以裙兜石砌步引姑上殿嫂下失姑所在

後姑下詢是媼引復同姑覓之宮殿俱無始悟媼即大士也遂名短姑道頭石砌衝激不壞近時有哨過洋舟空壓泛偶一舟載此道頭石不能行悟還本處舟遂移石砌如舊又有七寶階相傳大士欲從舟山築海堤過寺爲凡衆所衝遂止至今泥趾不壞亦道頭類也○國朝自洪武初徙海上居民而靈異見少矣然湯公和舟至沈家門猶見浮一金鉢孟也所傳聞一二若永樂二十一年十月十九日潮音洞現白衣大士龍王龍女長者大權從之辰巳時現開長眼而帶煩惱午時現紫色身面壁酉時善財巖外現白衣金冠菩薩坐紅日中鞞駄天日下立羅漢海上步雲而來二十日卯時洞內又現紫金身宣德二年四月現閻羅天子玉女一雙隨之正統二年

二月十九日夜現寶珠放大光明迨萬曆  
頒藏以來陰功隱佑未易枚舉據文獻所  
稱威靈之顯赫者萬曆十四年有杭州僧  
天然居補陀其母持齋奉佛嘗募金錢盡  
致補陀一日化得菩薩像頸金鑄以授天  
然天然見金頸心動謀諸工人剥其頸金  
工立死他日母來自海上將及山天然已  
先知矣遂高聲詈罵曰吾冤家害我者至  
矣見即批其母頰取刀自裂其頸遠山數  
百颺言曰汝輩莫我若若我地獄在眼前  
矣遂死至萬曆庚寅十月寺僧有相訟者  
郡丞龍德孚自詣補陀鞠之取法華經燬  
之令僧跨跨畢丞至後殿拜禮如來甫下  
拜覺兩髀病軟兩人掖之以拜遍體發熱  
急扶入胸結如石楚不可忍漸至昏憤見  
有人若伽藍者傳佛旨罰作三石牛齋官

蓋冥官也丞力求懺悔願齋戒終身以自  
贖僧亦為之誦經禮懺久之始得兆許懺  
悔是時不粒不瞬者十日矣若俗傳幻妄  
所多不具載

頒賜

聚山谷米不足當太倉一粒披沙海金  
不足當內帑一鉅禮有錫命之文誠榮  
之也寶陀之錫舊矣滄桑灰燼遺文足  
徵通年官府共

頒財法並施山靈實馮藉之今殊數具在  
亦功德林也志

頒賜

普陀山志卷一

宋嘉定間賜修圓通殿錢萬緡賜御書圓  
通寶殿及大士橋額賜宸翰并金襴衣  
銀鉢碼碯珠松鹿錦旂

淳祐八年詔免本山租役

元大德三年賜新殿宇金百兩四年賜絲  
旂緡香及帑錢二十緡賜割浙省官田  
二千畝昌國常住田五百六十七畝山  
一千六百七畝供僧勅于正五九月諷

誦祈禱

皇慶二年賜主僧袈裟及十方僧飯勅  
浙省賜鈔八百六十八錠買給佛燈田

三項

泰定四年賜飯僧鈔千錠僧衣一百八  
件供聖黃金織文旂及金絲綺帛賜供  
營繕田二頃二十六畝

致和元年賜香幣及鈔百錠

普陀山志卷二

元統二年宣讓王施建塔鈔千錠

皇明萬曆十四年三月

勅賜

聖母慈聖宣文明肅皇太后刊印續入藏

經四十一函并舊刻藏經六百三十七

函 累經繡紉六百七十八張

觀音金像一尊 善財龍女各一尊

金紫袈裟衣一襲

二十七年二月

勅賜大藏經六百七十八函 華嚴經一

部 諸品經二部 鈔金觀音像一尊

三十年四月

賜建藏殿帑金一千兩 飯僧銀一千八

十兩 誦禮觀音經銀三百兩

觀音經一

藏

普陀山志卷二

三十三年正月

勅賜重建殿宇帑金二千兩 修齋銀三

百兩 大紅紵絲四疋 大紅織金昇

降雲龍紵絲十疋 大紅銷金龍幡二

對 五綵金邊供花四朵 每朵銀柄重十五兩

五綵雲龍花瓶二對安供

散施秘藥一十四種 清眩抑火化痰

九四罐 消滯九四罐 通玄九四罐

滋陰養血健脾丸四罐 二聖救苦丸

四罐 秘方化滯丸四罐 八寶捲雲

二百管 紫金錠三百錠 瘡酥錠一

百錠 觀音救苦錠五百錠 膏藥一

萬貼 愈風延壽丹二千圓 神仙硃

砂丸二千圓 神仙化痰丸四罐 咬

咀飲片七十五味

賜金剛般若經一藏 觀音普門品經一

普陀山志卷二

藏

聖母慈聖皇太后賜建寺銀三千兩

三十五年正月

賜帑金一千兩建

御製重建寺文碑并謝土道場

三十七年十一月

賜帑金一千兩延僧檢閱藏經三年

五綵織金龍段四十疋製蜈蚣日月長



旛懸掛并閱藏經袂桌衣

三十九年正月

賜帑金一千兩祝釐飯僧

晉陀山志卷二

三

命使

自佛骨遣迎而瞿曇之門漸煩命使况  
嶽瀆之顯靈者乎葺爾完宇以裡明祀  
蓋亦有攝行望秩之意焉殊非徐市輩  
可共道也志命使

宋王貴

內侍乾德丁卯遣齋香旛詣山

元李英

內侍大德二年中宮命降香修宇

李羅

宿衛三年奉旨降香賜金

晉陀山志卷二

三

魏也

四年奉旨飯僧轉經五年再奉

太出

四年五年俱與魏也先同使

李鐵木兒

不花五年與太出魏也先同使

張蓬山

集賢學士五年奉旨祝釐

法華奴

皇慶二年皇太后遣飯僧降香

帖閣

中正同知泰定四年中宮遣賜金

曹立

御史中丞致和元年奉旨降香幣

皇明

張本 內官監太監萬曆十四年奉

旨齋送藏經

孟廷安 御用監太監十四年與張本同

趙永 漢經廠掌壇御馬監太監二十七年

旨齋送藏經

曹奉 御馬監太監與趙永同差

張隨 御用監太監三十年四月奉

旨齋送藏經殿三十三年正月再奉  
旨齋送藏經殿三十三年正月再奉  
旨齋送藏經殿三十三年正月再奉

旨齋送藏經殿三十三年正月再奉  
旨齋送藏經殿三十三年正月再奉  
旨齋送藏經殿三十三年正月再奉

旨齋送藏經殿三十三年正月再奉  
旨齋送藏經殿三十三年正月再奉  
旨齋送藏經殿三十三年正月再奉

旨齋送藏經殿三十三年正月再奉  
旨齋送藏經殿三十三年正月再奉  
旨齋送藏經殿三十三年正月再奉

旨齋送藏經殿三十三年正月再奉  
旨齋送藏經殿三十三年正月再奉  
旨齋送藏經殿三十三年正月再奉

旨齋送藏經殿三十三年正月再奉  
旨齋送藏經殿三十三年正月再奉  
旨齋送藏經殿三十三年正月再奉

旨齋送藏經殿三十三年正月再奉  
旨齋送藏經殿三十三年正月再奉  
旨齋送藏經殿三十三年正月再奉

旨齋送藏經殿三十三年正月再奉  
旨齋送藏經殿三十三年正月再奉  
旨齋送藏經殿三十三年正月再奉

旨齋送藏經殿三十三年正月再奉  
旨齋送藏經殿三十三年正月再奉  
旨齋送藏經殿三十三年正月再奉

清淨佛地者皆隨力也三十五年五月  
工竣復命聖心嘉悅賜王帶歲祿  
欽遣到山飯僧三十七年十一月復奉  
旨到山啟建酬答佛恩保祐

聖體萬萬安道場齋施合山僧眾

王臣 內官監太監三十年與張隨同差

党禮 御馬監太監三十三年九月奉

旨齋送諸品經藏三十五年正月奉  
旨齋送諸品經藏三十五年正月奉  
旨齋送諸品經藏三十五年正月奉

張然 御馬監太監三十三年十月奉

旨齋送藏經下杭州昭慶寺及降香幣詣  
旨齋送藏經下杭州昭慶寺及降香幣詣  
旨齋送藏經下杭州昭慶寺及降香幣詣

旨齋送藏經下杭州昭慶寺及降香幣詣  
旨齋送藏經下杭州昭慶寺及降香幣詣  
旨齋送藏經下杭州昭慶寺及降香幣詣

旨齋送藏經下杭州昭慶寺及降香幣詣  
旨齋送藏經下杭州昭慶寺及降香幣詣  
旨齋送藏經下杭州昭慶寺及降香幣詣

旨齋送藏經下杭州昭慶寺及降香幣詣  
旨齋送藏經下杭州昭慶寺及降香幣詣  
旨齋送藏經下杭州昭慶寺及降香幣詣

旨齋送藏經下杭州昭慶寺及降香幣詣  
旨齋送藏經下杭州昭慶寺及降香幣詣  
旨齋送藏經下杭州昭慶寺及降香幣詣

旨齋送藏經下杭州昭慶寺及降香幣詣  
旨齋送藏經下杭州昭慶寺及降香幣詣  
旨齋送藏經下杭州昭慶寺及降香幣詣

旨齋送藏經下杭州昭慶寺及降香幣詣  
旨齋送藏經下杭州昭慶寺及降香幣詣  
旨齋送藏經下杭州昭慶寺及降香幣詣

旨齋送藏經下杭州昭慶寺及降香幣詣  
旨齋送藏經下杭州昭慶寺及降香幣詣  
旨齋送藏經下杭州昭慶寺及降香幣詣

釋子仙附

洛伽山千二百菩薩所住蓋開權以示

皈依總持無可少者非有道曷堪此自

梁惠鏐後大者興建小者接待統之皆

應機也今併泝而錄之儻亦求名佛之

旨乎志釋子

梁惠鏐日本僧首創觀音院

宋清了庵山真歇自長蘆南游泮海至此結

普陀山志卷上

德韶山嘉定間以佛照禪師法嗣來主是

元如智餘至元間捐衣鉢如律大德間修聖

命翰林賜田二十項之

皇明行丕應字大基鄭人宗說兼通行解相

淡齋正德十年住持其徒大揚州小楊

磚一萬構道誠字普賢徽州人洛以戒師

殿潮音洞甚衆年七十有三預報示寂

有偶云普賢普賢普賢普賢普賢普賢普賢

西方圓錦十六年住持真智字法先

嘉靖三十四年增字望雲奉化人嘉真松

來寺自五臺持龍真表字一乘翁洲人年十

樹壯誓志典復重創殿宇規模一新萬

曆六年禮部給與金環紫架香金五

頌藏經恩賜并賜金環紫架香金五

關潮衣禪帽各賜一件而還其爲人

直敬禮十方賢初結草庵五十三處以

山頤名僧皆歸之表贊揚之客僧也真語

種部給西興陵人皆贊揚之客僧也真語

寧字雲峯仁和人二十六年如迴字寂菴

於萬松學爲師長受戒於金山和蘭聽法

三載松學爲師長受戒於金山和蘭聽法

勅造居使絡繹朝夕持值

持居東方文又明年春布政司給授冠

九月二十五日進謝恩表章一道十月

真遇字普光翁龍藏領衆祝延司右善

真遇字普光翁龍藏領衆祝延司右善



元王天助	晉葛僊翁	漢梅福	秦安期	高道	寺都	寺性賢	寺監	寺人	寺金	若僧	關持	字三	年自	萬曆	淨業	持後	三如	鎮海寺
應字致和	有字稚川	字子真	成字桃	避秦亂	字樂庵	字樂庵	字如珂	字如珂	字如珂	字如珂	字如珂	字如珂	字如珂	字如珂	字如珂	字如珂	字如珂	字如珂
開致和	有字稚川	字子真	成字桃	避秦亂	字樂庵	字樂庵	字如珂	字如珂	字如珂	字如珂	字如珂	字如珂	字如珂	字如珂	字如珂	字如珂	字如珂	字如珂
於朝賜	有字稚川	字子真	成字桃	避秦亂	字樂庵	字樂庵	字如珂	字如珂	字如珂	字如珂	字如珂	字如珂	字如珂	字如珂	字如珂	字如珂	字如珂	字如珂
號太虛	有字稚川	字子真	成字桃	避秦亂	字樂庵	字樂庵	字如珂	字如珂	字如珂	字如珂	字如珂	字如珂	字如珂	字如珂	字如珂	字如珂	字如珂	字如珂
玄靜	有字稚川	字子真	成字桃	避秦亂	字樂庵	字樂庵	字如珂	字如珂	字如珂	字如珂	字如珂	字如珂	字如珂	字如珂	字如珂	字如珂	字如珂	字如珂
志人	有字稚川	字子真	成字桃	避秦亂	字樂庵	字樂庵	字如珂	字如珂	字如珂	字如珂	字如珂	字如珂	字如珂	字如珂	字如珂	字如珂	字如珂	字如珂

婆羅	柏	木	菜	冬瓜	月胡	荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻
王從	棕櫚	有松	生海	茄	蘿蔔	荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻
寺分	水楊	栢梓	鬼頭	扁豆	白蘿蔔	荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻
植羅	茶	梧桐	芋	帶豆	王瓜	荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻
漢松	木犀	柳	得形	葫蘆	絲瓜	荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻
枇杷	榆	槐	名似	紫		荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻
椿			番蒂			荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻
			本種			荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻
			味甚			荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻	荳蔻

果有梅 桃 蓮 藕 橘 柑 橙

白棗 地栗 蕨 密橘

竹有紫竹 烏竹 貓竹 淡竹 龍鬚

竹 箭竹 筋竹 鳳尾竹 南竹

花有白花 春月遍開甚香山之 水僊 亦通

香異常移種外 紫蓀葵 萱花 玉簪

金盞 雞冠 虎刺 鳳僊 荷

芙蓉 丹桂 木槿 山丹 石菊

善陀山志卷二

山茶 樹高數丈丹葩 芋麻 西番菊

白瑞香 薺荷

藥有天門冬 半夏 百合 沙參 天

南星 何首烏 木賊草 山柰 艾

蔓荊子 風藤 玄參

鳥有頻迦 上下和鳴 鸚鵡 低飛 鸚鵡 武鳥偶現

鸚鵡 山鵲 靈鵲 二月十九 青雀

紫燕 烏鴉 聚即香客至 海鷗 黃鸝

百舌 鵲鴝 鷹 白頭公

獸有鹿 麂 野貓 狻 狸

魚有鯉 鯽 鰻 鱔 螺 以上皆督造

池 蝦

龜有綠毛龜 通蓮花池皆是其

蛇有烏樸蛇 大如 金色蛇 白蛇 以上皆通

並不傷人

善陀山志卷二

四十五



普陀山志卷三

藝文

庠生

周應賓  
章載

夫制作之林大抵珍藏名山然亦有  
揭之通道大都者洛伽經藏所多墨  
客之形容亦殫矣標付殺青將令南  
詢者傳觀焉不惟衰草寒烟之嘆

藝文

普陀山志卷三

雜著

觀音大士讚有序

唐王勃

蓋聞圓通大士乃號觀音接物利生隨  
應現向乾坤東畔娑竭海中雲濤涌金  
色之山聖閣起琉璃之界巍巍寶座凝  
然居自在之身蕩蕩慈容皎若現白  
衣之相身挂雲羅素服藕絲織而色  
映寒霜體嚴瓊瑤

珞同心衣縷盤而麗晶皓雪翠迎仙島五  
雲之寶蓋玲瓏艷遊摩尼百寶之華冠  
赤奕眉橫纖黛如海門之秋月初彎目  
紺重瞳似水而之青蓮乍秀齒排珂玉  
舌瑩紫檀丹珠一點艷頻婆兩臉朦朧  
勻琥珀向靜綠波上圓相舒而有金毫  
玉毫虛白光中勝境現而有佛界仙界  
於是雲雷吐辯宣諸佛祕密之金言釋  
梵雨華歎聖德希奇之妙事獻寶号有  
龍王龍女奏樂号有天仙地仙向孤絕  
迥處作津梁於浩渺波中拔急難尋聲  
救苦赴感隨緣如萬水之印孤蟾似洪  
鐘之應千谷是以經云王法賊盜水火  
漂焚惡龍惡鬼毒藥毒蛇或被軍陣或  
值雷霆若能仰告觀音應時即得解脫  
菩薩有不思議之弘愿無盡意之神

通悲心誓救於娑婆遺教遍臨於穢土誠  
少用塵周剎普應普觀無遐無邇盡歸依  
有願有求皆赴感河沙功德億劫難量遙  
望洛伽之山稽首聊申歌讚

南海海深幽絕處碧紺嵯峨連水府號名  
七寶洛伽山自在觀音於彼住寶陀隨意  
金蘊載雲現兜羅銀世界衆玉裝成七寶  
臺真珠砌就千華蓋足下祥雲五色捧頂

普陀山志卷三

三

上飛仙歌萬種頻伽孔雀盡來朝諸海龍  
王齊獻供寶冠晃耀圓光列纓絡遍身明  
皎潔臉如水而瑞蓮芳眉似天邊秋夜月  
繡衣金縷披霞袂縹緲素服褊袒臂玳瑁  
珂珮響珊珊雲羅綬帶真珠綴紅纖十指  
凝酥膩青蓮兩目秋波細咽頸如同玉碾  
成羅紋黛染青山翠朱唇艷齒排玉珂端  
坐昂昂劫幾何化身百億度衆生發願沙

河救鼻阿我慚我愧無由到達望觀音悲  
讚歌大聖大悲垂愍念願舒金手頂中摩  
觀音滿願真言曰唵阿嚩力迦娑婆訶

留題寶陀禪寺碑偈有序

宋史浩太師

紹興戊辰三月望鄱陽程休甫四明史浩  
由沈家門泛舟遇風挂席俄頃至此翌早  
恭詣潮音洞頂禮觀音大士至則寂無所

普陀山志卷三

四

親炷香烹茶但椀而浮花而已歸寺食訖  
與長老瀾公論文殊揀圓通童子入法界  
事脯時再至洞下俯伏苔磴凝睇嵌空惟  
亂石纍纍興盡欲返有比丘指曰巖頂有  
寶可以下厓扳援而上瞻顧之際瑞相忽  
現金色照耀眉目瞭然二人所見不異惟  
浩更觀雙齒潔白如玉於是咸懷慶快作  
禮而退既而治舟還甬東懼此語無傳用



書于壁庶幾來者觀此無疲厭心不以一  
至不見而遂已也廼作偈曰

稽首寶陀山觀音大菩薩三十二妙應垂  
福于天慧日廓圓明微隱無不照我等  
白宿植於菩薩有緣曩書一毫端菩薩悉  
能鑒今茲一何幸聯橋來寶山極景得惠  
風滄海如鑒淨朝發東秦岸須臾達蓬宮  
僧飯洗鉢時相與瞻遠嶠石橋跨巨浪側

普陀山志卷三

五

足毛骨寒自念塵全身得伴清淨侶同聲  
諷密語復念我師名注目謁慈光忽觀紫  
金相崆峒石窟上宴坐自在容雲霧不蔽  
虧跪禮得良久偕來無老稚咸識應現尊  
讚歎且忻歡得所未曾有我念現前衆中  
多大福人夕親近我師所禱如響應爲我  
懺衆惡遂亦見如來同辦起心香復陳一  
日供倘以昔積善獲此大吉祥願敦未來

因永託如來記浮生如夢幻孰處教生戒  
勑戒多素羞廣闍如來藏分陰實可惜棲  
遲必山林料理般若船長想菩薩岸羣生  
迷苦海拯援使知津共發向上心世世同  
佛會

觀世音菩薩補陀巖示現偈有序

中峯祖師

觀世音菩薩以太虛空爲體以五須彌爲

普陀山志卷三

六

寶髻四大海爲口門日月兩曜爲眼光森  
羅萬衆爲垂身瓔珞一切衆生於其毛孔  
裏出生入死由是菩薩以此興大悲心發  
無上願施十四無畏現三十二身上合諸  
佛慈心下應衆生悲仰無端被吾兩浙運  
使琴軒瞿公向小白華巖偷眼一看直得  
無地藏身文彩彌露乃援毫引墨盡意發  
揮時有梅山喜公奮辭舞筆作爲長篇揭

露殆盡而海粟待制以雄才豪辯向無所  
見處議論風生筆舌雷動但末後一句留  
以遺幻住子同爲證明乃爲說偈以收之  
偈曰

妙圓通體超諸礙包裹色空含法界見與  
不見二俱離始識大悲觀自在琴軒居士  
佛眼通白華巖畔追靈蹤狹路相逢避不  
及似鏡照鏡空合空引墨援毫書所見揭

普陀山志卷三

七

破浮雲呈日面盡十方空一普門妙相塵  
塵俱露現梅花山裏老禪翁滄海一粟夫  
子馮浩浩春雷鼓筆舌巨篇長偈真豪雄  
俾我重圓末後句口縫未開先吐露若以  
耳聞非所聞不以耳聞非所據我昔曾遊  
碧海東海王抱日扶桑紅怒浪搖金光閃  
爍照開朶朶青芙蓉無位真人潛洞府洞  
裏潮音喧萬鼓珊瑚樹頭月徘徊水晶簾

外蛟龍舞波神拔劍驅長鯨吞空浪雪粘  
青冥微出龍堂珠萬斛寶光射透瑠璃屏  
法身驚入一毛孔一毛空裏波濤涌爾時  
大士失却磐陀石上吉祥草與薝蔔華但  
見土烟翠霧埋雙踵有眼共見耳共聞妙  
圓通體鐵渾淪最初末後句非句萬里潮  
聲撼海門

磐陀石觀日賦

普陀山志卷三

吳萊

粵東游於海徼兮得偉觀於陽阿登磐陀  
之體石兮路畏縈而巍哉天雞號而夜半  
兮曠欲出于重波恍玄幕之垂黑兮憎火  
輪之盪摩緬羲和之有御兮扶木燁其將  
華渺暘谷之不可以里兮屆高春其幾何  
嗟世寰之安在兮尚昧冥而未旦觀帝車  
之斜迤兮耿星宿于霄漢漸島嶼之奮鮮

兮益森茫而瀰漫恐闌闌之猶爾夢穿兮  
類蟄虫之惛亂明乾極之牽掣兮儼機軸  
之翕張固陰泉之歛烟兮煥燐燐之奮颺  
燁跋鳥之燿燿燦爛兮渴啄解羽藐以  
矜或有燭龍之燬炳燄豈兮熾額爛目頰  
其方驥懸矯鏡之熒灼炭熇兮鮫人泉客  
副濯有光振頰鼓之焱燼炫輝兮北若辟  
壘嶽嶙前行指彩虹之抱戴珥璫兮瑾錯  
燿燿繆綢適皇想朱鳥之次舍軌度兮豁  
達蘭轡訶閭耀銍乘寒澇潮水之偵倒推  
濤兮散曉赧霞氣之轆轤彩章乃飛騰于  
寥廓兮竟瞑眩於混茫繫高抗乎氛曠兮  
僅啓明之獨爍歛遠麾之廣燭兮遽羣動  
之盡躍川后潛精而窟藏兮海童覲耀以  
青燿蛟鼉揚鬚撥鬣以悠漾兮鴻鶴刷毛  
挾翅而陵薄恭瑯琊之躋臺兮泐鯨山而

畫其燠也間羅浮之矚井兮混蜃穴而夜  
其燠也迅夸娥之杖策兮懼追逐而莫之  
跳連也怒魯陽之揮戈兮恠盤礴之弗吾  
規覆也惟圭臬之可測兮柰隙駒之焉託  
恒鞠明而究腫兮遂壯凋而老鑠昔聖賢  
之有法兮寔蓋渾之同天矧鍊石而凝質  
兮復斷鰲而鎮淵將渤澥之鑿竈兮淪谷  
底而迭燃抑崑崙之嶮峙兮繞巖腹而互  
旋豈文身黑齒之俯邇所出兮貫裸壤以  
相連或淹滋濛汜之遠壓所沒兮罄八國  
之窮塹歎嚴冰與鵬雪兮曠古莽之鮮覺  
常眠惕重蒸與疊藝兮燉炎丘之毒瘴靈  
烟諒衆人之懣愜兮持絳蟻之櫟緣偉小  
兒之辯知兮雖睿哲而弗宣彼凡俗之多  
故兮過曙朝而即竟誠旦晝之枯亡兮嚮  
晦昏而暫定紛士學之攘爭兮集農商而

斷迸淫末作以相資芳侈利心之百竅儻  
桑榆之不復滅沒芳盡奪時而力政願鬱  
儀之恒若演漳芳庶保躬而固命器曉簪  
而催闢芳警宵拆而告靜信舉筴而豫知  
芳幸聞鐘而深省何觀瞻之不足芳重徙  
倚以盤桓光已通于一躍芳影奚候于三  
竿逮層溟之畢露芳屹東霍之巖巒念列  
仙之獨徃芳扼羨門於波瀾劃孤嘯而陟  
普陀山志卷三

清淨境亭銘有序

皇明宋濂

金華人翰林學士

補恒洛伽山者在東大洋海梵語補恒洛  
伽華言小白華傳云山有二臂觀音大士  
示現之地其一自西竺歷羅刹鬼國暨諸  
魔土始至其境其一即華嚴大經所說善

財南詢之處蓋今所也山絕起海中周圍  
僅百里滿望冥茫無際翁洲遠山隱隱天  
外如青螺幽閒遼夏不可名狀寶陀禪寺  
在山南去寺三里至潮音洞洞脚插海漲  
順欲飲怒風驅濤進退擊衝作海潮音故  
名洞左佛跡二印石上洞顛通天窓白  
光注其底如月唐大中間梵僧拜洞前燔  
十指禱之指且盡大士為現身說法授以  
七色寶石厥後襲以為常人以誠感輒應  
或現紫金自在相縞衣被體而縹帶貫之  
珠璣紛然懸或現千首千臂像護法大神  
翼衛乎後先可怖可駭稍轉而右為善財  
洞嵌巖中圻窈黑不可測外則峻巖壁立  
泉甦甦滴下如珠名菩薩泉善財時現黛  
日粉面寶蓋華鬘皆明潔可指數從洞折  
而北有石類香爐類天境類佛牙奇其唯

磐陀石上最寬平可坐百人難初號遙見  
扶桑五色光發照東方盡白久之湧出日  
輪赤如火流光燭海波閃爍不定或輕烟  
明霞左右蔽虧愈致妍麗誠奇觀也自石  
折而西有獅子峯形如狻猊作跳躑之勢  
有象巖有佛手峯皆以其形名有三摩地  
嘉木櫛森恠石駢列臥者離立者蹲欲起  
者迎躍似舞者其他勝槩難以數計大

普陀山志卷三

抵山在海岸孤絕處重巒複嶂蒼翠如洗  
紫蓀白葩濯濯滿地山丹樹高數丈絳花  
繞枝鮮澤如珊瑚林黃金沙四布尤璀璨  
眩目可玩海水震盪無雲自雷終日轟轟  
然頻伽之禽縮飛于青空中上下和鳴仿  
佛如稱佛號氣象醜曠絕不類人世登高  
四顧神思飛動若冥身琉璃瓶中一髮塵  
土不得相侵誠霄壤間勝特之境也洪武

庚戌春正月部使者贛州劉君承直與寶  
陀大師行丕抱杖西東遊使者曰此清淨  
境也蓋爲亭大師乃建于寺之南嶺上從  
三十尺衡如之左倚山右入潮音洞云予  
聞從西方過十萬億國名淨土纖穢不存  
以黃金爲地寶樹重重迦陵頻伽能演妙  
法人思至之有不能得豈意東海之區清  
淨之境爲頗近之邪是宜大士顯靈于其

普陀山志卷三

地勒銘亭上并叩知唯心之學者大師字  
大基行丕其名鄞人也宗說無通行解相  
應蔚爲時之名僧初由佛隴昇主是山匡  
衆說法恢復產業而振興乎叢林席者非  
茲之可備載故畧而不書銘曰

大海東涯厥名維瀛并包川洛混合坤經  
綠波四繞龍島中停濯濯綠淨皦皦青瑩  
片滓弗立纖塵不驚如蓮出水類鑒含明

流雲歛翳新旭爭熒金沙布地寶樹森屏  
巨石佛足嵌洞潮聲大士顯瑞梵童揚靈  
仙帶翻縹玄珠垂璣月相穆穆颺馭冷冷  
龍君持戟水伯捧旌衛茲勝持控此高冥  
倬彼開士爰謀建亭莫平匪砥有覺惟楹  
直迦寂廓將齊櫻靈鷹因道寂境逐心清徇  
徺淨國周流覺城敢告來裔庸勒新銘

補陀山觀音偈有序

普陀山志卷三

十一

釋性徹

余洪武十七年孟夏上旬泛海遊山諦觀  
聖境頓見水天一色淨若琉璃萬象森羅  
炳然齊現所觀靈異難以具陳是故踊躍  
歡喜自不知形身在于人間世也信知如  
來說華嚴時入海印三昧豈欺我哉偶于  
洪武乙亥冬夢遊是境與昔無別遂乃焚  
香遙禮輒伸鄙見說偈贊曰

菩薩常居娑竭海慈悲願弘無向背分明  
化境滄海東應現諸方無不在所證三摩  
地那分西與東突出摩醯眼八面虛玲瓏  
海印發輝炳然現懸河四辯明真宗花開  
小白巖天香吹徧界紫竹旃檀盡作林孔  
雀頻伽歌梵唄昔年親曾海上遊靈山倒  
卓波面浮可是圓通真境界白衣妙相乘  
蓮舟四圍縱周覽浩渺難可窮上極通霄  
漢下瞰龍伯宮波光歛灩吐陰火潮音日  
夜號天風雲鋪白銀界地布黃金沙琉璃  
相間錯有若優曇花磐陀上看扶桑日紅  
輪湧現猶天車覽斯妙境非實相普門示  
現如夢想幻出樓臺縹緲間寶網珠光遞  
輝朗聞聲豈是聲見色原非色別是一壺  
天智識誰能測經行宴坐水晶宮受用風  
清與月白十聖及三賢到此應難渡萬派

普陀山志卷三

十六

泗漈任參互潛流密布四神州潤濕羣萌  
為雨露我今親禮贊惟垂遙鑒知併却見  
間知覺掃除語默離微徹底揭翻生死海  
普令頻證佛菩提

吳郡康時萬等捐貲造印妙法蓮華  
經二十四部送南海補陀山寶陀禪  
寺供奉

普陀山志卷三

王世貞太倉人南京  
刑部尚書

妙法蓮華諸經中王我觀世音菩薩中王  
衆善知識合造此經二十四部歸于普陀  
大士道場妙音梵音與海潮音罔晝夜聞  
一切聖凡能轉此經縱看經轉功德大小  
永不唐捐我見是刊故說此言烏王龍王  
修羅波旬皈依護持有毀侵者頭破七分

應制

聖母印施藏經讚有序

申時行吳縣人少師  
大學士

臣等竊聞釋教來自西土興于東漢其  
說主清淨出世帝王所不道然而訓化  
廣大義旨遐深要歸于澄徹心性利濟  
民物是以雖當儒道昌明宇宙淳和之  
際而其道不廢大乘般若以來祖祖相  
承心心相印卷帙益多裒為大藏總持  
禪言武庫莫方其富尊函禁地緇流弗  
覩其全非俟

普陀山志卷三

七

上聖垂仁曷以播宣斯理我  
聖母慈聖宣文明肅皇太后  
德冒人寰

功周法界融最上之真諦懷

大覺之弘慈乃印施茲藏以祝延我

皇上無疆之曆而推其餘以佑

國庇民意甚盛也臣等因得涉獵稍窺

玄微似於儒理亦有相發明者焉謹對  
揚

皇上之休命奉宣

聖母之德意拜手稽首為讚曰

粵惟聖道如日麗天萬有畢照誕被八  
埏亦有釋教如月破闇接引未來超登  
彼岸於皇

聖母毓成

普陀山志卷三

十九

帝德治化丕覃億兆寧一載弘大願永拔  
沉淪外息諸緣內淨六根嘉與衆生永  
臻覺路皈依十方如寐得寤諸佛妙義  
如恒河沙示權顯實會演三車若誦一  
句若說半偈是人功德盡未來際况茲  
大藏建寺延僧成修寶塔造捨金容廣  
施貧苦普赦幽冥功德無等喻如虛空  
續燄分燈灌頂輸露火宅惠涼昏衢錫

炬迷川寶筏如無盡意似功德林廣度  
有情四流六通咸歸正乘微塵國土徧  
蒙佛力一一國土皆

聖母德微塵世劫流布施經一一世劫皆  
聖母齡迺惟本願為

帝祝釐

天子萬壽與天巍巍載惟本願為民祈福  
天子惠民澤施滲漉匪民是庇國祚茂延  
助我聖道日月並懸是滅流行無界無  
盡施者功德亦莫究竟

印法華經歌有序

沈一貫鄭人少傳大學七

龍伯貞雅士也佐余郡有聲然時有入  
道之心焉一日過補陀勘事而疑僧衆  
之不齊也取法華一函焚之駭之超焉  
以徵信夢神人傳佛旨曰奉道毀道罪



當不宥罰作三石牛齋官蓋冥官也伯  
貞頓首祈而山有大智師者亦助之懺  
良久始免已夢告者曰欲償經手用百  
當一于是伯貞就余家印法華百以進  
從此嚮道彌篤矣異哉大士之示靈有  
赫而伯貞之回心速也余欲成其美爲  
贊一辭篇末數言蓋老氏絕棄之謂釋  
子呵罵之談莊生所謂非過孝之言不  
及孝之言也伯貞得無變虎色乎毀道  
有罪戲論亦有罪余烏乎敢君請勿疑  
楚中山川絕天下龍侯稟其最奇者爲吏  
不肯兄龔黃爲文又欲家班馬來官我郡  
近四年手披口決如湧泉細民怙之爲二  
天老吏吐舌不敢前遍搜至人作師友布  
衣窮巷常周旋心好山水幽勝處攀蘿躡  
石栖霞烟當年曾讀叅同契飄飄庶幾試

其事掛壁蒲團代象牀赤脚雙童當家累  
龍侯龍種靈且幻幻出人心最神異郡中  
佛域補陀巖五臺我眉鼎足三靈蹤中廢  
此興復四方趨赴負且擔叢林人多訟事  
起不辭揚帆入海水指揮劈畫具有條鱗  
次綺分端可擬總爲衛佛心太殷欲吸海  
水澆羶輦自藝金函作盟呪羣駘僧衆凌  
烟霧目見千里不見睫手欲渡人先浪涉  
未睹如來騰玉毫已見韋馱按金鈇病中  
忽自繫南冠定裏俄成白骨觀勅遣冥中  
作牛吏誰堪世上爲龍官新從下土不知  
體顧此愚誠良不昧智師助懺懇且哀蜿  
蜿癡龍此時蛻爲余敬乞蓮華百因師工  
贖如山大世人且莫輕癡龍慈恩慧愛於  
君鐘嚴父何曾答路子聖人詎肯呵凡庸  
龍侯生還未是還大還還在蓬池間修士

自能導覺路宗師也不逃深山焚却木人  
乾却海此時歡笑黃金顏

恭遇

皇上奉

聖母勅命賜南海寶陀寺藏經頌

有序

屠隆鄞人禮部主事

夫如來之教勝殘化暴徹蓋導迷以清  
淨為本以觀照為功以漏盡為真諦以

普陀山志卷三

寺

解脫為了義上則入流證聖得以超劫  
越塵下則去垢離嗔賴以懺誓寡過羽  
翼儒教弼助

皇化偉彼功德作我津梁矣然世必賴明

王詰后信奉皈依植慈氏之藩籬為人

天之眼目然後士庶雲涌善信波馳興  
起因緣宣暢教典所關繫証細故哉恭

惟

皇上天縱神聖再來英詰手握乾符躬承

泰運救寧億萬紹隆三五乃於萬機之

暇凝神玄默究心禪宗欲以闡揚三寶

法式九圍遵奉

慈聖皇太后懿旨特頒詔勅印施前後藏

經六百三十七函四十一函到補陀洛

伽山寶陀禪寺僧眾踴躍龍神懽呼東

方臣庶始知泥洹之教果為苦海寶筏

普陀山志卷三

寺

迷途慧炬其在

聖主尚爾尊崇况我庸愚詎敢褻慢大教

興起玄風遐暢化行俗醇德厚刑措於

都哉美矣盛矣草莽臣隆於是 hands 加

額稽首作頌曰

皇帝在宥風翔化溢乘日之車颺霆駛疾

不鞭而馳不教而率翼而助之厥惟能

仁以淨治垢以慈治嗔以真治妄以解

大千

皇德闔鉅與佛齊肩綿曆永祚億萬斯年

補陀觀音大士頌有序

屠隆

夫理有去來宏通之機斯顯位有權實圓明之妙無方觀世音菩薩者古正法明如來也如來實相既已臻無上之尊菩薩應權乃退處大乘之號譬彼國王下攝上將

猶夫宰輔出領監司行教則覽遜其權證道則無改其位何以故蓋如來體尊尊則下土多于敬畏菩薩地近近則衆生易以皈依而觀世音心珠朗耀齊妙覺以證三摩性海澄淙超聲聞以圓四智故善財徧參其妙法來諸聖之欽崇釋迦授記以圓通同文殊之廣化般若義深善得法門無漏仁慈觀熟偏于此土有情揭暗破昏高懸慧炬消災救苦普施津梁通十方三界爲一界毛竅聲響之悉聞合千百億身爲一身痛癢爬搔之必切流轉迷倒無不哀憐蠢動含靈咸所度脫雖捷速之救母不足喻其大悲即恒河之數沙不足酬其弘願人非人等因物而現自在之身離慾離嗔隨念以著靈感之效威音伏衆刀兵水火潛形勝力降魔羅刹鳩般拱手誦白衣

之號則孕嗣充閭望紫竹之林則漂舫及  
岸百戰猛夫睹蓮花洋而魄褫九幽獄鬼  
洒楊枝水而魂甦凡夫苦行薰脩頓叩香  
臺法座居士至心悲仰立見聖相圓光兜  
羅銀界琉璃嵌七寶雕床華蓋金幢瓔珞  
映五雲錦帶西成道于天竺迦毘之種既  
已星奔東顯化于洛伽娑婆之衆益以泉  
涌偏陬陋壤被功德者無涯愚媼村氓奉

普陀山志卷三

三

香火者恐後照深潭潭見月月止一輪  
藝寶鼎鼎鼎皆香香無二性真妙莊嚴無  
復唐捐藏秘密不可思議者矣于是弟子  
敬薰沐和南作頌曰

大哉法王子累劫行薰修想觀既成熟漏  
盡得無礙圓明了一切十方咸照徹刹那  
千手眼或億萬化身恒河沙世界悉歸掌  
輪中大千蟻螻形亦如螻蟻響所有微塵

衆如來悉見聞所見亦非目所聞亦非耳  
由通妙明性而融耳目相隨物皆應現巍  
巍不動尊尋聲救苦難疾于激弩矢誓拔  
度衆生普徧娑婆土乘彼弘願力亡不得  
所須譬如汲海水盡甕盎飢饉咸令滿足  
去大海不減損願苦惱衆生一心歸命禮  
或頌阿哩耶咸稱帝濕伐觀音聆響至拔  
汝出苦海

普陀山志卷三

三

普陀寺募緣疏

屠隆

原夫現在觀世音菩薩即過去正法明  
如來如來是其證果菩薩乃其權位借  
果行因已歷經乎多劫開權顯實爲普  
度乎羣靈首標千二百功德思脩深于  
迈聞獨超二十五圓通入流妙于忘所  
大悲弘願遍恒河界悉作津梁應感隨

緣傳空谷嚮捷于桴鼓維補怛洛伽山  
勝地迺大士說法道場靈潮嘯吼孤懸  
菡萏香臺空水澄鮮別殿瑠璃寶地龍  
部聽經香繞霞衣少女天人護法光生  
電甲長神金燈照夜遙分紫竹于林端  
玉殿千霄下映紅蓮于波面八難三途  
隨呼輒應下寶筏而力拔之苦海四生  
六道有感必通秉慧炬而悉照彼迷方  
普陀山志卷三  
白叟黃童青娥素媼頂如來而繭足皴  
皮拚命鯨鯢之窟辮髮椎髻犂面文身  
捧瓣香而梯山航海皈心龍象之尊茲  
可謂衆生之慈父震旦之樂邦也邇者  
緇素雜處染淨同居清淨比丘力欲薰  
修而紹隆佛法闡提惡種乃敢盤踞而  
壞亂清規是以龍天動威以懲邪伽藍  
揚靈而護法上將登壇朗陵之刀偃月

童真奉道韋馱之杵如霜天然毀佛而  
蒙誅復洩禍幾於如岳龍丞焚經而被  
勘幸賴禱謝於衆師明神之眚嚮累彰  
其柰魔衆之昏迷難悟我如來是用授  
旨金剛力士屏滓穢而掃除假權回祿  
祝融付殿宇于烈焰巢穴一空魔羣之  
盤據自散威靈大赫佛子之懲創益深  
是父母慈嚴之並用大士折攝之微權  
普陀山志卷三  
也殿堂盡燼獨金身瓔珞儼然棟宇俱  
焚惟關聖鬚眉無恙非大法神靈之最  
於昭顯灼者哉宰官目繫心恫業分善  
惡而沙汰闡提魂消神悸亦懼罪業而  
逋逃于是戒行僧真宰如迴等痛道場  
之頽廢慨大法之陵夷願捐糜以報佛  
恩將竭力而興西教適  
皇上遠降鸞章表信心於中使

聖母式頌龍藏將誠意於寶函沐

九重曠蕩之恩洵三寶興隆之會隆竊思

佛法懸於皎日慈光亘古昭明梵宇遍

乎名山天神隨處擁護有如佛法不大

昭明則香花幢蓋之森羅胡以徧億兆

而供奉天神不加擁護則梵王帝釋之

旁列胡以歷萬劫而常然世界本同火

宅非如來之甘露何絲灌灑而清涼惡

業永被牽纏非慈氏之法門何絲放捨

而解脫矧大士乃衆生皈依之父比十

方諸佛爲最親補陀乃大士說法道場

實萬邦善信所共仰殿宇不設則羣生

瞻仰弗尊瞻仰弗尊則凡情向善無路

由斯以談今日之火乃伽藍之警省乎

頑愚非如來之自廢其大法也威靈痛

折之後沙門之懲艾方深叢林燬壞之

普陀山志卷三

三

餘棟宇之鼎新當亟伏念名山道場度

工力既極其浩大則檀波喜捨此功德

亦不比尋常仰惟諸宰官居士善男信

女其力圖之幸甚

普陀山太子塔下藏零牙志有序

傅光宅

聊城人  
御史

嘉靖初年有南峯和尚過山東之靈巖寺

遺一齒請僧轉呪藏之塔下作零牙記詞

意精妙大啓後學余茲來南海留三日去

而爲風濤所阻復返山中是日大病夜深

方愈次日忽蟲食殘牙自落余因法南峯

和尚之旨且答大士攝受之恩亦請僧轉

呪埋於塔下夫佛以四諦轉法輪一法即

萬法無少無多人以四大成色身一體即

全體無二無別且四大惟地大最難壞而

今乃先離之乃無痛苦若四大全離時亦

普陀山志卷三

三

如此無痛苦則於大法思過半矣豈以早晚爲計哉此牙得藏寶地依大士慈光則我身心全體在光中也因爲之偈曰  
一即一切一切一此牙是我我是誰塔前常浸菩提水石上應長青蓮枝

禮普陀大士偈

釋傳燈

稽首觀音大悲之主我今說偈畧讚所以

普陀山志卷三

三

所以者何所謂三摩菩薩證入常住寶陀寶陀山在今之南海世界有壞此山不毀山居世界云何不壞誠由菩薩心得自在心自在故山亦堅固境即是心迷亦成悟故菩薩身坐紫竹林微風吹動常演法音金沙布地七寶爲砌功德之香白華之瑞青青楊柳四時常有水盈淨瓶塵不能垢潮音洞中常顯神通出没無礙其由履空

磐陀石上毫光常放一切衆生莫不仰望以仰望故來者沿路爲求菩薩作彼依怙菩薩大聖感無不應隨彼所求惟願是聽欲演法音先爲現身十法界象不出一心蓋此一心具無量身此一身橫廣豎深此一分心誰人不有衆生循聲自生過咎菩薩妙智不同於世從聞思脩入三摩地無量劫中證此圓通超世出世異而復同

普陀山志卷三

三

以由同故能覺迷悟衆生蒙此遠離恐怖故菩薩身或現千手無非示現衆生本有於一一手各有一眼衆生千現亦復不減從此一千增至八萬普令衆生即心成辦蠢蠢之曹各具塵勞即障顯德道固非遙既現身已乃爲說法大小偏圓渡河之筏身而無身說而無說澗畔松風水中明月以無身故無所不身高低嶽瀆普現色身

以無說故無所不說遠近潮音出廣長舌  
即此形聲號曰普門我於日用無不見聞  
惟願菩薩令我開悟一起直入妙莊嚴路

釋傳如

大悲觀世音成就自在力於聲旋聞機所  
亡聞性寂不啻泯前塵能聞亦無住無住  
之覺空空覺盡圓極圓極生滅滅是成真  
實滅即滅演妙相以入微塵國相由心妙

普陀山志卷三

李太

故無相無不相或現百千首或現千萬臂  
所現目亦然斯由本來具或在極樂國輔  
佐無量壽或在堪忍界亦佐於寂默釋尊  
已示滅大士當何在南海中有山其名小  
白華菩薩之妙身現於山之上山名白  
華菩薩名自在以白離諸染自在無煩惱  
以離染污故能現一切境以無煩惱故能  
聖一切生故大士所證身處或稱妙依正

微妙故乃所謂普門誰謂我無耳出流正  
奔逸誰謂我無心煩惱正擾亂誰謂我無  
處所依皆染著展轉唯塵勞曠劫沉障礙  
今唯大士歸示我圓通境悔昔聲色迷眼  
耳莫易地今於音云觀所視亦非色知觀  
不住觀是名觀世音了無住而住是名觀  
自在

補陀海潮寺開山大智禪師碑

普陀山志卷三

李太

屠隆

夫妙達性宗開智慧海則解為朗炬嚴淨  
佛事入功德林則行為弘基心炬不朗則  
一切作為總屬人天有漏何以燭理而燦  
羣昏德基不弘則空虛見解徒騁捧喝機  
鋒何以實脩而圓萬德是故局功行而體  
昧空寂雖以梁武之廣造塔度僧見呵初  
祖倚狂慧而行染污邪雖以善星之解十



二部藏難免泥犂經不云乎理因頓悟乘  
悟併消事非頓除因次第盡三摩禪那以  
爲妙悟六度萬行以爲莊嚴是諸經之總  
持千聖之密印也末法衆生明道者多行  
道者少少室師嘗記之通者世智辯聰寬  
入聖解盲鞭瞎捧動託宗門法師高登講  
座戒行不持而曰吾舌吐蓮華知人天之  
沾法雨縉紳沉身慾海無業不作而曰我

普陀山志卷三

三

腹有貝葉如慧日之消雪霜此適足揚韋  
馱之杵奮北鄴之筆爾雲棲師作崇行錄  
以救之爲慮深矣補陀海潮寺住持大智  
禪師靈心朗哲戒德孤高披精進鎧薰修  
翹勤於六時建勇猛幢功行加持於三寶  
自幼嚴脩梵行尊宿讓而傾心亦以宿種  
善緣道俗望而引領曾興我眉叢林肅震  
旦之區繼去鑒華雲水寄巾瓶之迹遂卓

普陀山志卷三

三

錫於洛伽初無一茆蓋頂乃結廬於巖穴  
日惟藉草跏趺剪寒雲以補衲衣臞形而  
禮寶相挑野菜以當香積枵腹而誦金經  
孤懸而人跡杳然山鬼爲炊夜火塊處而  
潮聲日聒神龍時代晨炊至德流聞善信  
漸加物色玄風遐播縉素奔走如雲遂勦  
精藍莊嚴擬乎化樂虔供大士香火盛于  
震區三摩地七俱胝五體咸投而皈命六  
波羅四無量一心精進而罔讐航海梯山  
固也頂禮乎大士重趺繭足亦以叅訪乎  
高僧雖道宣之棲終南慧遠之居廬岳一  
時仰德千載同風矣按師諱真融楚麻城  
人不佞既爲論著又作銘曰  
靈海淵沚凌彼窮髮有島屹如浮空孤絕  
善財東來大士說法高衲至止鑿巖而居  
洪濤嘯吼魚龍來趨四無人跡山鬼與俱

片石蓋頂嚴霜裂膚渴則飲海饑則茹荼  
砥行良苦翹勤佛事至德不孤歸者如市  
遂營梵宮遂奉大士壯擬王居麗如忉利  
六時行功僧徒翼翼不肅而嚴如守三尺  
有威有儀無怠無戮戒壇清規永可爲式  
一旦西逝幢幡來迎玉毫中見蓮華上生  
蛟龍夜泣猿鶴哀鳴師雖化矣遺風故在  
我瞻名山僧規匪懈松色經函潮聲梵唄

普陀山志卷三

三

南禮佛羯磨講戒浩渺海壖居然法界

### 二大士傳

釋真一

補陀潮音洞有二大士者一現男子身一  
現婦人身面目黧黑頭鬋髮亂萬曆三十  
三年婦人以六月至山男子禮九華以十  
月至山居於洞南之山頂石上各以茅苫  
一蓬高不過三尺上漏下濕匡坐其中唯  
飲水茹蔬而已人與之米不辭與之錢亦

不辭有游衲至竟散與之或數日絕粒亦

不以爲病山中人以爲丐者莫之知也余

偕居士陳載卿夜至其所默然與之坐不

通問訊彼亦不驚顧舉燈視之惺然無昏

睡狀余始與之談男子但笑而不言婦人

則隨叩隨答不作道理會而吐詞等刀鋸

莫可犯其鋒問其姓名則曰有甚姓名問

其年紀則曰有甚年紀問其何許人則曰

普陀山志卷三

四

有何方所問其曾住何山則曰住終南爲

久問其見何道理則但曰眼見大海耳聞

風聲雨聲潮聲鳥聲問其作何工夫則曰

有時想起觀世音便念幾聲餘則唯坐坐

中亦無甚做工夫處其言詞直捷如此似

胸中無一物者余大駭之春二月人皆來

謁洞男女堵觀之曰汝輩各自安隱其間

我何爲遂不見

普陀山志卷四

庠生

余萬

詠全校

事畧

補陀洛迦山考

元盛熙明人龜茲

九州之山川具載於書傳山海之詭奇亦見於圖記其來尚矣謹按補陀洛伽者蓋梵名也華言小白華方廣華嚴言善財第

普陀山志卷四

二十八衆觀自在菩薩與諸大菩薩圍繞說法蓋此地也然世無知者始自唐朝梵僧來觀神變而補陀洛伽山之名遂傳焉盤礴於東越之境窅茫乎巨浸之中石洞嵌巖林巒清邃有道者居之而阿蘭若兆興焉似非好奇探幽乘桴浮槎者罕能至也惟我皇元際天所覆均被化育梯航所及靈跡悉著至於茲山瞻拜相繼膺靈昭

答不可勝紀矣然圖志脫漏言辭庸謬四方何傳僕頃因謝病偶在海濱恭叩靈躅旁搜經籍首集自在之功德繼攷洞宇之勝槩若夫由心所見光景斯彰因緣有待廟塔興建具載於篇能遊目者不起於坐飛神於大方之外當知清淨光明廣大悲心與菩薩無二推惻隱之端躬行於日用之間非徒空言也倘欲南詢亦必問律於

普陀山志卷四

自在功德品

釋典所載菩薩名號如恒河沙數不可勝計惟觀自在洋洋赫赫功德獨顯乎世間凡遇厄難竭誠稱念稽首請命亦往往如

影響誠由行願弘深大悲無礙之力也廣  
如藏教今畧陳之梵云阿哩耶婆盧吉帝  
此云聖觀世音又梵云阿縛盧枳帝濕伐  
羅此云觀自在諸經所稱或单云觀世音  
或云觀自在或無云觀音自在觀音三昧  
經及大悲經悲華諸經說此菩薩久已成  
佛號正法明如來又云後成正覺號徧出  
一切光明功德山王如來

普陀山志卷四

三

楞嚴經云觀世音菩薩言我昔於無數恒  
河沙劫有佛出現名觀世音教我從聞思  
修入三摩地於聞中入流亡所所入既寂  
動靜二相了然不生如是漸增聞所聞盡  
盡聞不住覺所覺空空覺極圓空所空滅  
生滅既滅寂滅現前忽然超越世出世間  
十方圓明上合十方諸佛本覺妙心同一  
慈力下合十方一切六道衆生同一悲仰

普陀山志卷四

四

由於供養觀音如來蒙授如幻聞薰聞修  
金剛三昧身成三十二應入諸國土所謂  
佛身獨覺緣覺聲聞梵王帝釋自在天大  
自在天天大將軍四天王及天王太子人  
王長者居士宰官婆羅門比丘比丘尼優  
婆塞優婆夷女主童男童女天龍藥叉乾  
闥婆阿修羅緊那羅摩呼羅伽人非人等  
我於彼前皆現其身而爲說法令其成就  
令諸衆生獲十四種無畏功德彼佛嘆我  
善得圓通法門授記我爲觀世音號由我  
觀想十方圓明故觀音名徧十方界  
法華經云若有衆生受諸苦惱一心稱觀  
世音菩薩名號卽得解脫若水火雷電龍  
蛇惡獸夜叉羅刹王難枷鎖軍陣怨賊諸  
難之中能施無畏於苦惱死厄能作依怙  
現三十二身隨類說法地獄鬼畜生生老

病死苦以漸悉令滅

大悲心總持經云若有誦持大悲呪者即滅百千億劫生死重罪不墮惡趣臨命終時十方諸佛皆來授手隨願往生諸淨土中能獲無量等持辯才解脫八難滅除三毒一切所求無不成就大悲總持具載別本

藏教密乘經中所載觀自在菩薩為蓮華

普陀山志卷四

五

部主現諸神變忿怒則稱馬首明王救度則聖多羅尊滿諸願則大准提尊及如意輪王不空罍索乃至師子吼并毘俱胝一髻青項白衣葉衣千首千臂皆有儀軌真言畧舉其名若西天未譯者本師傳本續真言要門未易悉究

今上即位之初聖師大寶葛嚕麻尼自西域來京師解行高深福慧具足明通三世

開揚一乘同自在之慈悲宣六字之神力

上自宮庭王臣下及士庶均蒙法施靈感實多不可備錄將非大士之應化者乎然江南未之聞也故畧紀其實若六字呪師所常誦

唵嘛呢叭咪吽

氣凡凡凡凡凡

功德具在莊嚴寶王經

普陀山志卷四

六

洞宇封域品

世傳蓬萊方丈若弱水中非飛仙莫能到昔秦王漢武窮年遠討勞神苦體卒如捕風追影終不得其涯涘今小白華山距四明不遠為聖賢託跡之地石林水府神光瑞像雖在驚濤駭浪之間航海乘風刻日可至故特舉其勝槩如左昌國志云昌國州在東大海西星紀之次在牽牛婺女分

野昔夏少康封庶子於越至句踐滅吳獲  
夫差欲使居甬東百家杜預云句章東海  
中洲也國語以爲甬句東今州有甬東村  
是也由秦歷漢屬鄞縣唐開元廿六年以  
鄞縣置明州領縣四翁山今之昌國也五  
代後改鄞爲鄞則又屬鄞宋熙寧間創縣  
爲昌國東控日本北接登萊南亘甌閩西  
通吳會實海中之巨障皇元至元十五年

普陀山志卷四

七

陸縣爲州寶陀寺在州之東海梅岑山世  
傳梅福煉丹之所釋所言東大洋海西紫  
竹林者是也自四明陸行東九十餘里  
過穿山渡至大榭再經嵩子渡至昌國州  
陸行七十里沈家門一渡至山周圍僅百  
里許環繞大海馮高望昌國諸山隱隱如  
青螺東極微茫無際日月出沒上下若鑑  
微風時來雷轟雪湧奇絕孤迥非復塵世

也山茶樹高數丈丹葩滿枝猶珊瑚林水  
僊紫蓀芳菲滿地金沙玉礫的落璀璨潮  
音洞菩薩示現之所去寺三里至洞皆黃  
沙石洞巉巖瞰海四顧無畔岸人跡不及  
洞上有穴如天窓下屬洞前舊有石橋橫  
亘可以瞻禮今崩廢善財洞在潮音洞右  
亦祥異顯現巖石有罅峭峻蹙逼中窅叵  
測其外則石崖壁立泉溜如珠不涸謂之

普陀山志卷四

八

菩薩泉瓶罌盛貯以洗目疾磐陀石平廣  
上坐百餘人下瞰大海五更遠見扶桑五  
色光發項有一輪極大從海涌出真奇觀  
也三摩地在寺西偏登山由此有亭曰極  
清淨嘉木森秀清泉甘冽亂石錯出有聳  
立者踞伏者奇詭萬狀真歇菴在寺後山  
深處真歇了禪師修道菴中後圓寂立塔  
無畏石在真歇菴前突然方廣然峻不可

陟獅子巖在無畏石側形如獅踞左玉趣  
峯靈鷲峯觀音峯

### 感應祥異品

常讀楞嚴謂世間曠野深山聖道場地皆  
阿羅漢所住持故世間麓人所不能見是  
山是梵僧啓其端而始知大士之宮宅其  
信然乎哉或因風濤怖懼而致禱或好事  
尋幽而有遇使者銜命至誠所格縑素夙

普陀山志卷四

九

緣目擊道存如鏡中像水中月皆有清淨  
心現往往不同自昔多失紀錄今姑存一  
二俟來者繼述焉唐大中有梵僧來洞前  
燔十指指盡親見大士說法授與七寶石  
靈感遂啓始結茅居日本僧惠鏐從五臺  
山得菩薩像將還國抵礁石舟不能動望  
潮音洞默叩得達岸乃以像舍於洞側張  
氏家屢睹神異遂舍居作觀音院郡將聞

之迎像入城爲民祈福未幾有僧不知何  
許人索嘉木扃戶刻之彌月像成僧不知  
所在所奉菩薩像即此也元豐中謁者王  
舜封使三韓遇風濤大龜負舟惶怖致禱  
忽睹金色晃耀現滿月相珠瓔粲然出自  
巖洞龜沒舟行泊還以上開始錫寺額曰  
觀音寶陀自是海東諸夷如三韓日本扶  
桑阿黎占城渤海數百國旌商鉅舶繇此  
取道放洋凡遇風波寇盜望山歸命即得  
消散感應頗多崇寧間戶部侍郎劉達給  
事中吳拭使高麗及還自羣山島經四晝  
夜月黑霧翳海而冥蒙不知向所舟師大  
怖遙叩寶陀未幾神光滿海四屬如晝歷  
見招寶山遂得登岸宋給事中黃龜年恭  
禮洞前親睹大士紫金自在相朗然坐石  
上偕遊老稚俱見備作讚頌紹興戊辰三

普陀山志卷四

十

月望鄱陽程休甫四明史浩至此翌蚤詣潮音洞寂無所睹炷香供茶盞浮花瑞歸寺食訖時再至洞門俯伏苔磴凝睇巖空惟亂石累疊興盡欲返有僧指曰巖頂有竇可以下瞰攀緣而上瞻顧之際瑞相忽現金色照耀眉目瞭然二人所見不異惟浩更睹雙齒潔白如玉於是慶快用書於壁庶幾來者觀此無疲不以一至不見

普陀山志卷四

十一

而遂已也又傳史衛王彌遠見茶樹上示一目蓋二十年相業之識也咸淳丙寅三月范大尉以目疾遣子致禱洞下無所遇汲泉歸洗目既愈復令子來謝洞左大士全現淡烟披拂猶隔碧紗繼往善財洞童子忽現大士亦現縞衣縹帶珠璣交錯精神顧盼如將示語紹定庚寅十月慶元昌國監胡煒登大士橋望潮音洞候現火月

左則月蓋長者與童子並立一僧居左師子盤旋兩目如電乃至善財巖童子再現黛眉粉面寶蓋珠鬘森列于前旁現一塔晶彩煥發衆僧曰我等雲集歷年未睹今承恩力共覲色相遂刻山圖于石以示悠久嘉定歲僧修者所祝大士梅檀像偶毀亡一指心甚懊惋後於洞前波間浮一花視之乃向失像指衆尤異之淳祐連歲苦

普陀山志卷四

十二

早制帥顏頤仲禱雨洞中大士并童子喜悅出迎自是隨求輒應皇元至元十三年丙子六月丞相伯顏定江南部帥哈喇歹來謁洞下杳無所見乃張公引矢射洞而迴及登海舟蓮花滿洋遂驚異悔謝徐見白衣大士并童子像於是施財莊嚴像設并構殿於洞上大德五年集賢學士張達山奉旨祝釐潮音洞見大士相好彷彿在



洞壁次至善財洞童子倏現頂上瑞靄中大士再現寶冠瓔珞手執楊枝碧玻璃椀獲法大神衛翊其前久之如風中烟漸向銷沒但祥光滿洞如靄霞映月見數尊小佛作禮慰快而去致和元年戊辰四月御史中丞曹立承上命降香幣至洞求現忽見白衣現相瓔珞被體次及善財洞童子螺髻素服合掌如生適以候潮未行再叩

普陀山志卷四

十一

於香靄共見如一或獨見非常變化示現殊不可詰若夫竭力遠來罔遇恍惚常居其境終不得瞻望餘光者亦多有之

### 興建沿革品

海嶠孤絕蛟龍呵護自非遺世高蹈者鮮能棲息也草茅以爲廬木芝以爲食歲月既久輝光煥發致感王臣之崇重士民之歸仰大其宮室廣其田疇以養其徒侶修習至道將與山川增重助益風化於無窮也梁貞明二年日本僧惠鰲首創觀音院在梅岑山之陰宋元豐三年王舜封使三韓遇風濤有感以事上聞賜額曰寶陀觀音寺置田積糧安衆修道歲許度一僧紹興元年辛亥真歇禪師清了自長蘆南遊浮海至此結菴山椒扁曰海岸孤絕禪林英秀多依之郡請于朝易律爲禪嘉定三

普陀山志卷四

十四

年庚午八月大風雨圓通殿摧住山德韶  
言於朝賜錢萬緡七年殿成漸音洞無措  
足地鑿石架橋凡六年御書圓通寶殿大  
士橋以賜建龍章閣以藏之植杉十萬是  
時有田五百六十七畝山千六百七畝是  
年丞相史彌遠承父志捨財莊嚴殿宇廊  
庑備具香燈供養上聞賜宸翰并金襴衣  
銀鉢碼碯數珠松鹿錦旛陳帥機施錢二

善陀山志卷四

十五

百六萬置長明燈淳祐八年戊申制帥顏  
頤仲禱雨有感施錢二萬米五十石置長  
生庫接待莊仍請于朝免租役皇元大德  
二年戊戌春中宮命內侍李英降香修繕  
寺宇像設明年春宿衛李羅奉旨降香賜  
金百兩命江浙省臣董其事一新棟宇供  
嚴之具金碧璀璨四年春遣使魏也先等  
飯僧轉經及歸以玉琢聖像獻五年復遣

太出齋絳幡緘香降內帑二十緡建演法  
堂益修從宇俾浙省割官田二千畝供僧  
於正五九月諷誦祈禱特頒璽書護持自  
是祝香齋賜歲以爲常勅翰林直學士劉  
賡製文集賢直學士趙孟頫書丹刻石以  
彰聖化皇慶二年冬皇太后遣使法華奴  
等降香賜主僧袈裟飯十方僧勅浙省賜  
鈔八百六十八錠買田三頃以給佛燈長

善陀山志卷四

十六

明泰定四年夏中宮遣中政同知帖閣賜  
鈔千錠僧衣百八黃金織文幡金綵綺帛  
等供聖飯僧買田二頃二十六畝以其入  
供營繕致和元年四月中丞曹立降香幣  
及鈔百錠元統二年宣讓王施鈔千錠建  
石塔高九丈六尺至順二年江西之萬安  
陳覺和率衆化財凡八載範銅爲大士像  
佛千尊鐘磬幡蓋供具今置閣上我朝列

聖相承信崇佛法遣使錫予實不能備記  
今上踐位以來尤加尊異祝香集福以錫  
下民絡繹不絕武林西山上天竺寺自昔  
相傳海上浮香木現光瑞因刻爲觀音自  
在菩薩像多現祥異士民歸嚮自春至冬  
焚香叩禮雨暘急難感應如響積有年矣  
至正二十年杭城薦罹兵燹西山寺宇盡  
毀聖像不知所在衆共追慕丞相太尉間

普陀山志卷四

十七

府康里公出金旁求乃於草莽中得之遂  
卜日齋戒徒跣率僚佐士庶自北關門恭  
迎聖像安奉於今丞相公所建清平山之  
西天寺中時聖像上大放光明照耀雲漢  
分爲三道其一遠屬東方若嚮補陀山者  
其一屬上天竺寺其一徑屬今西天寺一  
時咸觀益加敬仰焉大都蘄州之境控接  
檀州有霧靈山山谷高深林巒清邃古昔

普陀山志卷四

十八

相傳爲菩薩道場山之上下舊有寺宇每  
歲士庶敬禮求現常有綿雲起自谷中潔  
白彌滿凝蔽天日或變琉璃境界空洞一  
碧次現蒲萄纍纍遍布光膜遠近忽見白  
衣端正之像凌空而立鮮見面目然亦往  
往或黑夜有燈或如列宿或如燿火聯暉  
接燄凌空遠來殊不可測山頂寒甚澗有  
泉水起落應潮傳云潛通大海也僕嘗遊  
五臺山從礙哩室利師獲聆番本補陀洛  
伽山行程記始自西竺至葛剌拶迦羅國  
有靈塔當晝夜遶道叩禮自有告以道里  
方所乃可前進中間歷羅刹鬼國誘以聲  
色飲食慎勿犯之及種種魔礙之所但勇  
往毋退復遇寶池獲飲甘露身力增倍儵  
踐勝境亦莫貪戀一心徑往漸近聖地常  
有馬首金剛遠來迎導至于下巖聖多羅

尊攝受慰喻然後詣巖中紫竹栴檀森鬱  
交蔭流泉清潔纖草如茵菩薩充滿觀自  
在菩薩常住其中天龍圍繞行者至此蒙  
宣妙法即得開悟凡有所求依願圓滿此  
其大畧不能具錄以是考之則決非凡境  
豈造次所能至哉似非此地比擬也後至  
四明屢有邀予同遊補陀山者心竊疑之  
不果往也一夕忽夢有人謂曰經不云乎  
善陀山志卷四  
菩薩善應諸方所蓋衆生信心之所向即  
菩薩應身之所在猶掘井見泉然泉無不  
在況此洞神變自在靈迹夙著非可以凡  
情度量也既覺而嘆曰噫夫諸佛住處名  
常寂光遍周沙界本絕思議何往而非菩  
薩之境界哉斷無疑矣既集成傳附以天  
竺霧靈事跡并以舊聞庶顯非同非異無  
別無斷用祛來者之惑也

補陀洛伽山在東粵之大海中望扶桑  
日輪湧出水底咫尺間金光絢赫五色  
敷瑩煥爛心目泰山日觀不足奇也大  
士觀音坐此道場自其始興迄今無片  
文隻字紀錄以垂考證間有之亦不過  
述其脩崇土木侈其壯麗昭其寵光耳  
龜茲盛熙明氏既來遊息即其事爲文  
中具四品其第一品以梵語譯華言言  
善陀山志卷四  
菩薩功德也第二品以山川地里言言  
奇蹤勝槩也至於三四則以歷代官民  
祈籲靈異應感與夫今朝之祝釐賚予  
言言所崇信莊嚴也熙明自乃祖乃父  
生居西域世與佛隣善誦佛書深達梵  
語故於楞伽秘密之典傳習小白華之  
事不啻若自其口出矧於身親炙之而  
不敷揚演說其詳乎余嘗至正乙未之

冬十月初六啓浩曰還海舶順風至其地是日海氣肅澄天光雲影上下涵虛見大士白衣相於潮音洞與人間畫情者無異又見大將軍身與羅漢身於洞口石壁上一時羣從所見又各不同慨嘆顧瞻罔生憎慢若玉蘭瓊芝之芳馥異香奇羽之翔鳴與夫島嶼之玲瓏烟霞之縹緲人事非罕而遊塵野馬之蹟亦所希有况近地有號安期鄉蓬萊都者景物歷歷可翫意者秦皇漢武爲聲聞所誤倘得見之亦何有海上別爲神仙之求耶熙明所述爲不誣住山僧睿上人以其傳來請誌是亦東南一偉觀也故以書遺之天台劉仁本題

附舊志序

夫泥垣之教西教也過去莊嚴古佛破

暗滅冥覺迷惛溺茫昧邈綿莫得考鏡矣迨自周昭王瑕時世尊生於迦毘羅國離家淨飯脩行彌樓遍歷苦行成無上道普度三界爲天人師入滅以來折檀木香別性同分崑崙源派殊波一然止教行天竺東土未聞西教東流則自漢明帝始帝感金人示夢日輪飛空傳毅采史蘇之石函聞西方之聖諦而摩騰法蘭首從月氏來集闕下駝經白馬獻像優填王侯貴戚而下稽首土地皈心三寶霞蔚雲蒸踉蹌恐後則中國之知信向覺皇寶自漢明發之也觀世音菩薩者過去正法明如來寶與釋迦齊肩以聞思修入三摩地以大悲因地證如來果以聞思故號曰觀音以大悲故發弘誓願欲以普度閻浮衆生苦惱

於是與釋迦同時應化授記釋迦圓通  
第一而退處菩薩權位妙脫情塵智周  
沙界事理無礙機相盡融三千大千中  
有億萬蟻螻呈形形亡不見有億萬蟻  
螻發聲聲亡不聞因物現身身身惟一  
隨機說法法法俱圓菩薩無身因物有  
身是名大身菩薩無法隨機有法是名  
大法有億萬物有億萬身而其究身物  
兩空求一身了不可得有億萬機有億  
萬法而其究機法兩空求一法了不可  
得不可得身是故有身以衆生身爲身  
不可得法是故有法以衆生法爲法衆  
生惟其有身是以無身衆生惟其有法  
是以無法法與身融非法非身亦法亦  
身身與法融非身非法亦身亦法是故  
世音亦菩薩音菩薩音亦世音音者亦

形形者亦音觀者亦聽聽者亦觀何以  
故衆生以眼觀形以耳聽音以眼觀形  
觀不隔垣以耳聽音聽不掩耳有障礙  
故菩薩形融於音音融於形耳融於目  
目融於耳觀融於聽聽融於觀觀亦非  
耳亦非目聽亦非目亦非耳耳遇音則  
聽遇形則觀而要非任耳目遇形則觀  
遇音則聽而要非任目形亦名觀音亦  
名觀觀無所觀音亦名聽形亦名聽聽  
無所聽無障礙故谷之受響因谷有響  
響不谷起鏡之受形因鏡有形形不鏡  
出般若現於萬緣不泊於萬緣萬緣行  
於般若不累於般若佛言圓通如是如  
是以圓通故是以華嚴甘露七寶林中  
白衣光藏慈悲靈感西來大聖清淨海  
衆天香妙日廣月宮中藏王慶信品日

八難西天洋海清淨座立清涼寶海廣  
慶倖願寶揚華嚴海衆吉祥海月  
清涼寶山寶陀大悲等隨時立號而佛  
菩薩梵王帝釋天身天大將軍毘沙門  
小王身長耆居士宰官婆羅門比丘比  
丘尼優婆塞優婆夷天龍夜叉乾闥婆  
阿脩羅迦樓羅緊那羅摩睺羅伽等亦  
隨物現身經言寶陀即補陀也震旦國  
普陀山志卷四 十五  
中三大道場西峩眉以普賢北五臺以  
文殊而我東海補陀以觀世音西北距  
佛國不遠道法漸摩近而且易東海僻  
在衆阻聲迹荒遐衆生久苦沉淪薰染  
五濁如來重愍之茲觀世音之開化補  
陀津梁娑竭良有以也峩眉五臺深峭  
雄拔秀甲齊州而補陀獨立大瀛海中  
孤絕處尤爲奇特善信航海朝謁大士

肩駢趾錯無論中華即天竺梵僧亦往  
車瓢隻履間關而至殆無虛日而吾鄉  
士大夫顧反畏風波罕登涉者海上文  
人恒標勝靈區詫奇五岳託之竹素而  
補陀一志獨闕焉乃使大教壅閼外道  
喧阗則何貴操篋綴文者哉聞府侯大  
將軍乃謀之兵使者劉公郡大夫龍公  
纂修補陀志爰尊  
普陀山志卷四 十五  
今上奉  
聖母命頒賜藏經制敕及  
御製序文冠諸簡端而圖繪山海巖洞殿  
宇形勝次第裒集古今名賢制作彙爲  
一書復屬道民刪定乃爲稍削舊詩之  
俚謬增入時賢之合作者若干篇復以  
道民所自爲記頌韻語附焉三君子之  
闡揚教典開迪愚蒙厥功不細詎維山

靈海若忻豫亦如來之所印可也萬曆已丑春弢光居士屠隆和南譔

流沙以西有崑崙縣圃之眾以東有蓬萊三山赤縣神州名洞天福地者難可倭指大都爲仙靈託跡以青兕班麟瑞草神芝勝獨東海補陀稱道場昔襄城鼎湖迹肇軒后包山洞庭秘發龍威柱下著竅妙于五千文爲萬古丹中王宣尼以猶龍讚之清虛沖舉之學實自晚昌明焉維時固不聞有能仁氏之教也有之亦迦毘身毒彼國自爲奉行爾西京之東漸流震旦其道以超脫爲貴以空寂爲宗盡取世界一切事物槌破之歸之幻妄而獨露靈明謂之見性吾儒者固嘗昌言排之而高明特達之士往往褰裳染指焉則何故士方苦世法踳

跡而一聞擺落之言即豁焉如縛者之

得釋士方苦世涂炎囂而一領清淨之旨即灑焉如暍夫之飲冰蓋佛惟以擺落爲宗士之近擺落者易入也佛惟以清淨爲旨士之近清淨者易入也匪惟無妨于儒亦足助儒教之所不及議者或病其有體無用不知儒有儒之體用佛有佛之體用佛以辟支獨覺爲小乘禪而其究要諸廣濟普度固非偏枯全無補世教者世之排佛徒罪其持戒不煞殘體燔肢以爲惑世傷教此特佛之皮毛爾其精者在清虛宏遠故我教所不廢通儒偉人以吾儒之道理物宰身而以佛氏之道繕性歸真亦何不可哉此我

皇上握符御世闡教明道之意也大哉



王言刑賞所及權衡制之刑賞所不及善  
法牖之生成之表別有陶冶矣補陀洛  
伽乃觀世音大士道場山孤懸大瀛海  
中空闊迥絕秀甲神州一躋攀其上輒  
有馮虛御風超越塵壒之想不佞猥叨  
職事仰宣

皇上清淨奉道開化德意而下以牖俗淳  
風者守臣責也若夫儒佛之理之精者

普陀山志卷四

三九

不佞惡能知則敬以俟當世之大叅同  
君子焉萬曆己丑仲春日巡視海道浙  
江按察司副使前刑科右給事中皖城  
劉尚志記

昔太宰嚭問於孔子曰夫子聖人歟對  
曰丘博識強記非聖人也問三王聖人  
歟對曰三王善用智勇聖非丘所知又  
問五帝聖人歟對曰五帝善用仁義聖

非丘所知然則三皇聖人歟對曰三皇  
善用時聖亦非丘所知太宰大駭曰然  
則孰為聖人乎孔子動容有間曰丘聞  
西方有大聖人者焉不治而不亂不言  
而自信不化而自行蕩蕩乎人無能名  
焉此謂佛也夫自衆生覆於無明溺於  
愛水妄想顛倒作諸惡業漸遠涅槃之  
山永淪生死之海佛為興慈運悲援苦  
與樂則勅諸大菩薩隨佛眉間白光所  
照神通天眼所視之處同加攝受覆護  
救濟拯接使一切衆生共成佛道而後  
已足佛其主宰而菩薩者為之佐使者  
也猶中國有君而三公九卿百執事則  
行君之令而致之民者也予嘗翻閱慈  
悲懺法諸大菩薩如文殊普賢無邊身  
觀世音等皆佛所勅使衆生所囑累中

普陀山志卷四

三

惟無邊身與觀世音常證常現而觀音尤爲聞聲濟苦楞嚴經云昔無數恒河沙劫有佛出世名觀世音是觀世音久已成佛號第其深心主於大慈大悲弘誓期於救苦救難故觀音名遍十方界十方界尤所歸依而今補陀洛伽山爲善財第二十八叅觀自在菩薩與諸天神王說法處也余今定海常見朝禮茲山者毋論我震旦中人即邊島夷酋罔不歸命其間有直心正念起殷重心生難遭想輒蒙大士現身說法授記其或機緣下劣心志懈怠而欲希放光現瑞終不可得昔城東老母與佛同生俱在一處而不能見紫磨金相當知菩薩善應諸方所蓋衆生信心之所向即菩薩應身之所在何必補陀又何必不補陀

萬曆己丑孟冬日定海令清源汪應泰譔  
勝國時盛熙明氏以西域之裔深通秘密之典迺著補陀洛伽山傳分爲四品由是菩薩之功德山川之奇勝與夫歷代祈禱祝釐之虔應感靈瑞之異彰彰較著矣然而卷帙陜小流傳未布使天下通都大邑道里遼曠嚮慕而不可至者卒弗獲一展卷而臥遊焉且今之叢林自往年倭亂之後廢而復興已非昔日之舊其沿革又不可以無志也余不佞承乏來浙涉歷海洋首謁大士於補陀周覽之餘問之寺僧山有志乎始出熙明著傳則紙敝墨濡幾成蠹簡矣蓋熙明至今已二百三十餘年其四品所載亦大都爾入我

明來香火益崇著述益富迄今無有紹熙  
明而爲之傳者余喟然曰名山巨剎旣  
不可無載述以示于世況今

聖母慈聖皇太后刊印藏經而我

皇上純孝承志勅遣內使齋經降香來

錫寶陀余旣勒之貞珉與茲山並峙矣

於是謀志乘於海憲潛山劉公公以屬

之郡大夫武陵龍公曰必儀部屠長卿

普陀山志卷四

李王

先生也乃就而請業焉不數時彙次成

帙以授侯生繼高不佞輒復申一言于

末簡夫後世之儒者諱不言佛若戎臣

武士又輒謂威克厥愛與慈悲之旨弗

類以愚思之佛之大端以慈悲爲體以

化導爲用其要使人人趨善而背惡爾

孟子曰以不忍人之心行不忍人之政

非慈悲之謂乎孔子曰己欲立而立人

己欲達而達人非化導之謂乎余武公  
也麓鄙弗學顧平日耳剽先生長者之  
言而有味乎慈悲化導之旨况睹

熙朝盛典而樂觀此志之成也哉茲歲仲

春余督哨海洋舟過補陀肅謁大士禱

曰我佛靈赫尚克相余俾我師貞吉少

效尺寸以上報

天子未幾倭奴竊發窺我邊界

普陀山志卷四

李四

皇威丕震我是以有花腦浪岡之捷謂非

大士默相之功可乎志成適有此役因

并記之萬曆己丑夏五月旣望鎮守總

兵官雲間侯繼高譔

甬東山水古蹟記

元吳萊

昌國古會稽海東洲也東控三韓日本  
北抵登萊淮泗南至慶元城三伯五里

泰定元年六月自慶元桃花渡覓舟而東海際山童無草木或小槿如筋輒刈以鬻鹽戶東偏海有招寶山或云他處見山有異氣疑下有寶或云東夷以海貨來互市必泊此山山故有砲臺曾就臺踰弩射夷人洞船猶入地尺又別作大筒曳鐵鑠江水夷船猝不得入前至決口恠石嵌險離立南曰金雞北曰虎蹲又前則爲蛟門決東浪激或大如五斗石甕躍入空中却墮下碎爲零雨或遠如雪山冰岸挾風力作聲勢崩擁舟蕩蕩與之上一僧云此特其小小者耳秋風一作海水又壯排空觸岸杳不辨舟楫獨帆檣上指潮東上風西來水相關舟不能咫尺一撞礁石且靡解不可支持又前則爲三山大洋山多磁石

舟板釘鐵或近山則膠掣不動昌國境中多大山四面皆海人家頗居篁竹蘆葦間或散在沙嶼非舟不相往來由種少類入海捕魚鰆蚌水母彈塗桀步腥涎藪味逆人鼻口歲或仰穀他邦東從舟山過赤嶼轉入外洋望岑峇山山出白艾地多蛇東到梅岑山梅子真煉藥處梵書稱補陀洛伽山也華言小白華山自山東行西折爲潮音洞洞瞰海外巉中裂大石壁紫黑旁罅而兩岐亂石如斷圭積伏蟠結怒潮聳擊晝夜作魚龍嘯吼聲又西則爲善財洞峭石嚙足泉流淅滴懸纏不斷前入海數百步有礁土人云曾有老僧秉燭行洞穴且半里山石合一竅有光大如盤盂側首睨之寬引潔白非水非土遠不辨涯際又

自山北轉得磐陀石山麓恠益高疊石如岨東望宵宵想像高麗日本如在雲霧蒼茫中日初出大如米篩薄雲掩蔽空水弄影恍若鋪金僧伽黎衣或見或滅南望桃花馬秦諸山嵌空刻露屹立巨浸如山疊太湖靈壁不着寸土尺樹天然可愛東南望東霍山山多大樹徐市住舟于此土人云自東霍轉而北行盡昌國北界有蓬萊山衆山四圍峙立旋繞小嶼屹如千丈樓臺而中處又有紫霞洞與山爲隣中畔通明方如大車之與潮水一退人可入或云人不可到隱隱有神仙題墨漫不能辯又有沙山細沙所積海日照之有芒手攬則霏屑下漸成窪穴潮過又補終不少損旁有石龍蒼白角爪鱗鬣皆具蜿蜒跨宣豆

三十里舟經其下西轉別爲洋山中多大魚又北則爲胸山岱山石蘭山魚鹽者所聚又自北而南則爲徐偃王戰洋世言偃王旣敗不之彭城而之越棄玉几案于會稽之水又南則爲黃公墓黃公赤刀壓虎不行爲虎所食者也夫昌國本禹貢島夷後乃屬越曰甬勾東越王句踐欲使放吳王夫差居之然不至也海中之山安期羨門之屬或避秦亂至此方士時未深入或云王山在山底故稱入會稽者爲入東海抱朴子亦云古仙者之樂登名山爲上海中大島如會稽之東翁洲者次之今昌國也八月自昌國回姑錄山海奇絕處明晉人之不妄時一展玩宗少文臥遊不是過矣

昌國州寶陀寺記

劉賡翰林學士

國家自世祖奄有四海凡名山大川仙釋所託以神其教者朴桓新弊畢乘興運鉅刹珠庭天降地湧蓋於以揚前人之休光衍萬世之慶澤浙東慶元之昌國有山名補陀洛伽者奇巒複嶂幽洞靈巖錯立層出奔波駭浪之中潮汐吞吐烟霞變幻虬龍龜鼉蜿蜒呵護華嚴

普陀山志卷四

三九

經所謂善財二十八叅觀音菩薩與諸大菩薩圍繞說法此即其地也寺曰寶陀創始於宋元豐間爾時靈蹟率隨緣影嚮示現香花與五臺峩眉道場實類而旱潦風濤之禱響答爲尤捷其在東南故是佛法一大海會亡論遐邇卑尊靡不皈依瞻仰皇后福德日盛一念中間無慮皆佛事乃大德二年春特命中

普陀山志卷四

四

御府臣李英驛降御所祝香使還再命修繕其像設之于明年春宿衛臣李羅等再馳祝香內出中金百兩餉江浙行中書省遣察吏同蒞其役又明年春宿衛臣魏也先太出三馳祝香御命飯僧周閱具典竣事寺之長僧如智津其徒言孜奉玉琢菩薩瑞相表上內庭以便瞻禮具歸美報今年春仍命太出偕李鐵木兒不花魏也先持五綵幡旌祐祝香以往莊嚴其法筵又出內寶幣二千緡即其寺治演法之堂暨廬舍之圯腐殘剝者又飭行中書省捐土田之在官者二十頃畀之益其徒食俾每歲以建寅午戌月諷誦祈禱又下璽書復其凡隸寶陀者非寶陀者禁其毋得怙以匿冒如智亦因得被袈裟內庭傳瑞流恩

曾無虛歲至是命中正院傳命翰林臣  
 裨用文字而刻貞石以垂永久臣謹銓  
 次如右切謂象教之來中土雖顯晦靡  
 常其所獲驗亦不專係夫崇奉敬怠陞  
 下以寬簡而治民殿下以慈祥而佐理  
 與往聖覺皇同符共貫是宜圓精薦釐  
 方祈效祉至若金湯迦維亦曰我國家  
 之常事其所以迂續延洪之道自有大  
 本大原在也因明其所在而繫之以詩  
 曰  
 皇元混一其仁如天好生惡殺慈視竺  
 乾帝繩祖武仁守大寶曰臨曰御書循  
 堯道后嗣徽音所寶惟慈力行萬善念  
 茲在茲繫我補陀法云真際白衣如來  
 東浙南被如來大智無古無今慧日滿  
 月無不照臨天開崇因祠香歲致應復

為感匪除匪亟布金檀幣即而招提舊  
 仍新就離立翬飛僧智衣陳如來照晰  
 玉琢妙嚴象其光潔補陀非遙浙水之  
 東法身圓對奚必梵宮教旨崇之勝旆  
 是錫申畫沃腴益其香積俾勤梵唄為  
 國禱祈歛時五福教賜靡私誕降璽書  
 以鎮以護山河大地等為樂土恩德新  
 覃震耀無前帝仁后慈億萬斯年惟觀  
 自在非聞非見圓通融性神光畢現優  
 曇鉢花瑞應孔彰皇圖釋網相為無疆  
 詞臣承命頌述其職揆厥本原懋昭大  
 德  
 皇明  
 魯王補陀山碑記  
 神州之內有三大山為震旦佛國曰我  
 眉曰五臺曰洛伽而洛伽獨在東南鉅

海中爲觀音大士現真聖界鴻波怒濤  
萬里極目寰中自垂髻黃髮赤鬚白足  
罔不擔躡聚糧梯危絕徼奔走香火者  
而大士靈真玄鑒隨力大小緣厚薄誠  
淺深輒應之蓮花寶蓋玉節珠幢時時  
見雲濤中或洞壑巖岫恍惚出沒靈異  
萬狀以故見者傳聞者思至者結茅來  
者繭足欲一覲大士聖祕拯萬劫之迷

普陀山志卷四

四三

途闊無方之朗照歲丙戌

仁聖皇太后

慈聖皇太后拱念靈庥賜經一藏遣中人

齋送海上而

皇上復爲文明著

聖母至意碑勒在寺予不敏蓋督慕之廼

一重而禮而歲輒致米飯大衆

一重而禮而歲輒致米飯大衆

小入蠻習顧予何人敢以一念邀惠大  
雄力哉唯

聖母厚德載物

皇上玄祐彌天大士實陰陽之提福海內

予譬飲河知滿戴

天恩報天何言哉寺僧真表有戒行其請

京恭謝亦過予予甚器之夫天下事大不

普陀山志卷四

四四

偶明州故三佛地而補陀復

賜經顯於天下光於萬世予與表何幸躬

逢遂畧記其事以告後來萬曆十五年

丁亥十月孟冬立石

重修補陀山寶陀禪寺記

汪鏜

鄞人禮部尚書

明郡當溟渤之會其東屬邑曰定海補

陀山在定海外二百餘里遠望滄茫杳



靄隱見明滅如鳶鳬帖帖伏水中佛書  
稱補陀洛伽山海岸孤絕處是也或云  
梅岑山即千真煉藥處因以名焉今皆  
不可考矣自山東行西折爲潮音洞迺  
觀音大士現化之地石壁中裂傍罅兩  
岐又西爲善財洞石齒齒不容足緣崖  
泉滲滴若垂纓不斷前入海數尋有礁  
突起如瓶爐狀又自山北轉得磐石巖  
頂上有竇可以下瞰海天孤闊洞府幽  
深波濤際空茫無畔岸烟霧畫冥四景  
若一倒影凌虛排雲御風誠上聖之窟  
宅而非塵寰俗界所可彷彿者也昔梁  
貞明間日本僧惠鰐得觀音瑞相於五  
臺山將迎歸本國舟抵新螺礁蓮花當  
洋舟蔽不前鰐禱之曰是我國無緣見  
佛當從何所立建精藍有頃舟行泊干

潮音洞遂於此地創建梵宇馮依佛乘  
宋元豐間賜寶陀寺額歷代因之崇尚  
不廢至我國朝益加尊禮世百千年休  
祥蒙賴於熾盛矣哉維我觀音大士通  
明圓覺神應變化運慈悲定慧以闡教  
利生開迷救苦奇功妙道不可殫述故  
能使千百萬億人無貴賤賢愚無遠近  
大小起心歸向開口誦念合掌恭敬焚  
香頂禮四方善士及緇羽輩每於春月  
即洞中叅禮求現而王侯妃嬪貴戚貂  
璫薦金寶以致誠懺悔愆以祈宥使者  
冠蓋相屬於道然乘筏渡海觸犯風濤  
竟無濡足之患而爲觀音必相之則證  
應從可識矣嘗聞故老說補陀佛屢著  
靈異凡我衆生意念精虔往往聖像放  
光金色身照耀天日青蓮擁瑞天樂發

音金橋矗空祥鳥繞樹百靈秘恠恍惚  
呈露隨刹現身形不可測識亦異矣嘉  
靖癸丑島夷犯順據爲巢穴軒構摧圯  
縑錫解散

國朝勅賜碑文俱斷裂什海中所僅存者  
獨聖壽寺琉璃無梁等殿而梵音虛宗  
鼎篆塵蕪者垂數年然教不終否有五  
臺龍樹寺僧真松北遊來京師聞其事

普陀山志卷四

聖

于禮部時官保大學士養齋嚴公爲大  
宗伯亟下其議于郡縣俾給劄住管崇  
奉香火而演律儀以資景福靈山勝會  
一旦光復非我嚴公道邦百靈德無三  
教其能洽和幽明興舉廢墜有如是哉  
維時我郡侯太恒吳公總戎草堂劉公  
相與協贊規畫次第修舉一號今之餘  
而改觀易聽矣適御馬監太監松菴馬

公景慕名山起心發願廼範金成佛綵  
綵結旃不惜重資歸誠于佛一時輻輳  
增重叢林豈非事有待而化有緣邪而  
謂我觀音佛法力冥助神功默相誠不  
誣也聞茲靈異普濟羣生其俾我四方  
息警雨暘時若災厲不興物生蕃阜環  
海內外斷惡修善佑我邦家用臻康乂  
則百千萬年永賴洪庥酬德報恩者寧  
有紀極耶鏗生長海濱習聞靈蹟且身  
享康寧濫竽祿位母氏年踰大耋高堂  
無恙藉此福德敢忘厥自故因真松之  
請不諱鄙陋爲文以紀其事而復系之  
以詩曰

縹緲靈山嗟峨蹟石迴抱滄溟吞吐潮  
汐石洞峭深瓊泉滴瀝爽氣飛揚囂塵  
斷隔佛祖壇場天神窟宅昔我觀音來

普陀山志卷四

聖

自五臺觀茲靈境息駕徘徊梵宮夜殿  
寶刹朝開金容璀璨廣樂喧騰星繁電  
礫倏往忽來自昔稱奇於今爲烈月影  
扶疎蘭釭明滅百千萬人無論愚哲向  
山歸禮嘖水致潔森爾醜夷據爲巢穴  
几席荒涼棟宇摧裂道無終否感則必  
通卿士協吉上下和同垂增雲構弘闡  
佛風燕還舊壘僧依故宮光復盛美伊

普陀山志卷四

聖

誰之功維我觀音慈悲成性我願衆生  
咸歸清淨聖壽綿延帝圖昌盛默佑陰  
扶永綏吉慶勝水名山萬年輝映小子  
顓蒙稽首歌詠

補陀洛伽山記

屠隆

東海補陀洛伽山者震旦中國第一大  
道場也釋言海岸孤絕之地又言東大

洋海西紫竹梅林華嚴言善財第二十  
八叅觀自在菩薩圍繞說法蓋此地也  
華言小白華山又云即梅岑山廼梅子  
真煉藥處東海甬句東並海翁洲北界  
山東登萊之罌接三神山十洲諸島安  
期羨門飛仙羽人咸在而洛伽佛道場  
遠標釋典開朗宣揭則自唐大中間梵  
僧來藝指感現始由明州城桃花津六  
十里至候濤山下是爲海門東航海抵  
翁洲洛伽山周圍百里四際無岸孤懸  
海中赤縣神州不復記憶置在何處穢  
土劫濁邈馬隔絕雖屬閻浮亦造物之  
所以別立清涼界也遠近諸山大者如  
拳小者如粟三韓日本島國青螺一抹  
杳靄烟際乍有乍無微風不動天鏡涵  
空澄碧萬里海鳬鷗低飛亂鳴驚颺

普陀山志卷四

聖

下撞洪濤上春銀山雪屋簸蕩天地五  
更望日出扶桑巨若車輪赤若丹砂忽  
從海底湧起赭光萬道散射海水蔚鮮  
煜雪晃耀心目吳淵穎謂空水弄影恍  
若鋪金僧伽黎衣尤極形容奇哉觀也  
山有潮音洞乃大士示現處洞上有穴  
如天窓仰窺日星頽瞰海鳥金沙細軟  
石罅深黑海濤日夜來嘯吼其下又有  
善財洞以善財二十八叅得名巉巖峭  
嚙表仄中窅崖上珠泉散滴不斷號菩  
薩泉北轉得磐陀石可踞坐望海外三  
有龍女洞以龍女獻珠故有太子塔以  
太子施捨故有紫竹林白華嶺蓮花洋  
以山所產故有栴檀嶺以佛香故有獅  
子巖以佛法無畏故有妙應峰圓通嶺  
以觀自在圓妙故有甘露潭以妙法灑

心故有金剛窟以威音降伏故山上寶  
陀禪寺奉觀音大士其中上自帝后妃  
主王侯宰官下逮僧尼道流善信男女  
遠近累疊亡不函經捧香搏顙繭足梯  
山航海雲合電奔來朝大士方之峨眉  
五臺有加焉江津海浦風濤覆舟哀空  
侯爵波臣亡時亡之獨洛伽慈航乘潮  
穩渡開山以來絕不聞有顛危之險自  
非勝力默持慈心垂祐胡能然矣而衆  
生之朝禮皈依者往往示現靈蹟神光  
金身瑞相白衣縞帶紺目翠眉五雲幢  
蓋七寶瓔珞香花勝鬘仙禽佛燈時時  
有之姪汚者望山而冰銷佼凶者瞻容  
而霽化慧根者頓悟而日朗迷真者立  
撤而霧開寶石乞靈于梵衲金光睹異  
于王人寶冠感瑞于蓮山蓮花戢武于

哈喇唐宋累朝咸知信向至我

聖代益以尊崇

今上奉

聖母慈聖宣文明肅皇太后命印施藏經

裝塑金像宣揚教典衍暢宗門穆哉盛

矣夫大士于現在賢聖劫中為觀自在

菩薩于過去莊嚴劫中為正法明如來

佛果本其法身菩薩迺其權位據法稱

普陀山志卷四

李王

尊道臻無上因權度化普度衆生從聞

思脩以入三摩智超般若本空寂以了

二相善得圓通尋聲抹苦卓矣大悲隨

念消災熾然弘願義密教深見聞之妙

如響觀成機熟耳目之用盡融感而常

寂所觀之相何存過以不留能觀之心

亦泯故能各現身而說法處處皆通握

一智以長存如如不動譬之萬波散迹

元無萬波千月分光止惟一月嗚呼魑

猛獷悍王化之所不能伏而慈氏攝之

蔽錮昏庸師儒之所不能誨而如來導

之十方欽崇萬國蜂涌夫豈偶然之故

哉

渡海記事

尹應元漢陽人浙江巡撫

大明萬曆三十一年癸卯夏五月督撫浙

普陀山志卷四

李王

江都御史漢陽尹應元視師海上時總

戎都督僉事處州李承勛蘭銳士數千

以待聞補陀山峙大海中登此山則諸

凡險要可指顧而知又近歲

聖母

皇上特遣御用監太監張隨內官監太監

王臣齋帑金重修普陀梵宇經藏前撫

臣會疏請傳

留中應元以為百聞不博一見決策往馬  
總戎具舟卒諦風潮訂行期海道副使  
同安王道顯叅將蘇州袁世忠寧波府  
知府建安鄒希賢同知金谿黃樸推官  
宜興何士晉定海縣知縣漳浦朱一鶚  
悉從都御史以是月十三日解纜十五  
日抵普陀既焚香頂禮觀音大士遂歷  
海潮陟絕巘望滄溟擬睇扶桑周咨海  
島真三生奇觀哉夫普陀海潮寺等耳  
又同在一山海潮巨剎宛然恬不為異  
而普陀名號最著因災脩復殊非非常  
之原一旦重以  
天子之命勢必竦動遐邇鯨波巨測偵備  
宜嚴乃屬叅總各官整旅飭防聞警即  
援永期寧謐萬萬弗遺  
君父憂總戎暨諸司分猷共念可為一時

普陀山志卷四

至五

之盛爰鐫石紀歲月以告嗣來云

普陀寺碑記

周應賓

鄞人吏部侍郎

惟我

皇上清寧得一易簡函三垂衣蜎蠖之中  
馳化寰瀛之表薄海內外罔不咸熙然  
猶崇尚西方清淨慈悲之教用禪理道  
萬曆己亥廼遣御馬監太監趙永頒藏  
經於東海普陀寺俾供奉之蓋聞震旦  
之國名刹有三丈殊治五臺普賢治峩  
眉觀音治東海而東海靈應尤異以是  
皇上特垂意焉維時寺燬於火招提未立  
無敢委君命於草莽永具以聞  
上乃遣人閱視故址頒帑金一千兩鼎建  
藏殿仍令舉內侍中忠勤幹敏堪任茲  
役者左右以御用監太監張隨為對  
上遂命之甲辰三月藏殿告成隨報

普陀山志卷四

至六

命闕下繪圖以獻

上悅而資焉維時佛宇僧寮尚未具也明年

上復發帑金二千兩

聖母所發贏其半諸宮各捐金有差以竟前績賜額曰護國永壽普陀禪寺仍遣隨往淮之隨奉

上命惟謹拮据經理無日不身在土木間

普陀山志卷四

聖

鳩材度工至親襍徒庸為伍乃以丙午

秋月已事而竣丁未春

上復遣御馬監太監党禮頒帑金一千兩

初碑示禁告土以畢役焉夫

皇上殷意茲役四發命三遣內臣積歲所

資意無慮數千金于是棟宇巋峩金璧

輝映鹿苑驚嶺有不得比盛者秋毫皆

上賜哉應賓東海波臣也樂觀厥成敢不

對揚

聖天子之休竊惟大士以三十二應身入諸國土現八萬四千臂目接引羣生而尤顯瑞于東海華嚴所說善財南詢之處即今所也佛本無相非相無以攝凡心亦本不住非常住無以得眾止使知彼岸不遙有同海岸梵音非渺即是潮音是以

普陀山志卷四

聖

聖主當陽古佛出世總之網維大化以扶宇宙况乎屢朝供奉尤盛于茲

綸綍既赫輪奐斯彰降魔王於水擊護法

大千效大衆以嵩呼壽延億萬詎行宮

私築所可倣其一二耶惟是四方善信

莫不俛首受戒修蒲團之理者列屋而

居輸香花之誠者蔽江而進豈盡神通

之致哉亦崇奉所自來矣故其寺旋廢

旋舉山川寔式靈之然曩時風雨之所

摧頽興復不難也今煨燼之餘靡一掾

一瓦之留存藉非邀寵

皇上何以復覩漢官威儀之盛若此緇白

之流咸稽首崩角以讚功德於是應賓

擯管作頌勒諸珉碑頌曰

猗歟大士現靈東方東有瀛海寔度大

荒黃金布地紫竹成行既弘瑞炬亦普

普陀山志卷四

堯

慈航祝融為厲梵宇斯殃崇法彰教是

維

聖皇內帑既發內遣惟良經之營之迄今

八霜紺宮更始寶相重光蓮花奕奕貝

葉煌煌爰清爰淨彌熾彌昌弘開壽域

載啓樂邦是大功德不可思量敢告來

裔萬禩不忘



普陀山志卷五

庠生陳九



詩類

洛伽題咏

宋王安石

山勢欲壓海禪宮向此開魚龍腥不到日

月影先來樹色秋擎出鐘聲浪答回何期

乘吏役暫此拂塵埃

遊補陀

元趙孟頫

普陀山志卷五

縹緲雲飛海上山掛帆三日上潺湲兩宮

福德齊千佛一道恩光照百蠻澗草巖花

多瑞氣石林水府隔塵寰鯁生小技真榮

遇何幸凡身到此間

遊補陀

盛熙明

驚起東華塵土夢滄洲到處即為家山人

自種三株樹天使長乘八月槎梅福留丹

赤如橘安期送棗大於瓜金仙對面無言



說春滿幽巖小白花

夕泛海東尋梅岑山觀音洞遂登磐

陀石望日出處

吳萊

山月出天末水而生晚寒扁舟劃然往萬  
頃相渺漫星河白搖撼島嶼青屈盤遠應  
壺嶠接深已雲夢吞蠕木繫予纜扶桑經  
我冠寸心役兩目少試鯨魚竿

其二

普陀山志卷五

起尋千步沙窈石塞行路怒濤所撻擊徒  
以頑險故卓哉梅子真與世良不過上書  
空雪衣燒藥廼烟樹玄螭時側行縞鶴一  
迴顧從之招羨門滄海畫多霧

其三

茫茫瀛海間海岸此孤絕飛泉亂垂纓險  
峒森削鐵天香固遙聞梵相依一瞥魚龍  
互圍繞山鬼驚變滅舟航來旅游鐘磬聚

禪悅咲撫小白花秋潮落如雪

國朝

遊補陀

張信

翁洲人  
狀元

浮生同一夢感槩憐我情文章祇覆釜鉛  
槩總頑形拂茲蘅竇下凌彼天之層和風  
洒雲龍清樾培佳程睠言遊仙侶趣趾成  
蓬瀛

洛伽山望海

陳獻章

新會人從  
祀名臣

普陀山志卷五

元氣茫茫混太虛天吳簸撼蕩坤輿千年  
木石勞精衛百谷波流會尾閭月下明珠  
鮫女泣雪中飛觀羽人居秋風吹老珊瑚  
樹不見麻姑錦字書

其二

一花初起白龍堆萬騎長驅石壁開碧海  
有山都是雪青天無雨只聞雷秋高鴻鵠  
排雲去夜靜蛟龍出穴來借問乘槎向何

處五雲咫尺是蓬萊

寶陀禪寺漫興

寶塔凌空十丈高  
倚欄南望際鯨濤  
天花散處皆金地  
海月生時見玉毫  
夜氣澄清龍在窟  
秋風蕭爽鶴鳴皋  
丹梯咫尺諸天近  
香霧霏霏濕苧袍

補陀山

陸光祖

嘉興人  
太宰

天抱琉璃宮  
鼇柱不見底  
誰騎香象來  
明

普陀山志卷五

四

月弄空水

其二

山椒石壁寒  
沙岸水痕泐  
濤聲日夜喧  
禪

心自空寂

其三

白馬駝經來  
乃在大海外  
誰知震旦中有  
此無色界

其四

寶殿低秋浪  
疎鐘入夜風  
身心無處著  
始悟本來空

遊補陀

張子瑄

鄞人  
少卿

嶙峋僊界錦城堆  
寶樹噴花而迴勢  
壓海門鼇背重光搖  
島瑱蜃樓開層巒徧  
向雲間出飛瀑全疑  
天上來自是修真奇  
絕處何須弱水問蓬萊

禮洛伽山

沈明臣

鄞人

普陀山志卷五

五

三神山遠不能尋  
惟有洛伽名古今  
萬里扶桑開四照  
九天靈鷲削孤岑  
一枝鸚鵡多饒舌  
遍海蓮花不染心  
謁罷潮音靈洞口  
飯依願發晚濤深

題補陀

萬表

鄞人  
都督

掛席凌瀟瀟  
長風兩鬢颺  
俄然見宮殿  
出沒在波濤  
龍女呈珠貝  
如來現玉毫  
直將超世界  
詎獨解天弢

其二

不為名山住將因法喜探波聲撼佛座松  
色暗經函天女咸悲仰童真亦屢叅捨家  
猶畜髮長此事瞿曇

禮洛伽山

沈一貫鄞人少傳大學士

積水中間梵帝宮孤帆高引列仙風始知  
四大浮空住別有三天護法雄肅拜聖儀  
明滅裏迴看人世有無中殷雷欲裂潮音  
普陀山志卷五  
洞何處西方更發蒙

其二

近有三生紫竹綠何須十地與諸天獨騎  
香象開龍國故擊靈鼉撼蜃川銀浪秋掀  
天影澹金輪朝發海光圓但將一勺澄心  
地舉目千花盡是蓮

其三

妙應峯頭披世氛磐陀石上攬晴曛大千

毫髮空中見諸佛威音定裏聞虛唄自隨  
龍鬱律天香惟與鶴氤氳三山近立祥河  
外盡為金僊駐彩雲

其四

巢頂孤僧坐似懸更無色相與區緣蓮花  
寶界龍腥薄簷蔔香林鳥性圓纔唾巖珠  
尋到海乍飛月鏡已升天真無水色寒能  
照假有山光亦自鮮

普陀山志卷五

遊寶陀寺

黃猷吉山陰人

直為探竒過上方居然臺殿水中央到知  
海岸真孤絕遙望瀛洲亦渺茫石洞寒潮  
鳴梵唄竹林明月放圓光鯨波一洗烽烟  
息仰見慈靈遍八荒

夢遊補陀山

姜子羔餘姚人少卿

忽然飛渡海雲東海色澄清霄漢通借問  
此心何所似白雲映水月當空

遊補陀山

馮夢禎

嘉興人祭酒

西教東流到補陀金蓮

花發映婆羅星河

歷歷黏青漢島嶼纍纍

浸白波龍獻寶珠

歸象罔僧留香飯與龜

鼉我來欲發如來

藏老傍寒松學鳥窠

登補陀

劉尚志

皖人海道副使

欲問如來何處尋寶輪

空裏海濤深朝看

絕島開龍象夜聽寒潮

落梵音萬頃風雲

普陀山志卷五

浮碧玉九天日月布黃

金閭州恍在藤蘿

外夢入西方不住心

題洛伽

龍德孚

武陵人寧波府同知

望來鼉柱森無涯海上

孤懸小白華說法

臺高開寶藏潮音洞迥

湧金沙扶桑夜沸

三更日祇樹光生五色

霞我亦有冠慚未

掛梅岑何處覓丹砂

寄題補陀

宋應昌

仁和人太司馬

洛伽山浸海波中大士西來彼岸通不是

世人迷苦海肯教說法到天東

禮補陀大士八韻

傅光宅

聊城人提學

翠壁千重盡滄溟萬里開龍宮吞日月歷

氣擁樓臺五嶽誰飛錫三生此度杯地疑

人境外身似梵天回紫竹藏鸚鵡青蓮見

善財海神聽法至天女獻花來慧眼觀千

界潮聲振九垓皈依持半偈甘露灑塵埃

普陀山志卷五

沈家門阻雨

雲海慈航一葦輕身隨大士踏空行波光

東去通夷國烟島西來擁化城夜吼潮音

千壑應寒飛花雨四天明塵心到此清如

水文室吾將擬淨名

喜晴

海風吹雨失千山幾日藏舟翠壑間忽放

光明遍三界青蓮一葉水雲閒

望補陀

顧充

上虞人王部郎中

我家世漁瀛海東烟波滿眼青濛濛我生

夙抱探奇癖十洲五嶽期過從金閨一旦

謬通籍矯首滄洲思無極馮誰寄我仙山

圖開泰神飛渺南國秋濤灝瀚秋雲賒紫

翠中浮小白花瑤光遠映三摩地金色平

鋪千步沙蛟宮鰲極出鼎鼐寶相珠纓示

神異慧炤孤縣震旦中慈航飛渡閭浮際

普陀山志卷五

一襟水月共澄鮮真歇關頭好息緣泡影

河山忽明滅恒沙世劫幾逃禪馬首京塵

幾十丈西風吹滿青袍上苦海溟溟日望

洋津梁咫尺徒神王題絨爲報大將軍莫

撒磯頭白鳥羣他日浮槎指南海相携同

禮白巖雲

題洛伽

時寺徒侯清山

李攀龍

濟南人憲使

洛伽山上古祇林白馬西來峽口深月出

爾時樓閣影風還如是海潮音若非鸚鵡  
元能語誰解蓮花不染心五十三負知識  
盡可勞踪跡問浮沉

題補陀

李言恭

盱眙人臨淮侯

五嶽三山總浪遊法門高敞海天秋窓前

雲氣蛟龍起檻外波濤鳥嶼浮月映寶珠

明上界星隨燈火散中流黃塵白髮真無

賴彼岸慈航何處求

普陀山志卷五

寄題補陀

蔡貴易

同安人總憲前寧波太守

憶昔分符日相依祇樹林天留最勝地佛

照不溜心海日蒼崖曉蓮花碧水深爲民

遙頂禮願普恒沙金

龍女善財洞

梅魁

參將

雪膚蒼貌紫霞裾幾駕蒼虬下碧虛踪跡

尚留青海上珮環遙向玉樓居雲封洞口

塵氛寂潮漲沙頭月影孤欲就此中求至

理本來妙相一明珠

寶陀寺禮大士

屠隆

寧人禮部主事

瀛壖浩亡極，涵宕竅垓圮。靈巖邈孤懸，際斷神境別。海罅渴蛟飲，磴道凍虹折。白日浸曾波，晴空翳膠朒。剎那雲島獻，儵忽烟鳧滅。山足落潮痕，沙明浩如雪。兜羅敞銀界，七寶嵌金闕。寺影倒空水，永與喧囂絕。龍來殿門腥，夜冷霜鍾咽。大士坐香臺，青

普陀山志卷五

三

蓮映紺髮，瑤窓繞琅玕。函經護松栝，天花雨繽紛。高僧時說法，有去即有住。無解亦無結，福慧不唐捐。能所俱了徹，西教自東流。津梁此娑竭，何必迦毘羅。然後得寶筏，余今討空宗。萬念惣抹撥，願聞微妙言。庶啓廣長舌。

其二

巍巍法王子，天人所師尚。菩薩乃應權，佛

果證無上遠，從身毒國大法來。龍象孤島

託屣屢浩蕩，乘溟漲詎應愛。空闊無乃愍

流浪人生墮，苦海神識昏。漭漭哀哉萬劫

中業趣，日醞釀輪轉何絲超。泥犁深萬丈

慈氏興大悲，弘誓度羣妄。微言深奧衍妙

義，蔚遐暢不廢耳目用。而忘耳目相，世音

乃以觀觀徹，理無障三千及大千。桴鼓答

靈眄，蟻螻音呶嚶。洪鐘響嘹唳，尋聲抹苦

普陀山志卷五

三

難茲理實非，詎周徧法界。中咸令滿所望，無情亦知歸。有識那不向，如來滅度久疇爲。發寶藏，繙經悟真諦。我願如玄奘

遊補陀

蘭若孤懸大海中，山根四面插蛟宮。浪推

旭日排天出，風靜涼蟾照影空。異鳥聲和

仙樂細，靈龕背閃佛燈紅。神州別有三摩

地，况與蓬萊咫尺通。

其二

不斷潮音響石淙蒼厓陡絕杖孤筇天浮  
島嶼雲帆亂殿壓鼉鼉雪浪春曾共鳥窠  
叅了義還依龍藏討玄宗日斜空水澄如  
鏡微有冷風送暮鐘

其三

獨上磐陀四望寬青螺一帶抹烟巒樓沾  
屨氣全疑濕潮落沙痕半未殘波面紅蓮  
普陀山志卷五  
開十丈巖前紫竹長千竿竭來頓悟圓通  
理手挈銅甌汲巨湍

其四

不因禮佛到翁洲那識乾坤屬一漚欲就  
此中超幻劫更從何處覓闊浮雲光佛日  
三千界海色仙人十二樓幢蓋蕭蕭金磬  
冷碧山黃葉寺門秋

其五

翡翠臺吞島樹冥珊瑚簾控海峯青香船  
暮客帆投浦寶塔霜鍾月在瓶聖主紫泥  
封賜詔內官黃帕捧函經人非人等俱聽  
法夜半龍來殿不腥

其六

扶桑日出曉蒼茫森森行空一葦航誰劈  
銀濤開寶界直扶黿柱駕金梁僧歸水府  
袈裟濕女散天花佛座香悟得無邊先及  
普陀山志卷五  
岸了知東土是西方

其七

何來驚嶺削千尋大士端居紫竹林日月  
高窓懸石扇烟霞古洞響潮音五雲瓔珞  
莊嚴妙七寶琉璃般若深菩薩泉名功德  
水但教一洗盡凡心

其八

凍巢時有鶴來歸舟楫雖多鷄犬稀絳月

夜侵龍女機碧雲秋冷梵僧衣祇因海浪  
無天遠轉覺香臺與世違塵土劫灰都不  
到蓮花開落是禪機

補陀十二景

梅灣春曉

梅尉丹爐火不溫疎枝淡月島烟昏只愁  
海叟吹龍笛擲落羅浮萬樹魂

茶山風霧

龍宮蛟室霧網緼幾樹珊瑚認未真雪裏  
頽霞高十丈紅綃恐是獻珠人

古洞潮音

海濤飛雪復春雲寶殿疎鐘入夜分潮自  
砧鉤僧自定悟來原不是聲聞

龜潭寒碧

涓江使者夢冥冥五兆空嗟朽甲靈豈是  
來遊蓮葉上水天涼冷月痕青

天門清梵

野衲齊繙貝葉書磬聲遙度暮沙虛神龍  
聽法妖蛟舞親見如來金臂舒

磐陀曉日

黃烟黑霧罩潺湲忽破天昏海色殷誰駕  
火輪推雪浪赤光如矢射千山

千步金沙

黃如金屑軟如苔曾步空王寶襪來九品

池中鋪作地祇疑赤腳踏蓮臺

蓮洋午渡

波上芙蓉盡著花香船蕩槳渡輕沙珠林  
只在琉璃界半壁紅光見海霞

香爐翠靄

博山突兀海孤懸日對軍持大士前不用  
梅檀燃佛火曉來嵐氣自生烟

鉢盂鴻灝



應器東行大衆從遍施香飯說禪宗更看  
一酌滄溟竭此物由來制毒龍

洛伽燈火

熒熒一點照迷津光奪須彌日月輪萬劫  
靈明應不滅五燈傳後與何人

靜室茶烟

蕭蕭古寺白烟生童子烹茶煮石鐺門外  
不知飄急雪海天低與凍雲平

唐陀山志卷五

題補陀

黃之璧上虞人

名山梵刹海東開金作禪宮玉作臺萬點  
慈雲青峯下半空法雨白龍來依微石室  
窺無相彷彿珠幢見辨才誰似神僧杯可  
渡摩尼自取照蓬萊

其二

蒼蒼磴道控瑤岑大士遙瞻亘古今雪檻  
琅函開閣淨松門燈火隔窓深鯨波澄作

蓮花藏蜃氣虛爲蒼筤林燒罷香烟龍女  
去天風吹送海潮音

夢遊補陀

葛曉上虞人

水國稀微古殿閒天空夜靜海潮來摩尼  
始覺明真性叅禮行常學善財不返秦皇  
嗟藥草轉憐漢武企蓬萊何如此地求聲  
聞遂上瓊樓碧玉臺

潮音洞

盧純學通州人

普陀山志卷五

九

大海靈山迫龍宮豈易尋萬年垂妙相孤  
洞啓潮音天削峯成玉沙鋪地是金泠泠  
俱作梵蚤已滌凡心

題補陀

龍膺武陵人

洞口曇花夜不昏多羅舍利萬年存魚龍  
跋浪連林屋鐘磬和雲出灌門色界豈知  
天下大香臺惟見世中尊更憐末法誰梁  
棟爲有生公石可論

題補陀

丁繼嗣

鄭人憲

天下名山說補陀孤懸海曲傍巖阿雲蒸  
遠岸龍光躍日照層巒屨氣多晴畫幢幡  
開霧靄清宵鐘磬起龍龕滄溟地僻人稀  
到喜共胡僧逐隊過

題補陀

吳禮嘉

鄭人史

萬里滄茫一寺門慧光千丈擁朝暾孤懸  
寶相空塵劫不斷潮聲到竹根風靜靈旂  
普陀山志卷五

辛

鯨海晏月籠祇樹蜃樓吞登臺長嘯烟雲  
裏掃却凡塵道自存

禮補陀山

董光宏

鄭人刑

東南澤國中往往饒異迹巨海峙補陀大  
士下所適俯瞰天潢池懸崖九千尺當時  
現法身青蓮大如席龍神日來朝洪濤恣  
噴射滅沒數點烟天盡地無圻坡湧山勢  
搖日蒸海氣赤境內萬里舟域外三韓舶

乘潮破巨浪亂飄互相躑舄德難異香拱  
手晉名壁昨年詔使至幃幢映巖石真如  
故無言衆生自奔迫遂令濊潏中今古長  
赫奕西方有聖人東海乃其宅我今飛渡  
來膜拜恍今昔摩娑薝蔔花四望曉天白  
忽憶生前事廿年此面壁

題潮音洞

盧元選

鄭人進士

靈竅何年着化工嶙峋倒挿水雲中浪花  
飄瀑飛晴雪海月浮光夜現虹石壁雨餘

普陀山志卷五

辛

泉出竇梅林秋老樹吟風虔誠欲叩如來  
面雙鶴盤旋下碧空

寶陀寺

李應詔

鄭人

茫茫鷲嶺水雲賒今古莊嚴大士家檻外  
碧空垂法象月明島嶼盡蓮花

遊補陀

徐啓東

鄭人

夢想名山久因之駕海來潮從天上湧剎

向嶼中開金粟山為鉢蓮花水作臺盤陀  
望三島咫尺是蓬萊

題洛伽

呂胤昌

餘姚人吏部郎

絕島波間嶼空門嶂裏懸齋厨隨雀至野  
衲近狡眠叢蔚蘿侵戶縈紆竹溜泉玻璃  
千萬頃水月映人天

題補陀

張邦岱

鄞人序班

法界何從覓招提別有方羣峰依日小一

普陀山志卷二

水入雲長蹟以蓮花著林將竹葉藏何時  
登彼岸側想在慈航

題補陀

李先嘉

鄞人

憑虛聊騁望面而荻蘆秋坐據三生石心  
隨萬里流龍巖爭出沒日月自沉浮向夕  
烟氛歛珠光似可求

其二

法界元無着茫茫空水雲鐘聲潮外住佛

相鏡中分經為魚龍說人將鶴鶴羣慈航  
如可借不厭往來勤

題補陀

張邦侗

鄞人罪丞

海上神州一刹奇珠宮紺殿五雲披雙林  
祇樹三千界絕岸潮聲十二時月白滄溟  
鼙鼓振風迴大壑梵鐘遲波濤浩渺諸天  
淨幾見游龍觀法師

再遊普陀

程時望

新安人

普陀山志卷五

堂

為憐淨海妙蓮華幾度相從泛遠槎龍象  
應窺曾到客法臺重雨舊時花無邊慧日  
懸祇樹不盡慈雲接洛伽更見寶光金色  
麗令人滌慮問三車

洛伽山

葉舜臣

鄞人

駭石連鼉事有不蒼茫天地惣輕漚乘潮  
夜覺星河覆破浪時驚日月流百谷龍蛇  
歸大壑空王香火屬孤洲邀僧施食龍窺

鉅拄杖看雲屨結樓老蚌戲珠宵出浪文

鮫吹霧晝迷舟傍通異域應無數咫尺神

山若可游坐想飛仙乘蹻去行逢老衲借

杯浮如來若許親摩頂願得誅茅最上頭

題補陀

董大晟 鄭人

滄溟無際望中舒寶月孤輪匝太虛坐聽

鼉更通法鼓從看龍女舞靈胥磐陀石上

三生偈優鉢羅花四照餘到此不知何彼

普陀山志卷五

李

岸經聲天語自如如

潮音洞

汪學信 新安人

山根盤結水縈迴大士當年作法臺礁滑

平波翻雪浪巖懸白日生風雷龍從洗鉢

洋遶化蓮就然檀定裡開紫竹滿林看不

見惟來偏向石中栽

磐陀石

飛來一石大如舟占得羣峯最上頭已識

無根真面目懸知點額指滄洲

遊補陀

陸鯉 上虞人

洪濤萬頃泛艣艨浴日吞天一望空十日

心齋朝海岱三生夢覺悟真宗白蓮花吐

潮音洞紫竹苞生景命宮笑我此來無個

事洛伽山裏聽傳鐘

題洛伽

施敷 歸安人

海嶠東南障九坂凌空梵宇鏡中開經函

普陀山志卷五

李

萬卷黃金詔地迴千重白玉臺鐘磬清音

超彼岸禪林明月照如來莊嚴寶藏咸瞻

仰萬古乾坤一壯哉

題洛伽

徐國瑞 上虞人

朝禮齋心二十年于今始得了斯緣遙驚

海上留金鉢忽訝洋中開玉蓮遠島千重

環聖刹澄波萬頃護松禪愿將無量菩提

水遍洒人間作福田

海門望補陀

薛三才

定海人  
布政

大界名山盡道場獨看祇樹接扶桑  
轉爐萬劫留香火龍象雙馴護法藏  
餅水迸添潮汐上爐烟散入海雲蒼  
蛟門直望天門迴幾度迷津問去航

和家兄寄題補陀

薛三省

檢討

磐陀咫尺幾時攀曠眺天關開闔閭  
日濯瑠璃明十界水含宮殿動三山  
蓮花隱見

普陀山志卷五

李

搖波白竹葉參差著石斑  
莫道莊嚴消息遠月明滄海聽潺湲

潮音洞

陳王賓

定海人

層巒迴曲徑石竅瞰長虹  
大士棲霞所神僊煉石宮  
水梳瑤草滑風掃白雲空  
悟入三摩地瀟然興味同

遊靜室

周應宸

鄞人

大觀知不極小築愜幽情  
石恠多題字僧

深不識名依山茅徑仄到處竹泉清  
祇是供隨喜新茶煮石鐫

題補陀

鄭有學

嚴州人  
訓導

相傳大士此中都共說真如今有無  
隱見月光呈瑞相氤氲花氣學香爐  
迷津可渡舟檣滿聖水無邊島嶼孤  
我若有觀應自在何須錦字問麻姑

題補陀

屠玉衡

鄞人

普陀山志卷五

李

孤峯竅窠帶蒼苔紫竹林端講席開  
擊鼓馮夷驅浪至獻珠龍女挾潮回  
經繡貝葉聞清楚座擁金蓮結寶臺  
一片空明浩無際遙瞻宮闕近蓬萊

其二

瀚海安瀾蜃氣消流鈴僊樂奏雲韶  
輝煌宮彩銖衣肅澹蕩爐香絳節朝  
慮淨萬緣歸寂滅心持半偈息團瓢  
了知水月元空

相璣玲慈容近可邀

其三

花雨繽紛壁月懸精藍清供普人天莊嚴  
古佛垂螺髻定慧名僧啓法筵寶誌幻來  
八面相圓通印入四乘禪性靈何止周沙  
界功德還應遍大千

其四

磐陀石上散晴霞金粟林間四照花日落  
普陀山志卷五  
巖前發跡磬夜深水際泛孤槎千秋香火  
真如地萬國梯航大士家媿我凡夫遙頂  
禮欲從蘭若問三車

寄題普陀

余詠 鄭人

孤絕繇來佛力尊蒼茫宮殿控朝暾法幢  
影動青虬舞僧梵聲來白翅騫濤激屢驚  
翻日月塵揚幾見別乾坤不知彼岸原何  
處乞得 天恩下九閭

寄題補陀洛伽

李俊 鄭人

目極補陀勝名山大海東歲時千里客來  
往一帆風波湧金蓮界林依紫竹叢何緣  
謝塵網膜拜與僧同

其二

絕岸風烟接層巒日月開聖燈時出現慈  
照暫應回陽谷千年木陰崖萬古苔遙瞻  
金碧麗彷彿近蓬萊

普陀山志卷五

三十九

題補陀

屠大諒 鄭人

曉日射珠林清光映遠岑寶旛雲外落石  
磬雨中沈琪樹衆禪觀迦陵語梵音金容  
如可見灑灑遍甘霖

禮洛伽

周應宸

一剎中懸積水間依然法寶護慈顏已聞  
地籟潮生浦若墜天花春滿山佛以應權  
多著相僧因領衆不成關爲儒未許皈依

甚捨得齋錢亦自慳

登補陀山

屠大誼

鄞人 庠生

一望蒼茫遠樹連羣山羅列寺門前紅蓮  
冉冉生香海紫竹離離遶梵筵天女散花  
叅聖諦應真渡筏叩玄詮慈航一一資龍  
藏稽首金僊了俗緣

題補陀

柴懋賢

鄞人 庠生

大壑深林知幾重沉沉紺殿瑞烟濃衆香  
繚繚搏華蓋七寶莊嚴捧聖容風動繡旛  
看鳳舞雲生畫棟欲飛龍徘徊忽上千峯  
月海印光寒起暮鍾

題鎮海寺

汪學信

梅岑拳石盡成玄誰聚浮漚結大千潮自  
雷喧心自寂海同天際性同圓吞舟恠物  
知飯法破浪蒼虬識引年即欲買山隨遁  
隱牛磯無用費犀船

遊補陀山寺

邵鳳來

定海人

好將大海濯塵埃梵刹孤當寥廓開翠岫  
薜蘿清色界碧天水月淨樓臺夜光破演  
旭初上晴雨飛空龍欲來妬殺名山僧盡  
占閒敲鐘磬在雲隈

題洛伽

吳學周

崇仁人 象山縣知縣

水雲千頃極蒼茫島嶼平吞日月光紫籜  
扶疎開竹色紅衣掩映發蓮香欲叅大士  
普陀山志卷五  
真空偈好泛如來般若航見說九重頒象  
教恩波蚤晚遍遐荒

題補陀

黃正達

華亭人 象山縣教諭

萬里蒼茫蜃色開琳宮寶殿鬱崔嵬夜寒  
風雨龍聽法日落波濤僧渡杯大海總名  
功德水法身元是妙明臺望中直接蓬萊  
境盡是楊枝洒處來

遊補陀山寺

邵輔忠

定海縣人 主事

洛伽巖外水悠悠大士蓮臺自一洲佛火  
三摩傳不夜鐘聲萬里徹清秋天澄虛白  
遙連壑山淨空青下滿樓剩得禪心同莽  
蕩那知消息問泥牛

梅灣春曉

幾樹疎梅倚石斜問梅開落屬誰家東風  
昨夜頻吹俏也作如來小白華

茶山風霧

菩提那不是蓮花雷英雲林長露芽山氣  
誰嘘晴不散半籠祇樹半籠茶

古洞潮音

削壁懸崖作海門波濤萬疊恍鯨吞上方  
諸品都空寂水石聲聞亦是喧

龜潭寒碧

洛水曾聞兆聖明由來靈跡寄山泓溶溶  
漾漾秋光冷照徹禪心不二清

天門清梵

石扉空敞日無扃僧向諸天齊誦經滿岫  
白雲封不住隨風直與老龍聽

磐陀旭日

梅岑石石盡成禪片石凌虛占水天多少  
雲山迷宿障夜深紅日此峯前

千步金沙

霏霏如屑復煌煌容易祇陀布地黃豈是

滄浪淘洗出恒沙世界遍金剛

蓮洋午渡

滿洋雪浪白翻天何處香船是鐵船大願  
總知神力在千帆日下盡紅蓮

伽洛燈火

漠漠孤峯浸海國日沉海氣昏山色蒲團  
燈火放光明點破一天烟霧黑

香爐翠靄



大冶何年鑄博鑑馮夷端捧向浮屠天香  
化作青烟起昧火看來水不濡

鉢孟鴻瀨

釋種家風惟一鉢那從雲外空生活食殘  
香飯洗波中回首茫茫海天濶

靜室茶烟

入定頭陀不下龕老松脩竹閉茅庵山童  
汲水烹山茗只見烟飛併作嵐

普陀山志卷五

遊補陀山寺

邵輔明

澤國烟霞駐聖靈六鰲駕一破滄溟山頭  
晴雪半涵白水面寒波長送青雲擁祇林  
凝屨氣香飄佛殿散龍腥總知極樂西方  
界萬頃銀濤一淨瓶

題洛伽

劉克賓

定海人

龍宮蛟室雪濤堆併是空王梵宇閒淨色  
青山塵不着寒光白晝日先來蓮洋人渡

蓮為緝雲水僧居雲作臺到岸了無機事  
事沙鷗慣熟也忘猜

題洛伽

周俊元

定海人

突兀千峯望不留梵宮迴與白雲浮靈鷲  
駕日光先到古洞吞潮響暗流夜半疎鐘  
清帶梵天空一水碧澄秋莫言苦海無涯  
際彼岸分明在上頭

題補陀

王世仁

定海人

普陀山志卷五

正法弘慈遍九坂道場遙向海東開波光  
日色金銀界松響濤聲晝夜雷貝葉緒時  
禪幌靜天花飛處慧香來須知色相原無  
著水上蓮花是法臺

題洛伽

陳王賓

定海人

白華古剎白雲隈燁燁靈光燭上台東土  
原知皆淨土香臺誰識是蓮臺諸天燈火  
三生諦一粒摩尼萬劫迴今日頓空塵網

念此身金粟舊如來

題洛伽

劉廷璿 定海人

妙覺真如啓法藏祇園珠樹映扶桑滄溟  
四望鋪晴練燈火諸天燦夜光人到名山  
知佛國誰從苦海渡慈航一聲鐘磬空雲  
水九品蓮開萬斛香

遊補陀

金鈔 鄞人

須彌山頂住諸天佛掌如何現大千海影

普陀山志卷五

五

盡含空外色潮音不雜定中禪金沙灘上  
僧歸月紫竹林中鳥破烟只辨直心皈大  
道無煩寶筏度迷川

題洛伽

管萬里 鄞人

煉藥何年到海岑紫雲爲幕竹森森藏真  
咫尺蓬萊島護法莊嚴蒼筤林峰靜巖陀  
聞寶界日春崖洞湧潮音頻迎異鳥聲聞  
切但說排山地布金

再守茲土重登普陀

劉炳文 台州人寧紹參將

浪遊兩度謁山靈風景依然一望平古寺  
潮音聽落月深林竹色隱踈星泥封彩綯  
卅沙鼎蜃氣香浮大士經說法夜闌人未  
倦可知東海絕長鯨

渡蓮華洋

楊德政 鄞人

浩蕩開真旦微茫隱化城山隨奔浪湧水

普陀山志卷五

七

向遠天傾雙樹雲中出千花空裡生超然  
登彼岸未論濯塵纓

題洛伽

潘景元 杭州人

峭壁峻嶒天帳開海雲重疊起樓臺仙人  
掌在琪林外幾度推雲上石苔

春日游補陀洛伽山

楊德遵 鄞人

寥窅清海上氛戴星梅樁出雲屯棄田

血綠迎江口鷗鳥浮晴點嶼疊入步名山  
空色相聽潮前筏小軋坤當來誰是分香  
者目下長生第一門

遊補陀

朱一鶚

津浦人字海知縣

西教至自龍象國東方隱此龜巖窈峰巒  
一斐青螺浮沙堤千步黃金築紫竹林開  
小白華秋風處優曇花烟霞別是人間  
丑水月孤縣大士家大道悠悠潮湧湧獨

普陀山志卷五

十六

望汪洋成浩歎分明砥柱在中流直引迷  
途登彼岸臺殿風高響鈴鐸洞靜與龍聽  
說法官使傳經雲錦張山僧揮塵天花落  
自慚身是宰官身回首空憐車馬塵爲仰  
慈霧參大士一泛僊槎牛女津

遊補陀

柴瑛

鄞人

鼓棹飛花姿竭洲真如勝界一浮漚澄波  
漾日空王麗疊岫連雲多象幽蒲座郎聞

師吼偈楊枝惟洒窻同舟憐余剩有蓮心  
淨滿跼曇香擁不流

寄題補陀

樊王家

江陵人字海縣知縣

寶剎凌空跼轉深洪濤春雪見叢林波光  
倒影窺明鏡晚籟含風響暗琴寂寂香雲  
成法界離離紫竹見禪心名山應有神霧  
護龍氣長吹落日陰

遊補陀

李一鳴

寧海人字海縣知縣

大道元無我浮生委此身客來秋結社僧  
過夜譚經虛室月生白空生雨送青憐余  
嬰立網寧不媿山霧

今上 敕賜護國鎮海禪寺奉題一

首

陳九思

東表神洲浸大瀛盤根無地巨鼇擎琳宮  
又初天開境寶號新頒 帝賜名佛火夜  
縣龍藏曉海霧朝結屨樓明香舩萬里颿

千葉得渡爭跨彼嘶行

題補陀四首

周應治 鄭人憲副

娑竭波濤遶洛伽氤氲香鉢護烟霞空中  
墨點三千界天際金鋪萬劫沙龍女獻珠  
依法苑僊人煮鼎煉丹砂由來佛土多奇  
幻貝葉鉢永涌白華

其二

普陀山志卷五

甲

大地浮空自古今翠雲深處敞禪林雲封  
兜率青蓮濕潮咽較宮紫竹陰湛海長澄  
三昧印蒼山點證六如鍼跏趺忽悟無生  
諦真歇囁頭咲陸沉

其三

一上天門望不窮諸天縹緲有無中露瓢  
寂歷懸危蹬伽室參差嵌碧峰疊巘松濤  
清梵唄千霄輝影露真宗獨憐臺上照石陀

若花雨絲飛散遠空

其四

穿雲直入路懸驪紺闕巍我逼蔚藍地壓  
扶桑吞日月樓成廢市吐烟嵐叅方野袖  
來天竺入定神僧閉石龕遍禮玉毫瞻法  
相恍垂金臂接瞿曇

題普陀

張如蘭 沫陵人

縹緲束探大士宮諸天突兀為誰雄蒼龍  
普陀山志卷五

甲

偏壯鴻荒石白馬流傳漢殿工地關東南  
秋色老天開海島夕陽空生平究竟猶堪  
訝佛力相兼造化功

其二

驚嶺秋高大陸前盤空寒影踏遙天羣峰  
不斷浮雲色絕障長留落日懸地險關門  
衝急峽山奇削壁挂飛泉無人得遇青精  
飯有客先歌白石篇

遊普陀長律八韻

何士晉 宜興人工科給事中前任寧波司理

琳宮絕壑駕蛟鼉萬里烟光擁黛螺乾闥  
忽傳天樂細迦陵時送鳥聲和御函別啓  
新蓮歲浩劫重開舊寶陀水月觀中龍子  
出旃檀林外雁王過潮音作梵山齊吼梵  
衲棲巖雲滿窩玉筍點班留片石金沙足  
練護恒河莫言島嶼津梁少翻覺風濤世  
普陀山志卷五

路旁兩度 壬寅癸卯歲余曾兩到 祝釐登彼岬願言

千載不揚波

題補陀洛伽山一首

董大晟

震旦滄淵湧洛伽大螺吹徹演三車龍宮  
灼爍珊瑚樹象教續紛小白華空外坐來  
隨世界多中那處是天涯潮音還往仰終  
極覺海應知轉法輪

咏洛伽

薛三台 定海人舉人

孤插滄溟小白華烟濤千步湧金沙雪衣  
大士元常現雲頂高僧別是家翠竹嫩滋  
山寺雨紅蓮艷奪海天霞由來一輩堪航  
地莫道茫茫未有涯

謁補陀

陳時化 西吳人

雪浪霏霏寶筏來莊嚴法海梵王臺皈心  
欲證無生偈開士休因有髮猜

龍藏兩頌

普陀山志卷五

聖

明主詔鵬冠仍作寶山回遠從娑竭頻搔  
首太息閭浮儘劫灰

渡海

無際烟濤接混沌誰知終古幾滄桑三生  
欲叩諸天法一粟初窺百谷王宕滴高空  
龍子怒砰瀾濁浪蜃樓長島夷豈得虛稱  
貢萬里今看波不揚

禮洛伽山大士遍閱大海諸勝

丁繼嗣 鄞人巡撫都御史

日淨齋壇禮上台孤懸絕島殿中開九天  
龍象擎雲下萬里龜龍駕海來佛火檀燃  
超色界蓮洋花簇護香臺願分一勺澄心  
水洒遍楊枝度草萊

其二

孤峰突兀五雲攢清供入天厰法壇夜聽  
普陀山志卷五  
龍來腥不到日來猿立膽常寒烟霞迴別  
人間世水月如懸大士監了徹圓通觀自  
在冷風高引駕青鸞

其三

纔從物外謝冠纓却向天邊問化城夕照  
雲穿窺塔影夜鈴風遞入松聲僧施香飯  
天厨淨佛散華燈梵界明到處如來親見  
面何須煉藥跨蓬瀛

其四

盤陀石上倚朝曦四顧茫茫勢若吞萬國  
梯航猶不絕千年香火自常存側身旁睨  
扶桑小回首懸知大塊尊此是無根真面  
目飛來獨立鎮乾坤

其五

大士莊嚴下碧岑巉巖陡絕海濤深煙籠  
洞扃青蓮濕日破林開紫竹陰天女獻花  
普陀山志卷五  
參石竇龍神聽法吼潮音何如此地皈依  
切洗濯塵凡不二心

其六

天門紺闕曉蒼蒼金粟恒沙布地黃露頂  
圓瓢僧乞供皈心珠履客拈香御函特下  
龍光護浩劫重開鶴馭翔我亦欲離苦海  
去誰先彼岸渡慈航

其七

白衣殿外構為庵兩地虔供一駐驂  
旃壇超幻劫別無塵境覓瞿曇光明盡布  
三千滿善識曾餘五十衆寶蓋淨瓶都是  
法衆緣普渡必生男

其八

尋真結侶獨扶筇峭石叢林歷幾重龍樹  
金身新法相梅僊丹鼎舊玄宗照廻淨室  
參差見雲護閑關寂滅封惣是如來三寶  
普陀山志卷五  
界勤脩何地不傳鐘

四

登白華山曲徑靜憩

一入山門自不凡白華點點隨空巘逶迤  
直上青蘿合蒼蔚徐看翠竹耗老衲陀頭  
方坐石小童雜髮亦披衫傾談正好明心  
性天為呼風促去帆

初至普陀即景二首

徐如翰上虞人  
憲副

樓船破浪快乘風轉入迴巒絕磴中編竹  
間桃脂帶黛驚濤噓石雪搏空蜃樓香靄  
香雲暖紺殿參差返照紅更愛是人皆禮  
佛始知無水不朝東

其二

誰見三山與十洲即看佛國在炎州波濤  
夜靜龍聽法巘壑春晴石點頭鼎篆絲絲  
幢影馥髻螺個個鏡花浮何須更問無生  
普陀山志卷五  
法來往潮聲聚散漚

四

遊普陀歸遇雨

細雨勒新花祠水興轉賒穿雲衫影重沾  
濕步痕斜倦借僧眠榻渴分佛供茶尚思  
憑願力彈指遍恒沙

雨中尋普陀諸勝

緣崖度壑各擔簦翠合奇環賞不勝竹內  
鳴泉傳梵語松間刺海露金繩山當曲處

皆藏寺路欲窮時又遇僧更笑呼童扶雨  
掖遡風直上最高層

### 朝陽庵

樹密逕幽深禪房春晝陰斷雲寒宿檻流  
水靜穿林僧說前朝事人多象外心翻悲  
出門去鐘磬有餘音

### 晚晴見月偶述

暮雨初收紫翠重松扃瀉影鎖千峰漸看

普陀山志卷五

四

淨滿庭心月却似莊嚴佛面容散入萬波  
圓處處攝來一照夜溶溶相看正話陰晴  
事又聽潮聲響梵鐘

### 望海

目力有時極水光何處窮但知川谷往誰  
識尾閭終曉氣唯占旭濤聲不借風舟行  
無里道帆挂任西東忽過夷王島還浮龍  
女宮亂雲疑列嶼孤鳥指鷺蓬世界空明

盡神州杳靄同有時明鏡迴倏爾怒霆雄  
琛恠絲難紀昏朝望轉蒙量包乾輿外脉  
入地維中河伯宜長嘆天潢自有宗聖朝  
波不溢佛國路常通願借慈航力皈依不  
壞空

### 潮音洞

羣公共禮潮音洞莫作潮音洞口詩縱有  
繡腸描不出直湏絕倒叫神奇

普陀山志卷五

四

育恩院山石奇勝當為普陀諸靜室  
之冠

山勝皆藏石石奇各肖形地當幽絕處寺  
露半開扃小檻援飛霧開牕瞰落星曲暗  
苔細細危竇水泠泠竹鱗斜通穴雲標別  
染青窳陰時護遶麗影欲充庭挹海懸雙  
鏡開山問五丁漸疑霞作屋翻訝蘚為屏  
坐卧俱成適攀躋覺有靈穉僧能呪鉢



子解談經時有一小沙鉢能持鉢食呪而  
法顯妙而壁宜深定鑄題各辨銘石上刻  
故最憐齋報午粳粒笋芽馨

題普陀

張可大休陵人寧紹泰將

海雲面面護禪宮屹立中流砥柱雄巨石  
有靈疑說法長林無碍只聞鐘寒潮作梵  
連松韻明月焚香透竹叢白鶴下來秋色  
靜支公玄度此心同

普陀山志卷五

辛

其二

精廬彷彿類天宮紫竹青蓮廢市中客以  
乘槎遊汗漫僧從卓錫住虛空盤雲恠石  
疑將墮噴雪潮音勢自雄水月任教觀自  
在松窓半偈釋塵籠

其三

萬里濤聲繞翠微松門蘿幌到人稀  
龍象經行佛日輝紫竹已同

群木秀白鷗猶帶晚潮飛梅仙倘寄長生  
藥欲向滄浪問息機

無邊禪師避靜磐陀石下以詩為

贈

王元翰滇南人給諫

卓錫名山截愛河結庵猶自傍磐陀遠公  
捷徑開蓮社陶令靈心中酒麈紫竹林中  
原有相白洋海上近無波爐烟茗椀盤桓  
處領畧無生法已多

普陀山志卷五

五

過禮補陀

陳天錫鄞人封

首刹層巒著八荒皈依今始訊慈航霞明  
祇樹天門曉煙繞扶桑海國香佛意每從  
靈鷲會禪功已見竭龍藏留連經月探奇  
遍尚企高深嘆望洋

再過補陀

曾經瞻眺夢常搖決策重來豈畏遙慧旭  
無陰如有待晴嵐多翠寔相招昨新道岬

通三昧身婉息波歷 四朝說偈不忘天  
保賦如來應許頌 神光

補陀十二詠

陳朝輔 鄧人  
侍郎

梅灣春晚

搖搖僊嶠泛滄溟 曉霽芙蓉片、明怪底  
子真成汗漫 直從吳市作春行

茶山宿霧

日挂扶桑宿霧消 垂垂花乳綴叢條 定中

普陀山志卷之五

五二

老衲餘清思 縹緲爐烟柏子燒

古洞潮音

海壖靈窟最幽深 究竟歸墟不易尋 潮退  
乍窺空是谷 潮來忽聽梵為音

龜潭寒碧

人世何曾有豫且 寒潭澄碧自如如 冷看  
今日剝腸者 總為當年未卜居

天門清梵

琳宮貝闕白雲飛 隱隱鐘聲出翠微 七寶  
林中聞梵唄 靈光都入芰荷衣

磐陀曉日

誰將磐石挂晴空 仙界虛明一線通 初日  
未離滄海窟 庭翠微千丈已先紅

千步金沙

澄光萬頃躍天吳 香象遙浮帝釋都 應是  
給孤神力鉅 直令沙界亦金鋪

普陀山志卷之五

五三

蓮洋午渡

慧日澄圓覺海中 白蓮香滿殿花風 何人  
不道天香杳 已自樓船面、通

香爐晴靄

爐峰高處總奇觀 瑞靄濛濛六月寒 夜半  
空中雲蓋結 多應天女藝旗檀

鉢盂鴻灝

七珍綴鉢錦紋斑 歷劫深藏難足山 竟是

何年浮海上毒龍無復溷塵寰

洛伽燈火

上方臺殿挂空青閃爍居然不夜城知是不生叅大士心燈五百點波明

淨室茶烟

幽壑沉沉春色回虎堂陰雨長莓苔新烟數縷穿雲竇石鼎茶香客遠來

遊巖陀菴登點頭石之作

普陀山志卷之五

五四

古鄧李德孚

峭壁倚晴嵐散步涉幽澗躡磴攀層岫四顧蒼桑膺偶憩聽蕤籟哀茲忽飄辦仰睇浮雲流重悲聚跡勾舉首向危石拭目泣精彫冕、置巖巔詎能易摧鋒撫手目輕按搖動與時慣緬想生公辰點頭實希見邇來說法誰夫乃衆力埤大士駟神龍免形勞患晤言不知處感嘆自朝暮

普陀山志卷六

庫生 陳九思 屠玉衡

詩類

送僧禮普陀

宋石屋珙禪師

春潮日夜吼雷音耳聽何如眼聽親小白華山觀自在頻伽餅裡現全身

贈補陀僧

陳獻章

僧言海上來曾上妙高臺瑞相天浮月潮音地送雷沙如金粟布山似碧蓮開雨帶

普陀山志卷六

一

龍腥過雷隨鶴影迴幽探還得寶徑度不煩杯我有登臨興南還識善財

贈一乘上人

傅光宅

海山深處有高僧妙法曾叅第一乘方寸自能清似水浮雲底事愛還憎

贈大智師

袁福徵 華亭人 刑部郎

慧燈西竺發分向海中懸入定渾無相出

關覺有緣經翻龍淨鉢禪就鶴開筵我適  
天然趣圓通亦復然

贈天智師

黎民寰廣東人

偶來雙樹下依止遠公房  
簷蔔飄香氣婆羅露月光  
風幡如暫解雲水自相忘  
欲證無生義惟須徧十方

贈南海翠崖師

胡泮無錫人

幾年幽夢關山棲水月  
禪心媿自迷歸到

普陀因問我白雲深處海潮西

補陀僧真語應

詔入京受賜還

山謁子鄂渚兼致緯真儀部書賦此

為贈

常居敬湖南人

械書忽爾破愁顏杖錫何由逗楚關

天語向為龍藏譯帝城應許鶴飛還赤

霞海色迎宮錦白雪秋吟到鬢班乍覺寒

濤江上發丹楓吹遍洛伽山

送無用法師禮五臺歌

沈泰鴻鄞人尚書司丞

五頂峯頭失炎熱六月清涼積冰雪溶溶  
土石燦晶光閃閃樓閣濯金碧南臺北臺  
聳入天東西次第相鈞連中峯直與靈鷲  
接山河大地縹緲髣髴如浮烟龍騰虎嘯  
不可攀小池浴佛波沲瀾奇花細草黃金  
界銀樹瓊柯白玉團巍哉妙德曼殊叟獅  
子無聲日夜吼毛吞不盡海濤寬掌握恒  
沙若培塿諸天翠蓋紛相送羣真紫芝足  
清供拈掙那擯萬億身飛鉢遍飽祇陀衆  
掃盡聖解與凡情脫離煩惱歸虛空妙智  
洞明不思議自他兼利超無生無成無現  
亦無名圓通萬德纖塵清劃然昏塗朗慧  
炬金剛窟底翻冥冥我眉嗟峨俯玉壘洛  
迦孤絕婆竭海劫火洞燒天地灰此三真

相何曾改釋子無用師普門磐陀石下隨  
朝昏芒鞋踏破孤雲根遠來燕都訪陸沉  
擬謁清涼不動尊悲智雙運翳其倫我聞  
丈殊不在五臺山爾今獨往何爲者五臺  
由來是洛迦無即非真有即假滄溟漏乾  
沃焦溺赤日當空暘谷黑阿難悟入只一  
宵少林九載還面壁蓮草誰知死活得利  
劍剛把如來逼是非二相了不繫屈伸臂

普陀山志卷六

項粉碎印度將安去請君爲我讀長句且

還我一箇無丈殊處

過海潮贈大智禪師

傅光宅

寶地新開大海邊法壇長日擁諸天慈光  
會滿三千界苦行先經六十年五岳煙霞  
孤錫迴萬川水月一燈懸不知再見應何  
日一片心依智者禪

竹菴師住持補陀賦贈

屠隆

俠氣縱橫汾晉間忽然披衲掩松關宮中  
親賜朱衣出海上海上遙賚丹詔還佛土已  
收爲上足君恩更許住名山玉毫光裏  
如來現十丈蓮花雪浪灣

寂菴上人歸補陀以二詩送之

沈泰鴻

普陀山志卷六

鉗屨隨緣上國遊禪心不繫迢翁洲青蓮

一片依龍藏紫竹千竿散蜃樓錫響霜鐘

空水寂燈懸曉日海天秋五雲重觀莊嚴

相無數烟巒盡點頭

其二

團瓢苦行久逃名幻劫悲看到化城小果  
不須輕有漏大家那得話無生金沙布地  
幢旛動雪浪浮空鳥嶼平好護紫泥封佛

座威音萬里跨長鯨

寂菴法師新膺常住寄贈一首

屠隆

喜師領衆住名山新構雲堂空水間虎豹  
守門花雨合魚龍聽法暮潮還冥心覺觀  
成雙照禮佛清齋受八關靜夜跏趺磐石  
上親瞻大士降慈顏

送廓哉上人歸普陀

普陀山志卷六

顧養謙通州人

出山從作客經歲亦思家行泛東滄海言  
歸小白華聖光來水月旋思賦風沙竹色  
看仍紫潮音聽更賒但知禪慧力忠信未  
須誇

贈竹菴師住補陀 王穉登

水月澄慈性風塵暗法顏詔從金殿出袒  
掛紫衣還展氣浮香刹鼉身負寶山秦嶺

天萬里何處是鄉關

送炯侍者禮普陀 釋德清

孤懸不動白華山滿目寒空大士顏若到  
崖邊相遇着分明莫作等閒看

竹菴上人自闕還山賦贈

葉勉無錫人

為檢蓮花藏乘潮報至尊獲沾新露澤  
仍返舊雲門錫振山頭月杯浮海上村此

普陀山志卷六

來應有悟去去復何言

贈敏菴上人 管志道長洲人

竹杖芒鞋百衲衣飄然山海片雲飛為探  
龍藏傳心印寒雨空巖自掩扉

江夏逢竹菴上人還補陀贈以四偈

潘之恒新安人

爾乘海潮來還乘海潮去欲識去來心潮  
音無所住

其二

破衲緣百結緋衣綴六鉢比丘咲相迎還

看如意珠

其三

江路颯楓丹海色流天碧凌空一送之黃

鶴隨飛錫

其四

海客白恰中坐嘯紫烟閣庭前栢樹枝相

普陀山志卷六

看對搖落

送忠公自楚禮普陀 釋洪恩

窮諸玄辯究三車烟水南詢問洛伽月滿

吳江孤杖履雲深楚澤拭袈裟鯨浮島嶼

觀非相屢結樓臺幻有家到處總堪成汎

應寧知縱跡是天涯

贈遜吾上人

王立程 臨海人

開山初出定狎海久忘機身後能生慧燈

前可付衣潮空千佛現鍾午萬僧歸喝下  
青蓮坐烟霞獨掩扉

贈遜吾上人

汪學信

曾將飛錫動天臺一笠雲萍自去來欲證  
如來親說法白華依舊滿山開

禮南海過無用師靜室

釋圓復

幾年禁足向巖阿茆堂土壁藏烟蘿恠路

普陀山志卷六

九

崎嶇不可到孤峯突兀懸殘照風度栢檀

徧海香雨滋下界盡清凉修竹陰森爲淨

土寒流洧滴成甘露刺血揮毫滿梵筵我

一見之心茫然信心苦行真超異諸佛同

聲授師記趺坐經行歲月長苔侵瓦鉢石

支牀休論彈指超無學會見心空齊妙覺

何當分手各西東悵望雲山千萬重

贈翠崖上人

王立程

大士端居紫竹林高僧入定翠崖深翻來  
貝葉將千遍證得蓮花不二心頂上泥巢  
迦鳥殼耳邊繞瀉海潮音燈前欲問西來  
意衣鉢何年直到今

贈僧遜吾詩 關還 屠隆

飛錫朝天闕浮杯到海東行蹤都不住教  
觀本來空寶月潮音外經臺花雨中精修  
久自悟覺性了圓通

普陀山志卷十

秋日送昱光上人還歸南海

王渾然 永平人

杖錫雲為侶西風玉作林鴈橫天外路霜  
斷月中碁不住因緣趣無端來去心一航  
仍大海還聽舊龍吟

贈守拙上人 董應震 鄞人

靈潮瀆湧洛伽峯高衲西來訂覺宗滿座  
清風閒掛錫一軒明月自扶筇經翻貝葉

堪消畫饌煮伊蒲可作供我愛逃禪惟剩  
髮不妨寶筏每相從

贈遜吾上人 王穉登

衲衣藤笠遠從師足踏蓮花渡海時高浪  
如山心似水右肩褊袒執軍持

贈寂菴法師 屠隆

戒德都無缺冥心久閉關佛長臨法席帝  
許住名山定水紅蓮夕磐陀紫竹班近聞

普陀山志卷十

中使出聖主布金還

一瓢行贈海潮玉田上人行脚 屠隆

手中持一瓢四海在脚底衣染南浦雲只  
汲西江水大士跣趺蓮花灣丈殊高坐清  
涼山我眉層冰鷄足雪甘露竹院高峯關  
震旦茫茫不問路洪波一葦便徑渡王侯  
將相及廝養華屋朱門等蓬戶鐵鞋踏穿



世界空孤雲野鶴何定踪  
瞥然回頭發大笑明珠只在衣領中

廓哉上人陪遊補陀 呂胤昌

溟滓茫無際峻嶒峻可攀  
草園多傍石樹薦自成關  
鐘磬叢林外簞瓢趺坐間  
茶巖高絕處歷指海中

送了然上人歸補陀

陳大科 通州人

普陀山志卷六

劍鐔霜寒又拂衣  
梅花香處送君歸  
他年參得無生訣  
小白華山共掩扉

補陀潤渠昱光二上人行脚之燕訪

余郎舍遂禮五臺賦此送之

沈泰鴻

綠陰滿戶雲峯老  
白業忘言鳥雀清  
忽有真僧雙駐錫  
誰當大隱一逃名  
觀空好借炎涼色對長遮去住情  
月落蒼蒼五頂

寂金獅不吼得無生

贈萬容上人 余詠

溟海仍尊百谷王  
法流東土已爭長  
一心萬有容何相印  
却中宵水月光

贈三藏上人

惡昔玄奘久寂寥  
傳來三藏歷清朝  
君應聽令前身是  
每發鼉音蕩海潮

送補陀潤渠師自長安禮五臺

普陀山志卷六

沈泰冲 鄞人

海雲無端百千色  
爲向吾師送飛錫  
蓮花洋畔香滿衣  
冷然御風來北極  
憐予寂莫不得意  
乍吐玄言解愁怒  
玻璃鏡底照重昏  
鵬鶚網中開六翮  
片時置我松風間  
滌盡煩襟坐蕭颯  
却月之遊未便忘  
倏忽棄去心轉惻  
五頂名山亦化城  
師今一往問消息  
文殊拈草梵剎竟何事  
恒沙勞羽翼

試與海中洛伽山誰是如來真託跡

贈守拙上人

余寅

鄞人太常寺少卿

汝復揚帆海上行高天寥廓候濤生新成  
法界參龍藏遠涉恩波出鳳城時梵屢聽  
紅旭蚤雨花長接翠螺平慙慙更許酬賢  
達使者遙知徹 聖明

昱光道兄禮五臺還南海爲歌贈之

釋真一

普陀山志卷六

十四

道人今自五臺來還同昔日五臺去若言  
去是昔時蹤我心不得去時處若言今是  
來時路我心飄飄渾無住翹足南望洛伽  
山依舊洋洋娑竭海佇思六月清涼寺塞  
風栗栗何曾改兩山情境俱不遷道人去  
住亦何言但令心無去來想此山可北彼  
可南君不見昔有真人居南嶽一鉢脩然出  
行脚偶然掛錫大慈山雙虎移泉童子潤

贈無邊上人

余詠

從君說法了玄機相憶檀欒坐翠微覺海  
無邊誰悟得自臻彼岸始皈依

贈大乘上人

碧浪粘空蜃海平芙蓉朶朶繡如城請看  
夜月蓮臺上若個真騎大象行

本行上人

萬行歸宗未易論梵網忍辱本初門半天

普陀山志卷六

十五

廣樂張瓊島出聽魚龍水國渾

寄萬容上人

章戴道 鄞人

叢林有開士空相歸離滅何時印恒沙吐  
出蓮花舌

三藏上人

吾聞大海南眼界都無染安得從師游迷  
方一朝點

贈昱光上人

管萬里 鄞人

飛鉢何年到海懸六時鐘磬法王前天生  
一片珊瑚舌遍說三千與大千

無邊上人讚 章載道

佛性廣無邊迷川畏相失所謂心地超一  
言三願畢師也真其人證果波羅密

贈大乘上人

幾度曾逢海上僧禪心一片水雲澄也知  
開覺都名理妙法還須禮大乘

普陀山志卷六

送千如法師之補陀山

釋佛引

一葦波濤穩團瓢隱洛伽火龍歸綴鉢海  
蜃避架紫竹朝迷霧青蓮晚暎霞夜深

山殿寂皓月印金沙

過普陀晤潤田諸兄作

釋性冲

紺宇鬱崔嵬彤雲映碧輝龍將海藏出馬

負竺書歸天樂尋香牒濤聲撼翠微高僧  
禪寂處鳬鳥傍人飛

潤渠法友禮五臺歸南海賦此贈之

釋鎮澄

上人本住補陀崖大悲光裏普門開更求  
文殊無相智一錫翩翩入五臺窮幽直上  
最高頂俯仰塵寰發深醒忽聞一聲獅子  
鳴萬象森羅增威猛大悲大願俱不着一

普陀山志卷六

超直入毘盧境上人果到此境界百億須  
彌內纖芥天堂地獄總如如今心所向皆  
無碍皆無礙芒鞋拄杖却歸還問訊如來  
觀自在

春日歸普陀 釋如泉

擔簦北海客蹉跎鼓柁南溟放浩歌厭俗  
懶於譚小品待時偏擬泛長波鐘鳴曉日  
開香積雨過春池長芰荷到此最宜堪共

隱且將瓢笠掛藤蘿

同秘藏休遠慧舟禮南海

釋正昇

白華遙望海中央一葦波濤泛夕陽千步

金沙從地湧百尋寶塔入天長龍宮幢蓋

侵琪樹屢閣烟雲襟梵香喜與同袍衆

大士晴空親覩玉毫光

昱光上人自南海來清凉將圖南別

普陀山志卷六

賦此送之

釋鎮澄

清凉南海兩名山萬里區區獨往還信有

如來真勝蹟肯將行色畏艱難大悲深廣

誰能到妙智孤高爾欲攀為憶善財珍重

去丈夫須透死生關

贈玉峯上人

王立程

一片禪心定雪山欄杆千尺翠淘灣架紫

影裡金光聚知是長安日下還

贈勝林法侶

釋德清

普陀崖下白花村日夜潮音誦普門試問

菴居何所事幾回鸚鵡報黃昏

補陀歌為勝林上人賦

韓上桂廣東人

普陀之山大士宅金光幻作蓮花色簌空

雪浪洗扶桑相去蓬壺看咫尺中有彌天

大慧僧欲續如來不滅燈緒經了義無一

普陀山志卷六

字卓錫人間自在行閒過南海叅龍象水月

光中窺寶相廣施甘露灑菩提永超苦海

無邊量

同克菴師禮南海 釋和寅

為禮慈悲相隨師泛海航鉢分寒浪月衣

染白華香振鼓神龍集鳴鐘怖鷄翔願持

甘露水徧洒獲清凉

贈大智師

王立程

誰識空門不易修  
羨君未劫早回頭  
披來布衲峨眉雪  
坐處蒲團滄海秋  
龍象上方開佛土  
金銀下界見閻浮  
却留紫竹林間影  
五十三奈何日休

贈守拙師

章載道

山中聞空香  
迎風忽然太是身  
作是觀是心  
宜兼注管叩支公  
禪備知清淨趣  
問津踰慈河  
日芽結心掛  
斷茲煩惱根  
導以外

普陀山志卷

十一

沈踏妙義來  
慈風清詞灑  
甘露心空耳益聰  
業淨神不遽  
方知正法宗  
愚者尤曷悟一悟得無生  
吾何爲不豫

屠隆

一葦渡婆竭  
拙遲梅嶺峯  
相依許玄度  
耳來支道林  
獨往丘中  
寐雙跡  
石上深潮音  
明月夜  
虛白印禪心

贈補陀元初上人  
屠玉衡

聊爾混塵俗  
超然絕世氛  
青天飛一錫  
白氎入孤雲  
海際龜鼉窟  
山根麋鹿群  
名藍留半偈  
言下了聲聞

禮補陀訪守拙師

董光燁

鄭人

脩然宇內一探奇  
佛界慈航任所之  
島嶼獨標孤刹勝  
飯依共向汰王滋  
崢嶸臺殿輝金碧  
馥郁香烟結虎璫  
欲叩靜廬何所問  
巖扉邂逅謝襟期

普陀山志卷六

十一

贈汰界上人

高峯

鄭人

無事經年別遠公  
帝城鐘曉憶西峰  
爐烟消盡寒燈晦  
童子開門雪滿松

守拙上人兼董補陀志成率爾為贈

陳九思

得遊名山志  
吾師念頗辛  
徵求出波浪  
考核走風塵  
佛域規圖大  
天朝賜額新  
神

洲超永劫與故豈沈淪

題補陀并贈守拙上人

紫瑛邦人舉人

天水茫茫渾無極浮芳附蟻增太息朗然  
芒履曳孤筇踣偏僂瀛并佛國錫卓三山  
說法臺洛伽東睇亘蓬萊大士馮波觀自  
在梅真丹竈火初開玉柱高擎一卷石崩  
濤噴雪吼晴雷縣厓削壁梵宮出磐陀旭

普陀山志卷十

十一

日曝鰲頭古洞陰森苔蘚淨月痕青映如  
來桂圍繞此地亂天花二十八叅見冰鏡  
纓珞玻璃烟霧濃大神扈座祥光紅頻伽  
聲度三摩偈龍女聽經入碧空白華遠帶  
黃沙色飽冷甘露凌秋風牛吞鐵蓮驚大  
魚慈航普渡危中逢開士薰脩結善果擷  
取曇葩千萬朵舍身亭外放生池誰是浮  
軀誰是我麾塵譚禪守拙僧肩披百衲坐

枯藤口吐玄珠眉鎖霧惠分香積共明燈  
寂了不須結貝葉聊看鸚語莫雲興桑潮  
下上營瓊糾復紀霸奇慰遠探紫竹澄鮮  
並曜垂勞勛功成心自澹妙圓通體證菩  
提慧印相親覺破迷回頭彼所應只尺頂  
效南詢衲林栖

贈晉光上人

屠玉衡

優曇華發雪中香衣裏明珠是密藏黃葉

普陀山志卷十

十一

止啼都不著悟來本地好風光

其二

日落澄波最太清楊枝甘露注磁罌晚來  
初出那伽定一片銀蟾水上明

贈守拙師

昔聞晉人尚玄邈名理吾愛支道林清言  
揮麈閑劫義時賢往往相追尋師也海陵  
稱上足卓錫名山遠塵俗空王寶殿傍巖

阿大士華宮遵海曲近訪梅僊煉赤砂遠  
望扶桑麗丹旭画棟珠璣未足誇妙君功  
行浩無涯階前已長苔提掛館外新開蔭  
蜀花我本皈依學無諍何事攢眉彭澤令  
瞥然一咲海天秋與爾同乘般若舟

無窮上人索贈言示以二偈

海中何所奇面面蓮華蓋一葦渡神僧明

月弄空水

普陀山志卷六

其二

琉璃開寶界花鬘護慈容  
分南北宗

贈奇峰上人

韓昌祺

慈谿人

豈曰吾道轉將南錫杖芒屨登獨擔野徑  
何從尋多跡禪心原自印空潭雲籠草樹  
枝枝綠日照峰巒點點籃獅象座前聽說  
法天香爛熳是優曇

贈補陀山無邊上人

周應賓

吏部侍郎

海上名峰幾度逢久從初地叩南宗青山  
不厭逃禪客白社能容嗜酒翁雙樹聽經  
依鷺嶺一杯持鉢入龍宮月明千里潮如  
砥遙憶維那住海東

贈太空上人募塑諸大士像

丁繼嗣

巡撫都御史

普陀山志卷六

五

欲續名山四大天隨方抄化結諸緣西僧  
曾渡江邊葉南海應開火裏蓮但得莊嚴  
飯象貌何妨重繭涉蛟川對談解悟無生  
諦願汎蓮葉妙法船

初到普陀偕奇峰素明上人閱慈雲

石次周君衡韻

飯心來寶地躡足上慈雲泉溜穿厨入香  
曇滿院開縱觀蛟蜃窟閒集鳳凰羣何幸

逢林遠幽探絕世絲

遊白華山菴精舍為昱光上人題

證果白華巔超然出世先望空開寶刹枕  
石聽山泉花發傳燈後龍皈說法前吾將  
掃塵慮對爾共安禪

將歸仍赴昱光精舍偕奇峰素明大  
願諸上人一齋而別

浮玉新開小白華禪宮歷歷綴丹霞一山

普陀山志卷六

廿六

外囑波臣護萬象中羅釋子家片石祇林  
仍竹葉孤雲佛座並蓮花此來何幸逢支  
遁搔首重過興未賒

贈玉峰上人

周應賓

吏部侍郎

性僻從來懶見人掩關不出動經旬科頭  
亂帙花陰下慣看庭前燕雀馴

題白華菴贈昱光禪師一首

袁茂英

司章人方伯

白華山上香雲邏青蓮窩裡高僧坐一鉢  
能將龍性馴隻履不向虎谿過蒼靄平分  
紫竹陰清幽首壓雙樹林幾片天花簷外  
雪幾陣風鈴松下陰栽松種竹知何意色  
空妙相應如是大海波濤只淨瓶浩劫乾  
坤元寸地波濤不撼寸地永長松千夜一  
龕燈笑撥烟霞進孤影五岳名山踏幾層

普陀山志卷六

廿七

贈白華菴昱光禪師

張可大

林陵人副總戎

不識青蓮界山花白幾重松關窺澹月竹  
迢迢微風人語龍天外僧歸廬市中吏公  
譚小品趺坐任從容

遊白華菴贈朗徹禪兄二首



徐如翰上虞人  
副使

幾轉層楹倚翠微  
目覩心構出天機  
碧垣曲曲藏幽徑  
紫竹深深護短扉  
林罅海光遙入座  
窻前花影故侵衣  
縣知一覺禪床夢  
又聽潮聲去復歸

幽居難得雅人憐  
處處玲瓏處處偏  
洗出雲根青欲染  
移來丹樹碧於烟  
笠瓢窩裡藏春塢  
晝畫圖中默照禪  
我欲與師供洗

普陀山志卷六

鉢祇愁無福借餘緣

別白華菴朗公後  
阻風蓮花洋却寄  
以擬君為詩慧休  
休公未必解禪修  
生成鶴骨癯而秀  
構得蝸廬巧更幽  
松塵玉霏寒草座  
石床花雨泛茶甌  
轉憐十載睽連甯  
故仗天風滯去舟

寄題浴伽

李

標勤人

遠聞靈壤鎮海東  
參差臺殿出寒空  
窓臨翠碣晴含雨  
岸撼銀濤夜吼風  
羈紲自憐歸鈍項  
皈依尚許晤圓通  
霜鐘午夜聲初徹  
坐看扶桑日擁紅

寄贈昱光禪師

遙從皈大士  
白業若名山  
根利超三昧  
心空悟八還  
林深依月靜  
海曠度雲閒  
自恨塵勞縛無緣  
觀法王

普陀山志卷六

九

白華庵方丈落成贈朗徹上人

孤嶼嵌空落飛濤  
逐岸平慈悲普弘  
願寶筏如毛輕  
白華擅其勝  
扼要揚其名  
乃有禪悅侶  
矢志學無生  
利根稱驚子  
聞復良已精  
方丈擴十笏  
秋杪煩經營  
土垣借兔築鳩工  
疑神成崔嵬  
切雲入宏敞  
麗日晴佛灯涵  
樹影梵語襟  
潮聲說法人  
共集施食鳥衆鳴  
遐邇獲隨喜  
功德流嘉聲

白華菴贈朗徹上人

林士雅 寧波府通判

清磬孤懸最上岑興闌薄暮偶追尋閒窺  
摩詰詩中畫欲結皎然物外情幾度滄溟  
桑變海依然花白玉成林石尤漫說迷歸  
路不遇石尤不賞音

題洛伽山二首

徐申乾 鄞人字孝則

鯨波浩渺信無涯帆外名山小白華路入  
普陀山志卷六

天門清梵近僧歸石洞碧蘿斜暝霞常映  
三生石旭旦初開四照花消盡浮生苦海  
石應知功德遍恒沙

其二

晨鐘暮鼓度來頻雲隱花宮法界新不但  
乘危開覺路直從據險濟迷津梅灣月碧  
生寒夜茶島烟清迤曉春更聽潮音如梵  
語千秋濟倒渺無垠

宿白華菴訪贈朗徹禪師

釋來向

未覲慈顏到白華白華林裡道人家峭崖  
鑿透千年石古樹初開萬丈霞舌卷潮音  
談妙義塵揮雲影笑空花相逢洗我風塵  
色夜靜燒鑪雪煮茶

游法華洞

別是一天地蒼茫入望間白雲翻石浪青

普陀山志卷六

廿一

靄斷松山逕倒扶藤上林深撥霧攀洞門  
摩迥絕皓髮老僧閒

題十二景

梅灣春晚

李桐 鄞人字封若

芳樹梅花開滿灣冥濛春色駐枝間回思  
仙尉成丹日開落隨時待九還

茶山夙霧

山山爭說采香芽撥霧穿雲去路賒製就  
漫將爐火試網緼佳氣遍僧家

古洞潮音

怒濤何事激崖深為禮觀音紫竹林喧寂  
聲聞都不繫似將吞吐滌凡心

龜潭寒碧

一泓寒玉浸神龜空濶光涵月半規見說  
聽經能掉尾藏真元與甲蟲岐

普陀山志卷六

世

天門清梵

天生片石立為門縹緲風中遁法言縱使  
黃昏鐘磬杳耳根猶有梵音存

磐陀曉日

石頭高眺旭初臨瑩色渾如躍冶金好是  
戴和能浴日金烏翻跳出波心

千步金沙

黃金布地豈虛傳滿目看來總是禪清淨

日來煩惱去逍遙端擬步生蓮

蓮洋午渡

浪花幻出白蓮花彼岸須從一泛槎佛日  
中天人共仰洋洋望裡法王家

香爐翠靄

鑪峯長起四時烟不斷心香在目前燒野  
偶然和翠靄結跏似對博山然

鉢盂鴻灝

普陀山志卷六

世

龍神托鉢獻如來水勢汪洋無盡迴曾何  
此間杯渡去須臾翹首是香臺

洛伽燈火

燈：相授在前山明眼人知指顧間堪笑  
燈蛾爭赴燄不將慧炬照靈關

靜室茶烟

雀舌龍團揔擅名獻冰煮雪滿茶鐺僧家  
清福看如此一縷藍烟竹外生

梅灣春曉

丁鴻陽

丹陽人吏部主事

扶桑旭日射朝霞春入疎梅瘦影斜一自  
星龕依雪竇只今錯認是曇花

茶山夙霧

珊瑚幾樹傍蓮臺薄靄氤氳鎖不開謾向  
定中窺色相分明龍女獻珠來

古洞潮音

捲雪春雲自古今濟湖洞口澹禪心聽來

普陀山志卷六

五

悟入無生處始信潮音即梵音

龜潭寒碧

聞說神龜駕石尤三韓使者阻中流即今  
已證如來果一碧寒潭萬頃秋

天門清梵

衲子齋心禮六時天門漂渺磬聲遲夜深  
疑有蛟龍聽一道腥風度水湄

磐陀曉日

彌陀峰本是磐陀片石孤懸聳黛螺忽見  
火輪騰海底千山曙色射金波

千步金沙

平沙十里軟如茵一片黃沙淨絕塵步步  
蓮花聞覺路到來都是法王身

蓮洋午渡

浩渺波光似掌平亂帆飛渡午風輕飯依  
咫尺三摩地冉冉青蓮十丈生

普陀山志卷六

五

香鑪翠靄

大士莊嚴現上方博山遙峙海中央氤氳  
豈是旃檀爇翠巘孤寒紫霧長

鉢盂鳴澗

應器東傳無上宗如何朝暮水雲春不因  
香飯施來倦留却波心制毒龍

洛伽燈火

洛伽孤絕迴難登夜半誰然大智燈為語

靈明觀自在箇中無減亦無增

靜室茶烟

歷二雲龕紫竹叢茶烹石鼎火初紅  
禪閑盡日無人到一縷茶煙裊碧空

題補陀四首

陳繼疇上虞人主事

驚嶺迢迢何處尋渡杯今始到梅岑琉璃  
萬頃涵金界水月中天證道心大地山河  
空色相六時梵唄海潮音從知彼畔元非  
普陀山志卷六  
遠漫向人間歎陸沉

其二

獨上峰頭說法臺經行趺坐復徘徊奔濤  
怒挾罡風引薄霧徐收寶鏡開雨作天花  
當席下龍隨香鉢聽經來欲圓聖果無難  
事不二門中仔細栽

其三

剗後莊嚴小白華金錢詔許出官家汰輪

霞轉三摩地龍藏齊頌五色霞苦洞千季  
猶竹葉香林無處不蓮花等心隨順如相  
許蚤向門前駕大車

其四

島嶼微茫望不窮片颿天際破鴻濛潮吞  
碣石蛟宮近雲擁金輪海日紅萬國皈依  
來寶筏十年開剏頌神功欲窺定後西歸  
意松栢蕭蕭一壑風

寄題補陀

王嗣奭鄞人

幾迴飛目海東頭天水滄茫擁寶洲旭日  
晴霞金界迴長風巨浪紺宮浮雲生磐石  
空中色月到梅林象外幽寄語香岳問耆  
臘前生曾結淨因否

禮普陀

李王華定海人庠生

南海宜從此問津輕隨折葦渡江濱一栢  
蕩漾天為舛四色滄茫海作垠定有雙趺

來恣恠即看罔象自清塵娑羅佛國非難  
到親見金光現汰身

禮補陀

釋道貞

攢峰峭壁勢排空大海中間山最雄蛟唇  
結樓雲湧黑龜鬣過浪日翻紅潮音夜落  
龍吟外天籟時吹僧梵中何又辛勤尋解  
脫耳根觸處即圓通

贈守拙上人

吳士瑋郵人

普陀山志卷六

卓錫何年太來彼哢無邊孤絕清言我周  
我旋高談卿用卿汰

其二

潮生海日初懸天倒芙蓉半插石磬臨風  
自鳴迦陵聲裡再叶

贈守拙師

薛二表人海

金界旃檀汰海身談空說偈驚鬼神亂落  
天花可亭月清光一碧照波臣睥睨守內

日悠悠兩眉不挂人間愁乘虛飛渡慈航  
本直欲駕破海天秋貌樸才奢心歇苦更事  
殘編任辛苦洛迦華乘多汗漫第恐名賢  
久塵土青黃絃上盡萬劫浮名安博不朽  
業優鉢欵以十輪圓曇雲滿楮沫千葉西  
陵高士歸此僧遙遙彼所誰先登我亦喜  
入蓮花社馮將半壁了傳燈

送昱光上人歸南海

普陀山志卷六

三九

錫駐長安道言歸小白華一心忘太住雙  
鬢休塵沙已覺浮生幻寧辭太踞賒慈航

張四岳

蒲州人內閣中書

應不遠遙望海天霞

普陀山寺點新住持迴公爰拜左署

世之

命賦此為贈

周應賓

郵人吏部侍郎

紺宮萃律海中開更有東林大辯才衲舍

界分成淨土昆池刻盡識餘灰鍾聲遠振  
龜竈窟幢影高懸日月臺何幸  
聖皇知宿德紫衣降自九重來

贈寂菴上人

王一鶚  
鄞人

空水潮音獲法居禪心不動自如如金山  
寶刹曾飛錫碧海洪濤止折蘆紫竹紺光  
通寂照萬松清梵悟玄虛美公永作迦維

普陀山志

四

主一片雲林帶月鋤

妙用禪師西竺庵重顯賦贈

章戴道

崑陸納瀕彌洛伽何處覓大士普三千應  
身而示律身本無所住律令本無適萬用  
諸境空妙性總玄寂我叅西竺庵還証波  
羅密

普陀山志六卷

兩淮馬裕  
家藏本

明周應賓撰應賓有九經考已著錄普陀山在浙  
江之定海是編因舊志重輯凡六卷十五門而應  
賓自序稱五卷十七門勘驗卷帙並無闕佚未審  
何以矛盾也

續刻麻姑山丹霞洞天誌十

七卷

〔明〕左宗鄧撰

北京師範大學圖書館藏清康熙五十

六年瀧溪曉樓刻本

附《四庫全書總目·續刻麻姑

山志十七卷》提要

麻姑山丹霞洞天誌舊序  
四明之山有雪竇焉危岵  
而遙其巔忽爲原疇廣衍  
迴披而禪刹獨踞其中由是陟此山者如履平地不  
知此身之飄飄五雲端也異鳥啼花哀猿嘯月樵鳴  
收唱清沁肌膚始非人間世矣尤可異者四山之水  
滙爲一區奔坂橫溢而僅穴一竇以洩怒垂流千尺  
噴沫萬仞雪濺雷震目眩魂搖此亦宇內之至恠而  
天下之大觀也予家於此時往登焉以寄勝賞已酉  
床姑洞文志  
之春來守建武因聞有稱麻姑山也者政事之暇屢  
齒及之入其山恍若素遊覽其景又宛然雪竇之在  
吾目也雪竇以懸瀑表奇而是山同乃若雙流並出  
一雌一雄倒插橫鋪周旋收折則奇益甚雪竇以平  
峭爭勝而是山同乃若五老如賓齊雲獨尊俯睨大  
江如環如帶則勝益甚雪竇以浮虹雄據而是山又  
同乃若橫跨兩山龍門屹立神蛟出沒叱咤雷風儼  
若舉六丁所劈者而鉤之使連也則雄益甚重於古  
木叅天蒼龍夭矯翔鸞集鳳傲雪凌霜天生神物何



必皆有之而雪竇著翰林之稱是山顯大夫之號抑何巧相符合一至此也則予之朝夕於麻姑也其實朝夕於雪竇也麻姑舊有集無誌乃其山亦陪替不一滄桑代變大海揚塵夫寧虛語予既慨焉爲其藉創其新以生茲山之色而野中士亦蒸蒸起因復建堂課縈絃誦之聲遍滿山谷足稱千載一時矣則今日之誌又苟可已耶雖然茲山刻在洞天玉蔡之事湮沒未聞自顏魯公一表章之而奇踪幻跡於今爲烈則山以人重也諸士倘有意乎左顧鰲峰有明康姑洞天誌

李傳序

卷之二

龍溪疏

德先生遺範存焉右盼三谷則一如居士精修之所也做法非通典刑在望而司李陸公又執大像以陶冶人羣此亦諸士千載一時也予願諸士之誌其大毋誌其小也否則徒誇一水一石之奇競羨風雲月露之巧而反爲選勝者流連光景之具則吾鄉雪竇饒有之無煩此誌爲矣

萬曆癸丑春王正月哉生明而東眞實居士邬鳴雷

長豫父書於淪川公署

麻姑山志舊後序

人亦有言良于吏者胸中有全志予曰善觀志者千古可勘良吏夫志何分胸中方册哉天下事施之則爲實政政亦志也紀之則爲實錄志亦政也謂志果方册陳言哉則今古瑰異之觀名山興廢之故寰宇文獻之徵又寧足信而傳歟吾肝麻姑山載在洞天舊矣有唐顏魯公筆而記之其殘碑斷文至今襲之邵藏傳之四方山故有集無志今郡郭公祖訂而志之公自蒞茲土百廢具舉不寧大有造于茲山

康姑洞天誌

李傳後序

一

龍溪疏

實大有造于斯民倘傳所稱致力於民者大故致力于神者備歟覽斯志也千峰萬壑之幽奇宮觀橋亭之錯落神仙丹術之幻化遠邇遊瞻之絡繹高賢騷客之唱磨幾世幾年通興通廢宦遊者冠蓋相屬追陪者展齒相望其間豈盡爲秩望禋祀其來豈盡爲禱澤祈年爲勸農課士其興作豈盡爲昭德報功其列筵下榻豈盡爲親賢樂賓蓋茲山興廢之緣詎能出此則斯志也豈非千百年吏治得失之林哉乃今郡公則異是今日麻姑亦異昔神宮翼七仙跡彰也

表顏森七芳躅標也禾黍光七故疆復也告戒諄七  
勸課勤也衣冠楚七髦俊從也賓筵秩七僚友歡也  
歌詠雍七神情滌也一山也昔胡以廢今胡以理一  
遊也或以貽鑒或以垂美謂千古良吏不從此勸予  
不信也予問陳寵有曰善爲郡者精神統于一郡善  
爲邑者精神統于一邑吾固知今郡公精神無他  
注惟日繞野土山川民社幾千百廻矧五老咫尺雙  
瀑潯溪在垌外不合許寧有全志不出郡公胸中  
也者而觀者尙索之方冊謬哉公在則卽政卽志  
麻姑洞天誌舊後序 二 龍溪縣志

麻姑誌舊後跋

前東鄒使君竣姑山之役遂彙山中名賢題詠靈異  
產殖屬余壽梓七成使君昌言簡端余可無說以跋  
其後因自問曰此一編也入世與出世與事無關於  
世濃司世者不舉焉夫麻姑既蟬蛻此山矣執蛻求

蟬則弗靈借蟬模蛻又弗屬嗟乎此乃世濃所以不  
朽也實其理空其境得其趨攝其神出入一面已矣  
余嘗從使君政暇休沐至半山亭自覺形骸登龍門  
橋閣雲閣惟恐不上達也探麻姑飲神功泉竦然起  
浴浪濯纓之思心如水矣坐噴雪亭瀑飛噴七撲面  
慨然想霖雨蒼生躋齊雲之巔四顧山湖若拜若赴  
而萬井億廬瞭然入目不覺發庶哉之嘆也拜僊壇  
將飄七遺世名韞利鎖斬卻殆盡轉盼並壇而祠者  
有三忠焉與喬松凌歲寒於千古又使我遺世之心  
麻姑洞天誌舊後序 三 龍溪縣志

若戰若驚恍見夫蟬蛻而有不可說者在僊子蛻之  
三公留之東眺華子岡頻首而讀壇間堅砭夫顏謝  
兩君子當晉唐多故爲此土名太守何得有如許暇  
日尋僊探山作不朽勝事豈非名教場中不可無此  
一段清虛閒曠之味又曷可以潘孟陽之見窺也蓋  
使君之山工未畢而諸士且爭構育英堂於僊忠兩  
廟間講學問藝畏壘使君旦夕瞻仰奉左奉常公爲  
師使君雖衰然節制湖西時七從諸生印心而余得  
竊窺其籓諸生且日砥節三公之名義而恬神僊子

之解脫異日文章事業正未有量而余益服使君興  
復此山之用意不小也安得不志萬曆癸丑明首吉  
長水陸鍵實府父跋

麻姑洞天誌

南後序

四

龍溪曉樓

讀續修麻姑山誌弁言

山以麻姑稱所謂有仙則名者乎自顏  
魯公書麻姑仙壇記世知有魯公書因  
知有麻姑山則山實以人傳然是山也  
蘊奇挺秀千巖萬壑曠如奧如能引遊  
人入勝歷險探幽不能自已則山又自  
可傳魯公而後代有名入題詠明萬曆  
中建昌太守鄔公始集爲誌至我

朝康熙年間騰族曾叔祖登大復爲增補

所稱國朝明人言明代舊刻也續增者

別附其後不敢竄易原書蓋先輩之謹  
如此魯公仙壇記手蹟失其舊矣而山  
川勝境如故卽前賢遺韻未泯得是書  
以表章之又豈徒侈談仙蹟而已哉讀  
竟于是乎書盱江邱雲騰

二

麻姑山升霞洞天誌目錄

第一卷

原序跋及編纂校閱姓氏凡例

圖九四

姑仙聖像圖 元君寶誌附

麻姑仙壇圖

升霞洞天勝境圖

七夕羣仙宴會圖

第二卷

麻姑誌目錄 一 卷

考九四

星野考

形勝考

古蹟考 有小序

人物考 有小序

第三卷

表九二

峰巒表 有小序

泉源表 有小序

第四卷

志九四

物產志

有小序

宮觀志

有小序

橋梁志

有小序

墳墓志

有小序

第五卷

紀九五

古今祀典褒崇紀

有小序

麻姑誌目錄

卷一

七

龍溪曉樓

興廢紀

仙靈紀

僧釋紀

幽怪紀

第六卷

記

第七卷

序

碑

文

賦

辭

第八卷

五言古風

五言絕句

第九卷

五言律詩

第十卷

麻姑誌目錄

卷二

三

龍溪曉樓

七言古風

七言絕句

第十一卷

七言律詩

第十二卷

七言律詩

第十三卷

七言律詩

第十四卷

雜體

扁額

對聯

第十五卷

姑志補遺

麻源附錄

第十六卷

從姑附錄

第十七卷

麻姑誌目錄


全卷

四

龍溪院樓

麻姑育英堂事宜附錄

麻姑育英堂



麻姑仙像



李鼎祚撰




元君寶誥

圖通湛寂定應慈仁崑崙山示現妙身青  
城洞光顯聖蹟過吳度蔡善應誠于感通  
擲米成丹嘗遊戲于變化總領群僊之上  
包羅萬彙之中鍊體九和超功十極大悲  
大願大聖大慈真寂中應仁祐糾濟元君

奉道弟子鄭象極黃沐謹書





續刻麻姑山丹霞洞天記卷之一

郡守四明鄧鳴雷長蘄原鹽

郡李長水陸 健實府原校

少卿郡人左宗鄧景賢編集

東平後學何天爵從之搜續

龍溪後學邱時彬登大校刻

曹凡例

一是志以麻姑爲主紀載頗詳他如麻源三谷及丹霞從姑之勝所知所聞亦必盡書其有出見聞外麻姑洞天志

一卷

龍溪晚樓

者姑存而不論斯亦主賓詳畧之義也

一志者識也序記詩詞各以次第識之宗工鉅筆請

以冠首其他斷壁碎金登覽題詠亦皆詮訂附錄

總使名山生色耳

一舊誌統紀未一篇帙舛訛茲經參考審校類各有

誌誌各有考問或失諸汗漫溺于神怪亦志神仙

之事非可以耳目拘也

一山誌嘉靖間已有詩文兩冊第靈山勝地遊覽甚

夥加以使郵往來名公製作尤多稿多遺失今姑



錄其有者彙爲數卷其有先賢遺章散在篋笥者願同志者公之俾後人得以繼續

一字內洞天福地無兼聚一山者惟豫章匡廬與麻姑丹霞並擅其美其奇峰異水與夫聖跡神蹤類限于略記者姑俟後之君子

一爲考者四謂考校於子史百家也爲表者二謂標表其名號方隅也爲志者四謂志識其煩牘久近勿仰遺忘也爲紀者五謂紀記其制作精神俾有統宗也故每卷必以小序提其大旨云

麻姑洞天誌

卷之二

龍溪曉樓



續刻麻姑山丹霞洞天誌卷之二

郡守四明鄧鳴雷長豫原

郡李長水陸 健實府原校

少卿郡人左宗鄧景賢編集

東平後學何天爵從之搜續

龍溪後學邱時彬登大校刻

考

星野考

野土之星在南方屬斗在斗六星中屬第四天相星

麻姑洞天誌

卷之二

一

龍溪曉樓

其所入爲斗十一度其在北斗屬第四權星其在三台屬上台司命下星其在天市垣屬吳越分野其在五緯主榮惑星此麻姑星之大槩也

形勝考

禹貢九州屬揚州之境內撫州後屬吳楚分豫章之東部有臨川南城二縣隋時聖爲州後爲楊武宜撫本州遂改爲撫州建昌軍本撫州之屬邑至五代時聖南城縣爲建昌府故顏魯公碑記題曰撫州南城縣麻姑山云

其地乃三十六洞天之一係次于二十八小有洞天  
其高四十里周廻四百有五里發派于軍峰山奔騰  
百里至西芙蓉而結爲芙蓉山道場復盤旋二十餘  
里始中結丹霞第十福地又蜿蜒東行結爲飛鑪王  
仙秦人雲錦諸峰而紫於觀故東瞰郡城西跨宜邑  
西南帶麻源三谷北則豐草長林虎狼蛇螻居焉人  
疑謂仙靈所窟宅莫得而窮云其丹霞福地居山之  
巔浮邱公修丹所也

按本山古先名號莫可考鏡閱撫州圖經舊說山中  
麻姑洞天誌

卷之二十

二

龍溪曉樓

因麻姑仙度蔡經而得名焉

舊記粵自東吳天璽年間有神仙過茲山度蔡經遣  
使問於麻姑同爲謬果其事因留仙蹤雲蹤而因以  
名此山

### 古蹟考

夫代與世移物隨時變居今鏡古匪蹟何稽石礎紅  
泉靈運之風流尚在銀鉤鐵畫魯公之生氣猶存若  
乃紀化仙都顯神丹於水石拙奇冊府寄藻思於縹  
緗則所謂昔人已矣遺蹟依依以故點綴陳蹤聽之

乘除大運俾千載而下意氣相感者得有考鏡焉

顏魯公碑記魯公手書小楷并碑陰附刻衛夫人褚

北海諸小楷俱稱神品不知何年遺失山潤中謂  
爲好事者携去而郡庫止存翻刻新本正德間一  
無堅偶于山潤鋤得之斷

金龍唐李元宗開元四年所賜相傳授于石邑西感黃

年既久今易以銅每貴客至  
道人猶持獻以供遊覽一助

玉簡在姑山仙壇東南詳見顏魯公

碧蓮池在姑山仙壇東南詳見顏魯公

流盃池一山門外甕橋下錦溪是也其水源自九曲

麻姑洞天誌

蘭亭已廢已久今有英堂肄業諸生募工修復因

舊堤之址而加尋尺焉雖無修竹幸有茂林水色

足追蹤往蹟云

鄧真人試劍石開係鄧真人寶劍所指今石

二仙石在本山山

真人藏書石在胡氏墳之前左

玳瑁石在麻姑虎跑泉數步間小石皆如

禮斗石在龍門橋之下石下深潭相傳有

謝靈運詩刻碑在雲門寺所謂石隱寫紅泉

縹緗臺亦靈運遺跡在

何氏書樓在麻姑山正殿之右今正色所 蕭公  
李泰伯讀書林相傳李泰伯聚門人曾輩曾學輩數  
是也

七星杉在山腰

虎茨竹在伏虎庵相傳伏虎禪師道行高潔每出入  
虎中虎必迎送為常一日入山虎不至及至

唐大松胡祠增前其枝幹皮膚若蒼龍鱗甲其軒  
相傳胡相泉公其母夢麻姑山松處士托生故以

傳元時枯死數十年洪武間後茂今松太守公  
所植時甲此山絕勝舊松

麻姑洞天誌二卷 施溪曉樓

玉蘭在對松之左花大如蓮色  
白初春時放香 蒲巖客

醉仙石在雙瀑之下邱逸  
人側亭時洗出

息機石亦在瀑下邱  
逸人洗出

玉女澡浴盆在西芙蓉山盤石之上深可近尺周廻  
丈餘石隙有清泉湧出四時不竭

仙桃石在西芙蓉  
山石壁上

靈運釣魚臺在麻源草  
子岡上

剪刀石在紅屏山均石形酷似春  
夏時農人祈禱禾黍之所

人物考

志人物者何志人物之增美山川而與山川相不朽

者也雖步躡靈蹤陳諸昭代之史冊而流風餘韻并  
亦後世之梯航其或抗匪躬以盟心或抽麗藻以見  
志或建旗剖竹樹偉伐于千秋或漱石枕流激清風  
于來葉斯故達人之高致吉士之遐軌也其他螭頭  
絢綵兔穎浮光或得句于樽前或會心于天外雖工  
拙幽顯殊途而點綴煙霞則一故滯園之叟得以依  
附青雲而方外之流亦得聯書白簡古人有謂璞蘊  
則山輝珠滿則川媚者山靈亦本於人傑耶

洞天古今帶題各景名人

麻姑洞天誌二卷 施溪曉樓

宦遊

晉

謝靈運為臨川內史好山水每出遊必與數十百人  
俱于羽旌施通滿山谷伐木通道窮奇搜異

詩刻有石磴瀉紅泉之句

唐

劉禹錫禮部尚書  
詩一首 顏貞卿撫州刺史  
詩一首

劉洽舉進士華源  
詩一首 白居易號樂天刑尚  
太傅詩一首

南唐

沈彬詩一首

宋

晏殊 詩二首

張士遜 詩一首

胡舜舉 詩一首

李潛真 詩一首

李綱 詩一首

李清真 詩一首

范榮中 詩一首

陳肅 詩一首

麻姑洞未誌

蔡若水 詩一首

郝天挺 詩一首

黃鎮成 詩一首

上官均 詩一首

李程 詩一首

國朝

李麟 詩一首

郭矩 詩一首

楊萬里 學士

許杭 詩一首

張致遠 詩一首

張商英 詩一首

楊傑 詩一首

劉涇 詩一首

王十朋 詩一首

松卿 詩一首

蔣之奇 詩一首

蜀僧 詩一首

白玉蟾 詩一首

盧知源 詩一首

羅倫 詩一首

謝士元 詩一首

謝士元 詩一首

謝士元 詩一首

謝士元 詩一首

謝士元 詩一首

謝一夔 詩一首

王綸 詩一首

司馬相 詩一首

蕭思敬 詩一首

夏寅 詩一首

謝英 詩一首

田龍 詩一首

秦夔 詩一首

竺端 詩一首

麻姑洞未誌

黃寧 詩一首

馬能 詩一首

李夢陽 詩一首

孔廕 詩一首

陳端甫 詩一首

王度 詩一首

張默 詩一首

嚴厲 詩一首

于欽 詩一首

秦旭 詩一首

傅天錫 詩一首

胡贊 詩一首

詹雨 詩一首

包裕 詩一首

張宇初 詩一首

曹奎 詩一首

陳易 詩一首

萬綸 詩一首

陳良瑚 詩一首

魯嶼 詩一首

釋深明 詩一首

陳沂 詩一首

鄭允璋 詩一首

王公福 詩一首

葉元 詩一首


張四維 詩一首

張四維 詩一首

張四維 詩一首

陳桂典 詩一首	賈泳 本府推官	陳壁 南豐縣尹	呂憲 中書舍人	舒崑山 本郡太守	劉璋 戶部主事	郭麟 南豐司訓	伍餘福 本郡太守	陳克昌 本府同知	黃茂 南豐縣尹	符遂 江縣尹	王獻芝 戶部員外	譚律 本府教授	陳津 南豐縣丞	麻姑洞 天誌	張奇 上清真人	胡廷玉 臨清人	趙禮 浙江司使	徐同愛 監察御史	李方 本府通判	方用 本府推官	陸煥章 本府檢校	胡松 南豐縣史	王洋 南豐縣教諭	鄭尚爵 南豐主簿	王祖嫡 翰林編修
吳元龍 詩一首	吳餘慶 南豐縣尹	羅宜 南豐司訓	李東陽 大學士	陳壁 南豐縣尹	劉璋 戶部主事	郭麟 南豐司訓	伍餘福 本郡太守	陳克昌 本府同知	黃茂 南豐縣尹	符遂 江縣尹	王獻芝 戶部員外	譚律 本府教授	陳津 南豐縣丞	麻姑洞 天誌	張奇 上清真人	胡廷玉 臨清人	趙禮 浙江司使	徐同愛 監察御史	李方 本府通判	方用 本府推官	陸煥章 本府檢校	胡松 南豐縣史	王洋 南豐縣教諭	鄭尚爵 南豐主簿	王祖嫡 翰林編修

許孚遠 本郡守歷兵部	范冰 南豐縣尹	張恒 本郡守歷兵部	詹景鳳 南豐縣尹	陳道 南豐縣尹	董越 南豐縣尹	曹達 南豐縣尹	顧聖之 南豐縣尹	錢時雨 南豐縣尹	葛煜 南豐縣尹	沈度 南豐縣尹	萬言策 南豐縣尹	卓有見 南豐縣尹	王儼 南豐縣尹	帥機 南豐縣尹	陸萬鍾 南豐縣尹	張其悌 南豐縣尹	麻姑洞 天誌	曹猷儒 南豐縣尹	黃學曾 南豐縣尹	戴燦 南豐縣尹	林茂桂 南豐縣尹	楊武烈 南豐縣尹	黃應元 南豐縣尹	汪之彥 南豐縣尹	吳寤相 南豐縣尹	來鯤 南豐縣尹	朱誅生 南豐縣尹	李夢祥 南豐縣尹	華仁夫 南豐縣尹	朱拱 南豐縣尹	張鏡正 南豐縣尹	林紹明 南豐縣尹	馮鳴雷 南豐縣尹
許孚遠 本郡守歷兵部	范冰 南豐縣尹	張恒 本郡守歷兵部	詹景鳳 南豐縣尹	陳道 南豐縣尹	董越 南豐縣尹	曹達 南豐縣尹	顧聖之 南豐縣尹	錢時雨 南豐縣尹	葛煜 南豐縣尹	沈度 南豐縣尹	萬言策 南豐縣尹	卓有見 南豐縣尹	王儼 南豐縣尹	帥機 南豐縣尹	陸萬鍾 南豐縣尹	張其悌 南豐縣尹	麻姑洞 天誌	曹猷儒 南豐縣尹	黃學曾 南豐縣尹	戴燦 南豐縣尹	林茂桂 南豐縣尹	楊武烈 南豐縣尹	黃應元 南豐縣尹	汪之彥 南豐縣尹	吳寤相 南豐縣尹	來鯤 南豐縣尹	朱誅生 南豐縣尹	李夢祥 南豐縣尹	華仁夫 南豐縣尹	朱拱 南豐縣尹	張鏡正 南豐縣尹	林紹明 南豐縣尹	馮鳴雷 南豐縣尹



麻姑洞天誌

上卷

龍溪曉樓

陸 鍵 浙江平湖人丁未進士號問仲本

陳臣忠 莆田人甲辰進士吳廷謨教諭詩五首

周 相 江西巡撫朱廷臣本郡太守

周一賜 南城司訓李希哲舉人記

程可行 南城二尹程近光檢校詩

張可大 把總詩吳濟亨山人詩

郡人

南唐

查文徽 詩一首

宋

陳 陀 詩一首蔡冠卿太理寺少卿

李 觀 字泰伯山薦舉太學說書號野江先生聚生

曾 鞏 字子固諡文定公毛漸詩一首

童邦直 奉議大夫朱彥刑部侍郎

王無咎 字補之由進士官至天台令棄官從王荆公

麻姑洞天誌 上卷

呂南公 號灌園先生王侍宸山人詩

元 程鉅夫 翰林學士黃叔美山人詩

魯應祥 賦一首揭傒斯詩五首

國朝

何文淵 吏部侍郎鄭誠吏部侍郎

張 昇 狀元尚書記章文昭中書舍人

鄧 棨 左都御史土木之變守節

李永年 山東參政羅玘吏部侍郎

謝晏	黃遜	蕭瑤	李喬	李泰	鄭道	邵寶	江溥	趙瑞	麻姑洞天誌	鄭垣	鄭文華	仇秉鑑	鄭寧	程洛	王伯孚	王增	張思	李贊
詩一首	詩一首	詩一首	詩一首	詩一首	詩一首	詩一首	詩一首	詩一首	詩一首	詩一首	詩一首	詩一首	詩一首	詩一首	詩一首	詩一首	詩一首	詩一首
羅源知縣	福寧州判	萬州判官	吏部員外郎	工部員外郎	工部員外郎	工部員外郎	工部員外郎	工部員外郎	工部員外郎	工部員外郎	工部員外郎	工部員外郎	工部員外郎	工部員外郎	工部員外郎	工部員外郎	工部員外郎	工部員外郎
黃銓	郭珂	錢傑	陶清	程燭	程燭	程燭	程燭	程燭	程燭	程燭	程燭	程燭	程燭	程燭	程燭	程燭	程燭	程燭
詩一首	詩一首	詩一首	詩一首	詩一首	詩一首	詩一首	詩一首	詩一首	詩一首	詩一首	詩一首	詩一首	詩一首	詩一首	詩一首	詩一首	詩一首	詩一首
旌德縣丞	新昌縣丞	襄陽同知	襄陽同知	襄陽同知	襄陽同知	襄陽同知	襄陽同知	襄陽同知	襄陽同知	襄陽同知	襄陽同知	襄陽同知	襄陽同知	襄陽同知	襄陽同知	襄陽同知	襄陽同知	襄陽同知

少農子	吳培	夏時正	羅淳	鄭菱	左宏	王用政	王綱	吳拓	麻姑洞天誌	張寶	寧汝聰	夏寶	王祿	藍泰	張光啟	王珍	鄭嶸	釋宗高
詩一首	詩一首	詩一首	詩一首	詩一首	詩一首	詩一首	詩一首	詩一首	詩一首	詩一首	詩一首	詩一首	詩一首	詩一首	詩一首	詩一首	詩一首	詩一首
大理寺卿	大理寺卿	大理寺卿	大理寺卿	大理寺卿	大理寺卿	大理寺卿	大理寺卿	大理寺卿	大理寺卿	大理寺卿	大理寺卿	大理寺卿	大理寺卿	大理寺卿	大理寺卿	大理寺卿	大理寺卿	大理寺卿
吳堂	陶廷璽	吳倫	左讓	揭稽	蒲澤	教或	鄭福	鄭惟賢	鄭惟賢	陳旒	李鉞	寧璋	朱復亨	王哲	陳襄	王華	蕭元吉	左瑞
詩一首	詩一首	詩一首	詩一首	詩一首	詩一首	詩一首	詩一首	詩一首	詩一首	詩一首	詩一首	詩一首	詩一首	詩一首	詩一首	詩一首	詩一首	詩一首
隱士詩	隱士詩	隱士詩	隱士詩	隱士詩	隱士詩	隱士詩	隱士詩	隱士詩	隱士詩	隱士詩	隱士詩	隱士詩	隱士詩	隱士詩	隱士詩	隱士詩	隱士詩	隱士詩

左賢	河南系政刑科 給事詩四首	左紹之	鄒縣縣丞 詩一首
何喬新	賦一首	羅錦	詩二首
黎近	江陽知縣 詩四首	左悠	乙未進士 詩四首
葉寬	浙江參政 詩一首	王鏞	工部正事 詩一首
林繼祿	詩一首	趙燿	舉人詩 一首
金章	都牧千戶 詩五首	左泗	進士詩 一首
朱大濟	詩一首	黃南	王殿下 詩一首
辛慶	詩一首	張桂	監生詩 一首
張畢	太學生 詩一首	羅倫	詩三首
麻姑洞天誌 二卷 瀨溪曉樓			
張梓	監生詩 二首	陶桂芳	貢士詩 一首
萬祥	逸士詩 一首	黃堂	詩一首
劉崇器	逸士詩 一首	劉淡	逸士詩 一首
黃溫	逸士詩 一首	潘銳	詩一首
吳會	詩一首	江宇	景陵知縣 詩一首
張崇	舉人詩 二首	車廷松	號白江隱 士詩一首
夏裕	知事詩 一首	陳善	庠生詩 一首
余希周	舉人詩 一首	張于岍	號谷泉舉人 詩五首
無名氏	詩二首	劉源	號東瀝知縣 詩三首

蕭玘	池州通判 詩一首	張致和	詩一首
許璜	徽州府同 詩一首	吳衍	進士主事 詩四首
鄭鑑	字應之號虛吾 費縣尹詩二首	李玘	惠州太守 詩一首
李萬寶	參政詩五首	王材	號雅用祭酒 碑一詩八首
陳鼎	舉人詩 一首	鄧汝相	舉人詩 一首
江寬	少卿詩 一首	高瑤	舉人詩 一首
左文麟	舉人詩 一首	朱羽鍾	號鳳南益藩鎮 國將軍歌一首
范沂	郴州知州 詩一首	何濤	解元推官 詩五首
蕭鏗	號六溪知 縣詩一首	蔡時英	邑文學 詩一首
麻姑洞天誌 十卷 瀨溪曉樓			
左于貞	邑文學贈御 史詩一首	王選	當塗丞 詩二首
羅汝芳	號近溪歷雲南 參政詩十三首	蕭淵	號龍川知 縣詩二首
張嶺	號一陽歷員外 記一首詩二首	鄧元錫	號潛谷舉人散 翰林待詔詩九首
鄭濬	號千華國子監 學錄詩十三首	丁璜	文學詩 一首
吳朝宗	號會海寧國府 同知詩一首	鄭汲	號初陽齊東常 陽令詩二首
萬民華	號然所平陽府 同知詩三首	吳麟	號心宇知 州詩二首
張時泰	號晉庭知 縣詩一首	王一言	號帶水應天府 丞記一首詩六首
許鉉	號鳳泉辰州府 同知詩五首	程里	號九野邑 庠詩五首
程鉉	字鼎卿山 人詩二首	黃文炳	號復陽知 州詩一首



左宗鄧	號心源太常少卿 記二引一序一詩	范	太守詩
范	邑丞詩	劉德彥	號鳳齋占藩 長史詩四首
趙師聖	號我白翰林檢 討詩四首	黎民範	號鳳野刑部 主事詩一首
趙日章	舉人詩	萬文麟	太學生
華山王	號心源 詩一首	楊百里	隱士詩
浦陽王	號瓊源 詩一首	鄭之京	片生詩
吳樟宗	太學生 詩一首	過聞聘	庠生詩
鄭之文	工部主事康戊 進士詩二首	李先芳	郡庠詩
黃公桃	庠生詩	李尚實	郡庠歌
麻姑洞天誌	上卷	黃有仁	詩三首
羅懷智	太學生 詩一首	姚來京	舉人詩
黃公李	庠生詩	夏廷選	太學生
吳可傳	舉人詩 二首	鄭象箕	邑庠生 詩四首
姚來宜	庠生詩	王秉揚	邑庠生 詩一首
馬煥賓	舉人詩 一首	姚來宜	邑庠生 詩一首
王嘉丞	太學生 詩三首	馬徵	逸士詩
邱宏詢	逸士記 一首	丁萬	郡庠詩
王時揚	太學生 詩一首	黃大順	孝廉詩
王希魯	孝廉詩 一首		



朱	京詩一首	陳	政詩一首
張文質	贈尚書 詩一首	鄭景瞻	詩一首
黃	通寺丞詩	劉梅南	詩一首
傅天翼	詩一首	方	嵩詩一首
張懋賢	詩一首	蕭	鵬詩一首
梅	瑋韻倫令 詩一首	江	澂詩一首
潘	烈儒士詩	高	陞詩一首
高	陵庠生詩	高	階詩一首
馬德良	千戶詩		
麻姑洞天誌	上卷		

明清彙補

宦遊

施閏章 宣城人進士

羅森 大興人進士湖

李明睿 南昌人進士

李正蔚 盱眙人進士本

狄宗哲 鹿邑人進士本

范長發 嘉興人進士

黃元治 新安人本郡

沈光裕 徽州人本郡

彭定求 長洲人狀元

黃道泰 江人

詹明章 漳州人

羅鈞 襄平人本郡別駕

吳麟瑞 海鹽人副

邱兆麟 撫州人進士河南

陳世儒 海寧人進士本

凌立 本郡太守

麻姑洞 天誌

龍溪曉樓

陳嘉謨 蒙山人都御

苗蕃 平定州人本邑

郭鳴雷 舊序

陸鍵 舊後序

黃秉乾 豐城人

明清彙補

郡人

朱紘 孝廉詩

釋晦山 詩一首

徐芳 進士澤州正

鄧昶 孝廉詩

吳璜 詩一首

何天爵 庫士詩十

周之楨 進士詩

吳之文 詩三首

鄧壘遠 大學士

釋雪萍 明宗室

危上宿 詩二首

潘叙生 訓導詩

張世經 貢士員外

官惟賢 孝廉詩

邱崑 庫士詩

王思文 庫士詩

麻姑洞 天誌

龍溪曉樓

陶成 翰林詩

張承光 庫士詩

王紀 詩一首

邱宏誨 隱士詩

邱振 孝廉太平令

吳邦鏞 貢士詩

劉澹 山人詩

張首翼 庫士詩

釋竺菴 詩一首

魯璵 進士右通

梅之珩 詩二首

邱崑 庫士詩

程鶴立 庫士詩

聞璵 國學

潘松生 縣丞詩


饒循文 庫生詩

湯倓 翰林詩

吳會 貢士詩

張梓太學生  
邱時彬後序一首

左宗鄧惜後序一首



麻姑洞夫誌

二卷

三

龍溪曉樓

續刻麻姑山丹霞洞天誌卷之三

郡守四明鄒鳴雷長豫原監

郡李長水陸鍵實府原校

少卿郡人左宗鄧景賢編集

東平後學何天爵從之搜續

龍溪後學邱時彬登大校刻

表

峰巒表

天地發育萬物擎成於西名山勝水多聚於西瑤池

麻姑洞夫誌

三卷

龍溪曉樓

玄圃乃在弱水流沙峨眉翠微亦復延庑把酒則山

巒之峭拔幽深滴翠藏奇者多西向矣麻姑屹肝之

鎮峙郡之西控引閩山襟帶衡嶽雖神房輞府有藉

冲舉之靈而丹穴青丘抑亦扶輿之孕故瞻鸞鶴於

齊雲之峰叩三仙於飛鑪之嶺追葛玄華千之遺踪

異毛女奏人之乍遇其他象物呈形標奇頓異千峰

百岫靡得而紀云

齊雲峰殿後北高處鸞迴鶴降之所

五老峰殿前五峯連亘係本山烟火之山

葛仙峰 仙人葛玄上昇之所在

秦人峰 昔有秦時役夫避跡于此山時有人見者

王仙峰 傳聞王侍宸飛昇處有道院在焉

香爐峰 本山

飛爐峰 上有浮丘公王郭三仙石甕遺像在此得相

獅子峰 麻源

浮丘峰 本山

天馬峰 其形似馬在麻源

毛女峰 本山

麻姑洞 天誌

吳望峰 芙蓉山

棲霞峰 丹霞之上五里西芙蓉之山下

仙羊峰 本山

玉女峰 髮師毛女峰

平嶺峰 麻源

逍遙峰 本山王侍宸有石刻存

五雷峰 本山西窓窠前前五峯相對有似殿前五老相傳若此者符術多顯至今猶然

紀霞峰 姑山南去二十五里一各出雲山在丹霞洞之後去西芙蓉不遠

鍾臺峰 在縣西三十里昔有閭僧懷震伏虎于此遂創庵于峯下在麻源深處

萬壽峰 在縣西南十里麻姑山陽上有元和院院門也殿祀三清不施梁棟向成

龍潭寺 在芙蓉山下余禪師得道于此為麻姑發龍之處有龍潭入景載郡邑誌

雲蓋山 姑山之西南五里出雲之府雲氣常護其巔非青天朗日鮮得而見

霧應山 姑山之西北十里

西芙蓉山 姑山所發來龍本山來脈又自軍峰委蛇延蛇三十餘里登芙蓉之巔望彭蠡如盤孟匡廬若岡阜大江以南北高處也其山異草奇花毒蛇巨蠱與

靈谷山 姑山之西南十里在麻源之水口即觀音巖是也其上石壁數十仞巉巖若崩上有仙人

麻姑洞 天誌

掌跡若手托焉華別駕建亭其上

丹霞山 姑山之西十里所云第十福地是也宋時有觀祀浮丘王郭三真君今祀

從姑山 姑山之南十里麻姑之從山也故得各焉其溪羅先生講學于此有講堂在焉

紅屏山 郎亦面石姑山之東南六七里亦麻姑之從五谷之神夏秋之盛農人朝謁香火甚盛

廩山 在麻源

銅山 在麻源

象石 在麻源其形甚肖

伏虎石 在華子岡

仙牛石 在麻源之

龜石 在麻源

大獅子石 在麻源之水口下臨溪水

小獅子石 在麻源之水口下臨溪水

繡毬石 在麻源之水口下臨溪水

下居民一帶繞為一道流過大溪直入麻港一道

口之奇也

石寶 在麻源之門戶先賢羅近溪

麻姑洞 未誌

華子岡 在麻源三谷即雲門

謝公岡 在麻源三谷即雲門

駝鞍嶺 在縣西

雲錦嶺 正殿之右北角高峰入雲堪與家以為修煉之所必得雲錦障及五星具備之處乃可立

姑具焉

麻嶺 其下通宜黃等處山腰

雲閣嶺 半山亭之上石磴數百級盤繞而至雲閣白

數十丈又自石龍亭而上石磴亦百餘級至洞

谷口 在麻源山下或云華子岡

三谷 姑山南潤為第一谷深達幽間周迴數里姑山

北潤為二谷多奇石異卉麻源之極北為第三

螺蚌巖 在仙都觀上殿里舊說此地為

仙姑巖 在麻源之上在麻源之下一在石崇觀

其說見于顏魯公仙壇記中

靈谷巖 即靈谷山觀音殿之後巖廣數十步中可容

繞門清可鑑髮亦奇勝也

卷石巖 在麻源清亮舊無名號元豐中太守陳繹立名

子因讀書巖東有枕漱亭左一如居士建

麻姑洞 未誌

伏虎巖 在姑山秋澤巖之東元符中僧延正一夕夢

沿以入其中猛風雷雨暴作巖之東轟然聲振觀之有寶

泉源表

夫澤萬物者莫靈于水故山清者水碧山奇者水媚

理固然也若乃泥膩沸道靈長泛一勺之神功吼雙

垂之瀑布丹流金屑洞隱龍湫泉石之殊卓矣絕矣

他如一泓感神應之符百日表工成之瑞風雷助役

鞭石成奇信所謂一簣化雨堪同水月之巖千里排

桑不問桃源之洞則昔人之下令斯同臣心是比者  
有以哉

神應泉 在天一貞慶宮西北角沙坎中向皆平地萬

金龍處破屋頽垣之下因捐俸鼎建天一宮當結

銅基清泉一泓應劬而出

王甚便之衆因名神應云

神功泉 在姑山龍門橋之側桃源洞之上其泉味極

泉初出如酒色微紅飲之醉人想為諸仙丹液之

流也後農人以穢器取之泉色變味淡不若先年

猶為絕勝也

虎跑泉 在北源路秦人峯之下鼓掌喧呼則泉水跑

虎跑泉 躍而起至今猶然一說先年有虎至山爪地

麻姑洞夫誌 三卷 龍溪曉樓

泉湧 故名

九曲泉 西芙蓉山路一帶蜿蜒九曲若

金屑泉 芙蓉山中多蒲草及菰菜水芹

月泉 花門橋

碧眼泉 本山西

瀑布泉 半山亭之左石澗懸

無出其右者

卓錫泉 在芙蓉路伏虎庵前伏虎禪師

紅泉 謝公岡之側石壁

定應泉 在從姑山秋澤巖之側歲旱即

麻源 過曉鞍嶺循溪而入茂林修竹橋跨溪上北有

麻源 壘豐祠祠側有雲門寺後有太霄觀西入數百

石清溪恍然

別一境界矣

桃源 麻源之西北村先年其地民居稠密烟火數百

頗有武陵

之想焉

麻姑洞夫誌 三卷 龍溪曉樓

萬蒲源 向有萬蒲僧結廬棲息

苦竹源 民居本村

北源 民居本村

余家源 民居本村

古塘源 民居本村

裏南源 民居本村

北澗 王仙峰一路有瀑水

龍湫 龍門橋下其

錦溪 在姑山上舊名錦溪字從竹從均犯宋御

葛仙丹井 在姑山之右側

浮丘丹井 在姑山上平田之

金龍潭 開元時大旱玄宗因投

龜潭 龍門橋之下湧雪

水月潭 瀑水之上

麻姑洞 夫誌

伏獅潭 瀑水之上

桃源洞 一在北澗瀑水之下一在龍門橋之水簾洞

老蟾居焉

水簾洞 在龍門橋之底外懸瀑布若簾洞門隱隱

人十

風洞 丹霞觀後山下風所出處草木不生人跡罕

碧澗 三容舊傳有紅泉碧澗今不可考然山人或指

泉湧石罅遂鑿石池注之清冽不下神功泉

石映如碧玉郭郡伯因勒石曰碧澗呈祥云

續刻麻姑山丹霞洞天誌卷之四

郡守四明鄔鳴雷長豫原監

郡李長水陸 鍵寶府原校

少卿郡人左宗鄧景賢編集

東平後學何天爵從之搜續

龍溪後學邱時彬登大校刻

志

物產志 鳥獸 花木 藥草 附

夫山者產也言產生萬物莫備乎山而建武諸山姑

麻姑洞夫誌

稱此以故地氣殊異發宜自奇殊米作貢于先朝

神功流芬于郡邑採瑤草之奇葩而知丹井之異把

紫藤之異卉而得龍門之奇蘂生於源芝秀於山其

他珍禽聚谷奇獸潛岫所謂寶藏斯與貨財斯殖利

用民生莫可殫述者也姑即其見聞聞者紀而載

之以俟後人之考核云耳

神功泉 其先石罅之間流泉作酒氣色微紅相傳謂

酒名亦曰神功泉

銀殊米 本山所出四月始採八月方收宋時耶以

火紙 張坊及芙蓉山一路所出下紀其數目

芋麻 谷之閒俱出

石炭 西芙蓉諸山出郡民賴之其堅異于他所

笋 俱有

蕨 本山及西芙蓉山

得食之地 本山及新城黎木發源之地有之不可多得

芹 無溪水之涯生之似空心菜

禽鳥類

麻姑洞天誌

四卷

龍溪曉樓

鸛 山有之

翡翠 有之

練線 五色者

百舌 幼春此多

泉 本山

鸛 本山

啄木 能盡符以

喜鵲 一名乾鵲 鳴則陰

雉 本山有之

絲毛雞 本山此多能食白

竹雞 中有一

鸛 其飛必

鳩 一名鳩 鳩一名鳩 詩曰晨風亦曰準雨

鷹 月令曰二月鷹化為鳩 七月鳩化為鷹 深谷中多有之

鸛 雨雅曰鸛一名鸛 玉本

燕 一名鸛

布殺 一名鸛

鴉 一名鸛

鴉 一名鸛

獸類

虎 向本山罕至惟西北角深山中有一今諸

熊 有千年熊往來

獐 有之

鹿 見有一二白者

兔 西芙蓉及丹

麝 其形似鹿而差

九節狸 其尾有九節

狼 余家源之後

玉面狸 口銳身長似貓 膚理至映江南之珍味也

麻姑洞天誌

四卷

三

龍溪曉樓

菓子狸 食菓而

山羊 兩雅謂之 獐羊似吳羊而大角善

狐 各山俱有獨從姑山一老狐善能魅人

連鯉 穿山甲是也其形如蜥虎大

桃豬 通身皆箭

獐 似羊

野豬 似猪而大

花類

百合花 其根似蒜可

木樨花 山中多有與



刺桐花 春盡開 花白色 野薔薇花 有紅黃 二色	玉蘭花 其花似辛夷而色白初春時放香滿	寶相花 花小如錢千瓣扶疎如千葉小蓮可愛	金鳳花 甲一名鳳仙花 有黃紅二種	結香花 似芙蓉花而單瓣高者可長丈餘其老根	雞冠花 谷中有之 玉簪花 葉似車前而大花	金銀花 採之陰乾可治瘡毒	月李花 每月開花不間 鹿蕊花 石崖間有之	香花 其藤延蔓于古木之上垂垂若錦帶	麻姑洞天誌 四 龍溪曉樓	蕙 一幹十數花正月間開山茶花 深紅色花 大如錢	菊 大本山推黃一色花小如錢	蘭 本所出一幹一花葉小而長花大而香家蘭所	紫薇花 一名百日紅七月間開至九月盡方止一名紫	山丹花 一名供佛花每歲至四月	水仙花 一名玉環瑞 蓋花 遍山皆有初發時其	蝴蝶花 紫如酒杯花瓣內點點其備五色其形酷	似彩蝶 紫如射干荷竹的春時放	紫者四月始放亦江南奇卉也	有金邊者有長葉者皆一幹數花家園中物惟	及不
--	-----------------------	------------------------	------------------------	-------------------------	-------------------------------	-----------------	-------------------------------	----------------------	--------------------	----------------------------------	------------------	-------------------------	---------------------------	-------------------	--------------------------------	-------------------------	-------------------	--------------	--------------------	----

虎茨 一名雀不踏一名滴雪冬乃嚴寒方始開花其	繡雲草 翠若繡成焉惟神功泉上有之	蒲者 生石壁懸崖之上所謂一寸九節是也	冬青 一名女真	楓 各山	桐子 似梧而結實大	山查 大如錢	茶 山中茶尤	梧桐子 本山	山核桃 西芙蓉	栗 秋時採賣者日數十挑	榛 似栗而圓	甜櫨 形似苦櫨	山梨 有之	竹 有數種各	苦櫨 結小子似由栗	楊 皆山	松 各山	榴 山中	銀杏 本山西窓水口峰上	桃 皆山	李 皆山	紅娘子花 一名鬼燈籠其結實若荔枝	木類 其色紅若珊瑚其結實圓如彈
--------------------------	---------------------	-----------------------	------------	---------	--------------	-----------	-----------	-----------	------------	----------------	-----------	------------	----------	-----------	--------------	---------	---------	---------	----------------	---------	---------	---------------------	--------------------

紫藤 小如線長可丈餘龍門橋下兩傍石壁皆有之  
芸香 一名山禁一名鄭花一名七里香一名玉蕊  
花開時開收之可以祛毒藥可以供染  
梔子木 高不盈丈其花六出芬襲異常本山有  
大如椽者五月時開其小者名玉樓春

藥類

靈芝 本山人近  
年常產

茯苓 各山  
有之

枸杞 各山  
有之

管仲 各山  
有之

瑤草 惟州井傍有之山中  
絕粒時可以餌松柏竹枝  
和而食之其味并香絕無苦澁一名如意草一

名藏

瓜蒌 延蔓古木之  
間通山皆是

葛花 綠溪澗  
有之

麻姑洞天誌

四卷

龍溪概

益母草 本山人  
多

地骨皮 郎樹  
根

香附子 遍山  
有之

車前子 遍山  
有之

商陸草 一名通靈草其根  
以代樟柳神能報人禍福見神異記

石菖蒲 生澗水中能益  
人智慧見本草

淡竹草 各山  
有之

半夏 本山人有之夏至  
方生見月令

黃精 土人採以爲餌久  
食可仙見列仙傳

天門冬 深山人有之  
生見月令

承露仙 俗名白藥生麻源  
山谷中載寰宇記

麥門冬 生堤坂土石間  
有之

生地黃 本山人  
有之

蒼耳 本山人有之  
郎護塔草是也

艾 本山人  
有之

射干 郎石竹草也治背癰  
之勝藥見焦氏類林

荳蔻 一名馬蓼詩曰陸有游龍  
此物也陸機文集謂之馬蓼

何首烏 各山有之有人食此物而老年八十  
無白髮因其人之姓名之見本草

金櫻子 秋間離落 忍冬 嚴寒始花其  
性涼見本草

麻姑山絕嶺 西芙蓉峰其地出產諸藥甚  
多但人懶於登陟不識耳

官觀志

志官觀者何神明之所宅也志官觀而及亭榭者何

志其宅一山之勝而登眺者亦得以舒嘯也故殿首

元通祀有常主次綠亭榭時有廢興至若古寺名樓

擅一時之偉觀神房丹室煥千載之靈蹤亦皆紀志

麻姑洞天誌

四卷

七

龍溪概

原便營修若夫仰止齊雲而知泰山北斗之望從遊

雲館而得春風沂水之情望雲門而瞻谷口之世家

睇爐峰而仰三仙之高躅斯尤官觀稱奇亭臺讓美

者矣第危崖峻嶺而上材木僂僂惟艱一磚所費十

倍平地加以雲蒸霧鬱日烈風剛難以堅完易爲圯

毀以故有崇構見稱于古迄今僅存其名者則他日

爲山中修復計勿侈勿華務堅務固不必作始以更

新務令時葺其舊實斯亦可以久之一端云

元通寶殿

唐玄宗開元間建宋仁宗時勅賜飛白額  
書歷經兵火萬曆丙申復罹回祿掃蕩無

遺迹及丁酉郡人王昭復建規  
模差狹小不及向時之巍峩矣

老君殿在兩窰西窰石碑一宮之左

寥陽殿元通殿之左

三清殿正殿之左

玉皇殿正殿之左

靈峰殿在麻源谷中今已

天一眞慶宮舊清隱寮基今鄧郡伯鼎建時工人扶

就以爲必無生理亟下俯視口鼻間尚有微氣按之

就枕谷昧如醉半夜蹶起大聲叫姑仙不往口天

亦無損傷其靈異若此

麻姑洞天誌四卷

一山門同安胡拱柱

二山門侯重建

十賢堂正殿之左祀鄉先達陳彭年李觀曾輩曾布

與中知軍事蔡延世

建元之時毀于兵火

省悲堂舊清隱寮

育英堂讀書林故址

又玄堂舊白雲寮之址今鄧郡伯陸司李重建

觀音大士堂靈谷山巖

三忠祠原祀顏公真卿李公綱文公天祥與本朝胡

靖寇全肝在祠祠之後以岳武穆公飛附焉緣公

忠火焚蕩祀典久職今合三忠而益以四精

五忠祠

岳王祠原三忠祠向祀公于爽室今鄧郡伯命

太霄觀今在麻源

延禧觀姑山之下南數

麻姑洞天誌四卷

崇真觀姑山之下

丹霞觀府人墳墓之地余尚見有鐵鑄三仙聖像在

追究任土之人則知所在

石崇觀殿存或云魯班所

靈仙觀在麻源

霧應巷在霧應山今

小廣度巷天師墓左具僧

伏虎庵一路其傍倒生竹相傳爲師留記

字從公館請建堂立社左奉常顏其門曰零從公館

其中堂扁曰育英後曰思齊

御風行館舊清隱寮故址今鄒郡伯陸司李重建

清隱其堂之舊額曰省思今在前有

藏書閣正殿右側山

文昌閣郡人鄭玉泉鄭白窓

觀音閣均之內今祀

御書樓朝勅命御札于此

西窓寮五雷案今存

白雲寮今胡公祠

麻姑洞天誌

清隱寮今又

煉丹室葛真人修煉之所

冲和室在從

恒山精舍在姑山之麓宋

蔡真人故里伯陸司李頤鄒郡

思齊精舍育英堂之後諸生

蔡經宅相傳又云堂故址按太平廣記及名山記西

西竺巷北壽峰半山東

順濟侯廟龍門橋左

麻源廟在麻源谷口禱

雲門寺係三谷左氏香火院祀廢已久今後賢左奉

亭三谷之

望雲庵雲蓋山相里亦左奉常建

白衣大士殿郡伯鼎建扁曰真如普照在雲門

靈峰寺在從姑山之腰先賢羅近

龍潭寺在伏虎巷之西二里在丹霞觀地基上去尚

人自耕

麻源真君廟舊在谷口其神為吳許二真君禱雨神

麻姑洞天誌

齊雲亭殿後山巔有亭相傳麻姑鸞迴鶴降之所

有聯其上集今廟地止存遺像左奉常為改創雲門佛殿

噴雪亭鄒郡伯特建石亭于雙瀑之下時山高路險

亂石雷雨大作決崖起視雙瀑之間縱橫

神功亭侍御鄒梅敬公所建跨泉石之上

漱玉亭在飛瀑之左岷其上石壁數仞題

振衣亭學憲王敬所

觀瀑亭公建今地

重建因謀諸本郡逸人丘弘誨構木庀工不

旬日間新亭屹立弘敞壯麗本山  
勝槩及雉堞蒼茫盡在目中矣

望仙亭 在五老峰之上今圯

飛練亭 雙瀑之下

龍湫亭 龍門橋之右側今圯

古藤亭 殿後之山半今圯

枕漱亭 在卷石巖下一石臨流左奉常構亭其上圯而復建因額名云

古松軒 今胡公祠故址

尋真亭 在姑山之足今圯

玉龍雙吼亭 本郡太守秦公夔建有記并詩勒石其上今存

麻姑洞天誌 四卷

雲關 胡節婦墳之下半山亭之上石磴數百級登涉甚艱昔人于此立亭以節遊者之勞今雖圯廢但舊閣石甕之石本山道人仍將此石深埋土坑防其散逸去基不遠尋之可得志此以俟後之與創者易為力焉

雲關坊 合郡士夫所建由此而上為齊雲亭今在神功泉之側龍門橋之上矣

暗街 數十家經兵火圯

半山亭 長史馬能建郡人張狀元公昇有叙今存

翠微亭 本山之麓今圯

小有洞天亭 本山之足下山亭相去僅數丈今圯

太古亭 羅近溪先生題今圯

山下亭 在山足之凹今存

清暉閣 在本山古松之前今圯

枕流亭 龍門橋之下飛瀑之上左側即為月潭舊皆荒草離離萬戶皮中草別駕建亭其上俯瞰月潭雪濤怒號怪石巉峨本郡太史趙我白公題其額曰枕流

瀑下流觴池 即逸人創因石基之屈曲循瀑水之迴環潄為九曲綠石罅間植梓種桃栽花樹竹曲盡一溪之勝今毀

橋梁志

橋梁之修王政所急况靈山勝地盤輿蠟屐所往還且廣陌崇岡又農夫樵子所利賴迎仙成于至正三

麻姑洞天誌 四卷

峽創于景炎歷虎溪而漸升雲嶠循谷口而半入桃源底仰尋真者不苦蒨水之三千而覽勝者獲躡仙梯之百二則夫志紀先之補苴後之一聽諸代之好事者

會仙橋 觀門外石甕橋是也橋下有石刻至正二十年造砌橋碑上燒有本觀提點道士名今為石灰塗抹

三峽橋 即今龍門橋是其傍有桃源洞下有水簾洞上流之右石罅間為神功泉華別駕有記

虎溪橋 山下石橋是也

靈峰橋 麻源

北源石橋 本山入北源路上

龜橋 飛壚峰路間

雙橋余源一路

銅陵橋麻源一路

谷口橋麻源一路

路家橋麻源一路在

張舟石橋

山下雷立金事江公激作碑記之

雲起橋

在雲門寺前東接溪山舊有本橋久圯今左泰常建立石

墳墓志

嘗聞真人不死正氣長存紫陽爐簡寧齊蟬蛻于仙  
巖貞懸珠塵不殊鶴吊于墓下至若七言滑巧一字  
懷慚終以懟死不亦愚乎然總之玉石共盡于一邱  
人生何羨乎九轉徒令吊古者不能無遼鶴之感云

麻姑洞天詩

舊卷

十四

龍溪隱

鄧紫陽墓

姑山正殿左側開元二年紫陽既已化去玄宗遣中使二人送還本鄉以次年葬于

本山頂甲子改葬棺中惟玉簡香爐而已石柳猶存

鄧真人德誠墓

姑山止范據雲溪友議曰麻姑山谷之秀草木甚奇鄧仙客至延康四五

代爲國道師而錫紫服自死自京輩歸葬是山是謂尸解也然悉爲丘壠松柏相皇詞人經過亦嘗與詠已千首忽有一少年偶題絕句不言姓字但書天崎遊人後來者觀其所刺無復爲詩文鄧氏之名因斯漸滅矣其詩云鶴老芝田雞在籠上清那與俗塵同既言白日升天去何事人間有殯宮

胡貞愍節婦墳


在古岳王廟之右相傳也出天仙墓

仙骨巖

在麻源之深谷中仙人委蛻之所其巖石壁數十似中有棺形在內遠望之可見

詩僧墓

在姑山田畔昔詩僧遊仙壇題詩于石上日自從宴罷歸來後寶殿瑤臺空月明後樵者



池橋于自字上改畫一字樵本無意品作戲耳僧  
復來見之恨自字又不如一字之工忿死因葬此  
山石壁上一畫未滿故曰  
一字石在今龍門橋左壁  
楊家墓民居數十家地有偃蓋老松與壘前大夫松  
松爲土人延火所焚遂焦枯而死此松凡大夫松小七八寸圍而高過之

續刻麻姑山丹霞洞天誌

卷之五

郡

縣

縣

縣

郡

縣

縣

縣

少卿郡人左宗鄧景賢編集

東平後學何天爵從之搜續

龍溪後學邱時彬登大校刻

紀

祀典紀

祀典之先靡可考鏡粵自西晉秦始以來方平控鶴

麻姑洞天誌

五卷

一

龍溪後學

迴馳於茲嶺麻姑擗麟開宴於斯堂集靈標異擅美

山川顯號鴻章輝煌雲漢所謂樂災捍患旰民實利

賴焉若乃檢玉泥金禋祀世隆矣自唐迄宋史冊

可稽若祭與期歷年無改緬思七日之羽儀遙聽雲

間之環佩隘享者不能無鸞鶴之感焉因列古先祀

事如左

唐

玄宗開元二十三年本山道士鄧師瓘應詔入朝因

請立廟開元二十七年始特立麻姑廟度鄧思明為

焚修道士天寶五載投龍於瀑布石池有苦龍現玄

宗感焉復命增修仙宇降賜仙姑真儀部從塑立諸

像顯耀祠宇

宋

真宗咸平二年淮江南轉運使奉勅牒賜麻姑仙廟

為仙都觀以御書旌耀

仁宗皇祐三年詔以御書及明堂之門篆飛白一體

藏諸麻姑山仙都觀

高宗紹興二十五年賜御書法帖十軸于麻姑山仙

麻姑洞天誌

五卷

二

龍溪後學

都觀

元

仁宗延祐元年贛州路之屬邑寧都地接旰江廣昌

草寇與妖切逼隣境旰郡合城士庶禱于元君之庭

後果寇不犯境合郡無恙有司奏聞乞賜改稱宮號

越數年下詔改為仙都萬壽宮勅以道士程寅孫焚

修宮事錫以明道大德真人之號其後傳度嗣徒上

官獨見二葉孫上官夢得三葉孫李應樞

褒崇仙號

宋神宗元封六年封仙姑爲清眞夫人詞曰神仙所宅祐此一方赴感應祈慶祥屢下姑從人欲開號賜封眞能歆嘉以永民福可封清眞夫人至者施行

宋哲宗元祐元年誥勅曰眷惟仙都之境已啟清眞之封守臣建言欲加顯號朕何惜微名縛禮不以慰一方父老子弟之心哉故我茂思永錫靈佑可封

寂真人

宋徽宗宣和六年誥勅曰欽承竊道寅奉至眞遐瞻絕阜之靈鳳駐列仙之馭眷蒙仁於孚佑宜稱禮於

麻姑洞志

卷一

三

麻姑洞志

襄陽建昌軍麻姑山仙都觀竊眞人鍊體九和超功十極嘗遊戲於變化復應誠於感通玉宇赤文揭羣袞之榮麗丹臺瓊府配德名之顯尊尙斯冲覽之臨永茂珍祺之錫可特封眞寂冲應元君

右降玉冊宸翰大書眞寂冲應元君及元通之殿十宇賜焉

宋寧宗慶元元年蜀人眉州教授危薰等及陳請青城山上皇觀麻姑洞元君感應乞旨同建昌軍麻姑山一體褒稱得旨特加仁祐二字

宋理宗嘉熙元年得旨特加竊濟二字於是年四月十八日中書舍人李留行詞總稱八字之崇稱曰眞寂冲應仁佑竊濟元君

天朝事興用嚴祠祀名山洞府福利斯民莫不致祀茲山故以七月七日特命有司祀以少牢歲奉祠祭焉

宋紹興二十七年知軍事胡舜舉請建顏魯公祠于麻姑山仙都觀十賢堂之左舜舉詩曰立廟本來皆可紀凜然英烈殆天啟年垂八十官太師平生所次

麻姑洞志

卷一

四

麻姑洞志

惟死耳分甘一死鴻毛輕舉世俗子何由噏誰知我公本不死眉間生氣猶崢嶸堂堂十老皆人傑逢展遇合稷與契儼然玉立配我公忠義文章兩奇絕我來摩挲讀豐碑扛鼎筆力猶精奇定應神物常護持勁直千載垂良規元末燬于兵

本朝嘉靖間知府王公度建三忠祠於麻姑觀之右祠顏公眞卿李公綱文公天祥後圮朱公廷臣重修萬厯丁未華別駕改置於唐大夫松壇創屋三間中祀三公左祀胡柏泉公松一堂分爲兩室於祀典失



當今鄆郡伯立三忠祠于胡祠之後遷胡公神座于中庭復增岳鄂王飛神主于三忠之右座神靈永妥祀典不黷矣

宋紹興中知軍事蔡延世建十賢堂於麻姑山仙都觀祀鄉先達陳彭年李觀曾輩曾布朱京朱彥鄆潤甫王無咎呂南公元季圯於兵火元世祖至元十八年鄆守章總管夏瓊建岳王廟於麻姑山雲閣之上祀岳武穆王飛至正十九年燬於兵火萬曆三十八年鄆伯郭公特建天一真慶宮於麻姑仙都觀麻姑洞天誌五卷 灤溪曉錄

之右祀玄帝祖師因感靈泉湧出之瑞詳載亭臺志中今復賜田置器百廢具興唐宋以來一盛遇云

### 興廢紀

唐開元二十七年道士鄧思瓘請于朝特建仙都觀于本山

天寶五年後詔增修仙宇降賜仙姑真儀部從

宋真宗咸平間復創賜麻姑仙廟爲觀復賜御書

仁宗神宗哲宗徽宗屢朝寵錫有加自高宗南渡福

建寇范汝爲陷邵武復進攻建昌廣信遊兵屯于本

觀焚焉江西按撫李田檄岳飛分兵保建昌軍飛遣

將平之故立廟于本山

麻姑洞天誌五卷

六

灤溪曉錄

理宗朝道士陳賜谷募緣立復本觀

元仁宗延祐初廣昌草寇作亂士民禱于元君之庭

獲庇平安有司奏請詔改仙都萬壽宮

前元革運世道推遷至正壬辰劫火焚蕩宮宇片瓦

不存然仙靈在天洞天福地難久湮廢暨

天朝開國定鼎金陵凡名山大川悉仍舊號革前代

之淫名而麻姑山命有司以時致祭而輿幣焉豈所

謂有功於民合于祀典者歟

洪武初提舉雷振遠都監劉碧淵等攻苦食淡畚土

開荒募綠勸相乃構寥陽殿焉永樂間提典尉崇禧  
劉椿年繼主其席焚修之暇乃經乃營而又得太守  
吳公致序文爲之倡前作後述視昔有加而正殿嵯  
峨岷立至萬曆丙申七月七日之夜忽羅神火正殿  
焚焉舊額祀典于是日舉祭有司綠公務遠期人疑  
謂仙靈所震怒云萬曆丁酉郡人王昭特建正殿但  
規模草創大弗如前庚戌仲春鄔郡伯瞻禮感念委  
官增飾金碧煥然斯固仙靈所感通抑亦賢明之眷  
注所謂先王之德山高水長可矣

麻姑洞天誌

五卷

七

瀧溪曉樓

仙靈紀

夫仙者遷也謂其遷變不常也出有入無超凡證聖  
無拘束于五行總游戲於三昧至若衆鳥銜薪表其  
祥嬰兒示蹟呈其瑞化粒米而成丹擗鱗脯而開會  
沃焦顯化就日窺心試劍而頑石中分透夢而柏梁  
雙至一星飛火能燒石堡之城三峽投符忽救野川  
之旱所謂掌握風雲神通造化者矣第滄桑幾變尚  
存瑤草奇葩鸞鶴幾迴獨覩蚪松偃蓋夫草木亦借  
仙靈爲久長者耶

麻姑洞天誌

五卷

八

瀧溪曉樓

麻姑古宣城人也今寧國路有麻坊其地舉皆麻氏  
又按道書云老君示攘除灾厄法中有遣麻姑蒼老  
等語則知麻姑浩劫之高真乘運應世有自來矣今  
兩存之以俟後來者之考訂焉

故老相傳仙傳有載姑仙幼齡嘗與嫂出故山中嫂  
訝其遲姑云適遇女童共戲水傍其來也罔知所之  
其去也莫知所之嫂乃令姑曰來則以緋線綴其衣  
因踵其後徐至于大松下忽爾不見但遺緋線于地  
掘之乃得茯苓若嬰兒狀甚恢嫂命烹之嫂適以有

他往姑輒自嘗之就飲其汁殆盡嫂至則弗得沾  
然已知姑已先得也

又傳云姑嘗與其弟入山拾薪甚難惟姑獨往得薪  
甚多其弟恠訝陰竊伺之惟見姑宴坐林間群鳥皆  
瞻薪而至其弟歸告其母母乃強詰其故姑自知其  
神異已洩明日遂棄家而去莫知所之後數年間忽  
歸于家人問其何自姑言自青城山而回家人見所  
穿之衣垢弊頗甚欲使更新以替之姑不受曰自有  
仙裳其服皆精縹文彩非世服也又復棄家而去葛  
麻姑洞天誌五卷 九 龍溪曉樓

爲

仙傳云姑南遊吳地盱江小有洞天山之巔遂栖息  
陶隱君仙傳云總真王貞君名遠字方平東海人  
尊德盛不能具載至魏明帝青龍元年於平都山昇  
舉爲總真真人理西城西玄之山山在益州之西卽  
爲西極總真仙之府也仙馭遍歷四方所領高仙上  
士一萬五千人居蜀峨眉山官室住居俱存洞府西  
晉太始間東入括蒼過吳胥門蔡經家教以尸解經  
忽然身輕發熱如火欲得水灌舉家取水灌之如沃

焦之狀蟬蛻而去去十數年許天璽間忽然還家去  
時面貌已老及還更自少壯語其家曰七月七日王  
君仙馭當降及降遣人間麻姑姑至座定各進行厨  
大醺會焉爲度蔡仙後舉家拔宅上昇今壇側經之  
故基存焉詳載顏魯公記中

方平語經家人曰吾欲賜汝輩酒此酒乃出天厨其  
味醇醲非世人所宜飲飲之或能爛腸今當以水和  
之汝輩勿怪也乃以一升酒合水一斗攪之賜經家  
飲一升許良久酒盡方平語左右曰不足遠取也以

麻姑洞天誌五卷

十

龍溪曉樓

千錢與餘杭老相聞求其沽酒須臾信還得一油囊  
酒五斗許信傳餘杭老答言恐地上酒不中尊飲耳  
華子名子期相傳爲九江人向里先生弟子飛昇於  
西山晉初鶴駕翔集於麻源岡上因以名焉  
浮丘公名無可攷漢昭帝時煉丹于此山遺有丹井  
及飛昇臺在焉  
王仙名無可攷相傳浮丘弟子得道于此山  
郭仙名無可攷相傳浮丘弟子亦得道于此山今三  
仙是也

蔡經問巷小民也方平過其家知其骨相當仙教以戶解告以要言乃委經去經忽身體發熱如火汲水灌之如沃焦石如此三日中消耗骨立乃入室以被自覆忽然失身所在視其被有皮頭身足具存如蟬蛻去

陳尉居蔡經家舍之北不著名字當罷尉時聞經家有仙降乃詣門叩首求乞拜見方平令引前與語陳尉便乞得隨從驅使欲比於經方平曰君且起向日立方平從後視之言噫君心邪不正難終以仙道也

麻姑洞天誌

五卷

十一

龍溪隱樓

當授爾地上王者之職臨去以一符并一傳著小箱中給與陳尉言此不能令君度世可令竟君本壽出百歲也陳尉一百一十歲而終

白居易號樂天唐荆湘書晚年好修煉之術傳聞得尸解法今入下八洞仙侶

鄧思瓘唐天師號紫陽隱于麻姑山開元間詔求方士本部以師應辟帝雅重之賜資甚厚常用使神率朱兵討西戎之犯境若雷霆之變化犬戎大敗時稱爲神人後感虎駕龍車之異奄忽而化歸殯本山玄

宗賜之詩云太乙三門訣元君六甲符下傳金板術上刻玉清書有美探真士囊中得秘珠自茲三醮後翊我滅殘胡

鄧德誠紫陽姪也少穎悟常隨紫陽侍內禁玄宗奇之曰斯子必爲教主以巾簡授之一日召至京謂曰石堡頗爲邊患何以制之對曰臣不敢不效用以安聖慮乃然燈七以象北斗焚香冥祝一燈飛勢若流星石堡之城爲灰燼矣

麻姑洞天誌

五卷

十一

龍溪隱樓

鄭孟倫號玉泉幼遇異人授五雷法能役鬼神善剪天虹救民間孩稚不計其數至正庚子本郡大旱玉泉結壇于三峽橋投符水中不頃刻而雷電大作驟雨如注郡民感之居常好施濟建廟造橋施田修渡俱載郡志三日之先預知化期臨卒趺坐而逝今本郡多效觀侍宸殿猶祀其像人稱爲鄭真人云王文卿字安道郎王侍宸也宣和初渡江遇異人授以掌心雷法極靈驗宣和中京師士人元夕出遊至二美樓下見美婦倉皇詢之答以觀燈失伴士與俱歸款扉旬日愈友覺其異乃拉往葆真宮謁王王一

見驚曰子妖氣甚濃勢將難治此崇絕異非常鬼也  
歷指坐客曰異日煩公等證佐乃書符二道命士人  
置婦之髮中并置腰間錢篋婦候不見越二日開封  
遣獄吏逮卿下獄云某姓婦人瘵疾三年臨終大叫  
云葆真宮王法師殺我視其衣帶果有符籙王逮召  
前坐客同請法司具言所以法司敬信若神禮而歸  
之後倦遊乃歸麻姑修煉後竟仙去今有王仙飛昇  
壇在焉

麻姑洞天誌

五卷

十三

龍溪晚號

僧釋紀

唐景雲禪師諱上弘姓饒氏從南嶽大圓大師具戒  
行大厭初肄業景雲寺與姜相國公輔顏太師真卿  
本道兼使輩君丹相友善坐姑山仙壇講四分律度  
男女萬餘人白居易先生爲作塔銘

可遵禪師放懷不羈得大自在尤善滑稽雄辯絕倫  
凡荷章率意縱筆皆中理常題神功泉詩云直待衆  
生本無垢我方清冷混常流後遷寂于章山

景祥禪師姓傅氏永豐令翼之子少警敏嗜學廣記

麻姑洞天誌

五卷

十四

龍溪晚號

開道人有琦者說法章山寺祥往聽之乃悟削髮叅  
禮名師受戒後進明湘真如法席心法益明不受人  
事結習山中者十餘年建炎亂避地天臺後范丞相  
留奏居浮山久之出其古衲并書付其法嗣法昇等  
踟躕而逝得五色舍利目睛齒舌皆不壞及數珠俱  
存王彥章爲撰塔銘

宗高不知何許人善詩有題詠存志

詩僧唐人有七言絕句一首存志其詩末二句云自  
從宴罷歸來後寶殿瑤臺空月明題于石壁間樵夫

偶于自宇上改以一字僧見改字甚工因愧憤而死

于山今有詩僧墓

思願善書字畫迺勁雲門寺之側卷石巖三字即其遺跡

姑洞天記

五卷

十五

幽怪紀

盱江劉氏故族也門有古柏二株陰蔽數畝劉氏一老者夢有女官自稱姓麻乞劉二柏葺舍劉曰吾意非吝豈不易去耳女官曰公意許矣去甚不難劉寤異其事然亦莫之信也翌日風雨震作天晦如夜人皆閤戶潛隱久之開霽失柏所在潛遣人山中伺之二柏已卧殿側矣

出西樵野記

麻源第三谷山水清遠爲江西勝處有僧寺道觀各異所有陳僧者死其徒邦彥代掌僧事嘗往三里外民家作緣會徒衆悉行旋募村農陳三守舍甫二更明燭獨坐門戶外咄咄聲方疑怖聞一僧揭簾入吐舌至地陳走廚中握席以飲殆於失心夜過半寺衆歸覺內呼擾趨侍陳已昏惑良久方蘇

雲門寺有魑魅頗幻嚇人常有游客至主僧邦彥館之于三門傍小室冬夜附火不覺昏睡及開目見一物長三尺蓬髮鬚正相對坐客驚呼出戶僧聞之咲視曰何害何害原非別怪是蓬頭小鬼耳

出夷堅志

傳選爲江西總管時邀麻姑山王侍宸來豫章從學

雷法王惡其人然凶德可畏但教其大略在朋輩中  
已爲高妙選嘗試藝望僧刹一塔嶄然高出四表卽  
焚符治之少焉火從中起焚爲煙燼而塔無所損旣  
而憤王所傳不盡欲募刺客往山中加害王已先知  
之怒曰彼爲弟子而謀射羿豈人情哉於是乃卽山  
巔結壇飛檄召將悉追其所部靈官將吏遵所行法  
自此不復驗矣 出夷堅志

劉過字改之襄陽人嘗雙一妾淳熙甲子預秋薦將  
赴省試春眷不忍行在道賦水仙子詞一闕每夜飲  
麻姑洞未誌 五卷 十七 龍溪曉樓

旅次輒使隨僮小童歌之到建昌游麻姑山薄暮獨  
酌屢歌此詞思想之極至於三更後一美女忽  
來執拍歌曰別酒未斟心先醉忍聽陽關聲故里揚  
鞭勒馬皇都三題盡當際會穩跳龍門三汲水天意  
令吾先送喜不審君侯知得未蔡邕憐識幾桐聲君  
背負只如是酒滿金杯來勸你盃廣和改之前詞改  
之以龍門之句喜甚書之於篋與之歡接但不解蔡  
邕背負之意叩其姓氏曰我乃麻姑上仙之妹綠度  
王方平蔡經不効謫居此山公不得回玉京恰聞君

新詞勉步韻自媒且願陪後乘改之遂與之東後果  
擢第調荊州教授歸過皂閣山道士熊若水審知改  
之隨行者非人乃戒其歸寢時熊在外作法令紫抱  
勿致寬逸及熊排闥而入乃見劉正擁一琴始悟蔡  
邕之語及再經麻姑訪諸道流乃云頃有趙知軍携  
古琴過此寶惜甚至因慳觸墜砌下破不可治乃埋  
之官廳西偏遽發瘞視之匣空矣改之乃舉琴置匣  
命道衆焚香誦禮而仍瘞之 出六十家小說

臨川記云撫州麻姑山嘗有登者望廬嶽彭蠡皆在  
麻姑洞未誌 五卷 十八 龍溪曉樓

其下有楓樹數千年者其人形眼鼻口臂而無脚入  
山者見之或有砢之者皆出血人皆以籃冠於其頭  
明日看失籃挂樹知爲楓子鬼又有楓木人於楓樹  
下生似人形長三四尺夜雷雨卽長與樹齊見人卽  
縮依舊平時欲雨以竹束其頭襖之卽雨人取以爲  
式盤極神驗楓天棗地是也 一出十道記  
一出朝野僉載  
元時有人於西芙蓉山中伐大木木中有肉可五觔  
有如熟猪肉 出稽神錄

萬曆壬寅夏月雷霆大作千紅屏山石罅中擊死一

物攝至田中其身如蛇長不盈尺大如椽首似貓而無尾姑志之以俟博識

麻姑洞天誌 五卷

龍溪曉樓

續刻麻姑山丹霞洞天誌卷之六

郡守四明鄒鳴雷長豫原監

郡李長水陸 鍵實府原校

少卿郡人左宗鄧景賢編集

東平後學何天爵從之搜續

龍溪後學邱時彬登大校刻

記

唐

麻姑山仙壇記

顏真卿

位太師封魯公

麻姑洞天誌 宋卷

一

龍溪曉樓

麻姑者葛稚川神仙傳云王遠字方平欲東之括蒼山過吳蔡經家教其尸解如蟬蛻也經去十餘年忽還語家言七月七日王君當來過到期日方平乘羽車駕五龍各異色旌旗導從威儀赫奔如大將也既至坐須臾引見經父兄因遣人與麻姑相聞亦莫知麻姑是何神也言方平敬報久不行民聞今來在此想麻姑能甦來有頃信還但聞其語不見所使人曰麻姑再拜不見忽已五百餘年尊卑有序修敬無階思念久煩信承在彼登山顛倒而先被記當按行蓬



萊今便楚往如是便還還即親覲願不即去如此兩  
時閒麻姑來來時亦先聞人馬聲既至從官當半於  
方平也麻姑至蔡經亦舉家見之是好女子年十八  
九許頂中作髻餘髮垂之至腰其衣有文章而非錦  
綺光彩耀目不可名字皆世所無有也得見方平方  
平爲起立坐定各進行厨金盤玉杯無限美膳多是  
諸華而香氣達於內外擗麟脯行之麻姑自言接待  
以來見東海三爲桑田向聞蓬萊水乃淺於往者會  
時畧半也豈將復還爲陸陵平方平笑曰聖人皆言

麻姑洞天誌

六卷

二

龍溪曉樓

海中行復揚塵也麻姑欲見蔡經母及婦經弟婦新  
產數十日麻姑望見之已知曰噫且止勿前即求少  
許米便以擲之墮地即成丹砂方平笑曰姑故年少  
吾了不喜復作此曹伎猶變化也麻姑手似烏爪蔡  
經心中念言背痒時得此瓜爬背乃佳也方平已知  
經心中所喜即使人牽經鞭之曰麻姑者神人也汝  
何忽謂其瓜可爬背耶見鞭著經背亦不見有人持  
鞭者方平告經曰吾鞭不可妄得也大厓三年真卿  
刺撫州按圖南城縣有麻姑山頂有古壇相傳云麻

姑於此得道壇東南有池中有紅蓮近忽變碧今又  
白矣池北下壇傍有杉松松皆偃蓋時聞步虛鐘磬  
之音東南有瀑布淙下三百餘尺東北有石崇觀高  
石中猶有螺蚌殼或以爲桑田所變西北有麻源謝  
靈運詩題入華子岡是麻源第三谷恐其處也源口  
有神祠祈雨輒應開元中道士鄧紫陽於此習道蒙  
召入大同殿修功德二十七年忽見虎駕龍車二人  
執節庭中顧謂其友竹粉猷曰此迎我也可爲吾奏  
願欲歸塋本山乃請立廟於壇側玄宗從之天寶五

麻姑洞天誌

六卷

三

龍溪曉樓

載投金龍於瀑布石池中有黃龍見玄宗感焉乃命  
增修仙宇真儀侍從雲鶴之類嗚呼自麻姑發跡於  
茲嶺南真遺壇於龜源花姑表異於井山今女道士  
黎瓊仙年八十而容色亦少曾夢行夢瓊仙而食花  
絕粒紫陽姪男曰德誠繼修香火弟子譚仙嚴法錄  
尊嚴而史玄洞左道玄鄉鬱華皆清虛服道非夫地  
氣殊異江山炳靈則曷由纂懿流光若斯之盛者矣  
真卿幸承餘烈敢刻金石而誌之時則六年夏四月  
也

宋

重修三清殿記

李

觀太學  
說書

觀幼時讀顏魯公麻姑山仙壇記觀其稱道壤地之  
殊絕人物之瓌怪目想其處謂如鈞天帝庭非下土  
所彷彿也及長游山縱觀所有則歌吟壙雲饜飫水  
石而已其餘古屋數百楹或腐或涇無足可居惟仙  
若神可以顧享噫物有愈衰而後復理之常也則所  
謂三清殿者今爲復之先乎按是殿之作背山向陽  
得地之正由五代迄茲載祀遠矣雖其管緒頗甚盛

麻姑洞天誌

卷

四

龍溪曉樓

壯而木窮於蠹瓦困於雨日壞月墮幾將壓焉潁川  
陳公策鄉之耆德勇於爲善一見其事惻然於中乃  
發家財以葺之工之巧者必至材之良者必備或改  
以新或完其舊背繞以隆昔卑以崇緒焉而霞閣聖  
焉而雲浴真儀之位得以而禮山英水靈若喜若慰  
雖大道之要本乎淡泊安在土木之華而後張顯然  
名山之景列在圖籍非有遊覽之盛不足稱述故言  
神仙者必曰崑崙之墟海中洲島宮闕之侈視珠玉  
不啻如土芥世俗相承以爲美談若麻姑山著稱久

矣元和詞人白樂天輩咸有詠歌祭於屋壁自爾以  
來言者溢口書者滿牘天下靈境茲不後焉苟非崇  
飾棟宇嚴事上靈其何足觀之則潁川公之意豈徒  
然哉觀之視公大父行也見命爲記謹書其畧於時  
歲在辛巳康定二年

重修麻姑殿記

李

三代之英既往禮教不競人欲大勝欲莫甚乎生惡  
莫甚乎死而道家流誦秘書稱不死法以昭之故秦  
漢之際仙之學入於王公而方士甚尊寵然或云延

麻姑洞天誌

卷

五

龍溪曉樓

年或云輕舉皆人耳目閒事久而未驗衆則非之矣  
佛之徒最後出而言愈遠其稱天宮之樂地獄之苦  
鬼神之爲非人可見雖明者猶或疑焉是浮屠之居  
貨賄竭天下宮室僭王者而黃冠師窮智役辦終非  
能及自非當世好事慕方外之遊者孰克廻而於真  
靈之境哉麻姑之名聞之於葛稚川傳申之於顏魯  
公記我七茲山得道之所始也自唐而下祀禮不絕  
築宮度人以嚴其事而殿屋之設歲月積久雨淫風  
虐摧柱弗暇將無以布几席陳香燭爲鸞鶴戾止之

地群目出七莫肯營救潁川陳公博識之士肥遯州里頃常遊山周覽及是將命工徙一新其制言未果行而卒其子今山陽司寇諫弟詢不忘孝思盡稟先志乃出家貲以幹其事斬木而山空伐石而雲愁後不逾時營繕以畢修廣有度奢儉有宜禮神之位茲無所愧論者謂真帝在上庶方無虞歲不凶災物不疵癘故斯人得厚本節用爲富家者往七如是內和親戚外禮鄉鄰餘力乃以奉釋老求善祥茲亦平時之盛觀也可無傳歟嚴七有堅請勒其誌康定二年麻姑洞未誌

六

龔溪曉樓

仙都觀三門記

曾

鞏

中書舍人

門之作取備豫而已然天子諸侯大夫各有制度加於度則譏之見於易禮記春秋其旁三門門三塗惟王城爲然老子之教行天下其官視天子或過焉其門亦三之其備豫之意蓋本於易其加於度則知禮者所不能損知春秋者所太息而已甚矣其法之蕃昌也建昌軍南城縣麻姑山仙都觀世傳麻姑於此仙去故立祠在焉距城六七里由絕頂而上至其處

其地反平寬衍沃可官可田其獲之多與他壤倍水旱所不能災予嘗視而嘆曰豈天遺此以安且食其徒使世之衍七施七趨之者不已歟不然安有是耶則其法之蕃昌人力固如之何哉其田入既饒則其宮從而侈也宜矣慶曆六年觀主道士凌齊舉相其宮無不修而門獨庳曰是不足以稱吾法與吾力遂大之既成託予記予與齊舉里人也不能辭噫爲里人而與之記人之情也以易禮春秋之義而告之天下之公也不以人之情易天下之公齊舉之取予文豈不得所欲也夫豈以予言爲厲已也夫八月日記

七

龔溪曉樓

麻姑藏書山房記

楊

萬里

寶謨學士

軒里有名山曰麻姑山水之勝甲大江之西距建昌城十里許山自趾距椒稱是道旁古松合抱皆二百年物瀑泉雙流若自天下有老氏宮曰仙都者枕山而居或云蔡經宅王遠麻姑邂逅之地或云葛洪煉丹之所其井故在而顏魯公記但云山頂有壇麻姑於此得道則前之二說然乎否乎未可知也淳熙丁未春偶至山爲留一月藤杖芒屨乘興孤往經數武

至宮則松竹羅植前對五峰下臨一水欣然會心因  
喟曰此地獨無喜事者用廬山李氏故事作一山房  
使來遊者登覽觴詠顧不樂哉自是此意往來於懷  
雖去山未嘗去山也後逢今邦侯江君語及之江曰  
當不忌此又一年郡事葺蠡廢舉輒諏其地立屋  
六楹後室前霑而乃閣其上月扉風牖縹緲飛動若  
出天半架橫經史百氏是度是制蓋春孟作之至季  
落成談者以爲盛事丐予記予與江君合而離七而  
合三十七年矣其孤懷勝聞與山林作緣也厚故身  
退而詩彌進位下而人彌高觀於茲舉可以得其槩  
矣

國朝

麻姑山記

鄒矩南城訓導

盱江山水之勝而名天下惟麻姑並城西十里緣山  
麓而上百餘步有尋真亭又數百步有雲關嶺極峻  
山皆巖然箇貯益上斗折數百步至山半勢益高俯  
視諸山如龍首峯赤面從姑石皆帖然出屐下山下  
有澗嚙石南奔十餘里其流而平布石者如織組其

麻姑洞天誌

宋卷

八

龍溪曉樓

麻姑洞天誌

宋卷

九

龍溪曉樓

擁石而下者如驅潮如捲海前者未去後者湧至暴  
悍奇怪殆莫名狀其聲細者如響環珮如鳴球其大  
者震撼林谷如轟雷直上數十仞俄有水垂映如懸  
河蓋所謂瀑布者其雄壯壞異人以其尤爲麻姑奇  
觀信然上有潭深黝而正碧有龍藏其中何金龍潭  
大旱祈禱輒雨潤傍爲亭枕流垂玉飛練湧雪下上  
聯絡如貫珠然皆因水而名又上數百步有橋翼然  
架石澗上石映束水倒流聲淙然特幽勝石罅有泉  
側出極甘冽以釀酒尤佳名神功然後稍上夷行數  
百步至仙都觀壇卽蔡經所居王方平來會姑仙之  
地其事具見顏魯公記魯公祠及何氏書房在焉觀  
後有唐鄧紫陽塚隄然而檀中空相傳紫陽尸解棺  
亦飛去獨遺爐簡座壇上壇之外山皆迴環有聯若  
星拱者有藟若雲滙者有尊嚴若神人者舊有古藤  
七星杉皆已斬伐惟存一松猶偃蹇如蚪龍可愛山  
上有仰高亭又有齊雲一碑穹然立榛莽中下瞰  
城郭大僅如掌烟霧際天其氣磅礴眩晃或黃或赤  
或青或白或紫或黑變幻不一遊者皆飄飄然如騰

空御風而欲仙山後有霧應有仙羊有五老有秦人  
諸峯盤拳八九里皆勢若倚角秦人峰與桃源相直  
云秦世人避亂於此或仙者居之故名源中桃樹今  
猶有存者又有碧蓮池在觀前今已爲田由麻姑十  
里至丹霞觀亦峻險水益清駛有聲草木益森翳多  
佳異觀有鐵鑄仙像皆巍然所謂丹霞洞天者乃仙  
者所窟宅猶去觀十餘里在山巔與萬壽峰勢脉相  
屬時欲窮其遊以日暮不果予避地盱江且九年嘗  
往來山下而欲遊輒阻豈止而尼之者天而非人耶

麻姑洞天誌

卷一

十

龍溪曉樓

偶然信矣咸化甲辰十一月七日

觀瀑亭記

秦

夔

本府  
太守

當麻姑絕頂有泉自丹霞觀西北來蛇行斗折伏流  
篁竹間數十里經仙壇下與神功泉會其流瀾比不  
疾不徐至三峽橋厓谷忽破裂其下亂石森立泉自

上墮坑谷中下與石鬪不勝怒則洶湧作秋濤出峽  
聲奔放衝突不數百步至石梁忽作兩白龍下垂飛  
雪灑比濺人其聲清越而天風引之乍細乍高若士  
女裂帛明珠落盤又若鐵騎突出而刀鎗受擊響振  
林谷誠山中之一偉觀也咸化辛丑予承乏是邦又  
明年適禮祀麻姑始獲觀是泉而愛焉因命道士曰  
洞淵者作亭其旁扁曰觀瀑或謂予曰子身爲二千  
石蒞盱甫數月教逆未宣澤壅不流不思握髮吐哺  
以盡厥職而惟瀑是觀殆非政之所宜予曰不然予  
麻姑洞天誌

卷一

七

龍溪曉樓

之所謂非宜乃予之所謂宜者也予素慣比昧於臨  
民之術襲自尙書庫部郎中山守武昌當西南劇郡  
不勝簿書期會之勞兀比窮晝夜不息而氣煩志亂  
政忽以癰予懼夫志之煩而政之癰也則施比焉登  
樊山臨夏口眺大江之流以盪滌其胸臆既而灑然  
而歸若醉而醒病而蘇壅者以決滯者以通而於政  
或庶幾焉今盱爲江右僻郡其政之繁賦武昌之三  
之二而茲瀑之勝又有足觀者清而不汙並而不提  
體柔而用剛可以激貪起懦類皆有益於吾之政夫

所臨者既簡而所觀者益勝則茲瀑者其攻予病之萬金良劑庸可廢觀乎哉或人唯而退遂書以爲記

半山亭記

馬能右長

麻姑山盱城之望也考之郡志其上舊有亭六七餘處歲久風雨漂搖皆傾圮無蹟唯觀瀑垂玉巋然尙存觀瀑狹小游人不入垂玉近復傾圮予嘗觀其基正當山路之半有亭於此可息勞倦避風雨助游衍資瞻眺也乃經營而重構之又慮孔方或不堪事爰集匠氏各計所須探索俸金僅足於用由是擇日起麻姑洞天誌

卷

主

龍溪曉樓

事擇人董事其制以方其柱以石其規模比舊增大前後升降有階左右布甃以石內設長几二以待過客皆昔無而今有也昔名垂玉以瀑在傍今名半山以山上下五里正二里半之處舊亦有亭曰半山豈在此與肇工於九月一日其畢十一月十七日予惟茲亭旣成行探者望而休避雨者望而止載酒者望而樂徘徊瞻眺必亭而寓是亦游人行客之一助也又惟世皆無常與必有廢亭閱歷歲月淺深則委之氣數若夫風偃雨悠檐摧柳毀嗣而葺之則有望於

後之仁人君子也工旣畢愧不能文姑書於此爲來者告亦以述作亭之意云爾正德七年十月

半山亭記

張昇禮部尚書

麻姑山在建昌府西南山脈自軍山來延迤綿亘餘百里不斷入麻姑頂則爲芙蓉峰嶺崇上薄雲漢自是峰巒競秀爭奇開屏列嶂至要會地有仙壇今爲麻姑觀峰挺削笋水懸飛流巍然爲一方形勝蓋郡之望也歲有祭祀行於七月七日郡守主焉遊客自古爲盛其著者則有唐顏魯公記餘皆播於詩賦盛麻姑洞天誌

卷

主

龍溪曉樓

推是山秀麗奇峻天地有名山距郡城十里許農者耕旅者出肩擔背負者無時無之其遠則通宜黃臨川贛吉人跡絡繹如織且遊客眺望嬉飲不已茅山徑崎嶇原谷幽僻殊甚澁步舊有憐之者爲作亭六七所歲久圯盡祇有觀瀑亭猶存亦窄隘漏洩而莫能容衆乃右長史馬君嘗至山登壇高凌絕巘亦馬倦僕痛况往來之人胼手胝足終歲無停甚至充虎狼之食被蛇虺之嚙困風雨之暴猛遭雪雹之凍寒悵七無依君深憫惻思有以處之乃謀於匠氏聚材

攻石慨捐俸金亭以方制柱以石鐫升降有階宿泊  
有所內設長几外甃堅珉規模宏壯構結精緻自是  
往來得以依止憩息得以節勞其山路上下五里亭  
適二里半故名半山蔚然塗壁之可觀煥然山水之  
增色而行路者得有所依惠及人矣然亦仁人之心  
古之觀人者由粗以及精由近以及遠君順天定平  
人由鄉進士簡補賢王仁德孚於軍民賢聲播於  
遐邇識者歸於弼諧之功則斯動作豈徒然哉

游麻姑山記

伍餘福

本郡太守

麻姑洞天誌

卷

十四

龍溪曉樓

按神仙傳稱麻姑蔡經王方平之事亦甚可怪及宦  
遊是邦今所謂麻姑山者猶夫昔也先屬撫顏魯公  
主之矣今屬建主之者誰與其雄峙爲山蔚作群望  
而姑山寔當斗牛之交降生唐運五風十雨之徵應  
焉靈踪神跡雖千載猶存丙申夏六月偕王子覽之  
其次則林子葉子屠子及孔子鄭子畢集拾級而登  
得半山亭焉下瞰深厓茫洋如海而兩崖擁立於蒼  
松翠竹之間如踞如蹲莫名其狀諸子皆少憩復進  
不數里抵神功泉泉上以木爲橋其平如砥其下空

上洞游龍蜿蜒玉井冰壺噴薄萬里其初自石厓而  
出滴淅淅淙淙如群仙挾螭蚪而來騰梭飛練可以振  
風雷浮日月也有道人指之曰今之釀爲酒者豈其  
泉耶尋適仙都觀榜曰小有洞大有堂焉姑仙位其  
中猶有唐制更禮其賢者而俎豆之先是提攷者信  
國文天祥司其事而又亭之尋碑蓋顏魯公舊物也  
爲好事者竊去今還櫝外此則鄭紫陽羽化之所周  
以石城護以砂磧相傳唐玄宗爲之賜葬其碑文曰  
紫陽真人之墓予登眺久之退居凝真堂時夕陽未

麻姑洞天誌

卷

十五

龍溪曉樓

落掩映空山東沒西升晚霞一色又步至小石橋未  
畢其興隨過神功泉復合王子歎曰吾將假蘭亭  
之游乎各籍溪坐或邀或豆或盃或盤以次排列神  
功之閒酒亦隨之其浮而東者某人其泛而南者某  
人如沉者罰各以其浮沉爲數鼓吹歌吟與時止作  
將別去謂之曰樂乎不樂乎雖古之會蘭亭者不過  
是也諸子皆躍馬去予復徘徊顧葉子尙在呼童輓  
其馬而馳之得與俱道人燭予其堂醉者調者行者  
卧者各適其天而已少頃童子以茶進或曰水乎湯

湯一旗一鎗彼執其柄我潄其腸各就寢次早過會仙堂予笑曰如斯而已乎道人曰復有所謂第三谷者蓋麻源也行數里由林薄而入露氣草香連盪人目但見石壁弘開雲門甃味其傾瀉中流噴珠錯落渡一橋斷而弗續侍者以輿濟之憩雲門寺寺有水有三支上潘者一也寒坪者二也大水源者三也至谷口復滙一溪不可測矣其殆彭蠡之流乎時緣陰滿堦鳴鳥嚶々將彫摩其所謂石壁者以萬仞計其上蟲書鳥篆灑々縱橫綽有風格或曰雲門沉々

麻姑洞天誌 下卷 龍溪曉樓

石壁稜々或並而起或巨而橫又行數十里得長岡焉蓋謝靈運訪華子期處也其詩所謂桂樹凌寒山者猶可想像而碧澗紅泉惜其無復晉之度矣登高眺遠景象萬如大礫小礫如鱗斯魚謂之岡則可矣謂之華子則不可也悵悵而去去則宜黃界矣予又曰如斯而已乎一谷之始三谷之終其中第二谷者有桃花源焉深入則覿不然則不吾倦矣吾其返矣

神功泉葺亭記 陳克昌 同知

神功泉去郡城西十五里路傍小石池廣僅尺許深

稱之雖瞬息頃百餘人飲之不少竭終歲不汲不見泛溢其水極清而甘比凡水稍重最宜醞故盱江有麻姑酒之名洪武中同知梁君書有扁詩壞景泰初通判荆君碑諸石復覆以亭迄今百年半欲就圯嘉靖辛丑予謫茲盱明年秋祀姑祠偕太守朱公判伴李君節推方君往并祀三忠因有所謂武穆之議矣返觀於泉詢其所謂神功者道人曰山頂有竈昔葛仙煉丹之井故名各汲飲方君好事取一罍權之知人稱因歎曰實勝境靈跡洞天福地也可無葺諸公

麻姑洞天誌 下卷 龍溪曉樓

曰吾所取獨異是蓋山下靜清之義茲可與徵志可與言政矣予曰然則茲泉其有益乎汨則亂可懼也遂葺其亭爲記

游麻姑山記 王祖嫡 編修

季冬朔游從姑山次早辭 王延八內殿奏雅樂日已過午王曰從姑雖勝然以麻姑得名游從姑而不登麻姑猶見小巫而不見大巫也已屈憲使朱君陪薄暮尚可返予微詣山南門昇仙橋折而西村落不

斷興行畦上兩旁俱水數里朱公已候於竹舍因卻



賜從並與行十里許一平坂松杉蒼鬱則登山徑也與以熟練搜之縈廻屈曲又三里至半山亭

大宗伯張公昇

有又二里有貞姑墓里人云此龍首也往有堊此者輒有雷擊姑孝而烈葬此廼安又二里有亭曰觀瀑山峽二飛泉如二白龍奮怒爭下又如二素練拖翠微中奔激霆震濺沫百尺稍下則萬壑爭流四時不絕廬山瀑布自千仞直下信天下偉觀然止一耳此雖巨厓僅十數丈而二亦甚奇也觀久則山風四來寒不自禁朱公取鶴髦衣我又二里有亭架兩石之

麻姑洞天誌

卷

下

瀧溪曉樓

巔朱公曰此橋亭也渡橋卽神功泉泉由石隙細流池可數尺掬飲之微溫而味甚甘美卽麻姑仙源也道人云天久旱不竭有氣蒸起必雨農以爲候而靈異無敢犯者池旁小碣漫漶不可讀泉側有亭侍御姚江邵公扁曰一勺之多此處多腴田一望平坦不知爲絕頂也麻姑壇祠去泉未半里甚宏敞而棟宇摧落門前小峰五亦曰五老峰姑像如好女子玉指瑩然殊不類烏瓜祠以七月七日仙降期也祠左爲滁州胡公松去思祠右爲三賢祠祀唐顏魯公宋文

文山公李文定公也祠前一松甚巨勒石其旁曰大

天松護以石檻眞千年物也道人請至別墅飯畢出

所藏金龍云唐留此並象簡爲鎮寶象簡成化中爲

中貴人持去僅遺金龍龍僅三四寸蓋銅而飾以金

者製作精絕古色蒼々非近代手也時日已入西晚

迺汲仙源水以予所携虎丘茶烹之予與朱公各啜

三碗昔玉川子嗜此至七碗不知何水予二人共六

碗得毋爲長鬚赤腳笑耶又索一碗分飲之登輿而

下八城約二鼓矣客有問麻姑何如從姑予曰麻姑

麻姑洞天誌

卷

下

瀧溪曉樓

山高氣象宏遠徒以仙源瀑布勝耳從姑雖小而奇麗之極莫能殫紀以閩闔言麻姑其青裙白髮之貞婦從姑其靚粧紵服之妖姬乎客曰子喻甚善第從姑靈境而以鄙褻方之不幾於巫山黃陵之謂乎予曰否也大姑小姑彭郎十姨流傳指點孰眞孰贗人開天上盡虛幻爾獨奈何疑於從姑吾家方平苟聞斯言亦必大笑不忍鞭我矣

禱麻姑紀事記

德清許孚遠

本郡太守

萬曆十有一年夏五月旰恒賜自六月壬子至於癸

西不雨民情孔棘太守許孚遠率僚屬齎戒禱於城隍者三日不應則偕士大夫暨百姓徒步而哀禱焉越三日又不應於是僉議禱麻姑山遂以甲戌侵晨走麻姑山從之者別駕薛子瀚司理傅子國珍南城令王子以通條戒勿往初出南郊見田間龜拆禾將焦枯蚤禾登矣弗獲嗣播農人在傍壁額告曰及茲而雨可藝菽麥否者絕望予心惻乚迤西行數里近麻姑山田多晚禾稍得泉灌溉下澗上枯如饑渴然俄轉入松徑晚輿而上憩半山亭林間涓乚水流不

麻姑洞天誌

卷六

三

龍溪曉樓

絕田有負卑歷高如塔級相似當茲炎赫生意猶存予念曰山澤通氣其妙乃爾又徐行陟崇嶺至觀瀑亭見峽中有飛泉兩道勢若懸河降危崖而下深澗其來無窮其往無際吾黨凝眸徘徊者久之嗟乎天地之間以水爲血脉萬物不得則不生茲吾民所謂皇乚者歟山觀瀑亭可數十武至三峽橋逾橋而南復折而西有亭覆碑曰神功泉泉自石罅側出不盈斗而汲之不可盡味極其冽山中人爭取以釀酒故酒以麻姑名轉吟閒仙都觀忽在目一望皆平疇寬

麻姑洞天誌

卷六

三

龍溪曉樓

衍而四山環繞森羅曠然若別一世界泉源不知幾千萬丈決於田中禾黍光乚絕無枯槁之色予不覺色喜頷謂諸君曰使肝城咸若茲吾無憂旱矣爰入觀謁麻姑仙行禱祀禮禮畢讀顏魯公碑記或云麻姑與王方平會於蔡經家而傳其名或云麻姑於此得道神仙家蹤跡變幻吾不能知乃其精靈炳於山川歷數千載而不可磨滅必也先得道於此方平之會又其後者也日當午飯於洞天別室飯已復整衣冠趨廟右謁三賢祠三賢者一爲顏魯公一爲李忠定公一爲文丞相再趨廟左謁胡莊肅公祠予嘗爲莊肅公屬吏因與諸君談公生平操行愴然有感祠前有一古松偃蹇若蚪龍形好事者勒石以唐大夫名之門外一山截如屏障五峰隆起人呼爲五老峰此仙都觀大槩也將行辭於麻姑仙予前祝曰神仙有靈惠我其霖救此一方民命予能爲爾仙曲新廟宇諸君同聲曰諾遂出門登車復過三峽橋俯瞰江縹緲在煙霞之外遙指從姑石特青螺一點耳行及山麓率輿北向欲訪所謂麻源三谷者忽見雲氣

飛騰覆滿山頂雷聲隱隱聞霄漢間雨如驟至驅役人急趨度石岑而下兩山夾出中有流泉湍駛浩如長渠詢之正麻源也走數百步過小橋將止於雲門寺鄉先生張斗陽王賓菴二公者出竹林相邀羅生懷智以乃祖近溪翁之命亦來候於此南城令王子於是先辭去雲門地最幽勝然殿宇偪仄不堪避暑二公共備酒以進聊數酌乃行復逾橋散步觀石壁篆書且西探山中來麻處王賓菴曰此山來自宜黃頗深奧有佳氣指二小阜似雙魚形堪與家以爲水

麻姑洞天誌

卷一

三

龍溪曉樓

口山也予曰有是哉日已西雨欲作者逾二時而未至然雲雷之勢益以猛矣倉皇就道奔華子岡華子岡者蓋謝靈運訪華子期處也谷口有一石洞穿洞而入又斜轉百餘步登觀音巖甫入門則雨大至予黨三人與張王二公者不覺鼓掌大喜因對雨圍棋數局飲酒各盡醉始歸歸途猶有細雨霑冠蓋上兒童父老欣亡相向無似向者之蹙額而告也越翌日乙亥又雨丙子東北郊雨丁丑四郊大雨或謂麻姑之仙果有靈應又或謂吾黨一念之誠庶幾有格於

神明予應之曰天人之際良不易言貪天功以爲己力不可且夫禱於城隍者七日而應禱於麻姑者片時而應彼神靈豈有遲速乎哉予等幸藉神助以紓民憂姑紀其始末如此

重修麻姑山仙壇記

張

嶺上郎

郡西南十里而遙蓋有麻姑山云山由半山觀瀑二亭折而上爲龍門橋歷神功泉則平陸矣泉稍東爲仙都觀唐顏魯公記王遠曾麻姑事謂不識爲何代則茲山開創莫可詰矣玄宗開元間道士鄧紫陽樓

麻姑洞天誌

卷一

三

龍溪曉樓

焉道士所著靈異甚籍玄宗爲增飾宮觀至數十區今皆湮沒獨神女祠尙存十州記所謂小有洞天是已土人水旱災祲輒禱輒應世傳神以七月七日降有司歲一祭之載在祀典長遠矣嘉靖丁酉天台王公謂顏魯公又宋李忠定文信國二公皆嘗有事茲土立祠祀之扁曰三忠辛酉間廣兵連旁邑郡士民謂胡莊肅公松嘗撫輯之乃於祠東偏事莊肅公迨今若干年諸皆傾圯蕪弗治已萬曆乙酉夏五月不雨民惴亡恐稷太守許公憫然念之究泉源所由乃

借別駕薛公節推傳公邑尹王公禱於麻姑神女祠  
禮既告成徘徊祠下公撫然曰予聞麻姑著靈茲地  
久矣仰如三忠其精爽固浩然在兩間今荒圯若此  
謂守土者何第今不雨耳歲幸免於浸吾將有事茲  
山矣公遂驅車雲門頂之雨至明日再雨歲乃大獲  
山民里婦頌公愛民格天者椰榆徧井邑也居數月  
公不怠前語將鳩工程材諏吉以告興事一日謂鄉  
先生羅公曰君拮据從姑不啻如家丈人能不爲麻  
姑擘畫耶先生遂唯唯受公計公謂神女祠第因舊  
麻姑洞天誌  
卷下  
爲新三忠祠稍增廊之又徙莊肅公祠與三忠竝以  
便祀事莊肅公祠故址距古松不數武爲亭覆之顏  
曰太古三忠祠西故有停雲堂以舍游客命撤餘材  
飾之泝渠沿繚易腐故傾燕者芟之窪者燥之壇殿  
門廡固弗質良一切經用皆公哀俸以帥郡人工取  
諸募木取諸山而民未嘗費一錢也再逾月而厥工  
告成公偕薛公邀羅公與予再一往觀之翬如異如  
卅霞雲霞通相掩映平疇千畝一水帶之宛然洞府  
之在互丘也公職然色喜復屬予記其事張損氏口

嘗聞之人言寧學百川不爲涓匕語務大也今世仕  
者悅過客庭館廚煥無不鮮備至壇壝古蹟往也避  
不爲卽好事者爲之不過爲佳山水增勝耳歐蘇大  
儒不免蹈此他無論已敬菴許公古心直道取祀典  
所不廢者修之使往來茲山者覲神貺則知天人感  
應之機仰三公則作人心忠義之氣其係於化理豈  
小哉公諸善政郡士民皆能記之茲不具述述重修  
始末云

偃蓋松記

新安范

涿

南城

麻姑洞天誌

卷下

五

涿

予嘗觀顏魯公記仙壇知諸勝槩藉鉅筆益重每願  
一遊覽之適視篆茲邑越二載從過客登焉相摩挲  
刻石詢道士覓石崇觀高石中螺蚌殼及華子岡爲  
謝靈運所題處逶迤薄暮不及到獨瀑布懸厓數百  
尺下猶然玉龍吐珠璣與古今過客相狎也壇東南  
仍有池池之中俱爲靈運春草夢矣所謂紅蓮變碧  
又變白者不得見其傍古松一株蒼皮黛色背負皤  
甲如龍脊項下鱗鱗染肉紅如龍腹道士指爲唐人  
所植觀垂枝已摩地入將仰而起則記云松皆偃蓋

或是物歟因與客席其蔭而坐浮白舉滿客微醉予謂魯公忠義冠宇宙文章繼世其刺撫州時南城令獲在約束中必自以爲幸予今猶得令公所約束故士苟易世時之亦屬吏也幸也而况席蔭於公所嘗遊之物尤幸也顧九原不可作徒仰止於勒石間而所載記者又不可悉見徒見之乎松蓋松之勁節與公正氣類故幽而彌光久而彌芳其致一也公爲唐刺史松亦植於唐秩得爲大夫宜本其世爵而題之使後之遊者知此松出於公之世曾入公品鑒故爲

麻姑洞天誌

卷一

三

龍溪曉樓

人所愛斯知陵谷石木之所以勝者不勝於物而勝於人也客曰然遂題之仍命石工護以石楯云

建武遊名山記

吳門張恒本鄧太守

建武控五嶺引七閩據南州上游襟吳帶楚山川炳靈地勢雄潤其勝冠江表予升層甍倚丹樓而四顧觀間平之宮左東苑右西園邸署相亞塵井相連長虹跨江茂林繞郭村市依乎汀渚原田間乎阜麓疆畛相錯如繡環城以東則有東芙蓉魚輪東界席帽太平大旭龍門金華石筍諸山峰曰銅斗曰逍遙樓

麻姑洞天誌

卷一

三

龍溪曉樓

嶺曰梓木曰望州石曰麗冠曰落消曰仙君曰獅曰龍環城以南則有從姑洞天楊公虎頭諸山而岡曰脊岡石曰磁龜巖曰秋澤曰二虎洞曰伏龍其城西諸山爲仙爲銅爲廩爲麻姑爲埤甲爲霧應峰爲華表爲龍首爲萬壽爲飛鱸爲仙羊爲葛仙爲秦人爲鐘臺嶺爲風快爲駝鞍岡爲華子石爲赤面爲金塘爲玳瑁巖爲水簾洞曰丹霞谷稱三谷而鳳凰女冠雲蒼章潭五山石仙郭仙兩峰在城之北遠者隱近者顯昂者磊如俯者伏如或中斷而疎峙或蜿蜒而連亘周郡郭而繚繞之其最高且遠者爲軍峰萬仞刺天尖若卓筆屹然爲一郡望若肝江水源發於血木由廣昌歷南豐經軍山自西南而趨東北奔流濤洞浮高空撼群嶺出樹杪踰修梁而來又新城飛凌一孤自南北下迂紆如帶行至郡城東而漚肝爲一比接臨汝源長委滑澹平洋七泖平茫七淨汴芳洲開汀淺沙浴兒鷺翔鷺鷥遙帆凌虛天水一碧煙雲卷舒晴雨萬態千乘暇周覽目罔不極而遊弗徧若杖屨所及輒考之志牒詢之緇羽之流綜核見聞差

得其樂嘗聞之形家言茲郡秀靈鍾於鳳凰山以鳳凰曾集於此故名然山脊隆起起首向北郭張兩翼而修厥尾狀亦甚肖翳薜苔蒙蓀莎帶華薄殊有鳳毛疎松含風若聞韶而鳴音中律呂予乘之遊枕乎翔千仞而凌紫虛與古吹笙者儕矣山之麓舊有亭五爲曦光翔鳳望仙凌雲朝真菴一爲圓寂今廢獨泰伯祠墓存泰伯名李觀每歲九日郡人聚而登遊以爲常東芙蓉山在阡江東去城五里圓登而森列數峰秀擢雲表紫翠的的若仙葩旁一峰截大江而麻姑洞天誌

麻姑洞天誌

下卷

下

龍溪曉樓

間僅容足稍前鑿懸壁二十餘級高亦如梯級受半足從者挽予而上盡梯之級復陟數十步躋峰之巔峰盡爲二橫以石梁是曰天橋向所云仰窺天若線者倚梁而俯瞰若深澗焉一峰尤高名天柱巔有石如枰世傳有仙弈於此予箕踞而遐矚真高明世界蓋郡諸山環列若抱而茲獨中立血木飛猿之水一縈其前一繞其背而合流其左故山不甚高而覽群峰綰二水而兼有其勝至於茲山之麓迤邐坡陀紫丘垤聯岡陵原田阡陌高下紆紆沙石相銜頽聖青麻姑洞天誌

麻姑洞天誌

下卷

下九

龍溪曉樓

自麓而升巔又五里由尋真亭度雲關嶺石磴盤迴而嵌巘長林扶疎而交加景極幽阻上至山半有亭焉山終半而地甚迥兩崖夾立予日爲兩崖所圍惟見龍首從姑華表諸峰參差下方盱江露十之一然而延睇東一隅煙霏微而雲滃翳萬象倏有忽無景特異亭下澗泉奔而長號勢甚駛聲甚壯已覺去人間世遠復上行數百步至觀瀑亭瀑自懸厓瀉下千餘尺拆爲兩俗分雄雌巨者雄品也熒熒也漣漣也稟太素而無滓亘萬古而不含晷以輕嵐射以赤曦

麻姑洞天誌

卷一

三

龍溪曉樓

絢以明霞其光璀璨而異態明月照之白雪澹之清風揚之飄乎浴乎若垂綃曳縠懸萬丈而爭飛不雲而雷無海而濤聲振山谷而境愈寂細沫跳珠餘響韻玉入耳而不厭予每從他山觀二瀑僅七若懸雙縵而竒壯乃至此哉又復上行出兩瀑上澗稍澗而平中多佳石泉依也避石而行予與同僚友生選石宴坐爲流觴飲飲且漱且濯且鑑笑詠留連山多冊花勃從者擷之盈筐滿懷從上游散之施與泉爭流縵相襲而尤相映也土人剝巨木橫澗引泉而之北

沮洳曲折而資灌慨其利溥傍有枕流垂玉飛練湧雪等亭今廢稍上有潭名金龍有龍潛焉旱禱即雨記者謂唐天寶年間投金龍於此有黃龍應之至今羽人藏小銅龍以志其事重客至出之以爲竒復起而徐步登三峽橋俯而窺澗泉乘高而倒衝闔巨石石逆拒而闔泉疾走壁而復躍旋而復瀉橫潰若決下赴爲瀑其勢愈益駛其聲愈益壯逾峽橋西沿澗行澗底清泉一勺從石罅間出有石如孟貯之孟僅尺許深不及尺而泉常盈大旱弗減卽千人並飲之

麻姑洞天誌

卷一

三

亦弗減耳寒而清冽可茗可觴是名神功傍有亭亦廢復折而西有平田數十頃田腴而常稔阡陌逶迤不復知此地之爲峻嶺其下乃懸厓仄蹬深阻萬仞若前所見也細澗若洳潺湲安流不復知此水之下垂爲瀑布懸流橫奔而不可禦也過澗橋入仙都觀觀先弗戒於火今新構志云是蔡經舊宅爲曩時會仙處記稱世傳麻姑於此得道昔爲堙堙今爲殿址向稱池中白蓮化碧今池且變爲田七星杉古藤俱謝唐藏書閣亦亡惟一古松存其蓋偃枝幹如蚪蒼

然茂鬱真千秋物也予爲徘徊久之顏魯公真卿紀  
麻姑甚詳其碑亡而公之祠存鄧道士紫陽化去遺  
鑪簡今亡而石都存葛仙翁舊煉丹於此以名峰而  
今丹井存壘踞山頂乃前後又有高峰岡合予登後  
峰之巔所謂仙羊逍遙五老秦人兩峰聯絡在望與  
桃源接相傳謂秦人避亂於此如武陵桃源猶有存  
者而所云秦人峰志謂其人色紫黑樵人遇之行若  
飛鳥豈卽古種桃人耶東北有石崇觀記稱石中有  
螺蚌殼疑是桑田所變云自古壇緣澗而西南鳥道  
麻姑洞天誌 卷三 龍溪晚樓

聲鐫鐵爲仙其像莊嚴半山有風洞風所自出盛夏  
霖乚有寒氣而丹霞洞志稱在麻姑山西出雲山在  
其側宋紹興時避寇者登山行見坡下草菴中一道  
人兀坐觀書字畫奇怪非人間有是曰丹霞洞天又  
俗傳三峽橋下澗側有洞洞口隘而中闊遂昔避兵  
其中者千人寇聚薪蕪之多斃徙者恣所往數日從  
岡地出僉謂丹霞洞天在此而記又謂丹霞洞天去  
丹霞觀十里在山巔仙靈所窟宅與萬壽峰接其說  
異予復東行數里樵徑迂而詰曲輒述所嚮數問道  
麻姑洞天誌 卷三 龍溪晚樓

行山益峻谷益深越五里而登飛鑪峰最高環視  
近郭諸山崇乚若兒孫散壇間古松如齊澗如髮聳  
軍峰若遠若近秀色從碧虛中裴而襲人衣袂覽二  
水分合去來之勢尤極遠目盡二百里郡郭微茫隱  
隱二水間如蟻封高宵連野平疇繁村亂木迴沙荒  
途交向互綴紛映於山光水色蒼嵐紫靄之中真大  
觀也峰頂有石屋爲三仙祠其香爐不知何處飛來  
因名峰已復南東其行踏莎披荆攀蘿捫葛涉險五  
里許至丹霞觀觀在幽巖茂樹間水泉清駛淙乚有

乃抵萬壽峰其高亞飛鑪而眺遠景相似上有道院  
名元和今廢寥陽殿在其下或曰殿卽元和院巒嶂  
合沓境甚僻客罕有到者殿構自前代向無一座兩  
羅漢松甚古視壇前唐松尤大他日復尋三谷之勝  
志稱麻姑山南澗深邃周廻數里曰第一谷北澗多  
鮮葩奇卉曰第二谷或云卽桃源而麻源乃第三谷  
在麻姑山西北踰峻嶺循清溪而入石壁夾溪溪盤  
回處壁隨之宛轉石色如鐵多古篆刻苔蔓蘚罅予  
仰剔而諦視之僅一二可辨入二里許爲雲門寺寺



隔水水之派三曰上潘曰寒坪曰大水源俱清淺行  
谷口而合爲一溪溪泉悠々含巖風而文成漪潏如  
也寫錦石映雜花而色成丹燦如也瀉高湍觸危磯  
衝急峽而響相續潏如也鏗如也鐃如也予謂潏壯  
而奇源潏如冰各擅厥勝寺有石橋其址存或曰橋  
乘夜雷雨飛去華子岡又在寺西數里以角里先生  
弟子華子期隱此得名登岡回睇謝內史詩所云銅  
陵碧澗石磴紅泉依然在目而內史翻經臺已失其  
址矣雲門東北三里有靈谷觀兩巨石並峙而倚上  
麻姑洞天誌

此石聳秀不削而成不雕而奇驟見之而心愕久之  
蓋徘徊踟躕而不忍去登之可以遐觀而延佇予最  
愛從姑山紅屏石群山之脈實自軍峰來若崩波瀾  
洄百里勢如轉瀾而鍾其靈於北郊以爲郡瑞予最  
愛鳳凰山嗟乎人與世交相閱而名山大川古今常  
新予獨念夫昔之仙而遊者若王方平蔡經麻姑輩  
御風雲駕龍鸞擗麟饌花譚蓬萊之淺深悵滄桑之  
變更爲千古奇聞而今安在也予又念夫昔仕而遊  
者劉寵韋丹之清廉謝靈運之文采顏真卿李綱文  
天祥之忠貞莫不彪炳千秋而今安在也予又念夫  
昔之生於斯而遊者李觀醇博曾固文本六經曾肇  
立朝端嚴而文雅馴莫不擅美前代而今安在也嗟  
乎山川托遊者而名遊者亦托山川而存昔人往矣  
邇其名猶與山川俱不朽蓋所托者遠夫士採真而  
希古覽勝槩而掛前人則旦暮遇之矣雖然達人  
之遺物我忘古今後先無去無來孰亡孰存不繫惜  
於浮踪不庸心於空名期於遊而已予意適故記之

乙巳夏五予得釋肩鍾陵以行從臨汝入建武辭並  
指徐公予友湯若士在臨汝嘗恨不得造其門亦夙  
有姑山之興未償十九朝迴得抵臨汝諸同年袁治  
濡而後造若士是晚洽濡邀予觴擬岷臺云唐裴晉  
公題臺甚嚴即前谿山外列群白鶴上下樹杪漁火  
點々浮遠岬佳甚爲若士迫而去觴於玉茗堂月色  
如畫若士寧馨兒大耋開遠及帥生延謨平昌門人  
葉幹俱在座歌者王耶聲琅々似笙簧中出暢飲幾  
夜分與若士別去若士黥結不已次日肩輿追躡予  
麻姑洞天誌 卷下 龍溪曉樓

龜峰之勝心識之遂辭以行予同年未惺復來守建  
武華君別駕吳君司李並相邀遊中洲以一夕了之  
中洲出東湖三里許修竹數萬竿清蔭可三五畝因  
與諸公婆娑其下自喜曰處々參玉版也孝廉鄭豹  
先風流逸群所撰有旗亭芍藥記並清綽同將軍張  
扶輿邀予過飲益世子仙源及華山王心源並折節  
爲梁園之招亦以一夕了之兩生趣游曰與麻姑期  
何後也於是廿五日從華公索車輿藤捐擔茶鐺出  
城南行黃陶兩生乘小兜子從門人王青蓮嘉弼王  
叔煥乘揚俱至相挽車歷石磴上十里有亭一座爲  
盤薄其上又五里爲半山亭見兩玉蚪從半嶺下奔  
淙々可三百餘尺則瀑布泉也又半里爲三峽橋橋  
可置坐不見瀑其下有投龍潭記載天寶五載投金  
龍於瀑布石池中有黃龍見其處也會日方午岑々  
不耐暑竟造麻姑殿再拜轉道舍同四生飯雨忽如  
注風氤從四面集飯罷雨止日向脯涼颼爽氣颯々  
似秋予顧四生而樂之曰姑山有靈爲我輩濟勝因  
相輿步出觀門平眺四際山巖峰頂前後平田可數

百畝此他山所絕少竟所謂碧蓮池盡阡陌矣因憶  
記稱紅蓮變碧碧化為白今日且化為青禾麻姑向  
方平自言接待以來見東海三爲桑田則青碧紅白  
詎可常乎可發一嘔復循阡而出幾半里許有巖石  
下尺許四生指言神功泉在焉會雨盈掬泉口不及  
嘗乃小坐三峽橋上下可聽泉窺潭左右山峰色俱  
集爲命酌十餘盃仍令王郎發清唱泐泐出泉響上  
谷不相好令鍾子期在爲絕倒矣微酣起下視則已  
臨雙瀑上瀑故崩奔益以新雨勢益橫兩峰並噴薄  
麻姑洞天誌  
下夜雪秋濤銀河素練縈七散爲珠濛七拂七爲霧  
爲煙泛青碧百餘尺可望不可卽真令人應接不暇  
爲呼大觥者三分高字韻之薄暮返觀中山門左有  
古松可合圖唐所封爲大夫松者可班三竺九里中  
有詩僧墓不載姓名可惜四生乃邀予麻姑殿前路  
坐山靄間松風謾七快人意索麻姑泉酒嚼之不可  
得佳者笑謂諸生不如竟飲泉於是退就枕蚤起辭  
麻姑山西之爲言此殿結構非唐時物其小法身經  
火不壞亦靈應也指其山絕頂有齊雲亭已圯不復

麻姑洞天誌

下卷

三

灤溪曉樓

登殿傍瞻忠祠爲顏魯公李忠定文信國三公壇側  
有紫陽墓開元真人鄧紫陽瘞骨處也自是道故徑  
出臨神功泉水稍減泉口始出口不盈一小盃而深  
深不竭味饒而重卽菰雅川卅井也好事者取以釀  
酒稱其姑酒四傍卽本山泉與較稱每兩卽輕減錢  
餘真神矣過此卽三峽而雙瀑瀑比昨日新雨後勢  
稍平而雪光錯落品七與朝日相耀亦自奇絕橋之  
下爲避洞又昔稱壇傍杉松曰七星杉松皆偃蓋時  
聞步虛鐘磬之音不可復接惟玳瑁石踞此壑中無  
恙耳以下所涉皆故谿谷也於是作從姑之游陶生  
輩爲言從姑山去城僅五里許此去易竟耳從此折  
而西北紆迴數里有雲門寺再上爲華子岡卽謝靈  
運所詠麻源第三谷是也又轉爲靈谷游者往七失  
之不可以不往是日天日初朗愁不耐暑頂之微陰  
曉七似有雨氣兩肘習七亦似秋爽時予欣顧四生  
曰緣與情會矣何得不往仍命輕車迤西北行上下  
山坂不堪峻而田阡間之往七於深巖峭壁中開平  
爲田綠野之色與碧山青澗相錯他山未有也行未

麻姑洞天誌

下卷

三

灤溪曉樓

午而陰愈重漸近雲門里許澗水澄瀉而奔注巉岫峰壁爲蹲爲踞爲立爲卧若列幕帷大半似盤山第盤山無草木爲衣此山時有樹盤山一長石橫卧如虹亘此山澗灘凡數折皆綠漪可挹石文舊題識處皆殘剝模糊苔蘚中不可讀近時無佳筆惟拳石巖爲會子固題尙在書法莊整如其文乃知品巖亦自難事隔澗一林望之破屋敗垣殘門荒樹則雲門寺也澗水獨湧甚又無棧石橋可過予得五六輿人肩而過涉王生輩四人皆振衣解襪跳而下數尺以渡衣帶半墮流水間相顧而笑會寺門虛無僧僧不耐寂俱謝去惟雲封苔鎖鳥跡鼠踪草樹數株而已而境絕佳後來者定興起之與諸生席地藉草生提小榼飲山酒十餘杯甚暢頃之片雲黑茫從直北起予曰雨至矣趣行急越澗則雨已淋匕下着體澗前有野店可就坐僕夫衣屨俱溼雨如汗苦未得炊予笑曰饑與雨是人苦事惟游山時一匕入佳境僕夫聞之亦爲解頤待炊而食頃之微雨不止卽共衝雨行間所謂華子岡者無標識處寺前人比指最高頂

近是雨甚亦無徑不便登因謂靈運銅陵映壁澗石磴瀉紅泉遂登群峰首邈若升雲煙之句似之獨泉稱瀉紅不然耳解者謂水自丹砂出非耶顏魯公記稱西北有麻源謝詩題入華子岡恐其處也則亦髣髴之辭耳再北入靈谷徑其石岫一片似吾西湖寶石山帶以石欄干又數武則石巖垂爲屋昔晞陽范公令此邑顏其巖然僅可當飛來峰一竇耳又三轉石磴上道士樓居在焉四面巉巖石俱蔽遮不令見香火客座俱窄匕在重圍中悶甚有境不可以無人如此卽驅車出而黃陶諸生後至予曰可以已止不入復披寒雨行十里許臨河渡從姑山從從姑山後上爲跌跣石可坐數百人落綬而左兩巖隙深千尺有天下墮渺匕飛一道光名一線天其上爲天柱峰爲笏天橋遠眺則江城野郭烟樹萬家縹緲在望從一線而度爲雙玉樓黃生云羅近溪先生講道其間於此山偶得一記前身夙有緣故名雙玉迤而右爲飛鰲峰乃從姑壇場處緣岨爲堂卽羅先生所共四方人揮塵談性之地亦似吾南山石屋之一俯檻則

林木掩映蒼翠在眼終以石勝復轉而左爲竹影蒼  
爲讀書巖皆先生所品置諸生曰風雅之士謂之雅  
稱予曰道無雅俗山寧有雅俗仙則仙儒則儒此姑  
山惟諸君判案耳從讀書巖步下級日已夕仍還飛  
鰲峰而別駕華公設精廬名茶令見待王生輩復爲  
具快飲峰前似非寒酸本色然亦何必減方平美膳  
擗麟脯也晚倦歸卽宿此山次旦門人吳世卿君章  
亦至諸生各出紙扇索予書予急揮毫應之書訖卽  
行矣往予未至姑山時客多稱從姑奇絕而以麻姑  
麻姑洞未誌

下卷

四三

龍溪曉樓

麻姑山觀瀑堂記

無錫華仁夫

別駕

水之激於峽而噴也爲飛瀑是谿谷之奇波遊觀之  
所炫鳴者也麻姑山之奇峙也以盤亘數百里其奇  
流也則以雙瀑觀焉者或以耳或以目或以韻賞或  
以神寓又或過而不睨睇而不樂也而瀑未有收然  
世於是往川於是閱人於是觀矣始予從太守朱公  
司理吳公遊是山也過秦公故亭憩焉成化時吾邑  
秦公夔爲守恒以省農爲政予讀其記知瀑之得秦  
公秦公之觀善也望其湍則奔如飛龍之墜淵也聽  
其響則類如怒風之赴壑也予益目不及胸耳不及  
麻姑洞未誌

下卷

四三

龍溪曉樓

注矣朱公則嘆曰雄哉是瀑惜射亭腰耳焉得卽承  
其飛沫哉吳公則又笑曰亭其美哉其遙際夫瀑狀  
而未近洽夫瀑情者乎予曰唯然水有異觀之地必  
且有異迺屬部民丘弘誨者度山腰得址焉庠故亭  
可六七丈許闢土而東則中有故甃道焉疑宋以來  
雙練亭其地也於是庀材而屋焉前爲堂朝瀑榜亦  
曰觀瀑後爲軒則榜曰一覽滄桑蓋爲楮者六爲旅  
房者二堂外爲臺者丈許爲費凡幾十金則二公倡  
而予和焉旣落成復從二公後遊焉東眺則墟邑峙

隴若聚米然黎肝二水若衣帶然遠則闢嶠鳥君若  
屏近則從姑二石若蚌而東芙蓉諸山則繁七若坐  
廡下然蓋撫然若海而田者矣踞堂而觀則兩山夾  
瀑如關瀑口有巨石峙焉而流界爲二其右則緣壁  
而瀉其左則衝石而飛是曰雌雄之水其壁乃如鐵  
其峭乃如雪崩其鳴乃如神鉦之擊其下則石盤焉  
如坳如級復如瀾瀾其沫灑七則下而復上如雲舞  
焉齒七石澗分流而後合注也二公始撫磨而曰異  
哉今而知觀之非昔矣豈其奇變哉地當乎水水爲  
之爭飛人當乎地地爲之易勝矣已予以政暇輒數  
造堂觀焉度澗而西一石平可坐一石稍高曰半規  
之室臺以西水出石陰注爲池池坐數石是曰流觴  
之池緣池而上有臺三襲而瀑十尋而近而瀑茲眩  
目是曰湧雪亭之址又前有石橫路澗中而倍臺三  
尋石上有凹受水植蓮是曰石蓮池池畔跌坐數人  
則瀑皆射而予凝視之則忽若微雨旋風忽若驚濤  
湧浪又忽若雙練之曳屑霄矣日暴之則見七其若  
霞縕七其若霧矣其南有層崖則石積如累縣危如

麻姑洞天誌

卷下

四

瀧溪曉樓

聖草不翳而矜矜錯焉其翠若散水而滴其崖下有  
石則跨水欹立而濺流伏焉予命之曰枕流之石崖  
之下有石池焉或曰是鄧紫陽所投金龍處也或曰  
按龍在水簾巖下近瀑而左有石孤峙予則命曰漱  
石予嘗坐漱石而面南崖則水石若競勝矣側而仰  
眺則其壯也若崩其疾也若颶風迅電予然後歎觀  
逝之微也其原也乎哉溯瀑而上數坎爲星潭其石  
如星爲月潭其石如月爲確潭其石如白其他奇石  
或啞或倚或踣或卧或鋸或齒或窪或竅盤折不可  
勝狀至水簾巖下則龍湫在焉而禮斗石若塞其口  
矣月潭之下星潭之上有石墩焉予構之亭曰枕流  
或以爲三峽橋址或以爲宋枕流之址蓋水導自南  
源北源合而逕仙壇至峽而石斂焉其下爲壑是以  
激爲水簾又鉤鑑十數坎奇石間不勝其闕是以激  
爲飛瀑共澗身皆石其飛白瀉碧則皆石爲之戰盪  
是水經而石緯者也清知是水貞如是石兩盪而奇  
鳴焉吾知所以觀瀑矣人於世之盪也不翅海田互  
其其如石如水不奇乎哉是役也予故樂觀之有地

麻姑洞天誌

卷下

五

瀧溪曉樓

也以語二公二公亦曰善以耳目而遊乎神韻庶可  
言觀矣朱公名與翹海寧人吳公名寢相晉江人所  
與捐貲經始而今以擢去者則郡丞烏程閔公遠慶  
也惜不與其觀厥成有客緩安謝兆申與予快觀焉  
其言勝也春怒則頽矣怒則瀉秋則潯而冬則灑其  
於觀也役耳無如日役目無如韻役韻無如神予亦  
曰善記之以待觀者

重修麻姑山記

四明邵鳴雷

郡太守

麻姑洞天誌

下卷

四

龍溪曉樓

建武之有麻姑仙壇也不諗肇自何年自顧魯公記  
之而其蹟爛然至今顧靈蹤秘躡幽邃阻深無人乎  
武陵漁父之遺而有禱必應捷於影響固非凡心所  
能憶度矣且其山與衍無極夷險迭呈雙流噴瀑從  
空而下周折潺湲斗絕之巔平疇宏敞登高四顧嶺  
嶂嶙峋爭巔竒而贊爽令人應接不暇其勝景也如  
斯又去郡治可十里而遙杖藜命屐無煩遠涉減騷  
人韻士遊客薦紳覽勝所必到者也迺由唐以來修  
廢不一至國朝而廢墜已甚萬曆乙酉郡守許公  
雱雨立至為稍加葺理旋就荒落歲庚戌予以政事

之暇偕司理開仲陸公問奇至焉徘徊覽眺遍訪故  
蹟無論風亭月榭絢宇雕闌已滅沒於蒼煙翠靄之  
間一二斷碑殘碣兔葵燕麥蒙茸其上神殿數楹羅  
薛縱橫蝸蚓雜沓猥慢不可觀予慨然謂開仲祀典  
稱名山大川能興雲致雨者敬無褻境內神祇能禦  
災捍患者敬無褻是山兼而有之而僅七孟秋一祭  
故事是修其妥靈之所乃聽燕穢至此卽予守土者  
何責之追勝絕地涼將為遊戲者所噉矣於是各捐  
俸鳩工命司獄宋良佐經紀其事而良佐亦精敏有  
巧思料理曲當費省功倍山由麓而至巔為路為棟  
梁為墻壑為泉壇由門而至室為亭為殿為廳事為  
廊為祠為道寮器由神座而至供具為香几為錢爐  
為桌為椅為床為幔為屏障為扁額為楹聯無不周  
密堅緻落成而予與開仲復登輪奐修楚神像莊嚴  
朱丹爛熳遊目爽心若有以增茲山之勝而山色嵐  
光飛揚映帶恍鶴馭翩跹從雲中來集也因念遷化  
無常慮貴經久惟茲黃冠二三館粥不冷而復為浮  
稅所苦聚散不可保又何以責其典守烏知今日之

麻姑洞天誌

下卷

四七

龍溪曉樓

舉不轉盼而化爲烏有耶輒爲盡汰其浮丁與糧且  
拈撫羨鐵贖還田地若干畝庶焚修之有賴耳開仲  
復謂是舉也蓋太守之意微矣昔者曹參舍蓋公而  
然襄清淨寧一之化今太守凝精玄默化行不擾而  
拳匕是山夫有所寓意乎將後之人不得其意而徒  
謂是選勝怡情流連光景已也是不可以無記予曰  
述哉開仲之志也顧予謀實不及此惟是循習舊貫  
董其廢弛遇其侵越俾不遂卽於隙以爲神蓋則所  
望於後者亟也故爲記其顛末以垂永久云萬曆三  
十九年歲次辛亥中秋吉旦

麻姑洞志

四八

重修齊雲亭記

蕭 鉉 辰州同知

麻姑古有齊雲亭不知肇自唐耶抑唐以前耶歷世  
凡幾更徙寄空名於志籍不知湮自元耶抑元以後  
耶俱不可考已讀王文卿詩有云報國有誰能仗節  
升天山此可無梯惜不見全詩卽此猶可想見其空  
視宇宙參兩造化氣象嗟夫事有興廢神無存亡豐  
嶽之劍合浦之珠夫物且然況於人乎夫人稟天地  
之精含日月之明奮乎千百世之上而非古也後乎

千百世之下而非今也蓋古今時也神所察也神無  
往而不察則時無往而不著不佞於齊雲亭而深有  
感矣吁麻姑據西南上游層巒疊嶂盤旋百餘里其  
間含靈孕秀獻美吐奇未易名狀神仙窟宅紀載於  
顏魯公碑可讀也聳壑凌霄足以當西南半壁中有  
齊雲亭說者云爲顏魯公建王詩似有所指已夫雲  
何物也游氣上升橫霄薄漢時而日星著見登斯亭  
也身可依而手可摘時而煙霞掩映登斯高也暮可  
宿而朝可餐雲乎雲乎何心於亭而亭適與之齊也

麻姑洞志

四九

羅溪曉樓

亭乎亭乎何心於雲而雲適與之構也乃不意數千  
載後時不相及也數千里外居不相近也復有所謂  
齊雲主人者與之默合而復興起耶主人爲邵伯大  
夫長身山立修髯玉潤蓋乎若千仞之絕壁而莫之  
卽也赫乎若大明之當空而莫之鋤也喬乎若蒼翠  
之凌臘而莫之凋也浩乎若奔瀾之東逝而莫之挽  
也飄乎若孤鶴之唳天而莫之羈也倏乎嚴霜凍雪  
又倏乎煦日和風而莫之執也身坐堂皇而情周四  
境心勞期會而神遊八極暇日與二三僚友同四方



賓客舉酒相屬謂山川形勝闕者補之類者傍之官民不擾悉捐已貲念麻姑野第一名山仙都道觀雲禱輒應諸勝榮修舉廢墜煥然一新觀後最高處隱隱有亭址狀時太學生某等相與謀度未有以也忽某生某曰嘗讀麻姑舊志有齊雲亭夫非其址歟郡大夫正號齊雲適與亭符似當新之吾儕責也不佞問之曰有是哉事相成而各相待也夫事有相續不問今古名有相因不嫌異同諸生仰前朝之遺跡而續於今時感大夫之徽稱而因夫舊址表壯觀於中麻姑洞天誌下卷 五平 瀧溪曉樓

天飛崇甍於蒼首日星猶故也身可倚而手可摘日星有異於昔乎不煙霞猶故也暮可宿而朝可餐烟霞有異於昔乎不覽群峰之峭麗則曰此大夫之儀可像也仰赤日之行天則曰此大夫之威可畏也撫唐松之鬱翠則曰此大夫之節而不可改也觀飛瀑之懸瀉則曰此大夫之氣節百折而不同者也見互鷗之翩翾則曰此大夫之清高閒情以自適者也時而風雨相薄時而虹日相貫則曰此大夫之改容而齊威者也振衣矚目意與衆會登高眺遠神與景融

此正所謂神著而常存時運而不息者也亭始事於萬曆辛亥六月某日告成於七月朔有某日諸生來問記不佞爲之言曰顏魯公值唐運多艱而忠義隨觸輒奮大夫席 國家承平之世假亨嘉之運而忠義之情每形於政事之間夫非王詩所謂報國者耶不佞尙能擗管廐文卿之韻以鳴大夫之盛然不佞尤有私幸焉今省會及諸郡郡在七告早惟建郡仰大夫之庇耳霖賜濫百穀川成遠與之雲亭會此亦雲騰雨施之一大驗也諸生復進而言曰大夫於郡麻姑洞天誌下卷 五平 瀧溪曉樓

諸勝槩無不修復獨於麻姑置瞻觀田若干汰舊虛擡若干則公之神與山神相凝聚久矣茲亭當爲茲山永千萬年鎮不佞然其言而紀之大夫浙寧之奉化人郎姓鳴雷名甲辰進士

引附

剡雲門寺引

左宗郭太常卿

雲門寺在麻源第三谷由郡城西循澗而入至華子岡雲蓋山泉石清邃丘壑如畫爲江山勝處昔以康樂名軒者晉謝靈運也以卷石名巖者宋曾子固也

諸如此類文人墨士題點最著鬼怪靈異無禱弗神  
宋郡守翁逢龍祈雪詩勒存石壁近做菴許公以旱  
遍禱不雨禮瘞雲門雨隨廻轍則是寺也豈僅供遊  
人探勝資辦伽藍香花地實爲民禦災捍患是賴何  
一火十年鞠爲茂艸毋謂路故從靈谷謬改麻嶺既  
失沿流曲折之趣又苦陟嶺崎嶇之勞致命車囹載  
遊覽弗常荒蕪不習於目興舉寧關其情噫亦機緣  
之未到耳邇來一谷麻姑二谷靈巖藉今郡公雅  
意山川捐貲布奇輒另開眼目別闢乾坤寧非雲門  
麻姑洞天誌  
三谷乞靈收觀機緣會合之一時惟是梵宇起於草  
萊費數十計募資於民間甚難余有夙願未了不  
謀諸衆不量綿力盡傾已貲業已修復故道鼎建橋  
梁行有坦途矣已大復古剝削佛宮錫僧舍矣已立  
並君廟文昌祠及飯僧有堂矣寺外小建禪室依棲  
有所巖下構枕漱亭遊咏有地矣又幸逢四明鄒  
公祖特捐俸成白衣殿題碧澗以表奇觀山川賴以  
不朽矣三谷古跡勝槩大畧粗備麻姑集雲門圖中  
今輯其顛末如此

一如居士奉常侍左公重建雲門寺碑

鄒鳴雷  
湖西道  
副使

蓋余少長菰蘆中則向往諸洞天有丹霞碧蓮之勝  
環四百里而作鎮西南者麻姑山也屬有緣幸爲盱  
江拈据稍暇輒偕司李陸公向雲谿烟岫間寄跡焉  
於是出郭十五里而得麻源於麻源而得一如居士  
左奉常公時居士方解繡衣侶禪衲日從孤月無象  
諸宿德相與開席塵界拓宇空冥共了一大事因緣  
而更念其先大夫鍾情此山機緣未了乃踵前志而  
麻姑洞天誌  
三谷  
龍溪曉樓  
衍雲門寺之故址獨任開山不資檀施按寺在麻源  
之第三谷越馳鞍嶺循溪而入蘿薜蒼七翠燦如錦  
則雲門禪師故掛錫處婆娑漫漶片段依稀在焉寺  
前松梓古度喬秀千章銅陵石磴在其右華子岡繡  
經臺在其左而康樂軒以靈運著卷石巖以南豐著  
歷來勝蹟真不愧建化門庭已自嘉靖間不戒於火  
而琳宮璇題鞠爲荒土諸禪和欲募一椽瓦一絛粒  
且慮破慳之未易而金界威容乃獨啓於再來之故  
士居士世居此山之陽鍾靈瀝秀代有間人及居士

而以名御史作秩宗既以應身現宰官統領世界保護國土而休沐之暇始脩本願爲茲寺立金湯頓復舊觀寺故有路從靈谷來沿澗窮窵如吾越山陰道中使人自遠而或謬改從麻嶺既徑突失幽賞而經陽關仄使乘軒者或視福地爲棘林居士爲闢荒涂砥故武翼以飛虹題曰雲起臨水自媚涓然與叢薄映寫拾給上門焉以供韋馱天王等像輝煌金碧卽以散亂入應折攝於護法之莊嚴正中起大殿塑釋迦羅漢諸相鎗銘赤白繪綠麗崇若假手羯磨而俾麻姑洞天誌

卷

五

麻姑洞天誌

潤而寺廢澗亦絕居士鉅規甫就寺後忽滅也從石跡引出之爲長漾遂滙爲池色鮮紫寒沁而甘殆將山之沼耶晉安之醴耶余不佞爲題曰碧澗呈祥益侈爲八功德之遺云而仍復顏之曰真如普照欲以一言紀其槩久矣會方移鎮洪川未遑鉛槧而司李陸公貽書相促余亦何敢讓焉竊惟華嚴所載彌伽以輪宇法門令修世技文字處煩不亂善財方殷勤啓請而伽轉下座致敬李長者爲下一語云以表俗諦差別智敬重諦根本智也然則真俗之辨卽在圓融性海不廢分別而世俗且一倍顛倒至有竊禪理爲辯圖而偏諦其名者居士常有言曰今之講學者其精處無不是禪而諱言禪卽此便是欺心又云今之讀儒書者每屏禪書余謂能讀禪書方可讀儒書不佞每伏膺斯語而今慶茲寺之落成也居士所謂轉三輪證四智續佛慧命而津梁沙劫者前假茲爲一蒲道場耶而豈徒以零菴剩剝爲檀度者於是爲之頌曰

法王三昧力 應真隨所見 在纏而出纏



志刃斷魔骨 六通嘯神足 五行乘法眷

雲門木馬嘶 宗風誰復扇 薄伽普慈利

應以宰官現 靈光無內外 當明一句轉

紹隆會有藉 彫匕起石院 糾絲翼序興

光相重七徧 金雞圖入井 杰構鬱霞絢

倬彼金僊迹 悲官及智殿 池神爲表靈

朽壤抽碧線 正依顯二報 龍象靡不結

精廬既以啓 法肆允茲擅 淨因樂無訢

冥心契玄宴 愧我塵勞客 一八澹情戀

麻姑洞天誌 卷下 五十六 龍溪曉樓

頂禮再來人 作此誓方便

四十一歲在癸丑春王正月之吉

龍湫亭記 丘弘誨

當仙壇之谷口有石林立若交戟亦若捍門澗水竇之水從石罅溜下作洪濤捲海聲或曰如雷鳴又曰逢匕若撾鼓也水清心不可測有龍居之因名曰龍湫周駕華公仁夫命弘誨爲作龍湫亭亭成別駕公與官登焉客曰亭當東南之勝山川相望草木蔚蔚可樂也然而不得別駕公雖有此不樂也不得太守公亦不樂也當別駕公與太守公之未至於盱也去郭千百武則樂人之寇也其櫻奪晝夜若埽矣過此則豪人之饑也其熱可炙手矣又過此則歲谷不登催科急之壕之嗽者蜩蟬矣訟獄滋多相殘賊者紛如矣皆一切汰法不以煩吾民彼民也夫且各適其寧宇而自慶其遭逢不然樵悴之容接焉愁苦之聲入焉有憂而已何樂也於是別駕公再舉酒屬客客起而歌曰民之戚兮公憂棘兮民之憚兮公憂什兮亭如翼兮誰之爲兮太守公之宜兮公與有力兮時弘誨適在事欲以歌而和之不能也姑述之以爲記太守即朱公與翹

麻姑洞天誌 卷下 五十七 龍溪曉樓

牌行置田文移

巡按江西監察御史韓 爲置田贍士以降作養事  
本院近經巡歷盱江見麻姑山書院聿新聚集多士  
講學肄業彬乚稱勝訪得此中賢有司業已捐作置  
田爲之贍給第恐人數日增租利有限本院觀風茲  
士樂觀厥盛合行量助以示作興爲此仰府官吏照  
牌事理卽便動支本院贖銀伍拾兩行令該縣就便  
平買膏腴田畝常年收租解府聽候諸生供給公費  
田根查照學田事例扣租抵納毋得貽累里廛仍將  
麻姑洞天誌 卷下 龍溪曉樓  
買過田畝刊成書冊以垂永久牌具動過銀數繳查  
須牌者

萬曆肆拾壹年叁月拾柒日行



麻姑育英堂記

左宗鄧

予嘗觀乎往載謠俗之際矣吾盱地楚微也介在閩  
越去鄒魯之封千餘里當木鐸振鐸時身遊漆泗者  
惟豫章一澹臺子羽耳夫文運本之山川淵源得之  
歸友運會相乘氣漸而南文漸而啓白漢歷唐奇人  
輩出至宋泰伯李先生以盱江名儒聚徒講課於茲  
山之巔是爲讀書林故址多士雲蒸爲一時盛

明興二百累十年來修葺祀典丕振斯文蕊宮珠觀  
絃誦相隣負笈裝根接踵相望而青衿尚雜黃冠舍  
麻姑洞天誌 卷下 龍溪曉樓

五九

中識者嘆之萬曆癸丑時 直指韓公柄木鐸起鄒  
魯淵源學術爲一代宗持斧江右霜肅風清行部茲  
山樂觀厥盛乃檄下所司捐俸五十金以廣贍甚盛  
典也先是起 太守鄔公念先賢之講席久荒惜多  
士之從遊靡所乃建堂置贍制令陳規聲陶教治每  
政暇輒與諸生談經術折衷疑義會課多士其間於  
是四方有志之英風慕景從鼓篋而來者日益衆多  
士彬乚亦一時盛夫若高而呼聲不加疾而應之者  
遠語倡導也樹表而招臂非加長而赴之者衆語模

楷也直指官師之表也伯守又郡縣之的也上者倡  
下者也來者鑒往者也養者佐教者也上業躬范手  
壇卓然以鄉魯人材爲必可幾而範之陶而錫之型  
而居之肆上倡下和往規來隨養聚教成日有棹月  
有積境以內多士遊思有備而境以外之氣求聲應  
方來有朋以不乏養幾涉嶠登堂藹然會我公樂育  
之精神脫凡振俗直吟洙泗源頭追踪子羽以應木  
鐸之響則多士今而後之猛奮當何如也夫天地文  
明鬱極必暢時至則開茲山雲錦標奇五峰環秀而  
麻姑洞天誌下卷  
飛爐霧應叠翠千層其間錦溪一泓渟爲湫激爲瀑  
潄溪湖泮逝者如斯多士試咏而會之未必非洙泗  
之餘派也昔唐之季也荊州以文起八代衰學士宗  
之望崇山斗今之文亦云盛矣則夫恢拓文風至盟  
中宴舍今日之韓夫子其誰與歸是役也肇基雖  
太守鄒公而建標垂範實盛於直指韓公至若  
襄事董成邑侯蔣公之力居多諸士以予爲三谷  
長躬逢盛會不可無記謹列所置田畝子粒如左以  
志不刊云

按院韓置麻姑山育英堂贍舍田段

一段坐十三都朱家源計早租陸石官

佃人李旭八

一段坐十九都牛頭嶺計早租捌担壹斗官

佃人黃茂

一段坐十九都牛頭嶺計早租伍担官

佃人傅長十六

一段坐十九都勝山下計早租叁担官

佃人吳貴三

麻姑洞天誌下卷

一段坐十九都湖邊計早租壹担伍斗官

佃人黃清一

已上共計早租谷貳拾叁石陸斗官

大夫松碑記

吳之屏南城令

嘗觀摩雲霄撼風雨充沆瀣而挺然直節森聳者其  
松乎麻姑山中舊有偃蓋松者相傳爲顏魯公時所  
植歷世千百餘年矣以魯公守茲土秩爲大夫世遂  
稱爲唐大夫松云迨胡處士母夢麻姑山松而處士  
托生故其名益著余癸亥捧檄來茲風塵鞅掌越乙

麻姑洞天誌

卷一

李

龍溪晚樓

壯春政事之暇履始及之出城西南數里見白雲冉冉起封中山人指之曰此嶺蓋松瑞氣耳及登其山紺宇雕闌風亭月榭變幻於蒼煙翠靄之間心爲怡曠叩其所謂古藤碧蓮七星杉諸勝渺不可得惟存一松偃蹇如蚪龍蒼皮黛色鱗鱗如龍腹余席其蔭凝睇久之清籟徐發鼓鼗如濤其聲細如環佩如鳴球大如轟雷震撼林谷山色嵐光飛揚映帶遠來襲人衣裾飄飄然如騰空御氣而欲仙非待選勝怡情流連景光而已也丙寅季夏復尋舊遊見其鳳矯鵬搏鸞音鶴唳參天之木凌霄不萎古色依然跌坐其下恍與魯公對譚斯知木石之所以勝者不勝於物而勝於人也曾幾何時忽於仲秋之某日爲盲雨如風所折千古神物一朝化去豈亦如紫陽之尸解耶抑廢興存亡物各有時耶奈何當吾世而失之殊爲慨結其珍重者恐落樵採之手欲斷爲神前供具余以樵子大匠等耳不忍踐賊禁勿爲動復於松故址之傍另植一枝以繼魯公遺跡亦欲後之視今猶今視昔之意若曰竊比魯公則吾豈敢攷元時此松已

麻姑洞天誌

卷二

李

龍溪晚樓

枯死數十年至洪武間復茂今而後安知無萌蘖之生乎雖然東海三爲桑田蓬萊水將還爲陸陵當麻姑時亦已然已遷化無常何獨一松乎哉余第紀此松之顛末云爾時則天啓丙寅重九日也

神功泉碑記

吳之屏南

邑西南出郭十里而遙爲麻姑嶺嶺岬嶂巖巒縱橫異鳥啼花哀猿嘯月樵吹牧唱爭獻奇而贊爽殆非人間世矣繇麻姑山龍門之側桃源洞之上石罅有泉湧出味清且冽取之釀酒尤佳故老相傳云先年泉初出如酒色微紅飲之醉人想爲諸仙丹液之流也後農人以穢器取之泉色變味亦澹不若先年多矣然比他水猶尙絕勝余自公之暇樞衣呼渴而至黃冠煮茗以進飲之味若中冷又若慧泉余詫問之此中安得此水答曰此山中神功泉水也余竭蹶走視輕雲蒙籠風師不驚蒼翠四封蹊徑殊絕一泓之水深沁肌膚余初疑其渴者易飲久而啜之其甘香清冽靡匪趣會簿書雜沓非此水不足以消渴吻自分衆士遭時遭會來令茲土兢業官常矢不敢忽神

誌卷之七  
郡守西明縣新城汪石渠  
郡參政珍藏  
郡丞長水陸  
先代遺書  
鉅野府原

龍溪後學邱時彬登大校刻

元

白玉蟾紫滑真人

庶姬洞天誌

自有宇宙則有山川而洞天福地所在包涵宇宙山川清律虛靈之氣以俟神仙異人修煉變化之資蓋古今如一日也麻姑山小有天乃三十六洞天之一山以麻姑名莫知何年始豈非麻姑元君山頂立壇久於其地精切密行得道升真而山川之美不得不專歎自古神仙皆以盡性至命養氣凝神積行累功超凡入聖純傳源流具有可攷而麻姑元君得道之山僅見於顏魯公撫州圖會仙之跡止附於葛稚川方平傳考訂圖史敘述本末以與洞天山川相爲無



窮此固方外者之費也爰歲奇隱青城亦係元君修煉成真之所西川禱祈福澤之庭洞府以麻姑名山跡班七可考比來仙都披閱志集參以青城耳聞目見及四方觀宇所述江洞雲鶴所傳碑額文字所載括爲一傳以便觀覽題曰小有洞天麻姑神仙傳與世共之蓋嘗拜元通之殿陟齊雲之峰追憶青城洞府之高深遙瞻蓬萊弱水之清淺禮王蔡二真之儀而企七月七日仙會之神風瞻浮丘三應之祠而仰王郭二仙誅師之芳躅操瓢酌葛稚川浴卅之水炷麻姑洞末誌

七卷

龍溪曉樓

國朝

香附鄧福唐遺簡之壇望麻源而歸谷口有真人之姓氏閣碑記而參羅浮致園基之老仙山川之美神仙之奇盡在是矣又或同志之士閒風而興開卷而悟因元君東海三爲桑田之歎而速修與天齊年之功讀魯公地氣殊異江山炳靈之文而勇進躡武群仙之步則今日仙傳之集豈曰小補云耳

集麻姑序

敖 彥

肝之名山勝地歟矣而麻姑夷然爲稱首豈非以其

時出霖雨以溥潤於生民之故歟自典午以來迄于今日見於題咏者多矣而獨太師顏魯公丞相李忠定歸然若魯靈光得非以其忠肝義膽千古不磨耶茲成化丙申太守懷柔李侯以祠部郎中起拜今職是秋主祭是山既事覽觀之暇退坐幽軒焚香吸茗披閱圖誌品藻詩文召主觀道流謂曰自有宇宙卽有是山然炳靈發跡自麻姑以前未之聞也由謝靈運倡和以及我朝嶠人騷士縉紳逐客之流長篇巨軸日新月盛宜有紀錄會萃成編以便好事者游目而適賞焉

七卷

三

龍溪曉樓

修郡乘者得有所稽考而不惑上之職方氏有以上論肝之先哲與夫風土之萬一焉耳道流曰謹如教乃裝縹成帙命染翰者濃墨淨書人以代殊文因名係乃虛其右簡俾予爲予夏之序予禮辭不獲遂爲之言曰超鴻濛而混希夷扞災患而惠烝黎此仙靈之奇異也扶世教厚民彝超亭毒扶杳微此人聲之英華也今侯之盛心於以昭仙靈之吟贊於以彰作者之心聲一舉而兩得豈非茲山之全美歟後之聞而未至者得斯集而觀之固以得

其大要矣雖然峴臺以羊大傳而名滁山以歐文忠而重太山得夫子而道貫古今武夷得文公而靈昭穹壤然則是山是集亦以顏李二公而愈著歟是則仙也靈也文也言也聖賢之事功世道之污隆孰重孰輕必有能涇渭之者惜予筆路秦蕪不足以發揚仙賢之笑與乃側名於作者之列佛與著龔之譏難乎免矣若夫魚目玳瑁之混是又在乎具眼者成化戊戌四月下浣

集麻姑序

王華廣西副使

麻姑洞天誌

七卷 龍溪晚樓

吾盱爲江右名郡山水之秀天下稱焉而麻姑又郡山之特殊者故晉唐宋來以逮我朝諸名公間人慕其名者未必不一遊而其遊者皆留題詠顏魯公刺郡時亦有碑其文與字皆其自爲積時代之久而詩文盈卷無錫秦侯來守是郡以德教民以文侑治政務之餘亦嘗登焉披閱諸作以爲有以張山川之美惟懼其久而散逸集而壽諸梓以序屬予夫自有宇宙則有此山嘗觀夫天下之佳山水不爲不多而名鮮聞者何固其無以特殊而又無聞人名士歌詠

以彰之故滁上以歐陽著蘭亭以義之開浣溪瞿塘之所以名於天下後世者咸經老杜之品題物色也麻姑之名雖在天下然非郡公之作曷以益聞於今之與古也若是哉非侯之致力苟以益聞於遠且久哉噫使是集之傳四方之士夫君子雖未及登是山觀乎群公之作則可以知其樂侯之用心可謂遠矣吾盱山水之秀川原之靈有可傳其傳於久且遠所謂地氣殊異江山炳靈者有可驗矣文固予推也顧邦人不可以辭爲道之如此若夫狀山水遊觀之美麻姑洞天誌

七卷

五

龍溪晚樓

紀臺榭泉石之趣與夫神仙之說已悉於諸名公先哲烏俟乎予言

麻姑勝覽詩序

鄭蔓

麻姑勝覽詩冊郡侯三山鄭公欽大夫士於姑山作也公才名冠海內執法不阿以秋官憲僉添註富川踰年轉茲盱洳政浹旬風行草偃公暇輒欲登高極遠以舒清曠浩渺之思廼八月中秋燕集群賢名山廣谷中憑岡觀瀑掬泉流觴撫松軒臨蓮池弔詩僧之墓陟秦人之峰真與蘭亭金谷之會相爲上下主

侶賓酌洽如也宴畢公首起律韻夫若士各和之凡  
爲詩若干命蔓紀其事蔓惟茲山崇岡秀水滑翠排  
空萬景森口希世奇觀也而公以廟堂之資秉節外  
遊得於斯而宴樂之亦山川之奇遇也謂之勝覽孰  
曰不宜顧予仰公惟勤而公移旰未幾萬口喁々奚  
啻早霖勞者欲息困者欲蘇訟者欲平茲亦天下劇  
任也公何暇於山水爲耶雖然人之爲一人則煩兼  
人則紓公才冠世又不特兼人已也用其一二以康  
庶事其所未用以之覽勝有餘力焉孰謂姑山詩酒  
不自公有而誰哉今夫神泉飛瀑挹天下之至清而  
澄心者契焉華岡洞窆天下之至崇而峻行者慕  
焉故君子如高山大川信斯言也則茲山若水固公  
胸中之素有而茲宴與作亦川原之所必不能無夫  
是謂勝覽而盤遊娛眺自別於俗吏遠斯甚矣

麻姑勝覽詩序

蕭

玘

池州作  
封叅議

吾少自郡侯鄭公命玘叙麻姑勝覽册玘拜云何公  
曰予性癖山水家食時每聞名山勝水吟思勃如卽  
欲登焉麻姑去吾閩幾百里積苦思幾十年前謫富

麻姑洞天誌

卷七

七

龍溪曉樓

川如秦嶺華岬皆以爲未足大觀徒張七焉耳比遷  
野入其境麻姑在吾目也吏事暇偕大夫士覽之走  
雙瀑挹神功而平生之願願遂縱興浩歌觀物追情  
超絕乎塵埃之表頓覺雞犬之隔世歲月之相磨也  
信六觀哉詩成爭相倡和誦聲琅琅過行雲振林木  
雅會勝遊孰爲主賓又進而訪丹霞入洞天觸日三  
忠大唐魯公氏大宋忠定氏文山氏嗚呼予竊慕之  
予始登而都邑環布可以觀民物也最上而飛躍昭  
著可以觀變化也入祠而三先生在焉可以觀制行  
也知民物則知所用情知變化則知所用義知制行  
則知所用誠一事而三省集焉後吾遊者其以吾言  
爲信否乎玘在諸生唯々因述公言拜手用序於諸  
公詩後

麻姑集序

海陽朱廷臣

本郡  
太守

麻姑集者集古今英髦之所遊詠以發麻姑之勝者  
也集之云何益將廣其勝於天下俾凡慕其名者有  
以得其槩也夫麻姑之名或得之顏公碑記之妙或  
得之神功泉釀之醇孰不欲振衣於六嶽以畢覽其

景物之異願跡有所係地有所限不能盡如其願每  
付之想像而已耳予自蚤歲隨計吏南北驅馳其於  
名山勝水知所好矣至渡江得登金山尹異得遊虎  
丘於杭得遊西湖於閩得遊武夷三十餘年間僅得  
是數山水之樂其未及見者尚多也迨辛丑春出補  
盱郡凡縉紳祖道者莫不曰是行也忒收麻姑之勝  
矣洎入境公暇乃携賓佐出郭西十五六里林麓紆  
迴溪流潺湲遠眺仙嶼縹緲雲漢挽車窮登周覽無  
際乃歎曰真東南佳境也於是召羽衣訪遺事遂有  
麻姑洞天誌龍溪曉樓  
七卷

吾目中者矣集幾就陳子一旦復於予曰是集也雖  
爲麻姑而發若麻源從姑左右相峙實麻姑所由以  
增勝者也其間英遊題評文多傑然與夫顏公李公  
文公之過化流寓舊祠在山岳武穆公之靖寇全盱  
未知崇祀不因是而表章之則盛美不幾乎息矣予  
應之曰然予志也必如是而後斯集爲不孤也用書  
以附集是爲序

碑

國朝

麻姑洞天誌龍溪曉樓  
七卷

九

少司馬御史中丞胡公祠碑

新城王 村 祭酒

督撫江右少司馬御史中丞滁陽胡公奉 召入尚  
書轉左司馬贊本兵盱江郡士民仰公功德懷戀靡  
所寄願托諸祠祀著不怠郡守雙橋凌公瞻衆志之  
莫已也道謀之滯成也曰志在士民任在我白諸憲  
臬崔公特樹公生祠於麻姑山之上山郡望也江右  
所統郡有十三縣七十五公之功德靡不被何盱江  
獨立祠感之切者念之深也今 皇帝御極四十年

江右稱無事比歲潮汀寇起乃連入江右殘掠湖東  
西殺文武官吏濤喧盆塞莫可踞遏而閩中以海警  
調兵時亦叛亂擾吾境 天子憂之詢於任廷疇教  
宰之寄僉以爲公公任浙藩右使 詔晉公中丞特  
賜公兵符趣公就道時建昌撫信吉臨諸郡寇毒方  
棘公自浙江來卽疾趨撫州分命將卒還驅迭擊所  
向賊輒不支進駐我建昌諸賊咸敗遁出境乃建白  
立中東西三大營於南昌建昌吉安三郡而各道諸  
郡亦皆置兵首臂連絡夾倚互援申論境內比閭族  
麻姑洞天誌卷七 龍溪曉樓

差江西所共承於公諸大惠若此方我旰四邑劇寇  
紛午幸公徑臨始各遁去未逾時有古粵廣贛三鎮  
合剿潮賊公當防遏要害復馳節駐旰自冬徂秋爲  
日益久中間守禦之分布策應之調遣餽賞之運給  
文武官吏輻輳而承事而公於締繕續迫之中未嘗  
一息忘其省約寬恤之仁斯民親見公慈儉之實而  
獨深沃公節愛之厚旣賴公驅攘之烈而又感公鎮  
定之功澍雨平施脩亢者稟沃滋著熙閭普運嚮明  
者得照爲久是以旰人自村原至於廬市自支邑至  
麻姑洞天誌卷七 龍溪曉樓

黨團結保伍並習守望名之曰親兵導使親也於是  
兵寇至始有備乃建諸邑未立城池畫糧價備械器  
表勵諸死事者增設將領舉餉饒而黜其庸駕江右  
戎政井然赫然改前觀矣而又汲亡念諸被寇之地  
剝殘困踣卽未被寇者亦徵集頓疲力請減免閩省  
稅糧動戒郡邑以無科率將卒所經罔不奉禁令無  
敢侵暴值諸邑大水跪奏江右連年兵火疫癘人民  
愁痛無以聊生又遭澤水稅租無所出凋瘵之骨不  
堪推併疏詞懇激讀者垂涕 天子如其言蠲復有

我湖東西村灰邑燦血潰原岡 帝爲惻然詢謀節  
鎮簡在廷揚允亡胡公受 命有赫威猷振張爰自  
錢塘誓衆長驅指我建昌先聲實應群盜解靡我武

斯揚營興保給官鄉並作戎政皇七逆璉肆亂郡渠  
漚蔓播毒流殃 帝命粵臺嶺閩三鎮滌彼兇狂  
命我江右保要固圍橫決是防公再臨肝嘉平駐旆  
履及嚴霜以大聲授以精策應以杜蹊近遜才拔能  
勞斐後摘卒掃機槍於惟我公義略爽七仁風洋七  
汰侈崇約二簋用飭民圖蹟無文武吏士率式承序  
無收害傷霑澤爲雲力踴奮復民免流亡位尊德薄  
匡匡惠撫覃暨江鄉公駐肝久士民涵覆咸有獨長  
外患以驅內充不葬易涉爲祥忠信儉慈照保肫七  
麻姑洞天誌 七卷 三 瀧溪曉樓

文

修理麻姑仙觀訖工祭文

鄒鳴雷

上真度世慈儉是敦積功累行永濟群昏惟茲麻谷  
靈蹟攸存道風泱泱立化渾淪冥孚神契拯溺亨屯  
仙踪既遠丹室誰攀某官肝水登眺盤桓爰命將作  
鳩工飭燧輪奐楚矣金碧爛焉移合三真古跡宛然  
敬涓穀日肅拜陳言仰祈鸞馭永賞雲帡旋旋踰淪  
惠此黎元

重建姑山玄帝殿訖工祭文


鄒鳴雷

麻姑洞天誌 七卷 三 瀧溪曉樓  
神功浩蕩玄造熙微無遠不屆靡重不持曰茲姑嶠  
山水幽奇帝英厥位百福是宜歷歲茲久殿宇傾欹  
風雨交射蜘蛛網雀棲侵神廢禮瞻眺曷依某吏茲土  
登拜躊躇低回四顧踟躕嗟咨爰命將作鳩工以時  
神助民悅不日成之輪奐翼若卅青爛斯敬著穀日  
肅謁陳詞仰祈帝鑑永廓弘慈億萬斯載惠我蒸黎  
祭岳武穆公文

鄒鳴雷

唯公精忠神武卓冠兩間志存雪恥身墮權奸國有  
猛狗英雄淚潛清風遙憶萬古寸卅昔我展卷壯公

磨肝來守茲士我爾姑山主龍之吼雙劍寒潭蒼虬  
之蓋百仞誰攀歲時醺酒有像其間彤雲冉七虎步  
名班



麻姑洞天誌

七卷

龍溪曉樓

賦

宋

麻姑賦

李觀

巍乎高哉茲山之所以爲異也吾不知其幾千萬里  
之廣但見土老而石頑頂天而竝上驗地勢之所極  
固亦東南之藩障者乎路蹊盤鬱前後相失岡巒崢  
嶸左右馳突鳴泉百雷躍下雲窟喬杉萬矛舞破煙  
骨靈竒惚恍變見出沒匿耳目之觀聽曾不究夫萬  
一其間則有各天之洞禮神之堂高臺層瑤吸日月  
之光繚垣築紛孕芝蘭之香偏門曲廊入迷其方斜  
軒亂窓或溫而涼況乎御龍膏之酒倚雲和之瑟一  
飲一石一醉千日安知億萬人塵衣飛蚤蟲其或照  
然而霧飄然而雨跬步之間則睽無所觀夜長漫  
山空月寒鶴群戲風舞羽翮老僕抱子吟聲欲乾  
怪物參差松阿水涓或步或馳或嘯而悲仙乎鬼乎  
千態萬狀而使人心疑別有澗石之迤邐圍潭之無  
底是曰蛟龍之所止嬾而爲旱怒而爲水嗟我力耕  
之民吸衣食之資而爲禱祠之費巖岫冥古無人

麻姑洞天誌

七卷

五

龍溪曉樓

行百獸飢死虎狼夜鳴是何假上真之名而神奸之所憑也悲夫以地之奇以物之靈而逋客之經營全形養氣採木茹菰未嘗有箝籥之聲鸞鳳之迎謝人品而凌太清者徒見山寒兮青々水秋兮冷々雲路咫尺而不能以升豈非仙可得而不可求道可悟而不可學彼其叛稼穡之功遺室家之樂越天常而慕冥冥宜乎白首於卅窻之下幽死而無所託也

疑仙賦 有序

觀家肝江其西十里則麻姑山顏太師真卿有記存麻姑洞天誌 七卷 瀧溪曉樓

馬少壯則麻源謝靈運詩所謂入華子岡是麻源第三谷者也其山水清媚與仙趾跡相附著在人口吻吾母初無子凡有可禱無不至祥符元年夢二道士弈棋戶外往觀之其一人者取局之一子授焉遂振及觀生十餘歲從先父適田間宿東郊既寐有人以書與觀方制如牘表用黃其目曰王狀元文集夢中以爲沂公之文也就學以來果不甚魯或時開卷儼然憶念謂曾讀此書再思之未嘗見也墨筆著辭雖未善頭出自然不多勞力私心喜幸以所從授頗靈

異而不敢言今茲年三十有八矣乃用自疑作疑仙賦儒者不言仙蓋患乎傷才舍生以學之者也苟異於彼宜無害焉賦曰

噫々仙乎爲何爲無爲天之居爲地之靈爲山之國爲水之都爲古爲今爲智爲愚爲崇爲卑爲肥爲臞與人類乎與人異乎將天下之利乎將一身而已乎既匪聞而匪見我焉知其所如繫我生之卓犖瓌怪地氣殊絕神休合會導愚心之趨騁犯古人之畿界攀或無高搏或無大戲鈞天之遺音冒慶雲之渥彩麻姑洞天誌 七卷 瀧溪曉樓

意靈物之所右達速成於當代難得而易失者時哉青春走兮素髮催銜金丹而不售撫道殣而銜哀然則何爲而生何爲而來已矣乎嵩高降神生申甫收拾中興還聖主長庚入夢生李白叫噪江南爲逐客今之生我豈無意二者他年終一得仙人若在金銀宮歸去來兮誰阻隔

元

麻姑賦

白玉蟾

片雲老仙枕五峰而眠無人問夢二十年白玉蟾從



麻姑洞天誌

卷七

十

龍溪曉樓

桂林道衡山下大江以西登屏顏而拜之有黃冠師  
鄧適軒會唯齊江道遙小集逍遙山既麻姑之去遠  
竊王蔡其舊昔俯稚川濯丹之泉驗福唐遺簡之地  
丹厓翠壁遙接太清碧巖紫壇風清月白樹色黯黯  
泉聲琮琤上齊雲之峰接垂玉之亭花陰卧白犬松  
籟雜黃鶯雨滴簷牙之溜風搖樓角之鈴有鳴倉庚  
有伐丁七霜畦老芝朮煙苑多桂苓諗碧蓮之杳漠  
空四海之疇鄰柳眉花面不成笑筍角蕨拳聯自伸  
池水成文以羅穀海棠落瓣如魚鱗啼鶯語燕不可  
聽矣昔者黃花姑戚姬南直從麻姑之魚軒眇天風  
兮轉七飯雲曄麟玳筵生春黛娥歌賓雲之曲王妃  
舞紫茸之裙但知笑吟終日兮不知有出七之人憶  
昨夢嘆前塵顧安得景從鸞舉以覓酒於鸞帳之下  
賦詩於鶴馭之前往聞驪姥以水飲陳圖南又問紫  
虛夫人以桂花與陳與明西王母以蟠實戲曼倩予  
媿無德以饌之若夫先鸞後鶴彈壓天鈴傲七以娛  
仙懷浩七以控飛舉得不為香案之下元者乎姑有  
耳寧不聽姑有心寧不矜否則輒靈蓬駕飛廉以終

其身叫東皇西母於瑤池間南鳥北兔於海濱挹爽  
以挹浮拍闌以拍洪鑄玉珮兮丁東行太空兮逐冥  
鴻醉忽醒七忽有所思不能無所賦蓬萊清淺兮將  
桑田矣天地未判之始父母未生之前日不然又何  
從而有昆明之劫灰

國朝

賦得麻姑山牽司寇何先生致政還肝江

董

越禮部  
尚書

麻姑洞天誌

卷七

九

龍溪曉樓

維斗分野山有麻姑上凌天樞下壓坤輿其名洞天  
也第居三十有六其爲道里也周遭四百有餘清泉  
白練賤沫乎其間兮流瀑布於匡廬卅霞紫氣香靄  
乎其巔兮照初日於香爐爰有仙人冰肌玉膚雲璚  
鶴馭玉珮瓊瑤逍遙乎是者不知其歷幾千萬年但  
見山因是靈而名冠華蓋酒緣是美而味勝醪醕飲  
之者心醉望之者神愉固嘗見詠於騷人而垂名於  
行輩矣客有倦遊而歸過北山招麻姑之神而問之  
曰子之有是山蓋云久矣亦知其含氣以生物息機  
以調神之爲消息盈虛者乎木樨窮陰春必華敷鳩

鳴氣主蟲蟄冬初候陽德之方亨忽歲事之云徂于  
徒名能洞燭化機盜竊元氣若是之饒能易於祛乎  
麻姑笑而答曰客因隨吾名與山俱而不能與之爲  
徒吾亦謂客理窮萬變而獨不知今吾之卽故吾也  
方吾跨大鵬歷清都塊五嶽杯五湖朝樹景於陽谷  
夕收功乎桑榆長嘯一聲震撼八區蓋嘗勞塵凡下  
士張目遠矚矣然而舊鄉不能忘乎睥睨衷情不能  
免於鬱紆所以瀝膽金鋪稽首玉除帝固許吾飛鳥  
雙鳧稅駕輟駒矣猶慮夫林慚吾變谷謝吾通幸文  
麻姑洞天誌上卷 主 瀧溪曉樓

登麻姑山賦  
黃茂南城  
繫乘雲以奮鱗兮厥願遲違迺彈冠以出宰兮夙駕  
星馳唯匡廬之上流兮旰江之湄紛簿領其相仍兮  
思棄穢而探奇瞻山川之足賞兮飛鳧以遐趨選  
麻姑之尤勝兮自公暇而防覽披藤蘿之蒙茸兮躡  
巉岩之崇坂石嵯峨以窘步兮憇虛亭而少舒焱烟  
霏之開霽兮呈圖回於林臯森萬象其一顧兮曠懷  
抱於雲霄循逶迤以架入兮又奚憚乎岩巖駭雷霆  
之震撼兮落飛泉其天際驚蛟螭之蛻蛻兮度危橋  
而前逝韻風松於谷口兮恍飛仙之環珮酌清冷於  
石竅兮夫何異乎瓊漿之珍味睹風景之殊異兮固  
已超乎塵凡意女冠之綽約兮或尚可攀馴玉蚪以  
翱翔兮駕青鸞之翩翻挾二氣以冥凌兮依日月而  
停驂歌玄雲之高調兮授予以霹靂之棗盤撲火宅  
之愁箴兮俾醉夢之醒然路漫曼以超遠兮爰悵  
其向隅耿予懷以佗條兮竟形茫而靡得尋遺跡以  
詢訪兮窮溪山之畢舉群峰拱翠以環抱兮勢以天

而巖泉靈湫漾碧以澄淨兮潛蛟龍而莫測焉井掩  
映丹爐兮閔千載其丘墟頽碑昭回星漢兮空三復  
而增疑存形像於空庭兮英蘋藻於靈祠慕修紫其  
物表兮愧勞形之奚爲復登高以舒嘯兮見白雲之  
蓬勃瞻親舍之在其下兮中惆悵而飄飏奉嚴命以  
報國兮敢苟貪乎紱緩望巴山之蒼茫兮典飛揚而  
馳逐憶岷峨之天矯兮又何遜乎茲山之風物解俗  
鞅而念民瘼兮予豈忘情於芻牧撫佳景而抒情素  
兮長吟響振乎林谷亂曰山崔嵬兮石峻嶒雲幕  
麻姑洞天謠 七卷 龍溪曉樓

兮水冷兮蛟龍潛兮虎豹踰遠朝市兮隔塵氛仙姑  
去兮跡尚存尊遺像兮蘋藻聲訪幽奇兮滌煩襟憶  
故園兮搔心旌志苟適兮尋舊盟莫予請兮滄山靈  
麻姑賦 有引 曾應祥 遜士

是歲玄貳攝提格終病之月望後三日噴叟與客畢  
事于郡城返舟南十里抵從姑山下西望麻姑客喟  
然謂曰麻姑山勝樂僕未能一至吾叟盍相與舍舟  
遵陸一登覽焉時值廣漠風恬舟師弗之許不果行  
客乃快也予謂客曰予夢與容齋湯子遠市劉子益

嘗遊矣山之佳致粗記一二試爲子略陳之賦曰  
縈麻姑之爲山兮鎮南服之要衝壯肝郡之形勝兮  
俯江漢之朝宗聳層巒之齒岸兮吟疊障之穹窿勢  
岌峩而若馳兮羌偃蹇而橫空途有險易丘別卑崇  
石頽頽而將駁土花老而欲封煙骨輕轆雲根葱蘢  
古藤疑鳥雀怪木走蛇龍陰陽迭其代序鳥兔環以  
西東風飄蕭兮斷續霧滃鬱兮溟濛嵌崖半墮絕壑  
猶衆領地靈之歎翁削天巧之崆嶒倒飛瀑之千尺  
灑流沫於長猱擬白虹素練之縈帶方百雷萬古之  
麻姑洞天謠 七卷 龍溪曉樓

春容上而軍山恣其老懶下而女冠遜其纖穠掩四  
顧其蟠屹屹數仞之巔也宜其從姑爲之近侍葛仙  
之所依從爾乃旁觀列岫則有鳳岡獅石曉嶺龜峰  
赤面玳瑁華表芙蓉雖名稱之匪一亦培塿之難同  
此則山之大觀也若夫凌壑礪陟噴噴駘霧應叩雲  
關行也且止是日半山從者有息徒倚盤桓回梯斗  
絕疊登星聯枕流淨漱垂玉遙連齊雲直上仰高孤  
鶯其亭斯翼其扁斯懸語長生則有萬壽之宮事幽  
隱則有桃花之源禱甘澍則有金龍之潭臨嘉釀則

有神功之泉七星列杉獨松開軒卅砂擲米碧地化  
蓮訪詩僧之高墓參仙著於棋盤望三清於廣漠揖  
五老於岑巔信乎匪耳目之所聞見曾不究其萬一  
者焉峰回徑轉路乃平七卽蔡經之故宅建仙都之  
瑤壇道書所謂三十六洞之一榜爲卅霞小有之天  
是爲會王方平之地金杯玉盞孽麟脯而侑瓊筵予  
想夫吐芳辭兮襲人講仙術兮互七閱世歲兮不知  
其幾變唯海水兮三見爲桑田佛清談之近道曾不  
樂此狡僞之言見顏魯公之碑記忠肝義膽照耀石  
麻姑洞天誌卷一  
瀧溪曉樓

鐫鐵畫銀鈎歷唐代而爭妍李說書之有賦風情逸

興亦挽異端嫉虛破幻乃一洗於神仙是皆名邦之

所獨擅中古之所流傳卽更僕而未盡豈傾蓋之能

宜請憑再訂尙俟博觀或庶幾其周旋客曰以子之

言今亦詳瞻然提之於耳孰若紀之於編於是命毛

穎拉陳玄會陶泓染雲箋叙茲山之佳麗紀登臨之

勝迹駢風雲以詠歸睨層雲之遠碧

續刻麻姑山卅霞洞天誌卷之八

郡守四明 鄔鳴雷長豫原監

郡李長水陸 鍵寶府原校

少卿郡人左宗邦景賢編集

東平後學 何天爵從之搜續

瀧溪後學 邱時彬登大校刻

詩

宋

五言古風

麻姑洞天誌卷一

碧蓮池

李觀

碧蓮何歲開我時不得見於今到池上只有紅蓮綻  
紅蓮非醜惡物以多爲賤阿蠻雖解舞不見其妃面

葛仙壇

仙翁猶在時壇上何施設仙翁一去後蔓艸空離七  
下士固大笑言者多不知嗟七天壤內共是枯魚池

魯公碑

他人工字書美好若婦女綺嗟顏太師赴七丈夫武  
麻姑有遺碑歲月亦已古硬筆可破石鐫者疑虛語

驚龍索雷開口唾天下雨怒虎笑圖出不畏千強弩  
有海珠易求有山玉易取惟恐此碑壞此書難再覩  
安得同寶鎮收藏在天府自非大祭時莫教凡眼覩

七星杉

五行與萬類有象皆在天如何彼杉樹反更伴星躔  
予憶古昔意欲媚茲山巔艸木尚有斗人物誰非仙  
栽培自何代衰老今多年大旱不減翠涉春無益鮮  
生當好世界過盡閒雲烟房心欲布政柱石安可捐

琥珀石

麻姑洞天誌

八卷

二

瀨溪曉樓

前有縣大夫取此石爲器器然泰謂予材與工俱美  
如何汝鄉人器用曾莫備無乃居荒陬俗鄙不喜事  
苔云此石堅攻磨動時歲官用財出民民用錢出已  
出民官不知喜事誠可貴出已乃傷財誰能不惜費  
大夫聞此語如有所忿戾今君倡是詩政以報嘉惠

秦人峰

秦法雖甚苛秦吏猶若拙山林不數里俾汝逃得脫  
予觀世上事政役火烈比苟非爲鬼神何計避羈縲  
聖皇今在御百事咸均節常披詔書意苦念生財竭

誰能將順者所望在賢哲無使峰中人笑我民屠裂

虎跑泉

虎跑本何爲彼將對以臆有如大丈夫卓爾抱剛直  
盜泉既不飲譖人亦不食山中小禽獸何足勞捉搦  
勇氣無所泄瓜地成遺迹地神嘉乃誠水源爲開闢  
尋常竊六畜夜傍人牆壁是與豺狼同聞此宜慚色

丹霞洞

山西十數里乃是丹霞洞直上窮雲霓中寬入罌甕  
紅塵生不識明月手可捧人家十里遙泉源六月凍

麻姑洞天誌

八卷

三

瀨溪曉樓

風雨氣勢惡艸木精神疎靈物少形現仙官何職貢  
俗緣易厭薄舊事足愁痛寄語松上鶴他年期一控

煉丹井

丹竈久已毀井泉空獨存此地非常地今人非昔人  
我願刀圭藥輕舉明朝宸一言洗天日萬物歸陽春  
羣仙雖嫉妬使我身漂淪俯視廢井水欲飲礙荆榛  
徘徊片雲下泣涕沾衣巾少壯幾何時且醉尊中醇

凌雲行

張商英 宰相

麻姑何代仙南城有遺壇雙練飛絕巘天風逼人寒

枯螺抱怪石幾見海水乾清都在何許烟霧不可干

宮闕鏤白玉輻輳鷺朱鸞念非麓濁質可以超雲端

冲虛盡塵滓變化生羽翰悠々戚施子汲々營餽餐

頽然碩且大軀幹壓馬鞍奉養恐不至齒髮忽已殘

呼吸一時絕指骸積噴哢騰行望碧落霄露零衣冠

願聞道之妙不用擲米卅人間寧足樂棄去夫何難

葛仙壇

呂南公 謹同  
先生

南峰枕崇坂逕路荆榛稠遺壇在其巔名爲仙翁留

石角已剝泐林芳自春秋誰無骨中塵來縱冲霄遊

麻姑洞天誌 八卷

四 龍溪曉樓

劉 涇 工部  
郎中

謝公好登山折屐第三谷麻姑乃不到頗負登山足

寒杉鳴古壺澗道瀉淙玉筇竹白接離吾將追往躅

其二

溪行愛宛轉石坐憐皺蒼白雲起目前如鶴兩翼張

蛻我衣上塵駕之以羽翔欲攬恍不接身在意飄揚

其三

空山萬幽木彈以終日風無絃自秋曲奏滿天地中

愛之以心瑩聽之以耳聰道人抱琴來此意不可通

元

雲關

揭傒斯 翰林  
侍講

君子荷初服恩至若無榮穆々芳雨散悠々蒼山行

危關擁霧蓋飛術繞雲屏苔蘚滑而積松杉杳冥々

時逢負苓翁忽聞流水聲舉足向益高矯然欲遐征

徒御各怠倦矧彼高人情

國朝

程 洛 尚書  
少卿

麻姑有遺壇迥異千牛谷於焉陟崇坂萬境但在目

麻姑洞天誌 八卷

五 龍溪曉樓

峭壁懸蒼乳卅崖瀉飛瀑仰觀天宇臨俯視雲烟蘊

瑤艸含香風春秋不收綠帶露採靈芝連雲斷肥獨

所資學仙侶宜爾長辟穀泰伯詩尤工南豐碑可讀

斯人已千載後世誰追逐黃堂示新吟貂尾婉相續

夏時正 大理  
寺卿

曾慤刀筆劬聊爲山水行林間江霧收巖激松風鳴

綠蘿分白雲躡磴凌紫清神仙有窟宅伊昔下瑤京

一去渺無期再來誰爲迎麻姑亦應老方平寧久生

無端理忽冥有心念鯨筑既靡煦嫗恩空負使者名

儼然何駢陳對案自屏營舉酒不能樂撫景徒馳情

羅倫修撰

王風一委地異端乃橫行鳳鳥久不至蛙蠅紛吠鳴  
風雨晦白晝虹蜺橫太清使君遊丹霞道士吹紫笙  
玄鶴自天翔仙犬花開迎使君謂道士當寧憂蒼生  
老夫荷天澤痼哉此孤筑因觀魯公碑豈慕麻姑名  
王事傷靡盬載驅用經營黃冠亦黔首慰我萬古情

其二

魯公忠義心曾子春秋筆兩公天地間千古雙白日  
麻姑洞天誌

入卷

六

龍溪曉樓

伊人無遺文麻姑今已失麻姑在何處吾道未得一  
嗟七劉張輩亦此留遺跡人生盡自重歌竟長歎息

左謙贈御史

自分山澤癯棲遲第三谷閒遊麻姑山佳境空心目  
中天削芙蓉垂地瀉飛瀑虹橋跨靈湫仙觀樓觀盡  
星杉雖已陳松筠自寒綠香風吹碧蓮耳雨肥黃獨  
欲從學仙侶相與事辟穀緬懷方平翁顏碑良可讀  
鸞鶴逸青霄烏兔空馳逐滄桑幾變更勝會何時續

左贊廣東布政

散步癸水東諸峰削玉迢上七星巖虛明貫山腹

玄洞何杳冥攀緣入紆曲宛若清夜遊歷覽資秉燭  
石液結晶瑩天香散芬馥陰風起靈湫疑有蛟蜺伏  
振衣棲霞巔俯仰豁心目滿城樓閣重天外峰巒盡  
沃野田有秋重江抱寒綠載愁雲鶴厓絕勝坐華屋  
高歌送清觴曉色在林木翩然駕輕車回途轉雲麓  
留題愧後塵茲遊會當續

謝士元都御史

縱策入烟蘿縈迴度空谷更上齊雲亭憑高眺雙目  
麻姑洞天誌

入卷

七

龍溪曉樓

岩泉挂晴虹恍惚蘆瀑仙子多樓居棟宇雲間盡  
野鶴唳還飛瑤艸冬更綠山神著靈響敬畏予所獨  
於焉舉禋祀祈年介嘉穀筑上魯公碑昏訛猶可讀  
義烈感精神直欲相追逐載誦秦伯詩謝古誰能續

陳道荆部尚書

簿領日旁午余懷苦膏肓騰職思寧敢廢駕言及游登  
節宣私有適慰此徒僕怡肩輿度嶮屹仰手摩青冥  
羣山羅培塿奔濤溢原陸村郭猶釜孟一水遙相縈  
垂堂昧懿戒超忽貽戰兢歛歛珠璣龍湫殷雷霆

巖雲襲衣袂迴颺吹瑤星松杉影飛閣洞石欹欲崩  
沿流入廣殿虛廊接峻峭何時麻姑仙息吸茲惡陵  
應響竊化推至今燭香燈行觴擗麟脯傳者恐未經  
蓬萊水清淺極望迷滄溟問訊黃冠流門裏自屏營  
撫景久延佇萬感驅羣魔迺發長嘯古人悲獨醒  
役役聲利場焦火復凝冰小智敵大造紛披亂蚊蠅  
拂壁辨題衡半已歸幽局名教有餘樂哀榮互相乘  
黃鶴恣高舉咄哉弋人矰且吸清冷泉餘我丹府靈  
彷彿聞步虛脩七雜竿笙

麻姑洞未誌

八卷

人

瀧溪曉樓

王用政封主

尋幽訪仙人遶七洞雲深洞中晝寂寥仙人去無音  
好鳥聲聞關洞泉鳴瑤琴道傍艸木花紅紫聯清陰  
仰觀秦人峰徃察萬古心且以豁天宇且以舒煩襟  
悠哉恣吟趣胡爲望仙岑無端世慮忙從渠自浮沉

顏碑

無名氏

魯公一片石字畫金玉壯羣蛟掣鎖鉤萬馬自奔放  
忠骨老研磨彷彿叱賊狀金閭禦神姦玉鎮光寶藏  
常令鬼物護永使山氣王此石如不朽萬古足瞻仰

王獻之戶部  
其外

訊仙上麻姑寒日暎遠林屈曲翠層崖白雲迴且深  
翹首半山上升感遠情難任羣峰障遠道冷七雙瀑吟  
美人隔吁江誰爲和好音且酌神功泉惜哉離同心  
其二

仙都有蒼松鬱七何續紛倒懸若翻飛翔成鳳文  
孳枝團結益挺七高入雲高谷號霜風凜七呼三軍  
雪霜侵不受勁節無冬春古藤七星杉零落空離羣  
蔡渺何許偃蹇獨此君

麻姑洞未誌

八卷

九

瀧溪曉樓

其三

下避秦人源中遺桃李覓仙樓烟霞朝夕後蘭芷  
棟形凌太清屏息斬發齒昇冲雖茫然營七安可恃

蒲澤山西  
食事

異境愜茲遊雪山欣昔日幸逢五馬賢遺我一綈屐  
披雲凌絕磴汲石逾半壁飛泉道落珠羣峰森列戟  
淵底桃花源路阻子可適仰瞻麻姑祠亦逸仙人迹  
神木含清輝烟嵐搖空碧高秋延賞心蕪筵破羈積  
矧復值二妙相攜典無斂



劉源舉人

出郭謝塵鞅  
瞻言渺深遊  
危亭屹山腰  
爽氣凌高秋  
玉龍從何來  
噴激雙瀑流  
神功溢玄寶  
芳潤餘丹丘  
綿邈千載人  
俯仰不可求  
剔藓驗古刻  
炳七道故修  
乃知匆匆外  
有此脫屣儔  
舉世何勞七  
甘彼山靈羞  
振衣千仞岡  
攬結杉才樛  
一笑動寥廓  
別領長生謀  
宋

登麻姑山次陳屯田

李觀

良友嗟塵網  
相欺物外遊  
求珠非赤水  
不死是丹丘  
麻姑洞未誌  
卷一  
十  
龍溪曉樓

機上麟交辦  
樽中蟻亂浮  
仙家一度醉  
人世幾千秋

藥氣多留鼎  
茶香細出甌  
堯天方曠蕩  
容易學巢由

觀麻姑瀑泉

蘇祐  
提學副使

夙夕慕奇賞  
况此佳山水  
雙劍劃雲壑  
飛泉落雲間

天漢欽昭回  
瀑布一何鮮  
刀尺何所施  
機杼將無門

安得裁爲衣  
常服出塵寰  
挽之不盈手  
躑躅起長嘆

登麻姑半山亭

陳肅

躑躅上高山  
亭在半山側  
猿鳥戲層雲  
煙霞含秀色  
須知名利心  
到此堪俱息

瀑布泉

山高激迅湍  
清振林下響  
飛雪濺千巖  
白虹垂萬丈  
來此坐移時  
森然毛髮爽

桃源洞

輕烟絲浦溪  
天桃紅夾岸  
春風吹百花  
香逐春風散  
花落與花開  
年光不知換

七星杉

峭石七星杉  
凌雲勢森聳  
月照林影寒  
風起龍勢動  
高低松檜枝  
環如衆星拱

麻姑洞天誌

卷一

二

龍溪曉樓

碧蓮池

愛此東南池  
澄湛通泉脈  
昔日碧蓮根  
香英今變白  
顏色本神仙  
霞衣無定格

流杯池

積水環巨石  
石面如砥平  
當知達者心  
來此浮杯觥  
酒中有賢聖  
常願娛閒情

國朝

春日再登麻姑山

王材  
紫西

春懷不自遏  
日擬前山秀  
攀躋甫涉句  
幽討不嫌又

陰晴日無準油壁發清晝屯雲出重峰望望若聯驟  
郡山迤隱顯依約見雙溜延廻叩雲關牽繞出風岫  
盤旋半山亭急雨灑觴豆前行止觀瀑午日始穿溜  
兩川並游龍千畝錯文繡晴雲忽孤生咫尺若相就  
頃刻萬里程幻化難究虹橋下鳴壑神功絕清竇  
感此淨心骨爭先劇沾漱平嘯道淵林小有聽松奏  
不知日已晡尚欲窮玄圃賓主共忘疲明燭坐宵漏  
詎惜歸途艱田燈轉星宿

觀麻姑雕雄泉

帥機知府

麻姑洞天誌

十一

龍溪曉樓

比翼猶中垂兩星苦阻隔未若茲雙瀑妙合流不息  
既同合權枝亦類洞中石終古無分違造化詎能測  
壻水應可召女泉豈雕飾盤礴善信女棲游肥遯客  
想見麻姑踪佩玉原泉側素質游太清縹緲不可覩

麻姑仙壇六詠

萬言策左長史

葛洪井

古井斷山根一泓浸寒泚素練引不枯言通滄海水  
中有仙人卅老龍吞不死

熙寧鐘

蛟螭擎兩樂上有熙寧字誰鍾警晨昏蒲牢吼天地  
諦聽了不聞豁然玉山醉

紫陽墓

御葉鬱青葱下有紫陽寔醺酒招不醒山鬼走薜荔  
神仙塚壘七牛山更何淚

詩僧墓

詩僧秘姓名若莽道傍墓杯土落平舍觸骸化朝露  
落日木客吟如聞月明句

雌雄泉

麻姑洞天誌

入卷

十三

龍溪曉樓

鬼匠刻石峽奔湍何壯哉兩七匹練垂澗沫飛瓊瑰  
定知雙劍化日夜號風雷

半山亭

危亭一以眺已自出人間白虹挂厓隈秋聲落滄浸  
踞石有深興夕陽猶在山

雲關

鄒矩

朝從雲關遊暮向雲關宿仙人駕雲車遺我雙白鹿  
誰吹紫鸞笙清響在雲谷

垂玉

垂玉真如玉應過百尺長挂空寒映月着地冷成霜  
漁舟如可奈此地落花何

五言絕句

步雲亭

葛焜

本府通判

坐隨雲起時扶藜縱開步出岫亦無心徘徊日云暮

太古亭

山靜絕塵囂恍若羲皇世孤松老澗阿不受秦封制

半山亭

何濤

一亭結山腰面七青可玩開眼見全華何人分我半

麻姑洞未謫

卷

十四

歲溪曉樓

瀑布泉

瀑布挂長川淙七寒玉瀉徐勢亦剩吟合置廬山下

魯公碑

山骨亦自泐殘碑千載餘摩挲細讀之貞心照瑤瑤

三賢祠

由來蘋藻心景仰差可識薦罷撫松陰蒼七落祠側

桃花源

溪頭片七花沿同此真導冲襟日與遊不必漁郎到

七星杉

鄭允璋同知

星杉日月長偃蹇縮龍態星躔映枝柯風霜增氣槩

半山亭

譚律教授

欲辟塵土心躡跡麻姑上纏到半山亭清風高萬丈

鄭嶸眉州知州

驪山多道亡峯迥期相保顛危此息眉一壺千金好

其二

行樂此流觴豈顧名垂朽草茵山水清不說蘭亭酒

桃花源

陶廷夔逸士

桃花千樹開流水一泓碧我從躡屐來照見春顏色

麻姑洞天誌

卷

十五

歲溪曉樓

碧蓮池

平厓一沼開丹七荷花綴不似舊時紅碧湛崑山玉

流杯池

一泓清且寒疑是秋無底有客共傳杯沃我心如洗

七星杉

古木垂蒼翠涼陰夾道傍夜深涼月上窺見七星光

續刻麻姑山丹霞洞天誌卷之九

郡首四明鄔鳴雷長豫原監

郡守長水陸 鍵實府原校

少卿郡人左宗鄧景賢編集

東平後學何天爵從之搜續

龍溪後學邱時彬登大校刻

五言律詩

元

黃鎮成

麻姑洞天誌 九卷

龍溪曉樓

經巖寒聲浸陰堂翠色交樹書摩藓石炊黍拾烟梢

瀑落接龍洞雲歸傍鶴巢未能招我隱何用解人嘲

國朝

雨後過仙姑壇二首

胡松 江西巡撫

風塵勞望眼聊復問仙源瀑白遙連樹川迴曲抱村

道人鳴法鼓小吏上哺飧坐久忘機事江鷗靜不翻

其二

軍需紛狎至蕪塞此心源命駕聊謀野穿林遠過邨

泉香仙客飲孤熟野人吟歸露微颺動新荷隔水翻

趙 禧 福建泰寧

名山招勝覽契合聚三花野簍供春笋神泉酌紫霞

後風生巖角銀燭度懸紗飲罷清虛境松梢挂月華

趙 禮 浙江副使

獨上麻姑嶺參差樹杪烟鳥飛塵境外人任洞中天

白練飛晴雪黃梅落野田步高還有路何處覓真仙

謝士元 本郡太守

愛此清幽境示冠雜還來勝遊聊復爾仙跡信奇哉

山果充遺實林花落酒杯醉來頻眺望贏得壯懷開

麻姑洞天誌 九卷

龍溪曉樓

胡廷玉 臨清人

久慕姑仙迹登臨望眼開壺中歲宇宙若下宿風雷

碑斷頭頭剝松高鶴伴回青天深夜月空自照壁臺

余 濟 南城知縣

麻姑奇勝地佳景迥難群綠樹啼黃鳥青山住白雲

花當流水落路向小橋分歸興笙歌裏匆匆已夕曛

徐同愛 御史

愛此麻姑景來遊每忘還路通青嶂外人語白雲間

壺殿輝金碧松泉響珮環塵塵戀未脫安得一段閒

邵 孫 工部尚書

亭依青嶂曲路出綠蘿間泉聽雲中珮峰看霧裏鬟  
風塵初曠遠花鳥各幽閒落盡西林日遊人始擬還

其二

景與情俱勝人歸酒未闌與分秋籟爽橋倚晚涼寒  
石鼎詩中紀蘭亭圖裏看好山遊欲遍東望眼初寬

張 恩 布政使

拄杖攀雲上晴風面七羅探奇春在此覽勝意如何  
嶺峻窺天近潭深得月多晚來龍出沒不厭雨中過

麻姑洞天誌 九卷

主

流溪曉樓

其二

蘿磴盤空上春來作勝遊野花藏近渚真鏡在遶  
雙瀑奔流合群峯簇翠浮閒尊塵跡迥疑是在蓬丘

其三

愛汝仙岩淨來尋邵老方藥開春自茂丹井味偏長  
宿霧凝猶涇浮雲去不忙胡麻泛流水未許俗人嘗

丹霞洞

曾 輿 本郡太守

塵土夢中夢丹霞方外方十年愁鶴老千尺憶松長  
客賦傳來好春光有底幽尋還欲到五酒共誰嘗

遊麻姑山 和韻孔 殷邦憲

夏良勝 太常少卿

料爾年家舍風譚一座秋道形先石樓清響振山樓  
花趁雨爭發魚親人自浮信渠兼隱吏相與爲時謀

其二

誰云冠蓋侶也自解忘機高誼悲萍梗官資略顯微  
泉從石溜下雲與鶴兼飛落日霞穿徑歸來盡染衣

遊麻姑丹霞和韻

張千岸 通判

仙壘踪跡古風景異他方萬馬羅雲遠雙虹汲王長  
披襟祛俗慮岸幘看農忙盤薦細生菜開尊對客嘗

麻姑洞天誌 九卷

四

龍溪曉樓

其二

一入麻姑路扶筇覓舊遊倚天瞻鶴嶺側石聽龍湫  
潑雨松珠細敲風竹韻悠谷深人跡少蕭瑟萬山秋

其三

姑山削秋宇先九此登凭蟠踞雲霄落虬龍風雨經  
絢衣憎石角把劍怯山靈菊釀寒仍綠籃輿醉復醒

其四

一覺麻姑夢神清思不禁天空來萬籟谷迥著孤吟  
翡翠樓雲穩殿紅落雨深乾坤雙屐健還有步虛心

遊麻姑和韻三首

王珍

尋幽來此地選勝到山房竹密風聲迥松高日影長  
烟霞淹杖屨歲月寄壺觴道士開調鶴茶烟午過墻

其二

城郭無多地山林引興長白雲眠羽客流水問漁郎  
瀑布凌風振胡麻鼎露香方平今去後人世幾滄桑

其三

谷虛聲覺別山迥路難窮鐘鼓千村曉旌旗十里風  
松濤深院落竹影半堦籠甕裏春方綠何能竟日空

麻姑洞天誌

九卷

五

瀛溪曉樓

和陳九臯登麻姑山見懷二首

王村祭酒

松下坐餘暉天韶細可聞喜探玄圃勝眞見碧蓮芬  
瀑水飛寒雪巖泉酌夜雲瑤池看寶劍耿々動龍文

其二

林沼開玄境桑田在碧空步虛疑犯斗羽化欲乘風  
萬界浮雲下孤吟疊嶂中何時共知已酬詠卧芳叢

少農子

翠拔羣山外清涵石室幽雲連飛鳥道雨噴古龍湫

芝艸千年紫桃花幾度秋麻姑仙勝地何必問瀛洲

鄭允璋

醉愛麻姑勝携壺榼再遊野青春足雨雲淨客登樵  
瑤艸何須問仙人不可求魯公碑尚在讀竟思悠悠

遊麻姑山

岑萬江西參議

飛蓋碧山巔良遊未偶然風泉雲外落星劍日邊懸  
龍卧初收雨鴉栖欲暝天仙姑招不得蘭佩隔疎烟

鄭世威江西僉事

遠上寒山巔溪風爲颯然恍疑仙女度應是客星懸

麻姑洞天誌

九卷

六

瀛溪曉樓

瀑水下霄漢明霞浮晚天松蘿無限意獨立在蒼烟

朱廷臣邵太守

遙遞陟危巔心眸頓豁然風清靈籟動瀑挂玉河懸  
揮塵遙分野凭闌俯瞰天恍疑身羽化聲響落雲烟

陳克昌本府同知

飛瀑日觀巔公餘意豁然緩山堦代古仙跡市城懸  
兩度臨秋景三年任謫天松風倚歸鶴回首隔暝烟

李芳本府通判

信步白雲巔神仙事竊然流霞憑水送殘日戀峰懸

未會長生術那知不老天歸禽亂人思啼破隔江烟

方 明 本府推官

銀漢倚雲巔登臨興酒然松圍輕鶴睡石險點猿懸  
梨棗封丹竈乾坤老洞天姑仙靈氣轉瑞艸又生烟

黃 茂

笑兀翠微巔登臨思爽然孤松立鶴舞雙澗白龍懸  
地僻路多石山高風滿天丹泉殘照裏漠々但浮烟

劉志學 新城知縣

乘閒上翠巔雲樹遠茫然幽洞風偏峭長蘿月倒懸

麻姑洞未誌 九卷

七

澗溪曉樓

一橋橫度澗五老欲參天陰底仙人去爐生雨後烟

范 沂 彬州知州

足躡紫峰巔塵襟頓灑然風聲松頂撼雲脚嶺頭懸  
玉露凋殘暑清秋爽碧天葛仙丹竈冷衰艸伴寒烟

鄭 夢

隨葢入層巔仙踪此杳然削金峰獨轉倒練瀑雙懸  
降氣空中生觀風雨後天舞雪歌正好簫管隔林烟

陳 善

振步上危巔憑高思惘然萬松孤鶴唳雙瀑半匡懸

洞冷凝秋色雲深訝曉天恭經何所在故宅已生烟

陸煥章 本府檢校

步入麻姑境入間好洞天高山一平地飛瀑兩危巔  
碑刻封春藓爐香裊暮烟當時仙不見遺跡尚依然

王 伴 新城教諭

春風隨竹杖扶我上麻姑自練垂雲漢青山列西圖  
洞深龍穩卧林密鳥頻呼覽勝歸來晚空天挂玉壺

李萬寶 舉人

觀列藤蘿外風藏霧竈中荒池蓮上碧枯井藥能紅

麻姑洞未誌 九卷

八

澗溪曉樓

壇冷洞雲合碑殘石藓封寒泉迴一線疏鑿似神功

其二

仙蹤元恍惚真境本風神金碧猶傳晉峰巒尚姓秦  
亭虛鄧落照樹暝裊清塵記得歸時路江村月色新

趙 耀 舉人

云路羊腸遠遙瞻小有天花飛春欲滅竹泉日高懸  
野曠虛丹竈源深瀉碧泉峻嶒樓閣渺身在五雲邊

饒中穎

地僻人烟斷山空鳥語諱好風生杖屨細雨壓塵沙

綠映高低樹紅迷遠近花林中見雞犬咫尺是仙家

九月朔日遊麻姑山

童思善 知縣

爲覽名山勝登臨歷幾重練光浮野水巒翠隱崖松  
曉霧征衣濕仙壇石鮮封青鞋披兩徑疑我跨蒼龍

半山亭觀瀑

孤亭標絕壑嵐靄上莽苔葉灑峰頭雨瀑翻谷口雷

橋迎神女近山抱洞天開晚日更延佇林深猿嘯哀

遊麻姑山次韻

葛 斌 本郡倅

客思牽歸思山遊亦宦遊神仙應有宅景物最宜秋

麻姑洞天誌

九卷

九

瀧溪曉樓

素練雙虹合神功一勺流窮源訪王蔡何處是丹丘

和葛伯剛別駕

張 嶺 工部郎中

探奇欣獨往問俗摠良遊野鶴松壇午巖花古殿秋

酒因王遠造泉待葛洪流歸路霜林月依稀似聞丘

登麻姑山二首

楊武烈 本郡司李

出郭觀農隙尋幽結道盟門蘿探十地據石證三生

木落風初峭峰喧午正晴何妨歸酹酌月伴馬頭明

其二

十月陽春候前林半蔽虧卅楓遮谷口白鶴落江沂

漸壁高雲度孤亭晚照遲君懷須社稷吾欲借禪棲

遊麻姑山二首

汪之彦 本郡司李

把臂林亭上霜空萬里間檻疑天上倚槎是斗間來  
簿領聊同社琴尊得藉陪可堪脫塵鞅長占水雲隈

其二

蓬瀛何必問此處亦壺天雞犬烟霞古亭臺日月偏

晴虹明極浦錦樹挂前川幸際昇平世恣遊興灑然

從龍門橋下窺秦人洞

程 鉉 山人

薜蘿烟裊七流水石鄰七苔色日猶古巖花春到新

麻姑洞天誌

九卷

十

瀧溪曉樓

幾曾知有晉何待更逃秦會欲移家去難逢洞口人

五言排律

國朝

陳 旒

久慕麻姑名今晨試一登峰巒千萬狀石磴幾多層

挂巖烟霞繞松亭紫翠疑塵清疑世隔地迥覺身騰

谷響聞天籟風高借海鳴仰扳星斗近俯視澗波澄

古洞龍嘘氣危巢鶴墮翎咸遷山不改仙去事何憑

泉列堪爲酒雲間可結朋尋幽懷易遣遯世笑難能



興到詩題石狂來氣拂席斯時無思意繁日少長卿

鄭尚爵 丙子上進

飄七青衿客拂袖紫陽巖桃實千年結溪流九折旋  
卅砂收玉井飛瀑滾銀泉瑤艸生寒澗靈芝茁暖田  
蒼童頻論茗羽士細譚玄揮漢峰凝秀橫橋水細湲  
笙簫千古夢星斗幾家天縞服雲間鶴瓊裾洞裏仙  
煙霞迷醉眼木石養真顏松吼龍吟壑筠瑤鳳翥軒  
圍爐消永日落筆賦長篇山鳥催歸騎騎翁挽去轅  
清遊追勝蹟身在碧蓮邊

麻姑洞末誌 九卷

十一

瀟溪曉樓

余希周舉人

新服裁春苧佳遊入小瀛望高遙落騎步早尙留星  
林密羅青霜花繁獻彩瓊剛逾銀瀑處忽聽霽雷聲  
障岫疑風磬臨亭訝水晶雙螭下雲窟六山亂烟屏  
已樂棲真境無勞憚遠程攀蘿百步上飛澗一橋橫  
松澗瀟七雨龍吹細七吟泉碑寒竇豎石髓沸岩騰  
確輒旋憑水山容峭越名逸泥高紫藤芝艸雜黃精  
硃玉神司守琅玕樂奏笙脯麟宴何在解脫事難憑  
嗟昔峰爲王誰人巧避塵碧桃含笑語翠竹弄輕盈

絕壁筍科出懸崖樹倒生七星依斗欄五老對姑明  
華子圖前思顏公祠下情千年聞見異孤夢抱懷清  
怪底神遊極翻憐詩謾成聊隨珠玉韻短述詞長脍

張華監生

選勝拉知已探奇入此山世場宜小憩絕頂登高攀  
古蹟通仙險羸駒行路難已臨雙瀑處剛過半山間  
猥鴉聲傳迥風花色轉殷荷錢新剪水荇筆忽成斑  
刻竹興何劇聽泉音自潺誰云超物外應不在人寰  
未擬蒼松夢猶疑玉珮珊珊霞呈晚彩碧溜注清灣  
麻姑洞末誌 九卷

十三

瀟溪曉樓

詩疎吟肩瘦嵐侵病骨寒旋嘗青角豆蒙拔白華菅  
世事驅人老春光笑我閒童顛飛羽客了髻挽雲鬟  
汲澗供長渴携尊壯醉顏夢周思獨寐志孔學頻刪  
返照紅將飲重陰翠欲環懸非匡國器喜健振霄翰  
回首江天澗乾坤任往還

初冬陪初陽叔祖及諸叔遊於長旦叔此松館  
中時 鄭郡尊新葺此山因有感賦此

鄭之文 王事

門蘿既登賴藉艸復躋攀漠七水田秀蒼七石鮮斑

人家青嶂裏雞犬白雲間峰外芙蓉麗池邊蘭蓀暖  
 莓苔封古洞風雨護玄關履屐宜追謝看碑共覓顏  
 卽知仙閣改彌覺郡庭閑時郭郡公蒞任匪歲政簡  
 鑿翠應須記庠崖倘更刪先是郭公蒞任匪歲政簡  
 危梁高巖嶭急峽響潺湲雨宜觀水憐予已出山

麻姑洞天誌

九卷

十三

龍溪晚樓

續刻麻姑山丹霞洞天誌卷之十

郡守四明鄔鳴雷長豫原監

郡李長水陸 鍵實府原校

少卿郡人左宗鄧景賢編集

東平後學何天爵從之搜續

龍溪後學邱時彬登大校刻

七言古風

宋

曾 鞏

麻姑洞天誌

十卷

一

龍溪晚樓

軍南古原行數里忽見峻嶺橫千尋誰開一徑破蒼  
 翠對楡松栢何森々危根自送古厓出老色不畏莓  
 苔侵修竹整々儼朝士下蔭石齒明如金遂登半嶺  
 望城郭但見積靄紫江海岡陵稍轉露樓閣沙莽忽  
 盡橫園林秋光已過花艸歇寒氣况乘巖谷深我馳  
 輕輿豈知倦倏忽遂覺窮嶽崱龍門誰來此中鑿玉  
 簡不記何年沈杳聲可聽真衆籟泉意欲寫無瑤琴  
 斗回地勢平如削罷極百頃黃參差洞開三門西出  
 路却立兩殿當厓陰深廊千步抵巖腹桀木萬本摩

天心碑文磊落氣不俗筆畫縹緲工非今世傳仙人  
家此地天風冷也吹我襟今人豈解不老術可怪綠  
髮常盈簪根源分明我能說一室傾倒輪琅琳清高  
既不擁耒耜方壯又不持戈殫我丁軾軻豈暇議直  
喜虛曠開煩襟清謁出口若先指白酒到手無停斟  
山人執袂與我語留我領我山中禽玲瓏當牕急雨  
灑窈窕隔溪孤笛吟未昏已移就明燭病骨夜宿添  
重衾神醒氣王白無睡到晚獨愛流泉音起來身去  
接塵事片心未省忘登臨

麻姑洞末誌

十卷

二

龍溪曉樓

丹霞洞

麻姑石壇起雲霧常意已極高峰巔豈知造化有神  
處別聳翠嶺參青天長松桀桢枝鬼祠中畫一道如  
流泉林風颭颭滿丘壑山鳥啾啾凌飛烟山腰古亭  
豁可望下見秋色清無邊忽驚陰厓勢回合中抱幽  
谷何平圖初誰鑿險構樓觀更使繞合開芝田令人  
到此毛骨醒欲拚老筆丹青傳羗夷干戈今未解天  
地瘡痍誰能痊大厦棟梁置沙莽肯後顧盼榆與枵  
吾徒於時直何用欲往未得心茫然

顏魯公

胡舜舉 宋知軍事

立廟本來皆可紀凛然英烈殆天啓年垂八十官太  
師平生所欠惟死爾分其一死鴻毛輕舉世俗何  
由曉誰知我公本不死眉間生氣齒嶢嶢堂七十老  
皆人傑逢辰遇合復與契儼然玉立配我公忠義文  
章兩奇絕我來摩挲讀豐碑扛鼎筆力猶精奇定應  
神物常護持勁直千載垂良規

國朝

朱俊亨 御史

麻姑洞末誌

十卷

三

龍溪曉樓

白雲悠悠滿空谷道人掃雲結茆屋茆屋門深歲月  
長獨向此中睡正熟洞門沉沉春滿牀去來只在白  
雲鄉睡甜不怕衣裳冷夢覺空餘枕簟涼須臾雲去  
無留跡門外落花紅覆石道人起來着雙屐孤鶴一  
聲四山碧

觀瀑亭

秦 夔 本府太守

麻姑之泉天下名有泉不可無此亭作亭觀泉亦偶  
爾解使俗眼常醒也奔流直下蒼厓裏千丈玉龍飛  
不起萬古長流無盡時吾道淵源亦如此鏗金碎玉

聲嘶已恍惚誰我匡廬問銀河句好續不得日暮悠  
然騎馬還

王綸 江西泰議

麻姑山頂摩青天麻姑山麓騰青田青田鶴唳青天  
外千年一返來翻七胡然飛到藍輿前問渠曾見麻  
姑仙嘹々仙學山人語乃見仙蹟非真傳麻姑本是  
少年女生來不喜結凡緣搗霜茹雪尋了悟離塵居  
傍翠巖邊凌風歸化無何有想陪王母閒遊延此去  
蔡家幾十里謫器久已雜人烟假使方平得仙術五  
麻姑洞天誌 十卷 瀧溪曉樓

四

瀧溪曉樓

龍車駕誰牽連麻始如在果修絮肯從男子坐瓊筵  
爭如麟脯不易得未必滄桑幾變遷卅粒元非  
米脫形無爪豈成鞭况當蔡經死廻後迷惑如發夢  
中顛從來幻境多縱誕托寓難憑信稚川魯公素見  
最鯁峭紀山却乃揮長篇一時造典適偶爾當年遺  
跡空茫然溫嶠犀應照昏渚吳剛斧欲斨荒嶺但見  
白雲封丹穴亦有清波漾碧蓮石闌斜倚看鳳舞水  
簾高捲喚龍耶玉哇雲冷靈芝老酒泉春醉桃花馮  
世事情騰自今古雌黃遮莫輕譚玄寄語山靈休怪

鶴含羞久鎖洞門烟安得風伯掃煙盡更攀月窟問  
嬋娟

萬縉

姑山自昔稱名山山中風景非人間平生夢想不得  
到宦期此日同躋攀步入蒼苔一徑小東風滿路聞  
啼鳥瀑布倒瀉銀河秋丹霞遠映洞天曉詩僧一去  
知何代惟有孤墳今尚在麻姑一笑來相迎却道桑  
田變滄海嗟峨殿閣凌穹蒼碧桃開遍花芬芳夾道  
松篁多翠色蒲田芝艸生春香尋幽縱賞情何極落  
麻姑洞天誌 十卷 五 瀧溪曉樓

五

瀧溪曉樓

伍餘福 本郡太守

谷口揚塵知不知麻姑幾見今何之從官大將列車  
馬七月七日維其時蔡經王遠各驚詫日高風動揮  
旌旗金盤錯落擗麟脯三杯倒吸神功池神功自謂  
泉如玉流入東郊滋百穀爲風爲雨灑秋寒化作江  
潮蒲魚腹彭蠡開天圩毋屏蒼龍夜叫山鬼驚月臨  
于千歷卯酉如潮如汐何時平東連吳頭西楚尾靈  
境高上神不語輟奔自茂宿星塵諸侯境內非私旅

古來五嶽各有神陰陽呼吸秋又春宮商奏嘏冊霞  
觀醴泉膏露先吾民世稱要父曰弗恭舛錯儀文多  
逆祭猶有齊人幸配封暮類晉惠三月繁昔也失禮  
今順山何謂何實何須拔靈神陟降自左右燔柴紫  
氣乾坤間山乎山乎神仙府白鶴飛來今亦古願言  
歲七保金甌吾亦尋仙老江詩

朱廷臣 本郡太守

寰中何處無佳山麻姑名山播兩閭峰巒聳挿霄  
漢巖洞蟠結乳龍開我辭金鑾握鉅虎下車共誦真  
麻姑洞天志 卷十 七 瀧溪曉樓

仙府公餘拉客時一登石磴連雲僕夫若攀躋絕抵  
半山界俯視諸山盡羅拜閩粵荆吳眼底分少憇已  
覺情怡快直探洞府窮雲谷瑤艸琪花炫人目琳宮  
隱約罩煙霞靈鷲相將候喬木入門展拜禮遺仙別  
是人間一洞天杉松迎風奏靈籟猿鶴上下還翩跹  
編求古蹟恣清賞顏公遺碣重穹壤摩挲苔蘚時讀  
之瑤池仙會誠非同聞說回鸞帝清問願祈帝澤紆  
民憫天馭銀河洗炎蒸醴泉金古傳嘉醴羽人拜我  
旌旄輝更道三忠曾寄躅至今祠宇倚山隈當年秉

麾或提籙我言勝地天所鍾神仙豪傑留高踪因歌  
短篇紀歲月却笑浪迹如飛鴻

登麻姑山

王 度 本郡太守

予鄉稱勝爲天台石梁橫架如天開綵虹玉鍊世跡  
觀炫奇結巧人驚衛一官薄繁肝江上却有麻姑高  
在望不教案蹟苦勞形秣馬眺臨懷藉放言訪桃源  
洞先度龍門橋古松偃蒼翠雙瀑聯珉珞洞門依舊  
挑千樹橋枕石梁凌紫霄白泉似龍挂天外蒼松六  
月飛涼颭挹神功誰釀酒問麻姑今去久仙人樓觀  
麻姑洞天志 卷十 七 瀧溪曉樓

結雲霞仙人衣袂羅星斗莫言劉晨阮肇若荒唐此  
事意來宜未有相傳豈是蔡經家得道方平徒浪傳  
誰解劈麟作仙脯誰能擲米成丹砂鸞輿鳳輦誰復  
挽爭如石溪深處流胡麻無詫桑田變滄海從知世  
事多更改赤松誰與遊往說流千載未是商山翁紫  
芝空采七竭來幾度總懷貧却有魯公碑碣在何須  
踪跡問神仙豈令幻妄乖真宰獨立空山一嘯呼山  
中飄拂山雲鶴

紫陽行

鄧元錫 明徵上翰  
林待詔

神仙可聞不可見顏公下筆傳仙面蔡郎學道得蛻  
形化去千年重此宴王仙乘舛控鶴駕几馮玄雲自  
天下麻姑須臾亦相值以青麟脯酬良夜月沙俊會  
不可言海水清淺三千年豐碑落七傳遺事秉燭夜  
讀心茫然若道神仙如有路紫陽那得仙椒墓

卅霞洞天歌

顧聖之 山人

仙家洞天三十六自是卅霞擅三谷天外疎松羅七  
星日邊飛瀑垂雙玉一人雲關山幾重石潭深處藏  
金龍繚繞難窮葛仙嶺崔嵬空望秦人峰橋經三峽

麻姑洞天誌

十卷

八

瀧溪曉樓

平如砥千岳萬壑秋凝洗池留靈蹟生碧蓮泉著神  
功出井醴傳說麻姑遊太清桑田滄海屢變更曾登  
越橋會王遠嘗到吳門訪蔡經仙真幻去宵不返茫  
茫日月過飛輦塵起猶嫌瀚渤揚水枯誰覺蓬萊淺  
聖朝封建高漢皇世家亦壞承三王禮樂河間富典  
籍鄒枚梁苑誇文章當時七國逞驕秦平陵中土饒  
氣樂傳經設醴古昔聞煮海鑄山今安在狂夫自是  
巴人流郭歌難和愧遠遊淮南未結八公黨鄴下還  
同七子儔劉安雞犬無消息何當予建接顏色兔園

百世成美譚鴻寶千金寧易得仙人只在天地間卅  
霞重作緱氏山拂衣願隨王子晉向月吹笙時往還  
登麻姑山仙壇坐龍門橋觀瀑作

朱明鍾 益興國將

山靈巧役鑪錘手琢出麻姑古洞天五老秦人長不  
死卅霞霧應相縈聯雙縣白練空中挂珠簾撒向龍  
門瀉千尺蚪松摩絳霄雲影嵐光爭上下絕巔獨有  
奔雲臺遙望飛爐亦快哉滄海桑田今幾許化工豈  
川人安排我來登眺足幽賞一吸神功肌骨爽方平

麻姑洞天誌

十卷

九

瀧溪曉樓

去後杳無音月下高歌時撫掌

游麻姑歌

楊百里 逸民

征客移家仍狂態麻姑望裏盈七在小洞天仙者  
開開來便是別世界方平仙姑一何奇千載誰人續  
此會一事無關悠七人言游忽覺乾坤大秦人峰頂  
上挿天瀑布之水飛如帶龍門橋畔短歌聲不知今  
日何年代蓬島冰壺卽目前昇騰變化豈心外鄉雲  
皎日無盡春我思宇宙人同快

麻姑行

程可行 徽州人本  
縣二尹

麻姑洞天誌

十卷

十

龍溪曉樓

麻姑翠巘做滄洲披拂天風四望收懸崖瀑布三千  
丈噴激驚濤石欲流玉嶺雙飛真可羨滄茫莫測伏  
龍湫聽泉元坐卅臺久鬱紛一洗了無愁往聞驪姥  
圖南飲典明亦步紫虛游况復仙壇欣有托細惟王  
蔡可同侍領上白雲堆萬頃岩前耳體駐千秋神功  
一勺西江水河潤三江南部洲紅蓮化碧滄桑變徙  
見嘉禾苗服七冊砂役伶泐難窮觀饌益蟠蚪松  
洞中仙子倘相逢摩挲引佩蒼精龍鳴呼安得霓袍  
芒屨成高蹈任爾東西南北走停杯不言慮遠人仰

遊麻姑山

吳之屏 南城令

麻姑之山甲天壤麻姑之泉真沆瀣山頭片七繞雲  
烟鸞鶴踟躕閒來往不見九還存世間惟看雙瀑來  
天上五龍車駕幸經家麟脯丹砂應不困金龍玉簡  
藏名山唐碑宋碣共欣賞仙人一去杳無踪琪花瑤  
艸年七長此山因姑久得名山空因得瞻遺像四壁  
烟霞護石壇祈禳事七昭靈爽不是仙人不重來只  
恐傍人搔背癢

弔唐大夫松

麻姑洞天誌

十卷

十

龍溪曉樓

森森蒼翠上參天巖洞蟠結蚪龍邊濤聲震撼如霹  
靂響細珊七恍鳴絃柯條磊砢長百尺垂枝摩地列  
如戟領下鱗七染肉紅秀色堪餐蜚蒼碧千年勁節  
歲寒姿傲雪經霜色不萎一朝化去塵世隔精靈應  
與仙人期年光白代謝草木隨枯榮凄然感興廢  
有一香名泉聲不斷還飛瀑山客率畢仍盡七獨有  
松風杳不聞搔首問雲自馳逐鶴唳空林夜月虛迴  
翔至止幾躊躇種得一枝棲自穩他年依舊長扶疎  
獨對新枝坐超忽空嗟偃蓋今湮沒一封弔艸向誰  
投且向丹霞卧煙月

華使君邀登麻姑山

來 鮑 豫章王孫

使君邀出城南陌雨洗春光開曙色人驚犬吠幾村  
墟憑軾漫過溪澗側野樹千重水百灣桃花逐浪聲  
潄七白雲蒼靄覆眉睫翠微合在藤蘿間扶疎夾道  
松陰冷石磴盤紆八山徑孤亭山半響風雷危梁振  
動仙都景雨漲飛泉萬壑流圓珠噴玉雙銀蚪冰消  
霧縠濯晴雪瑞漿石髓安能求欲求麻姑不可見試

陽洽桑屢更變欲期王遠難再逢試問麻姑水清淺  
予亦常多訪道心紫陽墓畔仙壇經唐朝松老顏仍  
斷丹書碧篆空沈上有酒莫吸神功泉有聲莫攜蒼  
馨脯使君愛客清且廉惠山新釀門外風颺仙磬  
雨霏七青鳥啣煙繞路飛空濛濛袖穿叢薄分送樵  
人夜火歸

七言絕句

宋

蜀僧

麻姑洞天誌

十卷

王

瀧溪曉樓

萬壑峰巒聳太清麻姑曾此會方平一從宴罷歸何  
處寶殿瑤臺空月明

晏殊宰相

蟠木樛枝未覺春海中行役見揚塵方平漸老機心  
息不許麻姑惑世人

盧知源南城尉

仙來仙去幾千春獨有空壇指姓名見說壇邊古杉  
下臨風時有步虛聲

李觀

一問麻姑日又照幾迴欲起却逡巡世間豈是無山  
水不奈閒人好聒人

華子岡

半生猶未識紅泉今朝經遊石磴邊宿雨半晴秋艸  
濕困來無處可閒眠

王方平

五百餘年別恨多東征重得見青蛾擘麟始擬窮歡  
樂不奈閒人背撥何

半山亭

曾鞏

麻姑洞天誌

十卷

王

瀧溪曉樓

樹杪蒼厓路屈盤半厓亭樹午猶寒平時舉眼看山  
處到此凭闌直下看

碧蓮池

神仙恍惚不可測空有池蓮變紅碧清香冷落秋風  
前似被麻姑妬顏色

流杯池

行盡壘前古厓路忽見一曲清冷泉酒行到我不辭  
醉安用了七分愚賢

七星杉



古杉蒼七橫斗文其幹十圍陰蔽野應到夜深山月  
來林色天光迷上下

瀑布泉

飛泉一丈天上來寒影沉七瀉龍穴山神欲以怪動  
人山路先冬積霜雪

王十朋 龍圖學士

出郭羣山四望無故將詩句禱麻姑忽然雲破山開  
面天色如春有鳥呼

上官均

麻姑洞末誌

十卷

十四

龍溪曉樓

夾道青松十里餘雲霞處處到仙家飛鶴一去無消  
息零落春風洞口花

靈豐祠

蔡若水 庫部員外

偶因乞雨到麻源碧淵縈紆亂石間未省謝公吟賞  
後更誰乘月弄潺湲

蔣之奇 樞密行部

歷險來尋華子岡太霄說裏吸霞漿羽衣彷彿猶堪  
語應是當年鄧紫陽

永飛石磴尚微紅澗出銅陵碧數重遙想謝公臨鄧

日幾迴影印苔封

張致遠 給事中

谷口真人事渺茫靈豐幽占水雲鄉銅陵石磴成噴  
迹樵牧空尋華子岡

元

黃鎮成 提舉

借得丹爐煮石泉棲岩一日近神仙偶然吹笛下山  
去又過人間五百年

麻姑洞天誌

十卷

十五

龍溪曉樓

曾宿丹霞十二樓水亭風館不勝秋故人天上無書  
到自展山圖看雪流

李 杯 南城知縣

一派寒泉下翠巒彩虹飛出亂雲端紅流傳是靈砂  
液深處應藏九轉丹

無名氏

古木陰上石枕溪千年冷洪謝家詩池塘青艸年上  
換惟有紅泉似舊時

國朝

江 宇 景陵知縣

乘興遊山挽小車飛雲流水是仙家麻姑酒飯微醺  
後笑對銅陵石磴花

李永年 山東參政

怪石崔嵬瞰大溪輝煌金碧是招提夜深燈火書窗  
靜隱七鐘聲到岸西

瞿祐 周府長史

海水桑田事可哀神仙只合住蓬萊  
擗麟暫露纖七手勾引閒人背癢來

左瑞 山東參政

麻姑洞天謠

十卷

十六

龍溪曉樓

仙子修真自昔年藥爐丹竈總茫然  
停車試坐雲關石遙對飛空一道泉

憂時正

一脉清源自古今奇峰五朶繡雲深  
只疑別有神仙窟不見桃花不可尋

程洛 少卿

曾騎黃鶴到仙家琪樹秋風正著花  
勾漏不來王遠去就鑪偷得白丹砂

曾酌仙家九醞觴至今肌骨尚生香  
長生有術無人

識謾瞻星七影易蒼

垂玉亭

羅倫

麻姑稅駕知何年神仙有無誠杳然  
浪說桑田變滄海青山依舊飛寒泉

碧蓮池

碧蓮池邊田子家碧蓮池中生稻花  
還尋絕頂問丹竈秋風漠七飛黃砂

度雲關

古今人度白雲關七前不老惟青山  
借問青山七不

麻姑洞天謠

十卷

十七

龍溪曉樓

語麻姑一去何時還

左

賢 河南參議

游宦歸來四十年故園風景尚依然  
翠微深處烟霞暖先漱神功釀酒泉

方平曾此話滄桑畢竟仙家日月長  
游衍未周詩未就亂禽啼處又斜陽

琪宮元是蔡經家碧玉蓮開幾度花  
清曉滿堦桑葉醉猶疑仙子擲丹砂

左

贊 吏部郎

齊雲亭上望扶桑回首丹霞引興長便覺此身塵垢外飛昇何事慕純陽

雞犬無聲仙子家春風開過碧桃花洞門深鎖虛生白疑是丹霞伏火砂

蕭元吉 教諭

曾來擲米作丹砂更共方平吸紫霞踪跡不知何處去空留遺像蔡經家

夏寅 提學副使

雙練跳珠薦薄寒沿溪要採碧遙看前頭只恐逢笙麻姑洞天謔十卷 龍溪曉樓

鶴妨卻仙姑下故壘

秦夔 本郡太守

鷗沫飛流亦壯哉品題惟有謫仙才何人爲發龍宮秘瀉下明珠萬斛來

竺端 本府通判

偶到麻姑訪玉真白雲空谷斷紅塵山中流水和啼鳥彷彿天台洞裏春

胡贊 本郡太守

麻姑一去古壘空寂寞閒雲冷淡風鶴駕未回松未

老青山長著萬年鐘

譚律 教授

追隨簪紱訪麻姑問訊麻姑定有無會到無中原有處青天白日在頭顱

傅天錫 閩人

我七萬壘鎮肝山樓殿玲瓏紫翠間滄海揚塵人事改白雲常伴道心閒

黃壽 黃州通判

白雲踏破陟昇頭問訪麻姑舊玉壘萬紫千紅無覓麻姑洞天謔十卷 十九

庭層崖飛瀑獨潄七

李夢陽 提學副使

何泉下山城下流溪上十家九酒樓老夫緝醒欲何往此物名高十二州

酌神功泉 田龍 江西僉事

釀泉爲酒美神功絕勝蘇醪細莢松王遠未須嫌獍獍童顏不是酒醺紅

懋蔡經宅

石磴梯雲壯九盤峰回路轉到仙壇蔡經舊宅無人

在滿地秋風白露寒

司馬相 福建僉事

世事流傳踏七款碧蓮芳艸漾微波丹霞洞口春相  
間滄海桑田近若何

甯璋 訓導

野徑煙霞寺里春仙家雞犬自迎人碧蓮瑤艸花開  
盡獨立青松日已懸

半山亭

金章 千戶

孤亭未上疑無地上得孤亭更有山過此恍然忘力

麻姑洞未誌 十卷

三

龍溪曉樓

倦白雲只在步趨間

度雲關

自無間鍵不須開隔斷人間千丈埃只有白雲開不

住悠然飛去又飛來

魯公碑

讀罷幽碑增夙慨思餘正氣凜秋穹神仙事杳文章  
在不拜麻姑拜魯公

獨松軒

不羨徂徠有萬柯一株慣與雪霜磨莫言偃蹇山窗

下閱盡遊人幾代多

羅 淳 監生

石梯雨過綠苔斑竹洞雲深白晝閒長恨桃花太飄  
薄誤隨流水到人間

陳 津 南城縣丞

憑將地脉湧天漿流水桃源徑路長春盡亂紅收不  
去化工粧出錦肝江

七星杉

吳 堂

古木垂陰歲月長銀盤百尺淨年芳光芒夜半星躔

麻姑洞未誌 十卷

三

龍溪曉樓

度掩映疎枝拂太蒼

流杯池

曲水盤旋九折廻席雲深處設傳杯清涼一味秋堪

掬不惜呼童屢濯壚

丹霞洞

石室無人盡掩門桃源風景洞中春蒸霞鬱鬱飛冊  
色影入天光半落村

張奇珩 上清道人

深鎖重門竟不開任從春意起樓臺于今勘破人間

事不惹紅塵半點埃

吳培

蓬萊弱水蒨仙航回首滄桑事渺茫  
玉遠麻姑俱幻化青山獨占白雲鄉

遊麻姑山仙都觀

顧聖之

丹霞飛斷石龍從靈谷千年碧  
殿空木潤蓬萊成底事洞簫不盡月明中

雙瀑

百里芙蓉湛碧秋千尋飛雪捲丹丘  
人間不斷流瓊麻姑洞天誌

十卷

三

澗溪曉樓

液天上雙看挂玉蚪

蔡經宅

一別方平不記年人間滄海自桑田  
吳門舊宅無人處何日携家老洞天

古松

偃蓋亭上障碧霄片雲飛過颯天  
飄醉中忘却仙壇在滿耳前塘八月潮

半山亭

鄧元錫明政士翰林待詔

仰面嵯峨半入雲紅泉白石氣氤氳  
遊人躡屩休回

首塵土烟霞自此分

瀑布泉

白玉蚪龍下碧天化為匹練此中懸  
翻然東下滄溟去更鼓鯨波雨八埏

迎仙橋

仙都羽客出門迎郎去飛雲第幾層  
最是丹霞峰上月雲翮時照玉虛行

丹霞嶺看霞生

鄰裏明霞拂袖生金光絳氣疊連城  
卽今已去飛霞麻姑洞天誌

十卷

三

澗溪曉樓

上肯斷虹橋便玉京

和顧季狂山人

程里

琳宮誰倒倚龍從法雨收殘萬界空  
忽聽一聲山遂響尙疑仙仗五雲中

雪濺寒光六月秋雙流千古映高丘  
遊人未識山中景掀袂連呼跨海蚪

赤餘嶙峋欲近霄冷

拂清颺人間六月方炎

著此處寒聲似擁潮

仙人去後已千年故宅猶然向石田  
野鳥似言當日

事高枝爭舞夕陽天

和頤季任四絕

鄭清 國子學錄

採藥尋真不記年  
青牛路過玉禾田  
于今老眼看花處  
只在方壺小洞天

洞閣清虛切絳霄  
半空鸞馭駕長騰  
蒼松偃蓋今千尺  
遶籟如聞拍海潮

紅樹白雲生素秋  
夜涼清月照壺丘  
仙人玉笛來何晚  
一乘天風御紫蚪

銀潢割斷碧龍堤  
飛落寒潭水鏡空  
玉女參差雙鳳下  
短簫長笛翠烟中

坐半山亭口占

羅錦 封荆部主事

山上山兮山下山  
孤亭愁我望中看  
人開天府三千界  
顛仰都歸一瞬間

偃蓋松

羅汝芳 雲南左參政

鶴馭姑仙下絳霄  
蚪松千尺引長颺  
淺深欲占蓬萊水  
時駐枝頭望海潮

仙都觀

萬峰青削玉芙蓉  
高擁仙壇接太空  
擬聽步虛明月好

底不禁風露夜方中

雌雄水

爲惜韶華易入秋  
姑山深處結丹丘  
赤關橋外看飛瀑  
終古雙懸白玉虬

蔡經宅

接待來七五伯年  
海東二度見桑田  
如何行酒丹霞地  
千古依然舊洞天

曹胤儒

秦人峰在仙都西  
翠壁丹梯不可躋  
他日山中遇樵者  
麻姑猶未識

其二

五藏仙人崑接連  
天晴彷彿有人烟  
洞中不獨留仙貌  
童冠春風日誦弦

仙貌

仙人岩與五藏岩相接天晴明岩中尤采動搖恍若一童子出沒洞有

春日邀王帶水遊麻姑四絕

趙師聖 翰林檢討

紫霧千峰曉半開  
偶扶雙屐趁閑來  
青皇亦愛仙游好  
旌節薇垣爲客迴

雙旌縹緲起溪風  
光紉青霞忽步一重天  
際雲高微鳥道入江深  
影懸危峰

瀑引泉聲萬壑朝  
松柯梅幹匝山心  
憑虛一嘯乾坤渺又逐春風過小橋

石磴梯雲嶺道長  
滿迴碧練水雲鄉  
却憑點綴求仙跡何代真人御帝傍

春日和我白四韻  
王一言 應天府丞

旭日姑山曙色開  
一星遙逐使車來  
却原雪後春容麗石磴連雲望裏迴

庚子游天姥  
上卷  
王一言

千旌媚七漾和風  
淑氣催春樹色重  
忽聽研鵬鳴瀑布玉龍雙劍挂高峰

北斗星壇五老朝  
麻姑侍從盡青腰  
魯公碑碣分明在曾化卅砂落盡橋

山椒遙望翠微長  
寄館先年翰墨香  
此日追陪真泰竊姓名若在紫霄傍

齊雲亭

王嘉承

直上麻姑絕頂峰  
衆山歷歷青葱芙蓉壁立無降

意步聽松濤問碧翁

續刻麻姑山卅霞洞天誌  
卷之十一  
新陽城汪石泰

郡李長  
郡李長  
陸鍵實

少卿郡人左宗郭景賢編集

東平後學何天爵從之校續

瀧溪後學卽時彬登大校刻

七言詩律

唐

劉禹錫 禮部尚書

庚子游天姥  
下卷

龍溪曉樓

曾遊仙跡見豐碑  
除却麻姑更有誰  
雲蓋青山龍卧處日臨卅洞鶴歸時  
霜凝上界花開晚月令中天果熟遲人到便須拋世事  
稻田還擬種靈芝

劉滄 進士

麻姑此地煉神卅  
寂寞烟霞古灶殘  
一自仙娥歸碧落幾年春雨洗紅關  
帆飛震澤秋江遠雨過陵陽晚樹寒  
山頂白雲千萬片時聞鸞鶴下仙壇

白君易 刑部尚書

霜庭雲色卷青山  
昔有真人種得仙  
金骨已隨鸞馭

去古堙猶在石岩邊鳥啼花笑空朝日  
尉老松高植  
歲年願學麻姑長不老  
擗麟開宴話桑田

南唐

流 彬

糾殿松蘿太古山  
仙人曾此話桑田  
開領雲夜十分  
日已過浮生一萬年  
花洞路中逢鶴侶  
水簾岩底見龍眠  
我來遊禮酬心願  
欲共怡神契自然

查文徽

別後相思鶴信稀  
郡樓南望遠峰迷  
人歸仙洞雲連  
麻姑洞未誌 卷十一 三 龍溪曉樓

地花落春林水滿溪  
白髮只應悲鏡鐸  
丹砂猶待寄刀圭  
方平車駕今何在  
常苦塵中日易西

宋

晏 殊

昔年權暫領軍城  
靜愛仙山詠過春  
天上雲車曾枉駕  
域中蜚海幾生塵  
明知綠髮升真籍  
堪笑蒼顏預憲臣  
我若粗成忠國事  
亦松爭美漢廷人

李潛真

凌晨特跨赤龍車  
御氣乘風下九衢  
金闕殿前朝玉

帝丹霞洞口謁麻姑  
朱絃未達鍾期耳  
青鳥空傳漢殿書  
欽笛一聲誰會得  
獨飛踪跡到仙都

張士遜 辛和

結友尋真重駐留  
行七潭似近蓬丘  
人擎綠玉簡齊立  
水帶碧桃花亂流  
松蓋幾層頭自老  
芝英三秀又誰收  
坐中忽見紅雲起  
疑是仙姑訪舊遊

卞霞觀

李 觀 太學說書

暫時來訪道家流  
肯伴烟霞醉一丘  
爲憶長安瞻日下  
欲尋蓬島向鰲頭  
陶潛醉後須眠石  
王粲憂多更麻姑洞未誌 卷十一 三 龍溪曉樓

樓宣室歲餘虛席在  
青山何路更重遊

其二

尋幽西去路非賒  
回首紅塵事可嗟  
不待鸞驂并鶴駕  
便分人世與仙家  
幾函道藏金壺墨  
一片秋容玉井花  
還似武陵高會日  
肯凡猶幸醉流霞

其三

流休好仙方學道  
至人樂道自成仙  
飛昇若也出貪欲  
紫府還應用許權  
塵裏笙歌千古夢  
洞中星斗幾家天  
無心便是歸真日  
姹女河車總謾傳



垂玉

聞說麻姑海上還風濤振動萬山間雪花似席鋪境  
崑崙布如簾挂玉關龍卧溪潭寧可見仙歸石室邀  
難攀飛流直下三千丈太白英才豈等閒

步虛詞

張商英

珠珮珊珊路絕塵鳳凰山上夕朝真其業美政行南  
國列宿寒光拱北辰篆冷金盤雲屋曉書飛玉闕  
天春一聲遶鶴歸傳報青益君王福在民

許抗運使

麻姑洞天誌

卷十一

四

龍溪曉樓

數里岩崑落日西更高處種靈芝危峰受雪春歸  
晚怪石留雲雨到遲仙鹿避人眠淺徑野禽窺果啄  
殘枝待應俗格消磨盡重建瑤臺舊路岐

王無咎 直講

仙嶂昔日此留連氣象遶處宛然溪落斷崖爲遠  
瀑路從絕頂見平田千年芝有靈禽戲一洞雲留羽  
客眠已樂勝遊塵境外况陪清論酒尊前

陳陀

曉入麻姑瑞氣浮羽人重喜故人遊鶴從仙仗歸丹

穴藥種靈苗蒲葦洲喬木老含春色淡夜溪寒帶月

光流登臨已覺凡塵少何必區區慕虎丘

齊雲亭

王侍宸

高亭闌檻拂雲齊萬里鶯花望不迷報國有誰能仗  
節升天由此可無梯蒼日上扶桑近擾擾塵飛泰  
岳低尚想方平臨勝會乘風勉自賦新題

其二

漉酒巾籠五岳冠懶携琴鶴上朝端丹房書睡烟霞  
縹紫府夜歸星斗寒詩就幾教山鬼泣劍靈那許俗

麻姑洞天誌

卷十一

五

龍溪曉樓

人看麻姑報道桑田變一局仙棋尚未殘

其三

四面青似似削瓜山中原是蔡經家金雞戲啄丹砂  
米玉女猶看碧藕花我愛拾薪烹白石誰能到海泛  
靈槎至今西蜀丹霞地應有神仙尚姓麻

其四

聲漢仙峰一柱清晴春登覽四山明祥雲畫擁神光  
現瑞日宵臨法樂鳴華子岡頭靈運賦七星杉下蔡  
經盟慨思今古無窮事那得逍遙自在情

其五

難泛烟波一棹通  
錦桃終日漾霞紅  
未能立節揚千里  
已覺騰身在半空  
猛政固非秦主日  
清談豈足晉時風  
自慚塵累還嬰緊  
洞裏神仙故不逢

丹霞洞

仙都久寓拜丹霞  
十里門參路轉賒  
在昔齊王功德觀  
當今聖主奉仙家  
晴天可駭風雷震  
午夜堪驚綠仗華  
瘦骨不禁天上冷  
披衣直到月西斜

湧雪

麻姑洞天誌

十一卷

六

龍溪雜錄

脉透雲根勢欲趨  
雪花光炫湧天隅  
懸厓縹緲千尋練  
落澗潺湲萬斛珠  
弔古已回詢野老  
窮源因得到仙都  
何當散髮薰風裏  
一洗塵寰穢濁軀

李

綱宰相

魯公詞翰勒山巔  
巖峭風姿却喜仙  
假道來遊非偶爾  
追尋遺跡更蒸然  
野花芳艸成夢老  
鶴喬松不記年  
誰謂瑤臺無路到  
月明風雪正娟娟

毛漸

白石們羅得七來  
八開塵累已忘懷  
行窮

忽平

地立看飛泉傾幽厓  
邃宇半依舊木裏  
秀峰長是白雲埋  
方平羽駕今何處  
欲會仙姑恨未諧

松卿

平生但玩魯公碑  
今日身親到翠微  
一徑穹窿鵬石棧  
萬松森立護雲扉  
真人得道書丹籍  
福地遺蹤什羽衣  
甕得清幽消俗慮  
不堪斜日便催歸

上清真人

攀蘿躡翠上麻姑  
得到山中景物殊  
白鶴有情來碧落  
綵鸞無意下清都  
仙媛虛見桑田變  
世事誰經海

麻姑洞天誌

十一卷

七

龍溪雜錄

水枯爲問方平閒  
宴後不知還若再來無

范柔中博士

嵐迎曉日碧烟收  
霜薄風清會勝遊  
虎駕不來空紫府  
真人應又接瀛洲  
岩前野艸冬猶秀  
亭下飛泉凍亦流  
他日卜鄰深有意  
竟須平步揖浮丘

元

郭天挺

步入尋幽景便嘉  
石田瑤艸帶烟霞  
註經洞古忘遺檢  
養藥爐存失舊砂  
青鳥空傳王母信  
綠鸞應到玉

皇家岩屏不掩春長在老卻碧桃無數花

程鉅夫翰林學士

步入千峰紫翠間清都境界異塵寰龍鱗老木冰霜  
操烏瓜仙人玉雪顏臺榭古碑荒蕪合旌幢微影白  
雲開丹成雞犬飛騰久空想丹爐鍊火還

黃叔美逸士

昔日登臨不用扶于今白首見麻姑此邦泉石何蕭  
爽異代神仙知有無七月山田紅稻熟去年塵海碧  
蓮枯信知剋蓋追遊地羽客逢迎到日晴

麻姑洞天誌

十一卷

龍溪曉樓

黃鎮成

紫霧龍鸞月裏遊白銀宮殿海中洲麻姑宴罷壇猶  
在葛令丹成井獨留滴雨浮嵐空翠晚飛花散玉瀑  
簾秋誰能共食金花艸來住仙家十二樓

白玉蟾

絳節清都瀛散郎更無蝴蝶到平康牀頭琴撫七絃  
雪袖裏劍橫三尺霜九十日春半晴雨一千年事幾  
興亡絲七擺綠水楊柳點七飛紅山海棠

國朝

遊麻姑山

張宇初天師

姑射仙標降五城瑤壇行逕入青冥銖衣帶月來王  
達藥簡排雲候紫經環珮聲留韻井雪軒檻光動鶴  
橋星貞珉千載流芳躅形勝端宜護百靈

王增福建副使

一徑岩巒直上巔麻姑曾此駐元踪松盤鶴頂飛霜  
歛酒釀龍香瀉石泉卑破青螺雲出隊印開翠壁柳  
三眠晝閒遠覓方平談信是人間別有天

韓思敬南城教諭

麻姑洞天誌

十一卷

九

龍溪曉樓

仙人家住白雲邊迢遞峰巒上接天琪樹籠烟迷古  
洞石橋分水落平川穹碑鐫刻真卿字汗簡流傳子  
固篇不識麻姑何處去清風明月兩芝田

李永年山東參政

尋真遠作名山遊石苔封磴寒岩幽丹霞深鎖玉洞  
曉瀑布倒瀉銀河秋龍問大還出水府鶴傳錦字來  
丹丘麻姑邂逅一相遇笑指東海歸瀛洲

鄭誠吏部侍郎

九重得請覲鄉闈

尋到此山驕壯星飛青嶂

外羽衣雲迓紫霄間艸生卅室春逾綠苔獨神文雨  
蓋斑試向山人問消息麻姑一去幾時還

章文昭 中書舍人

洞門雲氣亂周迴長擁山腰護石臺千樹障陰寒  
帶孤峰常坐翠流杯天孫何處騎鸞出仙子空中煉  
汞來件事幾回成大夢年七桃雨映蒼苔

何文淵 吏部尚書

麻姑僊跡莫茲山明月清風任往還綠壑瓊花遺玉  
珮碧沙瑤艸長雲鬟潛龍古洞泉聲細舞鶴空壇樹  
麻姑洞天誌 十一卷 龍溪曉樓

影斑誰謂弱水三萬里蓬萊原只在人間

鄭 榮 左都御史

風磴雲泉百折透幾迴登覽上青霄傍厓飛瀑千尋  
練着樹殘霞一抹綃仙犬花間空吠月遊人松下醉  
聽潮平生肝胆渾如鉄盡節惟思報聖朝

揭 裕 兵部侍郎

深霧沿山晴雨飛溼衣灑七亂珠垂響泉落石龍驚  
蟄元氣歸松鶴不知道士空傳王氏迹遊人幾閱魯  
公碑洞簫洗我雙塵耳風迺一聲雲外吹

其二

萬松擁翠挹仙壇瀟灑冰壺六月寒雲竈深中從容  
訪稻花香處認吾丹竹鳴細七清風人坐陰七白  
石盤笑傲烟霞天宇濶執柯何地看棋殘

程 洛

朱幡皂蓋擁如雲回望仙都日欲睡兩七杉松相對  
立雙七鸞鶴自成羣一誠有感昭靈貺萬壽無疆祝  
聖君遙想紫壇香霧散滿天風露夜將分

羅子清 婺源教諭

麻姑洞天誌 十一卷 土 龍溪曉樓

麻姑自昔說名山翠壁丹梯尚可攀今日偶陪驄馬  
客勝遊重訪白雲關風泉瀉壑飛瓊雪烟嶠凌空擁  
翠鬟欲問蓬萊水清淺方平仙馭幾時還

陶 昂 海州知州

百折逶迤路轉盤白雲深處是仙壇數聲鳴鶴松烟  
暝幾點流螢艸露寒絕壁長年飛雪白穹碑千古護  
霞丹姑山一去何時返獨倚懸厓憶歲顏

秦 旭 武昌知府

瑤華吹香引玉珂石橋東畔澗聲多一官閒散追康

樂四海昇平陋永和絳殿天清垂象緯仙璽月白下  
鸞坡煩君莫問麻姑事刺史爲文永不磨

羅倫

半空携手看浮雲始覺人間日易照流水落花他自  
去青山黃鳥與誰羣星垂翼軫迴天柱地切雲霄仰  
聖君清境可能宜獨樂登臨還共萬方分

其二

數聲雞犬在蒼冥一帶晴雲上錦屏紫蓋近天常捧  
日玉璽行雨自鞭霆乾坤流水來無盡今古遊人醉  
麻姑洞天誌 十一卷 十二 龍溪統校

廿二

萬壽仙呂景最幽公餘乘興此追遊譚玄有頃黃精  
熟覽勝無端紫氣浮白石成羊眠古洞青松巢鶴倚  
寒流等閒識得長生術檻外蟠桃幾度秋

左贊

路入雲關亂白雲仙都樓觀幾朝曛苔深雨迥留麝  
迹芝滿春田下鶴羣丹井不逢勾漏令玉壇空憶紫  
陽君高懷誰似陶弘景共聽松風到夜分

其二

會仙亭子薄蒼冥兩七峰密儼画屏不見古杉分斗  
象但聞飛瀑起雷霆瑤池青鳥來何暮雲窟黃龍睡  
未醒蕭散輸他方外士鈞簾坐誦藥珠經

丹霞

六月源頭水欲冰四時瓊館道心清坐聞天籟生  
圓遙想霞標散赤城梅福雲根朝采藥王喬鶴背夜  
吹笙來遊不憚山蹊險欲問洪厓借雪精

謝士元 本郡太守

麻姑洞天誌 十一卷 十三 龍溪統校

肩輿度嶺更穿雲竟日躋攀忘夕照松徑風微援抱  
子芝田雨過鹿呼羣霓旌縹緲來金母羽蓋翩翻降  
道君仙境淡寥人境遠四時風月許誰分

其二

參差樓閣倚青冥曲曲闌干面翠屏壺裏有天間日  
川人間無雨後雷霆花開頃刻誰能種酒飲逡巡我  
獨醒五馬頻嘶歸興發讀殘老子半函經

遊麻姑山與謝郡伯聯句二首

張昇 已丑狀元

酒盡星壇白玉靈謝神功泉近不須沽張仙居樓閣

丹青古謝野望郊原艸木蘇張林鶴也知窺豸繡謝

道流偏解奏笙竿張乞歸過北還行樂謝翹首青天

感有虞張

自笑無才濟阜康乞歸重過白雲鄉謝會仙堂上衣

冠古觀瀑亭前艸木香張披拂烟霞移杖屐徜徉山

水載壺觴謝此行不負當年約還把長生問紫陽張

張恩布政

躡盡重巒第一間仙家樓閣人雲攀虛岩濤淨松依

麻姑洞天誌

卷十一

十四

觀溪曉樓

壑空谷聲清鳥在山地隔紅塵知俗違身投綠野覺

心閒玉室翰墨名今古猶有餘光照壁間

其二

誰釀春風酒一壺杏花邨近可頻沽方晨霽色雲猶

溼入暮炎威氣少蘇車認舊衙穿澗壑曲翻新調和

笙竿山中得醉閒風日幸際明良慶有餘

其三

聖明有道樂平康乘興閑臨山水鄉詞藻尙遺烏府

澤文章猶帶玉堂香天連雲蓋開三逕泉近麻姑倒

一觴何用更求塵外景卧龍還自勝南陽

謝一夔禮部侍郎

樓閣玲瓏紫翠間麻姑曾此煉金丹林霏曉拂旌旗

潤嵐氣晴薰劍珮寒且喜使君同翫賞不辭尊酒劇

盤桓遙瞻北闕紅雲表聖德巍々欲報難

其二

半空削出玉芙蓉一徑千盤旋璫封縹緲曙光連碧

野微茫烟雨帶蒼松丹爐涵火通宵伏雲磨寒泉盡

日昏不爲仙壇修祀事何能來此寄行蹤

麻姑洞天誌

卷十一

十五

觀溪曉樓

王伯孚成誠先生

一自麻姑獨擅名江山四顧回難成碧桃花裏溪流

煖丹桂枝邊石髓清海月照空浮世夢天風吹落步

虛聲就中共說神仙宅不見神仙下玉京

李麟本府知府

一重山過一重山直造琳宮第一關雨滿玉田芝漸

長雲封丹雘鶴初還真卿碑記猶堪讀仙子瓊裾不

可攀醉後那知歸路遠斷橋流水自潺々

觀瀑亭

謝英本府同知

雪竇飛泉落遠岑  
臨亭遙望白雲深  
玉虹飲澗終天  
地銀漢懸空亘古今  
一道寒光常灑灑  
入窓爽氣自蕭森  
也知越壑朝宗勢  
還起潛龍去作霖

詹雨  
本府知府

路入麻姑小有天  
仙家風景尚依然  
好山無數出靈  
雨流水幾灣  
圖綠田白鶴何年作人語  
黃龍盡日抱珠眠  
臨川太守胡爲者  
不勒功宗秩祀篇

和詹郡公韻

羅玘  
吏部侍郎

聞說麻姑一甕天  
東連蓬島北燕然  
霧中古洞七中  
麻姑洞天誌  
十一卷  
龍溪曉樓

霧田外青山七  
外田竹影過牆  
調鶴舞鐘聲落  
水城

龍眠福星已照  
枯寒地又倡金  
山第一篇

鄭悠  
太僕寺卿

路入麻姑小洞天  
碧莎瑤艸尚依  
然麒麟就擗當  
年脯滿萑還開  
舊日田觀瀑亭  
前留虎跑煉丹  
井底讓龍眠  
遊仙謾寫烟霞  
景不是陽春白  
雪篇

鄭寧  
武定訓導

地下誰通勾曲  
天松關淨庵自  
安然交梨世上  
元無火種玉山  
中却有田仙子  
夜號玄鶴去道  
人晝伴白

雲眠研硃滴露  
應何事細寫黃  
庭道德篇

鄭華  
永州經歷

輕清廣樂奏鈞  
天流水桃花事  
宵然一自麻姑  
歸洞府幾番滄  
海變桑田葛仙  
壇下蒼龍化碧  
藕池中白鷺眠  
賸有鳳臺詩百  
首笑看珠玉咏  
長篇

飛瀑

鄭文華

勝境冥搜幾度  
經獨憐飛瀑回  
難形誰將織女  
千尋練界破麻  
姑萬仞青六月  
無雲還雪散三  
冬不雨亦雷霆  
何當盡醉神功  
釀徒依朱闌看  
到醒

麻姑洞天誌  
十一卷

饒秉鑑  
知府

遠上麻姑第一  
峰仙家高在白  
雲中洞天不雨  
山長闊野逕無  
人花自紅孤鶴  
夢回瑗館淨綵  
鸞聲斷玉樓空  
群麟仙侶知何  
在滄海桑田思  
不窮

羅祐之  
公安知縣

步入仙都境界  
寬八荒從此縱  
遐觀千峰過雨  
風初定一逕落  
花春欲殘絕壑  
泉聲來近耳曾  
厓雲氣襲衣寒  
道人請罷無餘  
事清夜吹笙倚  
玉欄

遊麻姑二首

包裕  
撫州推官

幾日勞七此日閑偶同朋舊訪名山一天雲霧登臨  
裏萬里乾坤指顧間仙子殿高嵐氣合真卿碑古蘇  
痕斑回車頓覺精神爽無限寒流瀉碧澗

其二

尋真直上小亭幽四顧晴嵐野色浮洞裏有天開日  
月山中無歷記春秋幾行樹立高低影萬壑泉分上  
下流自信神仙在人世何須方外訪丹丘

張律 本府訓導

萬山深處訪仙都無限風光入畫圖千樹碧桃迷玉  
府姑洞天誌 十一卷 十九 龍溪曉樓

洞一泓流水湛冰壺方平會罷歸何處刺史碑傳信  
不誣此日登臨乘逸興玉簫聲裏醒清醑

趙瑞

山源傳是蔡經家此日登臨逸興賒天上有龍藏碧  
水洞中無鼎煉丹砂半窓畫永松花老一榻風清鶴  
徑斜試問方平初會日爲誰區處作生涯

鄭垣 逸士

天畔峰巒擁翠環虹流玉潤響潺湲風光信是超塵  
外心境頓令忘世間杉列七星巢鶴古雲藏三峽老

龍還方平一去無消息瑤艸琪花春自閑

秦夔 知府

霜臺先生老詞伯攜我同上蓬萊宮寒岩古樹棲一  
鶴石竇飛泉垂兩虹山中日月不可老洞裏桃花常  
自紅神仙有無何處說獨立蒼茫懷魯公

竺端 通判

飛泉一派出玄都着眼俄驚衆壑珠千丈玉虹垂雲  
竇九天銀漢落香爐清聲盡日聞韶濩勝槩何年入  
西園太守逸才陶謝手新亭述作古來無

麻姑洞天誌 十一卷 十九 龍溪曉樓

萬緒

萬仞峰頭又有山懸厓飛瀑響潺湲樓臺影接空濛  
外鐘鼓聲聞杳靄間丹竈猶存仙子去白雲常鎖洞  
門閑我來不與麻姑會興盡斜陽獨步還

黎近

萬壑千峰深復深停驂不怕瘴烟侵桃花亂落青春  
好桂樹叢生白晝陰滿地閒雲眠野鹿一溪流水浴  
仙禽麻姑已赴瑤池宴明月樓高何處尋

黃寧



地拱千尋接太清麻姑佳勝似描成鶴從翡翠屏邊  
落人在丹青畫裏行東岸桃花西岸雪下山風雨上  
山晴客遊再向齊雲去得見滄桑幾變更

饒中穎

夜宿野南第一山白雲長是鎖玄關半窓拂月侵肌  
冷一榻松風徹骨寒曙色似催人起蚤泉聲不放客  
眠安曉來路入丹霞裏長嘯一聲天地寬

江 導宣慶教授

洞門深鎖半山雲道院清虛絕點氛露挹翠微瑤艸  
麻姑洞天誌十一卷 二十 龍溪曉樓

渚日烘羅綺碧桃熏山中丹竈猶遺跡門外芝田足  
趺耘縱步游觀吟醉後隔江漁笛幾聲聞

邵 寶

幾曲登七破嶺烟一亭一曲興超然開雲田畫般人  
井轉壑泉分禹日川獨鶴每翔新表外蒼松常侍舊  
壇前顏碑謗爲傳文錄屈指于今又許年

萬 綸左長史

登山不是學仙心獨愛幽奇山遠尋泉落半空青嶂  
近路經絕頂白雲深崑花灼灼春長在壇榭依七畫

自陰謗對一尊行樂處烏髯恰似勸人斟

馬 能右長史

聞說仙壇契夙心杖藜隨處得追尋路迂數里城非  
遠峰入千重趣轉深花落水流疑世外茂林修竹亦  
山陰同遊况是文章伯既醉何妨酒更斟

其二

日出初消萬壑烟仙山佳處坐悠然落七天地同爲  
客忽七光陰等逝川大塊莫逃冥數外浮生且醉落  
花前桑田海水君休問洞口桃花又幾年

麻姑洞天誌十一卷 三 龍溪曉樓

王 綸

水簾欲捲洗塵心取向丹厓洞外尋歸鶴不嫌栖月  
令潛龍未許卧雲深桃排春醉分紅暈松愛人留轉  
綠陰多少仙家空落莫逡巡有酒試重斟

其二

石磴荒迷野樹烟登臨無奈興悠然忘歸應媿陶元  
亮幻語難憑葛稚川潑眼天光浮澗外留人山色倒  
尊前爛柯始信臙輪速明日梅開又一年

陳良珣本郡通判

秋空平淡散晴煙高閣閑登思渺然洗滌襟懷新日  
月鍾涵靈秀古山川濫乘別駕堪居後獨抱樛材愧  
不前聞道仙姑遺玉珮碧桃開遍又千年

其二

遙岑曠野沃桑麻中有仙家吸紫霞謝老詩清真足  
讓魯公碑壯更堪誇霜風落帽登山頂涼月停車坐  
水涯手挽銀河三萬丈碧天何待借星槎

鄭嶸

乾坤高處見桑麻照眼山光半是霞卧石瞰流便客  
麻姑洞天誌

卷十一

二

龍溪曉樓

慰平田彌望可人誇橋陰鐵甕真三峽天上銀河亦  
南涯何代獨留松偃蓋風霜無恙綠茸槎

張思布政使

洗卻浮埃一片心偶從仙館設追尋麻姑浪道桑田  
變丹井空留歲月深曲徑埋雲春不老背崑遮日書  
常陰最憐一掬神功水到晚還排坐石斟

其二

滿道松楸閣翠烟望中画圖本天然遺踪尙記仙都  
觀好事魯傳葛稚川日蘸波光浮澗外風傳鳥韻度

花前臨流且酌麻姑酒何必登壇更問年

夏良勝太常少正

秋風吹起逸人心按志仙蹤次第尋溪泛桃紅春不  
斷洞迷烟綠路芳深鶴旋吼樹聲相入鹿轉晴厓影  
半陰最愛黃花供地主破觥添得幾巡斟

其二

平田處處是桑麻燥土爭經練彩霞白玉煮來應石  
銜碧蓮開過木多誇清饒掬雪三生夢閑倚撥雲半  
日涯前路險峻不礙祇須馳使訪靈槎

麻姑洞天誌

卷十一

三

龍溪曉樓

與凌伯遠年丈聯句

君爲山靈壯歲分  
倒囊携酒共穿雲松頭露滴羅衣潤  
凌伯遠  
牆川風醒落帽顛寒澗取清千尺雪  
夏長  
虹掃淨八千年西風回首東南路  
凌伯遠  
觀瀑亭前日已照  
夏

李夢陽江西督學

片險探奇雲霧收麻姑山水冠南州潭深自激風雷  
黑谷迴誰羣鹿豕遊仙女石堙荒欲沒魯公碑碣斷  
仍留往來踪跡俱塵土兩瀑垂七萬古流

曾 政 郡太守

麻姑深杳迤 尋嶺大阜須臾步履通靜聽千濤鳴細浪  
晴看萬宇沐薰風傳杯喜共青雲友採藥難逢結髮翁  
猿鳥留人臺閣嘆不妨歸路月明中

丹霞洞

仙壇何代麻姑迹棟宇居然處上方不見九還金液  
化只看雙瀑玉泉長風烟車馬來相續歲月山林亦  
自慙更說芝田鳥咏弄道人莫謗採芝嘗

釋深明

麻姑洞天誌

十一卷

二十四

龍溪鹿橋

仙壇縹緲自雲深曲澗飛橋跨兩岑浮世幾番嘲蝶  
夢清歌一曲鳳鸞音泉聲與道閒消長山色蜀人無  
古今滄海桑田都浪說卅砂豈解變黃金

其二

烟霞重疊更崔嵬中有神仙舊築臺千里五亭危磴  
入千年一度碧桃開匣藏流水雌雄劍門掩春風錦  
繡堆麟脯分香杯酒後青山落日未歸來

孫 甫 大理評事

宇宙移來莫此山麻姑何許託仙壇參差秋水芙蓉

聖嶂嵯峨春空烟雨襲晉代詩豪爭得謝唐人碑刻獨  
留顏芳名勝蹟奇天下却擬匡廬伯仲間

孔 廌 平樂知府

步入雲霄隔世塵恍疑身到九天人忽逢黃鶴瀟湘  
客笑指丹霞洞口春艸西泉池翻尺鯉芝香山谷惹  
群麇自云不是神仙侶語落仙家一問津

張光啓 建陽知縣

絕頂乾坤分外奇方平事載魯公碑瓊瓏殿閣秋來  
早黯淡松楸日到遲滄海桑田如換句騷人墨客謾  
麻姑洞天誌 十一卷 二十五 龍溪鹿橋

留題我來一訪神仙迹喜見梯仙有路岐

張 寶 襄陽推官

迢遙一徑直縈椒別有乾坤在碧霄設詔鼓潭通海  
眼誰知蚌殼出山腰劈麟仙侶談疑幻題壁詩僧去  
莫招到處狂吟成癖性敢將鄙句續君貂

李 泰 工部

閒說麻姑勝境多于今自昔始相過迎仙橋下長虹  
偃觀瀑亭前素練拖竹杖撥開芳艸徑芒鞋踏破白  
雲窩幾迴閱遍山中景醉倚危闌發浩歌

程 鄰 少卿

足踏桴雲杖倚藥姑山疑入武陵谿千尋素練松杉  
杪一片丹霞藥艸齊泉吸神功增酒聖洞歸小有帳  
靈棲舞雩滋味春風在坐向松陰細點詩

鄭世

短亭高閣俯層巔駕鶴仙人望杳然烏道細迴松杉  
入虹橋深鎖薜蘿懸向來真想蓬萊境今日旋臨尺  
五天况復新晴添賞興迥忘身世隔雲烟

李 喬 吏部員外

麻姑洞天誌

十一卷

二

龍溪號

祈雨祠前朝復朝喜逢秋日雨初飄未應仙馭隨炎  
熾須信山雲待氣交玉宇洗梧涼拍林龍岡吹月夜  
聞簫登豐好兆歸童牧應許維魚入夢招

陳 襄 御史

遠上仙都躡峻巔振衣千仞自凝然中霄翠嶺霞垣  
迥紫極星高法象懸落七古松依野閣宗七寒濕注

青天觀風不覺歸歸路燈火空山破暝烟

陶 清 同知

冒險尋真訪道家白雲飛處是丹霞桑田幾見三更

海桃實千年一試花幽洞竹插金鳳尾懸厓瀑噴玉  
龍牙麻姑杳七成塵跡惟有青山伴歲華

陳 沂 行太僕卿

麻姑壇上雨冥七我到初晴似有靈二水下分十澗  
白一山回擁亂峰青神仙傳裏知王遠野老村前說  
蔡經看院只留雙鶴在羽衣長睡喚不醒

鄭 道 聘君

仙家壘嶂倚蒼冥怪底流泉落建瓴雪瀑千尋垂翠  
壁天河一帶掛瑤屏麻姑控鶴雲中見瀛女乘鸞月

麻姑洞天誌

十一卷

二七

龍溪號

下聽曾上橋亭閑洗耳醉鄉不覺晚來醒

陳瑞甫 江西金事

地僻林泉山窈冥躡攀真不愧山靈練懸飛瀑穿雲  
白濤起高松拂座青景物分明隔塵世神仙幽怪隱  
圖經取憐役七窮年者頗覺歸來醉夢醒

張 恩

飛泉十里印青山七自嗟峨水自潯地迥始知塵跡  
少心清慣與野雲閒靈滯久閉神龍澤仙井時烹玉  
液卅一自麻姑乘鶴去月明風細度松關

其二

麻姑山外野雲清面七奇峰擁使旌鳥韻橫空知曙  
色霜華覆瓦占山晴却疑冰澗群珠落未信雲巔一  
掌平林表忽驚車騎過羽衣仙樂月邊迎

王度本郡太守

十載麻姑此夙心雨中新共客來尋洞開小有當春  
暮泉酌神功對酒深透樹鐘聲山作戶照人潭影畫  
生陰括蒼亦有方平宅雲液何時得再斟

其二

麻姑洞天誌

十一卷

二六

龍溪曉樓

性癖尋幽忘路賒白雲深處訪仙家林疎木落山容  
瘦秋杪風高鴈影斜採藥謾傳逢綠髮舉杯重喜對  
黃花何年謝卻蒼生望更借山房駐小車

鄭元璋

日出千山宿霧除橋經三峽接天衢清秋物色詩難  
寫紫洞風雲思不孤瀑激晴雷喧絕壑碑經豐藪卧  
殘疾可能喚起王摩詰貌取蓬萊入畫圖

其二

萬里秋聲爽竹梧碧蓮池  
古但藤蘿泉香石竇真神

興雲護龍車果有無壇艸離七芝獨老松陰漠七鶴  
雙呼百年踪跡元麗藿爛熳何妨倒玉壺

許璜岳州通判

露艸冷七滿服秋玉泉飛雪瀉寒流鹿從洞口啣花  
去詩賦山腰嵌石留臨水喜觀魚出沒懷仙空付影  
沉浮道人愛客供簫管響徹層雲竟日幽

吳衍工部郎中

十載塵心此掃除穿厓越壑度雲衢靈潭書靜風雷  
擊瑤島夜寒星斗孤峭壁枯藤連傑閣苔堦豐艸卧  
麻姑洞天誌

十一卷

二九

龍溪曉樓

頑珎酒酣便欲乘風去直擬縱山跨鶴圖

其二

竟日追歡未得迴蒼然暮色上高臺不求方外丹砂  
術且盡尊前竹葉杯東粵昔聞驄馬去遐方今喜使  
車來汲生會有淮陽召佳節重逢約再陪

其三

蕭七落木動高秋仙去臺荒水自流野徑幾曾綠客  
掃山靈似欲向人留日斜樹影曾七倒風度爐烟細  
細浮雲液共君傾再酌月明歸路洞簫幽

遊麻姑山和林仲山公祖韻

艸色茸茸帶雨鮮，輕寒輕暖暮春天。  
風吹亂葉飄丹灶，拂袖飛花落酒筵。  
雙瀑懸厓真勝蹟，碧蓮變白是何年。  
相逢莫問神仙事，月上疎林起暮烟。

李萬寶 給事中

嶺日穿雲有重廻，參差遠漢出樓臺。  
聲旋碧落風前遠，影入青山掌上杯。  
野竹娟娟隨意淨，征鴻冉冉渡江來。  
微茫歸路篝燈晚，真境迎歡擬再陪。

其二

麻姑洞天誌

十一卷

三

龍溪曉樓

絕壑西風黃葉秋，萬峰斜景宕霞流。  
卅梯路迴烟蘿合，古殿壇虛笙鶴留。  
蓬島千平成恍惚，乾坤雙眼幾沉浮。  
探奇直上最高處，樓鳥無聲山更幽。

鄭鑑 贊縣知縣

乾坤牢落幾乘除，去馬來牛雜九衢。  
塵夢幾回烟水濶，劇懷長對晚山孤。  
探奇有客飛瓊珮，投暗何人惜珮玦。  
安得麻姑傳雙鴈，願因風力試南圖。

其二

路入松陰十里迴，半山亭倚最高臺。  
延緣石徑尋柯

斧引滿天飄注羽，杯跨鹿野翕歸洞。  
去留賓客子孫芝，來黃堂風雅歐蘇比。  
况值方尊玉樹陪

高觀凌霄萬壑沉，玉堂聊此寄幽尋。  
烟消夢艸前身謝，寒逗疎梅古姓林。  
興劇飛泉堪洗髓，生忘丹井學澄心。  
鴛鴦已逐蓮池化，吸道神仙不度鍼。

李玘 惠州知府

麻姑拔出秀中天，羽服何年稅鶴駢。  
細艸拂烟香滿袖，密筠礙日翠臨軒。  
樵歌落照山風淨，簾捲平沙燕

麻姑洞天誌

十一卷

三

龍溪曉樓

張默 左長史

笑轉麻姑度碧山，鳳臺深鎖白雲閒。  
萬峰明月開心鏡，千古寒流漱石顏。  
洞飭羽輕凌日表，瑤花春淨落人間。  
顏書晉碣空塵土，丹谷玄厓次第攀。

王公福 右長史

秋風散步入叢林，古跡蒼茫次第尋。  
白粲丹砂成底事，碧蓮紅藥更何心。  
七星霞霽涼如洗，雙瀑斜飛沛若霖。  
北日三忠祠下拜，滿天落木自蕭森。

曹達 工部員外

春來平擬勞雙屐一度尋春一度遊謾把青螺排掩  
嶂忽驚白澗落雲乳閒吟浪逐姑仙侶歸詠渾如曾  
點流返照入江天漠々兒童携手看鳴嚙

王綱

峻嶒羅磴步雲遲十里姑仙夾兩溪松徑設教雲作  
蓋山靈故遣雨催詩林密野興偏多放蕩苑詞章每  
出奇杯酒笑迎陳學士蒲川花鳥付新題

林繼廣  
廣昌知縣

莫怪丹霞點客衣洞天小憩不思歸慣看雲氣常連  
麻姑洞未誌  
十一卷  
三  
龍溪曉樓

戶靜聽村春自啓扉山壠凝烟苗正秀石泉煮茗笋  
初肥閒閒誰識黃冠意厭向塵寰說是非

蕭  
梧州判

萬壑峰巒擁碧山洞天深處隔塵寰深々花鳥留春  
住寂々松扉帶月開古殿夜疑青鳥降孤峰時惹白  
雲還麻姑王遠歸何所空挹仙風不可攀

其二

輕騎隨蹤入洞天洞中花鳥不知年東風搖曳千絲  
柳遲日光含十丈蓮王子鸞旌何處去夢仙丹井爲

誰延我來醉賞歸途晚滿耳松篁月一弦

錢傑

懷仙西上舊名山盡日追陪興不慳瀑布泉流穿石  
滑翻濤松撼破烟寒半亭遠閣神龍窟上燉平鋪活  
水灘伯酒且招玄鶴舞風清雲白挽輿還

鄭尙爵

紫陽曾此築仙壇秀拔盱江第一山松鶴有巢隨去  
住洞門無鑰自開闢遙瞻紫壺丹霞外還覓桃源翠  
靄間豪興未償天欲暝公餘贏得幾時閒

麻姑洞天誌

十一卷

三

龍溪曉樓

謝晏

盱南勝境小蓬壺試擁新遊酒設沽一日山緣今始  
愜半生渴望此來蘇林籬霞彩天橫錦岩落泉聲地  
沸竽入眼宗藩三帝澤輝々艸木頌騶虞

朱拱  
尤溪知縣

蓬萊境界四時妍異艸奇花鎖淡烟洞府仙翁人不  
見雲旂姑女事猶傳丹霞地脈通三島瀑布泉聲落  
九天殘照半輪徒徙倚欲舒清興可無篇

符遂  
望江知縣

攀蘿躡磴訪仙家興逸寧知日已斜絕巘既登星可  
摘空壇初到俗應賒碧蓮聞說今何在丹米雖傳事  
已遐吾道簞瓢真樂在不須麟脯飯胡麻

黃 遜 州判

海闊天高世幾更麻姑何處會方平香消飛珮山長  
寂殿鎖遺踪月有明傍竹松牙隨鶴倒印苔屐齒帶  
雲登十年塵土無由脫消盡神功一酌清

郭 珂 新昌縣丞

晴絲裊裊亂花飛又挾東風上翠微屐齒印苔蹤徑  
麻姑洞天誌 卷十一 三十四 龍溪曉樓

曲泉聲傳滴洞雲歸謾吞綠醕收春色擬倩蒼松挂  
夕暉游遍亭臺歸路晚月明露重溼征衣

黃 銓 旌德縣丞

環翠飛流千古勝馮虛躡嶠特窮幽岩香疎淡花三  
月野色參差雲半丘丹竈已湮難貯藥仙驂別去幾  
經秋清游莫訝忘歸晚溪月臨風爽氣浮

嚴 厲 廣昌教諭

仙侶何年會此峰雲與飛去杳無踪壇前艸樹當春  
綠洞口桃花舊日紅蓮發碧池隨幻化砂飛丹竈總

虛空開來半息手 屢枕千古興亡一夢中

葉 元 訓導

峻嶺迢遙接太清綠陰深處白雲生鳥迴空嶂寒烟  
破水落平山野鹿驚石髮梳春侵碧眼松琴彈雨雜  
蕭聲昔年仙侶今何在遺刻空留萬古名

于 欽

信是麻姑景味佳松風清骨靜無譁洞中覽勝千巖  
迴亭上瞻雲萬里賒露重杉梢星帶雨泉淙石罅浪  
生花酒闌莫問當年事蘭珮依然隱彩霞

麻姑洞天誌 卷十一 三十五 龍溪曉樓

張四維

瓊花亂拍清秋景瑤艸中分白石衢醉看三星橫碧  
落靜聽松樂奏寰區窺龍瀑布岩前矧放鶴齊雲亭  
上呼傍晚又迎明月到挽輿歸思尙躊躇

夏 裕 建陽知事

峻嶒石磴路盤旋步入麻姑小有天雙瀑飛雲歸古  
洞孤松分翠落幽軒木清池面魚堪數風靜林頭鳥  
獨喧涼月坐忘秋意晚滿天星斗思悠然

張 崇 舉人



虛谷靈襟天地寬  
白綸那說紫金鞍  
方慚月旦階顏  
悲忽笑春秋傍孔  
壇艸匝池塘山  
夢熟鴈孤洲渚  
野吟闌短牆一樹  
桃花放待汝同  
來載酒看

其二

整屣麻姑度小  
岑年來骨瘦更  
登臨虬龍宿雨  
吟常獨蟠蛸飛  
雲坐每深禹蹟  
寒余成朽木虞  
廷遲爾賂南金  
凌風細續懷人  
句疑是鈞天播  
雅音

左文麟 舉人

華屋平疇互渺  
茫玉龍天矯峽  
流長神仙到處  
開

麻姑洞天誌

卷

三

圓環環依然返  
帝鄉滿引瓊膏  
消俗慮笑呼白  
石起羣羊秦人  
峰頂堪延佇獨  
倚松杉望入荒

陳 鼎 舉人

名山玉觀鬱岩  
嵒雙練晴看溼  
碧霄磴轉平疇  
散禾黍地凌倒  
景下笙簫青霞  
石室春長在絳  
節瑤壇霧未消  
落日殘碑竟須  
讀乘風羽駕若  
爲招

江 冕 少卿

麻姑舉羣浮青  
嶼宮闕岩嵒通  
絳霄空有神功  
遺作酒不聞并  
玉教小簫斗空雲  
錦傾欲墮六月  
星杉雪

未消幾爲尋真探谷口  
卅霞五老若予招

鄧汝相 知州

探奇歷險上岩  
嵒飛閣層厓出  
絳霄滄海塵清  
迴鶴取紫雲音  
裊度鸞鑰乾坤  
入眼秋逾淨山  
水留情去未消  
水石幽居真可  
卜鹿麋踪跡得  
相招

高 瑤 舉人

披雲直欲窮三  
谷賞勝何須踏  
九華盡日丹厓  
飛玉液早時流  
水泛桃花神仙  
自有長生訣霄  
漢還隨八月槎  
欲賦恨無孫綽  
興食遊浪擬子  
長誇

麻姑洞天誌

卷

三

金 章

麻姑仙境真奇  
絕石磴峻嶒路  
彎折崇厓邃谷  
藏芝田寶髮瑤  
臺照松月風吹  
欲倒洞口橋雲  
填不滿山腰缺  
何當六月寒颼  
灑花灑玉飛晴  
雪

陳 桂

吏隱身閒此結  
緣東風翼我上  
雲巔尋真洞裏  
長隨鶴湧碧池  
中忽變蓮水帶  
桃花寧避俗泉  
鳴瓊珮尙疑仙  
醉來拂袖星杉  
下舞破烟霞月  
滿天

顏 碑

左 洵 逸士

千秋白石磨無礙萬載忠誠貫日光屈曲龍蛇金殿  
鎮昭回翰墨錦雲張風雷氣魄真靈應滄海桑田直  
融落卅龍烟消遺址在古壇夜靜月蒼七

觀瀑

噴雪亭前風味殊恍然人世隔仙都泉鳴飛瀑晶簾  
墜日射丹霞金簾鋪花外鹿鳴馴野思谷中鳥浴狎  
階除尋常更問麻姑侶只在白雲深處居

紫陽墓

一卷神符艸色迷劍歸崆峒尚虹霓丹房火伏青鸞  
麻姑洞天誌 十一卷 三 顧夢曉接

隱綠樹烟沉白鳥啼風送龍猷傳玉液雨滋鸞鶴障  
雲梯迷壺路杳憑誰問聊倚瓊樓看日西

張梓

陰七樓閣逼層空笑倚闌干一覽中人在亂雲隈裏  
過水從片月影邊通石堆野嶂形蟠虎山聳凹峰勢  
走龍遊罷此心添感慨歸程雙袖惹春風

陶桂芳

碎穀無由莫問仙攀雲且得斷塵緣山從海角開圖  
回水到人間作醺泉太古陰陽閱此勝斷碑文字記

當年碧桃紅杏春依舊滄海桑田總說傳

吳元龍

曉來霜力在晴莎興爲麻姑詠踏歌白髮不堪人世  
改青山其奈客情何一泉脉七跳飛雪萬葉蕭七辭  
故柯拉志賞心須盡醉霞將風景嘆江河

卓有見

登山尋勝踏青莎把酒臨風發浩歌王遠麻姑今已  
矣桑田滄海近如何吾人身外皆遺屐此日山中又  
獨柯欲取月槎乘博望桃源有路上天河

麻姑洞天誌 十一卷

蔡時英

聞道麻姑別有春五雲深處隔紅塵松迷鶴迥渾無  
路花暗笛聲不見人滄海日華翻貝闕丹霞瑞色逐  
風輪劉郎自是神仙侶何必天台更問津

朱大濟

偶入崢嶸半碧空飛花流水與無窮閒憑險壓攀蘿  
上忽謾詩成倚杖中野岸松風吹白鶴春雷桃浪躍  
金龍擗麟宴後姑仙去笑指蓬萊駕欲東

幸慶

乘閑與二三子步入麻姑最上峰飛瀑懸厓晴酒  
雪孤松流影月當空塵踪萍梗浮沉內世變滄桑幻  
妄中一笑乾坤雙眼濶肯將孤跡羨冥鴻

萬祥

數椽重構翼岩嵒一眺飛簷宇宙寬倦足我應休石  
磴游入誰不倚闌干設訝小坐酬清賞還擬高攀縱  
大觀國史興豪頻駐節天風幾度送鳴鑾

劉澹

入谷穿雲一徑餘乘風直上女仙家靈泉清沁丹砂  
麻姑洞天誌 十一卷

冷飛瀑晴拖玉帶斜瑤艸日高猶染露碧蓮秋盡又  
開花天風颭颭歸途晚回首幽探興未涯

劉宗器

碧蓮風細葛衣輕十載茲山兩度登霜鬢昭泉今已  
改星杉纏檻古來清奔厓白瀑頻欺雪識面黃冠不  
記名試借麻姑玉鶴駕乘風海上會方平

黃堂

白雲堆裏問仙家石磴崎嶇一徑斜日暖風前猿獻  
果春深洞口鹿啣花金爐伏火長燒藥寶鼎浮烟旋

莫茶此日登臨還勝樂不知塵世有繁華

張政和

夾道青松十里賒樓臺隱隱望丹霞雲中世界麻姑  
王天上笙歌仙子家藥竈烟涵生紫氣芝田雨過茁  
幽芽飛鶴一去無消息冷落春風洞口花

黃溫逸士

野花流水夕陽暝山月涵清半掩門古洞無人春掃  
雪芸牕有客夜論文玉芝吐蕊香初潤石竇流泉色  
正芬賸有烟霞伴仙跡松梢孤鶴睡開雲

麻姑洞天誌 十一卷

四

龍溪曉樓

車廷松

路入麻姑勢轉平昔年仙子駐雲旌青鸞人去臺空  
艸華表鶴歸山有雲秋暮月明金殿冷夜寒風靜紫  
簫清桃源洞口春長在無數琪花巖畔生

蕭玘

雲岑春深紫殿荒侍酬松下酒初香壽聲聽罷泉聲  
續夢夢醒回鶴夢長洞口鹿眠閒白晝石潭龍卧冷  
秋江晚來簫管雲中出疑是麻姑醉後觴

讀刻麻姑山丹霞洞天誌卷之十二

邵守四明鄧鳴雷長豫原監

郡李長水陸 鍵實府原校

少卿郡人左宗鄧景賢編集

東平後學何天爵從之搜續

瀧溪後學邱時彬登大校刻

七言律詩

國朝

中秋月夜麻姑山作

陳嘉謨 都御史

麻姑洞天誌 十二卷

瀧溪曉樓

洞門蘿薜隱中洲長夜宜人別院幽燈火千家遙背

郭風烟何處獨登樓蒼松翠竹留雲住白石清江帶

月流縹緲瑤宮凌萬壑麻姑真作訪仙遊

同林仲山公祖登麻姑山

王材 祭酒

雨過郊原草樹鮮千峰秀色滿寥天花綠鳥澄承仙

屐瀑舞龍淙駐客筵靈運詩篇娛勝日方平風况失

衰年葉引遍歷蓬山頂綠繞松聲下紫烟

雨後登麻姑

山途雨過淨無泥野樹風生鳥乳啼望入玉峰雲隱  
見行聽雪瀑嶺東西仙姑一去空遺迹老大頻來閱  
舊題最喜烟開城市遠繞城萬頃綠苗齊

中元日同劉東濂鄭斗華游麻姑山

群峰隱隱蘊芙蓉散叩靈山訪秘蹤一脉神泉清泚  
遙千年丹灶白雲封烟霏遠控壇臺鶴莫雨長沉古  
殿鐘欲問佞毛洗髓事麻姑仙駕杳難從

其二

葛巾藤杖此山行假寐芝房待月生雨後松杉添秀

麻姑洞天誌 十二卷

二

瀧溪曉樓

色雲中雞犬亂簫聲雙飛夜瀑銀拖剩千疊烟巒翠  
滴成况值新秋共心侶豈應忙促計歸程

其三

拉友尋幽忘路迂松雲深處是麻姑晴開疊嶂霞橫  
錦雨過懸厓瀑滾珠肯藉苗侵官道合蕪菁蒼入麥  
畦疎游人爛醉娛仙境雙雀旋空日已哺

再登麻姑山和韻

張于岸 通判

冠蓋蚤春收勝覽姑山仙洞約同登旆經雙瀑珍珠  
澗吟倚孤松玉屑屑驚極頃忘爲雪後蟾宮何意忽

雲騰遮迤父老低相語金馬花驄見幾曾

和張兩山公韻

高閣層厓四望瞭碧天萬里淨雲霞門留桂樹堪遺  
業路入松林別是家筆底新詩題貝葉山中素飯有  
胡麻謝安不淺登臨興雙屐歸來日欲斜

登麻姑山

王 選

雙飛瀑布挂晴暉芝草瑤花露濕衣粉壁尚留名姓  
在青山如故往來非麻姑蕝藻時無缺王子蓬瀛去  
未歸杯酒莫辭頻盡興等閑回首日熹微

麻姑洞天誌

卷十三

三

龍溪曉樓

眺麻姑山

錢時雨

霧洗晴空萬壑開振衣暫喜脫塵埃巖巖瀑布雙龍  
挂海月驚濤一鶴來不見仙蹤空紫氣謗尋丹井但  
青苔想應只在瑤池畔幾度蟠桃宴未回

吳幼安有麻姑之約不克往赴因作二章寄之

童思善 知縣

爲訪麻姑躡翠微遙聆清磬落岩扉仙壇月霽鸞笙  
杳瑤草春深羽客歸幽討山光迎杖屐行吟涼露濕  
征衣布襪青鞋吾已辦登臨不共賞心違

其二

山游有約我盟寒却羨乘風飛羽翰真境雲深成洞  
往尋公碑在共誰看凭高把酒秋堪賦聽雨啼猿夢  
亦安聞說仙姑能不死月明時見跨青鸞

幼安示道山之作次韻奉答

秋山紫氣濕芙蓉清眺難追才子躡瓊島時聞迴鶴  
馭洞天誰說有霞封冥搜苦蝕古碑字雲卧風傳欲  
曙鐘此地由來稱勝槩重遊何日得攀從

其二

麻姑洞天誌

卷十三

四

龍溪曉樓

承真晨向萬峰行景物淒清逸思生曉霧籠山提雨  
色涼颭起樹颿秋聲鋤來靈草苗方秀煮就丹砂未  
欲成一卷黃庭閑自誦遙瞻仙旆阻雲程

秋日陪劉給諫盧大行登麻姑山

萬言策 左長史

翠微深處氣佳哉谷口披雲磴道迴松結午陰飛細  
雨練垂岩瀑隱輕雷孤亭翼比春官記雙菰翻匕節  
使來輿到半山人境別莫言絕頂有蓬萊

同芳兒登麻姑

羅 錦 封刑部主事

巖前小憩近聞千更上岩頭縱大觀瀑布連飛三谷  
口芙蓉高削萬峯端烟消霧散雨風度林壑帶  
薄寒見說長安天北極呼兒指點傷雲看

同王紱昌太史登麻姑 羅汝芳 左參政

何代姑山此寄家峰頭一徑望中斜青天萬里遙歸  
鶴滄海三山渺去槎谷口金光條碧草池邊若木散  
琪花他年擬嗣方平會五色龍翔羽作車

春瀑

玄女登霄亦幾年銀潢手挽下瑤天風雷畫撼蒼龍

麻姑洞天誌 十一卷

五

龍溪曉樓

吼水雪晴飛白玉懸小有仙源分古洞神功春醖挹  
靈泉何當一醉遲王遠坐看滄桑換海田

同諸彥登麻姑

肩輿兩七快同過十里烟霞度碧蘿渴吸靈泉忘既  
醉氣凌松蓋縱高歌千峰最上懸飛瀑一水渾疑出  
絳河滿目江山俱樂事滄桑無用繫情多

觀瀑亭作

輿圖何代開肝姥秀發仙源派獨長影落銀河星斗  
亂湍迴碧練水雲香兼葭幾爲伊人遡蘭芷誰憑遠

客將江岸幸留神物駐夜深時見引龍光

和顏別駕懷麻姑作

鄒齋江外路無多相望其如勝會何一水兼葭秋正  
好半園松竹雨初過石橋天近雲扶展山閣春迴鳥  
度歌況有神功堪共醉魯公曾爲勒烟蘿

游麻姑山和吳幼安韻

張貴 工部郎中

雙重雪練照芙蓉 麻姑對 芙蓉峯 幽處潛看虎豹蹤瑤草已

非前代色玉書曾 宋人封 宋道君皇帝 封表此山 疎松晚落

千岩月高閣晴飄萬壑鐘選勝嵇康偏載酒杖藜那

麻姑洞天誌 十一卷

本

龍溪曉樓

得鎮相從 時子 病足

登麻姑山

黃學魯

薰風南至夏如春翹望仙臺更可人步向鰲山逢要  
路舟行肝水遇通津泉傾醴醑猶留跡米化丹砂不  
染塵今古高賢類賦詠魯公誰是夢中身

同王睿齋兵憲麻姑山勺泉

陸萬鍾 湖東參伯

試吸神泉烹露芽輕風點七落松花醉來千日山中  
酒流得一杯天上霞似向蓬壺分玉液未須勾漏覓

丹砂着鞭更喜逢王遠不記仙人舊姓麻

春日同陸敬齋參伯遊麻姑山

王儼 湖東憲副

春來愁思未看春暫訪仙源仗故人路入松陰防唱道溪沿蒼岸欲迷津酒逢羽客開新醞泉借神功洗舊塵滄海桑田那可辨聊將東隱寄吾身

其二

洞天縹緲托遐思古寺荒臺亦可悲不改蚪松唐代樹重磨斯刻魯公碑空聞麟脯供行饌無復蓮花照麻姑洞天誌 十二卷

龍溪曉樓

廢池春色年七芳草碧江山誰與問興衰

觀瀑

十里源泉湧碧波千尋瀑布瀉銀河流行晝夜乾坤老分注東西灌溉多撫景攜琴時一操賦詩帶酒暫相過山亭小坐春風暖彷彿疑聞孺子歌

和陸敬齋參伯韻

鄭濬 國子學錄

瑤草金光抽紫芽丹爐白雪煉瓊花紫薇黃蓋嬌紅日彩筆青藜點絳霞五鶴峯高翔貝葉碧蓮池古漾靈砂鴻篇迅掃雲間陸賦宴重開洞府麻

其二

壁立丹霞天柱孤飛來不讓蜀山巫金龍玉簡還今古鳳曲騫笙尚有無韓衆松間騎白鹿王喬海上嘖青鳬三忠咫尺瞻遺烈擊節高歌銀僕始

其三

絕嶽枯藤鎖翠屏扶桑晴日幸仙靈山前一水護田綠檻外千峰插漢青松蓋偃舒蒼鳳翼瀑流飛挂白龍形晚來獨倚斜陽卧千日神功醉不醒

和王濬齋憲伯韻

麻姑洞天誌 十二卷

人

龍溪曉樓

流水閑雲空復春杳杳何處覓秦人丹傳洞客丹中秘路問漁郎溪上津憲節遙七輝白日文星爛七辟紅塵古來詞翰兼應少義猷從看屬後身

其二

上玄都瑤所思荒涼臺殿不勝悲仙遊方外心同賞惠政湖東口亦碑龍虎畫環丹藥井鴛鴦春戲碧蓮池使君賓從還麟宴楚客狂歌豈鳳衰

其三

攬輿澄清定海波提封千里淨江河指揮仗鉞風雷

壯點綴名山蕭翰多賓客南樓慚我後文章西蜀更誰過調高今古人難和白雪陽春郢曲歌

其四

討壑涿溪與獨便探奇不憚萬山巔角巾故礙龍頭石卓錫能穿虎虎跑泉竹葉細傾香瓊酒蒲團坐微小洞天斜陽半壁歸興暮欲叩仙人學引年

登麻姑山飲長旦姪館舍晚過龍門橋酌神功

泉憶初陽弟

三秋文館開靈囑十里仙壇付劫友時七夕聚咏食字俱同錄麻姑洞天誌十二卷九龍溪曉樓

山禽窺硯汁仰花野鹿上書臺烟舍賭墅連棋局泉鑒神功注酒杯歸路不妨幽與劇池塘春草夢應回

麻姑山松下酌泉次王膚齋兵憲韻

張其提中書

斜枝盤屈幾千春分得清陰覆旅人始識神仙真隱處漁郎何事尚迷津龍門橋下欣賞水瀑布亭前迥絕塵海內幽探今十五半生不負此閑身

遊麻姑山

朱謀主王孫

仙壇發跡是何年絕嶠弘開一洞天丹灶已空歸碧

落清池猶在吐紅蓮長松獨秀蒼虬老古瀑雙飛玉練懸爲問秦經遺址在干今幾度變桑田

秋日登麻姑

左宏蘇州教授

嶂列芙蓉青黛間蕭蕭萬壑葉聲哀瑤階寂寂人寰遠壁月屏空鳳影來古殿只今過燕雀崇碑猶自鎖苔莓登臨不盡悲秋興無奈重城暝色催

秋日重登姑岫

左于貞庠生贈御史

曾憶經年信杖藜蕭蕭落葉點秋衣當時雲暝烟如織此夕霜高月滿溪林泉有契頻登覽世路無心問麻姑洞天誌十二卷十龍溪曉樓

嶮巖莫把酒杯空過手滄桑瞬息幾更移

遊麻姑

吳朝宗寧國同知

麻姑深瑣白雲堆有客新從庾嶺來帶得烟霞時獨往題殘蒼鳥惜春迴閑尋野徑鋤山蕨靜枕寒流漱石苔借問羅浮吟宿處幽探曾上幾蓬萊

登麻姑山

戴燦湖東憲副

兀突巒巒四望開門蘿緣磴暫徘徊雲浮一徑通天去神湧雙泉出地來蔡宅有基虛白畫顏碑無字長青苔登臨且酌山中酒夾岸桃花路莫猜



游麻姑山四首

張

恒 本郡太守

名山幽興日相牽，每爲尋真入境偏。  
一路寒光催落木，萬峰晴色亂浮烟。  
熊聲瀑响傳空籟，雲影松陰映野筵。  
此地若非滄海變，豈應絕頂有桑田。

其二

老愛寒山一杖藜，仙都只在數峰西。  
墮前瑤草含雷碧，洞裏丹霞護石低。  
俯瞰淵流垂遠瀑，平看空翠拂秋畦。  
振衣自作桃源客，不似漁郎喚路迷。

其三

麻姑洞天誌 十二卷 洞溪隱樓  
俯看長虹跨澗平，深山那得海濤聲。  
倒衝白石千尋落，一洗蒼厓萬壑清。  
閃日光殊粲，寒披雪色更晶。  
灑然獨立風塵外，對景彌深出世情。

其四

趺坐臨泉片石乾，當杯新月照仙壇。  
綠厓危磴迷宵鶴，剝木分流送別瀾。  
碧落光浮瓊珮杳，虛聲罷玉笙寒。  
疎狂在合傍烟霞老，慚負青山未挂冠。

遊麻姑山和張明初堂翁韻

黃應元 本郡丞

憶昨看山俗不牽，只今戀此懷偏。  
歌來耐可題紅葉，鳥脫猶然帶紫烟。  
竒絕自增秋雨事，嶙峋誰對晚風前。  
匡床且學宗生卧，蒲擬重葺種玉田。

其二

山中道士引青藜，指點仙踪日欲西。  
隱隱雷裊双瀑下，重雲鎖萬峰低。  
秋香影弄空潭水，晚稻生香秀野畦。  
莫問沅源溪路事，當時挿竹幾人迷。

其三

空山墮葉亂雲平，雞犬唯聞世外聲。  
瑤草石壇秋不滅，丹厓翠壑景長清。  
松枝偃蓋擎天勢，瀑濺凝珠映日晶。  
惆悵塵踪投未遂，臨風竦竚豈勝情。

其四

看山杯酒且須乾，座外烟霞護石壇。  
滄海塵沙原浩劫，桃峯溪水自清瀾。  
天垂瀑布飛晴雨，風捲松濤作畫寒。  
真境慨逢人代裏，不啻翻恨此簪冠。

秋日全羅近溪宿麻姑山得銷字

蕭鎰 常寧知縣

碧沼青蓮紫氣銷，蒼松千尺認前朝。  
五峰螺擁開玄

洞二水龍飛挂石橋荒宇苦封曾駐輦孤墳艸合不  
聞笳唐碑宋碣山河壯片月疎鐘未寂寥

詩家嚴偕近溪先生宿麻姑得槎字

蕭淵雲和知縣

誰駕青牛函谷車  
峒峰青映護丹霞  
四時安石山中  
屐千古淵明醉裡  
蒼未論各塲爲  
福寧還輪靜境卽  
仙家滄衆幾度尋  
常事何必方平問  
海槎

其二

歲月浮生走陌車  
杖藜今擬住烟霞  
種來竹葉清於  
麻姑淵天誌

二十卷

十三

龍溪曉樓

酒分得泉流碧入花  
絕勝閑中淹羽客  
不妨岐路過  
田家山南山北年  
七好身世飄蓬海上  
槎

春日華完冲司馬張扶輿將軍同遊麻姑余偶

以病未往湯和來韻

吳應相

郡司李

使君裁決多公餘  
興到山陰訪舊廬  
白雪携來詩滿  
袖青春踏去酒隨輿  
笙吹子晉招鳳侶  
客揖將軍樂  
燕胥千載牛山稱  
勝事自咲相如病  
未如

初夏日華完冲司馬同甘蘇宇虞部鄭水簾吳

擣鐵二孝廉游百卷洲余不期而會因共泝

流登麻姑湯吟志勝

修竹千竿遶翠渠  
晴江一望入松虛  
遷鶯出谷似邀  
我黃鳥聞闌檻  
和余興到頻來  
知有約不招而  
往應  
誰書棄槎共泛  
麻源路月出東  
皋百丈餘

秋日同朱惺復華完冲二寅長遊麻姑山用前

韻

秋來病懶一官疎  
野寺尋芳村雨餘  
偃地分闌蒼送  
酒敲音得句草爲  
書井中拈劍真人  
近海上駕鰲往  
事虛誰借指尖  
爬背癢問君乘  
海更何如

麻姑淵天誌

二十卷

十四

龍溪曉樓

遊麻姑山二首

李夢祥

南豐知縣

姑山清爽雨初收  
上削芙蓉貫斗牛  
谿草萋萋憐舊  
王岡雲曼曼弄  
新秋千年龍簡  
存遺跡十里亂  
松入  
望眸石竇沸泉  
剛一掬可堪春  
色滿江州

其二

風雨颺颺釀雪  
蒼登臨此日興  
偏賒犬聲雲裡  
驚鷗遊  
展鳳吹樓頭隔  
彩霞水碓何人  
供飯蕨石亭爲  
王記  
年華田家屬我  
看仙占喜道春  
來穀更嘉

續刻麻姑山升霞洞天誌卷之十三

郡天初創無鳩雷長壽觀  
郡縣長水陸建府原城

少卿郡人左宗鄧景賢編集

東平後學何天爵從之搜續

龍溪後學邱時彬登大校刻

七言律詩

國朝

秋日全張怡望遊麻姑五韻 有小序

麻姑洞天誌 十三卷

卽鳴雷 本郡太守

庚戌小春信州張郡伯怡望入盱時司李陸開

仲公出余遂邀怡望偕兩郡寮友司戎楊健齋

昌惕懼司馬程涵初信司李趙心融登麻姑山

坐噴雪亭仰瞻飛瀑極飲盡歡薄暮止宿又至

堂是在大雨如注詰朝復命展穿林遍訪名蹟

徘徊古松之下繾綣良久黯然言別怡望作五

詩紀其事而不佞鳴雷爲之續貂聲猶在耳忽

焉隔歲恐其久而忘也遂付黃冠勒之山門以

知茲會之不偶云

鰲柱峰頭望此山夢遊神境杳難攀高真若爲留鸞  
訊上客相將款鶴閑雲路展登窺窈窕石梁箕踞聽  
潺湲甘泉一酌塵襟爽願結松寮駐王顏

其二

百折千盤路不窮懸厓峭壁咤神工嵐光欲盡平疇  
出望眼重開絕壑通雙瀑雲中飛玉練五峰霞表  
瑤空低回便擬乘風去度索三山跨白虹

其三

麻姑洞天誌 十三卷

二

龍溪曉樓

名山吏隱亦悠哉况值翩翩作賦才寓目煙霞供綵  
筆依人禽鳥下丹臺紛披暝色靈心映坐對言醉  
眼開直半雨來山欲裂臥雲清夢絕塵埃

其四

向曉看山雲正飛翠微靄已滴人衣泉名噴雪聲逾  
遠峰欲齊雲勢更巍清直已拚燒燭飲淨途何惜杖  
藜歸蹇蘿捫壁尋遺跡指點黃冠問是非

其五

何來塵袂復驅人欲別銜杯更悵神雨後蒼厓如春

主霜前紅葉宛留賓分無謝客窮源與勝有羊公跡  
峴身莫惜片時松下立愴忙後會總難申

秋日同郭齊雲遊麻姑五韻

張履正信州太守

仙峰翠律昔曾登此日重來勝轉增高刺金鋪延繡  
嶺虛亭王立繞寒冰雷轟杯底危厓瀑星挂天邊附  
郭燈自是山靈欣得主迎人翠靄故層

其二

公餘幽討勝情同况是風光十月中才子清時來海

麻姑洞天誌

十三卷

三

龍溪曉樓

內真人紫氣滿湖東暮嵐黯全迷嶺寒葉蕭半  
舞空欲雨莫須留客意已拚分榻白雲叢

其三

日光晶比水雲重却外巾車命下春老去山川容著  
屐狂來風雨避飛筇巉岩歷盡田原出瀑布聽殘泉  
脉逢秉燭醉遊忘入夜冷然醒耳一聲鐘

其四

曉起看雲亂颺支筇松下雨何妨高標挺特千霄  
漢垂餘飛揚舞鳳皇化作宰官曾度世

胡傳郎生  
夢松入懷未

逢真主不抽芳

松枯于勝國  
入明初後榮  
靈根信是參元化每

其五

鳴泉橋上敞離遙今昔興懷一慨然惠麓釣磯閒綠  
鬚粵江戎節破蒼烟

翁周聖華先冲鍾  
情此山故追念之  
山間流峙來

天地客路風塵變歲年後會又知誰得共臨岐把酒  
問青天

遊麻姑山四味

陸鍵卿司李

仙壇

麻姑洞天誌

十三卷

四

龍溪曉樓

生長麻姑不記年惟聞滄海與桑田脯麟已破人間  
味搔背還疑世上綠一自丹霞歸紫極空餘白練掛  
蒼巔千秋俛仰南柯下蝴蝶莊周亦枉然

齊雲亭

千盤石磴嶺頭開雲結孤亭霞結臺三楚峰巒凝壁  
在兩湖風雨送青來天涯目斷愁偏眇山際人稀獨  
有懷瞬息羊牛已欲下猶留猿鶴與徘徊

古松

羣山萬壑掃槐槍千載喬松覆古堂偃蓋停雲聲瑟

瑟懸池滴露晚蒼七貞心自足綿今古翠幹長垂傲  
雪霜世代不知更幾換依然封號舊時唐

龍門橋

誰將銀漢劈前巒半作白雲半作瀉駕自九天疑鵲  
壘危臨萬壑有龍蟠月明潭影翻石壁風激谷聲失  
潺湲對此憑欄思無極新亭濁酒醉臨淵

春日遊麻姑山遇雨

陳臣忠 進士

郭外聯鑣趁盛遊雨中山色倍清幽五峯掩映雲開  
寂又瀑飛懸雪乳浮青鳥不傳靈女過蒼岫長爲大  
麻姑洞天誌 十三卷 龍溪曉樓

秋日遊麻姑步鄧齊雲公祖五韻

左宗鄧 太常少卿

瑟七丹楓點亂山偶從仙吏共躋攀明河雙落蛟龍  
影雲霧長封虎豹閑紫翠似環金歷亂碧溪如帶玉  
潺湲滄桑幾變人間世惟有蒼松不改顏

其二

憑高一望思無窮何客登臨賦獨工白雪調成人寡  
和瑤池仙杏路仍通南樓明月千秋况北海清風滿

座空雅興未酬天欲噴遠山猶自挂清虹

其三

爽籟披襟亦快哉江山閒主謫仙才鶴駕曾駐雲邊  
影環佩初啼月下臺理草依七經巖長沓蒼灼七爲  
誰開武陵溪水仍清淺幾見柴田起暮埃

其四

霜落澄空木葉飛蒼七滴翠欲沾衣虹橋高揭星河  
近鳥道層霄石磴巍縹緲笙簫雲外度徘徊鸞鳳月  
中歸碧沓宴罷滄桑改欲問當年事已非

麻姑洞天誌 十三卷

本

龍溪曉樓

其五

風光何處不隨人秋淨登高倍怡神雙鳥綵鳬歸杖  
屨一尊清夜得嘉賓幾年廊廟匡時慮萬里江湖恋  
關身字合尼丘應有意齊雲今喜重生申

遊麻姑四韻 有小序

林紹明 刑部員外  
江西撫刑

麻姑山勝甲海內而久坐榛莽中建武郡侯齊  
雲鄖年丈始力營之爲山靈增勝樂焉以辛亥  
菊月之廿三日邀予往時同遊者司戎昌惕慎  
司馬程涵初司李陸開仲登仙壇想見擲米處

亭曰齊雲悟宿因焉古松靈骨殆非人間有瀑

布如二龍蜿蜒而下聲若鼓鐘以酒籌節之至

賔而散見張鄒二郡侯所爲紀游十咏者慨然

慕焉

仙壇

縹緲仙壇一磴通平田絕頂蒞珠宮烟籠碧海三

後月照丹砂粒米中鶴馭何年還蔡宅螭碑終古憶

顏公山靈地主緣相待四美千秋喜獨逢

齊雲亭

麻姑洞天誌

十三卷

七

仙溪曉樓

謾道清都不可躋孤亭上與白雲齊環滁山水翕堪

醉峴首風光日未西是處靈岩欣得主箇中新構恍

前題當年仙嶠憑誰記似解今朝五馬嘶

古松

尋幽爲訪秦川客長揖親逢唐大夫蒼佩月明朝碧

落黃流露湛灑瑤都不妨枯槁需真主曾化熊羆

入夢胡一柱九天擎獨力千年花甲問麻姑

瀑布

半林蒼葉點新紅百折冰湍挂碧峰若爲朝宗馳萬

馬似將霖雨捲雙龍坐來白雲空中調臥去清霜夜  
半鐘却咲浮生隨浪滾登臨轉盼又飛節

麻姑瀑布新亭得敲字

王一言 府丞

雪亭蕪沒山之功使若尋勝始誅茆九天玉練瑤光

燭冬日和烟瑞氣交老稚樵人相向坐主賓苛禮一

齊拋餘餘忘却歸程晚更把新詩對月敲

暮春同張綱夫振夫二年姪登姑山

林茂桂 丙戌進士

會仙高處紫雲堆二仲招携載酒來萬壘峯連紺殿

麻姑洞天誌

十三卷

八

仙溪曉樓

起雙流雪噴玉龍迴澗沓春盡飄紅雨岩碣烟深覆

綠苔正好振衣舒嘯咏謗將清淺問蓬萊

望飛炉峯

碧虛鳥道費躋攀礙睇三仙縹緲間不信桑田能變

海却疑鑪鼎亦移山麻源谷口嵐光鎖華子岡頭樹

影閑猶憶謝公佳句在紅泉莎草總成斑

登齊雲亭次王侍宸韻

黎民範 工部員外

縹緲飛雲亭與齊登臨眞境路何迷洞開唐代仙晉

跡峰接秦人天可梯消處翻七五馬壯望來隱七萬

家低經綸猗舉事難朽今古芳名此共題

觀瀑

萬民華 真定同知

爲惜流光等石敲謾尋仙路轉山均泉珠濺玉飛寒  
澗松蓋籠煙滴露梢聲出吳謳如鳳吹進鋪海結似  
麟散呼童莫用燃新炬月鏡橫空照四郊

和齊雲亭王侍宸韻二首

誰將雄構倚雲齊避世尋真問路迷法鼓潮聲通上  
界天香雨氣遶丹梯俯窺大地山河壯仰首三台日  
月低佳興登高思作賦且吟仙句和仙題

麻姑洞天誌

十三卷

九

龍溪曉樓

其二

清風千古頌夷齊芳草斜陽思轉迷暮宿山間歸洞  
府朝遊天上吸雲梯神功泉漱溫還冷五老峯迎高  
復低寶殿瑤臺空伴月仙人白玉久留題

和齊雲亭韻

范 柳 順寧知府

危峰高插白雲齊咫尺仙關路未迷世遺真人臨地  
玉身依化國是天梯軒檻北拱星辰近履舄南垂華  
岳低欲向山靈探往蹟玄旻無語見璇題

同華完冲公祖飲麻姑觀瀑亭

鄭 汝 當陽知縣

塵洗清都玉樹標新亭曲曲度銀橋風迴萬馬千山  
雨雪咽雙龍八月潮酒注神功心獨醒樽開北海興  
偏饒素人不見菴花杳誰逐胡麻飯一瓢

杪秋同社中諸友集觀瀑亭得敲字

一入青山萬劫消縣厓吹浪舞潛蛟銀河地隔秋槎  
近玉髓香流白石敲蓮蕊瑤池終化碧鶴依華表不  
歸巢醉來直泝天邊月長吸明霞此結茆

噴雪亭新成枉道分賦

鄭之文 賜進士

麻姑洞天誌

十三卷

十

龍溪曉樓

可是吳門匹練孤蛾眉天半更難圖趙家柱碎連城  
玉銜尉徒傾十斛珠絕壁晴含朝雨潤斷厓秋挂暮  
濤呼不知石上瑤琴奏得似琤琤此調無

遊麻姑半山亭

聶 鉉 辰州同知

欲探玄都玉檢文上方鐘磬忽相聞孤亭靜對三芝  
雨絕壁常飛大海雲望裏烟霞真可餌閒來俱鶴自  
爲羣仙壇咫尺顏相望蘿薜深七翳午曛

觀瀑

石磴盤雲紫氣重靈源長瀉碧芙蓉飛厓不斷四時

雨落洞長鳴萬壑松帶月影拖珠錯落迎風韻碎玉  
爭珠遊人莫訝尋常景沛澤偏饒噴玉龍

胡公祠

興逐仙原盡日看特瞻祠宇並噴噴百年步禮青蘋  
重一代雄文紫氣盤日映山花春正暖風搖歲木蒼  
生寒乾坤雙眼真堪縱便欲凌虛借羽翰

咏古松

百尺蚪枝飢舊聞藤蘿紫霧日氤氲風雲歷代聲尤  
沸雨霽千秋氣尚薰玄鶴夢回羣嶂月赤鱗晴散一

麻姑洞天誌

十三卷

十二

龍溪曉樓

庭芬幾同坐嘯清陰下鳴鳥飛芒送夕照

仙壇得秋字

清虛不羨玉壺遊絕巘層巒處七兩古木藤蘿凌日  
月石田雞犬自春秋何來雲氣封丹竈知有真人跨  
赤虬讀罷殘碑神欲往不妨斜日坐淹留

華完冲招飲觀瀑亭

黃文炳 建水知州

今古麻姑列十洲縣河雙瀑渴長流已嗟舊樹成虛  
構獨喜新亭足勝遊仙嶠春深麟脯熟神泉霞落蟻  
杯浮從來華子標三公又見乘槎瀑布頭

麻姑半山亭

吳麟 永寧知州

行七面上山亭半上盡山亭意未停四望危峰朝百  
壘幾尋幽跡憶杉星盡日無風龍白舞晴空不雨瀑  
如霆阮狂千古能翻白應到山中眼倍青

其二

瑤池猶記長三花莫訝滄桑景物遑青鳥有時飛碧  
海紅塵特地幻丹砂真人舊宅猶稱蔡仙子元身亦  
姓麻浪說方平幾延佇雲嶂已駐阿經家

登麻姑

張時泰 太平知縣

麻姑洞天誌

十三卷

十三

龍溪曉樓

十載登臨事杳然重遊偶屬小春天雲光乍靄迷丹  
洞草色輕寒罩野田蒼蘚碑荒難認字碧桃人遠尙  
窮源山靈莫咲塵埃久逸興乘風便欲仙

觀瀑

趙日章 孝廉

銀河天漢未云遙坐對令人意轉飄雨過雙龍奔急  
峽風生萬馬度危橋排空浪湧千峰雪觸石樓高百  
尺潮未必天台真勝此期君佳賦托霞標

姑山觀瀑時門人黃元在王叔葵載酒以從分

得高字

黃汝亨



憑虛直上五雲高，忽湧空山响。怒號半嶺平添三峽，雨雙峰橫落九秋濤。清浮烟氣，迷山靄細，耀珠光散。石濤况有門人，載酒欣將流水爲君操。

侍黃貞父先生飲觀瀑亭分得高字

黃公桃

半山風雨勢偏豪，雙瀑俄驚白練高。振谷雷聲傳曲澗，排空浪陣引長濤。飛來銀鳥香生霧，吸盡瓊漿雪點袍。着屐追隨吾輩在，汪七千頃醉詞曹。

王秉揚

麻姑洞天誌

卷十三

十三

龍溪曉樓

名山長自見，晴濤雨過飛。流勢轉高氣，挾輕烟翻洞壑。聲驅爽籟薄，林臬當歌忽。退黃金縷對，酒頻搓白玉。毫探勝幸能隨，叔度卽看千頃竝詞曹。

齊雲亭

過間聘

方平宅後最高巔，誰昔雲亭亂草芊。不爲使君留馬跡，何緣高柱接雲烟。仰穿複道高曾出，俯睇平池藻荇牽。正是官閑羣政美，何妨露冕指雲軒。

倚松登

李尙寔

碧桃誰與種，玄都未若蒼松閒。歷殊黛色，泰天開羽

薇虬枝撐漢長，珊瑚秦封五列根。逾遠唐植千年夢，豈孤神物有靈山。鬼護應隨天壤壯，皇圖

同諸友飲麻姑二首

吳廷諤 南城教諭

仙臺深瑣白雲隈，曲磴平疇次第開。人望不知天盡處，博空疑有石飛來。千盤偃蓋蒼蚪立，百八懸淅白練裁。延佇靈踪還極目，玉貞應駕綵鸞迴。

其二

千岩古色滄蒙茸，萬派奔流絕壑衝。共詫烟霞騰虎豹，忽驚風雨暗芙蓉。淋漓滴浮白星還聚，縹緲飛丹石未封。醉我良朋解乘興，歸來山寺半鳴鐘。

麻姑洞天誌

卷十三

十四

龍溪曉樓

登齊雲亭步王侍宸韻三首

平楚蒼茫萬態齊，虛亭飛揭壑中迷。應知彼岸原無後，始信登天亦有梯。巖嶺月明孤鶴下，滿湖雲淨去鴻低。古來太史崇玄時，定有金函護御題。

其二

姑山亭子碧雲齊，石磴縈行路不迷。邀月登臺時命駕，摘星當戶可捐梯。目窮弱水三山出，身在清都萬象低。自昔登高誇作賦，不妨飛白醉中題。

其三

孤亭一望楚天齊，萬戶烟蒼夕照迷。  
劈破青旻擎紫蓋，飛來白練繞丹梯。  
霞流洞口淵虹臥，月上峰頭山雨低。  
踴躍尋真觀不厭，上林詞客有新題。

范嶧

姑山亭榭倚雲齊，午夜蒸光炯不迷。  
面七晴嵐堪列嶺，層七蒼翠若爲梯。  
寒潭龍起天門迥，仙嶠鸞迴夕照低。  
傑構雄名應有待，紫苔封處爲誰題。

夏廷選

麻姑洞天誌

十三卷

十五

龍溪虎樓

山椒結屋與雲齊，直溯仙源徑不迷。  
彷彿鬚明河環絡，闌蒼茫若木駕丹梯。  
水分瀑布千村潤，地切台垣萬象低。  
羽客尙留佳句在，從教此日拂瑤題。

吳惇宗

遙看傑構倚姑峒，聳出層霄紫氣豐。  
絕頂晝開風雨色，斷虹秋挂薜蘿崇。  
飛泉直下千餘尺，綠野橫開萬畝同。  
不獨醉翁亭境勝，齊雲仰止是眞嵩。

萬文麟

何年神女駕祥鸞，千載空傳玉佩珊。  
亭逼雲霄天外

望山開圖，西霧中看凭闌東望，舉周魯倚檻升高郵。  
步邨人傑地靈，應並美一天星斗夜光寒。

秋日遊麻姑

馬煥寶 孝廉

路入層霄石磴巍，蒼苔滴翠欲沾衣。  
虹橋玉壘蛟龍臥，鳥道瓊花白雪飛。  
幾點亂山橫遠黛，數聲幽吹落斜暉。  
登臨不盡天台興，仙酒何妨共醉歸。

麻姑晚眺

王嘉禾

絕嶺奔坂石徑賒，亂雲飛盡日初斜。  
蒼松枝上含朝雨，瀑布峰前帶晚霞。  
玉井依稀王子跡，蓮池寂寞蔡經家。

麻姑洞天誌

十三卷

十六

龍溪虎樓

經家登臨無限徘徊思，一枕清流映月華。

秋日同諸友遊麻姑

馬徵

策蹇乘風爲探奇，崔嵬石磴卽仙梯。  
倚天雙劍垂丹壑，插漢羣峰簇紫芝。  
碧澗細流環珮裊，松濤空起洞簫吹。  
相招幸喜如蘭集，莫厭山中酒滿卮。

秋日同鄭長旦梅長祥遊半月水簾洞

吳可傳 孝廉

半壁橫分寶月圓，珠光斜度五雲端。  
漢飛裊裊海三千，雨冷淩淩田百二。  
湍洛浦玉妃，斷映昭陽紈扇散。

輕寒莫教吹動霓裳曲恐負君王步七看

其二

亂雪長流散六花洞門半壁鎖烟霞虛傳滿上蛾眉  
月忽斷星河漢使接匣鏡玲瓏光幾尺寒漸漬薄冷  
千家自憐羽翰凌風邇咫尺天門是帝車

秋日登龍門橋禮斗石瞰半月水簾洞步吳州

來二韻

鄭象箕

寶月輪開恨未圓霏如霧罩雲端一鈎斜挂千秋  
影半壁光垂萬頃湍龍女穿成珠箔細蛟鮪織就玉  
麻姑洞天誌十三卷十七 龍溪庵接

梭寒結隣何事奔青漢不向人間洞府看

其二

天女乘空散雪蒼胸前明鏡照流霞風迴洞口搖湘  
影月曉河邊辨漢槎線七巧穿冰縷骨絲七光映玉  
人家銀鈎欲上莓苔鎖未許霓裳引鳳車

歲辛亥仲秋育英堂落成諸生志喜

其一

李先芳

鳳高木葉下千山蕭颯林杳喜共扳銀漢淙七垂霧  
壑丹霞片七落雲閣喬柯宛轉迎仙仗碧淵紫紆弄

玉浚洙泗絃歌久寥落舞雩今日幸承顏

其二

黃公李

桃源洞口片雲飛縹緲仙妹美玉衣小魯成軒思景  
行高峰入望仰崔巍烟涵暎色清螺淺夜帶霜寒白  
崔歸華表重來千載事劉郎前度是還非

其三

姚來京

江山風月醉遊人何處登臨不暢神卧治獨傳香案  
吏從游應喜附嘉賓烟霞未了三生約歲序堪驚一  
夢身試叩齊雲峰頂鶴千年靈氣重生申

麻姑洞天誌十三卷

十八

龍溪庵接

其四

姚來宜

高秋無地不悲哉欲駕秋光愧郭才萬疊芙蓉迎劍  
履蒲山烟靄護樓臺碧溪漱瀧晴沙茂古木蕭森疊  
畫開白是仙遊多雨露葉麻千里絕塵埃

其五

鄭象箕

登臨極目渺無窮上客吟秋賦獨工萬壑寒聲催葉  
下一溪流水曲池通風搖雪浪迴青嶂雲破霞光露  
碧空山斗具瞻今日盛行看士氣吐晴虹

麻姑訪鄭二丈閱魯公碑

姚來宣

絲筆曾傳夢裏花詞壇猶憶舊名家  
堦前書帶空秋草谷口文章奪艷葩  
有客朝來歌白雪問誰松下演  
三車洵源共有尋真約不謂仙人總姓麻

同諸鄉老聯社限韻

夏日貢州判

使君亭榭與雲齊霧露蒼蒼四望迷  
五馬登臨堪載酒雙鳬飛上獨凌梯  
振衣轉覺三天近俯檻遙看萬象低  
名世應期良不偶空懷仰止續貂題

望麻姑仙壇同劉徵君賦得寒字

麻姑洞天誌

十三卷

十九

龍溪曉樓

浦陽王 懷源

望斷麻姑獨倚闌芙蓉高簇白雲端  
壇空月吐心逾靜竈古苔封火已殘  
泉落中峰晴作雨松號半嶺書生寒  
遊仙縱是王喬事敢扮吹笙引鳳鸞

龍門橋

華山王 心源

謁罷麻姑散午烟再過橋畔看飛泉  
孤峰上與蒼天接遠澗高從碧漢連  
醉極還堪依石坐倦來不復枕  
流眠藤垂洞口人難到咲指双龍望裏懸

遊麻姑山

黃有仁 金縣縣丞

閒步城南十里長麻姑山色綢蒼  
七始經幽谷人踪少乍到層岩客興狂  
仙界三峯紛匝地神功一勺自浮芳  
橋邊觀瀑龍歸澗天半吹簫鳳下岡  
竹塢有亭過賦客洵源無路問漁郎  
山名五老從何代松號大夫種自唐古  
井源存曾透海真人墓在孰然香顏碑  
寶字經回祿蔡宅荒基照夕陽指點遠  
村瓊作島權呼清酒玉爲觴石枰數局堪  
消畫雲樹千尋可納涼欲去猶聽禽語巧  
將歸莫遣馬蹄忙明年又有探春麻姑洞天誌

十三卷

二十

龍溪曉樓

約拉友重來醉不妨

帶翁王老年伯聯社觀瀑亭步敲字韻

王時賜 原例生

銀河天半卽山均盡落千峰瞰遠郊  
選勝美人芳結駟移尊佳地况誅茅  
勻圓細舞明於注噴薄長鳴響似敲  
賸有羣公清韻滿還同謾七在林梢

麻姑山十首

吳之屏 南城令

姑山七 衡白雲邊一徑平臨北斗懸  
瀑噴又流飛似雪巖開一線影如弦  
尋幽入壑疑無地躋險穿林別

有天望裏滄來經幾變高山流水白年七

其二

欲叩仙壇問化机蒼七鳥道客遊稀林深清翠衣宜  
濕峰插高空驚欲飛古樹猿驚樵子過石門犬吠野  
僧歸雲迷壘嶂難知處但聽鐘聲出翠微

其三

孤峯天畔削芙蓉絕壁懸崖紫翠重石室遠遮蒼樹  
杪丹房長借碧霞封雲生淨土龍歸鉢露冷空壇鶴  
唳松一道香風來接引不須沿路問僊踪

麻姑洞天誌

十三卷

三

龍溪虎樓

其四

仙都觀裏四時春路入龍巖絕市塵丹竈尚存修鍊  
蹟深山猶有避秦人偶因物累來驅俗爲訪玄机學  
采真欲識方平會僊處誰來指點舊根因

其五

岩崑徑路影沉七萬壑松風起夕陰不見嵒嶂飄上  
界惟聞禽鳥噪空林千年山水同朝暮四壁煙霞自  
古今爲問仙人何處去琪花瑤草杳難尋

其六

月滿神功漾碧苔巖風笙鶴近蓬萊石當隙處珠林  
接路到窮時棧道開藥採刀圭選玉液聲傳瓊珮出  
瑤臺花源自是堪逃世莫學漁郎去便回

其七

盡日青山禮玉皇人間甲子已相忘丹燒九轉成金  
母蒼落餘香滿石床片七堯花霞佩色青七瑶草翠  
翹粧仙几只隔雲深淺莫道雲深仙渺茫

其八

箕踞長松興自奇山深何但世情遺况逢寶地群氛  
麻姑洞天誌

十三卷

三

龍溪虎樓

其九

搔首丹霞擁玉京盈七滿耳是鶯笙蓮開碧玉香風  
煖步履長虹河漢明呼吸可能通帝座徘徊恍已入  
蓬瀛當年委蛻俱塵土惟有流泉是舊聲

其十

俯瞰千山與萬山五雲深處是仙關飛來紫氣從天  
下望絕紅塵出世間霧隱洞中春寂七日斜溪畔水

潺也但聞四聲啼猿鳥迷却來踪未可還

神功泉四首

吳之屏 南城令

碧磴岩峩擁薜蘿清泉滴瀝自巖阿白雲常傍峰頭  
出紫翠遙飛澗外過露隊高天澄徹底月明漾水寂  
無波瑤池何必尋青鳥一勺神功較孰多

其二

高山深處一泉幽丹液如斯日夜流騷客尋芳呼渴  
至倦人結伴采真遊一泓流水冰壺徹幾樹孤松翡翠  
浮凡骨慚非勾漏令漫凭丹井問丹丘

麻姑洞天誌

十三卷

三

瀧溪曉樓

其三

臨流眺覽欲斜暉臭味相投未忍歸幾片寒雲生杖  
屨半山清溜吐珠璣泉香石竇流神醲風靜林梢見  
雀飛跌坐但知頻聚茗塵緣到此自忘机

其四

禿源洞口寂無塵玉潤虹流黛色新一脈飛泉千日  
醉萬年丹竈四時春何妨吏隱頻尋勝不似漁郎欲  
問津吸盡神功判醉而于今難作獨醒人

續刻麻姑山丹霞洞天誌卷之十四

郡守四明鄧鳴雷長豫原監

郡李長水陸 鉅寶府原校

少卿郡人左宗劉景賢編集

東平後學何天爵從之搜續

瀧溪後學邱時彬登大校刻

雜體

宋

送南城尉羅君

曾 鞏

麻姑洞天誌

十四卷

一

瀧溪曉樓

麻姑之路摩青天蒼苔白石松風寒峭壁直上無攀  
援縣磴十步九屈盤上有錦繡百頃之平田山中遺  
民耕紫烟又有白玉萬似之飛泉噴崖直瀉蛟龍淵  
豐堂廣殿何足言階梯插入牛斗間樛枝占水不記  
年空嗟呀然臥道邊幽谷自蟬娟林深爲誰妍但見  
塵清境靜翔白鶴吟清後雛禽乳鹿往來鹿荒嶺却  
視來徑如絳綰千重萬疊岩岩下有荆吳粟粒之  
群山又有歐閩一髮之平川奕棋縱橫遠近布城郭  
魚鱗參差高下分岡原千奇萬異可意得墨筆盡禿

誰能傳丈夫舒卷要宏遠世路俯仰多拘率偶來到  
此醒心目更欲洗耳辭囂說羅夫子一日遠補東南  
官愛此屑厓峻壑之秀發開軒把酒可縱觀喜此披  
霄插漢之疊起出門舉足得往還羅夫子一尉龍蛇  
方屈蟠此邦人衣食足闔境年抱鼓閑几案朝  
裁得休暇山水登覽遺紛煩我行送之思故園引領  
南望心常懸

望仙曲

張商英

麻姑王蔡述已往望仙亭在孤峰上朝見五雲飛暮  
麻姑洞天誌十四卷 龜溪曉樓

見五雲歸雲飛雲歸自今古仙來仙去誰可知勿望  
仙望仙日眩徒茫然白石可煮誰能言不愛插翼冲  
青天玉池且酌太和酒一醉壽同天地久陶與物  
任浮沉肯顧霞衣雲組綬

國朝

春日省耕便道之山

秦 夔

迎仙橋上花冥上通會郭前春草生歡聲夾道民吏  
迎爭言使君來省耕使君十年專兩城武昌樊口舊  
所經政令未一民未寧歌徒有憂民情爾時郊原

雨初晴嫩寒着人羅袂輕乘披拂地雖不驚野鷺欲  
眠啼亂鶯羽人白髮衰顏頰功我遂作麻姑行麻姑  
山高天下名芙蓉插天真削成石厓崢嶸龍虎爭赤  
日下照玻璃明山頭飛泉匹練橫下注千尺寒潭清  
中有仙人吹玉笙傳是晉代王方平紫綃衣裳纖翠  
翎翩然乘風下雲輦千年往事誰足憑晉公文字昭  
日星穹碑幾立山扁上帝詞護煩六丁後來羅公  
當代英指斥前輩訕仙靈詞源滾三峽傾道在不  
作荒唐鳴老禪詩魂呼不醒醉來得句誰與評仰天  
麻姑洞天誌十四卷 三 龜溪曉樓

一嘆氣拂膺蒼烟落日同雙旌

登麻姑山

陳 旒 新城教諭

予將窮冠聞麻姑麻姑遠在肝江隅邇來宦遊得登覽  
乃是清虛境界之仙都芙蓉插天青萬朵上有飛泉  
下芝圃樓臺倒影捲盡開造化何年開洞府置身絕  
頂天風生鬢毛蕭爽肌骨清羽客來迎譚往事始知  
山假麻姑名麻姑去後無還日荒烟野霧迷仙跡獨  
有岑碑立古亭龍文龜字魯公筆神仙有說雖荒唐  
此碑則出忠義腸上帝呵令鬼物護千秋萬載誰敢

傷高與未足晚何遽拂得一咲下山去明當載酒重  
來遊次第還看殊絕處

和曾子固韻

王綸

我來登山如登天八月正值秋光寒乘風凌露絕引  
援險途見慣羊腸盤不須別問玄崔嵬青田飄然袖  
拂丹竈烟頃臾上挽銀河瀉玉泉掣斷雙虹駕九淵  
叫開閭闔恨無言神州百二指顧間蒼苔暗度不知  
年白石如羊卧草遶霜月白娟七老梅耶競妍但見  
海天寥闊來孤鷺層霄日正飛野雲黯澹浮嵐巔回  
麻姑洞天誌十四卷 施溪曉樓

看巨石控蘿紆千村萬落連林杳不知謝安何樂遊  
東山爭誇王維絕妙圖嘲川山靈如在常訶護玉莎  
瑤草四時青翠橫郊原鋤月種梅真雅淡擲米成砂  
恐浪傳境界分明天造設麒麟豈受人縛牽平生自  
愧無仙分啣杯且聽琴聲喧鐵漢子胡爲愛做折腰  
官對此蒼梧翠竹之奇秀神遊八極飛屐觀藉此高  
山流水之勝槩振聳一笑何常還鐵漢子鞭霆喚起  
潛此蟠丈夫舒卷俱磊落肯將顛笑拋等閑覆雨翻  
雪成幻夢談神話鬼空勞煩玉山且莫倒習園頭上

青天北斗懸

遊麻姑山

詹景鳳 國子助教

我非王方平何處訪麻姑空飲神功水徘徊山之隅  
山中古松皮似鐵蚪枝連蜷老霜雪唐時金龍鑄者  
工揚聲欲吸峰頭月鱗甲接七勢若飛恍惚雲生互  
明滅葛洪丹井久已枯菴卷之源亦浪說奕碧蓮池  
今變田千畝縱橫宛龜裂幽深祇合秦人居辟世躬  
耕尚堪悅若道神仙殊世人此地亦應隔迷津麻姑  
已去千年久山中遙望空氤氳欲傷輟公訪奇迹斷  
麻姑洞天誌十四卷 王 龍溪曉樓

遊麻姑山六言排律

朱彥 刑部侍郎

羽駕龍車舊宅金垆玉簡幽宮及練亭前秋水七星  
杉下春風蓮沼何年變白菴蒼幾度翻紅明月清陰  
軒士星冠羽褐翬翁一弄瑤池新曲夜寒風入霜松  
麻姑山扁額附錄

丹霞小有洞天 郡守鄒鳴雷司李陸健同立



蔡真人故里

天一真慶宮

御風行館

又互堂 已上似郡守鄒鳴雷司李陸鍵同立

雲從公館 郡人提學御史左宗鄧爲

有英堂 郡守鄒公功學會所立

思齊精舍 令郡諸生爲有英堂肄業所立

山斗具瞻 郡守鄒公功學會所立

省想堂 白窓施錄書

麻姑洞天誌 十四卷

乾坤清氣 三谷左書

高山流水 湖東道副使王永寧題于龍門橋

脩然濠濮間想 進賢縣知縣黃汝亨書

玉龍雙吼 泰政羅汝芳題

一覽滄桑 通判華仁夫題

玉練雙飛 華仁夫題

一勺之多 御史邵梅敬題于神功亭上

千頃雲 副使李開芳書振永亭古題

枕流亭 檢討趙師聖題仰高亭古題

噴雪亭 郡守鄒鳴雷題蒲葵亭古題

太古亭 羅汝芳題餘不亭古題

神功亭 古題可亭

觀瀑 趙師聖題湧雪趙師聖書

雲閣 古題宜亭

恒山精舍 學士宋濂題

清輝閣 古題

麻源扁額附錄

第一山 山門

麻姑洞天誌 十四卷

大雄寶殿

白衣觀音堂 棲雲禪室

真君殿 真如普照郡守鄒鳴雷題

桐栢堂 雲塢一憩

碧澗呈祥 郡守鄒鳴雷題

卷石岩 贈舒桃漱亭

谷口雲豐 石壁古題

從麻姑扁額附錄

飛鰲峰 長春閣

見雲堂	沿光軒
洗心堂	坐春亭
鰲峰深處	中和石室
浮金浸碧	聳壑凌霄
昭乚之多	振衣千仞
鄭公生祠	前峰書屋
武當宮	閔王殿
觀音堂	夫人殿
玉皇閣	斗母殿
觀音洞	竹影庵
靈雨岩	獅子岩
玉冷泉	雙玉樓
留雲峽	虎豹關
印空今無	綠雪
蟾窟	玉立
天下奇觀	別是乾坤
麻姑山對聯附錄	高山仰止
一天門	程嶺題 左宗鄧書

路入仙源平似掌	鄭汲
門迎五老敬於賓	又
路達仙源碧落平	開金世界
門朝五老青霄削	出玉芙蓉
元通寶殿	王作宸題 程南樓書
鸞迴鶴降七月七	鄭濟
霧應霞丹山外山	又
正殿柱聯	九
麻姑洞末誌	龍門橋下水雙流
又	王一言
雪瀑天垂羽蓋遙	鵲鳴雷
丹霞嶺峙金龍玉	簡鎮千秋
又玄堂	願將風月均黎庶
樵作江山開主人	又

飛鳥探奇漫道山中完郡事

冥心入妙誰知物外悟天眞

省慰堂

鄭 燮

麟脯瑤腸仙子有期臨蔡宅

銀鈎鐵畫忠臣留記鎮山門

天一眞慶宮

陸 鍵

不掘世界空同那識孺子歌治佳趣

應知山梁清淨莫非宰官說法玄神

四忠祠

鄭與常

麻姑洞天誌

十四卷

十

龍溪晚樓

兩朝增重山川于唐于宋

三谷揚輝日月或義或忠

噴雪亭

鄒鳴雷

劈開一青玉

飛出兩白龍

又

陸 鍵

飛流落澗空鳴珮

長嘯乘風且濯纓

又

知白爲谷也噴何必非白也乃守黑

避喧聽瀑也吼未嘗不喧也正自寂

觀瀑

華仁夫

飛流直下三千尺

疑是銀河落半天

胡公祠

鄭 汲

江右崇崇勲萬古雲霄瞻氣象

姑峰巖廟貌蒲林風雨護精靈

育英堂

黃公素

麻姑洞天誌

十四卷

士

龍溪晚樓

文章仙風道骨

德澤山高水長

千樹結棠蔭帶一簾檻外豁仙仁風倍暢

五馬來騶從踞片石座間觴咏化日偏長

齊雲亭

葛民華

雲繞齊亭喜五馬登臨鴻號應山川之勝

天開姑嶂看雙龍飛練人文煥日月之華

育英堂柱聯

鄭象箕

麗澤沛江河及瀑水滑肝水潤

文章仰山斗齊雲峰登嶽峰高

正殿柱聯

鄭象其

飛瀑吼雲閣虎跑龍門淨一勺之神功及垂玉練珠

千顆歷今來古往揚不盡滄海餘波

丹霞環霧應瑤階寶殿壘千層之石磴盤繞堯源路

一洩問天上人間晉許多柴田遺址

麻源對聯附錄

棲雲禪室

左宗郢

雙松剔竅開玄洞

麻姑洞天誌

十四卷

三

龍溪曉樓

一水鈎端掛石橋

堂聯二副

不酒常來社

非池亦種蓮

靈源非外得

淨業此中收

桐七堂

請君休恋莊生夢

携手相將曼氏車

從姑山對聯附錄

靈峰寺

羅汝芳

萬法光中獅子吼

五雲臺上鳳皇儀

苦海無邊自家發歡喜心緩七護得過便登彼岸

西天有路吾徒合慈悲掌步七認得真卽是如來

觀音洞

玉洞天開現大地山河三千世界

雲簾風捲露半空樓閣十二闌干

麻姑洞天誌

十四卷

三

龍溪曉樓

正學書院

萬象森羅悟徹本來原是我

一腔造化隨時流布總成春

洗心堂

仙題

自受性來未轉頭時是夢

檐將道去經舉步也如飛

續刻麻姑山丹霞洞天誌卷之十五

郡守四明鄔鳴雷長豫原監

郡李長水陸 鍵實府原校

少卿郡人左宗鄧景賢編集

東平後學何天爵從之搜續

龍溪後學卽時彬登大校刻

麻源距郡城西十五里過駝鞍嶺循溪而入多茂林

修竹有靈豐祠廟宇禱雨輒應祠內夢牀夢枕求無

弗驗其側爲雲門寺七前古木森列飛橋跨溪上憑

麻姑洞天誌 十五卷

一

龍溪曉樓

蘭俯臨丘壑如畫寺後層岵疊嶽有太霄觀西入數

百步四望虛豁平田沃衍銅陵石磴在其古華子剛

緒經臺在其左所謂華子相傳九江入川里弟子受

仙隱靈寶方服之日行五百里舉能千斤一歲十易

皮如蟬蛻後乃仙去翔集此岡緒經因靈運名也又

有田南田北柵前柵後雲蓋諸軸紅泉碧澗名殆不

一總謂曰三谷第一麻姑山南澗第二北澗第三雲

門寺前江左王元之隸書大字亭扁福地詩作併錄

於此

五言古風

晉

華子剛

謝靈運 臨川內史

南州寔炎德桂木凌寒山銅陵映碧澗石磴瀉紅泉

既狂隱淪客亦棲肥逕賢險徑無測度天路非衍阡

遂登羣峰首邈若升雲烟羽人絕彷彿丹丘徒空筌

圖牒復磨滅碑版誰開傳莫辨百代後安知千載前

且中獨往意乘月弄潺湲恒克俄頃用豈爲古今然

宋

麻姑洞天誌 十五卷

二

龍溪曉樓

楊 傑

曉登丹霞峰暮入仙都宿麻姑勝遊遍驅車第三谷

落七千歲杉幹直拔不曲根本託幽邃匠師豈易錫

佗山石枯裂斯巖臺青玉迺知靈源深餘液澤林麓

白雲起西岡華仙有遺躅陰功影響絕爲閭飛昇窟

長咲呼幽人玉乳金鼎熟歲時不須問山花自紅綠

元

揭傒斯 豐城理學

明公富暇豫勝日懷登臨蹀躞駸馬行窈窕幽人心

縣崖霽晴雨奔流濯春陰雲門轉絕壑回橋負長林  
拂石慨往遲聞鐘知古音蒼松有百圍突嶂踰萬尋  
小憩釣魚臺聿贈華子岑捫蘿入縹緲側徑凌蕭森  
上有百尺榭下有孤猿吟初筵俯層巔微風散危襟  
語咲信忘我觥籌浩難任豈不念永留惘然歸思深  
國朝

雲門寺

左賢刑科給諫

勝遊宿有期茲辰幸追陪振衣度駝嶺深入烟雲隈  
下嶺若無路澗谷相榮更少焉到靈豐雲門何壯哉  
麻姑洞天誌 十五卷 三 瀧溪曉樓

卷岩閉秋色驚湍響晴雷小憩愛美蔭清風蕩氛埃  
拂石讀古篆捫蘿陟崔嵬周旋華子岡拈點繚經臺  
復尋藏書閣故址多莓苔昔賢慨已往吾輩愧後來  
午筵具田北懷抱相與開松琴奏清韻浩歌泛深杯  
樂事正云美暝色何遽催悵然步歸路欲去還徘徊

遊麻源雲門寺

謝士元 郡太守

作郡逾八載今日偶獨遊石徑雖折盤去已山更幽  
人家隱叢篠蔀屋無岑樓我欲詢民俗肩輿因少留  
踰險走村叟三五遮道周俯首拜使君俱言今有秋

禾稻已登場牟麥行芄耰公租少逋負里胥敢誅求  
民事既如此聞之我心休於焉度重嶺風光豁人眸  
甘春轉雲碓石橋架廻流前有梵王宮巍倚林丘  
門前列松檜白日風颭老衲出相迂長跏禮數優  
熏鑪與茗椀相奉何稠繆領吏具盤筵有簌亦有羞  
新酒不盡飲詩句任冥搜待我衆公子資質如琳球  
况復總知學我倡彼亦酬引我訪古祠下有龍湫  
祈雨輒靈應此語徵前修試登華子岡前行平疇  
亭上經臺荒林木稠山果自瑣碎野鳥鳴啾啾  
麻姑洞天誌 十五卷 四 瀧溪曉樓

和謝公祖韻

張昇 已丑狀元

府公屬清暇薄言事佳遊鳴騶出西郭容與尋深幽  
小溪橫畧約山隈出層樓好風天外來閒閑語栗留  
時和物令滋菜麻滿道周村毗相向說年來杳有秋  
茆簷足雞豚石田亦鉏耰俯仰樂生遂俱無分外求  
我公郵民隱豈不心逸休長歌入三谷風景清吟眸  
石閣倚空青釣臺瞰奔流雲門今各剝靈豐古丹丘  
小憩坐松陰天籟寒蕭颭此邦富山水佳勝茲獨優

所以謝康樂摘詞亟綢繆無言重發爲乃貽昔人羞  
三復我公製理趣極研搜鮮馳麗寥廓音響錯琳球  
陽春散古調梓雅難爲酬宛企千仞岡如臨百丈湫

豈徒惜芳序直欲追前修猶幸逐後塵從容講鴻禧  
回車度駝嶺曉岫煙霞潤童叟候旂蓋林臯鳥啁秋  
物情各有遶因之忘百憂明當續清賞眞酒脫鶴裘

左 贊 吏部勳郎

繁昔華子期勞心事胎息經年煉九還脫屣遊入極

消七石磴泉深染丹砂液綵雲落岩阿晴光照林碧

麻姑洞天誌 十五卷

五 崔溪曉樓

到今知幾秋華子杳蹤跡當時奇異泉不殊衆水色  
神仙信渺茫往事將何質徒啓好事人相傳爲口實

羅 宜 南豐訓導

長歌康樂詩遠訪麻源谷逶迤山竇深繚繞村路曲

憩坐雲門幽靜掃苔階綠飛橋貫晴紅奔流漱寒玉

銅陵故無恙華子仙不復瞻彼釣魚臺緬想藏書屋

勝跡半已非游觀駭心目居人巢雲松瀟灑異塵俗

開尊暢雅懷題詩繼芳躅譚咲澹忘歸斜陽下山麓

釣魚臺

劉 璋 戶部郎中

肝江雙港口石臺清且幽仙人華子期曾此釣寒流  
雅志不在魚取遶非所求俯視寰宇中萬物同浮漚  
騎鶴去不返潭影空悠悠

左 泐 逸士

薄言餞爽氣迢迢入空谷陟彼萬仞階峻嶒踞西牧

紆餘遶百盤徑小步彌促扶蘇攬雲烟懸厓甃清竹

枯蒼白露垂蒼蒼滿秋日岑寂妣祖尊招徠俱俯伏

飄風自天來蕩滌此煩暴載興絕頂觀萬物一掌縮

直樹隅星辰退瞰河梁曲鳥歇低枝巢兔兔避羅逐

麻姑洞天誌 十五卷

六 崔溪曉樓

觸景幽隱通徑包歸把拘厲德敢悼忘遲回歌反復

劉 源 舉人

源深不可測嗜歷廣谷三千盤陟危岡百折過風潭

紫芝翳晴昊紅泉映飛嵐采注往欲劇喚彼白鹿駢

華子欣識面謝公儼立譚願盼莽回互山水增清涵

雲門古寺幽當谷如束函机鋒劃勾障天花落參差

汗哉山賊云憎此至樂耽遠心足丘壑萬碧侵城南

五言律詩

宋

童邦直

碧苔侵野迳好鳥隔春烟有洞尋青翼無僧結白蓮  
雨添蛙一部爰足柳三眠綠髮便花朵慳腸怯酒船  
安仁嗟拙宦蘇晉暫逃禪日色同悲慘東風亂紙錢  
國朝

雲門寺

聶思敬

谷深知幾許一望隔蒼茫不見雲門寺渾迷華子岡  
密林藏霧氣峭壁障嵐光每憶鐫題石苔痕字數行  
宿雲門寺和前人韻  
左 贊

麻姑洞天誌

十五卷

七

臨溪曉樓

清晨來谷口小憩入雲門絕壁上雲氣奔流濺竹根  
詩成山鬼泣唄演海潮翻不盡倡酬樂招提對榻論  
其二

黎 近

訪隱第三谷停驂碧澗邊黃冠能好客清夜款靈仙  
登組有兼味熏鑪不斷烟月高花影亂疑放碧桃千  
青山雲外村一徑入空門香霧侵天末寒流浸石根  
曇峇何處覓貝葉爲誰翻且整流觴樂無生未暇論

左 悠進士

其二

三谷南山畔空濛欲濕衣濃含宿雨潤迥逐曉烟飛  
林藪藏玄豹人家隔翠微日高收歛盡巖壑總光輝  
近水碧迢迢靈源出處逢秋光迷翡翠潤澤及蘭苕  
激石聲清冽涵星影動搖濯纓歌古調還愁華仙橋

遊麻源二首

曾 璣 郡太守

其二

萬雲堆谷口千嶂擁仙垣野騎朝迷路村居夜敞門  
聞歌神益曠勸飲耳忘喧翻笑杜陵叟空尋白帝源  
麻姑洞天誌 十五卷 八 臨溪曉樓

和曾少岷公祖韻

張 思 布政使

其二

谷中如戰谷中山似垣紅泉穿石磴紫岫接雲門  
地僻人多樸村深鳥不喧去城剛十里誰識有靈源  
園嶺尋幽谷分明別有天兩溪環百畝千嶂鎖雙巖  
路曲披雲坐心清抱月眠獨憐秋夜永破壁透風烟

甯汝聰 貢士



往牒傳來久茲山產最豐氣蒸方草綠光射落霞紅  
寶鑑雙南重金莖百鍊功古今專利者宜鑑鄧通窮

吳倫

璚草何處拾麻源古觀邊淵流丹竈藥人雜洞天仙  
龍嘯寒潭月猿吟古樹烟名藩大方伯陪賞客三千

曾應祥

銅陵三谷路康樂此停軒寒瀑沁山腹晴雲擁石根  
溪渾知鹿過林響覺禽喧一歌紅泉味令人絕巨源

七言律詩

麻姑洞天誌十五卷

尤

龍溪曉樓

唐

靈豐廟

穆宗高

足跨雲門詩思清躍然紫馬似嘶鳴小溪涓涓石  
沒雙石尖七筍欲平煉藥鼎虛寒霧重絳經臺濕白  
雲輕飛橋欄在紅泉過喚醒真人笑一聲

宋

雲門寺

蔡冠卿大理少卿

憶昔雲門月正明煩襟消盡覺神清林泉白濯塵埃  
事松檜靜含風雨聲山鬼聽經藏戶牖野猿偷果墮

簷楹幾年京洛緇塵滿何日臨流一濯纓

呂南公

五馬穿林詰曲來崇丘盡處訪遺臺平看列岫螺千  
顆四顧春田酒一杯偶爾登臨成縹緲恨無資致可  
徘徊古人不作誰由問細草幽苔自在閒

國朝

遊麻源

賈承本郡司李

臺殿玲瓏紫翠間雲門石逕連仙閣捲簾碧黛分晴  
旭挂壁青藜照古櫃水底龍蛇沉晉篆望中烟雨暗  
麻姑洞天誌十五卷

十

龍溪曉樓

溪山相從何必尋歸計煮茗清談到夜闌

左瑞御史

路入麻源風日幽壺天空濶洞雙眸雲根華子紅泉  
古龕上靈仙碧樹秋山色不隨人事改水聲常帶歲  
華流追尋康樂題詩處亂草溪中卧石頭

吳餘慶右通政

華子岡頭屋數間厓壘處有柴閑閑吟曉外千竿  
竹靜看溪頭一片山欹枕夢回殘月白捲書心與曉  
雲閒當時不啻徵賢俊或向前林放白鵝

張昇

曉陪杖屨入雲林，外招提歲月深。古蹟荒迷勞指顧，靈湫澄澈試窺臨。石橋橫澗通樵徑，鈴閣迎風語梵音。底事徘徊忘歸去，可人清景助長吟。

其二

石徑穿雲眼界空，數聲雞犬薜蘿中。絕隣芝宇無塵到，翻迓蓬壺有路通。風定篆烟浮几席，日斜蒼影舞簾櫳。司勳分韻詩類就，屬和深慙句未工。

沈度翰林學士

麻姑洞天誌 十五卷

十一

龍溪曉樓

竹樹沿溪一徑幽，茆堂絕勝瀝西頭。雨添泉韻琴爭響，雲染山光翠欲流。壺谷不如三谷好，桃源難比此源優。高風定見追裴度，緩帶輕裘取次遊。

羅子潛

三谷無塵境，自幽世傳曾。是古丹丘松林路，轉山重阻石澗泉。通水細流梵剎人，非遺構在釣臺仙。去故蹤，皆名家不有賢公子，載酒誰能恣客遊。

其二

老去閒情與世疎，偶來三谷意何如。石邊流水無今

古山下浮雲自卷舒，清賞尙留康樂句。故藏仍說雪樓書，却憐地勝堪棲隱。悔不當年此卜居。

左紹之

先葉何年此卜居，落成今復見吾廬。一溪烟水斜陽外，四面雲山宿雨餘。杖屨款門非俗客，籤函滿架有藏書。遊絲不到紅塵遠，日撫孤松樂自如。

重遊麻源四首

左贊

追隨深入白雲鄉，訪古重尋華子岡。石磴泉流烟骨冷，春林花落澗毛香。誰家雞犬聞清晝，幾處松梧對夕陽。詩老忘年同侶和，興來一詠一飛觴。

麻姑洞天誌 十五卷

十二

龍溪曉樓

其二

三谷紆回東碧溪，萬山深處阮輪蹄。靈豐古篆秋烟澹，康樂荒臺夕照低。虹卧長橋橫絕澗，春屯樛木護平堤。行邊風景俱清致，祇用移家住漢西。

其三

斯文遊衍憩仙壇，石磴紅泉對面看。春藹天香琪館靜，山涵雨氣碧窓寒。釣磯水落蒼苔滑，書閣雲深古木橫。獨有縣侯清興發，長吟不管酒杯乾。

其四

複嶂勝峰染碧空仙家正在翠微中  
擗麟無復來王遠歌鳳誰能偶  
陸通靈藥四時香杖屨長松五鬣影  
應攬同遊湛樂園成韻鉛槧何勞較拙工

李東陽 大學士

號峰隱地隆七起萬里江湖忽見之  
雪擁高原增突兀日斜疎樹學參差  
來驚漢節隨風遠去逐秦鞭度海蓬  
獨有嘉名吾在耳爲君開卷一題詩

饒秉鑑

麻姑洞天誌

十五卷

十一

瀨溪曉樓

曉向麻源作勝遊  
蕭前風物白清幽  
山凝黛色連雲聳  
水澈琴聲遶石流  
書閣故基應有待  
釣臺仙跡至今留  
登臨不覺歸蹊晚  
吟倚斜陽興未休

陳陞 南城知縣

度曲緣高到石壇  
箇中幽致不勝看  
霧沾崖角珠絳重  
露滴松梢鶴夢寒  
仙跡有碑蒼蘚合  
洞門虛鎖碧峰巔  
適從佳友成清訪  
石鼎烹餘興未闌

黎近

路人麻源曲逕幽  
翛然不受一塵侵  
天開石竇紅泉

落地接雲門碧洞陰隱隱  
仙家聞吠犬陰陰  
林木弄鳴禽  
風流內史題詩處  
兩屐苔封尚可尋

呂憲 中書舍人

蒼厓高瞰碧潭秋  
曾有仙翁此釣遊  
積久翻教苔上石  
至今猶認月爲鉤  
沙頭啄絮爭黃鳥  
水面衝魚起白鷗  
何日挂冠尋訪去  
一竿風雨擁羊裘

左悠

號鞍嶺下石如林  
谷口清藍歲月深  
靈運五言揮薜讀元之入法倚雲臨  
適逢內翰論心事  
不減蒙莊喜麻姑洞天誌  
十五卷  
十四  
瀨溪曉樓

其二

古跡更遷事不同  
時聞鶴唳洞天中  
地連長壽重岡繞橋跨靈豐  
一水通石磴紅泉迴  
窈窕碧梧翠竹隱房櫳  
眼前多景難摸寫  
詩意無聲付画工

舒崑山 郡太守

城西半舍入麻源  
山口清幽有寺存  
橋跨溪腰橫水面  
泉流山脚洗雲根  
銅陵石磴風霜古  
野草閑蒼歲月蕃  
康樂行軒何處是  
雲門回首自乾坤

葉寬 浙江泰政

仙人餐就九還功地脉流通向自紅隱七紫霞飛罷

上洛七丹液注炉中謝公佳句于今在華子遺踪亘

古同幾度追陪情未厭浩歌行過石橋東

曾與都太守

已過僧房啜午茶還從仙客飲流霞岡綠華子猶名

華谷傍麻姑亦姓麻荒忽豈知千古事盤旋真愛野

人家清輝况是中秋近且就山阿駐小車

王鏐 工部主事

麻姑洞天誌 十五卷 龍溪曉樓

麻源谷口春長在古木陰七澗草幽雲鎖峰岵山聳

秀月籠殿閣水明秋石壇夜靜無人到松徑風清有

鶴留幾度游觀吟不盡一天光景豁双眸

左湘

上下雙虹糾翠陰秋高月夕送瑤琴微風玉簾天香

細秀石銀波水殿深絕筆華文多藻思勒珉青壁振

琅琳蕭條康樂豐碑拚剔薛遺風字七金

潘錠

聞說麻源三谷勝閑來一眺遠紅塵野桃碧澗逐流

木山鳥青郊鳴對春洞口出雲疑送客嶺頭行雨却  
留人登臨此日心如洗頓覺幽懷別樣新

田南北 寧汝聰貢士

南村浪湧雲雷萃北障平鋪膏沃區白鴛點烟春草

細黃牛畔雨隴雲孤長沮植杖違名姓龐老菱蕪遠

帝都秋穀垂香分舜畝甘霖自足慰來蘇

左心源遊遊麻源望雲庵因謁二南公墓

王一言

左史招邀勝地遊隴阡拜罷倚松楸風來翠浪翻千

壑日映黃雲遶萬嶂麻谷鼎成仙旆遠華岡人去謝

詩留歸途欲盡登臨興雷雨縱橫起暮愁

辭

左瑞 浙江道御史

度長坂以全入今山磴七其重阻沂碧澗以徑徊今

又草木其莽七美人告余以緩步今日靈豐其不遠

雲間翼乎嵯峨兮帶清流而環翠嶺烟霞明滅兮葩

草含馨川鱗游泳兮谷羽和鳴承美蔭于佳木兮漱

清冷于雲竇聊逍遙以容與兮憺忘歸其誰予咎々

陽忽其不淹兮。瞋色淡乎丹雘。回車以復路兮。重瞻顧而夷猶。遲美人之重來兮。及歲華之未徂。侶泉石而友麋鹿兮。願爲山澤之癯。

賦

何喬新 刑部尚書

出城闌以遐覽兮。爰陟峻而捫幽。度駝嶺之谿。訝今訪仙臺乎山之慨。銅陵吸嘖而凝黛兮。紅泉汨瀝其鳴。珍琪花瑤草紛不知其名兮。桂樹鬱其相繆。予乃凌華礪。厲清冷。覩石門之竊窺。踰雲蓋之崢嶸。石梁

麻姑洞天誌

十五卷

七

龍溪曉樓

龍矯兮卧波。仙觀聳飛兮凌空。吸紫霞兮石閣招白雲兮。羅峰步予馬于靈豐兮。悵宿莽之離。七訪繡經之遺臺兮。蒼烟慘其增淒。若乃崇岡蒼翠。疊嶺噴吼。丹光夜燦。土花春殷。非予期仙隱之所存乎。寒燐宵飛。山精暮泣。折戟沉沙。戰血凝碧。非危即駭。兵之故柵乎山川。宛其如昨兮。嗟昔人其安在。板古柏之蚪枝兮。增予心之永慨。謂仙人之不死兮。吾不得而見之。謂英雄之不朽兮。亦漸盡而無遺。招黃鶴而訊之。今鶴翔七其高翥。尋斷碑於荒榛兮。蠅涎苔花。闕而

不可觀。重予衷之耿七兮。撫幽篁而延竚。迴飄飈兮。今欲秋斜月澹兮。將夕駕予輶以復路兮。聊客與乎田北。騁予目以流觀兮。見夏屋之渠七。萬瓦鱗七。以波偃兮。日美人之故廬。綠樹霽其承宇兮。清泉淨其循除。詠先王之遺風兮。有左琴而右書。愛茲境之幽勝兮。恍王官與綠野。欲誅茆以葺廬兮。敢云信美。非吾土何所獨無。芳草兮。羌睠七而懷茲念美人之好修兮。苟去此而從誰。倘解印以南旋兮。將稅駕乎肝之潛。從美人以徜徉兮。終歲晏以爲期。

麻姑洞天誌

十五卷

十八

龍溪曉樓

麻源三谷歌

君不見麻源華子第三谷。亘凸聯岩紆且曲。紅泉迢遞下。崔嵬石磴微茫瀉。醴醑五老延。袤接洞天中有仙人蔡。經屋麻姑王。遠幾曾過隣。脯天厨至今綠公來谷口。洞經春前身原是岡頭人。松風瀑水池蓮碧。浴海桑田獨恰神。斷崖荒碣俱蒼玉。片七莖蒼栗竝新白。雲山月暮天秋。葛洪丹井噴龍湫。梨杏含葩荆棘伏。誰言百祿更悠七。敷政悠兮百祿遒。勿剪伐兮甘棠留。甘棠寧似虬松雪七。在麻源第幾流。譬若半

天霞超已越鹿寧若凌霄鶴矯七獨干雲梁上賜  
絲七尚紫階前種茄七未已苦水公今能再廿五磅  
六兮公更綺訓公之澤長浩七雙龍時灑雙瀑道謂  
公之德崇兇七嶺上卿雲扶日來嗚呼嶺上卿雲扶  
日來

補遺七律

張懋賢

芒鞋徐步入山青底用先驅兩茄冠勾翳捲開天宇  
爭松風吹動海濤時駝鞍嶺近岩逾峻華子同通地  
轉平蕙帳曉猿留肯有簪冠春酒謝將迎

麻姑洞天誌

十五卷

記

龍溪曉樓

麻姑山仙都觀御書閣後記 李觀

皇祐三年以御書明堂及明堂之門篆飛白二體藏  
諸名山麻姑仙都與焉夏六月道士黃太和爲觀言  
今者聖人肆筆而山藪得之其奚翅金簡玉字蓋猶  
岫夷昧谷天象所出入撮土勺水罔不光華非復與  
塵俗等幸哉願有志焉以示後何如觀復思念王者  
制作史書樂歌則物彪遠則夷貉耳者必聞口者  
必誦安在愚僞識之况識不斥尊其可以犯已而又

念江南卑薄與上國人不同接異時故老既沒傳聞  
將失寔史官記注秘莫得見則吾君之行禮彼山之  
受賜曷從而知之先正盛公亦嘗爲御書閣記所以  
述太宗之事殆可繼也矧茲嚴父配天古之大事漢  
收秦璽失其根萌冉七至唐名在實去五代魚肉誠  
所不服祖武宗支志亦未集佑啓我王及此希濶如  
廢斯起如斯斯續合符天鬼匪自群議禮明樂脩又  
中之以翰墨河圖大訓永以華國周公宗祀而文字  
無傳宜王蒐岐陽而石鼓非年書未有華寔相副若  
麻姑洞天誌

十五卷

手

龍溪曉樓

就叙其語仰刻之云

賦

登麻姑山賦 并序

李希哲 華入

予家麻姑山賦不奇也句令神仙傳蔡王稚川丹  
井故在魯公志惟麻源第三谷卽華子岡予披閱  
奇紀感陳王寔妃之事偶要建昌司李傅公尋水

簾之勝檢哀玉之篇霞搜其寄宛已升臨似聞鐘  
磬之音有若人馬之狀風雨乍驚迷無處所使七  
自天而下空中呼名者再還語云七今日武夷君  
華山君宴麻姑碧池之上若名列仙籍無憂不仙  
予就視之物亡視者是何神也于是綴次其辭書  
之于紙云爾

夫何蕊仙之靈媛今廓獨處乎神宮象珠庭之璀璨  
法璇室之凌冲鏤玄玉以落梁錯黃金而爲墻構雲  
殿以頂天羅游樹而造龍貴飛仙之窟宅播美子之  
麻姑洞天誌

十五卷

王

龍溪隱樓

玄蹤惟麗山之孤挺秀東南之八公託玄根于虛阜  
結靈氣于華嵩凝神物之護持永靈峙乎天功奇月  
凡與天妹逸雲烟而遙思升玉局以柱斗振金策而  
騎箕厲文昌使掌行擊招提以爲麾米天台之靈藥  
望雲夢之蛟姬爾其神淵雲蕩丹灶烟浮重嶽五峙  
飛瀑雙流玄嶺紆深赤崖偃覆落七松聲虛聞玉漏  
別有玄猿嘯木靈雀巢枝迎鳶鳳之音響聽簫笳之  
鼓吹陟陞皇之仙都飛故宅之錦帷懷君王而不見  
指七日以爲期若有人兮步虛儀舍陰陽之渥飾發

莊姝之瓊姿翩今若飛鴻之舒翼忽今宛游龍之委  
蛇其初出也燿今麗翔陽之彤雲其少進也皎今飄  
瑞木之白雲望之非妖近之似褻靈之來今假蹇酷  
烈金勝雲垂玉衣霞結象璫珎之文章佩璫碧之寶  
玦澤芙蕖之雅頰沐蘭茝之芳潔飛遶遊之雙鳬動  
凌風之霧縠體婉媚以靜好情幼妙而徽叔貌天選  
以多奇匪圖像之可施粲玉齒以微笑妒從姑之蛾  
眉接彩鸞以左翼前雲翅乎金輿右萼綠以爲衛後  
玉車之毛女先施揜袂而却走飛燕褰裙而自去瑤

麻姑洞天誌

十五卷

王

龍溪隱樓

姬背面而揮涕洛妃觀形而失語仰徽容於岩畔又  
婆娑乎山岫明靈雜還變化瀕史羽蓋霓旌銀橋若  
曙玉杯在席金匏在御賓雲之曲復耳瑤池之歌無  
死食紅雪于麻源之谷會碧蓮于娥池之水還金漿  
于幔亭之仙蒸玉液于華蓋之主乃有素女揮絃于  
楸間靈鳩倚瑟于雲樹樂音嘈雜金敲石拊白鹿銜  
苞孔雀獻羽不飢之草騰飛止渴之花翩舞視仙家  
今無夜悲人世亭午息微躬之不怡及美人之未暮  
因孔鴈以行媒寄遙情于幽迥占壺荆于靈氛恐露

言之不固策兩美其必合嘉雙材之已具望所思之  
若喪忽神光之微吐像七寶之合成郁丹青之繪素  
靈皇<sup>七</sup>而上下爲流雲與驚霧似鶴<sup>七</sup>之鳥飛翔輕  
軀而竦赴薄神彩以相首略流盼而再顧含椒蘭之  
芬芳揚桂微而微步何變態之多姿覺形穢而成惡  
頽接歡以交言卒矜顏而薄怒望嫺<sup>七</sup>其思散若不  
可乎侵附悵留英于春華送歸風于秋露傷還期以  
媒勞羞意密而調苦詹靈駕而復形遙雲帷而迫視  
落使星之自天似調余以仙意乃歆日思彼美兮容  
麻姑洞天誌 十五卷 二千 龍溪曉樓

詩

五言古風

流杯池

李觀

幽居久不樂心死如溼灰聞言山有池仙客曾流杯  
披衫向西坐欲望無崇臺何當命宴遊盡聚不羈才  
顧恐狹隘地未足開吾懷仰手厭河漢失向天南來  
移舟復轉嶽壑遶城環迴橫持北斗柄量盡酒星醅  
箕踞接下流一畝空千壘入風助吟唱萬恠共嘲諧  
醉來散髮卧蠅聲似霆雷冷笑勢利子茫<sup>七</sup>塵土堆  
煉丹井 朱京司業

麻姑洞天誌

十五卷

二千

龍溪曉樓

仙都朝百靈奇絕衆峰冠朝隨五馬遊萬里卷雲楊  
春陽散地脉指顧群陰泮刻玉露巉巖巖<sup>七</sup>色足憚  
怪水走獐虬老藤連朽貫峰勢忽竄騰天馬脫修絳  
飛流三百尺餘沫拂霄漢空谷隱晴雷聒耳笑語亂  
所願化日長誰憂斧柯爛况復值蒼時杳竹分相半  
乘興事幽尋頃覺神還觀信步忘險易屢載遭污漫  
恣觀融結巧疑費陰陽炭膜色生四垂孤烟起樵爨  
千騎去如飛夕陽人影散

凌雲行

張商英 宰相

我本耕釣夫素嗜山水樂補吏來肝江潛解組綬縛  
獨上凌雲行青梯入寥廓萬象富觀覽四面峻巖壑



天風襲衣襟，斷霞半空落。仙家雞犬鳴，驚起巢松雀。

勝遊最後時，萍梗念漂泊。回首顧人間，佳景滿城郭。

葛仙壇

劉涇 工部郎中

天風吹餘暉，萬木晴扶疎。寒雲淡山色，水墨漲秋圖。  
駕言寥廓中，一徑渺盤紆。却首謝塵世，培塿而潢汙。

瀑布泉

前人

瀑布宜終宵，幽鳥時一吟。浩然太虛際，始識本來心。  
情閑日自長，步遠意亦深。更携九節杖，揮遍蕭蕭林。

飛練

揭傒斯 元翰林侍講

麻姑洞天誌

十五卷

王五

龍溪曉樓

神工擲天紳，挂之兩厓間。萬古流不盡，誰能測其端。  
勢割山石愁，氣挾草木寒。安得天風吹，繫彼日月還。  
麻姑綠雲髮，照之長不殘。

三峽橋

前人

嵯峨仙都觀，遙望丹霞天。後有千歲松，中有百頃田。  
風日夏颯颯，烟霞晝蒼蒼。群秀一時集，安知非列仙。  
持觴豈相酬，罷琴抗高言。天道信悠邈，人情何拘攣。  
靈君不可致，落景誰少延。仰雖懸冥冥，俯實憂元元。  
主人顧坐客，此中可忘年。

湧雪亭

前人

泉源出地底，仰向雲中行。擘厓瀉千丈，亂石皆騰聲。  
風霆日夜急，雨雪虛空鳴。不有神物扶，茲山應久傾。  
噴薄側飛鳥，鏗鈞愁百靈。仙家信為好，喧之何由平。

游麻姑山

周一賜 邑訓

齋居抱閭寂，覽勝來名山。岩厓愛春霽，杖屨從躋攀。  
白龍盼雙瀑，青嶂排雲間。石罅勾寒水，愁坐宜松閑。  
詎言絕塵想，便覺超人寰。游仙世能幾，且稱時怡顏。

羅倫 翰林修撰

麻姑洞天誌

十五卷

王五

龍溪曉樓

登山非愛仙，幽懷在空谷。人生宇宙間，萬事鳥過目。  
逝者不復返，懸厓瀉晴瀑。俗事受形役，黃壤空齷齪。  
道人好長生，髮白難更綠。達觀妙至理，白日天中獨。  
出入順大化，誰能學辟穀。顏碑說荒唐，厓過眼懶再讀。  
若非忠義心，鬼神已訶逐。中華豈無人，三王今有續。

左謙 贈御史

昔者仙壇碑，云是魯公筆。尊嚴駭鬼神，光輝射星日。  
至寶想遺靈，風雨忽相失。後人雖重鐫，誰能如萬一。  
寒余生苦晚，無由見真蹟。三復泰伯詩，臨風頌太息。

顏碑

左 贊布政

巖上魯公書自方稱獨步仙都有遺碑顯晦間于教  
真蹟在人間疑有神物護不然世變適何以儼如故  
竭來一拜觀宛然災風度勁鋒泣蛟螭輝光破煙霧  
令人敬畏俱慰我夙所慕有斐謝夫子獨深經八慮  
翠珉嵌琳琅寶若珊瑚樹流落幾百年今復還故處  
谷言鎮茲山永同磐石固

今日時雨欲深雲散晴光豈不懷佳遊全入烟雲壑  
朋儕翕相從寧論山路長澗水瀉秋練谷鳥鳴春陽  
麻姑洞天誌 十五卷 龍溪曉樓

俯視江城小烟樹何蒼茫黃冠雅好客坐我三秀堂  
雖無麒麟脯腹有崑崙醴浩歌來天風松聲響笙簧  
緬惟昔君子建此祝壽壇而予食天祿茲心安敢忘  
仰瞻五雲表萬歲祝虞唐

陳一政 臨川人

謝侯作郡暇挾我姑山行非慕神仙來愛此山水清  
麻姑說荒唐幻語真無憑紅塵與青桑誰見生東瀛  
蔡家麟脯宴云會王方平一去幾千載至今無還生  
辟穀既有道胡不延修齡吾道在寰宇日月同昭明

風教未古若猶有蛙蛇鳴顏公亦何爲有口譚官冥  
殆非兩公文麻姑今無名嗟此詩者埋沒芳草坐  
人生穹壤間落如浮萍茲行亦良遇力把詩腸撐  
冥搜得詞窟慰我行樂情

王 華

雲山高崔嵬凜凜凌青冥停輿蹶石磴直上尋真亭  
虹橋度玉澗琳館依雲屏瀑布瀉寒雪烏聲和飛鈴  
天風吹我衣天露溼我纓幾年鬱鬱懷頓覺頃臆醒  
桑田尚依然寂寞桃源局方平與麻姑安得重相盟  
麻姑洞天誌 十五卷 龍溪曉樓

王 人

顏碑說神仙荒唐杳不經烈忠義肝萬古照汗青  
但使此碑在此山應有靈叩啤黃冠子重愛如葵銘

王獻芝 戶部員外

嚴霜脫木葉浮沉由天風年光隨物化變態有無中  
我欲乘仙羊逍遙任所窮癡和散重陰旭日光華戎  
素心既以償藜藿聊可克幽處勿復道悠悠不知老

其二

峰下避秦人源中遺桃李覓仙樓烟霞朝夕食蘭芷  
煉形凌太清屏息新發齒昇冲雖茫然營安可恃

其三

索居墮坑整借友尋勝遊吾聽荷不聰萬姓將予仇  
登高發舒嘯岐路安可由蓮池化良田仙源激清流  
丹霞聊極目安用思方舟江上急春潮何人任國憂

曹子建韻

前人

昔人已飛宅此地空遺軒在下勞躋扳入谷猶平原  
始知避秦人泉石聊自閑義激報明時霖雨施黎元  
驚豺飛雙龍鎮重思泰山白雲舞太空舒卷木無言

符 遂 望江知縣

麻姑洞天誌 十五卷

手元

龍溪曉樓

平生說麻姑今入蓬萊島群峰四攢簇小澗下縈遶  
壁峭磴行雲林高怯飛鳥石岩豁哈呀入洞深窈窕  
中有老氏宮恍如坐天表頓忘躋攀勞漸覺瞻眺好  
襟裾飄霞外屢履行樹杪喜得遠喧囂何必談冥杳  
向來蔡經事綈邈不可考桑田變海言幻語弄奇巧  
神僊有與無吾心自瞭了若論山水嘉陳公圖識老  
達人多浪傳茲乃人間寶

春日遊麻姑山

帥 机 知府

魚龜縱江海麋鹿戀山岡煩城安可處治產豈所長

出遊情自適首春理雲裝草迎巖畔發老藏蘊裏香

莽麥覆疆畝維鷗雛朝陽物色半有無新風載飄揚

行樂當及早麻源邇相望理策息山寺聖燈亦輝煌

候月雖逢雨詰旦施旭光山靈若有助雲峰任徜徉

唐大夫松

萬言策 長史

千年五粒松海濤盡喧改亭上塵尾益鬱上蛇孫交  
下有白兔窟上有玄雀巢

神功泉

前人

靈源龍所宮神瀛涌石髓驕陽扇赤螺一勺雨千里

麻姑洞天誌 十五卷

手元

龍溪曉樓

昔為泰山雲今為下若水

投龍潭

宋陳肅 都官員外

流瀑落深潭疊響如驚雷跳波夾亂石突兀寒如堆  
潭上片雲起千山風雨來

春日遊麻姑山

馬德良

迢遞躋雲闕千山糾相繆飛泉瀉銀河傑閣開瑤屋  
瑞靄拂林滋明霞昭桂麓龍湫挾雷奔遊沼澄雲縠  
鐘磬發林杳鹿麋依篠竹鳥鳴萬壑春雨過群峰沐  
甘乳浴丹砂古木披華郁老闔掩經壇藥欄餘仙翅

潭空月影清松聲風聲設遊眺集群英嘯歌樂邁軸  
滄桑時已踰笙窟建不復誓此濯塵纓眷然成春服  
冥七睇鴻飛冉七挹蘭馥痛飲忘升沉清吟暢靈穆  
安能謝世氛長入愚公谷

五言絕句

神功泉

葛 崑 木府通判

誰將水痕較仙釀餘清甘枕流醒醉間微見荷苓酣

仙都觀

前 人

仙人本山人踪跡謗云狡抱拙忘吾年了知拙者巧

麻姑洞天誌

十五卷

三

龍溪曉樓

麻姑三咏

鄭 燾 知州

雲根自形色物象豈芒碭莫訝將軍虎應非道士羊

其 二

洞天倚丹霞車馬難驅入芒屨欲躋拔雲深山路溼

其 三

仙翁去何年傳名終不老至今山上墮翳七荒秋草

丹霞洞

陶廷夔 逸士

絕壁晝無雲石室門常閉不見洞中人空憶蒸霞氣

訪真

鄉 矩

步入麻姑山亭飛倚空立綠雲誰能拔瑤草終可拾  
招彼鶴上仙冉七月中集

五言律詩

麻姑山

黃 南 益王殿下

振衣仙嶠上城市望中餘瀑布飛寒雪星杉帶早霞  
雲開千堞徹水遶一村斜却憶方平會春風幾度花

鄭景瞻

爲愛麻姑好閑來看霍群松蒼滴香露茆屋貯春雲

酒量從今濶詩題與客分黃冠留盡醉歸路又斜曛

麻姑洞天誌

十五卷

三

龍溪曉樓

黎 近 涉陽知縣

山中別有天犬吠白雲邊偶共龍頭客來參鶴背仙

雨添春藥水風颺煮茶烟欲問麻姑 蓬萊路幾千

張 恩

緩轡攀蘿上居然天一方雲深蒼影亂風細篆烟長

小憩消塵慮閑來謝俗忙山中松釀熟客至不須嘗

翠虛閣望麻姑山分韻

童思善 知縣

雨過溪光淨千秋霽色還偶來登翠閣縹緲見姑山

洞古仙靈杳雲深窟徑閒直須撰杖屨佳日窮躋攀

高 隱

石磴扳援上紅泉古徑斜鳴颺野鶴轉盤迤若蒼  
長練看飛瀑高峰凌落霞雲迷仙子宅炉煖白硃砂

五言排律

由從姑登麻姑

帥 机

從姑迤郭門峰高徑亦窄岩下列僧房乳泉時瀝滴  
東竇徑穿雲陰洞客枕席漸高境彌佳天橋霄漢迤  
崦源蝶翅七竹林風折七穉子演三車道人誦金碧  
遙望麻源山明發竟登歷雨意始蒼茫晴暉更生色

麻姑洞天誌

十五卷

三

龍溪曉樓

霏烟結冥濛丹井涵純白瀑布分雌雄飛流數百尺  
風泉交渙媚山水互彬飾三復謝公詩慷慨頗君石  
想見玉女蹁躑珮安可覩洞天舊占名仙都果紫籍  
平生慕江海此日探靈跡毋疲九年精欲搏萬里翼  
緬懷周續之窠景駐衰屨

七言古風

遊麻姑山贈陳仲父李泰伯

邑人黃通 寺丞

麻姑山直斗牛角形勝擁斷東南隅五百年來昔英

氣特爲吾宋生真儒李姓觀名泰伯字風骨古秀飄  
髯鬚其人於世少似者無乃稷契荀孟徒自傷出處  
苦奇糾不得寸祿遮妻孥歸來築室郡北郭反閑唯

作文字娛先生之門足高第中間仲父有輩無曾繼  
先生列科舉簡編滿載三十車先生不遇子亦退高  
文懿行夸江湖麻源谷口田數頃歲計取足無贏餘  
生涯俯就隱意決便棄城邑廬郊墟上有慈親享甘  
旨下有子弟森庭除平生胸臆渺溟渤惟學虞卿窮  
著書平生志氣薄雲漢惟學子陵開釣魚每當春秋

麻姑洞天誌

十五卷

三

龍溪曉樓

社時候萬象滿灝神仙居若老野并照几席溪風谷  
需清襟裾先生乘輿或還往殺雞炊黍開尊壺共評  
今古正經史不知口角清澁濡名教果有如是樂彥  
輔之言誠豈無蓮社竹谿龍高逸究竟未免歸狂愚  
爭如仲父與泰伯相樂以道情愉七文酒逢迎二十  
載一日不見已爲疎松門大開俗不到水雲軒檻空  
清虛仰愛二友羞不與欲別仙聖猶踟躕

顏碑行

鄧元錫 明徵士

神仙可聞不可道石門表日生秋草雲中雞犬自春

秋湧上烟霞逸瀛島今年早魁職作威田家處七啼  
兒妻柳條束頭向天拜元女真入無是非藥鑷冷煙  
白日靜烈風濤七松枝勁十年羽客譚丹砂泉下今  
來呼亦醒神仙若道不可知那得山有魯公碑

賦得姑山高送陸開仲應召北上有序

郭鳴雷

已酉之春余來守盱是時長水開仲陸公承家學  
之淵源迎倚天之長劍以李爲擬以攝爲真蓋若  
手闢盱以相待焉及余至而一語契合遂成莫逆

麻姑洞天誌

十五卷

手主

龍溪曉樓

自是以來首尾四載如和塩梅如操琴瑟或開仲  
調而余爲遠口或余鼓而開仲爲擊節期於集事  
不必已功苟可利民何妨互出開仲忘余乎余忘  
開仲乎卽盱之民亦不知余二人何以相得雖甚  
也若乃簿書之暇輒相過從促膝聚談窮日繼夜  
時而商略不朽共訂千秋之業時而印證無生且  
結世外之緣此則余兩人心獨自知亦竊自賞而  
麻姑王蔡諸高真反若欣然有會而色咲也者時  
令山靈貢奇畝巧于是余與開仲遊而樂之蓋麻

姑真若有余二人而余二人亦若真有麻姑矣今  
余量移淪水開仲待且內召兩人同失麻姑而余  
又失開仲撫今追昔不勝雲烟舊在之感于其行  
也爲賦姑山高以送之蓋遙望麻姑如見開仲也  
室迩人遠情見乎詞且以識世請云

昔不見麻姑之山何窈窕突兀高峰凌鳥道域中三  
十六洞天吳楚東南稱巨與當年勝事紀方平羽蓋  
繽紛朝玉京真卿文字千秋爛內史風流萬古名山  
川靈氣莽無定盛衰每與才賢應匡阜原因太白高

麻姑洞天誌

十五卷

手主

龍溪曉樓

峴山若爲羊公重姑峰之踪亦逸哉烟霞滅役荒蒼  
苔天上華星照南國手携丹筆登春臺豫章拔地三  
千尺烜赫中丞標偉績象賢步武躡芳塵坐見群蠻  
開霽色矯蒼吳鳥鳴陽春琪樹瑤枝欵上真應龍蛇  
蜺戲雙瀑淋漓雨盈江村有時霹靂空中落洞壑  
晨朝褫鬼魄有時星月皎然明仙壘夜半來笙鶴真  
令化國起扶桑堯源何必誇荒唐雉馴阡陌雒桑柘  
民歌蔽荒懷甘棠雷也生平伏湫隘剖符盱水欣傾  
蓋忽窺靈境儼躋攀灑然置我樽霄外蕩胸時卧嶺

頭雲甘泉飽飲閒心魂披拂五風歷四載頓令凡骨  
離塵氛一朝聖王春神吏鳥翻七步前歌還瞻五  
老照無光極目胡由展雙翅君乎行矣趨明光輝七  
五彩臨朝陽願視山中舊遊侶何殊蠅營棲榆枋吁  
嗟姑山出沒幾千載唐大夫松至今在蔽虧日月摩  
蒼穹歲寒之心終不改卽今世路方差池東流之外  
西日微天生豪傑爲區宇寧能咫尺相追隨秦華山  
來綰地軸扶持正藉忠賢力願爲磐石鎮巖廊砥  
狂瀾維八極

麻姑洞天誌

卷十五

手七

龍溪曉樓

七言絕句

頽碑

曾 章

碑文老勢信可愛碑意小缺誰能鐫已推心膽破姦  
允安用筆墨傳神仙

桃源

前 人

來時秋不見桃蒼空樹寒泉瀉石厓爭得時人見  
鳳不教身去憶烟霞

張文質 贈尙書

萬仞巖巖石逕斜筇與直上蔡經家麻姑一會方平

後無數野棠春自蒼

會仙堂

羅 倫

使君一舉三百觴山殺雜陳麟脯香醉後大嘯出門  
去魯公風骨山茶七

左 贊

道人飲我紫霞觴竹裏行庖異饌香醪後星壇空  
立白雲滿地月蒼七

道士房

譚 律 本府教授

道人棲息任清虛小院迴廊正梢如看到無言更深

麻姑洞天誌

卷十五

手八

龍溪曉樓

處滿空明月石窗虛

丹霞

鄧元錫

危峰上與絳霄連濛汜崑崙睥睨前自有片雲陰下  
界更無氛祲到諸天

碧蓮

前 人

西峰七頭萬丈逆移來洞府碧冷然離七烟草今何  
處海水桑田一惘然

憩丹霞閣漸海秀屏至洞天

青鳥雙七下紫微仙壇雨過碧蓮肥峰頭神女遙相

待散得瑤章蒲路飛

麻姑山

曹飢

二十年前天柱遊清風明月日悠々只今風月渾如

昨獨有盱江朝自流

瀑布泉

蕭鵬 潛山知縣

瀑布泉流徹底清曾聞清可濯塵纓古今往續無停

息不爲貪人洗濁名

周相 江西巡撫

功臣事業山河壯學士文章雲漢明入月洞天仙子

麻姑洞天誌

十五卷

三九

韓溪曉樓

會神姑遙指泰階平

七言律詩

登麻姑山次陳屯田見寄韻

李觀

塵寰漸遠漸淒清似向崑崙採玉英此地已知隣華

子幾人猶道識方平步高那復肌膚重心逸都疑羽

翼生苦恨俗緣無了處歸來依舊馬蹄聲

垂玉亭

劉梅南

麻姑千載尚神完白壁難容照鬢漫仙鶴歸來山月

老道人回去洞雲寒碑存古製辭嚴密壁有今題字  
屈蟠一自蔡經留語後不知滄海幾時乾

王侍宸

難泛烟波一棹通錦堯終日漾霞紅未能立節揚千  
里已覺騰身在半空猛政固非秦王日清譚豈是晉  
時風自慙塵累還嬰繫洞裏神仙故不逢

碧蓮池

前人

玉井靈根未易求輕盈體素更風流莫教仙子塵生  
轂尚想真人葉作舟紫殿晝長香霧合清池夜淨月  
麻姑洞天誌 十五卷 四十 韓溪曉樓  
光浮多情樂在壺中景肯把紅妝好自修

傅天翼 進士

一派寒流碧有餘近城西去是麻姑雲中世界神仙  
宅峴裏峰巒水墨圖明月西樓盈百尺夕陽紅樹幾  
千株五分酌酒十分看忍把星眸醉後辜

登麻姑山步環浦公韻

梅亭 縣

秋晚探奇萬仞巔翻七劍佩思飄然松濤半嶺笙簧  
奏石磴千尋瀑布懸王子鳥飛何處夢唐人碑藓自  
中天月明鶴唳玄猿咲丹灶空餘溪上烟



楊傑敬中丞

江城執了土牛鞭路入仙都訪列仙天地大功均宇  
宙聖賢和氣滿山川洞中酒熟經三日世上蒼開又  
一年石壁若無螺蚌殼誰知滄海變桑田

聶思敬

崑崙危峰逼紫霞洞天深處識仙家瀑泉瀉石飛冰  
練岩壁凌空秀鐵峯幻術昔聞雖化鳳通神曾見粟  
成砂我來徑造齊雲頂爲問三仙幾俗嘉

江澂四川僉事

麻姑洞天誌

十五卷

四

龍溪曉樓

肝燒麻姑第一山就中佳致異人間碧桃蒲樹春長  
在丹室無門雲自閑瀑布泉飛晴作雪魯公碑老藓  
成斑玉簫風送月明處疑是仙人宴罷還

秦旭

武昌知府

琪樹交柯蔭紫苔分明佳景是天台山如洛邑千層  
出人似劉郎兩度來浮世風塵終脫落空岩猿雀尙  
驚猜同遊幸得張司訓酌酒題詩咲口開

王綸

謗將塵海問玄冥喜對雲山擁翠屏萬劫有灰留宇

宙六丁無法遣風霆鶴居華表人何在貉睡丹丘夢  
未醒讀罷顏碑應咲倒鉄心何事信仙經

聯句

謝士元張昇

仙都依舊隔雲閑謝蘿磴盤空尙可攀張道士吹笙

聞碧落謝名公弭節玩青山當年撫字眞留意張今

日追遺賸得閑歷覽歸來還劇飲謝頽然一醉卧雲

間張

潘烈儒士

井梧葉落秋滿天浮雲飛去山蒼然喜有平疇足耘

麻姑洞天誌

十五卷

四

龍溪曉樓

稻謾說瑤草生芝田行樵白叟凌晨去醉酒黃冠盡  
日眠前修遺跡曾與李慷慨一讀瓊瑤篇

方嵩

兵部郎中

共詫麻姑小洞天肝江形勝此爲先四時雲護仙翁  
井萬顆珠跳虎跑泉玳瑁石均杯作渡奈人峰底玉  
爲蓮七星杉睇丹霞洞滄海桑田任交遷

賴璽

州判

麻源三谷接麻姑華子岡頭石徑紆雲傍輕輿行翠  
巖天臨秘殿敞玄都寒聲泉瀑風簾洞秋色林霏水

墨圖獨有顏碑渾不老長生休問煉丹炉

曹奎

往事寥已已莫憑麻姑猶見古今稱酒因泉冽味偏  
美山爲仙居名益增松外風來巢窟舞潭中雲起卧  
龍升平生仰止心尤切此日公餘始一登

張思

天入蒼厓路指西郊行便覺景先奇  
蒼厓雨過紅塵軟蘿磴雲深翠蔓垂  
水向流時驚雪湧山於缺處見  
屏虧芒鞋擬盡登高輿春色癡人轉望遲

麻姑洞天誌

卷十五

甲子

龍溪曉樓

鄭鑑費縣知縣

肩輿載酒趁新秋酷似當年老謝流  
白壁簌題山鬼護丹經書姓道人留  
泉穿石竇清堪把烏拂松濤影  
亂浮何處倚雲將玉管一聲吹徹洞門幽

重登麻姑山

王選

宴罷瑶池玉佩隨仙踪一別杳難期  
青山無語悲塵世白首重來憶昔時  
雙瀑泉飛千澗雪七星杉老萬  
年枝  
袖簪咲入烟霞裡許向林丘伴鹿麋

齊雲亭和王侍宸韻

劉德彥

盤擁名山斗極齊風高鶴背未應迷  
青畝遠挂千年雪丹壁真懸萬仞梯  
鳥度長空天欲咫尺人依危檻樹  
仍低  
麟漫問神仙事瓊藻英篇費品題

占仙亭二首

前人

琳宮香氣結輕烟亭子何年此占仙  
山作画圖開勝景人依玄極艷壺天  
阜鄉遺鳥清風遠縵嶺吹笙夜  
月懸可使金丹生羽翰擬從方外探真詮

其二

翠微深院紫泉吟路入仙壇思杳冥  
過雨飛雲迷遠岫輕帆啼鳥隔前汀  
杯行綠蟻浮蒼露簾捲青山憶  
慢亭選勝登臨春晝永采真何處覓  
稀苓

麻姑洞天誌

卷十五

甲子

龍溪曉樓

春日同王敬夫黃子理觀瀑和郡公韻

鄭象箕

銀河千尺瀉無窮碎劈冰統剪水工吐氣却疑雙劍  
合窮源應與十洲通峻嶒玉笋千青漢寂寞丹崖倚  
碧空我欲凌虛招羽士更於何處覓長虹

王希曾 孝廉

直上平虛亦快哉登臨欣接范張才好花迎客依芳

徑幽鳥窺人下吹臺崔過不知松子落仙遊曾記碧  
桃開擗麟勝會還何日回首滄桑又起埃

黃大順 孝廉

風掠殘花片已飛遙空嵐翠濕征衣草遮曲徑幽香  
細雲鎖眉霄鳥道艱崔影穿林飛錫度松濤帶雨洞  
龍歸捫蘿試問沓源路指點江山今已非

仙都觀

鄭之京

蹊徑凌風訪一丘紅泉石磴不禁秋雲開山色高低  
見雨過泉聲急演流空院等閒看舞崔古壇隨意有

麻姑洞天誌

十五卷

古志

龍溪曉

鳴鳩桃巷世遠今迷路那去秦人洞口遊

齊雲亭和王侍宸韻

程可行

南城縣志

木末亭高雲拂齊恍疑尺五去天迷淙已銀漢槎堪  
泛步已丹霞月可梯湧說蓮池紅且碧浪傳柔海淺  
應低尋真欲問仙妹渺徒有顏碑屬品題

其二

千尺靈源碧漢通桃巷片已落霞紅科頭松月情偏  
遠極目烟波眼欲空青鳥滂頻王母信玉簫浮慕子  
喬風豈緣結綬生纏繫拂袖相將環珮逢

高 陟

玉簡金爐舊碧闌崔嵬最上綠烟迷峰迴鷲崔稀人  
跡木鬱猗虬衆鳥啼遠岫多情偏擁翠岩蒼有意故  
沾泥雲留羽客長吟嘯瑤架高臺一局棋

高 階

紫葢凌霄壯巨觀颶塵幾度見蒼漫烟凝上郡雲先  
濕濕落前山雪共寒雁陣朝驚林蔚蔚漁舟晚唱石  
噴吼青螺翠黛無今古千載空同月下驚

麻姑洞天誌

十五卷

古志

龍溪曉

續刻從姑附錄卷十六

江西新城汪石  
郡守長水陸  
先代遺書

少卿郡人左宗鄧景賢編集

東平後學何天爵從之搜續

從姑山在郡東南五里魁然圓頂若人踞而坐登山緣石磴而上數百級有雙石峙如門名鐵關又上數十級爲靈峰寺殿閣皆倚巖嵌空爲棧道左有小巖麻姑洞未誌

名觀音山泉聲淙然懸巖下爲井清寒襲人各玉井又左有石洞查而深黑名玉洞一名伏龍洞中寶名玉竇洞貫石中石壁立而中裂一痕若齒名天梯一山巋然當空名天柱據天梯仰窺天小僅如線各一線天岐出稍上數十級可至絕頂有石如杵世傳仙人奔於上二江如雙虹自天蜿蜒而下勝槩千狀莫足爲麻姑之從也名人題詠甚富第回祿兩經稿率無存今姑錄見存者數章附諸末簡庶觀覽者有所考云

記

國朝

修從姑山記

左宗鄧

從姑山者羅先生講學道場也先生倡名德之旨爲後學宗四方學者響應如聲奔谷輻輳吁江有暇依不忍去者相與入山密証焉於是四方來謁先生者無不登從姑而從姑之勝遂聞天下山故有古佛殿東有見雲堂則先生卽庭訓舊址而闢以來賓者也西有斗母殿下有堂以奉先生主其據石依岩庵亭錯落其四周或阜或埕松杉竹檜則先生所出緡錢壓買筆畫而手植之者也先生在則山木蒼翠堂舍環拱人文星聚屹然吾吁一大觀自先生作而漸夷漸替氣象凋萎歲異而月改矣予與及門之士暨衆賢者時一努力護持而旋葺旋圯不勝圯亦不勝葺甚則毀瓦敗垣鬻田刊木不出於緡流則出於鬻族之僮僕可倬哉先是郡太守鄧公表章前哲用牲捐俸於先生祠者屢已又還所沒田若干畝而歸之迨遷憲湖西矣別予山中周覽徘徊矍然色動余時

梁木泰山之感亦愴然幾涕下公既別而盡括藏賻之美者得七十餘金俾余悉付其徒與若孫之能者受之公行而受事者不敢懈即日鳩工梵宇雲堂巨至門垣階序纖及什器罔不飭且庀焉天柱峰下曹有玄帝宮敗椽幾覆神像不蔽風雨即如公面命移雙玉之坡其故址構亭曰玉立以先生手畫在也登斯亭也層巒幽洞可眺可探一時若地湧天設山若增勝氣象若改而新四方之觀者學者若冉睹先生之儀如昨蓋先生明德之學貫宇宙塞天地通人我

麻姑洞末誌

下下卷

三

龍溪院

萬物一體亘古常新固不以茲山之興廢為此學之顯晦增減而數十年後數千里之賢者景慕先生思永先生之澤如一日即此可證人心之同而先生之學脉未墜於地矣予不敏夙角從先嚴問學先生瞻仰尤切敢不嘉鄔大夫之德而益勉耶是役也董其事者門人蕭應泰嗣孫羅懷智余小子則始贊其成而終其事云

祭羅明德先生祠文

鄒鳴雷

祠在從姑山即先生講學處也歲久傾圯先後捐

俸九十餘金給其孫諸生懷智懷祖修葺之頗復舊觀併爲清復寺僧乾沒祭田若干以供伏臘仍顏其額曰搏挽元氣云

大道廓然渾淪民物靈竅自如動而不屈塵境交淳批根引繩自繆自解無非執情滔滔叔季執司砥柱舜江闊源如日再霽群迷頓醒紛其假途朱紫麗維實繁有徒悼哉先生應期特出哀樂之原在祿能質彈精道闢壯歲登堂從艱入易與化徜徉觸目聞聲洞觀仁體委運任真都忘議擬兩膺民社貞教厥躬

麻姑洞末誌

下下卷

四

龍溪院

需德之澤甘雨和風不蔽鵲鳩恩覃幽翼秉憲滇南化行推轂惟此元和駟蕩氤氲溥爲効用何物不親迨賦遂初隔人孔亟法語琳琅玄機間寂宗風遠播海宇回春支離瀚漫還返真淳某束髮受書輒傾山斗執筆無階中心抱疚茲究通德太息後時瞻仰遺風型範在斯敬潔溪毫用申向往萬古如存精靈見

擬羅明德請謚看語

鄒鳴雷

看得本官扶輿開氣理學正宗契萬物一體之仁紹

千聖傳心之統關揚祖訓揚孝弟慈以福民軌轍前  
修約性道教於明德真機得之當體妙用悉不良知  
躬行可質鬼神垂起橋廉頑之化官績永光祖豆播  
家絃戶誦之休若夫會語流傳字句堪同契問乃至  
遺風鼓煽鄉邦愈仰斗山斯真宇宙之綱維無泰宮  
牆之梁棟易名盛典輿論久孚

詩

七言律詩

紀遊從姑

張昇狀元

麻姑洞天誌

五

龍溪曉樓

飛磴盤空路轉高巽人猶在許誰招石泉鴻寶疑龍  
窟羅壁開關若火牢千嶂環回分晚翠雙江襟合散  
寒濤使君公暇酬吟地風景無邊興倍豪

遊從姑二首

張恩

朝氣凌霄不受寒江天回首碧雲單山顏立覺千峰  
小禪榻眠剛一丈寬欲向靈源尋煉藥須於神府認  
還丹分明別有通仙路只在幽居靜裏看  
肩輿乘輿入霄攀躡盡停梯曲七巘不信虛岩藏勝  
境始知平地聳名山鳥因求止時飛躍人爲貪奇日

往還笑倚闌千秋若洗嵐光只在有無間

五言律詩

遊從姑

何文淵吏部尚書

岸瀾人家遠天高樹影低龍藏通海井鴈落釣魚磯  
徑蒼苔滑春園紫蕨肥欲知方外事此處問禪機

遊從姑四首

秦夔本郡太守

懸崖牢結屋高與白雲齊樹杪風烟合簷前日月低  
田從長者施詩任達官題笑詠歸來晚天寒五馬嘶

其二

麻姑洞天誌

六

龍溪曉樓

野寺孤城外登臨眼界寬江山正搖落樓閣自穹寒  
清梵雲間出幽泉石上看同行多俊彥尊酒且盤桓

其三

登高逼象緯暇日此消憂雲歛千峰碧天寒一鴈秋  
大江侵楚白遠樹蹴吳浮無限凭闌意題詩直上頭

其四

地險疑無路乘閒試一攀天垂平野闊雲共老僧閒  
崖石危時墮江流去不還時消足遊覽遮莫髮毛斑

和秦堂翁四韻

曹奎郡丞

危峰高萬仞無山可與齊  
仰瞻紅日近俯瞰白雲低  
禪室依厓結詩人拂石題  
覽餘同薄暮奔馬向人嘶

其二

出郭登高望方知天地寬  
山城烟樹迥野寺竹風寒  
五嶽雲中峙三江眼底看  
不妨重載酒携友共盤桓

其三

乘閒來佛地世處百無憂  
貪看三生石那知一葉秋  
空裏天花墜爐中寶篆浮  
過歸山色暝明月挂樓頭

其四

麻姑洞天誌

十六卷

七

龍溪曉樓

勝跡名天下公餘喜得攀巔厓  
千尺嶮老衲一身閒  
野鹿銜花至山猿獻果還  
使君題刻處掃盡石苔斑

從姑山步堂翁四韻

陳易通判

足躡從姑頂身與從姑齊  
驛樓紅樹媚楚岫夕陽低  
斗室通方丈新詩接舊題  
笑聯那伯袂歸路馬頻嘶

其二

此心無愧作俯仰合天寬  
霧浥冠裳潤風吹毛骨寒  
溪山雲際疊樓閣  
畫中看醉發狂吟與詩題四植桓

其三

官居疎遠地心獨厲  
堂憂魚躍鸞飛境  
虹銷雨霽秋  
遶天一鶴唳魏闕  
五雲浮回首瞻吳會  
落天際頭

其四

暫發登臨興崦巖不厭攀  
天高着眼近地僻任身閒  
候使沙頭立飛仙洞口還  
霜林明落照紅映錦袍斑

步前四韻

王華推官

幽禪老棲地萬竹護簷齊  
雲掩重關靜山闌四塞低  
琅函香室梵金薤石厓題  
無景增多感蕭蕭風木嘶

其二

麻姑洞天誌

十六卷

八

龍溪曉樓

鷲嶺白雲端依巖結構寬  
清虛與世隔風露逼人寒  
簷蔔幽房種楞伽老衲看  
江流下山遶風湧起鯢桓

其三

幽境醒塵慮空門元不憂  
半窓花雨午滿院竹風秋  
象火焚七度茶烟細七浮  
一泓泉竇水流下碧山頭

其四

石壁梯雲上捫蘿百折攀  
松杉長界七猿鳥自閒七  
曉日袈裟挂挑雲錫杖還  
深巖香霧裏應有豹成斑

遊從姑和秦郡伯韻

趙璽

寺啟雲厓上麻姑勢與齊階前懸海活門外亂山低  
境界遺塵俗風烟入品題使君曾駐節林震紫騮嘶

其二

古刹崇金碧剛成百畝寬早春花氣暖炎夏竹陰寒  
鐘鼓雲間出江山天際看元侯題傑句健筆勢桓桓

其三

停驂游古寺范老散先憂祇樹晴嵐曉吳江碧水秋  
翠厓藤蔓合緝殿篆烟浮談偈無僧悟誰言石點頭

其四

麻姑洞天誌 十六卷 九 瀛溪曉樓  
登山謝傳屐曾此向躋攀僧演六根靜官尋半日閒  
幽厓雲鶴喚古洞雨龍還遙想驂騑路苔痕破碧斑

遊從姑

鄭允璋

丹匕芳時莫紆七斗徑迴藤蘿張密幄松栢抱良材  
足健搜奇展胸開絕頂臺雷疑纏澗谷雨爲淨塵埃  
白舞稀風絮青垂重李梅二姑姿窈窕萬壽勢崔嵬  
童冠明春服仙芝映酒杯詩壇裁錦繡人世隔蓬萊  
挽日戈須借無旁鼓角催

秋日遊從姑四首

郭麟

客有閑中趣居常孟浪遊青山還載酒高興更登樓  
野岸花容晚江風樹色秋歸來明月下吹笛混漁舟

其二

從姑多古蹟此日始登遊掃石雲連袖鉤簾山近樓  
黃花三徑晚落葉滿江秋千里多相憶笛鳴何處舟

其三

風塵淹白日山谷恣遨遊寺隔江邊樹人登雲外樓  
烟嵐浮古峽艸木值深秋歸路斜陽下輕寒附小舟

其四

麻姑洞天誌 十六卷 十 瀛溪曉樓  
性癖耽山水乘閒作遠遊浪花迎小棹雲影泊高樓  
歲月虛驚夢江湖正值秋寬心詩句裏盡醉泛輕舟

遊從姑

李萬寶 副使

春江聊繫繫勝日喜聯鑣歷石躋崕削捫蘿上鬱迢  
青天通一線翠壁出層霄杯棹冠裳聚應傳麟鳳標  
登從姑山 張梓 監生  
寂寞僧房古綿蠻鳥舌嬌露零依艸木山聳插雲霄  
起舞悲長劍留題憶小橋忽驚歸馬躍風雨自瀟瀟

張桂



日暖尋春處巢高燕語嬌孤松依翠巖修竹上青青  
消畫臨碁石吟詩坐竹橋洞天山下月歸路馬蹄遙

遊從姑山和前韻

鄭游學錄

野色春仍媚山容晚自嬌白雲連斷岬華月出層霄  
拄杖緣松徑傳杯坐石橋醉來忘去住山雨下蕭蕭

游從姑

鄭惟賢逸士

山占肝江勝孤峰瞰碧湍泉香芝孕仙菴石爲盤  
衲挂雲亭濕詩成月殿寒鐘聲送歸路風露冷征鞍

從姑

王嘉丞

麻姑洞天誌

十六卷

十二

龍溪曉樓

我愛從姑石青茸帶碧湍何年尋願老寫作圖看

遊從姑五言古

劉源

茲山亘南來視姑抑稱從緬懷混闢初江上走後踪  
我行陟崔嵬鷺鶴時一控旁覩石罅天耿々不盈縫  
古佛金剛身劫火謝飛動侯公員葉緣依然瘳清供  
何人更探奇王局西偏共興罷歸去來小有烟霞洞  
風輕祇岡高路濕雲裳重過爐海上鯨喚起蕉間夢

七言律詩

遊從姑

吳會

卷石臨江勝境開十年不到此重來寒餘竹澗三冬  
雪風吼松厓六月雷伏火烘殘煎茗竈澹烟吹落雨  
花臺山僧未見空歸去誰識胸中賦詠才

藍秦萬士

載酒乘驂出市關從姑高處一怡顏山林真意心先  
領湖海虛名夢不關傾蓋敢矜雙眼白彈冠自感兩  
毛斑世間大藥如堪覓學飯青精不下山

羅子清

遙拱麻姑欲讓尊羣峰如聳勢難奔山根出地盤千  
麻姑洞天誌十六卷十二龍溪曉樓

仍石罅窺天僅一門青壁日高微有路碧霄雲散淨  
無痕嘯歎頗訝壺中監浩氣填胸自吐吞

遊從姑

王哲國子學正

雙峰如鼓瞰溪南中有巍峩古佛龕一隙清泉寒沁  
玉千章佳木曉浮嵐倚闌擊節歌初放坐石圍棋樂  
且耽何日邀明遠載酒緣陰深處劇清譚

遊從姑二首

左贊布政使

勝境重來又十年山中風景故依然危厓俯瞰雙江  
水古竇微開二線天夾道松筠森晚翠滿城樓閣倚

晴烟白鷗波外浮雲淨目送歸帆到日邊

其二

雙玉峻嶒勢每親翠華巔上着吟身乾坤有興頻凝  
吟風月無情總快人十里盤旋勞杖屨一方會合醉  
花茵臨池宴罷還翹首天馬凌空不少蹲

遊從姑

王祿平和知縣

禪關百尺倚層巒石磴岩巖路可攀雲梯橫壑依野  
岫風傳鐘磬出塵寰江分左右時飛練峰竝東西日  
擁環極目憑闌天際遠疊花深護鳥聲聞

麻姑洞未誌

十本卷

十三

麻姑洞未誌

夏寶

江陵知縣

岩傍江流意若何攬衣扶杖一經過石池引月開心  
鏡溪谷留春長葺蘿幽洞有雲光得少閒庭無客綠  
生多滿斟尊酒祛塵鞅謾撫孤松發浩歌

寄璋

岩棲梵宇客來稀雲幙烟花入眼霏絕壁留題新吹  
韻高巔開局更彈棋天開一線窺光小河落雙虹浸  
翠微惆悵隔江漁笛遠姑山秋後碧參差

郊福逸士

緩尋芳艸步崇阿遠近峰迴點翠巒僧依懸厓成堊

險鳥鳴深樹帶雲和苔花繡石棋枰古貝葉翻風梵

語多快我登臨空八極憑高醉眼幾摩挲

遊從姑

鄭濟國子學錄

三月風光春暮時千葩萬蕊開芳菲松圓絕頂輕樓  
鶴風激層湍欲起晴日晚江村呼渡急雲高山月落  
杯遲桃花幾逐楊花盡空負劉郎兩度詩

從姑山四首

羅汝芳雲南大叅

天柱峰頭萬法壇玉芙蓉疊翠屏看晚霞忽霽瑤空

麻姑洞未誌

十本卷

十四

麻姑洞未誌

月渤海雲涵紫氣漫

其二

天柱峰頭淨晚霞分光長照洞仙家千峰兩岫羅青  
玉洞口烟雲萬樹斜

其三

天柱峰高萬疊藏竹松襟袂照青蒼倚闌夜宿空明  
閣三際燈隨海月光

其四

巖柯壁蔓密逾封紫翠雲連幾萬重峰影斜懸梯作

徑登臨誰爲駕長虹

遊從姑山

靈峰勝跡幾何年此日登臨不偶然石壁巨靈青拔  
地水分肝姥碧涵天爛柯人散閒棋局飛錫僧歸舄  
篆烟薄暮鐘聲催攬轡清懷詩思浩無邊

游從姑

陳 毓

老石臨江勢自尊亂山高下列兒孫天垂北極星辰  
近路接南城車馬喧西棟雕題巖畔寺綠楊紅杏水  
邊村還尋絕頂圖棋處無浸蒼苔烟雨昏

麻姑洞天誌

十五 溫溪曉樓

登從姑

邵 寶 御史

回首麻姑復從姑江中烟霧兩峰孤伊人似玉卅珪  
阻吾道如川白日徂曾是待年終偃蹇也憶關世未  
糊塗晚來數點神靈雨莫謂巫山作西圖

游從姑六首

張 恩 布政使

從姑如削對麻姑十里相馳聳處孤今古有情雙玉  
趾乾坤依舊四時徂泉分小竇天常淨雲染懸厓頽  
半塗盡日登臨舒野興滿闌詩思賴川圖

其二

秋心入暮疎微寒霄漢無雲鴈字單坐瞰一天祛垢  
盡笑攀雙柱著眸寬岩垂露菊清先偏地擁晴楓醉  
欲丹千里飛嵐浮翠嶼也應寫向西圖看

其三

陰雲蕩盡鳥呼情如回峰巒隔水明雨漬蘆花添晚  
色風吹梧葉動秋聲夢隨海鶴雙翎遠心與岩泉一  
樣清風景滿前吟不了擔頭涼月送歸程

其四

飄飄直上白雲巔雙柱峻嶒別有天玉寶泉香雲自  
麻姑洞天誌

十六 溫溪曉樓

吐仙杵柯爛石猶全嶺陰背日侵杯冷岩隙招風入  
坐穿滿道田疇頻望雨可堪東望策吟鞭

其五

深秋拉友扣仙關仙去惟留一局閒雲落半空驚鳥  
度月明層嶂看僧還篆煙縹緲隨風轉花影參差遶  
壑扳安得山翁全杖屨不妨日夕醉尋山

其六

曉岫溶溶紫霧飛山僧高卧掩柴扉鉢龍不動澄秋  
水杖錫徐臨挂衲衣已躡天根窺線路欲從江口占

魚磯炎涼世態渾如夢漸覺塵心與世違

遊從姑十首

吳之屏 南城令

雙石巖岈控碧霄芙蓉金翠拂山椒  
璫璫閣道憑天起縹緲樓居傍斗遙  
百道流泉飛玉屑千林遠樹映虹橋  
紫玄深處羣仙集萬籟清虛絕世器

其二

一望懸崖興欲豪烟蘿曲磴恣蕭騷  
山藏寺影飛空翠風度松聲起怒號  
且撥雲根穿伏虎漫從玉竇駕飛鼇  
惡虛跌坐塵心遠忽見深林放碧桃

麻姑洞天誌 十卷

十七 流溪曉曉

其三

崔嵬天柱傲三千一竅光分自日邊  
月上恍疑弦映水雪來堪撥玉爲鞭  
蒼蚪鼓鼯千山晚紫氣凌虛萬壑妍  
暮靄晴飛巖瀑翠乘風幾欲賦遊僊

其四

層臺面匕接仙臺簾捲山河一望開  
石局棋殘仙蹟遠瑤壇樹古鶴群來  
玉笙吹徹山頭月鐵笛聲飄洞口梅  
雞犬無聲閒白晝何須跨鶴問蓬萊

其五

長春閣上覆重巖玉笈瓊書石匱藏  
飛錫遊僧群鹿豕投林棲鳥遍松杉  
半空桐蔭還飛綠兩派江流遠掛帆  
舉目閒雲隨去住無如此地絕塵凡

其六

山自嵯峨水自流十洲縹緲望中收  
蒼松翠竹涵虛室碧瓦朱甍玉立樓  
幽壑煙霞棲鶴滿山風雨吼松楸  
惡虛已覺風塵迥何必驂鸞入極遊

其七

屈曲巖從歷翠岑手攀日月入深林  
山幽石怪留雲住澗遠泉飛帶雨吟  
洞苑桃花翻燦爛壺天玉液任招尋  
世人不識風波險若個能存出世心

麻姑洞天誌 十卷

十八 流溪曉曉

其八

捫蘿直上最高峰隔浦風傳遠寺鐘  
新月一鉤看鶴舞清風半榻卧雲濃  
神遊貝闕三千界身在瓊樓十二重  
多少塵勞都遣盡更於何處問仙蹤

其九

如來方丈好躋攀寶鼎烟籠山外山  
石乳垂垂凝玉髓丹霞燦燦護玄關  
千層峭壁天門外幾片寒雲杖

優閒日暮山迴迷古道寒雲攬秀未知還

其十

層巒聳翠插青雲香閣橫空秀欲分出火青蓮元不染  
對花白鹿共爲祥風迴野燒搖林薄樹隱漁燈隔  
水濱望裏麻姑稱頡頏一丘一壑並相聞

從姑書院爲明德先生俎豆其雲孫伯愚實光

大之感而興歌

程可行

平生汗漫恣遨遊員嶠方壺不可求趨步魯鄒時嚮

往庶幾旦暮古尼丘榛蕪此道荒迷久况復多岐紆

麻姑洞天誌

十六卷

十九

瀧溪曉樓

且適歷覽探奇稱建武從姑載崇冠南州眼中悵望  
蒼茫裡難俟河清誰侶儔中有造化摩天手直接吾  
徒天與遊屢見文章成大塊又聞廊廟登天球斯文  
未喪懷明德私淑由來得遡流吾道孰爲主張疑鰲  
峰千仞最高樓鳳毛况自承先哲俎豆光前烈未休

續刻從姑附錄卷十七

郡守四明鄔鳴雷長豫原鑑

郡李長水陸健實府原校

少卿郡人左宗鄧景賢編集

東平後學何天爵從之搜續

瀧溪後學邱時彬登大校刻

奉常左公育英堂贍田藏書記

鄔鳴雷

余讀中興書范甯爲豫章太守興學校養生徒資費

麻姑洞天誌

十七卷

瀧溪曉樓

一出私祿并取四郡子弟皆充學生課誦五經則慨  
然慕之余卽非薄不足當古人而盱江二三子夫非  
昔人所稱清慧杰特其學廣大直截者乎余身慙表  
樹而志啓關鑰雖昕夕咨七民隱之未皇而興賢造  
士慮不敢弛於費序願猶念章縫之有專肆而師儒  
之有定席則惟是羣萃州處者之無汨遷焉而或取  
閒靜娛適遺外遺累則尤山齋別業之爲曠遂與盱  
士同志者就麻姑仙觀卜築幽栖卽所名爲育英堂  
者也余以暇日登假焉集諸生叩膏髮所自出則滋

溢不成對表樹之謂何而使翰圖之有饑麟焉則稍  
割常俸鉢象得若干鏹爲置田若干畝而奉常左公  
亦慨然捐三十金助焉因得爲履畝稽仰時其輸以  
給堂中鼓篋之需而下帷投斧莘七祁七惡蔡經之  
故宮而修李觀之遺矩者其食奉常公之德不衰而  
公轉念諸子矜自排偶帖括外顧安所得洛陽市而  
徧閱之因盡發其家藏書史既公之學宮矣又以其  
餘者非置堂中以恣學人之漁獵又懼歲久卽畝瘠  
之不能無侵射而細縑或以資稗販於是並爲籍責  
麻姑洞天誌 卷十七 二 龍溪曉樓

而轉以公之施施無量者則是諸文學之所以報奉  
常而余不佞亦實藉以塞往日表樹之責其尙竝之  
訓文畧 左宗鄧

夫成弘大家與王唐諸公輩假令今日如在其一種  
真血脉斷不隨時受變者文章劫訣其竒取之於機  
其正取之於理其致取之於情其實取之於事其藻  
取之於辭自有一段精光可動人處總要識得破莫  
妄廢精神要尋他意脉之源委要將他一味重種生  
出無限顆粒如菓核之仁枝葉幹根無不自其中一  
麻姑洞天誌 卷十七 三 龍溪曉樓

家今不可復也願同志勉之

育英堂會規

一立出入循環簿二本請印府臺每歲輪本堂諸生二人各執其一議每年二月十五日於育英堂新舊交收以司本歲出入如所印簿完交於府庫仍另立新簿一照前款開列簿首仍請府印以後繼此循環

一每年首事諸生于二月十五日合建

文昌清醮一壇卽以十六日爲會文之始繼此每月

麻姑洞天誌

卷十七

四

龍溪曉樓

一會凡本山肄業諸生每月三會至十一月十六日止

一會期既定令郡諸生凡有志者聽其自至本堂卽備供給每人約費若干大約以二三十人爲率如多卽分派數班庶主會者得以照應不致

亂雜無序

一會文以三首爲額二三八九月間課五篇本年主會者彙送主盟援其尤者選刻仍標其目曰 鄒老師育英堂課業

一本堂議立門役一人以司啓閉兼辦會日薪水其養贍取給本堂公田之稅量所入多寡以爲全半之酬

一每歲於二月初旬主計者將本年值會二人姓名及其某日會期粘寫二紙于府縣兩學門壁庶諸生得以先期報名知所向往

一會中額例篇數若干少文每篇罰若干如無文冗食罰出本日之費庶不致混擾以虛盛舉

一田租交納主入計者至秋成之日收貯本堂依時出糶以給公用其每會供應料度人數多寡以付司出之人

麻姑洞天誌

卷十七

五

龍溪曉樓

一每年約所費供應有餘若干交納府庫以聽繕葺本堂其或修理所費浩大主出計者預先經營每月各轍一會約其費以作修補之用  
一本會諸生繼此登科者議助坊銀拾伍兩登第者議助扁銀叁拾兩以作本堂廣置贍田之需兼以助修葺增造號舍之用其助銀置田數目仍登簿勒石以志不朽

一每年挨次掌司出入必須二人其間出仕宦遊者各舉忠實有志子弟爲代或本堂與會諸生務在公忠不欺之士其或挂剋林下亦當督率子弟不時勸課山中其或玩爲故事欺蔽怠懈者神明其罰之

鄒郡公置立育英堂廳會田段租數開後

一段早田坐落觀前計早租穀柒担官

佃人寧雄三

一段早田坐落雷山上計早租穀陸担捌斗柒

麻姑洞志

十七卷

大

龍溪曉樓

升伍合

佃人危奎六

一段早田坐落黃陂橋頭計早租穀陸担叁斗

佃人吳貴八

一段早田坐落觀前貓兒坵計早租穀伍担捌

斗

佃人徐王十二

一段早田坐落觀前排上計早租穀肆石伍斗

伍升

佃人吳貴十八

一段早田坐落觀前排上計早租穀肆担官

佃人羅茂一

麻姑山育英堂儲書目錄

計開

左學院助書目

資治通鑑綱目 十二套

朱子語錄 四套

蘇文忠全集 五套

十三經解詁 四套

春秋左傳註評測義 二套

春秋賈玉 一套

麻姑洞志 十七卷

七

龍溪曉樓

漳州正學書院會規 一冊

崇正書院會約 一冊

能仁書院會規 一冊



麻姑山殿門聯

鄭象箕

室中別有韻

天下更無奇

零從書院門聯

前人

天啓人文萬古圖書開景運

門環錦水一源洙泗會川流

思齊精舍聯

黃公李

木鐸應期活水源頭開道脉

玉壺疑瑞高山望裏振儒宗

麻姑洞天誌

十七卷

八

瀧溪晚樓

育英堂柱聯

李先芳

錦水姑山禮樂千秋崇此地

春風化雨焚燭百世在茲文

續刻麻姑山丹霞洞天誌卷之十七

郡守四明鄔鳴雷長豫原鑑

郡李長水陸 鍵實府原校

少卿郡人左宗郭景賢編集

東平後學何天爵從之搜續

龍溪後學丘時彬登大校刻

明清

七言古詩新增

遊麻姑

施閏章 尙白愚山

麻姑洞天誌

卷十七

九

瀧溪晚樓

石梁之上龍湫口野店三家賣山酒味比蔗漿色菊

黃佳者泠泠如玉我來橋上呼一怀驚濤轉壑山

花開花霧濛濛人自醉醉聞泉響失酣睡再沽一斗

三百錢不爭酒好爭神泉水淺蓬萊知幾度一勾猶

傳丹井處碧蓮池改洞雲迷君看誰解遊仙去

戲題龍門酒次

朱 紘 玉林

琴堂酒價向誰討蜀地春光報夜老纖纖素手隨樽

倒盈盈迂步臨風好桃唇未濡心先蒿幾步低徊恨

不早雨花撩亂濺龍島寂寂空山夜長皓夜吼蒼鱗

垂古道松子歷歷呼童掃明日狂風當自寶紅顏落  
地成荒草

宿慈惠庵

張承光 旦役

鐘聲敲下三更熟月影穿牕方可掬萬壑松風徹耳  
清一簾花氣紛相逐攬衣信步漫追尋冷浸空階幾  
個竹此時纔識山皆靜此時細聽濤成濕未從仙子  
問丹爐且對如來澄紺目同是山城月一輪映出鬚  
眉疑此獨方思喬步小蓬萊醒時依舊山中宿欲捲  
橋門雙練來水山風月描成幅

麻姑洞未誌

卷十七

十

龍溪曉樓

戊申初夏陪浮山和尚文燈岩何印茲徐仲光  
先生集麻姑龍門橋和尚淡墨作雙瀑圖命  
題卽席構長歌以獻

昔聞飛仙鐵遼最清幽十洲三島恣遨遊又聞神女  
凌波尤縹緲舞鳳翔鸞出天表高人遊戲亦尋常千  
載風流應不少洞天小有在丹霞蔡經何幸卽爲家  
鞭影尙能傳鳥爪沃焦猶自說丹砂蒼翠千層滴飛  
流兩道開蛟龍時隱現雷雨迭相催半山亭上雲遮  
斷尋源不見桃花所龍門高出自天邊雞犬煙霞總

是仙一勺神功天地小開伴秦人種碧蓮若問滄  
今又徙絕嶺平疇春瀾瀾老傑猶月抱孤松倒挽銀  
河傾瀑水城郭烟邨足底生長歌浩氣益縱橫羽蓋  
神囑今尙在我欲從之青天碧海結深盟噫嘻美殺  
丹丘思縷縷太白多情夢天姥真仙不必絕塵埃搔  
首問天時鼓舞

麻姑洞未誌

卷十七

十一

龍溪曉樓

七言律詩新增

陪李宗伯登麻姑

羅森約參

最愛仙源有路通龍門深處倚飛虹珠傾萬斛雌雄  
瀑黛映千層遠近峰漫酌神功尋紫宅還披古蹟憶  
顏公煙霞着眼清秋遠太白冰壺幸與同

其二

穿雲度嶺到山岵山色蒼茫吏隱宜古洞丹融霞燦  
燦懸崖浪湧雪霏霏現吸豈作人間調沉瀝堪供世  
外棲清淺蓬萊何必問嘉賓旨酒夜忘歸

麻姑洞天誌

卷十七

主

瀧溪曉樓

和前韻

李明府太虛

仙源自古杳難通誰謂茲辰駕彩虹萬壑行來迷兩  
屐千巖歷盡見孤峰爲尋顏魯麻姑帖轉憶歐陽六  
一公曾在滁州山下過醉翁亭與此山同

其二

路轉峰迴上翠微白雲深處瀑爭飛龍門一勺神仙  
跡虎穴千尋雪浪霏吏隱不妨同我住逃名我欲向  
君棲井霖是日隨車至迴洒油幢冒雨歸

和前韻

狄宗哲魯修

卅丘隱隱十洲通石澗星槎貫落珣埜鶴帶烟迷古  
洞浪花如雪湧危峰西山笏挂秋偏好北海樽開食  
自公最是客臺陪使節騎鯨夢鳥幾人同

其二

松濤綠繞下雲岵爽氣晴空四望宜細竹瑤光分蕙  
苗高談玉屑闢泉霏嶙峋欲振衣千仞徙倚奚妨鳥  
一棲見說芝田靈雨樹笙歌絕勝舞雩歸

和前韻

李正蔚

龍門一勺海門通仙境平開氣吐虹屏列半山橫晚  
麻姑洞天誌

卷十七

主

瀧溪曉樓

翠煙籠五老映高峰丹砂擲米懷王遠碧澗流珠慕  
謝公竟日間奇無俗駕台星聚處壁奎同

其二

雙流雪瀑宛峩峩一味冰壺性最宜蛟角塵封虛夜  
月洞天霞鎖散煙霏雲融七夕鬱初降風捲重柯鳳  
亦棲風翠屑層遊未已琴聲曉處鶴鳴歸

臘月九日麻姑山

苗蕃九符黃皇

臘九柴車只有龍五年此日歎肝江南征瘞鶴新冊  
井北望遠鴻暫雪窓夢破金剛如是六泉飛玉練白

來雙凌寒惟石梅花岸特吐清芬未宜降

其二

姑峰高峙鳳岡西踏雪尋梅大竹堤三品推金兼鐵錫九田厥土盡塗泥桑田滄海洞霞洞智藥香林法寶溪前定隨緣聊爾飛流千丈卽仙梯

雨晴上麻姑

時如夫人新整麻姑

丹霞小有洞天高煙雨連霄鎖碧濤西北孤峰城引鳳東南二水駕飛鰲瀑房易象臨莊老江閣詩情寫杜陶雙鳥寧云如敝屣何須飲酒讀離騷

麻姑洞天誌

卷十

十四

龍溪曉樓

其二

乍晴春雨上麻姑贏得仙都達帝都歷下古亭懷北海閩公新舫寄東吳不龜立盡千金手有石空傳八陣圖豈意彩鸞乘虎去秦樓當日照羅敷

其三

殷其雷雨動江干報道新晴路稍乾石磴源長紅玉閃山椒影斷白雲殘游魚戲藻風波定楚鶴鳴臯星壤寬半載孤峰面上土天涯芳草訊溫寒

其四

片言風駕出西垌農圃其蘇雨旣零不舍如斯雙玉練又成小歇半山亭波光淦淦搖空碧煙路戎戎踏曉青進得龍門橋上聽黃庭經半法華經

初夏望日偶典上麻姑

午歇乘閑上釣磯姑峰招隱瀑還飛慈雲南海觀流水慧日西方浴落暉一道丹霞明佛法幾分空翠濕人衣欲知山路元無雨出得龍門帶月歸

六月廿一日立碑

碧濤禪喜意云何豈謂簪纓換薜蘿香國真胎擅大

麻姑洞天誌

卷十

十五

龍溪曉樓

士石頭古屋鐵甯駛楓林抱後如屏障銀杏當關在淵阿瀑布雌雄高極處平流一派接天河

其二

滕王閣賦湧風輪司馬江洲譜太原懸遠池蓮開佛品純陽飛劍隱仙根皆從山右來江右總出龍門與鴈門狂屈榜鸞蘭若又草亭蓬鬢一乾坤

遊龍潭寺

寺在西芙蓉

徐芳

仲光出菴

客徑僧棲事事幽香林宛轉靜相求雲間柳標千峰

色天未芙蓉萬古秋碧澗遙從峰頂落青山還上竹  
枝浮陰晴一宿都休慮笑指蒲團已白頭

其二

不訪仙源不汎查白雲深處送年華陶潛自合歸蓮  
社傳齊無勞問佛牙寂寂莓苔生舊徑紛紛蜂蝶過  
誰家人間萬態須更事消得春風幾度花

其三

黃髮山頭憾已多綺園今日更如何盡言漢後僧無  
益邪識秦前政未苛石向怪中參佛印身於病處識  
麻姑洞天誌

卷十七

末

瀛溪曉樓

維摩長年荆棘樓成慣不學龜山怨斧柯

遊麻姑山

黃元治 涵空

迢迢山頭白水懸嶺盤十里始登巔危橋翠壁通三  
峽駭浪銀河決半天靈運放情來此地麻姑得道去  
何年仙踪杳邈壇空在紅滿山花老杜鵑

其二

螺蚌唾前殼已枯荒壇猶自奉麻姑頂中作幘今非  
是海上揚塵昔有無麟脯香消川洞冷龍車影斷白  
雲孤尋來剩有長生草采爲服親轉髮鬚

其三

魯公仙記字應稀唐代松傳數十圖鐵幹已成神物  
去銀鈎亦化彩雲飛客隨樵唱迴杉塢僧放茶煙出  
竹扉一自紫陽乘鶴馭青山今半屬緇衣

讀仙壇記

鄧 昊 日生用職

誰向洪濛記小兒魯公揮灑偶爲之山川自幻龍威  
丈風雨長流鳥跡碑握管精神穿手爪遺文元氣入  
肝脾桃源亦僞人間世不乞武陵太守詞

丹霞

麻姑洞天誌

卷十七

七

瀛溪曉樓

栗里先生漉酒巾桃源往返動經旬田家得雨催庄  
客機婦餘光照四隣檻外遊魚隨掌換溪行野鹿向  
僧馴入門接仗問童子身是今人還古人

重過麻姑遇雨

范長發 寄山

豈是催詩雨氣濃重遊不辨曉山容依稀晉代還存  
像彷彿秦人尚有峯嶺上雲生千尺瀑松間人靜一  
聲鐘魯公舊有仙都記危石蒼涼不再逢

其二

曾問麟補設瓊筵吸露餐風不用錢塵境那知身是

客仙家真以日爲年消除煙火三生夢指點滄桑半  
個禪若使青山可買得神功久已屬他泉

遊麻姑山

周之楨 襄林

居陰疊翠擁名山秩祀千秋豈等閒歷代皆於七月七日有司往祭

鶴蓋青浮松鶴霧龍門碧湧水潄潄雲開古寺僧筇

出日隱遙邨牧笛還一到便教心眼異桃源端不類

人間

姑山觀瀑次魏郡伯韻

張承光 旦復

麻姑洞天誌

卷十七

十九

龍溪曉樓

嶺上春雲次第開霞衣羽蓋逐群來晶簾高捲長霏

雪鼉鼓掀翻不讓雷仙子青鸞翔碧落顏公綠碣卧

蒼苔洒星不管人間事乘醉偏將好句催

暮春觀瀑

程鶴立 句方

桃花浪足柳初肥十里孤峰一探奇濯我冰壺慚素

質沁人珠唾快春衣晶簾洞口常虛掛銀漢山中欲

倒垂誰起匣中雙股劍夜深風雨作龍飛

其二

蘭亭曲水半荒丘唯望仙源一派流界段青山千仞

雪冲開碧落九天秋晴聞雷雨轟珠玉夕暗思波湧  
斗牛不向禹門超學海文淵何日出龍湫

叢桂館丁酉經始因憶山房有感而作

鄧垣達 黔港

洞門高聳是吾家朝看煙雲暮看霞飲客只須花釀

酒食人安川棗如瓜枝頭倡和無凡鳥草裏笙歌有

亂蛙何日劈麟重與宴再聽仙子話桑麻

壬辰冬月自雲衢直入麻姑深處感賦四章

何天爵 從之

麻姑洞天誌

卷十七

十九

龍溪曉樓

紅蓼青蘋五十霜今年風景倍尋常來經浩劫空三

島去倚旻天瞰入荒楊柳坪通山鬼路芙蓉峰學美

人粧麻姑過後青山老腸斷金卮九轉方

其二

霧鬢風鬟空復春茫茫人代總紅塵只言芝草長辭

漢但有桃花合避秦秦熱夢殘曾輪甲子寒宵獨自守

庚申天南地北分携苦滿眼青山兩故人謂丘汝亨蕭律美

其三

學仙學佛學沈浮學著芋裝把釣鉤自當一聾空谷

響聞看千頃大江流窓間睡正高紅日雪裏山應換  
黑頭莫縱閒情賦歸去故園松菊不勝秋

其四

結客千金散不還斗牛光燭土花髮赤松自負書三  
卷黃葉邨園屋半間短褐譚人衣強滿名僧煨火煮  
爐開重巘複嶺經過好恰便相携共出山

麻姑紀遊

潘崧生 天中

裏霧衝嵐十里餘天河誰挽下仙都靈蛟噴沫霏紅  
聖神女傾盆墮綠珠谷口風濤瞿峽盡雲中雞犬輒  
麻姑洞天誌 卷十七 手 潘崧生

川圖誰能喚得王摩詰爲寫丹霞一幅無

其二

一勺丹流石罅中危橋三峽跨長虹瓊漿縱覓餘芬  
在麟脯難教舊宴逢賴有孤松傳刺史猶餘斷碣紀  
神功登壇欲盡幽尋興茶話僧閒意頗同

危上宿 碧巷

滄海三遷事有無蔡經何宅到麻姑雙飛寶氣鳴雷  
劍萬斛珍珠散雪湖瑤圓月沉僧墓冷丹霞人去鶴  
聲孤神功一勺心如洗直欲乘風話玉都

寄題麻姑仙壇

彭定求 訪曠

吳農居近蔡經家華子岡頭望物華泉冷自成真一  
酒岩深亦放貝多花蓬萊清淺時依舊仙駕飄飄路  
豈餘頻取雲邊寄鳥使卧遊深處踏龍沙

同丘小蘇訪鄧蝶菴於姑山詩以紀事

吳之文 敏公

霜色蕭蕭山氣哀攀林一步一徘徊接天鳥道沿流  
上背日樵聲過嶺來碧游銀濤飛不斷糾宮瓊樹望  
將開方平宴後麟厨冷誰向秋風再舉杯

麻姑洞天誌 卷十七 二 潘崧生

其二

捷足真同犯漢槎迢遙塵郭望中賒踏空嶺樹千重  
霧坐愛山楓二月花仙觀何年歸白鹿龍門一徑接  
丹霞西風處處收新稻始信乾坤別有涯

其三

曉日荒壇問舊踪沙彌未打木蘭鐘疎燈乍破孤僧  
夢寒日先開五老峰玉洞有春來翡翠青天無路覓  
芙蓉相期共有騎龍約知在崑崙第幾重

和宜按臺遊麻姑之作

張世經 孟常

宴罷冊霞白練間至今仙仗未曾還怪來鸞降千年  
香羸得馳巡半日間句掇泉吟堪檮謝書摹瑤記更  
凌顏神功釀酒應須醉晚眺斜陽照玉山

雙姑竝峙

釋雪萍

輞川一幅掛當前兩岫煙霞散復連玉練匡邊忘茂  
月鰲峰深處別桑田畔凝遠嶂奇雲隱檻接雙巒舞  
鶴翩姑射憑虛如覩面何須世外覓壺天

麻姑山懷古

湯 倓 以安

麻姑洞天誌 卷十七

三十一

龍溪曉樓

麻姑山上使人愁雲物連天望不收華子岡前風雨  
濕神功泉干樹煙秋白雲一去蒼藤老青鳥雙飛古  
木稠惆悵無邊長太息卻餘肝水解東流

其二

展齒深溪覓謝公捫蘿伐木到山中通幽石古遊飛  
鳥題壁文空集野蟲三谷麻源常送雨半泓丹井自  
流紅迢迢暮色蒼然至一雁雲間向夜風

同吳竹士鄧弼予黃小韓許聿文僧天一中秋

日龍門橋待月賦詩紀勝

苗 蕃 九符

去年請致在中秋今歲中秋遂遠遊山入麻姑尋五  
老水仍瀑布振雙流月華碧海青天鏡桐照冰壺玉  
尺樓丘扇於斯不屈矣九臯鳴鶴任優游

其二

厥觀城市到山林素練飛飛吼碧濤呼吸煙波拋使  
劍追隨杖屨認名琴草龍虛禳寧憂旱玉兔長生不  
肯陰四美二難休易視廣寒仙子鑒同心

遊麻姑宿鄧蝶巷新建樓房

麻姑洞天誌 卷十七

三十一

龍溪曉樓

丘 峭 小蘇

龍門噴瀑幾千年上有麻姑竟接天歷歷松杉依古  
剎層層丘壑到平田殘霞色映峯頭月清磬聲傳竹  
裏烟任是淮南招大隱何如丹洞爻神仙

遊麻姑

丘兆麟

萬仞峰頭又有山懸崖飛瀑響潏潏樓臺影接空濛  
外鐘磬聲聞杳靄間丹灶猶存仙子去白雲常鎖洞  
門閒我來不與麻姑會興盡斜陽獨步還

麻姑山中秋月夜

陳嘉謨



洞門蘿薜隱中洲長夜宜人別院幽燈火千家遙背  
郭風煙何處獨登樓蒼松翠竹留雲住白石清江帶  
月流縹緲瑤宮凌萬壑麻姑真作訪仙遊

芙蓉絕頂

丘弘謫

石甕金仙跡漸蕪發篁深簪絕樵蘇臨川筆好疑明

麻姑洞未誌

卷十七

二

龍溪曉樓

滅閩地山如近有無廢觀何年栖木客仙壇從此咲

麻姑誅茅滿擬峰頭老久視桑田海畔枯

其二

十三排上山如削十八排中路似懸漚木夜迷猿狖  
路長風秋掃鶴鵝天離離蟠實桃千樹隱隱龍潭屋  
數椽不可久留歸路遠白雲携向句中旋

遊麻姑

劉澹

入谷穿雲一徑賒乘風直上女仙家靈泉清沁丹砂  
冷飛瀑晴拖玉帶斜瑤草日高猶染露碧蓮秋盡又

花天風颭歸途晚回首幽探興未涯

登麻姑山

丘嵩

入山惟恐不山深直上芙蓉深處尋繞足岩巒奔婉  
蜒凌空煙靄結陰森崕公石磴盤千仞瀑瀉流虹冷  
一林最憶隔年遊興好丹霞虛負看山心

麻姑洞未誌

卷十七

三

龍溪曉樓

偶留宿四明再訪芙蓉龍潭諸勝感賦七章

何天爵

七年前記此凌憑重到經行感倍增亂石青山新舊  
塔虛堂白髮去來僧荒荒檐日移春勝隱隱旂風動  
暮燈正憶芙蓉纔咫尺平明直上二三層

其二

草淺煙深十八排凌雲一望勢崔嵬當年漚莽凭樵  
斧何代僊壇墮劫灰江影幾痕環似帶春聲徹夜響  
成雷龍潭遠在前山麓齋鼓茶煙直上來芙蓉古觀  
近沒於兵

其二

訓虎崖懸倒竹枯回龍潭畔樹扶蘇遙看雲礫三仙  
石絕勝匡廬五老圖斷塔幾層埋舍利青山一徑下  
麻姑滄桑感慨今逾昔疾掃栖雲卧老夫

其四

年時生事備寒溫蕉鹿徒勞擾夢魂小有童心隨造  
化送來僧寺寄朝昏佛桑樹老逃三劫羅漢松高禮  
一尊獨夜掩關鐘漏歇卧听山鬼喘山村

其五

麻姑洞天誌 卷十七 二天 瀧溪曉樓  
谷風習習透珠簾纔到深山正避炎消渴不時勞若  
神課兒終夜費鋤鉗同尋絕壑雙三里自駕名經一  
兩函齋磬頻頻催過飯水芹山藪一般甜

其六

來時蕭寺過鶯聲眨眼蜩蛄盡日鳴春病自憐消短  
夢秋風誰復計長征淒涼夜榻門雙掩撩亂空花眼  
一明會記昔年高棟月斷鐘零鼓不勝情

其七

茶鑪經卷足淹留金井移時又報秋此去重憐官路

險再來同話佛堂幽百年霜髮蒼黃影兩點星燈去  
住愁惟有支公砌上路蒲團清坐辨神遊

麻姑紀遊

潘叙生 崇代

龍車羽駕去何時擲米成卅事頗奇蟬脫猶垂雙髻  
髮荒壇已廢碧蓮池入山自喜非凡骨採藥誰同覓  
紫芝獨有蔡經名不朽空留舊宅繫人思

其二

望中只見瀑雙懸踞頂經知別有天兩屐踏踏雲際  
露一簾劃破嶺頭烟稻畦沃壤芄芄黍茅屋深秋樹  
麻姑洞天誌 卷十七 二天 瀧溪曉樓  
樹蟬更上尋真豁雙目一聲長嘯斗牛邊

麻姑洗脚泉古

聞 職首章

麻姑洗脚泉長大道有麻姑脚氣污坐定丹霞看桑  
海何緣塵土污雙趺一從傳言滿流俗此泉可惜無  
人拘濯纓濯足兩不妨日日山中給樵牧莫道此水  
只細流千尺天紳一併收誰造妄言污靈液不避口  
業如山印我欲決之向郡郭可以一洗肝人羞麻姑  
失載何年載王練雙飛應未改挂倒仙姑洗脚盆盱  
江久已成滄海 泉在玉練雙飛之下 行二里有瀑長丈

七言絕句新增

飲丹霞

鄧 炆 川 晦

登山不問碧蓮池長受仙家狡僞欺日暮酒醒紅葉  
下心如未有此山時

宿慈惠庵題寄張丘憲

沈光裕 青蓮

江北江南一路花風襟雨帽任欹斜麻姑水亦黃河  
水不遠君家即我家

麻姑洞天誌

卷十七

示

瀧溪曉樓

麻源律詩附增 七言

麻源

苗 蕃 九 符

麻源尋佛似桃源小口嵐光秀可殫斷壁青空林窮  
窺沿溪遠近水潺湲危橋接引鐘將省大字摩挲石  
欲言北郭南城開是主吾廬久換虎溪軒

靈谷

靈谷尋仙照碧灣仙都迥不類人間高飛杰閣低飛  
水左磴危欄右磴山石竇雲梯觀道窅風來雨陣洗  
驚髮試將蘿薜簪纓對幽討還偷半日閑

麻姑洞天誌

卷十七

无

瀧溪曉樓

這靈谷山

陶 成 存 軒

一桃石巖心境開况教天際豎亭臺上有倚 每憐幽  
景人間少慣放閒情谷口來康樂鑿山難免癖子期  
釣水豈無才靜尋勝跡添詩思漫潑仙泉洗筆埃

五言律詩新增

贈碧濤住持

苗 蕃 九符

碧濤懸瀑開蘭若作姑峯莫刻蓮  
花漏何須怪石供  
過年爲六月乘屋在三冬  
慘淡經營意癭瓢伴冷節

其二

開士原闕產西江望鶴飛戒壇曾應鉢禪室亦傳衣  
雪瀑開靈照丹霞現翠微詩僧前已定於此合皈依

其三

巖淨毘尼相和南禮復端紅塵趨淡海好雨度寒山

麻姑洞天誌

卷十七

三

瀧溪曉樓

直作迎居士休看接宰官西堂一日長傲懶共芊芊

初夏朔日雨晴姑峰安大士座

何處能逃雨隨時且御風純陽方立夏弱水不流東  
瀑濺千尋雪橋縈一帶虹幸哉爲壽樂禪喜正無窮

其二

又上麻姑去田間水亂流青秧栽稻畦白鷺滿河洲  
西域原生藕東隣自養牛誰知小有洞一派與天遊

夏至日上麻姑

得空姑峰去非同汗漫遊爲山增一簣因果到三洲

平嶺茶煙動懸泉瀑布流高風不畏夏五月渾如秋

麻姑訪胡鍊師

徐 芳 仲光拙庵

姑峯意未足更入碧崖巔客侶存猿鶴閒情任海田  
縉泉餘作瀑壺石自爲天却悔塵樊久欽風已十年

其二

此事兒童曉蹉跎白髮侵敢辭麟入懷安得米成金  
洞僻窩雲古爐閒宿火深灰寒仍一撥珍重瑣公心

步龍門橋有感

不作天飛去清冷一水間樵漁憑睡笑松石只潺湲

麻姑洞天誌

卷十七

三

瀧溪曉樓

舊業殘爲雨新知半在山梢無且網逼魚服暫開顏

同無可道兄文燈巖何印茲揚東曦麻姑登眺  
瘦骨名山具參差去不妨追趨真驥尾歷試且羊腸

怪石熊羆靜濃烟竹樹香蹒跚斷續處祇許一人狂

予後諸公行良  
久而最先登

其二

紛飛皆過瀑奇絕此高空玉練雙難侶煙嵐百不同  
墨痕殘蘚底亭影亂花中繞柱無荆劍天何貫日虹

其三

茄蓬宜傍此雞犬美山家竹暗雲邊寺苔鮮石上花  
麟厨難驟擗鳥爪官輕爬一夢禪床穩塵埃望已奢

其四

其禪歸血性獨脫舊傳尼鐵脊奇能共灰心竟若茲

京良汝交海岸是吾師一下柴桑拜能驕鬚與眉

東海岸雲庵夫人及  
程徵白如君尼隱焉

釋晦山

為愛顏公墨支藤間舊踪空餘仙子宅不見大夫松

千嶂盤青髻雙泉吼白龍平田生絕頂彷彿到歐峰

麻姑洞天誌

卷十七

三

龍溪曉樓

釋竺巷

仙院久凋落祇林日靄然四時僧席地一句佛喧天

竹色生涼月松風落冷泉止公雖已老相對骨癯顛

夜遊麻姑

吳璜渭玉

我愛麻姑景攀躋對薜蘿星杉懸北斗瀑布瀉銀河

嶺峻天將近潭深月更多興來雙眼潤橫劍發高歌

遊麻姑

陳世儔本都太守

詎意天台洞翻爲袖子家松陰遺古碣溪畔挹沍霞

羽化煙猶在杯傾宴自嘉不知清淺水幾度種胡麻

麻源律詩附增 五言

王敬如招遊靈谷

唐明章 叢士

靈谷春風早相期訪碧雲素心蘭能合道味石泉分

古廟黃堂客廟名黃堂幽棲白鶴群欣同此逸興山水話

殷勤

其二

世界滄桑後無人復探玄龍蟠失故宅松老尚知年

結構雲窩迥盤旋石磴連會心當造次何必記紅泉

其三

麻姑洞天誌

卷十七

三

龍溪曉樓

未發煙霞秘先聞芝草聲搜天憑一杖招鶴問千齡

去住無閒客乾坤亦此亭山陰如解事當與爲黃庭

其四

華子當年去焉知北日遊尋源三谷近隱几萬峰收

皓月迎歸路清風到小樓一番春夢醒麻水自西流

沿溪入麻源至絕嶺望城樓雉堞歷歷如回

鄧 晁 日生

別有幽奇賞一尋清淺灣岫雲還戀戀石浪故閒閒

貌向寒花老心猶啼鳥關反因高處望細碎見人間

五言古詩新增

登麻姑

丘 振 月 塘

謝公好登山折屐第三谷麻姑乃不到頗負登山足  
雲山鳴古瑞澗道瀟淙玉笋竹白接離吾將追往躅

麻姑洞天誌

卷十七

三十四

龍溪曉樓

記新增

麻姑山記遊

羅 鈞 本府別駕

夫崇山大嶂無地無之何多湮沒而不傳也蓋緣山  
無仙真棲止前賢品題以致騷人雅士過而不留是  
以不傳故知山必藉仙而名仙必藉文而著二者得  
兼盱江之麻姑有然癸巳春余除建武通守會郡紳  
之宦於京者爲稱述麻姑之勝必爲嚮往視事後卽  
欲一攬之以調赴豫章而止甲午攝篆湖口乙未運  
漕神京丙申採銅農部連年從事於風塵舟車間丁  
麻姑洞天誌 卷十七 三五 龍溪曉樓

西春始返郡乃霽雨聯綿仰止麻姑可望而不可卽  
豈塵緣未淨而山靈見棄耶秋八月余抱病郡齋屏  
絕人事適丘秀才時彬以所刊麻姑洞天誌見貽披  
閱之下覺松風謖謖瀑水淙淙觸目盈耳向之氣煩  
者頓靜懷鬱者頓通如吞麻姑之丹如緣龍門之瀑  
如醉者醒如夢者覺心曠神怡而沉疴頓愈中秋前  
三日始與山陰沈子作高吳門陳子有本暨表弟林  
子質斯五姪治微因訂遊焉而沈子子厚以病不與  
深爲悵悵余戲謂曰俟接待麻姑時代乞卅砂歸而

貽子遂與同人聯騎出南郊日色隱雲中一路山峰  
迎面瀑水縣畔即引入入勝矣徑細紆迴阡陌間見  
四郊雨足黍黍連蓬山農野老欣欣相向遠歷平岡  
土阜馬足高低遠近村塋斷續於水聲山色中十里  
至山麓皆棄馬徒步而登路繞山腰皆砂磧簡易陟  
二里許度雲關嶺則石磴鱗鱗直達雲霄間有平衍  
處不過數武凡度十餘級則立而息再行力竭則坐  
而喘凡五六息抵半山亭回顧城市歷歷可辨從姑  
已在足下茗罷復行越三四峰頭即見瀑水盡石澗

麻姑洞天誌

卷十七

三

瀧溪曉

中作潺湲聲再上數百級忽有奔騰之聲迎至觀瀑  
亭則瀑見焉巨石中立分水爲二是爲雌雄瀑雄者  
壯振風雷撼雲烟怒與石鬪不勝則趨而下雌者弱  
如雨花如噴雪如琴韻如松濤非凝神靜會者不能  
辨聲而擬形也下有水潭復會而爲一潭不能容紛  
披亂石百道淙淙如跳珠再下則緩急紆折令注分  
流目不及視筆難盡述蓋仙家之道不外陰陽丹分  
升降爐分坎離火分文武則瀑寧不分雌雄哉不然  
卽麻姑携豐城雌雄劍復作狡獪變化也數十步卽

龍門橋橋上架亭橋下垂瀑倚欄觀之山開石裂水  
自橋下直瀉勢若傾盆下有潭水齒兩傍爲洞深不  
可測此卽投金龍之所也山僧來迂詢神功泉不數  
武過小橋泉在橋下從石隙流出有石如盂貯之大  
不盈尺深不盈寸一泓湛然細流入澗卽移茶鐺烹  
之不及候熟取器先嘗味其而冽冷冷沁入肺腑再  
酌澗水則味淡昔人取以釀酒名重天下今釀家畏  
登山路遠卽取山下之水甚有取溪水以欺人則麻  
姑酒不可嘗矣日午過水橋路皆平一望阡陌聯綿

麻姑洞天誌

卷十七

三七

瀧溪曉

青黃錯落約數百頃何山頂復有桑田耶抑仙人尚  
烟火食耶不然蔡經之遺產耶平田中有詩僧墓墓  
傍卽葛仙井已爲土掩想仙翁亦吝此餘瀝歟半里  
許過迎仙橋卽仙都觀誌有傳爲麻姑仙壇或云葛  
稚川煉丹於此又云蔡經宅未知孰是觀後峯抱如  
屏多巨木脩竹高低掩映飛翠沾衣前有池二紅蓮  
數朶與翠蓋輝耀想卽魯公所稱紅化碧碧化白者  
此也何神物至千年後仍歸本來面目耶左有三忠  
祠三忠者唐顏魯公宋李忠定公文文山公祠前有

唐松一株乃魯公時植也惜爲風雨摧折後人另植一株亦凌霄茂鬱魯公碑記已亡殿中祠麻姑像香烟寂寂其間頽垣朽木殆將圯矣門外亂山環幃乃飛爐葛仙五老秦人諸峯也惜山峯皆土勝於石無峻嶒另削之勢若移黃山數峰置此更爲大觀向之七星杉古藤及唐藏書閣李泰伯觀書林爲詢山僧乃俱以毀亡以對觀左爲慈惠巷僧邀入巷內瓦屋數楹不可止左上爲鄧氏小有山房因憩於此烹神功泉茗罷復步出巷右過碧濤菴門前有泉曰神應麻姑洞天誌

麻姑洞天誌

卷十七

三八

龍溪誌

舉襟袖飄飄仙乎仙乎若將輕身而遐舉矣覓路而下坐山房與諸子欲各賦山之各勝將移樽高阜待月以收夜景山雨忽來致阻清興掩閣挑燈分題賭酒酒力微酣童呼月上矣窓外松風捲雲竹枝洒雨濕雲破處逗漏清光而雲情雨態月影山容更有一番幽致難以言傳惟心融神會而已乃月色半掩半露雨聲時疎時密蟲韻忽斷忽連詩情勃勃呼酒澆之爲賦夜宿鄧氏小有山房書壁以謝主人山中無漏約夜半始寢早起開窓細雨霏霏猶撲人面雲麻姑洞天誌

麻姑洞天誌

卷十七

三五

龍溪誌



麻源三谷之勝余曰茲山也麻姑棲之雅川傳之魯公記之所謂山以仙名仙以文著故海內知名若謂巉巖突兀削壁飛崖奇松怪石異卉靈禽足以眩目驚心則吾敢媚山靈而欺世人哉雖然余聞此山迴環百餘里且麻姑古洞在麻源二谷谿徑深遠人不能至又安知其中之有奇峰異景而麻姑秘而不宣以待後之有緣者哉今但以目之所見足之所至謹志之以質吾子俱卧遊焉爾

麻姑洞天誌

十七卷

四

瀧溪曉樓

從姑補集

五言古詩新增

從姑山

苗蕃九符

麻姑以瀑奇從姑以石怪瀑則吾所居怪則吾所拜巨壺何時勞衆畏不敢邁一哂皆孩之直跨凌霄界虹梁仙奕頂始悟孔登泰所異修志錯識者胡不汰平定作定州嫺皇竟引賴吾莊東浮山五色石猶在文裕晉學使詩留存梗概

一線天

丘崙齊雲

麻姑洞天誌

卷十七

四

瀧溪曉樓

何來此怪石壁立江之東中有一罅隙直與青天通

五言律詩新增

遊從姑山

危上宿 碧菴

洪荒猶未判壁立砥平川齊劈千峰地初開一線天  
熬飛山欲動亭擁石空懸狂嘯生雲氣憑虛不事仙

從姑登高

張承光 旦復

踏開天一線蒼翠恰分襟揮寫三生句幽閒幾出琴

月終來峭壁桂已散空林露濕飛熬背烁疑此最深

登從姑

張梓 太學生

日暖尋春處巢高燕語嬌孤松依翠巘修竹上青霄

麻姑洞天誌

卷十七

四

瀧溪曉樓

消畫臨棋石吟詩坐竹橋洞天山下月歸路馬蕭蕭

和前韻

凌立 本郡太守

落照臨池館悠然物外心樹低疑月近山遠覺雲深

風韻來松杪簫聲在竹林浮生隨地樂何必更招尋

遊從姑

陳世儒 本郡太守

峭壁雙峰峙中開一線幽危橋攝息上暗竇側身游

月透波光現燈圍春氣浮此行真不負山美已全收

七言律詩新增

登從姑

苗蕃 九符

怪石凌空見若驚傲然不屑與群爭是誰相作麻姑  
從自我推尊米丈兄一線天開呼帝座雙虹水合鎮

江城長庚下榻譚詩外繁礪飛熬欲上征

其二

笑兀奇嵐入翠微神熬鼓浪勢將飛劈開晶窟金爲

翼迸出琅玕玉作柳客有三星懷斗北坐來一口咬

江西並今立雪姑各從天步丹梯照晚暉

麻姑洞天誌

卷十七

望

瀧溪曉樓

黃皇明府招同梅公先輩遊從姑

徐芳 拙菴

蒼崖百尺俯溪煙矗立中流意卓然躡磴人都行画

裏扶筇我亦到雲邊怪奇宜落麻姑後尊宿仍是華

子前不解謬名呼作從品題端的待鴻篇

其二

嵌空石印綴仍浮奇絕峰尖又碧流到此何人不仰

面怪他爲客一低頭林開遠汎千巒霽嶂合幽涵萬

壑秋梁坐塵情刪已盡綺筵還似對滄洲

再同無可道兄湯恪素先生登從姑

徐芳

丹嶂嶺壘壓紫煙到來杳睜難酣眠半闌以外隣無  
地一線之中賴有天苔壁捫書黃古蹟石梁度屐卽  
飛仙蘭亭好文兼運讓不朽斯遊也或然

題從姑壁

吳麟瑞 秋圃

奇峰千天亦名姑着屐來登輿不孤綠酒有緣從二  
宮白雲何處望三吳浮梁跨石雲堪倚曲徑封苔杖  
可扶我欲此中成吏隱只愁山下有船呼

麻姑洞天誌

卷十七

題

麻姑洞天誌

從姑石

梅之珩 月川

經歷郊原畝澮偏從姑靈岫笑嶄然半空削出雙分  
石一線平分小有天幽壑停泉深貯月高屏隱閣迴  
爰煙前峰書屋今何似准擬誅茅步昔賢

又

官惟賢 元建

底事年來百念叢追陪此地幸從容行穿綠玉深深  
洞醉映丹霞面面峰飛盡不妨凌象緯披襟聊復慙  
吼龍黃花未採英心在更踏紅橋第一峰

又

張首翼 右民

三月風光春暮時千葩萬蕊闌芳菲松園絕頂輕樓  
鶴風激層瀾欲起曉日晚江邨呼渡急雲高山月常  
杯遲桃花幾逐楊花盡空負劉郎兩度詩

甫至盱江鄧辟疆招同梅文淵王敬如遊飛猿  
峯峯爲羅明德先生讀書處也偶成三首

一 唐明章 義士墓園

片帆迢遞溯盱流水難忘舊日遊予於庚申嘗載  
有道名賢多繼起會心佳勝足淹留碧雲重掃鰲峰

榻仙僊先嘗麟脯脩絕頂應知天路近誰開一線符

麻姑洞天誌

卷十七

四

麻姑洞天誌

吾儔

其二

擁卷局雲自昔年晚霞嘗照萬家煙懸梯未改舊時  
路曲徑仍穿古洞天世外星辰輕作客眼前杯酌欲  
逃禪平生不是巨靈手唯愛空山展足眠

其三

勝逢携手度危橋此際高呼凌九霄短杖已翻滄海  
目前身合是鳳山樵穿開半嶺忘歸路數盡千峰隔  
暮舫領隊望霞慙老健何須更復說逍遙

遊飛鰲峰

黃道泰 子寅

探幽連轡出郊垌呼喝前驅徹不停馬踏綠莎衝古  
寺鰲飛碧落瞰寒汀遠江一帶開明鏡絕頂千尋展  
翠屏故國春光長在眼勿憂身世類浮萍

遊從姑步韻

王紀 玉紀

靈峰真箇並麻姑長使丹霞勢不孤  
璠窟豁風吞萬壑鰲頭聳漢鎮三吳  
江環山足人爭涉橋鎖天心我自扶  
問道近溪原不遠可能振臂大聲呼

暮春同熊君子亨寧君雲倬登從姑次壁間韻

麻姑洞天誌

卷十七

四

龍溪樓

王思文 立民

也向峰頭浪放歌豈同子仲舞婆娑  
鬟時白雪高難和此日青山感倍多  
書屋傳音歸談炬山僧結蓋附藤蘿  
幾回欲問如來意不記當初說伏魔

時已回祿

奇題羅明德先生從姑山房

彭定求 訪濂

入景題成儼圖先生真是列仙儒  
豈疑妙悟資禪悅轉覺微言闢聖謨  
滴翠岩臨吟閣迥飛鰲峰落講壇  
孤一編讀罷成搔首三歎何人肯問途

秋日同友人登從姑

吳邦鏞 先聲

一線凌空最上頭江天平遠望中收  
沉雲水障青樓夢廢苑風悲白帝  
秋滿眼賓朋高勝會昔年花月記  
同遊孤懷祇有南陽侶貫酒當歌起暮愁

麻姑洞天誌

卷十七

四七

七言絕句新増

飛鯨峰 有引

難近溪先生字惟德講學從姑山欲懸崖額飛鯨  
峰三字適同年以觀察駐肝江鳩工架木先生方  
振筆遙睇苔蘚中微露點畫痕尋命掃開班駁見  
石上三字骨力嶄然旁鐫唐僧惟德題乃知僧卽  
先生前身也衆皆噴噴稱奇遂仍標舊額以傳不  
朽云

麻姑洞末誌

卷十七

四八

增 璦 留耕

龍溪曉樓

撐天一柱跨飛鯨風骨嶙峋結構高面壁當年今壁  
立分明老衲是吾曹

遊從姑米洞

潘崧生 天中

空遺一洞在人間峭壁懸嵯未許攀爲語山靈休吝  
惜好將粒粒濟時艱



補遺

麻姑七言律

潘崧生

偷得餘閒訪洞天仙壇縹緲五峰妍危崖噴雪驚千  
尺小隙通泉僅一穿爚茗乞僧煨芋火開園留客斲  
苔錢何須更與麒麟宴得姑胡麻已是仙

其二

擬向方壺頂上來小池清淺小瀛臺嵐生足下青千  
嶂鷺集溪邊白一堆爲訪仙蹤尋擲米欲求丹液想  
流杯松間愛結跏趺坐擬待青衣駕鶴回

麻姑洞末誌

卷十七

四九

龍溪曉樓

五言律

五老仙人宅雲霞十里程幽尋捫鹿跡野卧枕泉聲  
撼石銀濤壯燭丹王乳清已知岩穴好何日耦而耕

黃秉乾

踏過天台路神功酌幾杯餐霞卅作餌採藥徧爲媒  
淙落雙龍吼峯迴一徑開珊乚風骨異彷彿在蓬萊

饒循文

仙人停鳥處一水抱山隈石竇開泉澗丹砂漾綠苔  
高低頃永出歷落泛桃來清潌神明宰朱絃逸韻徂

姑誌跋後

誌者志也志其勝無以永其傳也永其傳謂何地以文傳文以人傳匪文匪人弗傳也文與人俱傳矣而或軼見之他書採而登之所傳錄而存之所以脩觀也其無當於人與文而一宮觀必志一山房必誌謂何所以因其名存其實也其無當於名與實而一建設焉必誌一條規焉必誌又謂何所以示興賢育

麻姑洞天誌

跋後

龍溪龍溪

才之至意以興起乎後人也其無當於興賢與育才而一偏額焉必誌一門聯焉必誌又謂何所以一統類也志雖不一總之誌其所必誌則一也雖然誌麻姑以仙以歷代帝王裡祀以古今偉傑人詩歌其誌宜也從姑何誌焉其誌從姑謂何從之爲言從也以從名山是以麻姑起義者也其幽奧不如麻姑其奇特卓立不讓麻姑故林誌有取爾也非必其以仙以裡祀以古今偉人詩歌而後誌之

也而若夫升其巔則城郭人民在目焉所以安其敘而適其俗者何術之施也入其室則明德先生講席在列焉所以志私淑而示向往者何道之由也以此較彼以示夫以仙以裡祀以古今人詩歌其輕重當奚若哉則是編也不容不續而續是編也亦有不客不附者在也康熙丁酉八月望日瀧溪後學邱時彬登大氏謹跋

麻姑洞天誌

跋後

龍溪龍溪

續刻麻姑山志十七卷

浙江汪啟淑家藏本

明左宗郢撰

國朝何天爵邱時彬重修宗郢南城人萬厯己丑進士官至太常寺少卿天爵時彬皆建昌人麻姑山唐時隸撫州故顏真卿麻姑仙壇記有撫州南城縣之語今在建昌府城西十里宗郢志明史藝文志著錄卷數相同此本每卷標題或稱麻姑而去山字或又加洞天字或加丹霞字名目紛然可知體例之龐雜考明史作續刻麻姑山志今姑從標目焉

嵩書二十二卷（原缺卷十

七）（一）

〔明〕傅梅撰

故宮博物院圖書館藏明萬曆刻本

嵩書自序

文林郎登封縣知縣邢臺傅梅元鼎撰

肅皇帝乙丑之歲先揚州府君四上春官三試既畢  
為二月壬午夜宿邸中夢有冕而自稱山人者排闥  
拜謁直入內室寤而識之數日家報至第四子生問  
懸弧之時則夢寤之頃也府君私念曰旣冕而猶稱  
山人是兒必不貴遂名曰山子山子年七歲從父官  
山東始出就外傳更名曰梅則受詩季父南臯先生  
年十一從父官宛南則受易吉水羅先生年十六從  
嵩書

自序

父官京師則受春秋麻城梅先生後遂以春秋舉京  
兆自府君謝郡數載即世梅年三十北游成均乃從  
建業焦先生受書再十年丁先恭人艱又友里中吳  
生讀三禮蓋三十餘年泛濫六藝之中卒無所遇久  
待公車不覺顛毛短矣夫學者載籍極博猶考信於  
六藝梅自髮未燥即從事鉛槧自謂二酉之藏多所  
涉獵今雖老大偃蹇不敢跳入二氏惟是以六藝為  
折衷也六藝之指包羅帝王兼總民物撮其要約三  
才之道備矣試舉其大凡天地陰陽五行之奧肇於



易焉堯舜禹湯文武紀綱政事之範布於書焉朝廷宗廟燕享軍旅邦國里巷山川谿谷禽獸草木之況暢於詩焉人倫品秩進反周折之度備天地之情聊神人之和辨析於禮樂焉至於春秋事辭之微經權之宗是非之變皇帝王霸升降之運盡矣聖人勢窮而數極後有受命者默而成之神而明之耳故曰考諸三王而不謬建諸天地而不悖質諸鬼神而無疑百世以俟聖人而不惑知言哉子思之闡祖德無能易之已然仲尼之自言曰述而不作信而好古蓋有

尚書

自序

二

不知而作之者我無是也多聞擇其善者而從之多見而識之知之次也蓋天地設位代之者聖人聖人亦數變矣上古之時無所謂文字惟結繩而治耳自庖羲氏易之以書契仰觀俯察始畫八卦為作之鼻祖神農黃帝繼之而增卦爻而著本草而垂衣裳而制律呂至堯舜之世治曆明時齊政徵典二典三謨煥乎其有文章也凡五變而盛矣夏后殷周之世制作損益爛焉方策忠質文互用至於文無可加凡三變而極矣仲尼轍環列國歸而歎曰鳳鳥不至河不

出圖吾已矣夫遂述六經聖人而至此也變之盡矣非不能作無庸作耳嘗竊謂功業者持世之法度言語者揀世之津梁要以德行為基中和為致不可誣已前人有言久而不朽者三子弗敢違夫世代遷易理勢遞移乘時邁會非實有所得嘗試而漫為之功於何有若夫言也者往往出於約結之人或束於局格於格意不得自宣思藉空言以俟來詰舉而措之鑿鑿也故非盛德君子謂之寡言世見夫寡言者有當乎哉六藝而後奇勛偉伐著於摠表者歷歷可數

尚書

自序

三

即以論著自顯代不乏人要以體大而瞻志曠而肆綜百氏之流探六經之秘則不能不服膺司馬子長焉子長世為太史以其宏博恣其馳騁述先人之意為史記百三十篇自黃帝迄天漢蓋治亂善敗之林今古火薪之寄序天官則悉天地陰陽之與其準於易乎著平準河渠律歷則盡民物經制之蘊其源於書乎禮樂兩書極二經之匯而列傳中更舉山川草木鳥獸詩所未殫者其詩之流乎至其褒善貶惡微詞隱義貫穿於百三十篇者庶幾孔氏家法也彼以

絕代之才超世之識而遭李陵之禍名辱身冤安得不鳴今讀其自序固曰昔西伯拘羑里演周易孔子厄陳蔡作春秋屈原放逐著離騷左丘失明厥有國語孫子膺脚而論兵法不韋遷蜀世傳呂覽韓非因秦說難孤憤此人皆意有所鬱結不得通其道也以此發憤遂志卒欲藏之名山副在京師俟後世聖人君子其思淡其情可念矣今國家坐襲承平之業日久上視士太輕求士太薄自制舉義外別無物色之典無論三代耕莘釣渭之遇杳不可復即如中古東

嵩書

自序

四

帛尺書下賁巖穴尋常細事亦成曠儀矣士生斯時一降世格生平之氣立盡噫天下一家誰肯北走胡南走越哉雖有豪傑不得不俯首就之屈志受之此其常也梅旣以數奇二十載待於公車不第乃謁選天曹試當領縣探策得濟北之商河旣組而悔喟然歎曰男子生而桑弧蓬矢以射四方六合內事皆分內事予自少至壯東未嘗觀海南未嘗度江西未嘗入關北未嘗至塞旣不能如子長世官太史得綉覽石室金匱之書廣其聞見又不能如子長遊江淮上

會稽闕九疑浮沅湘涉汶泗過梁楚征巴蜀略邛笮昆明以縱覽天下之勝擴其胸懷徒區區守一簿書局促轅下俟河之清人壽幾何於是陳牒銓部乞返初服當事者弗許未幾乃自商河移令登封甫入境見二室插漢不覺躍然喜曰此古所謂中嶽嵩高也夫天下之山讓嶽四方之嶽讓中梅早卑黃綬儼然稱茲山主雖一城僅如斗大而左右前後無非山者因思先大夫曾名予山子以示賤於稚齡殆成風識矣又思子美稱也在周班爵列第四等應分茅土方

嵩書

自序

五

五十里今郎官出宰百里輿圖倍之又主祭境內名山得比於古之諸侯豈偶然哉嵩故無書古今一切禮樂名物委諸草莽掌故之謂何梅竊有志焉以初至無年拮据荒政未敢誦言纂述今在官且踰五載徼天之幸時和年豐百姓順化五載之內諸臺薦剡凡二十一上前年奏最考功謬以治行高第拜聖天子尺一之綸褒獎備至先大夫暨先恭人晉秩號有加小子梅淡自惟念無足報稱萬一魯論有言賢者識其大者不賢者識其小者梅封疆下吏生未

見中秘之書太史公所云明聖盛德非職所載功臣  
世家賢士大夫之業亦非職所述即以孔子大聖當  
其為委吏乘田時其所自稱表會計牛羊之外無越  
思焉固未嘗豫計卻萊夷復侵疆墮三都誅少正卯  
等事也今夫嵩山在禹貢名為外方漢制大邑曰今  
小邑曰長梅所領小邑也奄有全嵩得稱外方長在  
山言山於是還公布卷按舊摭新考證往古之失得  
發明昭代之典則期以補職方之遺備史官之采凡  
有關於嵩山者芟其煩蕪正其缺謬分曹列類自天  
嵩書

自序

六

象始

維天垂象散者列星太陽之榮萬物之精填官土位  
主茲中央分經遵紀職在保章辨色審度以觀妖祥  
慎哉下土勿謂沓茫述星政第一

二氣肇分萬類森然峙而為山流而為川奠方布潤  
千祀萬年岷山墮淚鄴渠永傳一丘一壑得麗斯延  
仰止崧高峻極於天述峙勝第二

形勝自天選勝則人景山揆日土木以新物盛必衰  
消息環循繁華餘幾化為埃塵既傷實亡更慮名湮

眷茲遺址懷彼先民述卜營第三

粵稽虞帝省方惟時柴望山川侯度以垂舉隅而反  
中嶽可知後皇封禪作備者誰三公視秩萬歲傳疑  
警蹕盤游殷鑒在茲述宸望第四

或謂才賢生不擇地載觀往迹降實不易出必有為  
氣必有萃造化鍾靈適與之值人亦有言聖以學至  
告爾後哲聿貞厥志述嶽生第五

巖巖嵩嶽作鎮中州冠蓋至止懷彼前修仕無顯晦  
澤斬名留德功尚矣言亦千秋悠悠我思皇皇我憂

嵩書

自序

七

不知我者謂我何求述宦履第六

大人達道高士隱跡異遇殊趨各安所適泉石寄情  
煙霞奚癖玉質輝山珠光媚澤處則皜皜出則赫赫  
捷徑終南虛聲何益述巖棲第七

黃帝無為天下以理清淨養性厥惟李耳可以御政  
可以全己且與化齊而畏生灰舉世皆迷曰求久視  
外身身存知者與幾述黃齋第八

浩浩乾坤茫茫亭毒聖凡均性華夷同育聖人大備  
斯文炳煜若夢若非佛生天竺三乘誰分五宗惑俗

愈遠愈離吾道吾賡述竺業第九

坤德凝厚載嶽巍然巍然者嶽寶藏興焉簡冊匪誣  
微顯可詮生之居之總總綿綿方內資用方外延年  
刪同存異奕世珍傳述物華第十

土有墳羊山有靈變造化變態不知所為界幽生異  
境絕集奇出鬼入神若信若疑溺之障意通之解頤  
博物君子無為世嗤述靈緒第十一

四始炳煥六義昭敷世變體分代有前驅詠歌陳志  
天濤自據登高能賦庶幾大夫完石非寶有瑕或瑜  
萬書  
自序  
八

披榛覓路不憚刪鉅述韻始第十二

日星代明雲漢為章高山我戕流水洋洋天地之文  
悠久無疆前為後師今傳昔名以繼以開有裁斯成  
知我罪我先民是程述章成第十三

外方長曰余吏隱陽城述嵩書十三篇統計二十餘  
萬言食則噍之寢則枕焉手判文書心搖袖札者踰  
歲仰極天道俯究物情上下數千年間自六籍所及  
以逮今茲凡象緯次舍流峙動靜之故州域國邑宮  
室田里君臣朝野禮樂制度詞賦文章之跡即仙釋

之流詭異之事細而至於夭喬鳥獸鱗介器物之屬  
亦為品詮悉合規度務在昭垂鑒戒非雅馴不軌於  
正者靡得而載焉雖博遜子長不敢自謂成一家之  
言然彼以其十識其大者吾以其一識其小者云耳  
至若所謂有能紹明世正易傳繼春秋本詩書禮樂  
之際故非此書所敢任也噫身已詘矣名已晦矣言  
之傳否遑足計乎先正有言聖人之言海也苟能通  
陰陽之氣達水泉之流以海為歸者皆海之溢也夫  
小子亦囿於世變而不能已者也

萬書

自序

九

萬曆四十年歲在壬子冬十月望

嵩書自序終

嵩書目錄

文林郎登封縣知縣傅梅元鼎撰

第一卷

星政篇

宿屬

一曰角亢氐

一曰柳星張今以柳

星張為正

星屬

壽星

軒轅星

嵩書

目錄

填星

州屬

一曰兗州

一曰豫州

一曰三河今以豫州三河為正

國屬

鄭韓

周今以周為正

第二卷

峙勝篇

嵩高總略

太室

少室

山類

箕山

陽城山

東龍門山

三臺山

陽乾山

轅轅山

君子山

萬金山

王紫山

嶼來山

緱氏山

小熊山

大熊山

三尖山

嵩書

目錄

交崖山

牛山

石堂山

倚箔山

萬安山

玉華山

浮山

風門山

玉仙山

偃月山

五乳山

峰類

太室中峰

青童峰

黃蓋峰

浮丘峰

朝嶽峰	望都峰	立隼峰	河帶峰	石幔峰	周道峰	春震峰	太白峰	金圓峰	玉人峰	玉柱峰	會仙峰	玄龜峰	金壺峰	起雲峰	獅子峰	萬歲峰	三鶴峰
	<small>自青童峰至此為太室三十六峰 下為少室三十六峰</small>																
望洛峰		觀香峰	桂輪峰	松濤峰	勝觀峰	懸練峰	雞鳴峰	積翠峰	玉女峰	老翁峰	子晉峰	卧龍峰	華蓋峰	鳳凰峰	虎頭峰	玉鏡峰	遇聖峰

巖類	繫馬峰	玉華峰	凝碧峰	金牛峰	卓劍峰	白道峰	藥堂峰	紫蓋峰	瑞應峰	清涼峰	靈隱峰	羅漢峰	連天峰	鉢孟峰	檀香峰	石城峰	太陽峰
	白鹿峰	寶柱峰	迎霞峰	明月峰	白雲峰	帝宇峰	紫薇峰	翠華峰	瓊壁峰	寶勝峰	來仙峰	七佛峰	紫霄峰	香鑪峰	丹砂峰	石笋峰	少陽峰

鬼谷	谷類	清微崖	養龍崖	雀尾崖	栖靜崖	崖類	石梯巖	雲母巖	雉羽巖	摘星巖	雲林巖	縱鹿巖	錦帶巖	日華巖	赤脚巖	東巖	盧巖
穎谷		水鏡崖	望汝崖	鱗雲崖	積雪崖		黃甌巖	劍脊巖	雲華巖	栢厦巖	翻照巖	鼎腹巖	龍蛻巖	芙蓉巖	棄瓢巖	虎口巖	科斗巖

高書

目錄

五

望朝嶺	嶺類	後乳洞	桃花洞	紫雲洞	雲鐘洞	文殊洞	毛女洞	石樓洞	象極洞	山陰谷	壺中谷	黑石谷	萬工谷	紫虛谷	逍遙谷
琅玕嶺			前乳洞	神清洞	浮丘洞	達磨洞	天際真人洞	羅漢洞	顏回洞		好音谷	栢谷	玉華谷	馬蹄谷	承天谷

高書

目錄

六

高書		目録	
象嶺	石屏嶺	天門峽	大鐵梁峽
問耕嶺	憩鶴嶺	小鐵梁峽	玉黃峽
鐵圍嶺		待仙峽	
岡類		坡類	
牧子岡	問菴岡	暮旋坡	漁樂坡
萬羊岡	拜風岡	峻磴坡	
青林岡	石鼓岡	穴類	
峽類		龍穴	龍簡穴
		光明穴	鍾乳穴
		鶴泣穴	

高書		目録	
石類	啓母石	山之雜類	西天門
	三醉石	嵩山天門	鐵楞窗
	井田石	玉女窗	上定思
	墨浪石	輓輓坂	下定思
	琴臺石	中定思	袁術固
	卓笏石	子晉壘	織錦臺
	虎石	漢果園	滌煩磯
		期仙磴	龐塢
		潘陵尖	
		竝王所控諸峰	





平洲	大有渠
豐樂塘	水雲津
南漪	行春澹
飛花瀨	潏澳
鴈渚	柘林阜
長汀	
第三卷	
卜營篇	
州邑一	
高書	目錄
歷代沿革總叙	土
城郭二	
黃城	秦城
古城	孤竹城
登封新城	屏嵩郭
關鎮三	
轅轅關	鄂阪關
陽城關	石羊關
大谷故關	潁陽鎮

告成鎮	
壇廟四	
封禪壇	封祀壇
八仙壇	琉璃壇
中嶽廟	禹廟
周公廟	啓母廟
少姨廟	仙官廟
潁源廟	石人廟
玄帝廟	九龍廟
迎仙廟	昇仙太子廟
純孝伯廟	
宮觀五	
崇福宮	嵩陽宮
奉天宮	三陽宮
承天宮	清微宮
萬歲觀	太乙觀
天封觀	嵩陽觀
白鶴觀	隆唐觀
高書	目錄
土	

精思觀	紫虛觀
洞清觀	土德觀
崇慶觀	頤眞觀
龍泉觀	龍翔觀
玉溪觀	清風觀
玄都觀	太微觀
丹霄觀	玉泉觀
通眞觀	嵩仙觀
寺院六	
高書	目録
大法王寺	嵩嶽寺
會善寺	少林寺
峻極寺	永泰寺
盧巖寺	下盧巖寺
龍潭寺	碑樓寺
在孫寺	龍華寺
馬鳴寺	西勝寺
清涼寺	華嚴寺
寶林寺	三峰寺

玉泉寺	淨明寺
大嶽寺	黃峪寺
水峪寺	石門寺
竹園寺	龍泉寺
寶勝寺	弘化寺
普照寺	崇法寺
溫姑寺	菩提寺
清水寺	白雲寺
宣陽寺	崇福寺
高書	目録
普明寺	道場寺
石窟靈巖寺	天中寺
封禪寺	戒壇院
峻極中院	峻極下院
寶林院	龍潭院
淨明院	護國院
法華院	舍利院
功德院	御容院
面壁菴	二祖菴

寶珠菴	白雪菴
朝陽菴	吏隱菴
張相公菴	郎官菴
長春菴	谷神菴
控鶴菴	
臺殿七	
測景臺	觀星臺
登仙臺	玉女臺
集仙臺	思仙臺
金蠶臺	甘露臺
鳳凰臺	逍遙臺
覓心臺	望母臺
倒景臺	揖仙臺
怨臺	峻極殿
鳳陽殿	八極殿
黃籙殿	太乙殿
祈真殿	保祥殿
元神殿	本命殿

嵩書

目錄

十五

御容殿	
樓閣八	
黃中樓	逍遙樓
嵩陽樓	陽春樓
考辰樓	大觀樓
寶成樓	天咫樓
天中閣	毘盧閣
藏經閣	
書院九	
太室書院	嵩陽書院
潁谷書院	少室書院
存古書院	
亭館十	
萬歲亭	負黍亭
聖水亭	芝和亭
甘泉亭	立雪亭
景雲亭	觀瀾亭
飛泉亭	生賢亭

嵩書

目錄

十六

御香亭	御帛亭
有斐亭	醉雨亭
櫺館	啓秀館
堂室十一 <small>庭附</small>	
弭節堂	盡心堂
仰嵩堂	廓然堂
草堂	望稔堂
永譽堂	永化堂
存古堂	洞元室
高書	七
枕煙庭	羃翠庭
門闕十二 <small>坊附</small>	
崇聖門	峻極門
仙遊門	尋眞門
春雨門	黃離門
鴻澤門	萬歲門
中徽廟石闕	啓母廟石闕
少室石闕	宇宙具瞻坊
位中四徽坊	秩比三公坊

祠墓十三	
許公祠	潁考叔祠
二賢祠	二程祠
李拾遺祠	盧徵君祠
靖長官祠	許由墓
巢父墓	啓母墓
商均墓	周昭王墓
潁考叔墓	周聖墓
京兆王墓	魏裴植墓
高書	大
蕭贊壽陽公主合葬墓	
唐盧殷墓	五代漢高祖墓
宋郢國張公墓	
橋梁十四	
綰嵩橋	少溪橋
半虹橋	美陰橋
平梁	歎梁
池井十五	
中天池	洗耳池



高宗	親至	武后	親至
玄宗	遣使		
宋			
太祖	遣使	太宗	遣使
眞宗	遣使	仁宗	遣使
神宗	望祭	高宗	遣使
金			
世宗	遣使		
元			
高書	目錄	主	
世祖	遣使	仁宗	遣使
順帝	遣使		
大明			
太祖高皇帝	遣使		
成祖文皇帝	遣使		
仁宗昭皇帝	遣使		
宣宗章皇帝	遣使		
英宗睿皇帝	遣使		
景皇帝	遣使		

憲宗純皇帝	遣使		
孝宗敬皇帝	遣使		
武宗毅皇帝	遣使		
世宗肅皇帝	遣使		
穆宗莊皇帝	遣使		
今皇帝	遣使		
第五卷			
嶽生篇			
陶唐			
高書	目錄	主	
許由		巢父	
樊仲父			
周			
甫侯		申伯	
顓孫師			
秦			
陳勝			
漢			
王霸			





鄭文卿	大明	山錫之	侯泰	第七卷	巖棲篇	周	王翊	秦	孔鮒	漢	李膺	劉焉	北朝	徐謩	裴衍	邢子才	柳蚪
		谷庸	丁應泰								陳寔			裴粲	馮亮	楊愔	余朱敞
高書		目錄		目録		目録		目録		目録		目録		目録		目録	
高書		目録		目録		目録		目録		目録		目録		目録		目録	

唐	田游巖	盧藏用	王希夷	李泌	盧鴻一	李渤	孟郊	五代	鄭遨	宋	孔承恭	舒知雄	萬適	楊璞	劉几	晁說之	金
	盧照鄰	武攸緒	武平一	蕭穎士	張彖	孔述睿					舒元	种放	田誥	張昇	董五經		
高書		目錄		目録		目録		目録		目録		目録		目録		目録	
高書		目錄		目録		目録		目録		目録		目録		目録		目録	

張行信	馮璧	杜時昇	雷淵	元好問	高仲振	張潛	元	杜瑛	李俊民	白居易	大明	何靜業	萬書	目錄	王	第八卷	黃裔篇	周	李耳	宋倫	王仲倫	浮丘公	王子喬	蘇林	卬疏	劉奉林	施存	王觀香	秦
-----	----	-----	----	-----	-----	----	---	----	-----	-----	----	-----	----	----	---	-----	-----	---	----	----	-----	-----	-----	----	----	-----	----	-----	---

姜叔茂	丁寔	漢	周栖野	劉根	王興	張道陵	魯女生	黃敬	晉	商丘開	梁	廖沖	萬書	目錄	後魏	寇謙之	唐	王遠知	潘師正	劉道合	韋善俊	吳鈞	司馬承禎	李含光	邢和璞	李奎	吳善經	賀自真	譚峭
-----	----	---	-----	----	----	-----	-----	----	---	-----	---	----	----	----	----	-----	---	-----	-----	-----	-----	----	------	-----	-----	----	-----	-----	----



第十卷

物華篇

玉部

玉膏

玉漿

白石英

雲母

石部

石髓

石脂

石鍾乳

石蜜芝

石膽

石流赤

尚書

目錄

圭

石柱英

丹砂

封石

石麴

金部

鐵

器部

承露鼎

八服劍

鎮山劍

銅鈔

石牀

自然明燭

書部

自然經書

陰符經

素書

丹經

三皇文

古篆隸書

草部

莖草

南燭草

芝

蘭

著

菖蒲

黃精

薯蕷

何首烏

天門冬

尚書

目錄

圭

木

葵

芍藥

桔梗

赤箭

防葵

天雄

草石蠶

米蒿

毛女菜

翠子茶

木部

帝休

栢

貝多

連理木

松	栢	桂	櫨	槐	榆	檀	棗	竹部	竹	鳥部	鳳凰	黃燕	獸部	麒麟	麋	麝	鱗部	龍	碧蛇
											鶴			駁	白鹿			鯢魚	

蟲部	白蝙蝠	蜥蜴	第十一卷	靈緒篇	啓母嵩高山化石	老子居嵩山用浮提金壺墨寫經	嵩山少室為洞天福地	少室太室神皆人面三首	嶽神姓諱職掌服御各書所載不同	嵩山是棲神靈數	石室中有石脂益壽	嶽像玉人神異	二室所產異物服者各有益	嵩高山穴有圍棋仙人玉漿石髓	少室有王子晉所留資糧	少室有三定思及自然經書飲食	嵩巖石孔中有十六仙人月光童子	石室十餘孔可以避世

嵩山浮圖金像神異

漢武帝夢繡衣使者乘龍請少君

漢武帝三臺山見仙女

嵩山貝多樹一年三花

少室女子食日精

蔡中郎嵩山石室中得素書

東哲識嵩山竹簡

嵩山石室出三皇文

嵩山天降玉璽

嵩書

目錄

三

嵩高神以金壁致劉裕

左慈陽城山變羊

嵩山大蜥蜴作電

白龜年嵩山遇李白

嵩山老道士化石

王猛賣畚遇嵩山仙人

魏寇謙之刻石嵩山隱言唐代之事

唐高宗不得封嵩山童謠

王秀才嵩山遇修月戶授玉屑飯

嵩山聖竹林寺示現

避瘡人聞嶽神言北魏移都年數

嶽神為珪禪師移樹東嶺

嵩陽孫思邈因伊洛二龍之言撰千金方

韋老師嵩嶽寺洗犬變龍騎之昇天

嵩嶽寺神婦蹋泉顯異

潘老宿少林空屋自用葫蘆中卧具肴饌

中嶽道士顧玄續求人守丹鼎不終

李石嵩山遇病鶴求三世人血

嵩書

目錄

三

吳善經嵩洞遇仙人授以字書

任生讀書嵩山拒仙女求姻

少室有歌山舞水織錦堂光明穴雲鍾鶴

井諸異

嵩山古松變青牛伏龜

石元懿嵩陽遇老叟識為良弼

薛生上嵩山見五仙人朱書篆字

崇福宮真武神像顯聖

錢參政識嵩山童子異人

張齊賢醉卧嵩石見自己食料羊

登封士人見鼠糞作異

李光元少室遇元壽先生得道

王胡叔歿而見形引胡入冥途遊觀見嵩

山二神僧

元好問少姨廟見仙詩

韋安之與泰嶽冥官張道同業少室

王子晉所乘之馬亦昇仙

漢武帝嵩山遇大耳仙人採菖蒲

嵩書

目錄

卷二

達磨在天竺時豫識少林傳法

盧鴻一登嵩山著四銘紀異

嵩山龍潭神異

少林寺跋陀叱水西流

會善寺龍聽講經送水

玉柱峰下縱白鹿

石堂山壁上見字

玉黃峽潭龍作雨

白鶴觀老松樵傷見夢

嵩山赤衣童子屢見

夢中為象極洞雙龍并立名

詛龍潭致雨

箕山遇招隱客

第十二卷

韻始篇一

周

大雅詩十六章

尹吉甫

漢

嵩書

目錄

卷三

四言古詩二首

劉向

魏

五言古詩一首

阮籍

宋

五言古詩一首

謝靈運

梁

五言古詩二首

江淹

北朝

五言古詩一首

庾信

七言古詩一首 鮑照

第十三卷

韻始篇二

唐

五言古詩五十七首 劉希夷一 王績一 陳子昂一 宋之問六 李頎一 崔

徐孝伯一 李白十四 李頎一 王昌齡一 崔

曙二 岑參三 常建一 李華一 王昌齡一 獨

孤及一 皇甫冉一 韋應物一 白居易一 錢

起一 權德輿一 孟郊四 吳筠一 尉

遲汾一 劉駕一 于鄴一 吳筠一 尉

高書

目錄

无

七言古詩二十一首 張說一 宋之問二 賈曾一

李白一 盧鴻一 李頎二 高適一

雜體二首 徐堅一 宋之問一

五言律詩四十六首 駱賓王二 武后一 宋之問

六 李成一 吳兢二 孟浩然四 李頎一

王維一 綦母潛一 王昌齡一 戴叔

朝陽一 岑參二 劉長卿一 白居易

倫二 權德輿一 方干一 張喬二 張翥一

七言律詩三十九首 武后一 皇太子顯 武三

崔塗一 鄭谷一 韋莊一 張翥一

釋清塞一 釋清江一 相王旦一 武三

思一 狄仁傑一 蘇味道一 張易之一 張昌

宗一 李嶠一 崔融一 薛曜一 元崇

徐孝伯一 楊敬述一 于季子一 劉

沈佺期一 宋之問一 王維二 楊巨源

長卿一 錢起二 賈島一 周賀一 源

許渾一 曹邴一 劉滄二 方干一 伍

喬一 蘇味道一 張九齡一 武后一 宋

五言排律十八首 楊炯一 武三思一 宋

蘇味一 杜甫一 皇甫冉一 李頎一 盧綸二

鄭畋一 鍾格一 許渾一 王邕一 盧玄

五言絕句五首 宋之問二 陳子昂一

祖詠一 釋皎然一

七言絕句十七首 崔曙一 皇甫冉一

白居易七 陳羽一 徐凝一 許渾

白居易七 陳羽一 胡曾一 費冠卿一

第十四卷

韻始篇三

宋

五言古詩四十五首 梅堯臣十八 范仲

三 蘇軾一 歐陽修十

七言古詩三首 歐陽修

五言律詩六首 王贊一 李若谷一 張

仲武一 歐陽修二 王

高書

目錄

罕



考輔一

七言律詩五首

尹輔一  
雍三

文彥博一

邵

五言絕句一首

邵雍

七言絕句二十九首

程頤一  
邵雍三  
王十  
樓異二十四

朋一

金

四言古詩一首

麻九疇

五言古詩十一首

趙元一  
馮壁二  
雷  
淵三  
元好問五  
李純

七言古詩六首

趙元一  
雷淵一  
元好問三  
李純

高書

目錄

五言律詩六首

趙秉文一  
元好問五

七言律詩十一首

許安仁一  
馮壁二  
趙秉文一  
元好問四

王偓一  
路公一  
釋承覺一

七言絕句九首

許安仁二  
盧庸二  
李獻能  
殷一  
辛愿一

元好問二

元

五言古詩一首

吳全節

七言古詩二首

童南谷一  
張廓一

七言律詩十二首

梁宜一  
李九中二  
蒲理翰三  
鄭樂一

史公賢一  
童南谷一  
程相一  
李

五言排律二首

孟同一  
裴處權一

五言絕句十二首

楊奐

七言絕句五首

梁宜二  
崔伯淵二  
史  
鋼一

第十五卷

韻始篇四

大明

洪武至隆慶年詩

五言古詩十二首

高啓二  
厲仲彰一  
王堯弼一  
于範一  
楊家相一  
李

陳棐一  
吳三樂一  
金一  
楊一  
吳會一  
陽一

高書

目錄

七言古詩九首

劉基一  
劉成一  
駱顯一  
沈文  
華二  
陳棐一

馮世寧一  
吳三樂一  
陳文燭一

五言律詩四十首

閻禹錫一  
厲仲彰二  
陳棐一  
孫永思一  
薛蕙二  
王濤一

毛伯溫一  
王韋四  
薛蕙二  
王濤一  
許完三  
王應期二

呂顯二  
任淳二  
王應期二  
蔡汝  
允思謙一  
鄒守愚一

楠一  
汪淵一  
朱衡三  
吳三樂四  
之二  
陸東二

七言律詩四十首

山錫之一  
曹建一  
傅文一  
胡謐二  
閻

鐸一  
左傑一  
段牙一  
陳鳳梧一  
李夢陽三  
李居仁一  
于範一  
喬

薛蕙一  
許完一  
任惟賢一  
王  
楊儒魯二  
王洙三  
任惟賢一  
王

應鵬三	王尚綱一	蔡汝楠一	史褒
善一	趙諫之二	溫如璋一	劉紹
恤一	項璉之一	周鑑一	穆文熙一
五言排律六首	唐順之	劉紹	穆文熙一
五言絕句六首	李元三	王尚綱一	趙
七言絕句十五首	喬宇二	何天衢一	沈應乾四
趙震一	趙貞古四	王尚綱一	何天衢一
楊洞二	趙貞古四	王尚綱一	何天衢一
第十六卷			
韻始篇五			
大明	萬曆年詩		
高書	目錄		
五言古詩三十六首	李化龍一	王士崧三	周夢陽
大相九	龍為光一	范汭一	高出六
崔萬仞三	葉欽義一	戚伯堅四	穆光
王正民一	葉秉敬一	區大相一	王
七言古詩九首	趙南星一	區大相一	王
高出一	穆光胤二	王	
葉秉敬二	穆光胤二	王	
五言律詩四十五首	黃洪憲二	孫繼舉	李
言恭二	宋世思二	萬象春三	潘
大相六	袁宏道三	張邦紀一	王
王潤一	高出一	馬之騏一	王
儒登一	白南金一	唐懋宣一	胡

賜一	王正民一		
七言律詩九十首	李化龍四	張維新二	
丁應泰二	俞安期二	方大美二	張
黃輝二	區大相二	李思孝二	張
邦紀一	金忠士二	曾用升二	袁
宏道五	房楠五	吳用先二	黃承
玄五	周傳誦五	鄭振先二	王元
翰二	張季彥二	高出一	馮時可
十	岳儲精一	馬之騏二	馮之駿
二	崔萬仞二	穆光胤一	戚伯堅
四	白南金一	葉秉敬六	朝瞞一
徐希震一	崔應科一	劉受書一	
馬朴一	王孫昌一		
五言排律九首	高出一	唐懋宣一	穆
輝一	高出一	唐懋宣一	黃
高書	目錄		
五言絕句十五首	李化龍一	周夢陽四	
陳繼儒一	方重四	杜文煥二	王
孫昌一	方重四	杜文煥二	王
七言絕句五十八首	李化龍一	劉楚先	
士美二	高出一	袁宏道四	項
世昌五	張美含四	龍承春五	王
履和四	陸應陽五		
釋海石四	陸應陽五		
第十七卷			
韻始篇六			
外方長詩	未刻		

五言古詩	七言古詩	五言律詩	七言律詩	五言排律	五言絕句	七言絕句	第十八卷	韻始篇七	目錄	古今諸賦六篇	章成篇一	漢	魏	贊一
									高書	晉潘岳一 宋樓昇一 唐張仲素一 明曹				曹植
									墨					

文一	贊一	頌五	論一	宋	文一	梁	碑一	北魏	表二	詔一	第二十卷	章成篇二	唐	詔四	制二	敕一
糜元	郭璞	陸雲四 潘岳一	石崇		范泰		武帝		崔光一 裴衍一	宣武帝				玄宗二 德宗二	玄宗	代宗
								目錄								

序五	陳子昂一	張易之一	權德輿二
記四	陸長源一	顧少連一	章行儉一
碑六	武后一	崔融一	楊炯一
碣二	王適一	楊植一	裴灌
書三	太宗一	武后一	韓愈一
疏一	張說		
銘二	崔珙一	釋義淨一	
頌一	李林甫		
雜文二	王勣一	韓愈一	
高書	目錄	聖	
第二十一卷			
章成篇三			
宋			
碑銘并序三	盧多遜一	王曾一	陳知
記二	駱文蔚一	張挺一	
碑一	王著		
傳一	賈善翔		
書一	謝絳		
雜文六	黃庭堅一	蘇軾一	蘇轍一
歐陽修一	葉夢得一	邵伯溫一	

金	記四	李純甫二	李子樗一	釋道琇一
碑一	黃久約			
元	記一	王沂		
碑四	王益一	梁宜一	程鉅夫一	歐
雜文四	楊奐一	無名氏一	馬居仁一	
第二十二卷	釋溥光一			
章成篇四				
高書	目錄	聖		
大明				
記十九	朱衡一	倫文叙一	陳鳳梧一	
	張祚一	羅洪先一	喬宇一	
	周敘一	都穆一	王世懋一	王士
	性一	周夢錫一	金忠士一	馮時
	可二	袁宏道五		
序四	李維楨一	趙南星一	馮時可一	
碑銘一	董其昌			
雜文十五	高出一	黃省曾二	馮時可	
	世貞八	陸貴一	陸樹聲一	王
高書目錄終				

嵩書卷之一

文林郎登封縣知縣傅梅元鼎撰

星政篇

外方長曰余讀天官諸書知天地之合焉山川精氣上為列星若形景然所謂陰陽之精其本在地而上發於天故州國官宮物類之象一一上應而伏見盈縮與政事俯仰最近此自然之符不可誣已按二十八宿為天之經而嵩居角亢五行之星為天之佐而嵩位填星其於帝為黃於斗處中昏建者杓杓自華

嵩書

卷一

星政篇

以西南為陰旦建者魁魁自海岱以東北為陽而衡星建以夜半當中州河濟之間故曰陰陽之所會風雨之所交也其於五嶽豈不為獨重哉書稱璇璣玉衡以齊七政統理之綱將在於是况樞紐之關乎此固長物者所宜講也

禹貢云荊河惟豫州又云熊耳外方桐栢至於陪尾

蔡沈註曰熊耳外方桐栢陪尾豫州山也嵩高古

文以為外方維時有州國而未分星野外方原屬

豫州自星家以角亢為鄭分野嵩在鄭境遂改屬

兗州矣首錄禹貢以反其始

星經云角亢鄭之分野兗州

角宿凡二星其屬十曰南門曰庫樓曰平星曰平道曰天田曰天門曰進賢曰周鼎曰柱星曰衡星亢宿凡四星其屬五曰大角曰折威曰左右攝提曰陽門曰頤頤○鄭伯爵出自周厲王少子友宣王母弟也宣王二十二年封友於鄭是為桓公在漢京兆之鄭縣即今陝西華州是也幽王之亂桓公謀於太史伯寄幣號鄆之間後幽王既敗桓公

嵩書

卷一

星政篇

史記天官書云角亢氐兗州

氐宿凡四星其屬十曰天乳曰招搖曰梗河曰帝席曰亢池曰天輻曰陣車曰騎官曰車騎曰騎陣將軍○星經兗州分野止稱角亢此兼言氐何也曰氐凡十六度四度屬兗十二度屬豫故氐得兩

稱之也

前漢地理志云韓地角亢氐之分野也韓分晉得南陽郡及潁川之父城定陵襄城潁陽潁陰長社陽翟郟東接汝南西接弘農得新安宜陽皆韓分也及詩風陳鄭之國與韓同星分焉鄭國今河南之新鄭本高辛氏火正祝融之墟也及成臯滎陽潁川之崇高陽城皆鄭分也陳國今淮陽之地

按崇高乃漢武帝以太室山下戶三百為之奉邑是為中嶽而陽城則周公立中表測日景者密邇

嵩書

卷一

三

星政篇

嵩山今云二邑皆鄭分而嵩山遂屬兗州分野矣晉書天文志云自軫十二度至氐四度為壽星於辰在辰鄭之分野屬兗州

夫自軫十二度至氐四度則包角亢在中矣與星經史記分野相同第按費直周易分野壽星起軫七度蔡邕月令章句壽星起軫六度俱與晉書稍異予考軫宿本十八度志稱起自十二度實止七度入壽星耳若云起自七度六度則軫入壽星者居太半矣未知孰是○晉書天文志又云自氐五

度至尾九度為大火於辰在卯宋之分野屬豫州帝王世紀亦云自軫十二度至氐四度曰壽星之次於辰在辰今韓分野自氐五度至尾九度曰大火之次於辰在卯今宋分野愚謂據二書所云則壽星專屬兗大火專屬豫二星二州若是乎斬截不相紊也而史記天官書則云宋鄭之疆候在歲星占於房心夫歲星乃東方之星而房心為宋國之宿並舉宋鄭同候同占又若是乎圓轉不可執也然則嵩高之稱為豫州固有所自來矣

嵩書

卷一

四

星政篇

唐書天文志云陽氣自明堂漸升遠於龍角曰壽星龍角謂之天關壽星在天關內故其分野在商亳西南淮水之陰北連太室之東自陽城際之亦吳維地也

夫曰太室曰陽城則壽星為嵩山之分野亦一證也第太室而曰東陽城而曰際猶為有二矣諸說不同如此

又云鶉火大火壽星豕韋為中州其神主於嵩丘墳星位焉

按史記天官書云填星之位曰中央土主季夏日  
戊己黃帝主德女主象也歲填一宿索隱曰填黃  
帝含樞紐之精其體璇璣中宿之分也隋書天文  
志云填為黃帝之德女主之象

又云角亢壽星也初軫十度餘八十七秒十四少中  
角八度終氐一度自原武管城濱河濟之南東至封  
丘陳留盡陳蔡汝南之地逾淮源至於弋陽西涉南  
陽郡至於桐栢又東北抵嵩之東陽中國地絡在南  
北河之間首自西傾極於陪尾故隨申光皆豫州之  
嵩書

卷一

五 星政篇

分宜屬鶉火古陳蔡許息江黃道栢沈賴蓼須頓胡  
防弦厲之國氐涉壽星當洛邑衆山之東與亳土相  
接次南直潁水之間曰太昊之墟為亢分又南涉淮  
氣連鶉尾在成周之東陽為角分

右唐書以角亢為壽星與晉書及世紀無異惟是  
所列郡邑視漢書多相齟齬耳至所云嵩之東陽  
及洛邑衆山之東與亳土相接次南直潁水之間  
在成周之東陽等語均與嵩有涉也故備錄之

柳七星張鶉火也初柳七度餘四百六十四秒七少

中七星七度終張十四度北自滎澤滎陽並京索暨  
山南得新鄭密縣至外方東隅斜至方城抵桐栢北  
自宛葉南暨漢東盡漢南陽之地又自雒邑負北河  
之南西及函谷逾南紀達武當漢水之陰盡弘農郡  
以淮源桐栢東陽為限而申州屬壽星古成周統鄭  
管鄆東統密滑焦唐隨申鄧及祝融氏之都新鄭為  
軒轅祝融之墟其東鄙則入壽星

嵩書

卷一

六 星政篇

按史記天官書云柳七星張三河漢書天文志云  
周地柳七星張之分野今河南洛陽穀城平陰偃  
師鞏緱氏是其分也昔周公營洛邑與宗周通封  
畿東西長而南北短短長相覆為千里自柳三度  
至張十二度謂之鶉火之次周之分也據此東西  
長南北短之說則嵩山似不在三宿分野之內矣  
今唐書所載三宿度數疆域俱與漢書迥別內滎  
陽新鄭南陽弘農諸郡邑則皆漢書所謂韓地角  
亢氐之分也至若外方東隅與前所謂嵩之東陽  
乃是一地彈丸黑子安得分屬兩星耶况東隅東  
陽俱止嵩山一面耳而嵩山全體竟安所屬耶予

反覆翻閱又見本志有云自陝而東三川中嶽為成周夫三川者謂伊洛河也彼以三川中嶽為成周則嵩山其柳星張之分野矣又晉書天文志云嵩山三河之郊氣正赤是蓋以嵩山與三河為同宿又不自唐人始也○柳宿凡七星其屬一曰酒旗星宿凡七星其屬三曰軒轅曰天相曰天稷張宿凡六星其屬五曰內平曰長垣曰天尊曰少微曰天廟

嵩書

卷一

七

星政篇

又云七星係軒轅得土行正位中嶽象也

史記天官書云軒轅黃龍體前大星女主象旁小星御者後宮屬後神契曰軒轅十二星后妃所居石氏星讚以軒轅龍體主后妃也正義曰軒轅十六星在七星北黃龍之體主雷雨之神後宮之象也陰陽交感二十四變皆軒轅主之其大星女主也次北星夫人也次北一星妃也其次諸星皆次妃女御之屬隋書云軒轅黃帝之神后妃之主主職也

宋史天文志云填星為中央為季夏為土於人五常

信也五事思也常以甲辰元始之歲填行一宿二十八歲而一周天經云填星主嵩山豫州

經即甘石星經也宋史引之然則嵩山果屬豫州矣三河宋鄭在禹時俱屬豫州

嵩嶽二山相連左曰太室右曰少室西征記云謂之室者以其下各有石室焉予未以為然也正韻云夫以婦為室孟子男子生而願為之有室此室字之義天下名山有石室者多矣獨此稱室必自有說按漢書地理志云室高有太室少室山廟太

嵩書

卷一

八

星政篇

室之廟為啓母少室之廟為少姨說者謂啓母夏禹之妻也少姨塗山氏之妹也其神皆婦人像前代碑銘題詠甚富亦未有能言其故者予反覆思之不得其解今備閱星家諸書始恍然有悟也按史記天官書及隋書天文志俱云填星為女主之象而史記又云軒轅前大星女主象旁小星御者後宮象與隋書援神契石氏星經正義等書並說相同夫填星主嵩高而軒轅亦得土行正位為中嶽之象此嵩山所以稱二室而二室之神所以為



婦人蓋取義於女主次妃默主陰教經文所以稱  
后土也古人作事必有根據乃如此至於啓母少  
姨之稱則穿鑿者見廟像不得其說故求其人以  
實之耳予向舉此以告袁中郎中郎躍然曰此真  
發前人所未發也附記於此

嘗聞太史公曰為國者必貴三五註云三五謂三  
十歲一小變五百歲一大變也嵩山本名外方自  
始見禹貢以至今茲所隸州國星辰次舍說者不  
知凡幾變矣竊惟天運不變不足以統地而地道

嵩書

卷一

九

星政篇

不定亦不足以承天予推本於星經參考於漢晉  
而折衷於唐書疆理既明經緯可得而指云夫星  
經成於甘石二公甘石者周末人也周之興也王  
畿千里及其衰也僅得河南七縣彼所云鄭屬兗  
宋屬豫周屬三河者固自其時言之耳然而去禹  
之九州遠矣自鄭滅於韓而漢書地理志以韓為  
兗州舉凡韓所有者悉以屬之而周封為之益削  
夫漢人去古尚邇其所次序國邑未應太謬然而  
去禹之九州抑又遠矣噫至定者地屢經改弦至

變者天豈復膠柱况乎國邑雖更隸不同而山峙  
水流終古未易執山川以考州邑執州邑以求象  
緯豈惟史漢有失即星經亦未為全得也宜乎唐  
人因而乘之矣唐天文志本諸浮圖一行雜採太  
史李淳風之說大略觀山河分麗於兩戒識斗柄  
升沈於四維其義頗為精切至列叙九州星野其  
詞甚辨自以為人莫能難者而穿鑿割裂亦復不  
少英雄欺人耳惟是謂填星為嵩丘之主軒轅為  
中嶽之象此則真千古不易之論也夫填星綱紀  
諸舍者也以此為主見嵩山之大軒轅專曜一宿  
者也以此為象見嵩山之精由此言之魏魏神嶽  
峻極於天豈一州一國所能囿一象一緯所能局  
哉

嵩書

卷一

十

星政篇

嵩書卷之一終

門人  
張孔修  
校字

嵩書卷之二

文林郎登封縣知縣梅元鼎撰

峙勝篇

外方長曰昔人言至誠者必徵諸天地而並徵諸山水而不遺於卷石一勺之多蓋謂非山水不能盡天地之大非自卷石一勺以及於廣大不測則亦不能盡山水之大也易曰天地定位山澤通氣體用相須詎有二哉乃若山之長無如嶽五嶽之長無如嵩爾雅云山高而大曰嵩白虎通云中央之嶽獨加高字

嵩書

卷二

一

峙勝篇

者可高故曰嵩高彼其莫位中土二氣之所均會四方之所統宗不徒以其名矣然名以考實嵩高其總稱耳山實有二東曰太室西曰少室夫山者宣也室則有包含之義焉藏精孕靈以時布之諸如峰巒巖岫岡嶺崖谷之類至於不可勝數大抵皆嵩之支也其他諸小山環嵩而峙者亦皆嵩之餘氣所波及也如六師之護帥如群官之從帝林林列列固宜表而出之而凝旒秉鉞者益見其尊貴矣又博物志曰流水出名山潁出少室洧出陽城山為經水為緯山為

主水為配如榮衛相生剛柔互濟雖欲離之又焉得而離之凡泉澗洲潭之屬涓滴布潤於嵩山下者並載於篇統名峙勝而歸重於嵩以明今古之神區中原之大槩其在斯乎後之君子探奇攬勝必有取焉抑其次矣

嵩高總略

嵩高山本名外方始見於禹貢註謂外方豫州山也地志潁川郡密即古崇字高縣有密高山古文以為外方在今登封縣也鄭玄毛詩譜云外方即嵩也釋

嵩書

卷二

二

峙勝篇

名云山大而高曰嵩爾雅云嵩高為中嶽又云禹所名也白虎通德論云中央居四方之中可高故曰嵩高風俗通義云中央曰嵩高嵩者高也嵩亦作崧詩云崧高維嶽駿極於天又名崇山國語云夏之興也祝融降於崇山韋昭註云夏都陽城崇高所近崇嵩古字通用漢書武帝登中嶽聞呼萬歲者三詔以山下戶三百為之奉邑命曰密高後漢靈帝時仍改密高為嵩高唐武后證聖元年下制號嵩高為神嶽西征記云東謂太室西謂少室嵩高其總名也傅亮謂

二室之外別有嵩丘世說云傳亮北征在黃河中垂至洛邊見嵩高山於時同從客在坐問傳曰潘安仁懷舊賦云前瞻太室傍眺嵩丘嵩丘太室故是一山何以言前瞻傍眺傳曰有嵩丘山去太室十七里此是書寫誤耳固未可信昔人稱太室曰嵩山而少室則仍其本稱故詩文往往有嵩少之語其實亦非也今二室俱在登封境內太室東鄰密北鄰鞏少室北鄰偃師西鄰洛陽南面衡長二百里土田五十萬畝皆隸於登封予春秋獨奉祝帛主祭茲山之下即山

嵩書

卷二

三

時勝篇

中一草一木亦專制而守護之得稱外方長云

### 太室

太室山海經作泰室古字同東西廣四十里南北深三十里自下至巔直上二十里周圍一百四十里三臺在左轅轅居右潁水界其前洛水繞其後山陽正面望之渾淪端整如長城障天不見峻嶒參差之勢及登絕頂周遭俯瞰峰嶺紛出脉絡分明如喬木卧生枝輪歷歷可指日初出時看見海氣天晴北望黃河如一疋白練鋪大地中自中峰而分之南多懸巖

北多峻阪東多斷嶠西多重嶂至其大洞深穴處處有之西征記曰謂之室者以其下各有石室焉潘岳關中記亦云嵩高山石室十餘孔有石牀池水可以避世古云華山如立嵩山如卧此語正狀太室袁中郎亦云嵩如眠龍中郎實止登太室耳眠卧不可以狀少室也郭璞註山海經於太室則曰即中嶽嵩山於少室則否是專以太室為嵩山蓋自古已然矣

### 少室

少室在太室之西稍南相去十七里一名季室見山海經註郡國志云少室一名負黍山有負黍城在其南故因山以名城馮敬通賦云遇許由於負黍即此也關中記云少室山有十八疊周圍方百里戴延之西征記云少室高八百六十丈上方十里郡國圖志云少室其高十六里輿地志云少室從東角上四十里得下定思又上十里得上定思十里中有大石門為中定思自此而出下有石室此前人狀少室之大略也總不得其真徒虛張耳予領縣五載繞山而行不知凡幾匝矣十步一易形百步一易態眼界所入

嵩書

卷二

四

時勝篇

不知其幾千萬狀矣大抵看山如相人先論面背少室蓋開面於坤未之間者也背起高嶂屏擁蔽虧客由盟津渡河望之止見其背如墻壁然若踰轅轅歷少林東去正從臂下過耳東方由密縣及告成來僕十得其四西方由潁陽來十得其六西南惟汝州城正相對由此路瞻視峰巒層疊如千葉舒萼之狀兩肩削直聳出雲表周圍群山僅與腰齊雖以太室之雄偉不得不遜其華秀矣○予初至時聞人稱此山為御砦殊不知其所自起詢之漫以漢武為對後讀

嵩書

卷二

五 時勝篇

金史方知金宣宗曾置御砦於少室山上因有此名也唐人作石淙序有少室若蓮之句至今遠近之人亦有稱少室為九頂蓮花砦者數年前袁中郎曾以使事過南陽晨出北門見遠峰插漢間之彼中人舉此名為答袁了不知所謂至己酉初冬袁自秦中典試回枉駕見訪與予言及之方知向所見者少室也蓋在五百里外矣○宋人謂之冠子山見謝希深寄梅殿丞書予初讀此未以為意後因公務赴汝與友邦醯集望嵩樓同觀少室盧氏令高孩之笑曰此山

似一大忠靖冠也予躍然歎古今人見同如此最後又讀元人楊奐詠少室小詩有云方若植巍冠森若削寒玉予酷愛其語謂此足為少室傳神而其妙絕處在方植森削四字不走臨汝道孰知此君造語之精耶

登太室者自黃蓋峰右可乘肩輿至萬歲峰乃漢唐封祀御路也自啟母石左亦可輿進惟有三四處偏仄須步耳自逍遙谷入俗名野猪坡路頗陡峻此則非杖屐不可然迤邐山巔時輿時步及至

嵩書

卷二

六 時勝篇

中峰轉覺平坦絕無他險絕處此太室以雄渾為勝也若少室則不然巉削凌厲林莽蔚森徑路乍斷乍連撫揅之人非攀石附葛必不得上予初至時數欲登臨畏其險而止庚戌春三月望偶以公出宿少林早起忽發狂興易短衣挾兩足練選徒卒十餘人從鉢孟峰之左更番牽挽而進自寅至午歷連天紫霄諸峰越織錦臺轉白道洞遂詣其巔矣神爽意得惜眼饑之未飽是秋同方學博再往冬又同戚不磷穆仲裕三往莫不窮日之力備

造幽淡然心醉其奇踵濟其勝不覺苦也山中異境紛出難以名狀至若巉巖飛嶠邃谷深洞之類種種神奇具載後簡

### 山類

非密邇嵩下者不錄

**箕山**在太室東南二十五里高大四絕其形如箕故謂之箕山北為黃城許由隱處也堯嘗聘由於此其地猶有壇墀太史公曰予登箕山其上蓋有許由塚云故又名許由山孟子曰益避禹之子於箕山之陰亦此地也潁水自山陰東流而去世稱箕

嵩書

卷二

七 峙勝篇

**潁虛巖**幽壑茂草平林即當盛暑亦無炎蒸之氣  
**陽城山**在太室之東一名車嶺山有水所出孟子曰禹避舜之子於陽城即此地也國語註云禹居陽城崇高所近漢於此置縣屬潁川郡周禮疏曰周公欲求土中乃立五表以上圭測日景潁川陽城為中表昔李膺為司隸校尉遭黨事下獄赦免歸鄉里居陽城山中

**東龍門山**雜道書云在嶽廟東北二十里今土人稱龍門山乃在正東四十里必有一誤謂之東者

蓋因伊闕龍門在西故相對而言也嵩嶽居中二龍門遠遼夾衛可謂尊矣

**三臺山**在嶽廟東北二十餘里昔漢武帝東巡過此

山見學仙女帝觀之遂以名焉見雜道書又按盧元明嵩高山記曰山有玉女臺云漢武帝見三仙王女因以名臺二事正相類而記者不同如此

**陽乾山**在少室正南正義曰括地志云潁水源自洛州嵩高縣東南三十里陽乾山今俗名潁山泉源出山之東谷其側有古人居處俗名為潁墟即鄭

嵩書

卷二

八 峙勝篇

元注水經所謂潁谷也予備考正史河南自元魏始稱洛州隋唐之初因之尋改為府彼時俱無所謂嵩高縣也且自秦漢至今並未聞以嵩高名縣或者乃嵩陽縣誤書耳今潁源實在登封縣西南四十里潁陽鎮東南三十里豈括地志所稱嵩高縣者即今之潁陽鎮耶漢書曰陽乾山潁水所出晉地道記曰潁水出陽乾山而張華博物志則曰潁出少室由此觀之陽乾為少室之一支亦已明矣一名耿山山海經云耿山無草木多水碧

註水王類

**轅轅山**一名岑嶺在登封西北二十八里太室之西

少室之北中分界也古於此置關焉淮南子所載

禹治洪水通轅轅山化爲熊即在此地管子地圖

篇云轅轅之險房玄齡注云謂路形若轅而又轅

曲緱氏東南轅轅道是也或曰軒轅山則聲之訛

耳唐高宗屢如嵩山鑿石開廣如車箱之狀餘見

卜營篇

**君子山**在登封西北二十五里太室之右麓也

**萬金山**在太室東北去唐庄十里

嵩書

卷二

九

時勝篇

**王案山**在太室東南嶽廟之前其形衡長如案上多

白石

**懊來山**在太室之南縣東四里與望朝嶺相接按唐

書地理志云緱氏有和陵在太平山本懊來山天

祐元年更名郡志遂引入登封陵墓內予考唐永

淳元年營奉天宮曾分緱氏之地入嵩陽所引懊

來山似亦可信第按行本山乃嵩前一小岡阜耳

絕不見帝王陵寢之跡而和陵亦無他書可據姑

錄於此以俟知者

**緱氏山**在少室西北出岑嶺口二十三里府店之右

即王子晉乘白鶴舉手謝時人而去之處也今其

上建昇仙太子廟有武則天御製碑山不甚高平

圓而無峰岫古因形命名亦謂之覆釜堆西離故

緱氏縣十八里或云子晉祠世有簫管之聲焉又

云上有石室飲鶴池予登山訪之無所聞見

**小熊山**在太室南四十里去箕山十里下有二洞溪

不可測山之陰有聚落名曰白栗坪境頗幽勝

**大熊山**在太室東南五十里與小熊山相接頂上寬

嵩書

卷二

十

時勝篇

平四圍陡峻昔人多避兵於此其下多鐵山民鼓

鑄爲業漢書云陽城有鐵官即指此也○二熊山

並列嵩高之陽東西長四十里俗名馬峪峰嶠參

差爭奇獻秀縣齋望之遙遙青翠之色如列畫屏

予嘗曰若嵩高無此如貴人之前無儀衛則亦不

成其爲嶽之尊矣時謂予爲知言

**三尖山**在太室正南俗名駱駝岡

**交崖山**唐崔曙早發交崖山還太室詩中有句云蕭

蕭遇頴上朧朧辨少陽即此地邑人誤稱交牙山

舊志因之今爲改正 在太室南四十里山有石門俗名王莽砦云莽曾避漢兵於此然實無所據也

**牛山** 在太室東北嵩高山記云嵩高東脚下後有小山名牛山多香樹又云其中多杏

**石堂山** 在少室正西潁陽鎮之北山也山峰奇秀轉宛相向如巧者爲之上有石室名紫雲洞即唐邢

和璞所隱之地宋許昌齡聞其奇亦卜居焉歐陽永叔與謝希濬等曾遊此見峭壁有若神清之洞

四字如古篆隸在薛老峰之北諸君疑苔薛成文

嵩書

卷二

時勝篇

又意造化自然之筆見希濬寄梅穀丞書中又歐集有戲石堂山隱者詩末云四字丹書萬仞崖神清之洞鎖樓臺雲漢路絕無人到鸞鶴今應待我來可想見其奇矣

**倚箔山** 在石堂山之西一名天箔山巍然高植望如

立箔崖下有洞實生鍾乳唐書云潁陽倚箔山有

鍾乳貞觀七年采

**萬安山** 在倚箔山之西其南爲呂店一名大石山又

名石林馬融廣成苑賦云金門石林殷起乎其中

是也元魏末散騎常侍裴寬避高歡之難率家屬遁於大石嶺亦是此地山北麓有彭婆塚及唐姚

崇宋范仲淹墓俱屬洛陽以去嵩稍遠故不錄也

**玉華山** 在少室之下金雷澗有玉華山詩又中州集

載元好問與諸同好同游玉華谷因憩少姨廟於壁間見仙人詩

**浮山** 在少室之北與緱山相近上有浮丘公祠

**風門山** 在少室之西一嶺南通潁陽北通府店

**玉仙山** 在太室之東北屬鞏縣崖谷險峻中有銀礦

嵩書

卷二

時勝篇

萬曆己酉冬忽群不逞之徒聚衆數千官爲驅逐之遂至負固拒捕有所殺傷踰時不能靖予恐禍延鄰封計以先聲折之乃下令調集少林僧兵擇日於近郊操演器械先選二健卒傳檄入山許其悔過投戈爲良民一夕盡散而礦始得封閉至今矣此事予向不自言上官亦無知者聊識於此

**偃月山** 在太室東南箕山之左與石羊關相近

**五乳山** 亦名五乳峰少室之北斜分一支自西而東

五頂相連圍踰十里少林寺建其中山有達磨洞

峰類

先太室次少室後及諸山下微此

太室中峰

在太室正中端正而獨高四面諸峰重疊

環擁不得以鴈行進也武帝禮登之後唐人於此

立封禪碑上有天池王井下有石室宋范希文歐

陽永叔梅聖俞俱有登太室中峰詩今各述一語

范云回看日月影歐云千巖雲下看梅云下見河

如帶可想見其高矣峰頂峻極寺今廢

太室二十四峰

宋登封令樓异云僕舊聞嵩山二十

四峰圖經傳記所不載求之士人亦莫知也一日

嵩書

卷二

三

峙勝篇

觀明太師李得柔勝之自京師來訪乃得其名出

道藏吳天師靈蹟記歷東而西一一可指遂命畫

史圖諸峰於仰嵩堂以證其名以永其傳

青童峰

世傳山上有青衣童子二漢武帝登嵩時捧

書來迎欲問俄失之故以名焉

黃蓋峰

中嶽神祠在此峰下相傳太室東南時有黃

雲如蓋按京房易飛候曰黃雲如覆車大豐也東

方朔別傳曰凡占長吏下車當視天有黃雲來覆

車五穀大熟

浮丘峰

因浮丘公曾居此山而得名也

三鶴峰

昔有道士李八百鍊藥於此峰之下常有三

白鶴飛集峰頂

遇聖峰

昔漢武帝登嵩山遇仙人長及二丈餘耳出

頷下垂至肩曰吾九嶷山人也聞中嶽有石上菖

蒲一寸九節服之可以長生故來采之言訖忽然

不見即此地也見葛洪神仙傳

萬歲峰

漢武帝元封元年禮登中嶽太室從官在山

下聞若呼萬歲者三乃於其地建萬歲亭山下建

嵩書

卷二

四

峙勝篇

萬歲觀

玉鏡峰

峰下時見一鏡浮空光色如玉

獅子峰

以狀名也

虎頭峰

自下望之如虎伸頸故名舊志云李筌得黃

帝陰符本經於此予考本傳筌得陰符於虎口巖

非此地也

起雲峰

峰每出雲土人占雨

鳳凰峰

人傳鳳凰曾止於此亦曰鳳凰臺

金壺峰

相傳老子居此山撰著道經有浮提國獻善



書二人時出金壺中墨汁佐老子寫經峰下餘墨

淋漓盡成黑色予按此事出王子年拾遺記彼云

金壺汁盡二人乃剗心瀝血以代墨安得有餘汁

灑向此中耶一笑○以上十二峰俱在中峰之東

### 華蓋峰

舊志云勢覆諸峰為最高故名華蓋或曰即

中峰之別名予謂非也乃中峰之後一峰圓正而

高者為中峰之華蓋耳

### 玄龜峰

山形如龜且多黑石故名

### 卧龍峰

峰勢蜿蜒如龍卧之狀

### 嵩書

#### 卷二

#### 五

峙勝篇

### 會仙峰

昔漢武帝登嵩見八仙人奕棋於此因建八

仙壇於峰頂唐武后時重修

### 子晉峰

周靈王太子晉從浮丘公居嵩高山上三十

餘年即此地也

### 玉柱峰

一峰直立如柱然

### 老翁峰

山上有石儼然如翁高五十丈

### 玉人峰

漢武帝於峰上得玉人為廟主玉人高五寸

色甚光潤制作亦佳莫知所造蓋廟神之像相傳

謂明公山中人云屢常失之或經旬乃見見嵩高

### 山記

### 玉女峰

峰北石如玉女上有大篆七字人莫能識

### 金匱峰

山形方石如金色一名獨秀峰

### 積翠峰

峰多碧石且草木獨茂

### 太白峰

居太室之西故以名之太白庚星也於五行

屬金○以上十二峰俱在中峰之西

### 太室新增十二峰

按爾雅釋名云山上秀者曰峰予

叨今嵩下五載之中蓋數登太室矣太室之上山

形挺拔奇秀可以峰名者不啻百也前人何為儉

### 嵩書

#### 卷二

#### 六

峙勝篇

於二十四乃殺少室三之一乎予思之不知其解

得非命名者自下望之見其渾淪端整無少室峻

嶒奇峭之勢遂以意定之耶游人按圖索駿耳不

自頂中下瞰何以知太室之峰不減於少室也予

久欲考定名數與少室均俾後世稱嵩山二室實

有七十二峰自傳梅始又嫌於妄作遂邈未敢也

偶閱陳晦伯天中記見引紀異載盧鴻四銘內有

望都雞鳴二峰不覺爽然自失固知太室之峰溢

於數外者不獨一中峰為然矣予乃僭推盧君二

峰而增益之為峰十二亦自東而西起於雞鳴終於望都中間十峰則予所命名也知我罪我其兩聽之哉

**雞鳴峰** 紀異云嵩嶽之東北一峰號雞鳴峰五更之

初便見日出盧鴻勒銘其上

**春震峰** 太室正東於方為震又其下有九龍潭雷乃發聲自茲峰始故以春震名之

**懸練峰** 盧巖寺後有瀑布水茲峰踞其上自下望之如白練高懸嵩山之奇觀也

嵩書

卷二

七

時勝滿

**周道峰** 在黃蓋峰之右漢唐帝王登嵩者乘輿由此土人所謂御路也詩云周道如砥庶幾近之

**勝觀峰** 在萬歲峰之次自南觀之為嶠自東觀之為嶺由御路登此峰嵩陽形勝盡在目中傍有古鑿

圓孔數處土人稱之曰繫旗孤朵

**石幔峰** 壁立千仞其南峭直而圍圓游人從下經過如行幔中

**松濤峰** 其前為白鶴觀故基古松如蓋徧體龍鱗枝葉奇古長風入之有波濤之狀此數千年物也借

以名峰

**河帶峰** 在中峰之次下見黃河如帶

**桂輪峰** 其右為法王寺峰頂作雙岐中秋寺中望月月從此出舊志謂之嵩門

**立隼峰** 峰巔一石如砥柱之狀萬里秋空時常立隼

**觀香峰** 在太室之西其南為明練寺世傳周靈王太

子晉入嵩山學仙其妹亦從晉入山兄妹不相見惟通水道於地下箇中傳書授受道術今耕者常

於峰下得石槽接連其說如此予聞道書方知子

嵩書

卷二

十六

時勝滿

晉實有妹名王觀香是宋姬所生亦白日冲天土人之言必有所本也因名觀香峰

**望都峰** 紀異云嶽之西北一峰號望都峰天氣晴暖即望見洛陽隱如車蓋之狀盧鴻勒銘其上

**少室三十六峰** 棲昇有少室山三十六峰賦其小序

云予以不敏得令嵩高縱觀諸境未有過少室者而巉巖聳拔乃在戶牖間朝夕博望歷歷可數因

作三十六峰賦以自廣云賦載韻始篇

**朝嶽峰** 故名豫章以東望嶽祠有朝拱之狀遂更今

名賦云東朝薇祠儼百神兮

望洛峰登其巔可見洛陽賦云西望洛邑鬱千官兮

太陽峰峰頂高敞日光畢照爾雅云山東為朝陽

少陽峰在太陽峰之次朝旭必先及之下有少陽河

東南入於潁賦云太陽少陽山之明兮

石城峰山石壁立自下望之如城

石笋峰尖直挺出其狀如笋賦云石城石笋天所形

兮

檀香峰山有檀樹木紫而香今無

嵩書

卷二

十九

峙勝篇

丹砂峰石色似之亦產真者賦云檀香丹砂寶所鍾

兮

鉢盂峰峰頂圓平石表土中如鉢盂之狀上有四井

四古檜覆之建二祖菴二祖即慧可也

香鑪峰突兀上平形似香鑪賦云鉢盂香鑪狀所肖

兮

連天峰峰勢獨高自下望之若與天接也

紫霄峰與連天峰相埒紫霄狀其高也賦云連天紫

霄勢之窮兮

羅漢峰峰形如羅漢狀

七佛峰峰形連結類佛者七又云巖中有銅像七尊

賦云羅漢七佛像設畱兮

靈隱峰靈境為群仙所隱棲之地故曰靈隱

來仙峰山有大洞仙人所止賦云靈隱來仙洞府演

兮

清涼峰其下有清涼寺寺因山而得名也

寶勝峰下有尼寺亦名寶勝賦云清涼寶勝梵剎標

兮

嵩書

卷二

三十

峙勝篇

瑞應峰峰上曾見神人通體紅色見賦註

瓊壁峰山石光潤初日射之其色正赤故名瓊壁賦

云瑞應瓊壁祥光紛兮

紫蓋峰峰色多紫亭亭如幢蓋之狀

翠華峰翠靄華茂亦以形色名賦云紫蓋翠華煙靄

疑兮

藥堂峰山多藥草美而稱之曰堂亦猶王屋之有藥

圓峰也

紫薇峰山多紫薇花賦云藥堂紫薇花草靈兮

白道峰昔有隱士白道歆嘗居此峰峰上有白道洞

高遠險絕人跡罕至

帝字峰峰上石文有天然帝字甚奇舊名帝字峰又

奇見少林寺碑後改天德峰義實未詳賦云白道

天德名字偉兮今特復更為帝字峰

卓劍峰山形如一劍卓於地上

白雲峰岫中多出白雲四時無間賦云卓劍白雲名

實紀兮

金牛峰色如金狀如牛

嵩書

卷二

圭

峰勝篇

明月峰樓昇註云峰中時現圖像如滿月或曰在太

陽峰之西因相對待故名明月耳近理賦云金牛

明月色相起兮

凝碧峰山多碧石下望蒼翠之色奪目

迎霞峰在少陽峰之左朝霞海曙必先及之賦云凝

碧迎霞天光聚兮

玉華峰聊以譽其美潤高華耳志曰峰上常有金玉

氣近誣金時元雷輩多游之又名玉華山

寶柱峰石成五色屹然如柱賦云玉華寶柱金石瑩

兮

繫馬峰峰如馬柱下有拜馬澗乃王子晉升仙遺馬

於此而人拜之也或曰拜馬澗在緱氏山

白鹿峰土人常見有白鹿來遊田者竟莫得之蓋仙

鹿也賦云繫馬白鹿神仙衆兮

巖類

盧巖在太室正東嶽廟之北轉折八里許山至此忽

開兩翼最後一巖削壁千仞形如半弓頂懸而根

却石紋有天然捲雲回波之狀瀑布水自其丫處

嵩書

卷二

圭

峰勝篇

飛流而下遠望如練近視如簾直落如絲斜濺如

珠入耳如雨沾衣如霧風激日射恣態萬千嵩山

第一奇境也巖下有古剎即名盧巖寺世傳為唐

隱士盧鴻一故居故至今猶襲其姓云

科斗巖在太室天門之西巖下有石室境僻路險漢

張芝於此中獲科斗古書因以為名見通志

東巖昔白龜年至嵩山遙望東巖古木巖幙匝地步

至其傍見一人曰吾李白也自水解後為中嶽神

辟掌牋奏已百年矣因贈龜年書一卷讀之後遂

能辨禽獸語言即此地也

**虎口巖** 昔唐李荃嘗至嵩山虎口巖得黃帝陰符本

經習之後遂成仙巖在太室之與非土人所指虎

頭峰也詳見黃齋篇

**赤脚巖** 在嵩山南麓相傳仙人張赤脚嘗憩息巖下

因以名之見通志

**棄瓢巖** 初許由隱箕潁之間中嶽之下以手掬水飲

之人遺一瓢得以操飲飲訖挂木上風吹漉漉有

聲由以為煩棄之巖下遂名棄瓢巖

嵩書

卷二

王

時勝編

右舊志所載嵩山六巖也按爾雅釋名云山邊曰

崖崖之高者曰巖予往來二室備際幽險山之巖

崖難以數計簡冊既不編錄而耕樵之人信口目

之名不雅馴不可以筆殆幾於冒嵩矣予奉

上命主祭此山之下既儼然稱外方長宣幽拔滯祛

俗崇雅固有司職也不能理物何能理民不能更

名何能更化恐溺職之罪即此見矣因選其形質

特著者錫以佳名自今日始其他谷洞岡嶺泉源

川澤之屬遺則拾之悉依此例

**日華巖** 太室正東面朝旭甫出必先照臨亦名海曙

巖與春震峰相近

**芙蓉巖** 在日華巖稍南與黃蓋峰相近石瓣層疊有

含苞吐華之狀如萬仞芙蓉削出雲表

**錦帶巖** 太室南啓母石之左巖高無際中有五色石

一層界之如束帶然

**龍蛻巖** 太室之與下有石洞可容十席正面一石大

踰數尋儼如龍頭之狀耳角頰頰無不肖者若自

巖下初蛻方欲奮飛也因以為名焉

嵩書

卷二

王

時勝編

**縱鹿巖** 在王柱峰之右其下為法王寺鄉民有獻白

鹿者予秦之二年頭角方生縱之於此鹿登巖回

顧良久始去豐草長林今不知所之矣

**鼎腹巖** 在太室中峰之後以狀名

**雲林巖** 在中峰西北山有數岫四面雲生縹緲如林

可憚悅也

**翻照巖** 在太室正西太白峰之右日薄崦嵫山色如

染故名翻照爾雅云山西曰夕陽

**摘星巖** 在少室之東挺出雲表壁直如岑樓之狀俗

稱摘星樓

**栢厦巖** 少室東面巖勢削直其高無際半壁見一洞

門上有古栢覆之枝葉扶疎正如廣厦意此必飛仙所居之處也

**雉羽巖** 山多錦石如華蟲斑故名雉羽在少室東南

**雲華巖** 山中出雲時成五采古云山多寶玉氣此其近之在少室之陽

**雲母巖** 其下為雲母井因井以名巖也少室山有雲

母井見嵩高山記采者候雲頭起處於下掘之無不獲也

嵩書

卷二

圭

時勝篇

**劍脊巖** 山形峭聳而尖中間一路微高如懸準之直

象劍脊也

**石梯巖** 巖際有階級如梯登者攀梯可至其頂其高

無際亦名半雲峰

**黃甌巖** 山黃色其圓如甌故以狀名之自劍脊巖至

此皆在少室之西南

### 崖類

**栖靜崖** 太室南面去頂不及三里崖半有石室淺而

橫長形如半舫石室之外僅餘丈許地下臨溪澗

矣游人自西南數十步穿石窟而入度一獨木梁

攀緣蛇行方可入室實境之幽奇可栖靜者舊志

稱為高登崖山中高登之名甚著予笑謂何崖不

高登寧獨此乎遂為更今名又名其室曰犧室窟

曰穿雲窟梁曰鹿梁

**積雪崖** 太室之後經年不見太陽積雪至夏常不消

也

**雀尾崖** 崖上石紋如孔雀尾之狀日光射之炫然有

光

卷二

圭

時勝篇

**鱗雪崖** 崖下出雲鱗鱗成片右二崖俱在太室

**養龍崖** 在少室後五乳峰南初祖洞之側

**望汝崖** 少室之陽崖頭望見汝水

**清微崖** 崖去清微宮不遠故因宮以名崖清微宮在

少室南麓亦勝地也

**水鏡崖** 在少室西南崖根有泉水停泓如鏡故名

### 谷類

**鬼谷** 嵩高山記云鬼谷先生於嵩山東南學仙今告

成鎮北有鬼谷即其地也

**潁谷** 即陽乾山之東谷潁水所出其側有古人居處

俗名潁墟故老云是潁考叔之故居酈道元水經

注所謂潁谷也

**逍遙谷** 在太室南麓唐潘師正隱居於此高宗幸嵩

高因至谷中問師正山中何所須對曰所須茂松

清泉此山中不乏後敕有司於所居建隆唐觀嶺

上別立精思院以處之

**承天谷** 金人趙秉文有嵩山承天谷詩首句云煙霞

高書

卷二

王

時勝篇

直上逍遙谷必一谷而兩名之也舊志亦云逍遙

谷一名承天谷姑存之以俟考

**紫虛谷** 在嵩山之陽宋張昇以樞密使請告結菴於

此見青箱雜記谷中有紫虛觀賀蘭樓真所居也

**馬蹄谷** 在太室之南麓

**萬工谷** 在太室之西其前為永泰寺

**玉華谷** 在少室之下即玉華山之谷也

**黑石谷** 在少室北與縱氏山相近唐岑參有縱山黑

石谷詩

**柏谷** 在少室西北去少林寺五十里述征記云谷中

無回車地柏林蔭藹窮日幽暗殆弗睹陽景裴灌

少林寺碑云群峰合沓溪谷逶迤複磴緣雲傍臨

鳥道可想見其險也漢置柏谷亭武帝微行投之

亭長不納即此地晉宋時名柏谷塢劉裕軍至洛

陽曾屯於此隋開皇中詔賜少林寺地一百頃稱

柏谷屯唐太宗為秦王時致書少林寺仍稱柏谷

塢今其書刻石寺中又名柏谷墅又名柏谷莊其

實本一谷也

高書

卷二

王

時勝篇

**壺中谷** 在少室東南予欲入谷中路險輿不能進乃

息轡於谷口緩步當之淡入三里轉覺寬闊蓋壺

中景也加以是名

**好音谷** 予以暮春穿少室之奧纔入是谷客鳥交鳴

聲如笙管憩石聽之遂爾忘歸乃題好音谷三字

於石上以志是日之樂云

**山陰谷** 在少室之北自鉢盂峰東下沿澗而行奇石

怪樹令人應接不暇此之越中山陰恐未肯讓

洞類

象極洞太室南麓金壺峰下有太石焉方廣約十丈

南面有自然小洞厥形正圓可容二十人俗稱雞

卵洞又稱老君洞予嫌其不雅也更名象極象太

極也詳見靈緒篇

顏回洞在太室之半洞門有古刻顏回洞三字殊不

可曉聞山東兗州府志載顏回飛昇於嵩山石室

中此必互相附會耳不足信也

石樓洞在太室山上洞有上下兩層故名石樓王履

吉寵有和黃勉之懷嵩嶽詩中一聯云何日攀巖

嵩書

卷二

无

時勝篇

嶺相携卧石樓即指此也

羅漢洞在太室南麓嵩嶽寺後重巖之下洞中約斜

行五六里上通山頂唐時有蜀僧法相曾於其地

見聖竹林寺示現有五百尊者顯形詳載靈緒篇

金元時洞前有神宇金像屢常放光示異備載斷

碣中不能盡述

毛女洞在太室西南溪不可測相傳秦時宮人得道

適體生毛能飛空乘霧往來嵩華之間此洞其所

常憩者也

天際真人洞在少室東面高巖之上縹緲雲端去地

不知幾千仞也洞門之傍斜生古柏一株土人言

昔有道士望見仙人往來洞中欣然願往無路可

步乃身坐畚內令多人自其巔懸綆下之甫入洞

忽有怪風吹出道士不敢停急投畚拔上兩耳竟

噴矣予親至巖下望之見雲霞擁護不覺生天際

真人之想故以名洞云

文殊洞在少室西溪入五丈有石光瑩立名之義未

詳

嵩書

卷二

手

時勝篇

達磨洞在五乳山之半即達磨面壁處也洞之下為

面壁菴世所傳達磨影石者今在菴中其石圓長

二尺許光滑如卵白質黑紋彷彿似人坐衣褶耳

今洞中自有此等紋石似山峰鳥獸者因山水衝

激歲久光滑與山中之石全不相類知其偽也

雲鐘洞亦在少室樵人往往聞洞內有鐘聲見宋河

南志樓異賦云雲洞警時聞之鐘今即指此也

浮丘洞在少室西北與緱氏山相近相傳浮丘公曾

居於此



**紫雲洞**在少室西石堂山上洞中泉水四時不竭每

夏月時常有紫雲自洞飛出如赤龍上騰之像蓋

地靈使然也唐邢和璞宋許昌齡俱卜居於此歐

陽公詩云石堂仙室紫雲漢潁陽真人此算心即

指此也

**神清洞**註見前石堂山下

**桃花洞**舊志云在測景臺北今臺後附近無山此必

在陽城山中耳一名桃花女洞殊不可考

**前乳洞**

**嵩書**

卷二

三

時勝篇

**後乳洞**二洞相接俱在嵩南小熊山之下土人言漢

入數里聞流水聲不敢進因產鍾乳故名乳洞亦

有稱爲汝洞者相傳謂洞底有路南通汝州也元

末大亂居民多避兵於此今其中生白蝙蝠服之

可長生

**嶺類**

**轆轤**

即淮南子所稱轆轤山也註見前又詳卜營篇

轆轤關之下以備參考唐皇甫冉有轆轤四望詩

即此地也左傳釋名云轆轤地名地理志云轆轤

道名正義云轆轤故關夫一轆轤也或曰山或曰

地或曰道或曰關或曰嶺噫名可強也亦可紊也

**清煙嶺**太室之南去縣十里

**望朝嶺**太室東南與嶺來山相接即嶽廟之西嶺也

洛下士女謁神者過此嶺望見峻極殿輒東向而

拜故謂之望朝嶺一名迎仙嶺

**琅玕嶺**在太室東南二十里嶺下有聚落名竹園村

其地多竹故名琅玕予所命也

**象嶺**太室之南與天門相對西去縣城十里嶺舊無

**嵩書**

卷二

三

時勝篇

名予因其形肖象之昂鼻也故名之

**石屏嶺**在太室正西少室東北其南爲二室道嶺似

界之又似通之宛轉如屏長踰數里予往來經其

下問之土人不知其名也予題曰石屏

**問耕嶺**在少室東南下多美田予勸稼至此常坐嶺

頭樹下與農夫相語故名問耕

**鵝鶴嶺**在少室南上有松檜下有水泉白鶴成群多

憩於此

**鐵圍嶺**在少室之陰即少林寺前橫嶺可緣以登御

若者予指而問僧曰此何名僧對曰瘦驢嶺也予不覺失笑為易今名

### 岡類

**牧子岡**在太室東南衡長數里水草蕃茂牛羊依為樂土予每往來過此見牧子輩長蓑短蓑優游偃仰意甚羨之因以名岡古詩有多少長安名利客機關用盡不如君之句知言哉

**問蕘岡**在太室西脚下山民依樵采以為生四境皆然而邑西北為甚斧斤相錯山不至童此岡其總

嵩書

卷二

畫

時勝篇

會之徑也予每過之未嘗不群遇負薪者此輩朴野不識忌諱詢及疾苦爾汝相答大有開益乃以問蕘名其岡

**萬羊岡**在太室之南東去縣城三里許居民亦稱為

萬羊冢按清波雜志載宰相張齊賢布衣時醉臥嵩石見人驅萬羊過前曰此相公食料也即此地因之得名爾雅云山頂曰冢山脊曰岡其實一也武后立封祀壇於上前有豐碑

**拜風岡**在萬歲峰之前萬曆戊申大旱每山中出雲

輒被怪風吹散予曾率僚吏拜風於此岡之上因以名焉

**青林岡**在少室之南山多林木青翠蔚然予題之曰

青林岡

**石鼓岡**山形圓滿如鼓之狀或曰山上曾有石鼓鐫刻篆隸之文今不知所在亦少室之陽也

### 峽類

**天門峽**在太室稍西天門之下唐宋之間有嵩山天門歌略云紛窈窕兮巖倚披以鴻翅洞膠葛兮峰

嵩書

卷二

畫

時勝篇

稜層以龍鱗松移岫轉左變而右易風生雲起出鬼而入神吾亦不知其靈怪如此願遊杳冥今見羽人讀之可想見其奇矣

### 大鐵梁峽

**小鐵梁峽**二峽俱在太室之內大峽在北小峽在南

二峽俱高峰入雲中間忽斷兩崖懸直下瞰窈冥莫窺其際也山中之人皆稱曰鐵梁而不知所謂予細思之蓋謂峽之險絕必鑄鐵作梁然後得度耳又爾雅云石絕水曰梁

王黃峽在少室正東峽中多黃石光潤如玉故倒名

之曰王黃也入峽五里許兩崖壁立步步漸高流水潺湲古木蒙密中間忽一處稍平闊有小石潭其深無底相傳中有神龍禱雨輒應潭東攀葛凌入約二十里洞壑凌邃別是一世界也

待仙峽亦在少室東與王黃峽中隔一嶺山勢奇險

此為更甚兩巖巉峭聳出雲表日月蔽虧行七八里山忽開朗中有腴地數百畝四壁包含可耕可廬惜無隱士領略耳稍西北折望見大巖之畔空

嵩書

卷二

圭

時勝篇

中一洞古栢覆之即前所謂天際真人洞也待仙之名因洞而起

### 坡類

暮旋坡太室西南去縣五里許潁陽呂店一帶居民

離縣百里之外有事入城者必由此坡望見堆堞喜其到也故又名望城坡予素與百姓約無論輪租聽訟當日即返不得宿城即予偶以多冗入夜者亦必開城門遣之鄉民朝來暮往坡下鬻餅之家豫炊以待不失期也故謂之暮旋坡

漁樂坡在少室正南面臨潁川之水左跨少陽之阿

茂樹連村奇石如錯漁人舉網得鱗易米不盡者易酒相呼沽及婦子選樹挂蓑選石曬網煙雲共適鷗鷺不疑露冕經過覺我形穢題曰漁樂良有慮也

峻嶺坡太室西南四十里與少室相對橫岡一道界

之懸陡而上約四五里蓋嵩嶽之牙衛也由此坡東望二熊箕山連續不斷矣

### 穴類

嵩書

卷二

圭

時勝篇

龍穴世說云嵩高山北有大穴晉初一人誤墮其中

行久忽明朗見二人圍棋與白飲一盃氣力十倍謂曰從此西行有天井其中有蛟龍但投入自當出錢則取井中物食之墮者如言後乃出於蜀中歸洛下問張華方知為龍穴也

龍簡穴在太室金元時凡朝廷遣祭中嶽必投金龍

玉簡於山上大穴中蒲理輪中微投龍簡詩載韻始篇有金龍投處螭龍驚之句足為據也

光明穴在少室東南角凌三里餘直上五百尺晝夜

常明見宋河南志樓異賦云光明之穴今畫所鑠

鍾乳穴在少室東南穴中有鍾乳徑頭大一丈亦見

宋河南志賦云一丈之鍾乳今可餐

鶴泣穴樓異賦云石井泣哀鳴之鶴自註曰昔有二

人得道一誤傷而灰一人化為鶴求其灰者哀鳴

泣血滴而成穴今賦刻碑少林寺中

### 石類

啓母石在太室萬歲峰之下漢書註曰啓夏禹子也

其母塗山氏女也禹治鴻水通轅轅山化為熊先

嵩書

卷二

圭

時勝篇

謂塗山氏曰欲餉聞鼓聲乃來禹跳石誤中鼓塗

山氏往見禹方化熊輒而去至嵩高山下化為石

方孕啓禹曰歸我子石破北方而啓生事見淮南

子漢武帝祀中嶽見之遂今建啓母廟今石之南

有延光二年石闕古篆銘有祀聖母乎山隅之句

以此知廟所由來久矣今廢

搗帛石一名玉女搗衣石在太室頂瑩微光潔相傳

玉女搗帛其上山中之人每於立秋前一日中夜

聞杵聲焉

三醉石在太室頂八仙壇上石形有三醉人敬偃之

狀宋范歐梅諸公登嵩各有詩詠之

定心石亦在太室之上登嵩者千巖萬壑應接不暇

意多迷惑至此居高臨下歷歷分明心自定矣此

古人名定心石之義也

井田石在太室之南少室之東土人所謂石場也石

方廣三百步許光潔坦平與土場無異石傍田家

皆於此分區收穫遂成聚落即名石場村碾確之

屬悉就石為之不復別置婦子往來守望相助飲

嵩書

卷二

圭

時勝篇

食笑樂雞犬不驚予每過此輒徘徊不忍去歎其

有成周太和之風也因書井田石三字鐫之於上

玄象石城南三里許有大石長十餘丈闊三四丈在

田畝中儼然如象卧之狀其色青黑土人稱卧牛

石予改題玄象焉

墨浪石在盧巖南澗中素質黑紋似水波之狀袁中

郎游此題墨浪石三字而去

試劍石在縣西十五里二室道上一石截然兩分似

刀擘之狀土人稱曰仙人試劍石

**琴臺石** 少室之麓一石長僅三尺上平中空凝然長

松之下面臨流水背倚修岑予嘗携琴就此撫之  
有奇音也

**曬藥石** 在藥堂峰之左高敞潔平傍無樹木蔭之堪  
以曬藥

**卓笏石** 太室東峰之上頂作兩岐中間微平處天生  
一石自下望之其形似笏約高三丈許

**承露石** 在嵩山石室中有一石柱形似承露盤中有  
石脂滴滴流下食之一合壽與天地相畢見嵩高

嵩書

卷二

堯

時勝篇

山記

**虎石**

**羊石** 二石俱在太室東曲河里潁水北岸岸有上下

兩層虎石約長八尺在上一層有伏地伸頭俯瞰  
欲搏之狀羊石約長三尺在下一層有縮頸竊窺  
畏懼欲匿之狀兩石俱酷肖造物之奇如此土人  
習見不以爲異也

### 山之雜類

**嵩山天門** 在太室中峰之西兩巖對起中豁一門自

下登之極天無際門之左右峰巒層疊奇形怪勢  
不可殫述宋延清天門詩有出鬼入神之語梅都  
官亦有詠其警句云穿雲玉梯出

**西天門** 在少室西角峰巒峻絕劃然如闕自下望之  
闕中彷彿一鐵楞窻玲瓏通朗竟不可踐此所謂  
少室西天門也少室四面俱有斷巖號四天門東  
南北三面尚可攀躋石梯而上獨西天門無路惟  
飛仙斯可至耳

嵩書

卷二

宇

時勝篇

**玉女窻** 在太室之上石洞幽潔上通日月四壁朗然

古人謂之玉女窻梅都官有詠范歐二公和之王  
女攜衣石去此不遠

**鐵楞窻** 註見前西天門下

**轆轤坂** 即嶧嶺也註見前向謂轆轤稱山稱地稱道  
稱關稱嶺凡五易名耳及讀元人楊奐有轆轤坂  
詩乃知古人亦稱坂矣又晉書地理志云陽城有  
野阪關又唐書張說傳云有嶧坂之峻字相通用  
然則轆轤之稱嶧也與嶧之稱坂也古人蓋發明  
其險不一而足耳

上定思

中定思

下定思

少室有三定思出輿地志詳見前古人無解之者予反覆思之此必指山上可休息之處而加以是名亦猶太室之有定心石耳定心石舊亦不得其解予謬為註於前矣大凡山之生也有幹有支有向有背有停有去得其解者萬壑千巖可收一掬不得其解者舉足成迷轉眸成惑噫游山者不見何能解不思何能見不定何能思然非自下

嵩書

卷二

望

時勝篇

而上循循入之則思亦何能定哉故知三定思之言非聖於煙雲者不能道也袁吏部疾矣寥寥誰是賞音

子晉壘

郡國志云少室有王子晉壘積有九千年資糧在山中亦見顧野王輿地志樓昇賦云王子晉環之以為壘兮

袁術固

在少室山後今屬偃師昔袁公路與曹操相拒時置此固四周絕澗可容十萬人一夫守隘千夫莫當澗名公路澗

漢果園

盧元明嵩高山記云嵩山東脚下有衆樹云是漢果園後有小山名牛山多香樹

織錦臺

宋河南志云少室有織錦臺並堂在山東北室內石色爛斑煥如紋錦○按臺與堂宜叙卜營篇因此乃自然巖洞非人所締構也故錄於此

期仙磴

盧鴻嵩山十志之一也自序云危磴穹窿回接雲路靈仙髣髴若可期及

滌煩磯

同前其自序云穹谷峻崖發地盤石飛流攢激積漱成渠

嵩書

卷二

望

時勝篇

潘陵尖

唐岑參有自潘陵尖還少室詩起句云草堂近少室夜靜聞風松月出潘陵尖照見十六峰

龐塢

在太室之下唐永淳時高僧元珪廬於此一日廟神來謁遂受正戒神言願報慈德珪曰神能移

北巖之樹於東嶺乎神許之是夜風雷大作詰朝

則北巖松柏盡移東嶺矣詳見竺葉篇

竝玉所控諸峰

金馮壁有兩後看竝玉所控諸峰詩今載韻始篇詠味詩語必嵩傍之山兩峰竝高而群峰擁護之衆者古今易稱不知何山是也

水類

潁水源出陽乾山一名取山轉折二室之南作十三

曲過箕山嵩之諸水皆入焉至石羊關之左北折

一灣南入禹州界又東至下蔡入於淮今縣西南

石道保有潁源廟俗稱水神里即水經注所謂潁

谷也博物志云天下有八流水出名山潁出少室

洧水漢書地理志云陽城山洧水所出東南至常平

入潁過郡三行五百里許氏說文亦云洧水出潁

川陽城山東南入潁

嵩書

卷二

聖

時勝篇

潁水許氏說文云潁水出潁川陽城少室山東入潁

漢書潁作潁地理志云汝南郡有潁彊縣應邵註

曰潁水出潁川陽城五音篇海云潁水出少室

右三水據史傳所載俱在登封界中今居民僅知

潁水者半耳其半猶有呼潁為渚即告以為潁而

不信者乃若消潁二水則無問賢愚人人昧之矣

夫嵩山之下雖無巨浸至於涓涓衣帶水布潤方

隅者不下十餘處土人信口目之不知孰為消也

孰為潁也至下流胥合於潁名實愈益湮沒矣噫

山川豈信有幸不幸耶予考正載籍伐二石分立

於二水之上為水神昭雪覆盆焉

休水山海經云少室之山休水出焉北流注於洛其

中多鯀魚

泉類

天門泉太室天門之側有泉泠然歐陽永叔詩云雲

濕顯氣寒石老林腴碧予極愛其語

太乙泉在太室南麓泉之前為崇福宮即宋時諸賢

所嘗奉祠者引泉於宮後為流觴曲水之樂石渠

嵩書

卷二

聖

時勝篇

猶存崇福宮在唐時為太乙觀故泉仍襲其名云

龍贈泉亦在太室南麓其前為會善寺相傳寺故無

水唐時有高僧晏公者講經於此龍變作人來聽

晏公知之向龍乞水乃贈此泉自殿右宛轉流至

山門而沒止供寺汲不資灌溉也

鳴琴泉在太室內亦曰鳴溝泉按爾雅云水出山石

間曰溝鳴琴者狀其流水之聲似合宮商也

逍遙泉在逍遙谷內泉因谷以得名也昔潘師正居

此谷曾對高宗曰茂松清泉山中不乏所謂清泉

者即指此

**斗柄泉**在嵩陽宮西北泉自山出七孔相連故名七

星泉予改爲斗柄云

**醴泉**在太室南六里縣城黃離門之外平地湧出泉

味甘美甲於一方稱曰醴泉白虎通云醴泉者美

泉也禮記曰天不愛其道地不愛其實人不愛其

情是以地出醴泉

**菱鏡泉**在太室嵩嶽寺之後舊無名稱予按李北海

碑有菱鏡漾於玉池之語遂引以爲名焉

嵩書

卷二

聖

時勝篇

**懸泉**在雲林巖之半自上下滴故謂之懸泉

**雙壁泉**太室之南二泉相並亦名雙泉

**醒心泉**太室西北麓

**卓錫泉**在少室鉢孟峰二祖菴之前四泉對待四檜

履之稱卓錫者因二祖而得名也亦曰卓錫四井

**高隱泉**在少室南麓稱高隱者因唐李拾遺渤故居

與此泉相近耳孰謂地不以人重耶

**玉酒泉**在少室之上舊無名稱按十洲記云瀛洲有

玉膏山出泉如酒味名爲玉酒今考山海經註及

河圖玉版俱云少室山有白玉膏則此泉宜以玉  
酒爲名也

**赤泉**在少室之東水帶紅色味甚甘冽予名之曰赤

泉按括地圖云赤泉飲之不老

**白泉**在少室之西泉色如雪異於他水舊無名稱予

題之曰白泉按瑞應圖曰白泉飲之使人長壽

**洗耳泉**在箕山之下流入潁水相傳許由洗耳處也

**馬跑泉**在太室東唐庄保相傳地舊無泉忽有神馬

跑地泉出因以得名今泉傍聚落即名馬跑村

嵩書

卷二

聖

時勝篇

**飛玉泉**在石羊關外東北數里平地湧泉如豹突之

狀舊無名稱予題曰飛玉碑甃一池名曰龍珠

**朱沸泉**在飛玉泉之東數十武又一泉亦在平地泉

底多沙正如釜中朱沸之狀予題是名

### 川類

**石柱川**在黃蓋峰東北十二里本龍潭下流疏而成

川兩岸平地中突起二石各高數丈夾水對峙若

雙闕然瘦削透露酷似太湖中石又似吳中假山

傍有小石數十眠莎倚樹形質各玲瓏怪巧無一



粗頑者必靈秀之氣所鍾也

**少陽川** 源出少陽峰下東南流三十里入於潁土人

皆稱少陽河夫河乃四瀆之一也天下無兩焉今北方之人凡水皆冒河稱不知其謬特為正之但稱河者悉改為川

**徵士川** 源出太室之左經盧店東南流至告成入於

潁嵩高自盧鴻一隱後山有盧巖鎮有盧店水有盧河真地以人重也予改盧河為徵士川

**雙虹川** 出太室南麓異源合流過縣三十里東南入

嵩書

卷二

崑崙篇

於潁舊名雙溪河予改是名

**理粧川** 源出少室之東與少姨廟相近古傳少姨者

則漢書所稱少室之神為啓母塗山氏之妹也嘗臨水理粧故有是名土人誤稱李莊河今正之

**江左川** 源出少室之右其水西北流經洛陽縣界入

於伊通志稱姜左河予不得其解後於水邊廢寺

中見一斷碣言唐高宗幸少室過此愛其山川秀

麗竹樹清幽顧謂侍臣曰江左風景不過如此山

中之人乃稱為江左河江姜音同久之遂成誤耳

谿類

**五渡谿** 源出太室東谷自山頂下流疏為二十八浦

過大澤中平廣多石其水縈紆迴流者五故名緣

谿聚落即稱為五渡村在嶽廟東十二里唐人常

建有宿五渡谿詩註云仙人得道處今其地多產

菖蒲一寸九節王興服之白日昇天即此地也

**黃谿** 源出太室巖中由山左下注谿邊多黃石故以

名焉

**金屑谿** 源出太室之南五里許密樾奇石映帶左右

嵩書

卷二

崑崙篇

谿中時有金屑如粳蓋水之最貴者土人辱而名

之曰水溝子可憾也

**玉谿** 在太室東南石羊關外潁水之支派也蘭亭序

所云崇山峻嶺茂林脩竹清流急湍此地無不有

焉岸邊有釣臺巖畔有石室蓋境之絕勝者惜去

縣稍遠不能常往耳

**飲鹿谿** 源出少室之陽岸柳汀花幽閒有致予過而

愛之問之土人不知其名也正徘徊間忽有野鹿

下飲遂名焉

澹忘谿

在少室西南華嚴寺前谿循山麓有七曲而

濃澹幽曠喧寂敬平之狀色色不同各極其致予

三度過此無不薄暮忘返不自知其滯留之至於

斯也因憶古詩云清暉能娛人游子澹忘歸遂以

澹忘題之

少谿

在少室之後少林寺之前舊無名稱予所題也

其上有橋即名少谿橋註見卜管篇

潁陽東谿

唐崔曙有潁陽東谿懷古詩蓋在少室之

南潁水之上也

嵩書

卷二

五

時勝篇

澗類

拜馬澗在少室後相傳太子晉從浮丘公居嵩山成

仙友人桓良遇子晉緱山之上謂良曰七月七日

我當昇天可與故人會別至期良與故人群官往

見子晉棄所乘馬於澗下飲餽如初子晉乘白鶴

昇天是時群官拜別回拜所乘馬馬亦飛空而去

今有拜馬澗在焉

公路澗

在少室之陰註見前袁術固下范文正詩云

嵩山發靈源北望洛陽注今水流無恙而險漸夷

矣

平樂澗

在太室東南告成之左按武后游石淙詩序

云爰有石淙者即平樂澗也武后建三陽宮石淙

之上於久視長安兩元年來此避暑群臣侍宴賦

詩刻碑巖際今石淙遠近皆聞而平樂澗之名獨

不著也水自嵩山注入澗西流南入於潁復東流

出境餘詳後石淙下

丹丘澗

在少室之右潁陽鎮東北相傳唐元丹丘故

居也按李太白題元丹丘潁陽山居詩序云其地

嵩書

卷二

五

時勝篇

北倚馬嶺連峰嵩丘南瞻鹿臺極目汝海雲崑映

鬱有佳致焉即此地也

鶯鳴澗

在少室南原水清石秀綠樹成帷澗舊無名

莫春予與高孩之同赴汝州並轡過此愛其境奇

楔於水上忽聞黃鳥之聲遂題曰鶯鳴澗後孩之

遷官建業予每獨行過之不勝離群之感也

潭類

九龍潭

在太室東巖之半山巔衆水咸歸於此蓋一

大峽也峽作九壘每壘結為一潭遞相灌輸水色

洞黑其深無際崖崿險峻波濤怒激登臨者至此輒凜然生畏焉武后同太平公主游此有詩見類苑封禪壇有石記戒人游龍潭者勿語笑以黷神龍龍怒則有雷恐見歐陽公集古錄韓文公游嵩酌龍潭水遇雷見天封觀題名予詛龍潭致雨見靈緒篇

### 金碧潭

在太室之下盧鴻一嵩山十志此其第十也

有序云金碧潭者蓋水潔石鮮光涵金碧巖葩林藹有助芳陰鑒洞虛道斯勝矣而世生纏手利害則未暇遊之

### 嵩書

#### 卷二

#### 壘

時勝篇

### 車箱潭

即前平樂澗也澗長數里石勢盤錯水勢喧

激湍不能踰腰淺不能踰膝正當石淙之中兩崖壁立高二十餘仞長三十餘步水經其下忽靜若不流色變淡碧探之無底狀如車箱故名曰車箱潭

### 白龍潭

在太室東娘子臺之下土人曾見有白龍自

潭中飛昇今潭上有白龍王廟

### 淙類

### 石淙

石淙之水源出於嵩流合於潁境勝觀奇前人

言之頗悉徒得其膚耳惟袁中郎一記為得其髓予酷愛之特錄於左記云至測景臺折而東倚澗行山皆土阜甚舒緩將至石淙半里許漸聞水聲及至一澗皆石如稠林之笋四顧不得寸膚不知是石何時飛來轉盼之間向之土阜何處徙去也石錯立波中布置環巧四布之山宜高則為峰為嶽為屏若約吾目使不外見其扑也中央之山宜平則為砥為嶼若以供吾布席置酒之用也石之大者可坐十許人小者可分棚角飲飛箬走兕近可手攬遠可繩度也當澗之衝列三峰以拒水水漱其根如甕如齒斜飛正射交注潭中激以觀其怒也遶石皆淡潭幽冷如黛渟以觀其色也至澗之下流石忽自夾兩崖青壁削立長可十餘丈水至此如匹練所以蓄其浩潄逸其奔放也石之麗在壁水之麗在峽踞中央者眩於敬危不敢迫視則又為洞於岸之南人穿洞腹出至唇而拓水之淡碧石之奇峭可以坐而收也澗上之山高者不

### 嵩書

#### 卷二

#### 壘

時勝篇

過二十仞卑者數仞水可以步計石可以筭計然其勝為箕潁之冠其去太室也二十里而遙

**雲錦淙**亦見盧鴻一嵩山十志序云雲錦淙者蓋激溜衝攢傾石叢倚鳴湍疊濯噴若雲風詭輝分麗煥若雲錦可以瑩發靈矚幽玩忘歸及匪士觀之則反曰寒泉傷玉趾矣

### 浦類

**二十八浦**註見前五渡谿下五渡之水在山為谷遇石為湍洑處為潭淺處為瀨疏而為川曲而為澳

嵩書

卷二

李

時勝篇

夾而為澗注而為谿諸態備矣蓋嵩水之最奇者古人名曰五渡自其大而言舊志註曰二十八浦自其小而言說文曰浦水濱也

**竹香浦**在少室之南水邊生竹無他雜樹予偶至林邊聞有香氣非蘭非桂清芬異常蓋竹香也遂題曰竹香浦

**鷺浦**潁水之別派至箕陰復合較莎疎柳遙山相映乃修禊之選也中多白鷺故稱鷺浦

### 水之雜類

**平洲**太室東南告成鎮之陽潁水與石淙水至此合流兩水之間有洲焉曠然平遠

### 大有渠

**豐樂塘**潁水自西而東衝盡一邑之土源可濫觴流如衣帶田間引資灌漑者實無幾也至大雨時行山谷泛溢向之平陸倏忽滔天崩壑飄禾害稱不細百姓一聽水之所為不知蓄洩之法予一一教之畫畝授方畚鍤時舉三年以來穿七渠鑿五塘渠以宣之塘以遇之名其渠曰大有名其塘曰豐

嵩書

卷二

李

時勝篇

### 樂

**水雲津**自登封如汝州者往來必渡潁一路雲水之致令人應接不暇嘗讀杜少陵詩云水流心不競雲在意俱遲予最愛其語非為其造句工為其見道微也持此水心雲意可以處功名之會可以入豺虎之叢可以了性命之原可以通古今之變哉

水雲二字以名津是知津矣

**南漪**按爾雅云文波如錦文曰漪嵩山之水惟潁足以當之潁在嵩南亦在邑南故名南漪昔人有醴

愛此二字以名亭者今古意同何妨蹈襲

行春澹自邑中登箕山時行水草之上縱縱然萋萋

然所過村落老稚歡迎息軌山渚漁樵禮拜此縣

令行春之樂差勝宣武門外十丈塵也名曰行春

渚

飛花瀨嵩山之水多行石上清湛不滓水傍多植花

木每當暮春之際芬芳燦爛不下河陽曾幾何時

片片隨流杳然而去杜詩云細推物理須行樂李

詩云別有天地非人間詠此二言名利之心都復

嵩書

卷二

五

時勝篇

盡矣此瀨在微祠之東

潏渙在少室前即潏水之涯也宛轉成灣竹樹深密

倚山面田衝沁之勝選茂以尚茲矣

鴈渚在太室東南曲河里長川之內小洲相連水草

既繁賓鴻所止

柘林臯箕山之東石羊關外衆水所匯遂成廣澤陂

岸迂紆依山爲聚室廬相望桑柘成林爾雅云澤

曲曰臯故名柘林臯

長汀在理粧川長踰千步

曩閱河南通志嵩山之下註云其山三尖峰左曰

太室右曰少室予甚異三尖之語大不相肖欲著

論辯之逡巡未遑也繼見前提學副使周公夢暘

嵩少遊記云出密縣而西上下岡阜嵩山青翠英

英來逼人而迤南一孤峰巋然獨秀問其名曰御

砦也御砦若嵩山之首既至嵩乃知遠數十里派

不相蒙矣予讀至此始恍然悟纂通志者必偶從

嵩東一望遂信爲真見而不疑耳是何異相人者

止見半面輒評曰是夫一耳一目而鼻一孔也止

嵩書

卷二

五

時勝篇

見項後輒評曰是夫無眉目無口鼻僅有耳而無

孔也豈不謬哉萬曆辛亥秋七月京中一大僚自

孟津枉道入嵩甫至少林即問寺僧曰何山爲少

室中一僧率爾曰此間無少室大僚愕然指寺前

山詰之曰然則此何山也同聲應曰御砦也大僚

曰御砦非少室乎衆僧相視囁嚅曰和尚不知可

問縣官是年冬一朝使自汝州赴嵩渡潁水問輿

人曰此是潁水否輿人曰非也此乃渚河也使者

曰然則潁水安在輿人曰登封無潁水朝使至邑

中首舉為問予始一一言之相與大笑噫由前言之百里巖嶠為三尖九頂連華稱孤峰此任目之過也由後言之少室之山乃寓言潁川之水歸焉有此任耳之過也夫山川如此其大也流峙如此其顯也登臨如此其近也聽睹如此其親也猶然於耳目之間失之尚謂耳目可專任耶予淹嵩五載與嵩日親尺寸而度之錙銖而權之凡所載筆悉從獨照雖不敢自謂並得其神情亦庶幾乎山靈知已矣

嵩書

卷二

聖

時勝篇

嵩書卷之二終

門人焦弘祚校字  
陳懋齡

嵩書卷之三

文林郎登封縣知縣傅梅元鼎撰

卜營篇

外方長曰天地亦物也物中之物有定者有遷者定者歷千萬年而不變遷者或以代計或以世計或以歲計平陂往復迭變無端大易所以取象於復隍詩人所以寄慨於黍離也嵩山自開闢至今終古如斯可不謂定哉嵩山之下大者州邑城郭小者宮室臺榭無有有無不知其幾變矣此皆往古聖賢之所經理英雄之所戰爭帝王之所豫遊而方內方外之士之所棲託也今也大半辱於樵牧牛羊之跡甚有問其遺址而人無對者可勝歎哉幸而遷者自遷定者自定指點於流峙引證於載籍而興廢升沈之故可得而言矣竊嘗譬之嵩猶人也巖巖二室如其身也一切土木附麗於嵩者嵩之衣也裘葛靡常時所為也時乎時乎消息盈虛天地且不能違而況山川乎而況山川之附麗乎

州邑一

嵩書

卷三

卜營篇

中嶽嵩山本禹貢外方豫州之域或曰兗州見漢書  
夏為王畿周初為東都近地平王東遷鄭取之乃屬  
鄭戰國韓滅鄭遂屬韓秦屬三川郡前漢為潁陽陽  
城密高三縣俱屬潁川郡潁陽在少室西南陽城在  
太室東南武帝元封元年置崇高為中嶽奉邑在太  
室之下即今之登封縣是也凡三縣後漢因之省崇  
高入陽城三國屬魏晉為陽城縣屬河南郡西魏為  
陽城潁陽堙陽康城縣屬陽城郡西魏文帝天安  
二年復置潁陽縣孝文帝太和十三年分潁陽置堙  
陽縣明帝孝昌二年始陞陽城縣為陽城郡領陽城  
潁陽二縣後分陽城置康城縣俱隸陽城郡東魏為  
潁陽堙陽縣屬中川郡東魏靜帝天平初置中川郡  
使領堙陽潁陽二縣後周為嵩陽縣屬河南郡廢潁  
陽縣置入隋為嵩陽陽城縣屬河南郡隋文帝開皇  
初廢陽城郡六年改嵩陽縣為武林縣十六年以所  
廢陽城郡為嵩州十八年改武林縣為輪氏縣仁壽  
四年廢嵩州復為陽城縣並廢舊康城縣入焉煬帝  
大業元年又改輪氏縣為嵩陽縣是為陽城嵩陽二

嵩書

卷三

二

下營嵩

縣俱屬河南郡唐為登封告成潁陽縣屬河南郡唐  
高祖武德四年王世充偽陽城令王雄來降以陽城  
嵩陽陽翟置嵩州又析三縣地置康城縣太宗貞觀  
三年州廢省康城十七年省嵩陽縣入陽城縣高宗  
永淳元年營奉天官分陽城緃氏復置嵩陽縣二年  
省武后光宅元年復置嵩陽縣載初元年析河南伊  
闕嵩陽置武林縣萬歲登封元年將封嵩山更名嵩  
陽為登封縣陽城為告城縣中宗神龍元年復改登  
封曰嵩陽告城曰陽城二年復名嵩陽曰登封陽城  
嵩書

卷三

三

下營嵩

曰告成玄宗開元十五年更名武林曰潁陽是為登  
封告成潁陽三縣隸河南郡五代無考宋為潁陽登  
封縣仍屬河南府宋仁宗慶曆二年廢潁陽縣為鎮  
四年復置神宗熙寧二年省潁陽入登封縣哲宗元  
祐二年復析為潁陽縣金為登封縣屬中京金昌府  
元仍為登封縣屬河南府

### 城郭二

黃城在嵩東南二十五里箕山相近許由所隱之處

也見羅氏路史或曰堯聘許由壇壇也見雜道書

黍城在少室南中有少姨廟見含玄齋集按少室一

名負黍山城因山以得名也史記鄭伐韓敗韓兵

於負黍即此地後漢書云陽城有負黍聚

古城在邑西北一里故址猶存耕者絕不見瓦礫之

遺必非治所意者古人屯軍之壁壘乎

孤竹城在嵩山西南三十里潁水穿城址而流名稱

無考前今有附會夷齊刻之石者予不信也闕疑

以俟知者

嵩書

卷三

四 卜營

登封新城登封城僅三里自正德間修築後百年就

圯萬曆辛亥春予重修之易故堞一千有二改四

門初四樓各有署名見後又四方建四堞四隅起

四亭

屏嵩郭登封之北關廂也北城門外故無居民山水

衝奔盡成坑塹患且及城趾矣萬曆辛亥冬予相

地勢橫築長堤於厲壇之前障水東之平治道路

建一坊於郭門之外扁曰屏嵩聽民結廬未幾遂

成三家之市僅名曰郭

關鎮三

轅轅關在登封西北二十八里與偃師交界之處道

路盤轉車轅相見故名闕駟十三州志曰轅轅道

凡十二曲也今在緱氏縣東南左傳稱晉樂盈過

周王使候出諸轅轅即此地獻帝春秋曰車駕出

洛陽自轅轅而東楊奉韓暹引軍追之輕騎既至

操設伏兵要於陽城山峽中大敗之夫自轅轅而

東過陽城其為今地無疑或謂關在鞏者謬矣

鄂阪關今在告成鎮晉地理志云陽城有鄂阪關是

嵩書

卷三

五 卜營

為地中

陽城關西魏置孝昌十二年陞陽城縣為陽城郡後

分陽城置康城縣並置陽城關今不詳其地矣

石羊關在告成東二十里關據嶺上潁水合山中衆

流至此滙為巨浸而出或云關下有怪石如羊故

名河南郡志云關口陡峻道路險隘僅容一車元

至正六年設

大谷故關在潁陽鎮西北與倚箔山相近見唐書地

理志



潁陽鎮在登封西南七十里按潁陽縣兩漢時俱屬

潁川郡古人因潁立名今潁水在鎮東三十里發源而去遠不相涉此非兩漢舊地明矣自漢至隋沿革不常莫詳其處惟唐書地理志云載初元年析河南伊闕嵩陽置武林縣開元十五年更名曰潁陽夫嵩陽即潁陽舊地乃隋時改名耳至於河南伊闕二縣俱在其西乃知古潁陽至此時始西徙歷五代宋元無改爲今之潁陽鎮可無疑也至於漢之潁陽必更在東方與潁陰夾水相近然不可考矣

嵩書

卷三

六

卜營篇

告成鎮在登封東三十里即古陽城縣舊治至唐武后因封禪中嶽始改名曰告成縣告成者告成功也唐末天祐二年改名陽邑歷五代宋元俱并入登封至今爲鎮而仍稱告成也舊志稱爲郛城而強解之曰春秋郛子來朝之郛即是此地然不知春秋有二郛取郛大鼎之郛北郛也在單州成武郛子來朝之郛南郛也今單州有二郛城乃夾潁鄭氏之說也按後漢郡國志云濟陰成武有郛城

此與嵩山告成有何干涉而妄爲牽引耶

### 壇廟四

封禪壇在太室中峰唐武后萬歲通天元年封於神嶽改元萬歲登封時建元和四年三月韓退之與李渤盧仝上太室中峰宿封禪壇下石室見天封觀題名歐陽永叔爲西京留守推官時與梅聖俞遊嵩登山頂至武后封禪處見有石記戒人遊龍潭事載之跋中夫韓公之題名歐公之跋非僻書也舊邑志漫以縣西封祀壇當之何耶

嵩書

卷三

七

卜營篇

封祀壇在縣西二里高原之上築土爲之頂圓座方其大踰畝前有豐碑下截剝落一字不復存上截歷歷可識首行云大周封祀壇碑銘并序下書春官尚書兼修國史上柱國梁王臣三思奉敕撰文殘不載年號在末亦泐去難辨矣記之存古蹟耳其人與事不足道也

八仙壇在嵩山頂漢武帝見八仙圍棋於此因建唐

武后重修今廢

琉璃壇在嵩山下唐高僧趙州從諗傳云少往嵩山

琉璃壇納戒或曰即會善寺戒壇也唐時天下僧流咸受戒於此寺西別建一院為戒壇院大曆二年遷東都白馬寺僧赴戒壇灑掃講律省牒下寺宰臣列名及謝表至復賜手敕獎諭之其重如此今壇地基石猶存雕鏤精工足稱絕代

**中嶽廟**在太室東南黃蓋峰下去縣八里莫詳創始之年按漢武帝詔曰其令祠官加增太室祠則自武帝以前已先有祠帝特加增耳又按唐韋行儉廟記云元魏徙廟於嶽之東南若謂元魏以前廟

嵩書

卷三

八

在別所者今廟正南神道數十步有古石門隸書銘詞雖泐尚可讀內有聖朝肅齋衆庶所尊等語銘後刻云元初五年四月陽城長左馮翊萬年呂常始造作此石門按元初漢安帝時年號觀此則廟不自元魏始明矣歷代各有重修碑文見章成篇規制弘敞松栢森蔚為一方寺觀之冠

**禹廟**嵩下故無禹廟萬曆壬子春知縣傅梅申請創建在東關外每年二祭以益配之其公移略云按孟子稱禹避舜之子於陽城益避禹之子於箕山

之陰皆邑境也今境內寺觀如林而禹益獨未有廟人殆不知為聖王過化之所矣夫益烈山澤而未膺曆數姑置無論乃若大禹功在萬世至今觀河洛者尚且思之矧朝覲訟獄謳歌肝自起之地可泯泯無聞乎云云

**周公廟**在告成鎮測景臺後弘治間知府陳宣建嘉靖七年知縣侯泰重修萬曆壬子知縣傅梅重修仍申請增置守役其公移略云元聖變理精神寄此一席之地廟而祀之是矣惟是晨昏啓閉僅一

嵩書

卷三

九

老僧司焉無論周公儒宗不宜以異端縉流承應左右且此僧毫無養贍強半出乞以致神宇之內狐鼠縱橫庭階之前鞠為茂草殊為褻慢乞比洛陽例於本廟添置門子一名云云

**啓母廟**在太室山下啓母化石事詳載靈緒篇廟在石傍莫考其所自始古亦稱開母祠見嵩高山記唐高宗幸嵩山敕令重修命崔融作碑銘見章成篇文內有云紅葩奪日飛累榭於山間綺綴衝風架迴廊於木末可想見其壯麗矣今亡

**少姨廟**在少室山下亦莫詳其所自始唐高宗幸嵩

山敕令重修命楊炯作碑銘略云臣謹按少姨廟

者則漢書地理志嵩高少室山之廟也其神為婦

人像者則故老相傳啟母塗山氏之妹也又云珠

簾璫匣上高閣而三休金柱銀楹出長廊而中宿

與啟母廟可稱頡頏也今亡

**仙官廟**在中嶽頂昔唐明皇封太山回問司馬承禎

曰五嶽何神主之對曰嶽者山之巨鎮而能出雲

降雨為國之望然靈仙所隱亦有仙官主之於是

嵩書

卷三

十

下營篇

詔於五嶽山頂各立仙官廟今亡

**潁源廟**在陽乾山潁源之上以祀水神唐時建有章

莊題詩見韻始篇

**石人廟**在太室山與啟母石相近見崔融碑文今亡

**玄帝廟**在太室頂玄龜峰之上有天池玉井

**九龍廟**在嵩山東九龍潭上

**迎仙廟**在嶽廟之西望朝嶺上

**昇仙太子廟**在緱氏山上以祀王子晉者有武后御

製碑文

**純孝伯廟**在潁源之上以祀潁考叔者金人元好問

有詩

### 宮觀五

**崇福宮**在縣東北五里許太室萬歲峰之下漢武帝

元封元年登山聞呼萬歲建觀於此唐改名太乙

觀俱見碑記至宋更名崇福宮增置殿閣設提舉

管勾官命朝臣領之為祝釐之所內有真宗元神

本命御容三殿而真獻后亦設像於西閣帳內宮

後有奕棊檮蒲泛觴三亭遺址尚存

嵩書

卷三

土

下營篇

**嵩陽宮**在縣正北五里許高山之麓魏孝文帝太和

八年初造如藍名嵩陽寺司空裴衍既隱嵩山即

為寺主記稱塔殿宮堂星羅棊布光輝宇宙色煥

雲霄足知其盛矣東魏天平二年重修鐫碑記之

唐改為嵩陽觀高宗麟德元年將碑移入會善寺

玄宗天寶三年命道士孫大冲鍊丹於此宰臣作

聖德感應頌中唐改名天封觀見韓文公石柱題

名宋名天封宮見歐陽文忠集元名嵩陽宮見碑

記今宮廢三柏尚存

奉天宮與嵩陽觀相鄰在逍遙谷之右唐高宗永淳

元年建時帝既封太山欲遍封五嶽監察御史裏

行李善感諫曰數年以來菽粟不稔餓殍相里四

夷交侵兵車歲駕陛下宜恭默思道以禳災譴乃

更廣營宮室勞役不休天下莫不失望上雖不納

亦優容之○按王適撰體玄先生碑云調露二年

命以嵩陽觀爲奉天宮與正史稍異

三陽宮在告成東五里許石淙水上唐武后久視元

年正月建四月后同太子相王群臣如三陽宮道

嵩書

卷三

十三

小營篇

暑閏七月乃還磨崖刻二碑題詩紀勝長安元年

五月復如三陽宮七月乃還按張說諫疏內稱御

苑東西二十里可謂大矣事見唐書武后紀及張

說傳疏載章成篇詩載韻始篇

承天宮舊志云在金壘峰下金大定間建久廢無考

今土人所指爲承天宮者乃逍遙谷隆唐觀故址

也○按金人趙秉文有嵩山承天谷詩首句云煙

霞直上逍遙谷又云天與金壘玉柱齊豈承天與

隆唐相近耶抑隆唐後改爲承天耶

清微宮在縣西十五里少室山南麓頗占地勝而基

不甚廣舊志云元至正年間建殊無所考也

萬歲觀

太乙觀

天封觀

嵩陽觀右四觀註見崇福嵩陽二宮下特表其名存

古也無嫌重複

白鶴觀在太室上西去絕頂約四五里背負三峰左

右皆絕壁空南一面下瞰遠山如屏幽邃平闊實

嵩書

卷三

十三

小營篇

太室之輿也一松亭亭如蓋木質盡成琥珀伐輒

傷斧所以獨存舊縣志稱元至正十二年建恐不

如此之近故老相傳浮丘公接王子晉即此地然

不可考矣今其地猶有琉璃龍瓦必元時曾重修

耳

隆唐觀在逍遙谷中按王適碑文唐高宗調露元年

十月帝同武后如嵩山親幸潘師正之居教有司

即其廬建隆唐觀所云茂松清泉山中不乏此地

是已今查唐書本傳則稱崇唐觀蓋後避玄宗諱

改之耳非有二也○按高宗同武后於調露元年冬弘道元年春冬前後三次訪師正於嵩山每車駕至帝以嵩陽觀為行宮后以間居寺為行宮更相名對微言秘旨世莫得聞以今觀之可發一笑也

**精思觀**在逍遙谷西嶺上按潘師正別傳唐高宗既為師正建隆唐觀又於嶺上別立精思院以處之後見孟浩然集有遊精思觀二首乃知唐人亦稱精思為觀矣予同袁中郎遊嵩陽宮於地下掘得

嵩書

卷三

古

卜營篇

一石柱見熙寧五年題名有過天封精思之語又知此觀至宋時猶在也今廢

**紫虛觀**在嵩山紫虛谷昔宋樞密使張昇請告結菴於此見青箱雜記又賀蘭棲真曾居嵩山紫虛觀見本傳

**洞清觀**在嵩南見唐許渾贈蕭鍊師詩序鍊師貞元中自梨園進為內妓善舞柘枝後聞神仙之事乞奉黃老上詔居嵩山洞清觀至年八十雪膚花顏與少無異渾題詩院壁以贈之

**土德觀**在中嶽廟西元天曆二年建明成化十八年重修

**崇慶觀**在縣東關內置道會司

**頤真觀**在縣南十八里小金店今俗稱下崇福宮

**龍泉觀**在縣東北二十五里

**龍翔觀**在縣東二十五里盧店鎮

**玉溪觀**在石羊關外五里許

**清風觀**在潁陽鎮西

**玄都觀**在潁陽鎮之南一里許

嵩書

卷三

主

卜營篇

右自崇慶觀至玄都觀殿宇雖存碑碣絕少創始世代不可考也

**太微觀**

**丹霄觀**

**玉泉觀**

**通真觀**

**嵩仙觀**以上五觀俱見嵩陽宮元時廢碑僅存其名不知其地矣

**寺院六** 卷附

**大法王寺**在縣北十里嵩山之南麓備考志傳乃漢

明帝永平十四年創建魏明帝青龍二年車駕駐

蹕更名護國寺晉惠帝永康元年前增建一寺名

曰法華元魏孝文帝避暑於此隋文帝仁壽二年

創造舍利塔又名舍利寺唐太宗貞觀三年敕補

佛像賜莊安禪僧名曰功德寺玄宗開元十八年

更名御容寺代宗大曆元年重修又更名文殊師

利廣德法王寺五代後唐因廢壞之餘分為五院

仍歷代舊稱曰護國曰法華曰舍利曰功德曰御

嵩書

卷三

六

小營篇

容至宋初五院僧願合居仁宗慶曆八年增置殿

閣僧寮重造佛像賜名嵩山大法王寺金元與本

朝俱因之寺背負嵩岑如倚左右高峰張兩翼如

衛俯瞰二熊諸山排列如拱真天下形勝之區也

**嵩嶽寺**

在法王寺西一里許元魏宣武帝於永平二

年令馮亮與沙門統僧暹河南尹甄琛等同視嵩

山形勝之處初興土木本離宮也孝明帝正光元

年榜開居寺廣大佛剎殫極國財僧徒濟濟彌七

百衆堂宇落落踰一千間可謂盛矣後周斷廢佛

法欲以寺為觀以塔為壇未果至隋開皇五年始

改題嵩嶽寺又度隸僧徒四百五十人未幾兵亂

焚毀唐興重為修復特賜田碾四所武后每幸嵩

山則以寺為行宮送鎮國金佛像貯焉後中宗又

於寺前造十三層浮圖讀李邕碑想其壯麗宋元

以後漸墮偉觀今也荒涼不堪吊矣

**會善寺**

在嵩嶽寺西五里許本北魏孝文帝離宮也

魏亡為澄覺禪師精舍至隋開皇中賜名會善寺

唐興大加增飾有宰堵波琉璃壇記稱歲成具戒

嵩書

卷三

七

小營篇

者盈千日受潔供者數百可謂一時之盛矣朱梁

初營宮闕撤佛殿材木輦致汴京寺廢壞者六十

餘載宋開寶初有僧奉言全審者同心發願募化

重修漸復舊觀金元至今代有補葺不甚荒落寺

右一泉泠泠流於堦下僅供僧汲至山門而隱亦

一奇也

**少林寺**

在縣西北二十五里少室北麓五乳峰之隈

後魏孝文太和中建沙門跋陀自西域來詔有司

於此寺處之廼於寺西臺造舍利塔龕經堂周建

德中滅法廢寺大象中即興復之尋改名陟岵寺  
隋高祖受禪特令寺名仍舊開皇中詔賜少林寺  
柏谷屯地一百頃大業末寺為盜焚獨塔存焉王  
世充僭號洛邑立成柏谷將圖梵宮寺僧志操惠  
瑒曇宗等率衆擒世充姪仁則獻之於唐時太宗  
為秦王賜書慰獎仍賜柏谷地四十頃水磨一具  
既一天下盡廢偽主寺觀此寺特蒙置立歷太宗  
高宗武后朝屢被恩寵玄宗開元中御書碑額七  
字命鐫刻文皇手書於寺中裴淮作文記之歷代  
嵩書

卷三

嵩書  
下嵩書

相繼修營今獨完好

峻極寺在太室絕頂中峰之上按金碑云後唐天成  
間有僧安禪師自金陵來駐足斯峰感文殊降迹  
遂立殿一所至晉天福年中賜額峻極禪院至宋  
末王貴妃自備俸錢重修大殿後遭兵火廢蕩無  
遺金大定間有忠公禪師者經營數載院宇重新  
此峻極之始末也予按峻極寺有三院在中峰者  
為上院在山麓者為中院在西關者為下院後上  
中二院俱廢獨下院存耳今為朝賀習儀之所

永泰寺在縣西北二十里太室之右足後魏正光二

年孝明帝之妹出家為尼敕為置此本名明練寺  
周武時廢隋開皇中重加修復又度尼若干人唐  
貞觀三年議尼寺居山慮恐非人侵擾敕令移額  
於偃師至神龍二年嵩嶽寺僧道瑩奏請重修追  
薦故永泰公主改名永泰寺記稱簷宇四繞迴廊  
復周蹕道凌虛懸階數百倚山臨水亦名利也今  
寺廢將盡有石幢石獸數事雕鏤精巧近代所無  
盧巖寺在縣東北十五里太室之左麓也踰嶺渡澗

嵩書

卷三

嵩書  
下嵩書

五六轉始望見寺門峰巒環繞寺後有瀑布泉茂  
樹清湍足稱幽勝相傳是盧鴻故居因名盧巖按  
盧徵君所居自號寧極乃官為營建者鴻又廣學  
廬聚徒至五百人規模闢大其沒也子孫不宜居  
遂舍宅為寺此理之可信者第按鴻所自著嵩山  
十志有太室南麓天門石崖之語與此東西相去  
踰三十里鴻不應有兩宅也又按李白集有贈盧  
徵君昆弟詩云二盧竟不起萬乘高其風惜史逸  
其君意盧巖或鴻之昆弟故居耶

下盧巖寺在盧巖寺東南三里平坡之上登盧巖者自此寺後方漸高也

龍潭寺縣東北二十里在盧巖之北隔一大嶺由嶺

廟赴寺者渡嶺沿谿令人應接不暇寺據太室右

陸面前平壤可容萬馬倚山環水規模壯麗自寺

右登山五七轉折便至九龍潭潭上三面山圍中

開平地數十畝形勢絕佳相傳武后游龍潭時曾

建離宮於此後改為上龍潭寺今廢武后有同太

平公主游九龍潭詩見類苑或曰今龍潭寺在金

嵩書

卷三

三

卜營

元時稱龍潭下院

碑樓寺在縣東四十里平原之上內有豫州劉刺史

碑石惡字泐逸其名矣寺前二里許有聚落古名

劉碑村蓋以此也又一斷碑文不可讀後僅存天

寶八年等數字乃知寺為唐人建也

在孫寺在縣東南四十里蔣庄古碑猶存碑陰刻大

齊河清三年歲在甲申敬造惜文字剝落殆盡不

可讀矣

龍華寺在告成鎮測景臺之東齊武平元年建

馬鳴寺在縣東四十里景店之南金大定十四年建

西勝寺在縣東五十里大冶鎮元至大年間建

清涼寺在縣西二十里少室清涼峰之下金貞祐四

年重修

華嚴寺在縣西三十五里水唐灣之上金正大三年

建

寶林寺在潁陽鎮南門外元至大間建

三峰寺在縣西九十里大峽內背山如屏面水如帶

元至正元年建

嵩書

卷三

三

卜營

右諸寺創建之年大半考諸正統間舊志所載彼

時古人碑碣尚有存者八朝以來為前邑令磨平

遺鐫時貴詩文用之幾盡矣貞珉之災慘於秦火

良可歎恨亦有寺僧苦於搨取而潛瘞之土中者

瓦礫縱橫荆蒿滿目予雖有好古之心從何處一

一尋覓耶今通將基宇僅存世代無考者錄其名

與地於左方

玉泉寺在石羊關外泉自地湧水光如玉

淨明寺在縣南三十里南店之東對箕山環潁水



大嶽寺在縣東南五十里費庄之陽

黃峪寺在縣東南四十里小熊山白栗坪之陰

水峪寺在縣東南五十里大熊山麓其南曰臥羊坪

石門寺在縣東南五十里石門山下境頗幽奇

竹園寺在縣東南六十里大熊山之陰

龍泉寺在縣西南五十里石道鎮

寶勝寺在少室寶勝峰下今廢

弘化寺在清涼寺西北一里許今廢

普照寺在縣西五十里胥店鎮

嵩書

卷三

主

卜營

崇法寺在潁陽鎮西門外

溫姑寺在潁陽之南三里許

菩提寺在潁陽北二里背山面水松柏森然

清水寺在石堂山東嶺上襟山帶水亦勝境也

白雲寺在縣西八十五里于家集

宣陽寺在縣西九十里東王村

崇福寺一名潭榆寺在縣西九十里

普明寺在縣西南一百二十里丁流鎮之西長河當

門遠山列障去嵩雖遠然嵩之餘也而嵩山之寺

盡於此矣

又有史傳明繫嵩山而基址沒滅無考者書之以存舊蹟吊古君子或有契焉目列於左

道場寺馮亮為宣武造閒居佛寺林泉既奇營製又美曲盡山居之妙亮時至京師延昌二年冬遇疾還居嵩高道場寺見北史

石窟靈巖寺北魏永熙二年正月齊獻武王自晉陽出討介休朱兆大破之於赤洪嶺兆遁走自殺車駕幸嵩高石窟靈巖寺見魏書

嵩書

卷三

主

卜營

天中寺唐蘇味道有天中寺尋復禮上人詩云藩戚三雍暇禪居二室隈見類苑

封禪寺五代時高僧貞峻在嵩山會善寺戒壇院納法因棲封禪寺學新章律疏見高僧傳

戒壇院在會善寺西二百步許積翠峰下古稱會善寺戒壇院非另一寺也其壇名琉璃壇唐宋時天

下僧尼受戒於此有四石刻天王像立四隅未圯其餘棟柱礎石雕鬼神山水之形今俱卧荆棘中矣壇東有元僧學士溥光石刻茶榜獨完好字

徑二寸頗具風骨

**峻極中院**在太室之麓今廢

**峻極下院**在西關今為峻極寺頗稱修整內有古檜

數株

**寶林院**在中嶽廟北黃蓋峰之傍今廢

**龍潭院**在縣東北大寧保今廢

**淨明院**在縣南高馬保按舊碑云金貞祐四年僧法

通重修

**護國院**

**嵩書**

卷三

五

卜營篇

**法華院**

**舍利院**

**功德院**

**御容院**以上五院註見前大法王寺下

**面壁菴**亦稱初祖菴在少林寺西北三里許即達磨

九年面壁之處也背倚五峰前臨霞澗古松偃蓋

古柏參天為山中之勝境菴有蔡卞署書黃庭堅

頌俱鑄碑寺西閣簷下有石刻面壁之菴四大字

則蔡京書也菴內影石不類好事者為之耳

**二祖菴**在少林寺南鉢孟峰之巔乃惠可禪棲地也

菴前有四井探手可汲泉味甘美名卓錫泉門對

高岑稍升之西北望伊洛二水如雙白練手鋪煙

霧中亦奇觀也

**寶珠菴**在縣南白栗坪西十里南北有石門境有幽

閒之趣

**白雪菴**在城東南十四里雷家岡之南

**朝陽菴**在白栗坪河西

**吏隱菴**宋國博龐元常隱嵩山所築司馬溫公有詩

**嵩書**

卷三

五

卜營篇

今廢

**張相公菴**在萬歲峰之前見邵堯夫集惜不著張之

名也

**郎官菴**與羅漢洞相近金元光二年菴僧慧朗曾與

五渡保民郭道寧同修羅漢洞見碑刻

**長春菴**

**谷神菴**二菴見嵩陽宮元時仆碑

**控鶴菴**在嵩山頂最湊處宋劉居中居此二十年壁

間得異書習之成仙又孫登天臺賦曰王喬控鶴

以冲天菴名蓋取諸此今不詳其處矣

### 臺殿七

**測景臺**在告成鎮即古陽城地也有石方可仞餘聳

立盈丈上植石表八尺刻其南曰周公測景臺按周禮大司徒職以土圭之法測土深正日景以求地中故云日南則景短多暑日北則景長多寒日東則景夕多風日西則景朝多陰日至之景尺有五寸謂之地中鄭衆說土圭之長尺有五寸以夏至之日立八尺之表其景與土圭等謂之地中今

嵩書

卷三

圭

上營篇

潁川陽城地也鄭玄云凡日景於地千里而差一寸景尺有五寸者南戴日下萬五千里也以此推之日當去其下地八萬里矣日邪射陽城則天徑之半也天體員如彈丸地處天之半而陽城為中則日春秋冬夏昏明晝夜去陽城皆等無盈縮矣故知從日邪射陽城為天徑之半也隋志云昔者周公測景於陽城以參考歷紀杜氏通典云儀鳳四年五月命太常博士姚玄於陽城測景臺依古法立八尺表夏至日中測景尺有五寸正與古

法同唐地理志云陽城有測景臺開元十一年詔太史監南宮說刻石表焉即今表是也古人置集之法變矣

### 觀星臺

在測景臺北高五丈闊二丈名曰觀星臺碑

甃尚完想亦唐所建也臺北面凹入數尺懸直而下相傳為滴漏之所莫曉其製下有平石數十方向北接連一路闊一尺高二尺約長十丈石面有通池二條其寬如指至北盡頭處合而為一此必古人用以置水而取平也隋天文志云考工記匠

嵩書

卷三

圭

上營篇

人建國水地以縣置槷以縣砥以景為規識日出之景與日入之景畫參諸日中之景夜考之極星以正朝夕又按梁祖暉造八尺銅表其下與圭相連圭上為溝置水以取平正揆測日晷求其盈縮由此觀之則知測景觀星置水雖似三事總之所以求地中耳

### 登仙臺

在少室峰下漢武帝所築見戴延之西征記

### 玉女臺

漢武帝於嵩高山見三仙玉女因以名臺見

盧元明嵩高山記史雜道書云嶽廟東二十里有

龍門山其東有三臺山晉漢武東巡過此見學仙  
女遂以名焉二事相類而名稱不同今其地土人  
不知有三臺山山下聚落俗稱為玉臺村豈玉為  
三字之訛耶抑原名三玉女臺而古今省文呼耶

**集仙臺**在縣東北八里太室山下漢武帝築見通志

**思仙臺**在少室峰下淮南王築見玉海

**金蟻臺**在縣北一里今廢

**甘露臺**在少林寺天竺僧跋陀翻經之處

**鳳凰臺**在縣寺之右唐高宗時有鳳凰飛集於此

**嵩書** 卷三 天 卜 營 篇  
**逍遙臺**在縣寺之後

**覓心臺**在鉢孟峰二祖菴之前南倚峭壁下臨無際  
乃慧可覓心處也舊稱鍊魔臺

**望母臺**消水之南有鄭莊公望母臺蓋克段置武姜  
於城穎之後故築臺以望母後感考叔之言為母

子如初見水經注按地理志消水出陽城

**倒景臺**在太室南麓天門之下盧鴻志之一也

**揖仙臺**在登封縣衙內宋縣令樓昇築

**怨臺**在太室之下相傳前邑令有偃蹇負奇而有附

感觸束於世法不得敢言時登此臺以自遣遂以  
怨名之惜令之名無所考矣予錄至此竊笑此君  
之褊也浮雲泡冰水石火空華偶爾現前轉眼成幻  
何所怨乎已而思之子曰可以怨則怨亦聖人所  
不禁矣

**峻極殿**中嶽廟正殿九間宋元舊制弘麗非常萬曆

壬子春知縣傅梅重修殿額為宋人書用顏魯公

麻姑仙壇體道勁有態可寶也

**鳳陽殿**北魏離宮殿名後改為開居寺七佛殿

**嵩書** 卷三 天 卜 營 篇  
**八極殿**北魏離宮殿名後改為西方禪院

**黃籙殿**在縣廟之後今貯 欽降道藏經函於此

**太乙殿**唐時太乙宮正殿名見古碑

**祈真殿**

**保祥殿**二殿宋時崇福宮殿名今廢

**元神殿**

**本命殿**

**御容殿**三殿俱在崇福宮宋時為真宗建今廢

**樓閣八**

黃中樓中嶽廟之南門也門臺高踰三丈上建樓五

間修簷曲檻碧瓦覆之頗稱偉麗嘉靖戊午知縣

劉汝登建工部尚書朱公衡改名天中閣今兩稱

之

逍遙樓在開居寺本魏之離宮也見李北海碑

嵩陽樓孟浩然有陪張丞相登嵩陽樓詩見本集

陽春樓即登封縣大門譙樓也予重新之為改今名

考辰樓在登封新城東門上懸大鐘一具晨昏考之

民以作息

嵩書

卷三

三

卜營篇

大觀樓登封新城南門上嵩高若屏潁水如帶天下

之大觀在是矣

寶成樓登封新城西門上西方屬秋正萬寶告成之

候書之祝農也

天咫樓登封新城北門上開軒先見萬歲峰西北神

京在焉天威不遠顏咫尺一舉足不敢忘○以上

四樓俱知縣傳梅於萬曆辛亥春創建

天中閣註見前黃中樓下

毘盧閣一名千佛閣在少林寺後萬曆戊子年建

藏經閣在少林寺閣後有秦槐文潞公作詩咏之今

亡

### 書院九

太室書院在太室山下五代周時建宋至道三年四

月賜太室書院藏九經是年河南府守臣上言甘

露降於書院講堂

嵩陽書院即太室書院舊基景祐二年九月敕西京

重修賜額更今名及田一項金元時廢於兵火本

朝嘉靖七年知縣侯泰即嵩陽宮故址起屋數楹

嵩書

卷三

三

卜營篇

前為二程祠後稱嵩陽書院僅存其名耳

潁谷書院在潁陽鎮城西北隅元皇慶二年里人即

宋故縣學基為殿以祀先聖先師至元五年登封

縣令閻詢重加開拓達郡奏聞於朝賜扁今名禮

部尚書王沂為之記

少室書院在轅轅關上正德丁卯河南太守沈文華

毀淮祠而建之者給事中段有記今廢

存古書院在縣南城下學宮之左萬曆辛亥秋知縣

傳梅建以為諸生講業之所將工室諸斷碑殘碣

甃置四壁故以存古名自有記

### 亭館十

**萬歲亭**漢武帝元封元年登太室閭呼萬歲者三因

於太室山下建亭焉亦見西征記今廢

**負黍亭**史記徐廣註云負黍在陽城括地志云負黍

亭在洛州陽城縣西南三十五里故國邑也今廢

**聖水亭**在嵩高山後

**芝和亭**在太乙泉之左

**甘泉亭**在崇福宮後

嵩書

卷三

三

卜營篇

**立雪亭**在少林寺即二祖神光立候達磨之所傳稱

雪淺過膝不動

**景雲亭**在嵩下郡志云見唐詩

**觀瀾亭**在石淙

**飛泉亭**在盧巖寺後瀑布之前

**生賢亭**在嶽廟峻極門內壁畫申甫像今亭尚存像

剝落矣

**御香亭**在嶽廟峻極殿東

**御帛亭**在峻極殿西二亭為朝廷遣祭置香帛之

所

**有斐亭**在縣衙內前多菴竹子為額之

**醉雨亭**在望朝嶺西二里許萬曆庚戌夏久旱之後

忽得甘霖予省耕過此息於樹下有以壺觴獻者

予飲輒至醉邑人咸以為異蓋予三載無酒容矣

是年果稱大有西成既畢眾即其地建一亭以志

不忘予命之名並為之記

**樾館**盧鴻一嵩山志云樾館者即林取材基巔拓架

居不期逸為不至勞清淡娛賓斯為尚矣

嵩書

卷三

三

卜營篇

**啓秀館**在城中邑人太僕少卿焦公子春建為子孫

講業之所公年八十甚健自督課之仲孫孝廉弘

祚子門人也傳學能文請予命額予取陸機文賦

語而題之以相勗云

### 堂室十一庭附

**弭節堂**在嶽廟西便門外稍北為使者致祭齋宿之

所洪武中建萬曆戊申夏知縣傅梅重修改題今

名

**盡心堂**宋縣令管景文建李夢作記見通志

仰嵩堂在登封縣治宋縣令樓昇建畫太室二十四

峰於壁間各題以詩今廢

廓然堂在少林寺方丈後前巡撫河南都御史蔡公

汝楠建今廢

草堂在太室下盧鴻一建志云因自然之溪阜前當

壩涵資人力之歸構後加茆茨定不俗也

望稔堂在縣治正堂之後即後堂也前令丁應泰建

予重修改題是名有記

永譽堂在望稔堂之後隔一門以限內外非有呼名

嵩書

卷三

書

卜營篇

吏卒不得入矣萬曆庚戌冬知縣傅梅初建前有

檜四株梅竹各數本旁一小室曰茶寮自作記刻

於石

永化堂在少林寺門外東南山根下萬曆三十四年

周王為住持正道建中央起大廈三進此其最後

一進也翼以周廊備極華侈

存古堂即存古書院正堂也註見前

洞元室在太室之下亦盧徵君所建也志云因巖作

室可想其制矣

枕煙庭

羣翠庭二庭俱盧徵君建見嵩山十志載韻始篇

門闕十二坊附

崇聖門在嶽廟宇宙具瞻坊之北第三重門也

峻極門在峻極殿之南累朝祭文立碑其下

仙遊門唐高宗營奉天宮與逍遙谷相鄰特於谷口

開一門曰仙遊門又於苑北面置一門曰尋真門

與隆唐觀相接皆為潘師正而立名也

尋真門註見前

嵩書

卷三

書

卜營篇

春雨門登封新城東門東作之方落成而雨志祥也

黃離門新城南門中嶽之陽麗得其正文明之象也

鴻澤門新城西門荒年之後幸獲安集又允為澤鴻

大也

萬歲門新城北門出門望見萬歲峰不忘君也○右

四門俱萬曆辛亥春知縣傅梅初建各命以名

中嶽廟石闕在廟正南神道百步許漢安帝元初五

年陽城長呂常造闕左有八分書字雖剝落尚有

一半可識乃銘也其詞曰惟中□□崇高神君

□□□□休□寂純春生萬物□方起雲澗施源  
流□淙□宣並天四海莫不蒙恩聖朝肅齊衆庶  
所尊□□奉起□□盡勤□□功德刻石紀文□  
顯□異以傳後賢

### 啓母廟石闕

在啓母石正南百步許漢安帝延光二

年穎川守朱寵等造闕左有大篆書銘二篇取其  
字可辨者錄之於後銘曰□□工範防百川柏  
鮫稱遂□□□原洪泉浩浩下民震驚□□功  
疏河寫玄九山甄旅□□文爰納漢山辛癸之

### 嵩書

#### 卷三

圭

下營篇

間□□人冥勤斯民同心濟□□正□繒  
□替又遭亂秦聖漢福亨於茲馮神徧彼飛雉□  
□其庭貞祥符瑞靈支挺生□□化陰陽穆濟  
興雲降雨□□寧宇一不歇此性乾坤福祿來  
□□有我君千秋萬祀子子孫孫金碣銘功昭眡  
俊昆□□□延光二年 重曰 □□□  
□作辟德洋溢而渾優□□□政則文耀以  
消摺□□□時雖皇極正而降休□□□□  
穎芬茲琳於園囿□□□□木連理於芊條

□□□□盛昨日新而累熹□□而慕化咸  
來王而會朝□□□清靜九域□其脩治□□  
□□祈福祀聖母乎山隅神□亨而飴格釐我后  
以萬祺于□樂而罔極永歷載而保之

### 少室石闕

在少室之東邢家鋪西二里許闕左亦有

大篆書銘盡泐不可辨僅一石存諸人爵里姓名  
數十字與啓母廟石闕相同二闕乃一時建者此  
必少姨廟舊基也然不可考矣

### 嵩書

#### 卷三

圭

下營篇

類俱疊石為之相去各二丈許而空其中雖漸就  
敝壞幸俱未隕惟是下為積埃所掩巍然對峙者  
僅丈餘耳石鐫山水鳥獸之形古拙特甚若出一  
手右所錄銘三篇文既簡質字體復毫髮不失古  
意固知非唐以後人所能辦也舊志既絕不載而  
故老更無一人知此間有字者予磨洗得之喜而  
且數此鐘鼎間物何為埋沒數千載至今始出吉  
光片羽價踰千金錄而存之不當勝崔融揚炯輩  
文萬萬耶



宇宙具瞻坊在天中閣之北萬曆庚戌春知縣傅梅

創建四柏為柱金碧相輝

位中四嶽坊在嶽廟東南舊坊盡圯予鼎建之仍其

名

秩比三公坊在嶽廟西南舊坊題秀毓三河予重修

而改題焉

### 祠墓十三

許公祠在箕山之上舊有許由廟歲遠盡圯萬曆辛

亥春知縣傅梅重修為改今名又置山下地三百

蒿書

卷三

主

卜營構

畝為祭田申請加增春秋二祭公移大略云夫許

由辭帝堯之禪耕潁水之濱洗耳挂瓢固隱士之

高蹈也至今聞其風者尚可廉頑立懦儻有司歲

時顧瞻祠墓油然而感於心必且輕富貴而重名

義豈復有貪苞苴而玷簠簋者哉風化所關良非

淺鮮俎豆之舉合當亟修云云

潁考叔祠在潁陽鎮西門外者名潁考叔祠在潁源

之上者名純孝伯廟蓋兩處香火也兩存之

二賢祠在縣學內祀周中伯甫侯見通志今二公俱

祀鄉賢前祠久廢矣

二程祠一在嵩陽書院一在縣東關外蓋因二程子

曾領崇福宮祠嵩山其所宦遊之地也前令丁應

泰為置祭田又請於督學使者給其子孫各一人

衣巾奉祀

李拾遺祠在少室山下以祀李渤者嘉靖九年知縣

侯泰建

盧徵君祠在盧巖東嶺舊祠久廢嘉靖九年知縣侯

泰重修

蒿書

卷三

主

卜營構

靖長官祠在縣西關外萬曆壬子秋知縣傅梅鼎建

按靖長官者乃唐末登封令應靖也靖在縣日丁

黃巢之亂率百姓往保太室得免於兵尋即棄官

學仙隱其姓而以名行山中之人稱為靖長官云

詳見黃商篇

許由墓在箕山之巔太史公曰予登箕山其上蓋有

許由塚云

巢父墓在縣東南四十里與箕山相近元人楊奐有

詩

啓母墓帝王世紀云陽城有啓母塚予謂啓母既有

塚則化石之說謬矣

商均墓在縣南山見郡志

周昭王墓在陽城西谷見通志

潁考叔墓在縣西南柳東保

周聖墓在少林寺東見舊志未詳

京兆王墓在嵩山上按魏書王景穆皇帝孫也諱太

興除守衛尉卿因患病佛前乞願若病差即捨王

爵入道未幾便愈遂請為沙門於四月八日下髮

嵩書

卷三

聖

小楷

更名僧懿居嵩山太和二十二年終葬於山頂

魏裴植墓植歷官度支尚書表請解官隱嵩山世宗

不許尋以怨望被譖誅死遺令子弟命盡之後剪

落鬚髮被以法服以沙門禮葬於嵩高之陰

蕭贊壽陽公主合葬墓贊本蕭寶卷遺腹子寶卷滅

後蕭衍納贊母吳氏宮中生贊以為己子封豫章

王及長其母告之以實贊遂奔魏為寶卷追服三

年喪歷官太尉尚書帝妹壽陽長公主後亦朱變

作公主以持節遇害贊棄官為沙門尋卒普泰末

命以王禮與公主合葬嵩山

唐盧殷墓殷登封縣尉卒葬嵩山之下韓文公作墓

誌銘

五代漢高祖墓即唐陵也五代史云在告成縣一統

志云測景臺之左

宋郢國張公墓在登封縣見琬琰集

橋梁十四

綰嵩橋在峯嶺口西北三里許上當二室之交下臨

無際洛京諸處人來嵩者無不由之過此則步步

嵩書

卷三

聖

小楷

高陟矣橋自有名予嫌其不雅也為易之地屬偃

師縣

少溪橋在少林寺門前稍東萬曆辛亥春周王捐貲

創建寺對平溪遇旱則乾遇澇則流辛壬之際涓

涓不絕矣橋名慶壽乃住持僧貢諛於王者予笑

其俗也為更是名夫山曰少室寺曰少林中界是

溪安得不謂之少乎

半虹橋在縣東南三里許高家莊之左萬曆己酉春

邑人公建請予命名遂以半虹題之

**美蔭橋**在石羊關之西橋傍有高柳一株蔭可三畝

鄰村之樹更無大於此者予立石戒後人勿得剪伐因以名橋

**平梁**在縣西南二十五里潁水之上及冬則架入夏

則撤用舍靡常成毀隨化登者不喜涉者不怒

**數梁**在太室峽中溪澗之上土人伐山得巨柏馬大

踰十圍長可百尺斲之可惜運之不轉遂棄置於

此樵牧牛羊往來取捷名為獨木橋予探幽至此

不覺數也歲月荏苒風雨飄搖三殿之役方興川

嵩書

卷三

聖 卜 營 攜

蜀之使未返此物乃沈淪於此乎名曰數梁

### 池井十五

**中天池**在太室之巔其水甘冽冬夏不涸庾開府溫

湯碑曰嵩山三仙之館不孤擅於天池即指此也

**洗耳池**在潁水之上即巢父洗耳處也曹子建三士

贊有曰池主是讓以水為濁夫池既有主必其所

鑿也

**芙蓉池**

**菡萏池**二池俱宋登封令樓昇所鑿在縣街中异有

小序詳見韻始篇

**京兆王池**在太室頂西北魏京兆王太興出家居嵩

山時所鑿也今廢

**飲鶴池**在子晉峰上乃王子晉飲鶴之處也或曰在

緱山

**湛池**在太室虎頭峰下二郎觀前舊無名予為題之

**鼉珠池**在石羊關外東北數里鄉民鍾思愛地中池

水高平地數尺泉清徹底滾滾騰湧而上如亂珠

翻動真奇觀也且其地有山環溪繞密樹長堤素

嵩書

卷三

聖 卜 營 攜

鳥成群竹蒲掩映惜縣遠不暇常往耳予既命為

鼉其池又以鼉珠名云

**卓錫四井**在少室鉢盂峰上二祖菴之前各離丈許

雙雙相對千仞峰頭不知當時何以知泉脉在此

而鑿之也亦神奇矣

### 左龍井

**右龍井**二井在逍遙谷之北太室半山處象極石洞

前左右相離丈許乃石井也探手可汲泉味甘美

舊名潘真人井予改題是名

雲母井在少室上見嵩高山記樓異賦云雲母之井  
今實所聚指此也

### 鄉保十六

大寧保即中藏廟所建之處在太室東南附近諸鄉

有天山街新店焦河栢林土橋五渡

唐莊保在大寧保東北十五里許附近諸鄉有馬跑

村龍尾溝馬蹄溝玉臺麻河龍池

盧店保在唐莊保正南八里許附近諸鄉有花園角

五司村分水嶺蝦蟆石景店

嵩書

卷三

聖

小營溝

劉碑保在盧店保東南十五里許附近諸鄉有三溝

洞頭曹村馬峪石啓洞石羊關

大冶保在劉碑保東北十六里許附近諸鄉有沁水

鴻河東施村西施村小冶村娘子臺○以上五保

俱在太室正東

崇德保在大冶保正南八里許附近諸鄉有神仙坡

鳳翎坡費庄主睢

廟莊保在崇德保正西十五里許附近諸鄉有水峪

虎牌嶺瀝高口石門溝舟王廟

曲河保在廟莊保西北十里許附近諸鄉有許由山

石淙煙莊格子溝告成鎮竹園村界頭范店八坊

○以上三保俱在太室東南

高馬保在曲河保西南十五里許附近諸鄉有碑子

村白栗坪小熊砦背陰坡庫莊券門牛蘭村南店

黃鹿灣少沙灣

寺莊保在高馬保正西八里許附近諸鄉有二郎溝

紅花溝駱駝苑胡嶺山雙圭嘴沙園麻池嶺

金店保在寺莊保正西十五里許附近諸鄉有小金

嵩書

卷三

聖

小營溝

店孤竹坡海鴈村黃沙嶺燈槽花門書堂磧磧坡

念子莊李莊河○以上三保俱在太室正南少室

東南

王上保在金店保正西十里許附近諸鄉有后河太

右廟褚河孩兒溝

石道保在王上保西南八里許附近諸鄉有陽乾山

水神里澤峪溝金星廟送表三教堂竹園黑峪溝

○以上二保俱在少室正南太室西南

胥店保在石道保西北十二里許附近諸鄉有海子

村夾山核桃園板棚

柳東保在胥店保西北八里許附近諸鄉有子推廟

官莊水磨灣竹園溝黃城溝石佛寺柳巷○以上

二保俱在少室西南

榆東保在柳東保正西十二里許附近諸鄉有潁陽

鎮梧里頭凹裡風門山接仙廟潭臺

榆西保在榆東保正西十里許附近諸鄉有江左河

院莊石門

呂店保在榆西保西北十二里許附近諸鄉有丁流

嵩書

卷三

聖

卜營溝

鎮壯丹溝椿樹莊油房溝喇嘛店○以上三保俱

在少室之西

坊廓保在縣城周圍太室之南麓少室之東麓附近

諸鄉有石場斗溝少陽河沙溝河卧牛石觀音頭

郭店保在縣城西十五里許二室之界附近諸鄉有

試劍石待仙溝夏店河水牛屯

語云桃李不言下自成蹊夫桃李春華不過五日

夏實不過十日耳其下猶且成蹊矧二室之間勝

蹟如林宮牆棊布宜乎輪蹄交錯於道矣夫興雲

致雨奠居生物民所利者山也乃至以山之故車

馬廚傳日候於境上悉索敝賦供搢紳之盤游使

其父老子弟困於征繕不遑寧處焉是山反為民

害矣憶予初至無年山下之田荒蕪滿目所過村

落頽垣敗屋光景蕭條予日日蒿目憂心計所以

招來而安集之如是者三載意實未嘗在嵩也乃

每每為過客牽率於崇山峻嶺之間不問民窮惟

傷寺觀之廢噫天神不屋棲况夷狄之鬼乎嵩山

除大禹周公許由二程等諸廟外其他一切神宇

嵩書

卷三

聖

卜營溝

皆狄梁公所謂淫祠也官方愧不能毀寧勞置數

耶幸而庚辛以來雨暘時若曠土盡闢葺屋之炊

煙相望予每以公務適野施倪歡迎偶息樹下黃

雞白犬亦來親人殊甚愉快儻閭閻之間常享此

樂即盡剷二室諸古蹟歸之無何有之鄉亦可也

予序卜營而以鄉保終焉意念淡矣

嵩書卷之三終

門人高亮校字

嵩書卷之四

文林郎登封縣知縣傅梅元鼎撰

宸望篇

外方長曰禮稱天子祭天下名山大川五嶽視三公  
 四瀆視諸侯五帝之始語不經見者遐哉不可攷已  
 黃帝太室帝唐嵩高見於他書者姑存而無論虞典  
 巡狩柴望之文彰彰也顧不及中嶽何哉風俗通曰  
 天子所都故不言巡豈其然乎然其義可推已周穆  
 王八駿所及志在盤游固無足道至漢武帝數為方  
 嵩書  
 卷四  
 宸望篇  
 士所惑聞黃帝鼎湖之說於是候神太室而封禪之  
 議起矣予讀史記封禪書論次自古以來用事於鬼  
 神者具見其表裏因有感焉嗟呼春秋之義定哀多  
 微詞太史公之隱衷豈不可識乎哉歷代以來有至  
 有不至皆領於天子之祠官或具儀而備物或宣侈  
 而明諂略次行事其得失可鑑也至有謬加帝號配  
 之以妃抑可哂矣恭讀我  
 太祖釐正廟號之詔五嶽四瀆一從其山水本名洋  
 洋聖訓與舜典並垂可也

上古

黃帝游于太室與神會史記封禪書云天下名山八

而三在蠻夷五在中國中國華山首山太室泰山

東萊此五山黃帝之所常游與神會

唐堯游于陽城楊雄河東賦云瞰帝唐之嵩高今賴

師古註曰堯曾游于陽城故于嵩高山瞰其遺蹟

也

周

穆王游于太室之丘以觀夏后啓之所居乃入于啓

嵩書

卷四

宸望篇

室見穆天子傳郭璞注云太室之丘嵩高山啓母

在此山化為石而后啓亦登仙故其上有啓石也

見歸藏及淮南子

漢

武帝元狩四年帝使公孫卿候神于太室上後公孫

卿言候神河南見仙人跡緱氏城上有物若雉帝

親幸緱氏視之

元封元年三月帝東幸緱氏禮登中嶽太室從官在

山下聞若呼萬歲者三問上上不言問下下不言

于是詔以三百戶封太室奉祠命曰崇高邑禁民無伐其山木復其民

詔載章成篇正義曰以崇奉

嵩高山故謂之崇高也又武帝內傳云帝好長生之術常祭名山大澤以求神仙元封元年甲子祭

嵩山起神宮帝齋七日祠訖通還

宣帝神爵元年詔太常制五嶽常祀禮遣使者持節祭嵩山

順帝陽嘉元年京師旱勅郡國二千石各禱名山嶽瀆遣大夫謁者詣嵩高請雨

嵩書

卷四

三

定望篇

魏

明帝太和四年八月東巡遣使者以特牛祠中嶽

北魏

明元帝泰常四年帝幸洛陽遣使以太牢祀嵩高

太武帝太延元年立廟于嵩嶽上置侍祀九十人歲

時祈禱水旱其春秋泮涸遣官率刺史祭以牲牢

有玉帛

孝文帝太和十八年帝祭嵩高

祭文曰太極分渾兩儀是生辰作乾寶嶽樹坤靈

昭彰天地吐納五精唯中挺神祥契幽經日月交暉寒暑遞成萬象合和兆類孽盈爰自化關倣慶

胥庭軒轅曜哲伊祁載形逮于有周實光洛禎川

潛龍光山隱鳳亭三才憑微七曜依明人倫傾首

百神柔誠造厥區夏歷茲三正應符代績孰不斯

營曰乎皇魏飛虬玄并螭騰穹象用九黔羸新邦

興略不猷罔清佗瓊指陰淹翠濕亭河圖曠覽升

中闕銘朕承法統誕邀休宏開物成務載鏢成齡

遷宇柳方闡繩塵城則直之興百堵若星日躔流

嵩書

卷四

四

定望篇

馥月陸芬馨鏘旋紫宿景曜黃衡鸞聲嘒嘒和

嚶嚶歸蓋如雲還輶若霆惟嵩崑崙峻極昊青惟

邑翼翼長啓魏京薦玉告虔用昭永貞納茲多福

萬國以寧

孝明帝熙平二年九月靈太后幸嵩山夫人九嬪公

主以下從者數百人昇于頂中

正光三年遣有司馳祈嵩嶽

出帝永熙二年車駕幸崧高石窟靈巖寺十二月復

狩于嵩陽

北齊

宣帝天寶元年遣使致祭于嵩嶽

孝武帝大發士卒狩于嵩山之南旬有六日時寒朝

野嗟怨中書侍郎魏收乃上南狩賦以諷焉

隋

高祖開皇十五年三月帝東巡狩望祭中嶽嵩山

唐

高宗調露元年十月帝如嵩陽觀

永隆元年二月帝如少室山

嵩書

卷四

五

宸望編

永淳元年作奉天宮于嵩山之南

弘道元年正月帝幸奉天宮四月還都

十月帝幸奉天宮十一月還都

武后垂拱四年七月改嵩山為神嶽封其神為天中

王配為天靈妃

萬歲通天元年臘月封于神嶽改元曰萬歲登封遂

禪于少室山初高宗將封禪詔諸儒國子司業李

行偉考功員外郎賈大隱草具其儀已而遇疾不

克封至是遂登封焉

二月尊神嶽天中王為神嶽天中黃帝天靈妃為天中黃后

聖曆元年二月如緱氏遂如嵩陽宮

久視元年臘月如嵩山作三陽宮四月如三陽宮寢

暑至秋乃還左補闕張說有疏極諫不從疏載章

成篇

長安元年五月如三陽宮尋武后寢疾令給事中閻

朝隱往禱少室山乃沐浴伏身俎盤為牲請代后

疾還奏會后亦愈大見褒賜共諂佞如此

嵩書

卷四

六

宸望編

玄宗開元十八年命祀嵩山以王禮仍封嶽神為天

中王歲六月遣河南守至嶽下恭祀終唐無改

宋

太祖乾德元年令有司製嶽神衣冠劔履遣使易之

乾德二年遣使祈雨于嵩嶽

開寶六年勅修嵩嶽祠廟詔縣令兼廟令尉兼廟丞

專主祀事命翰林學士盧多遜撰碑銘紀之文載

章成篇

太宗淳化六年夏四月遣使詣嵩嶽禱雨



眞字景德四年春帝如西京還車駕次鄭州遣使祀中嶽及啓母少姨廟

大中祥符四年春二月帝有事于汾陰還經洛陽望祭嵩嶽

五月詔加五嶽尊號遣冊禮使攝太尉右諫議大夫陳彭年副使攝司徒光祿少卿沈繼宗奉玉書袞章加上中嶽號曰中天崇聖帝中嶽后曰正明后命翰林禮官詳定儀注及冕服制度崇飾神像之禮以州長吏以下充祀官致祭

嵩書

卷四

七

東望篇

祭告樂章曰鍾石既作俎豆在前雲旗飛揚神光肅然當駕颺歛來乎青圓言備縉禮享茲吉蠲右迎神節彼喬嶽神明之府秩秩威儀肅肅雲宇懿號克崇庶物咸都帝藉升名式綬九土右冊入門巖巖神嶽作鎮中央肅奉徽冊尊名孔章聿降聽駕載獻蘭觴配事允洽寶祚彌昌右酌獻祇薦鴻名寅威明祀有楚之儀如在于祭奠獻既終禮容克備神鑒孔昭福禧來暨右送神

天安殿冊封樂章曰名嶽奠方帝儀先舉吉日惟

良九賓咸旅溫玉縷文纁裳正宇禮備樂成薦神之祐

七年九月命翰林學士王曾撰碑銘紀冊禮中嶽之事  
事文載章成篇

八年二月皇帝醮告于嵩山自製醮告文即建壇之地構亭立石柱刻文其上

文曰皇帝稽首言伏以列辟之規有邦之典必依憑于神化用保佑于生民禮存大享之言書著咸秩之訓上下之祀必在於交修人神之和乃臻于

嵩書

卷四

八

東望篇

多福所以勵明誠于鑒寐奉嘉薦于苾芬庶使不測之靈誕昭于忽悅無疆之應允洽于希微竊念猥以眇躬紹茲大寶荷監觀于穹昊承積累于祖宗致百福之來同由三神之儲祉向自交馳玉帛倒載干戈尉候聊存風俗無外古先盛德之事罔不繁興圓清眷祐之心由其丕顯發春戒序吉日協期夕夢先通秘文嗣降既而徇鄒魯之望幸脩云岱之上封綠錯之圖疊承于錫羨紫煙之燎言獲于升中以至輯玉于魏睢旋軫于郊鄆歛后祇

而躬祈穡事朝山園而再展孝思馳馭下臨璿源  
逖悟珍臺肇寶宇奉安將以伸通追罄輶輦定  
國陽之位方答乎天祺詣渦曲之庭先朝乎道秘  
歷平臺而駐蹕尊藝祖而建都盛則繼揚彌文悉  
舉率土脩貢輿誦多歡律呂回環未盈七載禮容  
首冠俄已三成自先置之辰汔飲至之日鴻猷景  
鑠既已有融美貺禎圖抑復無筭爾乃甘泉滋液  
神草紛披珍木交柯靈禽接羽喬雲炳蔚嘉氣氤  
氲日月揚于榮輝星宿應于瑞璫考于曩古蓋墳

高書

卷四

九

宸望篇

史之未傳萃于方今乃耳目而咸熟至若齊琬璣  
之七政和王燭之四時通範圍之書文惠海域之  
黎獻千倉之積盈儲峙于大農三尺之繁措刑辟  
于司寇顧惟眇薄成此治平故仰報于百靈用水  
安于九寓乃詢甲令于掌禮之官乃訪秘科于脩  
眞之士載念始緒儀于岱嶽俄飲至于譙都或豐  
厥牲牲或絜斯蘋藻或崇壇而斯建或靖館而斯  
臨雖復欽翼內增齋明上達然而茫茫曾宙杳杳  
方與其載無聲其功不宰高也明也豈禪竈之所

詳知經之緯之豈豎亥之所徧步穹壤之表非可  
以臆論鬼神之形莫諸乎縷見寒門所會既秩序  
而靡彰塗山所朝亦疆宇而曷識琬臺珠闕邈處  
于鴻濛之中金簡琅函莫盡于杳冥之際其有默  
熙妙用幽贊丕功或命歷之云毗或造化之攸輔  
烈風迅雨仰其節宣精氣遊魂資其陶冶或高處  
于清都紫府或下居于名山秘洞或德及庶物世  
罔之聞或力濟群生人弗之諭雖茂承于純嘏而  
終闕于豐裡茲謂弗欽何伸大報由是內懷顯若

高書

卷四

十二

宸望篇

遠考徧于廣達寅威以醺况施矧復載稽地志緬  
眺靈區挺喬嶽以奠方號下都而分治神鄉福地  
咸紀寶章乘煙御風常迴歛駕是以擇陽和之序  
瞻峻極之峰祇遣輜車遐脩醺席縷形善禱罄達  
至虔夫國之所保者民民之所尚者生生之所切  
者食食之所豐者歲儻或疵癘靡作富庶允登壽  
考可期順成常洽然後八荒之外俗變風移九服  
之中導德齊禮衣冠不異何止于緩刑文告靡施  
孰煩于用武是則天之祐也神之顧也敢不勵乃

志慙乃心以保乎盈成以戒乎逸豫兢兢為務庶  
協于永圖翼翼在懷實期乎來格無任懇倒之至  
謹告

仁宗慶曆三年遣使詣嵩嶽祈雨

神宗熙寧元年望祭中嶽

祭告樂章曰維土作德維帝御行含養載育萬物  
以成有嚴祀典薦我德馨神其歆止永用億寧右  
迎神紳鞶纓兮玉珮榮兮于我將事神燕喜兮帝  
命望祀敢有不共往返于位肅肅雍雍右升降祀

嵩書

卷四

十一

宸望篇

以崇德幣則有儀肅我將事登降孔時精明純潔  
罔有弗祇史辭無媿神明來娛右奠王帛高廣融  
結實維中央宣氣報功利彼一方坎壇以祀六樂  
鏘鏘靈其有喜酌以大璋右酌獻言旋其處以奠  
中域無替厥靈四方是則神永不息祀永不懈以  
享以報千萬斯年右送神

高宗紹興十四年望祀中嶽令有司製嶽神衣冠劍  
履遣使易之

祭告樂章曰天作高山屹然中峙經營厥宇萬億

咸遂火熙土王爰舉時祀繩繩宜延彷彿來止右  
迎神思來感格肅雍不忘禮儀既備濟濟踴踴潔  
蠲致敬往薦其方交若有承神兮孔饗右初獻盥

洗升降練日有望高靈來下何以告誠心惟物假

有籓斯實有寶斯藉于以奠之神光燭夜右奠玉

帛與天齊極伊嵩之高顯靈效異神休孔昭飭我

祀事實俎鸞膺以侑旨酒其馨有椒右酌獻禮樂

既成肅容有常奄忽消搖申畢重觴仰臚所求降

福滂洋師象山則以況皇章右亞終獻虞至旦兮

嵩書

卷四

十二

宸望篇

靈亦有喜蹇欲驤兮象輿已轆粥音送兮靈聿歸  
以長無極兮錫我以祉右送神

金

世宗大定四年祭中嶽于河南府十四年勅修其廟  
至二十二年廟成命翰林待制黃久約撰碑文載  
章成篇

元

世祖至元三年六月遣祀嵩山于河南府境

五年六月遣使王沂祀中嶽

二十八年加上中嶽為中天大寧崇聖帝

詔曰朕惟名山大川國之秩祀今嶽瀆四海皆在封宇之內民物阜康時惟神休而封號未加無以昭答靈貺可加上中嶽中天大寧崇聖帝仍遣官詣祠致告以稱朕敬恭神明之意命玄教宗師張留孫必闡赤養哥齋奉錦旛香帛致祠下  
仁宗延祐六年春皇太后遣侍臣齋楮幣詣中嶽設醮

順帝至正九年春遣內臣資善大夫宣政院使伯顏高書  
卷四  
主一  
宸望篇

忽都馳驛奉錦幡白金銀盒祀中嶽

十四年春正月遣使奉香幣祀中嶽

二十五年遣翰林應奉李國奉代抵汴路即城中望祭中嶽

大明

太祖高皇帝洪武三年釐正神號有詔嶽鎮海瀆並去其前代所封名號止以山水本名稱之嵩山稱中嶽嵩山之神七月遣典寶彭恭祭告

御製祭文曰磅礴中國之中參穹靈秀生同天地形

勢巍然古昔帝王登之察地利以安生民故祀之

曰嵩山於敬則誠於禮則宜自唐始加神之封號歷代相因至今曩者元君失馭海內鼎沸生民塗炭予起布衣承上天后土之命百神陰佑削平暴亂正位稱尊職當奉天地享鬼神以依時統一人民法當式古今寰宇既清特修祀儀因神有歷代之封號予起寒微詳之再三畏不敢效蓋神與穹壤同始靈鎮中央其來不知歲月幾何神之所以靈人莫能測其職必受命于上天后土為人君者何敢預焉予慎不敢加號特以中嶽嵩山名其名依時祀神惟神鑒知

高書

卷四

主二

宸望篇

十年八月遣中山侯湯和致祭中嶽

御製祭文曰予荷上天后土之眷命蒙神之效靈以致平群雄息禍亂君主黔黎于華夏統控蠻夷于今十年中國康寧然于神之祀若以上古之君言之則君為民而禱載有春祈秋報之禮于斯之祀有望于神而祭者有狩于所在而燎瘞者今予自建國以來十年于茲國為新造民為初安是不得

親臨所在而祀神也特遣開國功臣湯和道士陳玉京劉崇玄以如予行奉犧牲祝帛于祠下以報效靈自今以後歲以仲秋詣祠致祭惟神鑒知

十二年八月遣使鄭允存致祭中嶽

祭文曰惟神鍾秀嵩高中山巨鎮封表有年功養民社時維仲秋禮當報祀特命使者奉犧牲祝帛詣祠致祭

二十八年七月以征廣西蠻夷酋長遣國子監生祭告中嶽

嵩書

卷四

五

宸望篇

御製祭文曰昔者元運將終英雄並起民受其殃時予亦與群雄並驅輯兵保民上帝默相山川受命效靈所在必克轉戰五年餘方乃兵偃民息衆樂生生之計天下太平二十八年今洪武乙亥四月間廣西布政司報蠻夷酋長龍州趙宗壽奉議州黃世鐵不循治化負固殃民兵興之事本重旣行不敢不告所以告者兵行十萬各離父母妻子途間饑飽勞逸山嵐瘴氣染患者有之此兵行之難兵入其境良民受害荆棘生焉民驚且移未有不

傷此其所以告也其所以告者但願瘡痍之方化煙嵐為清涼之氣早殄渠魁良善安業軍士速回各得完聚以養父母是其禱也然予未敢徑告上帝惟神鑒之為予轉達

三十年九月以征西南苗夷遣使祭告中嶽

成祖文皇帝即位遣使姜士喧祭告中嶽洪武三十

祭文曰惟神職司中央掌天地中和之氣雨暘時

若災沴不興神功有焉載在祀典歷代咸尊惟我

太祖高皇帝以神武定天下崇奉禮祭洋洋感格三

嵩書

卷四

六

宸望篇

十餘載黎庶雍熙建文昏愚姦臣竊柄神明弗佑四海離心朕奉

祖訓來清群惡荷天地山川之靈戰無不捷堂堂之

陣直抵京師豈期建文闔宮自燼朕以諸王大臣

再三推戴於六月十七日躬即帝位嗣守

高皇帝大業既已昭告于天地社稷必當徧告于名

山大川茲特遣官祭以牲醴惟神有知體朕至意

尚祈靈佑助我

皇明

永樂四年七月以征安南遣監生李庸祭告中嶽

祭文曰昔者姦臣構禍屠害諸王以及于予不得已以兵救民賴皇天眷祐嶽鎮海濱效靈獲定內難遂安宗社爰自即位以來休息黎庶普天率土均視同仁今安南賊人黎季犛及子黎蒼驕盈兇悖屢犯邊疆首侵思明府祿州等處地方予爲寬容不肯興師問罪但遣使諭使還地黎賊巧詞支吾所還之地多非其舊還地之後復據西平州逼脇命吏又侵寧遠州地方占管人民殺擄男女邊

嵩書

卷四

七

宸望篇

境之人數年之內罹其荼毒豈可勝言况安南之人受其禍害不遺一家占城之地被其劫掠已踰數歲遣人告諭冀其改過罔有悛心益驕益盛予爲天人之主恭天成命安忍坐視民患而不之救今特命將出師聲罪致討實出予之所不得已心在救民豈敢用兵尚念兵士遠行離其父母妻子山川險阻嵐瘴鬱蒸跋涉勞勤易于致疾予惟念此濱用不寧萬冀神靈鑒予誠悃聞于上帝賜以洪庥潛消瘴癘大振兵威早殲渠魁永安遐壤今

年七月十六日兵行特遣人致香幣牲醴先詣神所謹告

五年五月以平安南遣監生屈伸祭告中嶽

仁宗昭皇帝洪熙元年二月以即位遣大理寺右寺

丞楊復祭告中嶽

祭文曰巖巖嵩嶽永鎮中土時出雲雨用育萬物

嗣位之初聿嚴告祀翼我皇祚尚賴神庥

宣宗章皇帝宣德元年三月以即位遣右都御史王

彰祭告中嶽

嵩書

卷四

七

宸望篇

祭文曰惟神永奠中土阜成民物參贊之功國有賴焉予嗣位之初特用祭告神其昭鑒惠我邦家十年五月以祈年遣登封縣知縣梁成致祭中嶽祭文曰予新嗣祖宗大位統理下民夙夜惓惓養民爲務尚祈神靈陰隆助相俾雨暘時順災沴不生百穀用成民用康濟國家清泰永賴神庥謹以香幣達予至誠惟神鑒格

英宗睿皇帝正統元年正月以即位遣使祭告中嶽祭文曰惟神巍巍喬嶽奠茲中土民物育成允賴

神化予嗣承大統祇嚴祀禮惟神歆格永祐群生  
二年五月以祈年遣登封縣知縣孫謙致祭中嶽

祭文曰朕祗御下民永懷保恤百穀長育茲惟厥  
時顯冀明靈特隆敷祐無災無沴時雨時暘作歲  
豐穰以穀黎庶

九年四月以大旱禱雨遣翰林院編修薩琦致祭中  
嶽

祭文曰予奉天育民愧涼于德致茲久旱災及群  
生夙夜省躬中心惓切神司方嶽憂憫諒同雨暘

嵩書

卷四

九

宸望篇

以時宜任其責特茲致禱尚冀感通弘布甘霖用  
臻豐稔匪予之惠時乃神庥

景皇帝景泰元年閏正月以即位遣給事中奚倫祭  
告中嶽

祭文曰越茲中土嵩嶽惟崇民物奠安厥功允茂  
予嗣承大統謹用祭告惟神歆格永祐家邦

四年三月以多雨雪遣右副都御史王暹祭禱中嶽  
祭文曰惟神奠鎮茲土以庇利為職比聞連歲伏  
陰雨雪過多農事難舉人民乏食困憊不勝朕心

憫惻此固朕之不德所致然念朕與神受育民之  
責于天其任惟均而神則又獨司陰陽闔闢之機  
物理變化之運忍令此沴為民病乎咎固當歸于  
朕神亦焉得而辭故敢以告尚冀神庥大布陽和  
之惠溥成發育之功專候感通以慰輿望

四年七月以旱及河決遣翰林院編修吳匯祭禱中  
嶽

祭文曰國以兵民為本兵民以食為天仁政所先  
孰加于此方秋百穀將實重以漕運方殷雨澤罕

嵩書

卷四

十

宸望篇

敷河流多決兵民所望疇當副之夫朕為國子民  
而神為民捍患實皆天職然有司存朕所能為豈  
敢畏難于朝夕神之易舉詎可辭勞于指麾沛膏  
雨以作豐年助順流而為通道願有禱也冀無負  
焉

五年四月以祈年遣給事中何陞致祭中嶽

祭文曰茲者農務方殷所憂旱澇豐歉所係尤切  
朕心神主茲方計不異此雨暘時若其職在神尚  
運神機俾從民欲民苟遂豐登之願神益彰庇利

之仁專俟感孚以慰虔禱

六年閏六月以旱災祈禱遣左副都御史馬謹致祭中嶽

祭文曰恭承天命重付眇躬民社所依災祥攸繫志恒內省政每外垂茲者雨澤不敷河流欠決舟舡淺滯禾稼焦萎災患由臻公私所病窮惟所自良有在茲然因咎致災固朕躬罔避而轉患為福實神職當專夫有咎無福過將惟一而轉患為福功孰與均特致懇祈幸副懸望

嵩書

卷四

主

宸聖編

天順元年二月以復辟遣通政司參議兼翰林院侍

講劉定之祭告中嶽

祭文曰嵩高維嶽表茲中土奠安民物厥功茂焉

予復正大統謹用祭告惟神歆格永佑家邦

憲宗純皇帝成化元年三月以即位遣給事中袁愷

祭告中嶽

祭文曰惟神毓秀鍾靈永表中土奠安民物萬世

允賴茲予嗣承大統謹用祭告神其歆鑒佑我國

家

四年五月以祈年遣河南左布政使孫遇致祭中嶽

祭文曰比歲以來多方災沴雨暘不時我民用瘁民之瘁矣予曷為懷神矜于民忍降以災德澤崇渙就與神侔祈贊化機溥天之休責躬修行予敢弗篤庶幾與神同作民福

十三年五月以災異遣右副都御史張瑄祭禱中嶽祭文曰國家敬奉神明聿嚴祠祀所期默運化機庇佑民庶乃近歲以來或天時不順地道不寧或雷電失常雨暘爽候或妖孽間作疫癘交行遠近

嵩書

卷四

主

宸聖編

人民頻遭饑饉流離困苦痛何可言惕然于衷罔知攸措惟神奠鎮一方民所恃賴觀茲災沴能不究心是用特具香幣遣官祭告尚冀體上帝好生之德鑒予憂憫元元之意幹旋造化弘闡威靈捍患禦災變禍為福庶幾民生獲遂享報無窮惟神鑒之

二十年三月以大旱及地震遣右副都御史趙文博

祭禱中嶽

祭文曰朕在位二十餘年禮神恤民夙夜在念何



去秋至冬雨雪全無方今春首地震京師年麥無收成之望士民懷艱窘之憂朕心惻然惓切曷已惟神奠安中土作鎮一方久享民祀寧不究心茲特遣人敬齋香幣用告于神尚冀弘闡明靈參贊造化默奪潛消俾雨暘時若物阜民康宗社奠安而神亦血食永永矣

二十三年六月以旱禱雨遣兵部右侍郎呂愛致祭中嶽

祭文曰今歲自春及夏天時亢旱雨澤不降田苗

萬壽

卷四

重刊 宸望篇

枯槁黎庶憂惶予甚兢惕側身修省虔致禱祈惟神矜民寧不旋幹大霈甘澤以滋禾稼以濟民艱庶民有豐稔之休則神亦享無窮之報

孝宗敬皇帝弘治元年四月以即位遣武安侯鄭英

祭告中嶽

四年四月以旱禱雨遣太常寺少卿李璋致祭中嶽六年四月以旱禱雨遣右副都御史徐恪致祭中嶽十年四月以旱禱雨遣右副都御史陳道致祭中嶽祭文曰自去冬及今春以來亢旱為虐雨澤少降

麥苗枯槁田野荒蕪黎庶憂惶予甚兢惕側身循省虔致禱祈惟神矜民幹旋造化大霈甘澤以濟民艱庶年穀有豐稔之休則神亦享無窮之報武宗毅皇帝正德元年五月以即位遣鴻臚寺卿楊瑢祭告中嶽

四年二月以旱禱雨遣河南布政司右參議詹璽致祭中嶽

祭文曰今歲以來雨暘愆候田苗枯槁黎庶憂惶予心兢惕虔致禱祈惟神矜民旋幹太和式調和

萬壽

卷四

重刊 宸望篇

氣以濟民艱庶民有豐稔之休神亦享無窮之報六年十月以寧夏平水旱盜賊交作遣河南布政司右參政胡拱致祭中嶽

祭文曰去歲以來寧夏作孽命官致討逆黨就擒內變肅清中外底定匪承洪佑曷克臻茲因循至今未申告謝屬者四方多事水旱相仍餓莩載途人間困苦盜賊嘯聚勦捕未平循省咎由實深兢惕伏望神慈昭鑒幽贊化機災沴潛消休祥協應佑我家國永庇生民

八年四月以盜賊水旱災異遣河南布政司右參議董銳祭禱中嶽

祭文曰近歲以來群盜為梗生靈被害在在有之命將徂征稍臻平定餘災未殄尚累天和水旱相仍妖祥疊見永思厥咎良切疚心爰與群臣飭躬修政同期昭格庸迓神庥伏冀神明憫茲黎庶轉災為福綏我邦家不勝惓惓懇禱之至

世宗肅皇帝嘉靖元年四月以即位遣太常寺少卿張衍瑞祭告中嶽

高書

卷四

五

東望篇

八年五月以災異遣河南按察司僉事李順孫祭禱中嶽

祭文曰朕奉天命子育萬民所冀歲穩時和災患不作惟神是賴茲者各處旱乾火災疫癘流行變異非常人民流離死亡者衆廷臣以告朕心惻然惟神廟食茲土作鎮一方見此困窮寧不矜憫用是命官齋捧香帛特遣守臣潔齋備儀詣祀致祭為民請命伏望明神大彰靈應潛幹化機時賜雨澤用消凶沴變儉歲為豐年躋貧閭為壽域庶稱

朕奉天子民之意中心懇切惟神鑒知

九年六月以災異遣右副都御史徐讚祭禱中嶽

祭文曰比歲各處山崩地陷產妖隕星水旱蝗虫火災疫癘人民流殍變異非常沴降自天朕心憂懼惟神司鎮茲土利濟一方觀斯困窮寧不矜惻遣齋香帛特命撫臣備儀致齋潔誠申禱伏望明彰靈應幹旋化機時賜雨暘潛消災變豐年有望澤我民生庶免朕愆神其鑒庇

十一年六月以祈嗣遣河南府知府范總致祭中嶽

高書

卷四

五

東望篇

祭文曰惟神鍾靈孕秀鎮奠一方陰翊國家其來尚矣朕以寡昧恭承天命十有一年于茲敬事神祇罔敢少懈顧儲宮未立恒切于懷茲者特具牲帛醴齊遣官虔禱伏望茂著神功錫予元嗣則我國家綿慶禩于無窮而神亦享福祚于有永矣十七年七月以誕生元子遣河南府知府張承恩祭謝中嶽

祭文曰比歲嘗命官禱嗣于神昨丙申孟冬之吉仰荷天賜元儲亦神所贊佑者茲用致謝神其鑒

歆而永惟默佑焉

三十三年五月以凶荒災異遣右副都御史鄒守愚

祭禱中嶽

祭文曰朕奉天命子育萬民所冀歲稔時和災害不作邇者各處地方水旱兵荒人民遭厄危亡載路災變異常朕心憂惕惟神上奉帝命奠位一方諒垂矜憫爰命潔士齋捧香帛特遣撫臣備儀竭虔詣祠致祭所冀明神大彰靈應潛幹化機俾氣序順調雨暘時若弭解災劫溥資豐泰庶同朕奉

萬壽

卷四

五

宸望篇

天子民之意而神亦享祀于無窮矣

四十年八月以萬壽聖節遣右副都御史蔡汝楠祭禱中嶽

祭文曰惟予嗣續丕圖仰承帝眷恢張治化乂寧邦家匪資神力匡扶曷克導迎景貺茲今八月初十日寔為初度之辰命官齋捧香帛前詣祭告惟神鎮奠一方耀靈炳績冀永贊天錫佑輯福眇躬集慶凝祥以延萬載之庥

四十三年八月以萬壽聖節遣戶部右侍郎兼右僉

都御史遲鳳翔祭禱中嶽

祭文曰予上承天保六甲開昌下撫坤圖百神受職茲八月初十日乃予初度之辰爰命觀士齋捧香帛前詣祭告惟神凌霄奠域拱祚衛邦所冀裒祥歛福永固壽基以崇大慶于一人以普隆庥于萬宇

穆宗莊皇帝隆慶元年十月以即位遣都督周于德祭告中嶽

萬壽

卷四

五

宸望篇

祭文曰惟神受命昊天永表中土布氣宣和民物允賴茲予嗣續丕圖謹用祭告神其歆鑒以保定我億萬年隆慶之基

今皇帝萬曆元年四月以即位遣光祿寺寺丞岳相祭告中嶽

祭文曰惟神受命昊天永表中土布氣宣和民物永賴茲予嗣續丕圖謹用祭告神其歆鑒以保定我億萬年無疆之基

十五年二月以旱災遣河南巡撫右副都御史衷貞吉祭禱中嶽

祭文曰比者雨暘不時災沴疊見為民請命責在朕躬特茲遣官虔伸祈禱惟神默鑒率職效靈拯民艱食之災錫國有年之慶

臣梅恭讀

列聖有事中嶽祝文自釐正神號外嗣統御極則有祭兵興奏凱則有祭祈年禳災則有祭天子臨軒而遣之使臣持節而行之非為國祝釐則為民請命禮從義肇疏審不常其他一切春祈秋報之儀聽有司歲時自率其職不以

嵩書

卷四

无

廣聖篇

君命將之矣雖以

肅皇帝享國綿長篤隆齊祀而禱嗣祝齡之舉亦不再三賁焉敬而能遠書而可法其視前代縟節靡文誣神勞衆祇導侈而明詔者相去不天地懸隔哉謹綴數詞末簡俾後人知本朝度越前代者非復一事也

嵩書卷之四終

門人

傅性良  
崔冲奎  
校字

嵩書卷之五

嶽生篇

文林郎登封縣知縣傅梅元鼎撰

外方長曰人之生衆矣從古以來與草木鳥獸同生滅者至無筭矣上下數千年計代以數可得而屈指也聖賢豪傑皆間氣所鍾申甫之生歸於嶽降語曰地靈人傑豈不互為倚藉哉蓋予嘗登嶽矣登已高矣左右四顧尚巍巍然山在其上也其若處名賢之側乎許由不受堯禪而巢父樊仲競抗高節故曰一夫善射百夫決拾西伯居岐胥附奔奏先後禦侮為之四鄰孔子生於尼丘齊魯之間文學比於天性人之重於地也豈不彰彰哉為嶽所生之人者嶽實藉之欲毋顯得乎

陶唐

許由

許由字武仲陽城人隱於沛澤之中堯聞之致天下而讓焉由辭曰為天下之不治與而既已治矣鷦鷯巢林不過一枝偃鼠飲河不過滿腹惡用天下遂之

箕山之下潁水之陽耕而食終身無矜天下之色及  
歿葬於箕山後世遂名曰許由山一說堯之讓由也  
由以告巢父父曰汝何不隱汝形藏汝光若非吾友  
也擊其膺而下之由悵然不自得乃過清冷之水以  
洗其耳拭其目曰嚮聞貪言負吾友遂去終身不相  
見

張華博物志稱司馬遷云無堯以天下讓許由事  
楊雄亦云誇大者為之樓賜叔愛日抄云從來人  
是以莊周盡是寓言却不曾演說如堯讓許由依舊  
是藉此人蓋申呂許甫皆四岳之後許由亦其一  
也以當時當四岳觀之則堯有讓四岳事但周之  
言文飾過當耳左傳云夫許太岳之後杜注云堯

高書

卷五

二 藏生篇

四岳則太岳非由乎高士傳堯名許由為九州長  
豈即岳之任歟按伯夷傳太史公云箕山有許由  
塚是不疑為無是人矣古人之名不見於六藝何  
止由光而統欲蔑之耶楊誠齋有詩子雲到老不  
曉事不信人間有許由  
子雲之見議於人宜矣

巢父

巢父與許由為友嘗以樹為巢而處其上故號巢父  
堯以天下讓許由巢父聞之以為汚乃臨池而洗其  
耳池主怒曰何以汚我水池主蓋即樊仲父也一說  
許由不受堯讓洗耳於潁水巢父牽犢欲飲之見由  
問其故對曰堯欲召我為九州長惡聞其聲是故洗

耳巢父曰子若處高岸深谷人道不通誰能見子子  
故浮游欲聞求其名譽汚吾犢口即牽犢上流飲之

樊仲父

樊仲父與巢許同時人飲牛河上見巢父洗耳怒汚  
其水乃牽牛飲於上流曰恐汚吾牛口也

按漢紀載朱寵為潁川太守以正月歲首宴賜群  
吏問公曹吏鄭凱曰聞貴郡山川多產奇士前賢  
佳哲可得聞乎對曰鄙郡炳嵩山之靈受中嶽之  
精是以聖賢龍蟠俊乂鳳集昔許由巢父耻受堯  
陽城由此觀之三人皆嵩產也

周

高書

卷五

三 藏生篇

甫侯

甫侯亦稱呂侯穆王之司寇也時穆王耄荒侯恐其  
重行刑罰故作呂刑訓王用贖罰之刑功加百姓為  
周賢臣詩曰維嶽降神生甫及申維申及甫維周之  
翰蓋尹吉甫美申伯而並及甫侯也甫侯未知其國  
所在詩及禮記  
與楚商與殷也

申伯

申伯姜姓侯爵國於申今南陽有申城是其國也以其為方伯故  
稱申伯實宣王母舅嘗出封於謝尹吉甫作嵩高之

詩以叙其功業而送之

顯孫師

顯孫師字子張陽城人見鄭玄目錄少孔子四十八

歲

秦

陳勝

陳勝陽城人字涉少時嘗與人傭耕輟耕之壟上悵然久之曰苟富貴無相忘傭者笑而應曰若為傭耕何富貴也涉大息曰嗟乎燕雀安知鴻鵠之志哉秦

高書

卷五

四 蘇生篇

二世元年乃自立為楚王都於陳後為其御莊賈殺以降秦謚曰隱

漢

王霸

王霸字元伯潁陽人少為獄吏常慷慨不樂吏職父奇之遣西學長安漢兵起光武過潁陽霸率賓客上謁曰將軍興義兵竊不自知量貪慕威德願充行伍光武曰夢想賢士共成帝業豈有二哉遂從擊破王尋王邑於昆陽及光武為大司馬以霸為功曹令史

從度河北賓客稍稍引去光武謂霸曰潁川從我者

皆逝而子獨留努力疾風知勁草及王郎起光武在

薊郎移檄購光武令霸至市中募人將以擊郎市人

皆大笑舉手邪揄之霸慚懷而還光武即南馳至下

曲陽傳聞王郎兵在後從者皆恐及至虋沱河候吏

還白河水流澌無船不可濟官屬大懼光武遣霸往

視之霸恐驚眾欲且前阻水說曰冰堅可渡官屬皆

喜遂前比至河河水亦合乃令霸護渡未畢數騎而

冰解光武謂霸曰安吾眾得濟免者卿之力也以爲

高書

卷五

五 蘇生篇

軍正爵關內侯後以功定封淮陵侯

祭遵

祭遵字第孫潁陽人少好經書家富給而遵恭儉惡衣服喪母負土起墳嘗為部吏所侵結客殺之縣中皆憚焉及光武破王尋等還過潁陽遵以縣吏進見愛其容儀署為門下史尋為軍市令舍中兒犯法遵格殺之光武怒欲收遵主簿陳副諫曰明公常欲眾軍整齊今遵奉法不避是教令所行也乃貸之以為刺姦將軍詔諸將曰當備祭遵吾舍中兒犯法尚殺

之必不私諸卿也尋拜為偏將軍從平河北有功拜征虜將軍定封潁陽侯卒謚曰成

### 祭彤

祭彤字次孫遵之弟早孤以至孝見稱光武初以遵故拜黃門侍郎常在左右及遵卒無子帝追傷之以彤為偃師長使近遵墳墓四時奉祠之彤有權略視事五歲縣無盜賊課為第一遷襄贛令有異政拜遼東太守鮮卑萬餘騎入寇彤率數千人擊破之敵人震懾不敢窺塞後又招誘鮮卑屢擊匈奴邊無寇警

高書

卷五

六

徽生篇

### 杜密

杜密字周甫陽城人為人沈質少有厲俗志為司徒胡廣所辟稍遷代郡太守三遷太山太守所至有聲行春到高密縣見鄭玄悅之召署郡職遂遣就學後密去官還家為太守王昱所重桓帝徵拜尚書令遷河南尹轉太僕黨事起免歸本郡與李膺俱坐而名

行相次故時人亦稱李杜焉後坐黨事被徵自殺北魏

### 韓褒

韓褒字弘業其先潁川陽城人也少有志尚好學而不守章句及長涉獵經史漢沈有遠略魏建明中起家奉朝請遷大中大夫尋避亂於夏州時太祖為刺史素聞其名待以客禮大統初遷行臺左丞後累遷官至驃騎大將軍開府議同三司進爵為公至天和三年轉鳳州刺史尋以年老致仕五年拜少保褒歷事三帝以忠厚見知高祖深相敬重以師道處之卒謚曰貞

高書

卷五

七

徽生篇

唐

### 李中敏

李中敏字藏之潁陽人系出隴西元和中擢進士第性剛峭以文辭氣節相尚由江西觀察判官入拜侍御史鄭注誣逐宰相宋申錫天下以目太和六年大旱詔詢所以致雨者中敏時以司門員外郎上言昔東海誤殺一孝婦大旱三年宋申錫位宰相生平勁

正姦人忌之陷不測之辜獄不參驗銜恨而沒天下士皆指目鄭注臣知申錫必訴於上帝天之降災殆有由然何惜斬一注以快忠臣之魂則天且雨矣帝不省中敏以病告歸潁陽注誅遷諫議大夫再遷給事中以言忤仇士良復棄官去開成未為婺杭二州刺史卒於官

宋

### 王忠民

王忠民潁陽人幼通經史自靖康以來數言邊方利

嵩書

卷五

九二 藏生篇

害於朝屢召弗至高宗渡江忠民隱居不出諸鎮程興等皆重之弗能致張浚授以迪功郎不受興徙治藥川忠民避地南下遇商輅鎮撫使董先於內鄉留軍中事以師禮時劉豫僭立忠民作九思圖及定亂四策達之金主及鏤板印圖散於偽境以明天下之義紹興三年翟宗薦其忠節於朝特授宣敎郎忠民上疏辭官言臣憤金人無道故三上金主書乞還二帝本心報國非冀名祿上不許忠民以詰置牘中藏七寶山下力懇求去復依董先軍中遂不出

### 范弇

范弇學究居嵩山之小市曰金店古貌性直君子人也鄰有酒肆弇題詩云飲酒二升糴麥一斗磨麵五斤可飽十口遇歲時歌樂喧集鄉人競觀弇閉戶讀書自若也又作戒訟詩有羸猫賣牛之喻言雖俚鄉人畏而服之

見王達過庭錄

大明

### 范讓

范讓字謙甫登封人童州時負奇識不與凡流伍潛

嵩書

卷五

九二 藏生篇

心經史閉戶誦讀鄉里高其行洪武初以明經薦遊太學所締交皆一時名士聲譽益起仕至通政司左參議在官廉慎不受私謁卒之日家無餘貲今祀鄉賢

### 李榮

李榮登封人性資明敏讀書過目輒能成誦博極群書為文不事雕刻而大義了了洪武中以儒術舉擢鳳陽府知府為政敦尚教化弗任刑威有循良之譽未幾解組歸田以壽考終



傳文

傅文字公器登封人正統中第進士授戶部主事居錢穀之司以廉潔自勵奉差權稅許墅關一切羨緡悉籍上之毫釐不潤私橐遷南京刑部員外郎曹務簡寂益肆力於墳典以吟詠自娛考滿赴都便道過里暴疾卒於家子孫鬻其衣以葬嵩山諸勝多有遺詩惜方進而遽沒也

李錫

李錫登封人以貨入國子監正德三年授浙江嘉善

嵩書

卷五

十一

嘉善

縣主簿六年江西姚源洞土寇王浩八等作亂所至焚劫浙鄰境戒嚴會兵討之八年春錫奉檄隨同知伍文定等駐兵華埠應援錫與指揮張琳分領左哨三月初八日大戰追賊過溪至埕田立砦賊不敢動十五日復與賊戰錫手斬三級賊忽決水兼兩作溪漲戎馬還潭被擒錫不屈以頭觸賊遂遇害事聞勅贈嘉善知縣廕一子為太學生

王中

王中登封布衣也蚤喪父事孀母二十餘年不怠及

母歿廬于墓側就墳傍高原鑿井資汲淡而無水中拜禱泉忽湧出人皆異之朝暮蔬食栝髮不梳衣履敝壞不易三年如一日也洪武十六年有司上其事詔旌表其門

語云溪山大澤實生龍蛇地氣所鍾人固有之詩所以詠嵩高也然以窘于文獻三代而後逸其名與事者多矣他姑無論即如胡元安體曾參之至行履樂正之純業喪親泣血骨立形存精誠洞于神明雉兔集其左右出于潁陽此鄭凱對朱寵之

嵩書

卷五

十一

嘉善

言也而史臣不為立傳無所攷其家世歷履由此推之前代之事其挂一漏萬可勝道哉幸明興未遠故老可詢予叨牧此方搜羅前徽往烈即甚微者亦備載邑乘中至若焦太僕之名德崔憲副之仁孝足稱郡國表儀予式問已久一則壽考未艾一則宦業方新他日自有後死者傳之矣

嵩書卷之五終

門人何流清校字

嵩書卷之六

文林郎登封縣知縣傅梅元鼎撰

宦履篇

外方長曰山川有勝槩而冠蓋萃止固足樂也然當世則榮暢沒則已焉此亦山川之羞矣每觀古之君子宦轍所至後代侈為美談山頭片石名為墮淚即種黍八十日亦千載俎豆之何令人仰止若此哉嵩山介在汝洛之間非都會仕國可比賴考叔詭隨悟其君以封人見稱於左氏取節焉耳漢魏以來逾益

嵩書

卷六

一

宦履篇

寥寥矣得非輦上君子實鮮韻人耶趙宋立宮祠以處退休之臣提舉管勾於崇福者先後絡繹大抵皆館閣名流此亦嵩山之一時也蓋朝廷以此羈縻搢紳搢紳者不得意亦往往乞就此官借巖谷優游以發紆其約結不平之氣亦未為不幸矣予次第其行蹟與綰綬臨民者並臚列成篇用以自鏡焉

周

賴考叔

賴考叔襄城人春秋時為鄭賴谷封人鄭莊公既克

弟段於鄆遷其母武姜於城賴而誓之曰不及黃泉

無相見也考叔聞之有獻於公公賜之食食舍肉公

問之對曰小人有母皆嘗小人之食矣未嘗君之羹

請以遺之公曰爾有母遺繫我獨無考叔曰何謂也

公語之故且告之悔考叔曰若掘地及泉隧而相見

夫孰曰不然公從之遂為母子如初括地志云潁水

縣東南三十里陽乾山今俗名潁山泉源出山之高

東谷其側有古人居處俗名為潁墟故老云是潁

考叔之故居即鄭道元

注水經所謂潁谷也

漢

卷六

二

宦履篇

丁綝

丁綝字幼春潁川定陵人王莽末守潁陽尉世祖略地潁陽城守不下綝說其宰遂與俱降世祖大喜厚加賞勞以綝為偏將軍因從征伐綝將兵先度河移檄郡國攻營略地下河南陳留潁川二十一縣建武元年拜河南太守及封功臣帝令各言所樂諸將皆占豐邑美縣唯綝願封本鄉或謂綝曰人皆欲縣子獨求鄉何也綝曰昔孫叔敖勅其子受封必求境壤之地今綝能薄功微得鄉亭厚矣帝從之封定陵新

鄉侯後徙封陵陽侯

朱寵

朱寵字仲威京兆杜陵人安帝中為潁川太守表孝  
悌儒義理冤獄撫孤老功曹主簿皆選明經有高行  
者每出行縣使文學祭酒佩經書前驅頓止亭傳輒  
復敕授周旋阡陌勸課農桑吏安其政民愛其禮所  
至縣界父老迎者常數千人寵乃使三老御車問人  
得失百姓翕然治甚有聲延光二年嘗建嵩山啓母  
廟石闕勒銘其上後徵入為大鴻臚拜太尉順帝永  
建四年以陰陽不和免寵立朝數抗直言雖為三公  
臥布被僅能覆身食脫粟米藜藿不厭子弟同衣而  
出并日而食將薨遺其子曰吾本寒賤諸生才非周  
幹橫受朝恩位過其任不能竭身報國負責深重身  
沒之後百僚所賻贈一無所受素棺殯殮疏布禪衣  
無設紋冕殮畢便以所有車牛載喪還鄉里勿告群  
僚以密靜為務

北朝

柳檜

高書

卷六

三

官履編

柳檜字季華性剛簡任氣少文善騎射果於斷決年

十八起家奉朝請尋除陽城郡丞大統間累遷持節

撫軍大都督居三載徵還京師時兄蚪為祕書丞弟

慶為尚書左丞檜曰兄則職典簡牘褒貶人倫弟則

管轄群司股肱朝廷可謂榮寵矣然而四方未靜車

書不一檜唯當蒙矢石履危難以報國恩耳尋從大

將軍王雄討上津魏興平之即除鎮魏興華陽二郡

會黃衆寶謀反圍檜連戰積十餘日城陷遂為賊所

獲既而賊衆圍梁州縛檜置城下令誘城中檜乃大

高書

卷六

四

官履編

呼曰群賊烏合糧食已罄行即退散各宜勉之賊大

怒遂殺之城中人皆為之流涕贈東梁州刺史

張乾雄

張乾雄武城人有才器秦孝王俊為秦州總管選為

法曹參軍王嘗親案囚徒乾雄誤不持狀口對百餘

人皆盡事情同輩莫不歎服後歷陽城令有政績

唐

陸餘慶

陸餘慶蘇州吳人陳右衛將軍珣之孫方雅有祖風

已冠名未顯兄玄表喈曰爾名宦不立奈何餘慶感  
激閉戶誦書三年以博學稱舉制策甲科累遷陽城  
尉武后封嵩以辦具勞擢監察御史以招慰蕃酋遷  
殿中侍御史鳳閣舍人尋降左司郎中餘慶於寒品  
晚進必悉力薦藉人有過輒面折退無一言開元初  
為河南河北宣撫使薦富春孫逖等名士數人尋遷  
大理卿終太子詹事謚曰莊雅善趙貞固盧藏用陳  
子昂杜審言宋之問畢構郭襲微司馬承禎釋懷一  
時號方外十友餘慶才不逮子昂而風流敏辨過之

嵩書

卷六

五

宦履編

生平以道自將雖仕不赫赫訖無悔尤

### 顧少連

顧少連字夷仲蘇州吳人舉進士擢上第以拔萃補  
登封主簿邑有虎孽民患之少連命塞陷穽獨移文  
獄神虎不為害御史大夫于頔薦為監察御史德宗  
幸奉天徒步詣謁授水部員外郎翰林學士再遷中  
書舍人歷吏部侍郎時裴延齡方橫無敢忤者嘗與  
少連會田鎬第酒酣少連挺笏曰段秀實笏擊賊臣  
今吾笏將擊姦臣奮且前元友直在坐勸解之改京

兆尹尋遷吏部尚書封本縣男徙兵部為東都留守  
歷官多政績號良吏卒年六十二贈尚書右僕射謚  
曰敬

### 盧殷

盧殷范陽人元和中官登封縣尉能為詩自少至老  
詩可錄傳者凡千餘篇無書不讀然止用以資為詩  
與諫議大夫孟簡協律孟郊監察御史馮宿好期相  
推挽卒以病不能為官在登封盡寫其所為詩抵故  
宰相東都留守鄭公餘慶鄭公數以帛米周之書薦

嵩書

卷六

六

宦履編

宰相宰相不能用竟死於官將死自為書告友人河  
南令韓愈曰為我具棺並為銘其墓愈如其言遂葬  
嵩下

宋

### 范仲淹

范仲淹字希文蘇州吳縣人初舉進士為廣德軍司  
理參軍累遷大理寺丞秘閣校理尋通判河中府徙  
陳州時方建太一宮及洪福院市材木仲淹諫罷之  
召為右司諫歲大蝗旱乃命仲淹安撫江淮條上拯

敕十事會郭皇后廢率諫官御史伏閣爭之詔出知睦州歲餘徙蘇州拜尚書禮部員外郎天章閣待制召還判國子監遷吏部員外郎權知開封府尋以與呂夷簡論事不合罷知饒州仲淹既去士大夫論薦不已歲餘又徙越州元昊反召為天章閣待制知永興軍改陝西都轉運使進龍圖閣直學士延州諸若失守仲淹自請行遷戶部郎中兼知延州後因焚元昊書被言降本曹員外郎知耀州徙慶州遷左司郎中為環慶路經略安撫緣邊招討使以定川功進

高書

卷六

七

密

直學士右諫議大夫復置陝西路安撫經略招討使以仲淹韓琦龐籍分領之仲淹為將號令明白賊不敢輒犯其境元昊請和召拜仲淹為樞密副使改參知政事仲淹在中書裁削倖濫考覈官吏日夜謀慮興致太平規摹闊大多所更張小人不悅浸謗毀之會邊陲有警於是仲淹為河東陝西宣撫使自請罷政事廼以為資政殿學士陝西四路宣撫使知鄜州其在中書所施為亦稍稍沮罷以疾請鄧州進給事中尋徙杭州再遷戶部侍郎徙青州會病甚請賴

州未至而卒年六十四贈兵部尚書謚文正仲淹少有志操自做秀才時便以天下為己任貴後身敦儉約而性好施予贈族樂義士多出其門雖里巷之人皆能道其姓字為政尚忠孝所至有恩邠慶之民與羗屬皆畫像立生祠事之嘗奉真宗御容崇福宮登高履勝與歐陽修梅聖俞有嵩山唱和詩十二章今傳於世

馬仲甫

高書

卷六

八

密

馬仲甫字子山廬江人英宗時舉進士知登封縣轅轅道險危遂傭民鑿平為坦塗人便其行為刻石頌美通判趙州知台州為度支判官內侍楊永德上言漕舟淮汴間惟水遞鋪為便詔仲甫偕往訂可否還言其害十餘條議遂格出為慶路轉運使善政屢著遂錄戶部判官為發運使自淮陰徑泗上浮長進風波覆舟歲罹其患仲甫建議鑿洪澤渠六十里漕者便之拜天章閣待制知瀛州秦州古渭介青唐之南夏人在其北中通一徑小警則路絕仲甫得筆栗城故址自雞川砦築堡北抵南谷環數百里為內地詔

賜名甘谷堡故時羗人入城貿易皆僦邸仲甫設館處之陽示禮厚實開之也熙寧初守毫許揚三州糾察在京刑獄知通進銀臺司復為揚州提舉崇禧觀卒

### 韓維

韓維字持國以進士奏名禮部父億方輔政不肯試大廷受蔭入官父沒後閉門不仕以宰相薦召試學士院辭不就歐陽修薦為檢討知太常禮院尋以議陳執中謚不行乞罷禮院以祕閣校理通判涇州神

高書

卷六

九二 依履篇

宗封淮陽郡王穎王維為記室參軍王每事咨訪維皆悉心以對及穎王為皇太子維兼右庶子神宗即位除龍圖閣直學士出知汝州召兼侍讀判太常寺熙寧二年遷翰林學士知開封府明年為御史中丞以兄絳在樞府力辭之王安石亦惡其直言復使為開封輦轂之下為之清肅俄兼侍讀學士充群牧使考試以言不用請郡遂出知襄州改許州復召為學士承旨天旱草求直言詔詞甚剴切詔出人情大悅是日乃雨王安石罷會絳入相加端明殿學士知河

陽復知許州帝幸舊邸進資政殿學士維請提舉嵩山崇福宮帝崩赴臨闕庭未幾宣仁后召兼侍讀加大學士拜門下侍郎踰年出知鄧州尋改汝州久之以太子少傅致仕轉少師紹聖中坐元祐黨降謫元符元年卒年八十二徽宗初悉追復舊官

### 司馬光

司馬光字君實夏縣人生七歲凜然如成人愛左氏春秋手不釋書至不知饑渴寒暑仁宗寶元初中進士甲科除奉禮郎簽書蘇州判官事改大理評事補

高書

卷六

十二 依履篇

國子直講樞密副使龐籍辟通判并州時仁宗不豫國嗣未立天下寒心而莫敢言光繼范鎮言之後召直祕閣開封府推官尋同判尚書禮部未幾知諫院又上言選宗室為繼嗣帝嘉納之遂立英宗為皇子進光知制誥光固辭改天章閣待制兼侍講英宗即位進龍圖閣直學士神宗立擢翰林學士御史中丞以疏論張方平還翰林兼侍讀學士光在英宗時曾為通志八卷以獻帝悅之命續其書至是賜名通鑑親製序面賜光令候書成日寫入後光與王安石論

新法不合求去乃以端明殿學士知永興軍宣撫使徙知許州趨入覲不赴請判西京御史臺及提舉崇福宮自是絕口不論朝政會求言詔下復陳六事元豐七年通鑑書成上之改資政殿學士降詔獎諭神宗崩光自洛入臨衛士望見以手加額曰此司馬相公也復為門下侍郎哲宗即位拜為尚書左僕射兼門下侍郎是年九月卒贈太師溫國公謚文正

### 呂誨

呂誨字獻可開封人性純厚家居力學不妄與人交

萬壽

卷六

土

宦履篇

進士登第由屯田員外郎為殿中侍御史彈劾不避權要出知江州上疏請蚤建皇嗣名為侍御史改同知諫院數上章議濮王追崇事與執政不合遷工部員外郎知蘄州神宗立徙晉州加集賢殿修撰知河中府召為鹽鐵副使擢天章閣待制復知諫院拜御史中丞以論王安石庇章辟光故出知鄧州尋改知河南命未下而寢疾矣旋提舉崇福宮以疾表求致仕曰臣本無疾醫者用術乖方妄投湯劑率任情意差之指下禍延四支一身之微固無足卹柰九族之

託何蓋以身疾論朝政也誨三居言責皆以彈奏大臣而去一時推其鯁直居病困猶以天下事為憂既革司馬光往省之至則目已瞑聞光哭覩然而起張目強視曰天下事尚可為君實勉之光曰更有以見屬乎曰無有遂卒年五十八海內聞者痛惜之元祐初贈通議大夫

### 程顥

程顥字伯淳河南人少時與弟頤聞周茂叔論學遂厭科舉之習而師事之舉進士調鄆上元主簿有異

萬壽

卷六

土

宦履篇

政專任教化民愛之如父母熙寧初用呂公著薦為太子中允監察御史裏行神宗知其名數召見每退必曰頻求對欲常常見卿一日從容咨訪報正午始趨出前後進說甚多大要以正心窒慾求賢育材為言務以誠意感悟主上嘗勸帝防未萌之欲及勿輕天下士帝俯躬曰當為卿戒之時王安石執政議更法令中外攻之甚力顥被旨赴中堂議事安石方怒言者厲色待之顥徐曰天下事非一家私議願平氣以聽安石為之媿屈安石既用事顥數論時政不合

居職八九月遂乞去言職安石出顗為提點西京刑獄顗固辭改僉書鎮寧軍判官特遷太常丞知扶溝縣除判武學李定劾其新法之初首為異議又坐逸囚責監汝州鹽稅尋管勾崇福宮哲宗立復召為宗正丞未行而卒士大夫識與不識莫不哀傷焉文彥博題其墓稱為孟子之後一人嘉定十三年謚曰純

### 程頤

程頤字正叔顗之弟也年十八上書闕下欲天子黜世俗之論以王道為心遊太學胡瑗試以顏子所好

萬書

卷六

主

官履篇

何學得頤文大驚異之即延見處以學職呂希哲首以師禮事之治平元豐間大臣屢薦皆不起哲宗初司馬光呂公著疏其行詔以為西京國子監教授力辭尋召為祕書省校書郎既入見擢崇正殿說書即上疏陳輔養主德之道頤每進講色甚莊繼以諷諫聞帝在宮中盥而避蟻頤曰推此心以及四海帝王之要道也神宗喪未除冬至百官表賀頤言節序變遷時思方切乞改賀為慰既除喪有司請開樂置宴頤又言除喪而用古禮尚當因事張樂今特設宴是

喜之也皆從之帝嘗以瘡疹不御邇英累日頤詣宰相問安否且曰人主有疾大臣可不知乎翌日宰相以下始奏請問疾蘇軾不悅於頤頤門人賈易朱光庭不能平合攻軾胡宗愈顧臨詆頤不宜用孔文仲極論之遂出管勾西京崇福宮久之加直祕閣再上表辭董敦逸復撫其有怨望語去官紹聖中削籍竄涪州徽宗即位徙陝州俄復其官又奪於崇寧卒年七十五世稱為伊川先生嘉定十三年賜謚曰正

### 楊時

萬書

卷六

主

官履篇

楊時字中立南劍將樂人幼穎異能屬文稍長潛心經史熙寧九年中進士第調官不赴以師禮見程顗於潁昌相得甚歡其歸也顗目送之曰吾道南矣四年而顗死時又師程頤於洛時蓋年四十矣杜門不仕者十年後出為荊州教授時未嘗求聞達而德望日重四方之士不遠千里從之游號曰龜山先生會有使高麗者國主問龜山安在使回以聞召為祕書郎遷著作郎及面對奏時政之失徽宗首肯之除邇英殿說書聞金人入攻謂執政者當預為守備已而



金人圍京城時建言請戮童貫等棄軍之罪疏上除右諫議大夫兼侍講又兼國子祭酒時備言當罷安石從祀闕其邪說疏上遂降安石從祀之列士之習王氏學取科第者已數十年不復知其非忽聞以為邪說議論紛然諫官馮解力主王氏上疏詆時會學官中有紛爭者有旨學官並罷時亦罷祭酒尋四上章乞罷諫省除給事中辭乞致仕除徽猷閣直學士提舉嵩山崇福宮已而告老以本官致仕卒年八十

三謚文靖

嵩書

卷六

五

官履篇

樓異

樓異四明人雅有文學性愛佳山水所至雖假館僦舍亦聚石鑿池終日觀玩以為常建中靖國初為登封令甫下車即延見耆舊問民間所便苦次第興除暇則躬行阡陌勸課農桑純任德化民有爭訟者諭令私相和解不傳以爰書久之因園虛寂幾可羅雀官衙中芟廢圃築揖仙臺鑿芙蓉菡萏二池又命工人圖畫二室諸峰於仰嵩堂朝夕吟咏所著有二十四峰詩三十六峰賦至今傳誦焉

李綱

李綱字伯紀邵武人政和二年進士積官至侍御史改比部員外郎宣和初以言事謫監沙縣稅務遷太常少卿欽宗即位遷兵部侍郎金人圍京師綱力戰禦之數敗其兵會金使來宰相李邦彥語之曰用兵非朝廷意遂罷綱以謝金人太學諸生及軍民數十萬人詣闕上書乃召綱復為尚書右丞充京城四壁守禦使既而金師解圍北去綱陳備邊禦敵八事上之太原圍急以綱為河南河東路宣撫使以救既而

嵩書

卷六

五

官履篇

因事落職謫寧江金兵再至除資政殿大學士領開封府事高宗即位拜尚書右僕射兼中書侍郎陳時政十事帝悉行之未幾帝欲幸東南以避敵綱極言不可或謂綱曰外論洵咸謂東幸已決綱曰國之存亡於是焉分吾當以去就爭之尋以讒罷綱提舉洞霄宮紹興二年除觀文殿學士湖廣宣撫使兼知潭州諫官徐俯劉裴劾綱罷為提舉嵩山崇福宮四年金及偽齊來攻綱陳防禦之策詔付三省施行綱又條具六事疏奏上為賜詔褒諭除江西安撫制置

大使兼知洪州赴行在奏事再引對內殿陞辭陳用兵機務數千言後王倫使北還主和議綱與爭論之九年除知潭州荆湖南路安撫大使疏辭累奏遂允其請踰年薨贈少師

### 趙野

趙野開封人登政和二年進士第歷監察御史歷遷中書舍人給事中大司成拜刑部尚書翰林學士時蔡京王黼更秉政植黨相擠一進一退莫有能兩全者野處之皆得其心京黼亦待之不疑靖康初為門下侍郎徽宗東幸詔野為行宮奉迎使以左司諫陳公輔言罷野行出為北道都總管頗政副之已而落職提舉嵩山崇福宮

### 李邴

李邴字漢老濟州任城縣人中崇寧五年進士第累官為起居舍人試中書舍人時北方用兵酬功第賞日數十百邴詞命無留難除給事中同修國史兼直學士院遷翰林學士嘗與禁中曲宴徽宗命賦詩高麗使入貢邴為館伴徽宗遣中使持示使者請傳錄

高書

卷六

七

官履端

以歸未幾坐言者罷提舉南京鴻慶宮欽宗即位除徽猷閣待制知越州久之再落職提舉西京嵩山崇福宮高宗即位復徽猷閣待制歷官資政殿學士權知行臺三省樞密院事紹興間詔問宰執方略邴條上戰陣守備措置懷各五事不報邴間居十有七年薨於泉州年六十二謚文敏有草堂集一百卷

### 朱熹

朱熹字元晦婺源人紹興中進士初授同安主簿孝宗即位詔求直言熹上言封事隆興元年復召入對極言君父之讐當復忤時相意除武學博士待次至乾道元年促就職既至而洪适為相復主和議不合歸屢召不起淳熙五年除知南康軍興利除害修復白鹿書院講明聖學旋以大旱上疏極言朝政言多切直上讀之大怒熹以疾請祠不報後除浙江鹽茶公事又上疏言朝政上為動容嘉納始拜命按行境內風采肅然以論唐仲友事忤王淮遂歸時監察御史陳賈疏詆道學熹出奉宮祠者五年至周必大相除熹提點江西刑獄淮罷相遂入奏封事有要之於

高書

卷六

六

官履端

路以為正心誠意之論上所厭聞戒勿以為言熹曰  
吾平生所學惟此四字豈可隱默欺君乎及奏上曰  
久不見卿浙東之事朕自今當處卿清要不復以  
州縣為煩也除兵部郎官以足疾辭除直寶文閣主  
管西京崇福宮未踰月再召又辭後歷官至煥章閣  
待制侍講以疏斥韓侂冑不報乞外詔以舊官提舉  
南京鴻慶宮慶元元年以疾再乞休致不許二年監  
察御史沈繼祖誣熹十罪詔落職罷祠五年准致仕  
明年卒年七十一謚曰文至理宗寶慶二年贈太師

嵩書

卷六

九

宣履編

追封徽國公

曹彥約

曹彥約字簡甫都昌人嘗從朱熹講學淳熙八年第  
進士歷仕州郡有聲嘗以蜀之邊面諸司並列兵權  
不一微有小警紛然奏議理財者歸怨於兵弱握兵  
者歸咎於財寡乃作病夫議獻之廟堂時論未以為  
然及蜀邊被兵內有張福莫簡之變彥約之言無一  
不驗遷大理少卿權戶部侍郎以寶謨閣待制知成  
都乞赴闕奏事不許改知潭州彥約力辭尋以煥章

閣待制提舉崇福宮理宗即位擢兵部侍郎兼國史  
修撰後授兵部尚書力辭不拜卒謚文簡

徐應龍

徐應龍字允叔淳熙二年進士調衡州法曹能平反  
冤獄薦為改知高安縣呂祖儉言事忤韓侂冑謫死高  
安應龍為經紀其喪且為文誄之朱熹貽之書曰高  
安之政義風凜然後累遷至刑部尚書兼侍讀在經  
筵多指陳時政一日讀吳起為卒吮疽事應龍奏曰  
起恤士卒如此故能得其死力今軍將得以賄遷專

嵩書

卷六

十

宣履編

事掎克未免多怨上驚曰債帥之風今猶未除耶宰  
相史彌遠聞而惡之免侍讀未幾請老上不從徙吏  
部尚書以煥章閣學士提舉嵩山崇福宮卒贈開府  
儀同三司謚文肅

劉光祖

劉光祖字德修簡州陽安人登進士第除劔南東川  
節度推官歷遷右正言知果州以薦召入光宗立殿  
中侍御史闕宰臣薦光祖上曰是久在朕心矣光祖  
多所建白劾罷戶部尚書葉翥等徙太府少卿求去

不已除直秘閣改江西提刑又改夔州寧宗即位除侍御史改司農少卿入對獻謹始五箴又論人主六易六難上悚然嘉納進起居舍人論政令當出中書以陰折知閣門韓侂胄遷起居郎時朱熹被黜光祖再疏勸留之不聽尋為劉德秀所劾出為湖南運判不就及侂胄擅朝遂目為偽學禁錮之光祖撰涪州學記諫官張釜指為訕謗奪職侂胄誅召除右文殿修撰屢升顯謨閣直學士引年不許提舉嵩山崇福宮卒謚文節

嵩書

卷六

手

官履編

許奕

許奕字成子簡州人慶元五年擢進士第一歷官起居舍人韓侂胄議開邊奕貽書論之所言切直侂胄不樂遣奕使金奕與骨肉死訣詣執政曰往集議時奕嘗謂增歲幣歸浮屠或可耳外此不可行者當死守之遂遷起居郎兼權給事中以往金人聞奕名久禮遇甚恭方清暑離宮相距二十里至是特為奕還內方射奕破的十有一乃卒行成還奏帝優勞久之奕復奏和不可恃宜葺紀綱練將卒使屈信進退之

權復歸於我客有以使事賀者奕憮然曰是豈得已者吾淡為天下愧之權禮部侍郎條上六事俄兼侍講侍讀多所諷諫遷吏部侍郎與史彌遠不合補外以顯謨閣待制知瀘州改知遂寧府有惠政民畫像祠之進直學士知潼川府其民亦相與祠與東山僧舍會金人敗盟蜀道震擾奕請速選威望大臣宣撫其地言多切直御史劾之降一官詔提舉王隆官未數月特復原官提舉崇福宮尋以疾致仕卒贈通議大夫

嵩書

卷六

手

官履編

崔與之

崔與之字正子廣州人少卓犖有奇節游太學舉進士授潯州司法參軍調淮西檢法官歷通判邕州守廣西提點刑獄所至有異政獎廉劾貪風采凜然召為金部員外郎時金人南遷於汴特授直寶謨閣主管淮東安撫司公事與之選將集兵浚濠築砦防邊甚固金人不敢深入久之召為秘書少監軍民遮道垂涕升秘書監兼太子侍講權工部侍郎未幾成都帥董君誼為叛卒所逐總領楊九鼎遇害蜀大擾與

之出知成都府本路安撫使至即帖然時安丙搥蜀重兵久亦忌蜀帥之自東南來者至是獨推誠相與丙卒詔盡護四蜀之師開誠布公兼用吳蜀之士拊搆將士人心悅服久之名為禮部尚書不拜便道還廣蜀人思之肖其像於成都仙遊閣以配張詠趙林名三賢祠理宗即位授充顯謨閣直學士辭提舉西京崇福宮俄授廣東經略安撫使收服叛兵拜參知政事拜右丞相皆力辭至十有三疏乃得致仕薨時年八十有二謚清獻

嵩書

卷六

重

官履備

倪思

倪思字正甫湖州歸安人中博學宏詞科授著作郎光宗立累遷中書舍人兼直學士院尋兼侍讀屢有建白上下稱善除禮部侍郎上久不過重華宮思疏十上言多痛切上為動容時李皇后寢預政思因進講極詞諫之未幾出知紹興府寧宗即位召除吏部侍郎被劾出守歷太平泉州建寧府久之召還試禮部侍郎兼直學士院韓侂胄以書招之不應逮入見首論朝政闕失語侵侂胄侂胄大怒思不為動後侂

胄誅除權兵部尚書兼侍讀求對極言樞臣史彌遠擅權覆轍可鑒彌遠上章自辨思求去上留之乞對言前日論樞臣獨班恐蹈往轍宗社堪再壞耶宜親擢臺諫以革權臣之弊等語彌遠懷惠思請去益力出知鎮江移福州彌遠拜相思被劾鐫職久之除寶文閣學士提舉嵩山崇福宮卒謚文節

王居安

嵩書

卷六

重

官履備

王居安字資道黃巖人入太學舉進士授江西提刑司幹官入為太學博士首言人主當以知人安民為要言甚切直遷校書郎以言被劾去起知興化軍召為秘書丞條論疆事明白時誅韓侂胄居安實贊其決屢遷右司諫首論列韓侂胄之罪並劾其黨陳自強等又上疏為呂祖儉呂祖泰稱冤天下快之又疏論趙彥逾為其黨所擠除目夜下遷起居郎兼崇政殿說書居安曰臣為陛下耳目官諫紙未乾乃以迂權要徙他職不得其言則去臣不復留矣尋奪一官罷太學諸生舉幡乞留之踰年復官知太平州再移隆興襄陽二鎮以言者罷嘉定十五年與魏了翁同

召遷工部侍郎時方受寶中朝皆動色相賀居安入對首言人主畏無難而不畏多難輿地寶王之歸益思當時之所以失言極切至未幾出知溫州郡政大舉理宗即位以敷文閣待制知福州升龍圖閣直學士轉大中大夫提舉崇福宮卒贈少保有方巖集行於世

### 晁詠之

晁詠之字之道濟州鉅野人少有異才以蔭入官調揚州司法參軍未上時蘇軾守揚州兄補之倅州事

萬書

卷六

圭

宦履編

以其詩文獻軾軾曰有才如此獨不令我一識面邪乃具參軍禮入謁軾下堂挽而上顧坐客曰奇才也復舉進士又舉宏詞一時傳誦其文為河中教授元符末應詔上書論事罷官久之為京兆府司錄事秩滿提點嵩山崇福宮卒年五十二有文集五十卷

### 張來

張來字文潛楚州淮陰人幼穎異十三能為文十七作函關賦已傳人口游學於陳學官蘇轍愛之因得從軾游軾亦淡知之稱其文汪洋冲澹有一唱三歎

之聲弱冠第進士歷遷史館檢討居三館八年顧義

自守泊如也擢起居舍人紹聖初請郡以直龍圖閣

知潤州坐黨籍謫監黃州酒稅徽宗立起為通判黃

州知兗州召為太常少卿甫數月復出知潁州汝州

崇寧初復坐黨籍落職尋貶房州別駕來儀觀甚偉

有雄才筆力絕健於騷詞尤長時二蘇及黃庭堅晁

補之輩相繼歿來獨存士人就學者衆分日載酒餼

飲食之誨人作文以理為主作詩晚歲亦務平淡效

白居易體而樂府效張籍久於投閑家益貧郡守翟

萬書

卷六

圭

宦履編

汝文欲為買公田謝不取晚主管崇福宮卒年六十一建炎初贈集英殿脩撰元

### 鄭文卿

鄭文卿奉寧人至正中為登封令愛民養士首以息

訟為心懸布科條諭民以禮義在邑數載政簡刑清

遠近稱焉以秩滿得代百姓遮道送之為立去思碑

於轅轅道上

大明

山錫之

山錫之蘇州人洪武六年任登封令時新逐胡元邑務經始錫之至初築衙宇及坊廟壇廟之屬煥然一新真心愛民為政專尚寬和惠養不務赫赫之名性好吟詠境內名勝所至留題雖不求精詣而一段瀟灑出塵之歎可想也本朝令長以文學飾吏治者錫之實首倡焉

谷庸

谷庸陝西城固人永樂八年以太學生選為登封令

萬壽

卷六

七

官履備

治狀赫然有聲時有禿尾虎白晝入城居民任守中姪被噬死虎旋逸去衆逐之莫能得庸大以為異即齋沐致禱焚牒中獄祠不旬日虎忽投守中廢圃井中以死宣傳遠近皆稱為德政所致後卒於官邑人思之

侯泰

侯泰蘇州嘉定人嘉靖五年以鄉舉令登封政尚敦大留心於興革耻與俗吏為伍邑在山中自國初以來制度多苟且未備泰甚病之拓泮宮增社學復高

陽書院建許由周公穎考叔二程諸祠經營有序民稱不擾分巡使者駐汝州故事邑中文移遞轉皆東南之禹州復折而西由郊縣迂回三百餘里機事多誤泰條議初置金店送表二郵修峻嶺坡之險遂為坦途至今便焉

丁應泰

丁應泰字元父武昌江夏人少年時修儒有大志登萬曆十一年進士初授休寧知縣惠愛良善搏擊豪強十七年以治狀徵拜刑科給事中在掖垣僅一載

萬壽

卷六

七

官履備

多所獻納尋以憂歸既出都有某御史者佐京察因隙肆讒降山西按察司照磨尋轉登封知縣應泰既左遷益精專吏事弗鄙夷其民於境內各坊保舉行鄉約之法妙選耆宿講解前言往行可為法戒者聚民聽之土風為之一變訟庭竟日不聞鞭笞之聲連歲有秋四方流徙者多願受廛應泰舉帑羨於四郭及各鄉起屋數百間分處之又買膏腴地三百畝為學田佐諸生膏火吉凶之費在邑踰二載二十五年陞兵部職方司主事士民肖像建生祠於東關二程

祠之左以事之未幾倭擾朝鮮

朝廷命將東征以應泰贊畫軍務既至海上於時局有所不平上疏糾論事連閣部大臣不勝而歸君子惜之

右宦履自袁周以及當代共三十五人除宋室奉祠二十人之外其以長民得書者十有餘年僅此十五人焉可謂嚴矣見聞既寡文獻無徵前哲之芳規何難湮沒幸有姓名雜見於斷石或治狀稍傳於殘簡者予已備載登封志矣茲書以嵩為主

嵩書

卷六

无

宿願編

視邑乘不無少略所以致詳於崇福宮者嵩故耳若高宗渡江之後嵩已辱於夷境聲教阻絕輪軌不通而南宋諸君子猶有提舉管勾之號雖一時聊帶虛銜而名山賢人遙相引重又安得而遺之乎

嵩書卷之六終

門人劉湛然校字  
袁嵩秀

嵩書卷之七

巖棲篇

文林郎登封縣知縣傅梅元鼎撰

外方長曰自古稱高隱者必曰箕穎之節箕陰與陽城聖哲咸於此避曆數焉是皆嵩山之境也由茲以談嵩非逃世之區辭榮之數哉觀其林壑盤紆煙霞蒸鬱衡泌之勝選無以尚茲矣周秦以後代有其人中古蒲輪璽書交賁於道遐想前軌固一時之勝也夫巖穴之士誠自砥其行匿耀潛輝良足重矣然真隱者時至則行豈拘拘守一物哉孔子曰隱居以求其志邦有道則見邦無道則卷而懷之此亦足明隱者之所為矣若冥冥焉鳥獸同群枯槁不入城市於世道無所重輕是所謂石隱何足貴哉何足貴哉列古人出處弗詭於正者庶幾不致嵩山蒙譏也

周

王翊

王翊楚人隱居韜知嘗入雲夢山採藥得道顏如少童居陽城之鬼谷故稱鬼谷先生

徐廣云頰川陽城有鬼谷風俗通義



云鬼谷先生六國時縱橫家蘇秦張儀師事之而習其學三年辭

去秦并相六國而儀亦入秦執政鬼谷子遺之書曰  
二足下功名赫赫但春華至秋不得久茂今二子好  
朝露之榮忽長久之功輕喬松之永延貴一旦之浮  
爵夫女愛不極席男歡不畢輪痛哉儀秦名顯諸侯  
而卒以見憎死鬼谷子遁跡不出學仙道處人間數  
百歲後不知所之嵩山記云鬼谷於嵩山東南學仙

秦

孔鮒

嵩書

卷七

土

嵩書

孔鮒字子魚一名甲魏相子順之子也秦并六國召  
鮒為魯國文通君拜少傅始皇三十四年丞相斯議  
令燔書鮒懼遺典之滅亡也方來之無徵也遠令之  
禍烈也乃與其弟子襄歸藏書壁中隱居嵩山之陽  
無何陳涉起為楚王聘鮒為博士鮒以目疾辭退乃  
蒐輯仲尼而下子思及子上帛子高穿子順慎之言  
行列為六卷名孔叢子

漢

李膺

李膺字元禮潁川襄城人性簡亢無所交接唯以同

郡荀淑陳寔為師友初舉孝廉為司徒胡廣所辟舉  
高第再遷青州刺史守令畏威明多望風棄官復徵  
歷漁陽蜀郡太守以母老乞不之官居綸氏教授常  
千人永壽間鮮卑寇雲中復徵為度遼將軍膺到皆  
望風懼服延熹二年再遷河南尹以表羊元群罪反  
坐輸作左校再遷復拜司隸校尉野王令張朔貪殘  
無道膺即殺之其兄讓為黃門訴寃於帝帝詔詰之  
膺以直對帝無復言自此諸黃門皆屏氣不敢出宮

嵩書

卷七

三

嵩書

省是時朝廷日亂綱紀頽弛膺獨持風裁以聲名自  
高士有被其容接者名為登龍門及遭黨事下膺於  
黃門北寺獄以大赦免歸鄉里居陽城山中天下士  
皆高尚其道而污穢朝廷頃之帝崩陳蕃為太傅引  
用天下名士乃以膺為長樂少府尋廢會張儉事起  
收捕鉤黨鄉人謂膺曰可去矣對曰事不辭難罪不  
逃刑臣之節也吾年已六十死生有命去將安之乃  
詣詔獄考死妻子徙邊門生故吏及其父兄並被禁  
錮景毅子頤為膺門徒以未有錄牒不與遣毅耻遂

自表免歸時人義之

陳寔

陳寔字仲弓潁川許人出於單微自為兒童雖在戲弄為等類所歸少為都亭刺史佐有志好學坐立誦讀縣令鄧邵試與語奇之聽受業太學後令復召為吏乃避隱陽城山中司空黃瓊辟選理劇補聞喜縣長旬月以耆喪去官復再遷除太丘長以沛相賦歛違法乃解印綬去後逮捕黨人事連寔人多逃避寔曰吾不就獄衆無所恃乃請囚遇赦得出寔在鄉閭

高書

卷七

四

藏樓篇

平心率物其有爭訟輒求判正曰寧為刑罰所加不為陳君所短嘗歲儉有盜夜入其室止於梁上寔陰見乃起自整拂呼命子孫正色訓之曰夫人不可不自勉不善之人未必本惡習以性成遂至於此梁上君子者是矣盜大驚自投於地稽顙歸罪寔徐譬之與絹二匹自是一縣無盜後黨禁始解大將軍何進司徒袁隗遣人敦寔欲特表以不次之位時三公每缺議者歸之累見徵命卒不起中平四年年八十四卒於家海內赴者三萬餘人制衰麻者以百數共刊

石立碑謚為文範先生

劉焉

劉焉字君郎江夏竟陵人魯恭王後也少任州郡以宗室拜郎中去官居陽城山精學教授舉賢良方正稍遷南陽太守宗正太常尋為監車使者領益州牧後徙居成都而卒

北朝

徐謩

徐謩字成伯丹陽人也家本東莞與兄文伯等皆善

高書

卷七

五

藏樓篇

醫藥謩因至青州慕容白曜平東陽獲之送京師獻文欲驗其能置病人於幕中使謩隔而脉之淡得病形兼知色候遂被寵遇為中散稍遷內侍長孝文遷洛除中散大夫轉侍御師謩欲合金丹致延年法乃入居嵩高採營其物歷歲無所成遂罷高祖幸縣縣有疾大漸乃馳驛召謩診治有大驗九月車駕次於汝濱乃下詔曰夫神出無方形稟有礙憂喜乖適理必傷生朕以萬機興勞仲秋動病心容頓竭氣體羸瘠侍御師右軍將軍徐成伯馳輪太室進療汝濱誠

術兩輪忠妙俱至乃令沈勞勝愈篤蔡克痊論勤語效得不重加陟賞乎宜順群望錫以山河準舊量今事合顯進可鴻臚卿金鄉縣開國伯食邑五百戶賜錢一萬貫絹二千匹穀二千斛奴婢十口馬十匹從行至鄴日夕左右明年高祖崩謬隨梓宮還洛謬常有藥餌及吞服道符年垂八十鬢髮不白力未多衰正始元年以老為光祿大夫加平北將軍卒延昌初贈安東將軍齊州刺史謚曰靖

### 裴粲

高書

卷七

六

藏板編

裴粲字文亮河東聞喜人景明初賜爵舒縣子沈重善風儀頗以矯豪為失歷正平恒農二郡太守嘗與高陽王雍有隙雍為州牧粲往脩謁雍含怒待之粲神情閑邁舉止抑揚雍目之不覺解頰及坐定謂粲曰相愛舉動可更為一行粲便下席為行從容而出後坐事免官世宗聞其善自標置欲觀其風度忽令傳詔就家急召之須臾使者相屬合室惶懼不測粲更恬然神色不變帝歎異之時僕射高肇以外戚之貴勢傾一時朝士見者咸望塵拜謁粲惟長揖而已

及還人責之粲曰何可自同凡俗又曾詣清河王懌下車始進便屬暴雨粲容步舒雅不以霑濡改度懌乃令人持蓋覆之歎謂左右曰何代無奇人世宗末除前將軍大中大夫楊州大中正遷安南將軍中書令後元顥入洛以粲為西兗州刺史尋為濮陽太守崔匡倫所逐棄州入嵩高山後復出為膠州刺史

### 裴衍

高書

卷七

七

藏板編

裴衍字文舒植與粲之弟也學識優於諸兄而才行亦過之事親以孝聞兼有將略仕齊至太守歸魏授通直郎衍堅辭朝命上表請隱嵩高詔許之宣武末復出歷建興河內二郡太守加征虜將軍遭母憂解任衍歷二郡廉貞寡欲善撫百姓民吏追思之孝昌初荊州被圍衍大破解之除使持節散騎常侍平東將軍假安東將軍北道都督鎮鄴西之武城封安康縣開國子食邑三百戶已而相州刺史王鑒叛衍討平之除撫軍將軍相州刺史假鎮北將軍北道大都督進封臨安縣開國公增邑千二百戶復奉詔北討葛榮軍賊來拒戰衍軍敗見害朝野人情莫不駭惋

贈持節車騎大將軍司空相州刺史

馮亮

馮亮字雲通南陽人少博覽諸書性愛清靜篤好佛理後至洛隱居嵩山魏宣武嘗召以為羽林監領中書舍人將令侍講十地諸經固辭不許又欲使衣幘入見苦求以幅巾就朝遂不强逼還山數年與僧講誦為業蔬食飲水有終焉之志亮既雅愛山水又兼工思結架巖林甚得栖遊之適頗以此聞宣武給其工力令與沙門統僧暹河南尹甄湛等同視嵩山形勝之處遂造閒居佛寺林泉既奇營製又美曲盡山居之妙亮時至京師延昌二年冬遇疾還山居嵩高道場寺將終遺誠兄子綜殮以衣帽左手持板右手執孝經一卷置尸盤石上去人數里外積十餘日乃焚於山灰燼處起佛塔經藏數日卒適值驟雪窮山荒澗鳥獸饑窘僵尸野外無所防護禽蟲之迹交橫左右初無侵毀焚燎之日有素霧翳鬱回繞其傍自地屬天彌朝不絕山中道俗營助者百餘人莫不異焉詔贈帛二百疋以供凶事

嵩書

卷七

八

嵩書

邢子才

邢子才名邵以字行河間鄭人十歲能屬文雅有才思聰明強記日誦萬餘言少在洛陽專以山水游宴為娛飲謔倦方廣尋經史五行俱下一覽俱無所遺忘文章典麗既贍且速年未二十名動衣冠釋巾奉朝請遷著作佐郎典朝儀每一文出京師為之紙貴於時袁翻與祖瑩共嫉之子才恐為所害乃辭疾出為青州府司馬終日酣賞盡山泉之致永安初累遷中書侍郎及尔朱兆入洛京師擾亂子才與弘農楊嵩書

卷七

九

嵩書

惜避地高高山普泰中兼給事黃門侍郎後歷官至太常卿兼中書監攝國子祭酒帶居三職並是文學之首當世榮之後授特進卒子才平生雖望實兼重不以才位傲物脫略簡易不修威儀天姿質素特安異同士無賢愚皆能顧接有書甚多而不甚讐校見人校書常笑曰何愚之甚天下書至死讀不可遍焉能始復校此且誤書思之更是一適李季節曰世間人多不聰明思誤書何由能得子才曰若思不能得便不勞讀書性好談賞不能閒獨公事歸休恒須賓

客自伴事寡嫂甚謹養孤子恕慈愛特深有集三十卷行於世

楊惓

楊惓字遵彥華陰人六歲學史書十一受詩易好左氏春秋幼喪母曾詣舅源子恭子恭與之飲問讀何書曰誦詩子恭曰誦至渭陽未邪惓便號泣感噎爲之罷酒居常恬裕謹慎李父暉從兄昱俱器重之及長能清言風神俊悟容止可觀正光中除羽林監永安初拜通直散騎侍郎以扈從車駕除通直散騎常

高書

卷七

十一 嚴峻端

侍惓以世故未夷志在潛退乃謝病與友人中直侍郎河間邢邵隱於嵩山後齊神武復屢轉惓爲大行臺右丞於時霸圖草創軍國務廣文檄教令皆自惓出郭季素害其能因致書恐之仍勸其逃亡惓遂棄衣冠於水濱若自沈者變易名姓自稱劉士安復入嵩山後復出仕至驃騎大將軍封開封王沒贈司空

柳蚪

柳蚪字仲盤河東解人年十三便專精好學時貴游子弟就學者並車服華盛唯蚪不事容飾偏受五經

略通大義兼涉子史雅好屬文孝昌中舉秀才兗州刺史馮雋引爲府主簿又爲楊州中從事加鎮遠將軍非其好也棄官還洛陽屬天下喪亂乃退耕於陽城有終焉之志後被徵爲行臺郎中與北府屬裴諏並掌文翰時人爲之語曰北府裴諏南府柳蚪歷官二府司馬後因使入周周文帝留爲丞相府記室論歸朝功封美陽縣男歷遷中書侍郎脩起居注仍領祕書丞事廢帝初遷祕書監加車騎大將軍儀同三司蚪脫略人間不事小節敝衣蔬食未嘗改操人或

高書

卷七

十二 嚴峻端

朱敞

朱敞字乾羅父彥伯旣誅敞小隨母養於宮中年十二敞自竇走至大街見童兒群戲敞解所着綺羅金翠服易衣而遁追騎至不識敞便執綺衣兒比究問知非會曰已暮由是免遂入一村見長孫氏媼踞胡牀坐敞再拜求哀長孫氏愍之藏於複壁之中購

之愈急追且至長孫氏資而遣之遂詐為道士變姓名隱嵩高山略涉經史數年間人頗異之嘗獨坐巖石下泫然歎曰吾豈終此乎伍子胥獨何人也乃奔長安周文帝見而禮之拜行臺郎中靈壽縣伯保定中遷開府儀同三司進爵為公後為膠州刺史迎長孫氏至其第置於家厚資給之隋文帝受禪改封邊城郡公黔安蠻叛命敞討平之師旋拜金州總管政號嚴明吏人懼之後以年老乞骸骨賜二馬輅車歸河內卒於家

嵩書

卷七

主

盧照鄰

唐

田游巖

田游巖京兆三原人永徽時補太學生罷歸入太白山母及妻皆有方外志與共栖遲山水間自蜀歷荆楚愛夷陵青溪止廬其側長史李安期表其才召赴京師行及汝辭疾入箕山居許由祠傍自號由東鄰頻名不出高宗幸嵩山遣中書侍郎薛元超就問其母賜藥物絮帛帝親至其門游巖野服出拜儀止謹樸帝令左右扶止謂曰先生此佳否答曰臣所謂泉

石膏盲煙霞痼疾者帝曰朕得君何異漢獲四皓乎薛元超贊帝曰漢欲廢嫡立庶故四人者為出豈如陛下親降巖穴邪帝悅因敕游巖將家屬乘傳赴都拜崇文館學士帝營奉天宮游巖舊宅直宮左詔不聽毀天子自書榜其門曰隱士田游巖宅進太子洗馬尋放還山蠶衣耕食不交當世惟與韓法昭宋之問為方外友云

盧照鄰

嵩書

卷七

主

盧照鄰

盧照鄰字昇之范陽人十歲從曹憲王義方授蒼雅調鄧王府典籤王愛重謂人曰此吾之相如調新都尉病去官居太白山得方士玄明膏餌之會父喪號嘔丹輒出由是疾益甚客東龍門山布衣藜羹裴瓊之常方質范履冰等時時供衣藥疾甚足攣一手又廢乃去具茨山下買園數十畝疏潁水周舍復豫為墓偃臥其中病既久與親屬訣自沈潁水

盧藏用

盧藏用字子潛范陽人能屬文舉進士不得調與兄微明偕隱少室山學練氣為辟穀長安中召授左拾

遺武后作興泰宮於萬安山藏用上疏諫止不從姚  
元崇持節靈武道奏為管記還應縣令舉甲科為濟  
陽令神龍中累擢中書舍人數糾駁偽官歷吏部黃  
門侍郎修文館學士坐親累降工部侍郎進尚書右  
丞附太平公主主誅乃流新州尋改驩州會交趾叛  
藏用有捍禦勞改昭州司戶參軍遷黔州長史判都  
督事卒於始興藏用善蓄龜九宮術工草隸大小篆  
八分善琴奕思精遠士貴其多能

武攸緒

高書

卷七

五

藏機篇

武攸緒則天皇后之兄子也恬淡寡欲好易莊周書  
少變姓名賣卜長安市得錢輒委去後更授太子通  
事舍人累遷揚州大都督府長史鴻臚少卿后革命  
封安平郡王從封中嶽固辭官願隱居后疑其詐許  
之以觀所為攸緒廬巖下如素遁者后遣其兄攸宜  
敦諭卒不起盤桓龍門少室間冬蔽茅椒夏居石室  
所賜金銀諸器物塵皆流積不御也市田潁陽使家  
奴雜作自混於民晚年肌肉消青瞳有紫光晝能見  
星中宗初降封巢國公以安車召拜太子賓客苦祈

還山詔可安樂公主出降又以璽書迎之既至帝勅  
有司即兩儀殿設位行問道禮詔見日山帔葛巾不  
名不拜攸緒至更冠帶仗入通事舍人贊就位攸緒  
趨就常班再拜帝愕然禮不及行朝廷歎息賜予無  
所受親貴來謁道寒溫外默無所言尋還山中書門  
下學士朝官五品以上並祖城東俄而諸帝誅武氏  
連禍唯攸緒不及睿宗下詔復拜太子賓客不就仍  
賜嵩山舊居令州縣存問開元十一年卒

王希夷

高書

卷七

五

藏機篇

王希夷徐州滕人家貧父母喪為人牧羊取傭以葬  
隱嵩山師黃頤學養生四十年頤卒更居兗州徂徠  
與劉玄博友善喜讀周易老子餌松栢葉雜華年七  
十餘筋力柔強刺史盧齊卿就謁問政答曰已所不  
欲勿施於人此言足矣玄宗東巡狩詔州縣敦勸見  
行在時九十餘帝令張說訪以政事宦官扶入宮中  
與語甚悅拜國子博士聽還山勅州縣春秋致束帛  
酒肉仍賜絹百衣一稱

武平一

武平一名甄以字行潁川郡王載德子也博學通春秋工文辭武后時不與事隱嵩山屢詔不應中宗復位召為起居舍人尋兼脩文館直學士時天子暗柔帝后烝亂外戚盛強平一重斥語即自請抑母黨推遠時權以寓諷諫帝慰勉不許遷考功員外郎於時太平安樂公主各立黨相根毀親貴離間帝患之欲令敦和以訪平一因上書請悉召近親貴人會宴內殿告以輯睦申以恩勤斥姦人塞讒路若猶未已則捨近圖遠抑慈示嚴惟陛下之命帝美其忠切卒不能用後宴兩儀殿胡人襍子何懿等唱合生歌言淺穢平一上書言胡樂自備四夷外一皆罷遣况兩儀殿者陛下受朝聽訟之所大饗群臣不容以倡優媒狎虧污邦典帝不納玄宗立貶蘇州參軍徙金壇令開元末卒

李泌

李泌字長源京兆人七歲知為文開元十六年以奇童召對帝大悅勅其家善視養之張九齡呼為小友及長博學善治易常隱居嵩山之潁陽天寶中詣闕

高書

卷七

七

藏機編

獻復明堂九鼎議待詔翰林仍供奉東宮嘗賦詩譏楊國忠安祿山等因被斥肅宗即位靈武泌謁見陳天下所以成敗事帝悅將授以官固辭願以客從入議國事出陪輿輦衆指曰黃衣者聖人白衣者山人因賜金紫拜元帥廣平王行軍司馬泌佐帷幄多陳籌策愈見親信崔圓李輔國疾之泌畏禍願隱衡山有詔給三品祿賜隱士服為治室廬山中代宗立召至舍蓬萊殿書閣初泌無妻不肉食帝乃賜光福里第疆詔食肉為娶妻連被元載常袞所忌出外為刺史德宗在奉天召赴行在授左散騎常侍貞元元年拜陝虢觀察使泌始鑿山開車道至三門以便鑿漕以勞進檢校禮部尚書三年拜中書侍郎同平章事累封鄴侯俄加集賢殿崇文館大學士修國史固辭乃以學士知院事會日蝕東壁泌曰東壁圖書府大臣當有憂者吾以宰相兼學士當之矣明年果卒泌出入禁中事四帝柳玭稱兩京之復泌謀居多其功乃大於魯連范蠡云

蕭穎士

高書

卷七

七

藏機編



蕭穎士字茂挺鄱陽王七世孫四歲能屬文十歲補太學生觀書一覽即誦通百家譜系書籀學玄宗朝舉進士對策第一補秘書正字名播天下弟子受業者號蕭夫子召為集賢校理李林甫怒其不下已調廣陵參軍事穎士不能堪作伐櫻桃樹賦以譏林甫後召詣史館待制林甫方威福自擅穎士終不屈俄免官林甫死調河南府參軍事時安祿山寵恣穎士陰語柳并曰胡人負寵而驕亂不久矣東京其先陷乎即托疾遊太室山已而祿山反穎士往見河南採訪使郭納言禦守計納不用歎曰肉食者以兒戲禦劇賊難矣哉因藏家書於箕穎間歷走諸鎮說之討賊遂客死河南門人共謚曰文元先生

盧鴻一

盧鴻一字顥然洛陽人博學善書縉結廬嵩山開元初備禮再徵不至五年召有司齋東帛徵之鴻一至東都謁見不拜宰相遣通事舍人問狀答曰禮者忠信所薄臣敢以忠信見帝召升內殿置酒拜諫議大夫固辭復下制許還山歲給米百斛絹五十府縣為

嵩書

卷七

巖樓編

張彖

致其家朝廷得失具以狀聞將行賜隱居服官營草堂恩禮殊渥鴻一到山中廣學廬聚徒至五百人及卒帝賜萬錢鴻所居室自號寧極云所著有嵩嶽記一卷石林草堂圖序云唐舊史鴻一蓋二名與中微以舊史為正○王元美宛委餘篇云新唐書盧鴻當為鴻一見舊史與中微劉真入碑內所書同南齊張融云昔有鴻飛天首積遠難明越人以為鬼楚人以為乙人自楚越鴻常一耳鴻一之名取此見田學紀聞亦可謂好奇矣

嵩書

卷七

巖樓編

張彖陝州人力學有名志氣高大未嘗低折於人時楊國忠權傾天下四方之士爭詣其門人有勸彖令修謁國忠可圖顯榮彖曰爾輩謂楊公之勢倚靠如太山以吾所見乃冰山也或皎日大明之際則此山當誤人爾後果如其言時人美其見幾後年及第釋褐授華陰尉時縣令太守俱非其人多行不法彖有吏道勤於政事每申舉一事則太守令尹抑而不從彖曰大丈夫有凌霄蓋世之志而拘於下位若立身於矮屋中使人擡頭不得遂拂衣長往歸遯於嵩山

李渤

李渤字濟之不樂仕進與仲兄涉偕隱廬山更徙少室元和初戶部侍郎李吳諫議大夫常況交章薦之詔為右拾遺渤上書謝不拜洛陽令韓愈遺書勸令應徵渤心善其言始出家東都每朝廷有闕政輒附章列上元和九年討淮西上平賊三術又上禦戎新錄乃以著作郎召渤遂起歲餘遷右補闕以直忤旨下遷丹王府諮議參軍分司東都渤雖處外志存朝廷表疏凡四十五獻擢為庫部員外郎渤既數以峭直觸要臣意乃謝病歸穆宗立召拜考功員外郎渤

嵩書

卷七

主

藏樓編

自宰相而下升黜之列名分品奏入不報以劾出為虔州刺史入為職方郎中進諫議大夫多所建白擢給事中賜金紫服以疏論中人獲罪出為桂管觀察使踰年以病歸洛太和中召拜太子賓客卒年五十九贈禮部尚書渤孤操自將不苟合於世人咸謂之沽激屢以言斥而悻直不少衰守節者尚之

### 孔述睿

孔述睿越州山陰人少與兄克符弟克讓俱以孝聞已孤偕隱嵩山而述睿尤嗜學大曆中劉晏常薦於

代宗以太常協律郎召累擢司勳員外郎史館修撰述睿每一遷即至朝謝俄而辭疾歸以為常德宗立拜諫議大夫命河南尹齊詔書束帛備禮敦遣既至對別殿賜第宅給廐馬兼皇太子侍讀固辭弗許乃改秘書少監兼右庶子復為史館脩撰重次地理志本末最詳性退讓未始忤物雖親朋燕集至嚴默終日人皆畏之與令狐峘同職峘數抵侮卒不校也時稱長者貞元間以疾乞解久乃許以太子賓客還鄉賜帛五十匹衣一襲特命給公驛卒年七十一賜工

嵩書

卷七

主

藏樓編

### 孟郊

孟郊字東野湖州武康人少隱嵩山性介少諧合韓愈一見為忘形交年五十得進士第調溧陽尉縣有投金瀨平陵城林薄蒙翳下有積水郊間往坐水旁裴回賦詩而曹務多廢令白府以假尉代之分其半奉鄭餘慶為東都留守署水陸轉運判官餘慶鎮興元奏為參謀卒年六十四張籍謚曰貞曜先生郊為詩有理致最為愈所稱然思苦奇澀李觀亦論其詩

曰高處在古無上平處下顧二謝云

右唐得十三人又武什方中嶽山人武后時召為諫議大夫郭仙舟嵩山處士玄宗徵為諫議大夫不受二人行實無考錄名於此以俟異日

五代

鄭遨

鄭遨字雲叟以字行滑州白馬人少好學敏於文辭唐昭宗時舉進士不中見天下已亂有拂衣遠去之意欲携其妻子與俱隱其妻不從遨乃入少室山為

嵩書

卷七

圭

藏機編

道士其妻數以書勸遨還家遨得書輒投之火後聞其妻子卒一慟而止遨與李振故善振後事梁貴顯欲以祿遨遨不顧後振得罪南竄遨徒步千里往視之由是聞者益高其行其後遨聞華山有五粒松脂淪入地千歲化為藥能去三尸因徙居華陰欲求之與道士李道殷羅隱之友善世目以為三高士遨種田隱之賣藥以自給道殷有釣魚術鉤而不餌又能化石為金遨嘗驗其信然而不之求也節度使劉遂疑數以寶貨遺之遨一不受唐明宗時以左拾遺晉

高祖時以諫議大夫召之皆不起即賜號為逍遙先生天福四年卒年七十四遨好飲酒奕棋時時為詩人多寫以縑素相贈遺以為寶至或圖寫其形託於屋壁其見重於世如此

宋

孔承恭

孔承恭字光祖京兆萬年人占籍河南父莊為晉右諫議大夫承恭以廕入授秘書省正字歷溫安豐二縣主簿藝祖時王審琦節制壽春薦為鄭州錄事參

嵩書

卷七

圭

藏機編

軍入為大理寺丞尋以事放歸田里太宗即位復授舊官歷遷太常少卿又詔與左散騎常侍徐鉉刊正道書俄以疾求解官且言早遊嵩少間樂其風土願卜居焉上召見哀其羸瘠出御藥賜之授將作監致仕以子玠為登封縣尉俾就祿養卒年六十二承恭少疎縱及長能折節自勵嘗上書陳治道上皆為行之尤奉佛多蔬食所得奉祿太半以飯僧嘗勸上不殺人又請於征戰地修寺及普度僧尼人多言其迂闊云

舒元

舒元潁州沈丘人少儻好學與道士楊訥講習於嵩陽通左氏及公穀二傳與訥同詣河中謁李守貞與語奇之俱館於門下守貞謀起兵遣元與訥間道乞師江南守貞敗元與訥留江南元易姓朱事南唐李景屢有戰功歷遷官淮南北面招討使以讒代元憤怒歸周世宗以為檢校太保蔡州防禦使宋初從平李重歷官滑州巡檢使詔復姓舒氏開寶五年為白波兵馬都監太平興國二年卒年五十五贈武泰

嵩書

卷七

五

藏書

軍節度使

舒知雄

舒知雄元之子初補殿直雷有終薦授供奉官鄜延路駐泊都監後辭疾居嵩山兄知白嘗奏事太宗語及之即召出授西京作坊副使泉福都巡檢使真宗初懇請入道歸嵩陽舊隱復為王嗣宗李元則所薦授供備庫使歷知棣州麟府鄜延鈐轄又知虔州復求入道面賜紫冠服號崇玄大師嘗獻字母圖有詔褒獎乾興元年卒年八十一

种放

种放字名逸洛陽人幼沈默好學父嘗令舉進士放辭之每往來嵩華間慨然有山林意未幾父卒數兄皆干進獨放與母俱隱終南山豹林谷以講習為業從學者甚眾放別為堂於峰頂盡日望雲危坐幅巾袒褐自稱退士著述甚多淳化初陝西轉運宏惟幹言其材行詔使召之其母恚甚放稱疾不起太宗嘉其節詔京兆賜以緡錢使養母不奪其志咸平元年母卒放哀毀廬墓詔賜錢帛粟米以助其喪四年兵

嵩書

卷七

五

藏書

部尚書張齊賢薦於朝詔徵不至明年復召至京師以幅巾見帝命坐與語詢以民政邊事放曰明王之道愛民而已惟徐而化之餘皆謙讓不對即日授左司諫直昭文館表辭不許數日賜緋衣象簡犀帶銀魚第宅帷帳什物寵之踰年再乞還山命館閣官宴餞於瓊林苑帝親製詩送之放性喜幽僻終身不娶詔許嵩少養疾景德大中祥符間屢詔至闕下每有詢問皆據經以對頗多裨益屢拜官至工部侍郎尋復還山暮年乞徙居嵩山天封觀側帝因命內侍就

興唐觀基起第賜之及卒詔贈工部尚書

萬適

萬適字縱之陳州宛丘人自號遣玄子六七歲即為詩及長喜學問精於道德經與高冕韓伋交遊酬唱不求仕進隱居嵩陽專以著述為務有狂簡集等書數百卷行於世淳化中伋任翰林學士因名對上問曰卿早在嵩陽當時輩流頗有遺逸否伋以適及楊璞田誥為對上悉令召至闕下適既至特授慎縣主簿適素康強無疾詔下日已病猶勉強赴朝謝舉止藹藹

卷七

美 嚴 謹 編

山野人皆笑之後數日卒

田誥

田誥歷城人隱居嵩山好著述聚學徒數百人舉進士至顯達者接踵以故聞名於朝宋惟翰許袞皆其弟子也誥著作百餘篇傳於世每構思必匿溪草中絕不聞人聲俄自草中躍出即一篇成矣淳化中以翰林學士韓伋薦詔令赴闕未至而卒

楊璞

楊璞字契玄鄭州新鄭人善歌詩士大夫多傳誦與

畢士安尤相善每乘牛往來郭店自稱東野遺民嘗杖策入嵩山窮絕處構思為歌詩凡數年得百餘篇淳化中以韓伋薦詔至闕下對於便殿不願仕進上賜以束帛與一子出身遣還故鄉乃作歸耕賦以見志真宗朝諸陵道出鄭州遣使以茶帛賜之卒年七十八

張昇

張昇字杲卿韓城人舉進士為楚丘主簿王曾稱其有公輔器累官度支員外郎夏竦經略陝西薦其才

高書

卷七

美 嚴 謹 編

改涇原秦鳳安撫都監以母老求歸故官改京西轉運使知鄧州尋歸養歷戶部判官開封府推官至知祿御史昇性質樸彈劾激切不識忌諱以龍圖閣直學士知秦州至和二年召兼侍讀拜御史中丞指陳時事無所曲避帝謂曰卿孤立乃能如是對曰臣仰託聖主致位侍從是為不孤今陛下之臣持祿養望者多而赤心謀國者少竊以為陛下乃孤立爾帝為之感動嘉祐三年擢樞密副使遷參知政事樞密使與韓琦同決建儲之策英宗立請老帝不許昇請不

已始賜告令養疾遂以彰信軍節度使同中書門下  
平章事鎮河陽三城拜太子太師致仕居嵩山之紫  
虛谷薨年八十六贈司徒兼侍中謚康節野史載張  
公昇作撰  
相之後退歸陽翟生計不豐短髮輕條然自適  
乃結菴於嵩陽紫虛谷每旦晨起焚香讀華嚴經  
中無長物秋簾紙帳布被革履而已年八十餘自  
撰滿江紅一首聞者莫不慕其曠達詞曰無利無  
名無榮無辱無煩無惱夜燈前獨歌獨酌獨吟獨  
笑况值群山初雪滿又明月交光好便假饒百歲  
擬如何從他老知富貴誰能保知功業何時了算  
常不罕待春來携  
酒殢東風眠芳草

劉几

嵩書

卷七

宋

康節集

劉几字伯壽河南洛陽人祖溫叟御史中丞父燁龍  
圖閣直學士俱有聲几以父仕為將作監主簿生而  
豪雋長折節讀書第進士從范仲淹辟通判邠州鑿  
五池以利民薦知寧州加東路鈐轄知邠州儂智高  
犯嶺南几佐狄青有戰功進皇城使知涇州遷西上  
閣門使以薦授大原涇原路總管夏人入寇几因索  
援兵與轉運使陳述古有隙改鄜州召判三班院尋  
為秦鳳總管神宗即位轉四方館使知保州治狀為  
河北第一踰六年即請老還為祕書監致仕至元豐

三年祀明堂大臣言几知音自山中詔几定太常雅  
樂樂成予一子官几得謝二十年放曠嵩少間遇唐  
末異人靖長官者得養生訣故益老不衰再加通議  
大夫元祐初無疾而卒年八十一予備閱野史多載  
劉伯壽事稱父燁  
尹京時每旦父趨郡必隨馬而出簿佐偵伺之輒  
先父入自課書史從容無缺一旦至白碧樓遇  
一老人熟視伯壽曰少容無缺一武氣足可以致神  
然肩骨低一指猶位諸三品文武雙全乃授以丹  
術後伯壽致仕築室嵩山下有二妾名萱草芳草  
皆秀麗而善音律伯壽出入乘牛吹簫笛二草以  
命笛和之聲滿山谷牛行即止牛止即行其行也  
必命壺觴盡醉而歸嵩人謂為地仙元豐二年張  
舜民自蒲中來訪伯壽是時年七十四同登峻極  
行步如飛舜民時與登封令龐元常與杜子春皆  
嵩書

卷七

宋

嵩書

董五經

董五經隱嵩山程子聞其名謂亦窮經之士特往造  
焉董平日未嘗出是日不值還至途中遇一老人負  
茶果以歸且曰君非程先生乎程子異之曰先生欲  
來信息甚大某特入城置少茶果將以奉待也程子  
以其意誠同至其室語甚款亦無大過人者但久不

與物接心靜而明耳

晁說之

晁說之字以道鉅野人崇寧間與陳叔易同隱嵩山叔易赴召以道為詩朝之云處士何人為作牙盡携猿鶴到京華故山巖壑應惆悵六六峰前只一家後亦徵為郡

金

張行信

張行信字信甫先名行忠登大定二十八年進士崇

嵩書

卷七

辛

巖樓篇

慶二年為左諫議大夫宣宗立行信疏請立太子更累諫時政悉嘉納之遷山東按察使兼轉運使仍權本路宣撫副使將行奏去相臣之不忠者三年改安武軍節度使兼冀州管內觀察使始至即上書言四事朝廷多用其議召入歷吏戶禮三部尚書兼同修國史四年為太子少保酌定禮制定興元年拜參知政事可否時政不避權姦二年出為彰化軍節度使兼涇州管內觀察使去未久上諭宰臣曰自張行信降出卿等遂緘默耶行信始至涇即上書陳軍政多

見採納元光元年致仕哀宗立起為尚書左丞尋復致事居嵩山正大八年薨於崇福宮年六十九初遊嵩山時嘗曰吾意欲主此山果終於此

馮璧

馮璧字叔獻真定縣人幼穎悟不凡弱冠補大學生承安二年舉進士歷官鄜州錄事五年以功自東阿丞召入歷官太學博士至寧初去官宣宗南遷宰相奏復前職貞祐間遷翰林修撰為監察御史改大理寺丞禮部員外郎權右司諫上時務當先者六事四

嵩書

卷七

壬

巖樓篇

年遷刑部郎中歷官守正持法不避患難出為歸德治中歷改集慶軍節度使上章乞骸骨進一官致仕元光正大時居嵩山龍潭寺數年每同元好問裕之雷淵希顏遊歷嵩少與汴禪師往來詩篇甚多天興元年河南破北歸又數年卒年七十九

杜時昇

杜時昇字進之霸州信安人博學知天文不肯仕進承安泰和間宰相數薦時昇可大用時昇謂所親曰吾觀正北赤氣如血東西亘天天下當大亂亂而南

北當合為一消息盈虛循環無端察往考來孰能遠之是時風俗侈靡紀綱大壞世宗之業遂衰時昇乃南渡河隱居嵩少山中從學者甚衆大抵以伊洛之學教人自時昇始正大末卒

### 雷淵

雷淵字希顏應州渾源人父思仕至轉運使淵庶出最幼諸兄不齒父歿不能安於家乃發憤入太學從李之純遊遂知名登至寧元年進士調涇州錄事改東平河朔重兵所在驕將悍卒倚外敵為重自行臺

嵩書

卷七

三

藏樓編

以下皆摩撫之淵出入軍中偃然不為屈不數月間巷間多畫淵像雖大將不敢以新進書生遇之尋遷東阿令轉徐州觀察判官興定末召為應奉翰林文字拜監察御史言五事稱旨又彈劾不避權貴出巡郡邑所至有威譽奸豪不法者立箠殺之尋為人所訟罷去久之用宰相侯摯薦起為太學博士遷翰林修撰一夕暴卒年四十八淵為人軀幹雄偉鬚張口哆顏渥丹眼如望洋遇不平則疾惡之氣見於顏面為文章詩喜新奇善結交凡當塗貴要與布衣名士

無不往來居京師賓客踵門未嘗去舍家無餘貲及待賓客甚豐腴莅官喜立名節見稱於時當罷御史時寓居崧山數載與元好問最善探幽履勝唱和甚多山中之人稱為元雷云

### 元好問

元好問字裕之太原秀容人元德明之子也七歲能詩年十四從陵川郝晉卿學不事舉業淹貫經傳百家六年而業成下太行渡大河與雷淵久居嵩少為箕山琴臺等詩禮部趙秉文見之以為近代無此作

嵩書

卷七

三

藏樓編

也於是名震京師中興定五年進士第歷內鄉令正大中為南陽令天興初屢轉行尚書省左司員外郎金亡不仕為文有繩尺其詩奇崛而絕雕刻巧縉而謝綺麗諸體咸備蔚為一代詞宗晚年尤以著作自任欲作金史求金國實錄於順天張萬戶家弗得乃采撫所聞凡金之君臣遺言往行細為紀錄至百餘萬言名曰野史後纂金史者多本其所著云卒年六十八歲其所著述甚富名不具載

### 高仲振



高仲振字正之遼東人其兄領開封鎮兵仲振依之以居既而以家業付其兄挈妻子入嵩山博極群書尤溪易皇極經世學安貧自樂不入城市山野小亦知敬之嘗與其弟子張潛王汝梅行山谷間人望之翩然如仙或曰仲振嘗遇異人教以養生術嘗終日燕坐骨節戛戛有聲所談皆世外事有扣之者輒不復語云

### 張潛

張潛字仲升武清人幼有志節慕荆軻聶政為人年

嵩書

卷七

嵩書

三十始折節讀書時人高其行誼目曰張古人後客嵩山從高仲振受易年五十始娶魯山孫氏亦有賢行夫婦相敬如賓負薪拾穗行歌自得不知其貧也鄰里有為潛種瓜者及熟讓潛潛弗許竟分而食之嘗行道中拾一斧夫婦計度移時乃持歸訪其主還之里有兄弟分財者其弟曰我家如此獨不畏張先生知耶遂如初天興間潛挈家避兵少室乃不食七日死孫氏亦投絕澗死焉

元

### 杜瑛

杜瑛字文玉父時昇有傳瑛長七尺美鬚髯氣象魁偉金將亡避地緱氏山中時兵後文物凋喪瑛搜訪諸書盡讀之讀輒不忘而究其指趣古今得失如指諸掌間關轉徙教授汾晉間中書粘合珪開府為相瑛赴其聘遂家焉與良田千畝辭不受歲己未世祖南伐至相召見問計瑛從容陳對帝悅曰儒者中乃有此人乎瑛復勸帝數事帝納之心賢瑛謂可大用命從行以疾弗果中統初詔徵瑛時王文統方用事

嵩書

卷七

嵩書

嵩書

辭不就左丞張文謙宣撫河北奏為懷孟彰德大名等路提舉學校官又遺執政書以辭之或勉之仕則曰後世去古雖遠而先王之施設本末先後猶可考見故為政者莫先於復古苟因習舊弊以求合乎先王之意不亦難乎吾又不能隨時俛仰以赴機會將焉用仕於是杜門著書一不以窮通得喪動其志優游道藝以終其身年七十遺命其子處立處愿曰吾即死當表吾墓曰緱山杜處士天曆中贈資德大夫翰林學士上護軍追封魏郡公謚文獻

李俊民

李俊民字用章澤州人讀書有大志得河南程氏之學承安中舉進士第一應奉翰林文字未幾棄官隱於嵩山自號鶴鳴子嘗遇荆隱士授以邵子皇極數劉秉忠自以為為不可及薦之世祖召對大悅欲官之懇辭尋乞還山卒謚莊靜先生

白居易

白居易字行簡世後人早喪母隨父寓忻州甫六歲性穎悟從庸齋楊來叔學家素貧織屨事父孝聞鄉

嵩書

卷七

五

嵩書

里及冠群經諸子無不精究至元壬辰歲值薦饑挈家南來寓於嵩少間買田築室自號嵩溪先生遂定居焉著書傳道四方受業之徒雲集甘守一貧儲無擔石宴如也後以壽終於嵩下

大明

何靜業

何靜業自號野鶴子嘗隱嵩山巖穴處壘石為居分守參政李公民質知其人檄縣代為結廬於甘露臺之側廬成靜業棲旬日輒空其室以去徧遊名山或

間一二歲輒復一來予始至物色之不可得一日予齋宿嶽官忽投刺來見自稱散人何靜業年約六十許與之談頗悉玄理而飾以儒者之緒論雍容閒雅亦似有道者扣其邑里家世俱不對今亦不知其所之

二室名勝古來隱遯之士以為淵藪惜予齋中書少錄止於此其他卓絕流品泯沒無聞者不知凡幾矣人固有幸不幸哉然至人入山惟恐不溪入林惟恐不密當世猶畏人知豈肯身後乃與鬼爭

嵩書

卷七

五

嵩書

名乎若唐郭仙舟金李若愚輩雖僅存姓名而不詳其事亦無所恨耳惟是本朝道化休明賢哲挺出紳冕偉人後先輝映獨所稱山林之士實鮮嘉遯焉六十諸峰當寂寂笑人矣彼結韞曳裾日挾貴人竿牘為市者入嵩辱嵩安得倒天漢之水為嶽神洗垢乎

嵩書卷之七終

門人  
張孔修校字

嵩書卷之八

文林郎登封縣知縣傅梅元鼎撰

黃齋篇

外方長曰大戴記宰我問孔子曰黃帝非人與榮伊  
令何以稱黃帝三百年也孔子曰生而人得其利百  
年死而人畏其神百年亾而人用其教百年故曰三  
百年也孔子時有老子者祖黃帝之學以自然為宗  
其言曰人法地地法天天法道道法自然致虛極守  
靜篤吾以觀其復今其所著書道德上下篇可覽焉  
嵩書 卷八 黃齋篇

自是而後言道者附之或導氣鍊形或餌丹服石或  
符呪禱祀其說益下儒者笑之然不必笑也乾坤大  
矣何所不有古稱海中有不死藥黃金銀宮闕神氣  
成五彩彼遠於世界誠浩渺不可信嵩山二室固天  
地之中也傳記所稱龍穴仙館及浮丘子晉之屬人  
人能道之豈盡誣哉疑以傳疑備列於冊俾世知此  
山之大又知黃帝老子之道愈遠而愈紛久已離其  
本旨方外之士得有所省焉

周

李耳

李耳字聃號伯陽苦縣人母胎八十一年而生故世  
稱老子景王時為周柱下史孔子適周將問禮於老  
子聞老子之言孔子去謂弟子曰鳥吾知其能飛魚  
吾知其能游獸吾知其能走走者可以為罔游者可  
以為綸飛者可以為矰至於龍吾不能知其乘風雲  
而上天吾今日見老子其猶龍邪老子脩道德其學  
以自隱無名為務居周久之見周之衰廼遂去至關  
關令尹喜曰子將隱矣彊為我著書於是老子廼著  
嵩書 卷八 黃齋篇

書上下篇言道德之意五千餘言而去莫知其終  
道書稱老子當定王時定王問在世仙對曰中嶽古  
先生者即予是未知然否王季年拾遺記云老君居  
景室之山與世人絕迹惟  
與老叟五人或乘鳴鶴或著羽衣共譚天地之數  
所撰書經垂十萬言有浮提國獻善書二人作老  
乍少隱形則出影聞聲則藏形時出金壺器中有  
墨汁狀若淳漆灑木石皆成篆隸科斗之文記造  
化人倫之始佐老子撰經皆以玉牒寫之綴以金  
繩貯以玉函及金壺計盡二人乃飲刺心瀝血以金  
代墨道書云洛州景山太室少室也今太室有金  
壺峰豈因子年記而附會之耶

宋倫

宋倫字德玄洛陽人厲王時入道凝心抱一不交人

事日服黃精白朮積二十餘年感老君來降告曰吾有中景之道通真之經生乎三元之始出乎九玄之庭五德合慶六氣凝精分以散景保遐固齡子能修之立致雲輿出有入無徹幽洞冥三光並耀二氣齊靈變化適意飛昇上清倫拜求之乃出靈飛六甲符付倫倫得經修之自然通感察物如神言無不驗能望巖申步淩波涉險不由津路日行千里變形易質翱翔原陸居於嵩山時遊五嶽焉

### 王仲倫

嵩書

卷八

三

黃嵩篇

王仲倫衛人周宣王時入少室山得道高唐縣鳴石山巖高百餘仞人以物扣巖聲甚清越晉太康中逸士田宣者隱於巖下葉風霜月常拊石自娛每見一人著白單衣徘徊巖上及曉方去宣於後令人擊石乃於巖上潛伺俄然果來因遽執袂詰之仲倫自言姓字世代比頻適方壺去來經此愛此石響故輒留聽宣乃求其養生唯留一石如雀卵初則凌空百餘步猶見漸漸煙霧障之宣得石含輒百日不饑

### 浮丘公

浮丘公姓李居嵩山脩鍊白日飛昇周靈王時接引太子晉往來嵩高山今太室有浮丘子晉二峰皆因之得名也世傳其原道歌云虎伏龍亦藏龍藏先伏虎但畢河車功不用隄防拒諸子學飛仙狂迷不得住左右得君臣四物相念護乾坤法象成自有真人顧又所著有相鶴經

### 王子喬

王子喬者周靈王太子晉也好吹笙作鳳凰鳴遊伊洛之間道士浮丘公接以上嵩高山三十餘年後求

嵩書

卷八

四

黃嵩篇

之於山上見桓良曰告我家七月七日待我於緱氏山巔至時果乘白鶴駐山頭望之不得到舉手謝時人數日而去乃立祠於緱氏山下及嵩高首焉按王子喬名晉周靈王太子諸書所載多如此而蔡中郎王子喬碑云王孫子喬者上世之真人也聞其仙舊矣不知興於何代傳聞道家或言潁川或言彥家則不指為王子晉矣後漢書王喬傳喬河東人顯宗時為葉令或曰即古仙人王子喬而封禪書注引裴秀冀州記云王喬捷為武陽人為栢人令於緱氏山登仙則又似別是一人矣近見李襲黃谷謙談附載於此以備考證

### 蘇林

蘇林字子玄中嶽仙人也兩目瞳子正方自言生於

衛靈公末年少好道德受學於岑先生岑先生授以鍊身消災之術後遇仇公教以服氣之法還神守魂之事行之甚驗仇公曰吾術盡於此矣不能使子白日升天乃致於消子消子者中仙人也守之彌年又教以守三一之法告林曰三一者太微之玄真上清之元圖一曰洞真二曰妙經三曰素靈此書淵秘非賢勿宣汝有至心故以相付一則消除萬害一則形軀不敗乃地仙之美術長生之真法也林因受之得以遊翔名山看望八表從容數百餘年後自稱黃泰

嵩書

卷八

五

黃商篇

故著故敗皮袴角皮褶賣芒履於陳留市中遇紫陽真人授以道要不知所終

叩疏

叩疏周封史也能行氣鍊形煮石髓而服之謂之石鍾乳至數百年往來入太室山中有臥石牀枕焉

劉奉林

劉奉林一云婁奉林周時人學道於嵩高山服黃連以得不死然亦不能有所役使積四百年三合神丹為邪物所敗乃行徙入委羽之山能閉氣三日不息

於今千餘年矣

施存

施存春秋時齊人自號婉盆子人稱胡浮先生師黃盧子得三皇內文遁變化景之道役御虎豹之術先居南嶽石廩峰每出則乘白豹時步還山豹即迎之或隱或顯後常在中嶽少室往有壺公者即其人也晉永康初乘豹昇天宋徽宗重和元年賜號冲和見素真人

王觀香

嵩書

卷八

六

黃商篇

王觀香字衆愛周靈王第三女也是宋姬所生於子喬為別生妹受子喬飛解脫網之道得去入緱氏山中後俱與子喬入陸渾積三十九年道成白日冲天

秦

姜叔茂

姜叔茂秦時封巴陵侯隱於句曲山種五果并五辛菜貨之以市丹砂而用之今山間猶有韭薤即其遺種得仙後嘗作書與太極官僚云昔學道於鬼谷得道於少室晨翮於華陽待舉於逸域時乘飈車宴於

句曲晤言永歎代謝之速物存人亡我勞如何

### 丁寔

丁寔者多游洛陽自稱嵩山隱人髮白如絲而面若桃華色或問之曰君應百歲也何時隱嵩山寔曰我本秦始皇時儒士也李斯勸始皇坑儒焚書以愚黔首我即逃入嵩山遇一老叟謂我曰可令爾長生因授我一丸藥我吞之至於今雖髮白而容顏不變故不記多少歲也爾後好仙者多白日昇天皆不復回我本非神仙故多不遇之人或又問曰君既得靈丹

嵩書

卷八

七

黃高篇

何不為仙也寔曰我雖得長生之道而且不得乘虛御氣之道故不能昇仙也寔每歲至春和即必至洛陽城如此數十年人皆識焉唐天寶末祿山將反寔謂人曰我又須逃胡與儒異也言訖而去不復至人皆疑是地仙耳

漢

### 周栖野

周栖野中嶽人著故破衣隱其姓名如風如狂常往來於九衢狂歌曰巾金巾入天門呼長精吸玄泉鳴

天鼓養泥丸漢之卿相聞其歌頗皆異之相與開釋莫之能喻者唯留侯知是仙人微服往謁延入密室潛有所授約以後期會於嵩山小有洞天後留侯佐高祖成功之後竟從之

### 劉根

劉根潁川人隱居嵩山中諸好事者自遠而至就根學道太守史祈以根為妖妄乃收執詣郡數之曰汝有何術而誣惑百姓若果其有神可顯一驗事不爾立死矣根曰實無它異頗能令人見鬼祈曰促召之

嵩書

卷八

八

黃高篇

根於是左顧而嘯有頃祈之亡父祖近親數十人皆反縛在前向根叩頭曰小兒無狀分當萬坐顧而叱祈曰汝為子孫不能有益先人而反累辱亡靈可叩頭為吾陳謝祈驚懼悲哀頓首流血請自甘罪坐根嘿而不應忽然俱去不知在所在按群仙錄云潁川太守史祈與本傳小異又劉根別傳云根棄世學道入中嶽嵩山石室中嶂上東南下五十丈冬夏不衣身毛皆長一二尺顏狀如年十五時

### 王興

王興陽城人漢武帝上嵩高山起道宮齋潔思神忽

見仙人長及二丈餘耳出額下垂至肩帝禮而問之  
仙人曰吾九疑人也聞中嶽有石上菖蒲一寸九節  
服之可以長生故來採之言訖忽然不見武帝顧謂  
侍臣曰彼非學道服食之徒也恐是中嶽之神以此  
諭朕耳乃採菖蒲服之二年輒煩悶不快乃止時從  
官亦多服之然莫能持久惟興聞仙人之言乃採服  
之不息後白日昇天

### 張道陵

張道陵留侯六代孫也舉賢良方正雖仕而志在鍊

高書

卷八

九 黃帝篇

形遂退隱北邙山章帝以三品印綬起之不就入嵩  
山遇神人告之曰石室中藏黃帝丹經琅函玉笈之  
書子行必獲矣遂從之果得其書於是築壇朝真以  
煉九丹丹成謂弟子王長曰服丹當冲天然吾未有  
大功豈敢遽服宜為國家除害興利然後服之則吾  
臣事三境亦無愧矣

### 魯女生

魯女生長樂人少好道初服餌胡麻及木綿穀八十  
餘年日更少壯色如桃華一日能行三百里走及聲

鹿後採藥於嵩高山忽見一女人坐山澗中女生知  
是神人因稽首乞長生之要良久女人曰我三天太  
上侍官也汝當得仙故得見我我將授汝寶文秘要  
可以威制五嶽役使眾靈乃出五嶽真形圖以與之  
并告其施用節度女生道成遂入華山後五十年有  
人見於西嶽廟前顏色更少乘白鹿寄語謝其鄉里

### 親知故人

東方朔曰五嶽真形者山水之象也盤曲

狀是以

筆鋒鋒芒乎嶺雲林玄黃有如書字之

韻而隨

形而名焉五嶽古本真形圖云黑者山

高書

卷八

十一 黃帝篇

大則隴岫壯葛洪謂高下隨形長短取象家有蓄  
圖者善神守護其家眾邪惡鬼災害疾病皆自消  
滅也若上士佩之則萬神皆為朝禮矣山蹠泉脉  
源流上下昔王母授武帝本經萬餘言在圖上今  
曰凡修道之士棲隱山谷須得五嶽真形圖佩其  
山中鬼魅精靈虫虎妖  
怪一切毒物莫能近矣

晉

### 商丘開

商丘開晉人幼好道居姑射山能蹈水火而身不焦  
溺或救覆舟或嚙水而滅火善丹青然身常貧客隱  
范氏家諸客莫不狎侮之范氏一朝家大火諸客莫

能救商丘開獨入火取錦往還埃不漫身不焦火大  
熾對諸客嘆水即滅衆方疑其神人慙謝後入嵩山  
不出

梁

廖冲

廖冲字清虛梁武帝大通三年居連山郡以才德見  
稱為本郡主簿後辭官遊探道要居嵩高山久之過  
荆渚公安二神作妖起風浪阻船因除伏之令護船  
而渡至南嶽於祝融頂遇太平真君傳道要復謂二

嵩書

卷八

士

嵩書

神曰吾居柳陽作丹可為吾守壚他日丹就汝亦有  
分丹成歸鄉常乘一虎執蛇為鞭年一百餘唐睿宗  
先天二年風雲晦冥而昇  
後魏

冠謙之

冠謙之字輔真上谷人少修張魯之術服食餌藥歷  
年無効後遇仙人成公興將謙之入嵩山有三重石  
室令謙之住第二重歷年興謂謙之曰興出後當有  
人將藥來得但食之尋有人將藥至皆毒蟲穢物謙

之大懼出走興還聞狀謙之具對興歎息曰先生未

便得仙政可為帝王師耳興伴謙之七年忽謂謙之

曰明日中應去乃入第三重石室卒明日尸欬然而

去謙之守志嵩嶽精專不懈神瑞中忽遇天神乘龍

駕雲導從百靈仙人王女左右侍衛集止山頂稱太

上老君授謙之新科經戒九卷符籙十餘卷始光初

獻其書於魏世祖崔浩獨異其言因師事之上疏讚

明其事世祖召使謁者奉玉帛牲牢祭嵩嶽崇奉天

師顯揚新法宣布天下後謙之卒口中氣出若雲煙

嵩書

卷八

士

嵩書

至天半乃散屍體引長八尺三寸三日遂縮二尺人  
謂尸解云  
唐

王遠知

王遠知楊州人母晝寢夢鳳集其身因有娠浮屠寶  
誌謂其父曰生子當為世方士遠知少警敏博綜群  
書事陶弘景傳其術為道士陳後主召入重陽殿辨  
論超詣甚見咨挹隋煬帝為晉王鎮揚州遣使邀見  
少選髮白俄復鬚帝懼遣之後幸涿郡詔遠知見於



臨朔宮帝執弟子禮咨質仙事詔京師作玉清玄壇以處之及幸揚州遠知謂帝不宜遠京國不省唐高祖尚微遠知密語天命武德中平王世充秦王與房玄齡微服過之遠知未識迎語曰中有聖人非王乎乃諗以實遠知曰方為太平天子願自愛太宗立欲官之苦辭真觀九年詔潤洲即茅山為觀俾居之遠知多怪言託其弟子潘師正曰吾少也有累不得上天今署少室伯吾將行即沐浴加冠衣若寢者遂卒或言壽蓋百二十六歲云謚升玄先生

嵩書

卷八

三

嵩書

### 潘師正

潘師正字子真貝丘宗城人少喪母廬於墓側以孝聞大業中度為道士師事王遠知盡以道家隱訣及符籙授之師正清靜寡欲居嵩山逍遙谷二十餘年唯服青餽飯松葉飲水而已高宗幸東都因至谷中問師正山中何所須對曰所須茂松清泉此山中不乏又命作符書辭曰不解符書帝與天后歎異之而去明日步輦載至行宮與語留連信宿乃還尋勅所司於其所居造崇唐觀嶺上別立精思院以處之及

營奉天宮又勅所司於逍遙谷口特開一門號曰仙遊門又於苑北面置尋真門皆為師正立名步輦迎至之時太常奏新造樂曲帝令以祈仙望仙翹仙為名前後賜詩凡數十首甚見尊禮永淳元年將卒謂弟子曰吾默遯於此乃復過勞世主驚擾靈嶽誠罪人也汝等學道不厭淡眇卒時年九十有八謚體玄先生詔司功王適撰碑文

### 劉道合

劉道合陳州宛丘人初與潘師正同隱嵩山高宗聞其名令於隱所置太一觀以居焉數召入宮及將封泰山屬久雨帝命道合禳祝俄而霽帝大悅即令馳傳先登泰山以祈福祐前後賜賚皆散與貧乏無所蓄咸亨中為帝作丹劑成而卒及帝營奉天宮遷道合之殯室弟子開棺將易衣改葬其尸惟空皮而背上開坼若蟬蛻者眾謂尸解高宗聞之恨曰為我金丹乃自服仙去矣

### 常善俊

常善俊京兆人母初妊每嗽血食則連夕腹痛遂蔬

食既生年十三長齋誦諸道經後詣嵩陽觀事黃元  
嘯參佩道法又從臨汝洞元觀道士韓元最復授祕  
要唐高宗調露初有劉文兒過山之西見神人長丈  
餘介甲而坐見善俊來起迓之文兒欽異遂從善俊  
歸嵩陽嗣聖中善俊嘗過壇墟店東遇黑馱犬繞旋  
不去因畜之呼為烏龍如意中將遊少林寺以齋食  
食之僧曰人未食而食犬可乎謝曰吾過矣尋出寺  
而去望之愈遠而犬愈大長數丈化為龍善俊乘之  
歸嵩陽絕迹不復出長壽中忽謂弟子曰吾學道已  
九十九年今則百矣太上召我當往遂乘龍去

嵩書

卷八

五

黃商編

### 吳筠

吳筠字真節華陰縣人少通經誼美文詞舉進士不  
中性高鯁不耐流俗入嵩山依潘師正為道士盡通  
其術天寶中南遊金陵訪道茅山久之遊天台觀滄  
海與有名士相娛樂文辭傳京師玄宗聞其名遣使  
召見大同殿與語甚悅敕待詔翰林獻玄綱三篇帝  
嘗問道術對曰道術之精無如五千言其諸支辭蔓  
語徒費紙劄耳又問神仙修鍊之事對曰此野人事

積歲月求之非人主宜留意筠每關陳皆名教世務  
以微言寓諷天子重之筠知天下將亂懇求還嵩山  
詔為立道館及安祿山稱兵乃還茅山又入會稽剡  
中至大曆十三年卒弟子私謚曰宗元先生所善孔  
巢父李白歌詩略相甲乙云

### 司馬承禎

司馬承禎一名子微字道隱世居溫生而能言天錫  
神表年十二師潘師正於嵩陽受金根上經三洞隱  
書嘗有烏如鳳凰下集香几爪痕著成書文曰東華

嵩書

卷八

六

黃商編

上清真人自是人益神之後隱於天台山玉霄峰自  
號白雲子有服餌之術唐則天累徵不起至睿宗時  
召見問陰陽術數及理國之道淡加賞異欲加寵位  
固辭乃厚資遣還公卿多賦詩送之時盧藏用早隱  
終南山後登朝居要官見承禎將還天台藏用指終  
南謂之曰此中大有佳處何必天台承禎徐對曰以  
僕所觀乃仕宦之捷徑耳藏用有慚色明皇好道術  
徵承禎入內殿大加禮敬語秘不傳詔於王屋山置  
壇室以居之承禎博學能文善篆隸金剪刀書自成

一家體帝命以三體寫老子刊正文句進之文靜天師嘗與承禎隔屏夜宿禁中忽聞小兒誦經聲玲玲如金玉響密窺之見承禎額上有小日如錢光耀一席逼聽乃承禎腦中之聲也黃庭經云左神公子發神語此之謂矣久之復往天台山一旦忽告弟子曰吾自玉霄峰東望蓬萊有靈真降駕今為東華君所召必須往俄頃化去如蟬蛻蛻弟子葬其衣冠焉時年幾百歲矣道藏云初明皇登封太山四問承禎五出雲降而為四之望無靈仙所降亦有仙官主之於是詔五歲於山頂別立仙宮廟自承禎始也

高書

卷八

七

黃商編

### 李含光

李含光廣陵江都人本姓弘避則天諱易焉家世業儒父孝威號貞隱先生精黃老之術神龍初以清行度為道士居龍興觀開元十七年從司馬承禎於玉屋山一見目之曰真玉清之客也居嵩陽二十餘年司馬仙遊玄宗名詣闕與語歎曰吾見含光知司馬真人猶然在世一日問及金鼎對曰道德公也輕舉公中之私耳若忽道德而求生狗欲則似繫風玄宗漢感異之居陽臺觀歲餘稱疾乞歸茅山後特賜楊

許故宅紫陽觀以居之賜號玄靜先生大曆四年冬十一月坐蛻於紫陽別院執簡如生時年八十有七

### 邢和璞

邢和璞不知何許人善筭心術凡人心之所計布筭而知之卜居嵩頰間石堂山之洞著頰陽書三篇復能以法活死者唐明皇開元十二年至都朝貴候之其門如市有友人居白馬坡下和璞至死已踰日其母哀之和璞遂置尸於牀引其衾同臥閉戶良久起具湯沐須臾即活又崔司馬者與和璞善疾篤聞寢

高書

卷八

七

黃商編

壁有穿穴聲窺之有微隙漸大見導從數百人一人紫衣大冠坐車中謂崔曰邢先生合太乙相救言訖而去其疾遂愈隙穴亦尋失矣房瑄為桐廬宰與和璞攜手出城至夏谷村廢佛堂和璞以杖擊地掘得一瓦餅中有婁師德與永公書和璞笑謂瑄曰省此乎瑄髻髻前世嘗為僧名永和璞曰君當為宰輔善自愛然其終必以食餒棺以龜茲瑄後果踐台輔謫居閬州臥疾紫極宮稍愈太守召會郡齋進餚食畢疾復作翌日果終前有賈者施龜茲板為老君帳因

假以為棺和璞廬終南時崔晤與其友恭事左右一日謂其徒曰旦夕有異客子等為予設具又戒曰謹毋窺伺翌日果一人至其長五尺闊三尺首居其半衣緋執笏鼓髯大笑吻角侵耳作劇談多非人間語崔晤欲見不自止遂趨而過客熟視謂和璞曰此非泰山老師乎曰然食訖而去和璞謂晤曰此上帝戲臣也言泰山老師子能省乎晤垂涕曰少聞先人言其實老師之後身然前身不甚記和璞後亦不知所之

嵩書

卷八

九

黃尚書

### 李筌

李筌號達觀子居少室山好神仙之道常至嵩山虎口巖得黃帝陰符本經緘以玉匣題曰大魏太平真君二年七月七日上清道士寇謙之藏諸名山用傳同好其本糜爛筌抄讀數千遍竟不曉其義理因入秦至驪山下逢一老姥狀貌甚異路傍見遺火燒樹因自言曰火生於木禍發必尅筌驚而問之曰此黃帝陰符老姥何得而言之姥曰吾受此經六周甲子矣少年從何而得之筌稽首再拜具告所得姥曰少

年顙骨貫於生門命門齊於日角血腦未減心影不偏德賢而好法神勇而樂智真吾弟子也然四十五當有大厄因出丹書符一道貫於杖端令筌跪而受之姥於是坐於石上與筌說陰符之義約數百言又教筌每年七月七日寫一本藏於名山石巖中得加筭久之姥曰日已晡矣吾有麥飯相與為食袖中出一瓢令筌谷中取水既滿矣瓢忽重百餘斤力不能制而沈於泉及還已失姥所在但留麥飯數升而已筌食之自此絕粒開元中為江陵節度副使御史中丞筌有將略作太白陰經十卷又著中台志十卷時為李林甫所排竟入名山訪道不知所之

### 吳善經

吳善經嵩山學道十餘年周歷幽勝忽直一洞門廣丈餘高五六尺徐行入二三里即覺似濃煙霧中又數里豁然明朗山川洞開四顧極遠巖下有道士五六人奔往禮謁比至唯一人在焉善經拜禮修謁自幸遭遇乞延生度世之要仙者欣然曰度世之道須青錄著名天挺仙骨未易言也然子慕道之志亦可

憫焉因指石牀上有書數軸令取一軸來依教取之  
仙者笑曰未可教以出世之道且讀此可以於人間  
整叙經書辨識文字以佐王者增爾善功耳即授以  
指訣丁寧再三善經了然頓悟一一詳識即令出山  
指以他徑頃之已在洛下矣自此經中玉篆赤書寶  
章真訣展讀詳熟與隸書無異憲宗皇帝修內殿於  
斗拱內得符一函中外無有識者召善經入殿內示  
之披讀周悉輒無疑滯賜以金帛即令注解以進善  
經在洛下九十餘貌若嬰孩齒髮不衰後遊五嶺不  
知所在

嵩書

卷八

三

黃商編

### 賀自真

賀自真莫究其所從來為道士居嵩山有文學常焚  
修精勤年少人亦不知其甲子然道俗相傳見之多  
年矣皆不甚為異一日雲鶴滿空聲樂清亮自真忽  
飛昇而去時有處士陳陶在東都見洛城人觀望瞻  
禮驚歎不已乃賦詩曰子晉鸞飛古洛川金桃再熟  
賀郎仙三清樂奏嵩丘下五色雲屯御苑前朱項舞  
低迎絳節青鬟歌對駐香輶誰能白晝相悲哭太極

光陰幾萬年

### 譚峭

譚峭字景昇國子司業洙之子幼而聰明及長屬文  
清麗洙訓以進士業而峭不然迴好黃老諸書靡不  
精究一旦告父出遊終南山父以終南山近京都許  
之自終南遊太白太行王屋嵩華秦嶽迤邐遊歷名  
山不復歸父馳書責之復謝曰茅君昔為人子亦辭  
父學仙今峭慕之冀其有益父母乃聽其所為峭師  
於嵩山道士十餘年得辟穀養氣之術唯以酒為樂  
常醉騰騰周遊無所不之夏服烏裘冬則綠布衫或  
臥於風霜雪中經日人謂其已斃視之氣出蒸蒸然  
父常念之每遣家童尋訪寄之以衣喜而復書家童  
纔去便以父所寄衣出街路見貧寒者與之及寄於  
酒家一無所留人或問之答曰何能看得盜之所竊  
必累於人不衣不食固無憂也後居南嶽鍊丹成服  
之入水不濡入火不灼亦能隱形變化復入青城山  
不出矣

### 應靖

嵩書

卷八

三

黃商編

應靖不知何所人也唐僖宗時為登封令有惠政黃巢犯東都分兵徇屬邑登封吏民惶懼無計靖曰吾邑無郭庫無兵廩無粟何以守乎即空一邑往保嵩高山自為殿賊追及靖力戰以捍之賊解去登封之人獲全靖既而棄官學道遂仙去隱其姓以名顯故謂之靖長官宋哲宗元祐中劉几常遇嵩高山中天姿疎散浩然也長官嘗以道授黃蓬石有何格非者仕至二千石少慕清高亡何亦見長官於大蓬山飛仙巖自是數至長官喜抵掌談笑飲酒至斗餘然坐在立亡倏忽千里不可測度一日長官過格非呂真人尋浮空而至並坐語格非遽起再拜求指教真人曰子自有師矣格非志不篤已而不能悉如長官言以疾終焉一說靖長官真定人

### 王仙君

王仙君以唐昭宗天復初自上黨雲遊經北邙緱氏入嵩山曠度虛懷澹然無迹雖與同侶相接莫知其所為放志林谷飄忽無滯遂迷其所之歲餘其門人道士與其弟姪自壺關太行南遊嵩少歷問所經宮

觀物色求之乃於嵩山西北絕崖中見之仙君端居嵌竇之內宴坐凝然高聳且百仞壁立懸絕非攀援所到門人等炷香瞻禮涕泣戀慕不忍舍去良久仙君忽謂曰太上以我夙有微功召為少室仙伯仙凡路隔勿復悲戀言訖騰空而去

### 焦鍊師

焦鍊師者嵩山之神仙不知何許婦人也或云生於齊梁時其年可稱五六十常胎息絕穀居無室廬遊行若飛倏忽萬里世或傳其入東海登蓬萊竟不能

嵩書

卷八

嵩

黃商篇

測其往也李太白訪道少室登三十六峰聞鍊師之風慕之灑翰賦詩遂為寄贈李頎亦有詩二詩俱見韻始篇

### 薛玄同

薛氏河中少尹馮徽之妻也道號玄同嫁二十年常託疾獨處誓焚香念道別居一室持黃庭經曰三兩遍咸通十五年七月夜忽有青衣玉女二人降其室曰紫虛元君將親降於此如是凡五夕玄同焚香以候元君果與侍女降於其室憩之良久示以黃庭壇神存修之旨賜九華之丹一粒謂玄同曰可八年後

吞之當遣玉女馳車迎汝於嵩嶽矣言訖散去玄同  
自是冥心靜神往往不食至廣明庚子歲大寇犯關  
馮與玄同寓跡於常州晉陵中和元年十月舟行至  
直瀆口欲抵別墅乘流之際忽見河濱有朱紫官吏  
及戈甲武士立而序列若候舟楫者舟人驚駭不進  
玄同曰無懼也即移舟及之官吏皆拜玄同指揮曰  
未也猶俟春中自私第去無速也其官吏遂各散去  
同舟者莫究其由明年壬寅二月玄同沐浴餌紫虛  
所賜之丹二仙女密降其室促嵩高之行十四日夕

嵩書

卷八

五

黃喬編

宋

許昌齡

許昌齡安世乃旌陽真人之後也蚤得神仙之術穎  
陽石堂山一峰雄秀上有石室即邢和璞竄心處也

昌齡聞其奇杖策來居天下傾焉後游太清宮時歐  
陽文忠公守亳社聞之邀致州舍與語豁然有悟贈  
之詩云綠髮青瞳瘦骨輕飄然乘鶴去吹笙郡齋坐  
覺風生竹疑是孫登長嘯聲公又有贈許道人及送  
龍茶戲石堂山隱者七  
律云南莊相對北莊居更下溪山十里餘幽徑每  
尋樵徑上真情還與世情疎雲中大吹流星過天  
外雞鳴曉日初昨日有人相問訊旋將落葉寫回  
書讀此想見其人  
矣見西清詩話

賀蘭棲真

賀蘭棲真不知何許人為道士自言百歲善服氣不

嵩書

卷八

五

黃喬編

憚寒暑往來不食或時縱酒遊市鄆間能啖肉至數  
斤始居嵩山紫虛觀後徙濟源奉仙觀張齊賢與之  
善景德二年詔聘赴闕既至真宗作二韻詩賜之號  
宗玄大師資以紫服白金茶帛香果特蠲觀之田租  
度其侍者未幾求還舊居大中祥符三年卒時大雪  
經三日頂猶熱人多異之

王仔昔

王仔昔洪州人始學儒自言遇許遜得大洞隱書豁  
落七元之法出遊嵩山能道人未來事政和中徽宗

召見賜號冲隱處士帝方以旱禱兩每遣小黃門持紙求仔昔畫一日黃門又持紙至仔昔不為畫惟篆符其上傍細書云焚符湯沃而洗之黃門懼不肯受强之乃持去蓋帝默祝為宮妃療赤目者用其說一沃立愈進封通妙先生

### 劉居中

劉居中汴人也少時隱於嵩山居山巔最深處曰控鶴菴初與兩人同處率一兩月輒下山覓糧登陟極艱苦往往躋攀葛藟窮日力而至兩人不能堪皆舍

嵩書

卷八

五

嵩書

去獨居中居之自若凡二十年山中常聞石壁間老人讀書聲逼而聽之寂然既退復爾其後石壁摧得異書甚多陰陽方技修真黃白之學無所不有居中縱讀之悉洞曉其奧義靖康之亂居中下山獨取其首尾全者數篇餘悉焚之又嘗聞異香滿室經日乃散不知所從來也南渡後宋高宗紹興間嘗召入宮賜號冲靜處士居中生於神宗元豐七年甲子百餘歲矣不知所終

### 黃敬

黃敬字伯嚴武陵人少誦讀經書仕州為部從事後棄官學道於霍山八十餘年復入中嶽專行服氣斷穀為吞吐之事胎息內視至二百歲轉還少壯道士王紫陽數往見之求要言敬告紫陽曰吾不修服藥之道但守自然蓋地仙耳何足詰問新野陰君神丹昇天之法此真大道之極也子可從之不可師我紫陽固請不止敬乃告紫陽曰大關之中有輔星想而見之翕習成赤童在焉指朱庭指而搖之煉身形消遣三尸除死名審能守之可長生失之不久淪窳冥

嵩書

卷八

五

嵩書

### 邊洞元

邊洞元洛陽人幼慕老莊學因隸籍為道士凡遊四方貨藥以自給一日登嵩山峯嶺遇一書生以木簡負數冊書又携一大壺同憩於古松之下洞元問曰君何往曰住嵩陽肄業復曰壺中酒命師飲之可乎曰幸甚於是連飲十數盃洞元乃醉書生曰小子有術可與師醒酒然慎勿懼之遂取木簡摩拭俄而化為劍復曰欲借師之肝膾之可乎洞元懼而醒乃俯

紫陽受之得長生之道也  
此黃伯嚴乃漢末人誤置于此



伏乞命書生曰觀子有仙風道骨然未有所遇遂揮劍浮空而去擲下一卷書謂洞元曰收之請相訪於五雲溪既展看即數幅紙五彩畫研茶槌二十枚殊不曉其意紙尾有絕句詩云邂逅相逢萼嶺邊對傾浮蟻共談玄擬將劍法親傳授却為迷人未有緣洞元感歎不遇皇皇若有所失久之歸洛陽乘醉入水不復出後有客自衡湘來言洞元在南嶽觀中託附書至洛陽其親舊辨其墨迹乃洞元親筆蓋水解也

大明

嵩書

卷八

无

黃高篇

馬之瑤

馬之瑤太康縣人棄家遊嵩山居太室之絕頂善吸影導氣之術雨雪絕糧或數日不食人名之食又能大噉當邑旱持畫一軸謂人曰吾與龍王祝萬壽為汝輩乞雨忽聳身入潭中須臾復出衣履不濡曰某日當雨後果驗與人語多顛狂不經不能窺其際也

顏道人

顏道人不知何許人以運氣內養為事隆慶末年於少室山巔鑿洞演丈餘謂弟子曰吾欲入洞修道汝

可築土實洞口必令內外呼聲兩不相聞乃止仍盡伐洞口草木絕樵者往來三年後可啓視之如身斂則道不成也弟子如命築之踰三載其弟子同百餘人啓洞審視師果兩手抱卵端然而坐洞去白道洞四五里在御砦東頂後仍封閉矣

萬曆戊申歲中州大旱登封自春正月至夏五月不雨予終日徒拜赤日中曬背成甲禱卒不應意甚憂之念此後即雨已非播穀之時獨有救唐高承簡傳野有救實俗作蕎麥猶可種耳民間素不蓄此恐難卒

嵩書

卷八

无

黃高篇

手

黃高篇

辦乃出帑羨若干緡佐以薄俸收糴貯庾中以爲民倡又設法招誘四方轉販者諭令百姓量力買畱肩背相屬而價不騰踊時亦有笑予迂闊者曰雨安在張皇若此乎至六月六日辛酉予早起步禱於龍潭既畢時正息訟停徵縣中無事因信步向東北探幽而行既入大峽渡一澗道路險絕從者多停峽口跋涉久之境益奇遂遂舍衆獨往止一小吏頗負勝具負印隨行又三四轉折約二里許密樹沿溪氣甚清涼忽溪邊一隱士長髯修軀

年約五十餘揖予曰令君勞苦雨關天行非旦夕可速今理數俱極再踰旬日或得沾濡盍為種計予曰日收救實公私俱積顧安所得雨乎隱士大息良久曰可惜可惜予心知為異人執禮愈恭稍詢其氏里隱士不答手向東北一孤樹下指曰君欲活一方民必須此物予急往視之見平地長白菜一莖肥大異常親拔而付之吏回就隱士則已攬衣登一懸崖抗手作別云後當再晤追不及矣予尋舊路歸至半途迎者亦至乃上馬心念六月

嵩書

卷八

至

嵩書

非長菜之時且山中諸草半枯此菜何以獨茂必當有異薄暮至嶽廟煮而嘗之芳美尤絕次日急下令民間收糴菜予公帑無可移借者括私宅銀章酒器脫內人替珥之屬遣人四出數日得菜子數百斛散寄各鄉社至十五日庚午望嵩山東北遙祭具祝幣焚之又三日癸酉率衆往詛龍潭以激神怒自午至亥大雨如注四境沾足予又下令民間菽菜兼下種不得分播富者自辦貧者官給數日苗出青被壟畝予日日往來郊野省視詎意

雨後復四十日大乾前苗盡稿百姓始皇皇謀他徙矣予憂深病極閉閣偃臥計無復之至七月晦日甲寅忽大雨自是或三四日或五六日輒雨連綿至秋暮枯菽無一生者而菽中之菜勃然重發高踰二尺大過常年數倍於是流徙日歸收菜曝乾塞檐充棟得以卒歲矣萬口生靈幸免溝壑者始於隱士之一言也予感此異人不敢貪天功以為己力欲記則近於語怪不記恐沒其實無以昭示將來忽忽四載會嵩書告成遂援筆書於黃齋

嵩書

卷八

至

嵩書

篇之後云

嵩書卷之八終

門人  
陳弘祚  
校字

嵩書卷之九

文林郎登封縣知縣傅梅元鼎撰

竺業篇

外方長曰自西方之教蔓延中夏域內名山半為梵宇據之今持鉢荷錫之流與四民分道而馳矣求在身為律在口為法在意為禪庶幾所謂佛者累世不一見儒者往往詆之而搢紳好奇者乃欲代其徒精解而攻焉此亦賢智之過也夫佛始於天竺其道以為人死性靈不滅輪轉受形所行善惡各有果報修

嵩書

卷九

一

竺業篇

其道者澡練神明澡練不已以至無生則佛矣佛者覺也以慧為歸以定為門定則悟悟則慧而以慈悲為室和柔忍辱為度而約於一空故豪穎者嘉其超恬雅者契其澹即麤鄙者亦足銷客氣之浮游彼其始固天地運氣萃於一隅者耳儻亦聖人所不必敵者邪然而果報之說淺矣愚者之所設非好奇者之所宜惑也二室多古寺而少林為大基肇於跋陀法傳於達磨自是而後高僧雲集戒壇時復有鐙鐙於彼道者於是嵩山得稱祖庭非諸方所敢望矣予悲

世之入其教而迷其旨也略採傳記姓名令得有所證焉亦足以明天地聖人之大矣

南北朝

跋陀

跋陀禪師本天竺人一稱佛陀學務靜攝博通經法在彼國時結友六人相隨業道五僧證果唯跋陀無獲有謂者曰修道藉機時來便克非可斯須徒為虛死可於震旦別立緣也從之勤苦勵節遊歷諸國遂至魏北臺之恒安焉孝文帝一見敬隆誠至特設禪

嵩書

卷九

二

竺業篇

林鑿石為龕給以資供倍加餘部而徵應潛著皆知其非常人也後隨帝南遷定都伊洛敕設靜院居之陀性愛幽棲林谷是託屢往嵩嶽擬謝人世未幾帝敕就少室山為之造寺今之少林是也陀既卓錫於此四方來學者聞風響會衆恒數百一一篤課無倦後連度二沙門慧光僧稠敕傳定業釋道為之大振化行東夏矣年漸遲暮不預僧倫移居寺外別房感一善神常隨擁護每食必祀之將終之夕在房門之壁手畫神像於今尚存相傳少林開創時有識云後

五百年當有女主來欲葬此跋陀因叱水不令東流至唐則天后果欲奪其地竟以無水而止云

### 達磨

達磨大師天竺國王子姓刹帝利本名菩提多羅其師般若多羅取通大之義為改是名師既得法住止天竺六十餘年乃辭國王東遊震旦國王為具大舟送至海濡凡三周寒暑達於南海實梁武帝大通元年魏明帝孝昌之三年也廣州刺史蕭昂表聞武帝詔至闕庭帝問師曰朕即位以來造寺寫經度僧

高書

卷九

三

竺葉篇

不可勝記有何功德師曰並無功德帝曰何以無功德師曰此但人天小果有漏之因如影隨形雖有非實帝曰如何是真功德答曰淨智妙圓體自空寂如是功德不以世求帝又問如何是聖諦第一義師曰廓然無聖帝曰對朕者誰師曰不識帝不領悟師知機不契合遂去梁折蘆一枝度江而北留於洛陽後寓止於嵩山少林寺九年面壁而坐終日默然人莫之測謂之壁觀於時有慧可禪師立雪斷臂求授諸佛法印得其精髓傳領衣鉢法偈及楞伽諸經咸得

餘緒以度迷情行化已終乃往禹門千聖寺息脚三日期城太守楊銜之仰求宗旨懇留住世師不獲已受以識語銜之默記禮辭而去師以化緣已畢傳法得人曰吾即逝矣端坐而寂時梁大同二年魏天平三年十月也至十二月葬於熊耳山起塔於定林寺後二歲魏使宋雲自西域還遇師於蔥嶺見師手提雙履翩翩西逝謂雲曰汝主已厭世雲聞之茫然別師而東既歸帝果登遐雲具奏其事其門人啓壙乃空其棺其中唯隻履而已遂取履供養於少林寺至

高書

卷九

四

竺葉篇

唐開元中有人竊置五臺華嚴寺今不知所在代宗追謚曰圓覺大師

按傳燈錄云達磨以九月二十一日至廣州刺史以表聞奏帝遣使齎詔迎之磨以十月一日至金陵然自廣至金陵亡慮三千餘里將命者往往而復磨方啓行豈使者能於十日之間便歷六千里乎又謂魏孝明帝欽磨異迹三屈詔命竟不下少林及唐示寂宋雲自西域還遇於蔥嶺帝有旨令啓壙如南史普通八年即大通元年也孝明以是歲四月癸丑殂磨以十月至梁當未至魏時孝明已去世矣其子即位未幾為尔朱榮所弑乃立孝莊帝由是魏國大亂越三年而孝莊祖又五年而分割為東西魏然則達磨在少林時正值亂及宋雲之還則孝莊則達磨在世亦五六十年矣魏末有僧達磨航海而來既卒其年魏使宋雲

蕙嶺同見之門徒發其墓但有隻履而已此乃實錄也至云光統律師苦提流支數下毒害達磨至妄今並刪去

### 慧光

慧光姓楊氏定州長蘆人年十三隨父入洛往佛陀禪師所從受三歸陀異其眼光外射如燄溪惟必有奇操也苦邀留之且令誦經光執卷覽文皆若昔習遂度而出家所習經典便為人說辭既清靡理亦高華時人號為聖沙彌因獲利養受而還施然量度弘方不拘小節佛陀曰此沙彌非常人也若受大戒宜

嵩書

卷九

五

三業篇

先聽律律是慧基非智不奉若初依經論必輕戒網邪見滅法障道之源由是因循多授律檢及年登冠學行略周乃從辯公參學論說之美聲颺趙郡後入洛京搜揚新異南北音字通貫幽微方事紙筆綴述所聞兼以意量參互銷釋陀乃呼而告曰吾之度子望傳果向於心耳何乃區區方事世語乎今觀神器已成可為高明法師矣道務非子分也如何自累因而流涕會佛陀任少林寺主譯翻十地諸經光時預席以素習方言通悟綱領命章開釋草創基茲其華

嚴涅槃維摩十地等並疏其奧旨而弘其演導文存風骨不事章句朝野為之欽服嘗遇亢旱光就嵩嶽池邊燒香請雨尋即流霑原隰民皆利之後召入鄴都轉為國統將終前日乘車向曹行出寺門屋脊自裂既坐判事塊落筆前尋視無從未幾奄化

### 慧可

慧可大師虎牢人姓姬氏生時光照滿室因名曰光自幼志氣不群博涉詩書尤精玄理後覽佛典超然自得遂出家於永穆寺終日宴坐久之忽於寂默中

嵩書

卷九

六

三業篇

見一神人謂曰將欲受果何滯此耶大道匪遙汝其南矣光知神助因改名神光白於寶靜禪師師謂曰汝相吉祥當有所證神令汝南者意少林達磨大士必汝之師也光遂造於少室師事達磨晨夕參承師當端坐面壁莫聞誨勵光乃堅立向師求教會天大雨雪光立不動遲明積雪過膝師憫而問曰汝久立雪中當求何事光悲泣曰惟願和尚慈悲開甘露門廣度群品師曰諸佛無上妙道曠劫難逢豈以小德小智輕心慢心欲覲真乘徒勞勤苦光聞師誨勵潛

取利刀自斷左臂置於師前師知法器乃曰諸佛最初求道爲法忘形汝今斷臂吾前求亦可矣遂與易名曰慧可曰諸佛法印可得聞乎師曰諸佛法印匪從人得可曰我心未寧乞師與安師曰將心來與汝安曰覓心了不可得師曰我與汝安心竟久爲之遂盡得達磨之傳師將示寂西返天竺乃顧慧可而告之曰昔如來以正法眼付迦葉大士展轉傳授以至於我我今付汝汝當護持并授袈裟以爲法信可跪受其衣後師端坐而逝自師託化西歸可繼闡玄

高書

卷九

七

竺葉篇

僧稠

僧稠姓孫鉅鹿人心厭世煩一覽佛經渙然神解嘗於鵲山靜處感神來燒抱肩築腰氣噓頂上稠以死要心因證淡定九日不起後從定覺情想澄然究略世間全無樂者便詣少林寺祖師三藏呈已所證跋陀曰自蔥嶺已東禪學之最汝其第一矣乃更授演

高書

卷九

八

竺葉篇

要即住嵩嶽寺僧有百人泉水纔足忽見婦人敝衣挾帚却坐階上聽僧誦經衆便訶遣之婦有慍色以足蹋泉水立枯竭身亦不現衆以告稠稠呼優婆夷三呼乃出謂曰衆僧行道宜加擁護婦人以足撥於故泉水即湧上神異如此後詣懷州王屋山修習前法聞兩虎交鬪咆響振巖乃以錫杖中觸各散而去一時忽有仙經兩卷在於牀上稠曰我本修佛道豈拘域中長生者乎須臾自失北齊高帝詔稠將啓行而峰巒振響飛走悲鳴如是者三日而止稠至京師降蹕迎候命入宮留四十日出居外寺尋有旨罷講席俾沙門盡習禪觀稠入諫帝以爲弘通教理漸誘童蒙正賴講授願勿禁也從之及宣帝即位嘗謁稠稠牀坐不迎其徒有勸迎者稠曰昔賓頭盧尊者迎阿育王起行七步致王失國七年貧道雖寡德冀帝獲福耳俄以此被譖帝銜之將復入寺按其不敬誅之稠已前知預出十里許候之帝怪問稠對曰恐身血汚伽藍故遠來就刃耳帝懼然悔謝謂其臣楊遵彥曰朕不明幾妄黷聖師即奉之如故當終之時異

香滿寺頃有白鳥數百徘徊悲鳴移時乃逝

### 善惠

善惠大士姓傅氏名翕婺州義烏人年十六納劉氏女為室生二子嘗有西域沙門見大士曰吾與汝毘婆尸佛所同發誓今兜率宮衣鉢現在何日當歸因命臨水觀其影見圓光寶蓋大士笑謂之曰躡蹻之所多鈍鍊良醫之門足病人度生為急何思彼樂乎居無幾常見釋迦金粟定光三如來放光襲其身大士喜曰吾得首楞嚴三昧即舍田宅及賣妻子得錢

高書

卷九

九

竺葉篇

五萬以設法施會遂於崧山之頂因雙檣樹剎寺而居故稱雙林大士曰自營作夜則行道復一日於山頂繞連理雙樹行道感七佛相隨釋迦前引維摩接後唯釋尊頻顧大士共語由是異迹日顯遣弟子傳毗致書於朝梁武帝覽之遽遣詔迎至帝問曰從來師事何人答曰從無所從來無所來師事亦爾昭明太子問大士何不論義答曰菩薩所說非長非短非廣非狹非有邊非無邊如如正理復有何言帝曰何為真諦答曰息而不滅帝曰息而不滅此則有色有

色故鈍如此則居士未免流俗答曰臨財無苟得臨難無苟免帝曰居士大識禮答曰天下非道不安非禮不樂帝默然未幾大士辭退遂還雙林至陳大建元年四月加趺而逝

隋

### 洪遵

洪遵姓時氏相州人人歲出家從師請業專學律部嘗自惟曰出家基址其在戒乎乃辭師友遊方聽習諮訪淡義三年遂知大旨初住嵩高少林寺依資雲

高書

卷九

十一

竺葉篇

公前後參聽並扣其關戶渙然大明又從鄴下暉公講論文疏登座覆述眾仰如山自後徧詣禪林參學問法年踰十臘四遠望風堂盈千計齊主寵之授為斷事沙門時青齊諸眾連有訟爭下敕令往遵以法和喻以律科懲曲感物情繁諱自弭法侶欣然及齊曆將季擅名逾遠非類不交唯與慧遠等名僧隱於白鹿巖中及宣政搜揚被舉住於嵩嶽德不孤峙眾復屯歸隋開皇七年下敕追詣京闕與五大德同時奉見特蒙勞引令住興善寺又敕與天竺僧共譯梵

文後復敕請為講律衆主於崇敬寺聚徒成業開導四分爲僧祇之絕唱仁壽四年敕使遵奉舍利往博州起塔初至州西有白鶴數十頭當於輿上旋繞數匝久之方逝及至城東塔所夜有白光數十道各如車軸至四月八日當下塔時又見白蓮華在塔四角高數百丈密葉分布垂於虛空下覆訖乃滅由是遵之名譽益震遠邇矣以大業四年五月卒於興善寺

### 大志

大志姓顏氏會稽山陰人發蒙出家師事天台顓禪

嵩書

卷九

十一

竺葉編

師顓觀其形神灑落高放物表因名爲大志開皇十年行遊廬嶽住峰頂寺誦法華經索然閒雅音聲清轉聽者忘疲後於蓮華山甘露峰南建靜觀道場頭陀爲業介爾一身不避虺虎山粒數絕終日忘餐容色如故經歷七載禪業無斷晚住福林寺會大業屏除流徙乃變服毀形頭環孝經麤布爲衣在佛堂中高聲慟哭三日三夕初不斷絕寺僧慰喻志曰余歎惡業乃如此耶要盡此形骸伸明正教耳遂往東都上表曰願陛下興顯三寶當然一臂於嵩嶽用報國

恩帝許之敕設大齋七衆通集志不食三日登大棚上燒鐵烙臂以刀截斷布裹蠟灌下火然之光耀巖岫於時大衆皆痛心貫髓不安其足而志詞色不變時誦法句讚歎佛德爲衆說法不絕臂燒旣盡乃下棚七日入定跏坐而卒時年四十有三

### 慧蕭

慧蕭姓劉氏家於許州之長葛十八爲書生聰悟敏達善說詩禮州郡以明經舉之非其所好遂入嵩高山求師出家強識前聞以戒行見稱開皇初遊學鄴

嵩書

卷九

十三

竺葉編

城博綜經律乃貫練衆部偏示四分聞泰山靈巖寺幽栖結行之宅也乃往從焉後以和尚年衰復還中嶽時龍門沙門明朗聞蕭道聲籍甚不遠從之朗雖年齒隆於蕭而卑身禮事淡相悅服淹留歲序請歸河曲蕭相與同行住於龍門定林寺歷緣山水居隨所好尋訪同志不憚危險後震錫徂南路經蒲坂晉川英彥相與周旋留連累載自中條王屋巨壑溪林無險不登若遊庭戶也逮隋季大亂河東郡丞丁榮敬服德音招住仁壽長弘律藏學者肩隨義軍中被



擁西城不虧講業及得安靜彌崇法會蒲陝晉絳五衆師焉以貞觀十四年終於仁壽年七十有三唐

### 慧安

慧安荊州支江人姓衛氏隋開皇十七年括天下私度僧尼安本無名遂遁於山谷大業中大發丁夫開通濟渠饑殍相枕安乞食以救之獲濟者甚衆後潛入太和山煬帝幸江都海內擾攘乃杖錫登衡嶽寺行頭陀行唐貞觀中至黃梅謁忍祖遂得心要徧歷

嵩書

卷九

主

竺葉篇

名山至嵩少云是吾終焉之地也自爾禪者輻輳有坦然懷讓二人來參問曰如何是祖師西來意安曰何不問自己意曰如何是自己意安曰當觀密作用曰如何是密作用安以目開合示之然言下知歸更不他適讓機緣不逗辭往曹谿武后徵安至輦下待以師禮與神秀禪師同加欽重后嘗問安甲子對曰不記帝曰何不記耶安曰生死之身其若循環環無起盡焉用記為神龍二年賜紫袈裟仍延入禁中供養三載辭歸嵩嶽是年三月三日囑門人曰吾死已

將屍向林中待野火焚之俄爾萬迴公來見安猖狂握手言論傍侍傾耳都不體會至八日閉戶偃身而寂年一百二十八門人遵旨昇置林間果野火自然得舍利八十粒

### 元珪

元珪姓李氏伊闕人生有異質永淳二年諱名閑居寺律戒惟謹後悟少林禪宗卜廬於龐塢一日有衞冠貴人徒步造訪珪異其英偉問所從來對曰我此嶽神也願受正戒珪曰神既乞戒即既戒也戒外無

嵩書

卷九

主

竺葉篇

戒又何戒哉神稽首再拜懇請珪辭不獲即為張座焚香秉鑪正几曰付汝五戒乃歷詰之曰汝能不姪乎不盜乎不殺乎不妄乎不遭酒敗乎神亦歷應之曰能辯議甚多不能悉載珪曰是為佛戒也又言以有心奉持而無心拘執以有心為物而無心想身能如是則先天地生不為精後天地死不為老終日變化而不為動畢盡寂默而不為休是謂無心也無心則無戒無戒則無心無佛無衆生無汝及無我孰能戒哉又為備述佛法數百言神曰我誠淺昧師授我

戒既聞命矣願報慈德効我之所能師必命我為世間事少展奇功使天下知有佛有神耳珪再辭不獲乃言曰東巖寺之障也而無樹北岫甚多汝能移而植之乎神曰諾俟夜為之即辭去珪送之門見儀衛森嚴如王者之狀凌空漸沒焉其夕果風雨震電大作棟宇振搖鳥獸驚奔良久始定珪謂眾僧曰無怖無怖神與我約矣詰旦和霽則北巖松栢盡移東嶺森然成列焉珪至開元四年卒

### 破竈墮

嵩書

卷九

五

竺葉篇

破竈墮和尚不稱名氏言行叵測隱居嵩嶽山塢有廟甚靈殿中唯安一竈遠近祭祀不輟多烹殺物命師一日領侍僧入廟以杖敲竈三下云咄此竈只是泥瓦合成聖從何來靈從何起恁麼烹宰物命又打三下竈乃傾破墮落須臾有一人青衣戴冠設拜師前云我本此廟竈神久受業報今日蒙師說無生法得脫此處生在天中特來致謝師曰是汝本有之性非吾彊言神再禮而沒侍僧等問師云某等久在和尚左右未蒙苦口直為竈神說什麼徑肯便得生天

師曰我只向伊道本是泥瓦合成別無道理侍僧等立而無言師曰會麼主事云不會師曰本有之性為什麼不會侍僧等乃禮拜師曰墮也墮也破也破也後有義豐禪師舉白安國師國師歎曰此子會盡物我一如可謂如朗月處空無不見者難邁伊語脉豐禪師乃低頭叉手而問云未審什麼人邁他語脉國師曰不知者其後莫知所終

### 丁居士

嵩書

卷九

六

竺葉篇

丁居士定陶人不著其名專勤梵行嘗往來嵩山禮事普寂禪師得其淡法將終合掌跏趺儼然而絕遠近諸寺院鐘磬不擊自鳴人多異之既葬三載為開元十五年西域僧安靜振錫東遊至定陶直問丁居士何在鄉人以實告之靜曰伊乃在家菩薩也遂至墳所躬自開發時五色雲氣騰噴而上取視其骨皆金色連環若鐔可五丈許鏗然響亮環杖頭而行別樹塔重葬眾咸驚歎未幾靜不知其所之

### 一行

一行姓張鉅鹿人郊國公公謹支孫也少歲聰穎讀

嵩書

卷九

七

竺葉篇

書不再覽輒能成誦出家嵩山師事普寂禪師精曉經法寂師嘗設大會遠近赴期數踰千衆先請盧鴻爲文讚之至日鴻持文至寺置於几案鐘梵旣作鴻謂寂曰某爲文數千言字僻詞奧盍選朗悟者面爲指授寂乃令召行旣至伸紙一覽復致几上鴻怪其輕脫俄而群僧會於堂行抗音宣誦一無遺誤鴻愕視久之謂寂曰非君所能敎也當縱其遊學自是求訪師資不遠數千里問律藏於當陽僧眞並習陰陽織緯之書學算術於天台山國清寺僧求太玄經於道士尹崇又於金剛三藏學陀羅尼秘印復同無畏三藏譯毗盧遮那諸經著書數種計一百二十餘卷不悉其名內開元大衍曆五十二卷已采入唐書矣邢和璞嘗謂尹惜曰一行其聖人乎漢洛下閎造曆云後八百歲當差一日則有聖人定之今年期畢矣而一行大衍曆成正其差謬則洛下閎之言可信非聖人其孰能之玄宗嘗召入內殿示以宮籍一覽即能熟誦帝嗟歎良久後召對無恒占其災福言多補益行又多異術移星致雨神變莫測其事不一也開

嵩書

卷九

七

竺葉篇

從諗

元末裴寬爲河南尹一日造普寂寂云方有小事未暇欸語請暫息也寬乃屏從人止於旁室伺之見寂潔滌正堂焚香端坐未久一行至向寂作禮禮訖附耳密語寂頷云無不可者語訖又禮禮訖又語如是者三寂唯云是是無不可者行遂降階入南室自闔其戶寂乃徐命弟子曰速聲鐘一行已滅度左右疾走視之瞑坐息絕矣帝親製碑官爲建塔銅人原諡曰大慧禪師

從諗青州臨淄人童稚之歲孤介弗群初投本州龍興寺從師翦落尋往嵩山琉璃壇納戒師勉之曰聽習於經律但染指而已聞池陽願禪師道化翕如諗執心定志鑽仰忘疲後於趙郡開物化迷大行禪道以真定帥王氏阻兵封疆多梗朝廷患之王氏抗拒過制而偏歸心於諗諗嘗寄塵拂上王氏曰王若問何處得此拂子答道老僧平生用不盡者物凡所舉揚天下傳之號趙州法道語錄大行爲世所貴也

崇珪

崇珪姓姜氏郟城人家素業儒天寶中父故早孤遂議出家年十八遊南嶽淹留數載居棲霞寺經業蔚通道聲洋溢會贊皇李公德裕廉訪是邦延諸慈和寺久之珪曰吾有幽憂之疾非是居侯藩聚落之人也明歲遂行抵嵩山居於嶽寺太和戊申歲洛中亢陽唯嵩下多雨或謂為珪之德能動龍神也開成元年贊皇公攝冢宰請珪於洛住龍興寺兩京問道參學之士多從之遊釋望益隆矣忽告衆訣別入方丈而滅年八十六白侍郎為撰塔銘云

嵩書

卷九

九

竺葉篇

### 恒政

恒政姓周氏平原人少入鄉校業儒殊不嗜書籍或見佛經輒耽味不捨後就本州延和寺出家問道於嵩少受誦經法精專戒律尋入太一中甫行風教學人蟻慕太和中文宗皇帝酷嗜蚌蛤沿海官吏先時遞進人亦勞止一日御饌中盈盤而進有擘之不開者俄變為菩薩形梵相克全莊嚴可敬遂致於金粟檀香合以錦覆之送興善寺宣問群臣斯何瑞也相國李公德裕奏曰臣唯知聖德昭應若問佛理聞

終南山有恒政禪師當知之乃詔而問焉政曰物無虛應此乃啓沃陛下之信心耳經云應以此身得度者即現此身而為說法也帝曰菩薩身已見未聞說法政曰陛下觀此為常非常耶信非信耶帝曰奇事烏得不信政曰陛下已聞說法了帝大悅敕天下寺院各立觀音像奉之政累辭入山宣住聖壽寺至武宗即位忽入終南或問其故曰吾避仇也年八十七卒未久有廢教之敕政之先見若合符節焉

### 華嚴

嵩書

卷九

十

竺葉篇

華嚴和尚學於神秀禪師謂之北祖嘗在洛都天官寺弟子三百餘每日堂食齊集有夏臘者道業高而性褊時因卧疾不赴會一沙彌欲上堂無鉢向臘借之臘堅不與沙彌懇求再三臘乃借之曰吾愛鉢如命儻有損同殺我也沙彌持鉢矜持太甚食畢下堂誤蹴碎之沙彌惶懼遂至臘所長拜謝過臘大呌曰汝殺我也怒甚病亟遂死後華嚴於嵩山嶽寺與衆講經沙彌亦在列忽聞山谷聲震華嚴遂隱此沙彌於背後須臾見一大蛇長七八丈直入寺來努目張

口左右駭欲奔華嚴戒令勿動蛇升階睥睨若有所求華嚴喝云住蛇至座前遂俛首閉目華嚴以錫杖叩其首曰旣明宿業今當迴向三寶傳令諸僧齊聲念佛與受三歸五戒蛇乃宛轉而去時夏臘弟子亦在列華嚴謂曰此蛇汝師也修行累年合證果位爲臨終時惜一鉢嗔怒不化遂至此適來欲殺此沙彌耳若殺之當永墮大地獄無出期也賴吾識破與受禁戒今當捨此身矣汝往尋之弟子尋蛇十里之外所過草木開靡皆如車路至溪谷間已死矣歸白之

高書

卷九

至竺葉篇

華嚴曰伊今已受生在裴郎中宅作女年十八當亡即却爲男然後出家修道裴郎我門徒汝可入城爲我省問之其女今已欲生而甚艱難汝便可救之弟子受命至裴家郎中出見神色甚憂云妻欲產已六七日不下柰何僧曰某能救之遂令於堂門外淨牀席焚香擊磬呼和尚者三夫人安然而產一女後果十八而卒

藏奐

藏奐姓朱氏蘇州華亭人爲兒時嘗墮井有神人接

持而出卅歲出家禮道曠禪師及弱冠詣嵩嶽受戒母喪用儒禮守制廬墓三年由此顯名尋遊方訪道復詣五洩山遇靈默大師一言辨析旨趣符合會昌中釋道幾滅已而復盛泊周洛再構長壽寺敕度奐居焉時內典焚毀奐從煨燼中手緝散落實爲大藏尋南海楊公叔典姑蘇請奐歸於故林以建精舍大中十二年鄧水檀越任景求捨宅爲院迎奐居之時有剋寇鼓衆作亂執兵晝入奐瞑目宴坐了無懼色盜異之叩頭謝過寇平州奏其事改額爲棲心寺以

高書

卷九

至竺葉篇

惟寬

旌之數年禪望大著徒衆雲集奐學識泉涌指鑒岐分詰難排縱之衆攻堅索隱之士皆立褰苦霧坐泮堅冰一言入神永破沈惑咸通七年秋八月預命香水剃髮謂弟子曰吾七日在矣及期而滅焚化之日異香凝空遠近郁烈獲舍利數千粒其色紅翠弟子詰闕請謚奉敕易名曰心鑑塔曰壽相初任生將迎奐人或難之對曰治宅之始有異僧令大其門云二十年後當有聖者居之比奐至止果二十年矣

惟寬禪師衢州祝氏子年十三出家初習毗尼修正觀後參大寂乃得心要貞元中止嵩山少林寺僧問如何是道寬曰大好山曰學人問道師何言山寬曰汝祇識山何曾達道元和初詔至闕下白樂天問曰既曰禪師何以說法寬曰無上菩提者被於身為律說於口為法行於心為禪其致一也譬如江淮河漢在處立名名雖不一水惟無二律即是法法不離禪云何於中妄起分別曰既無分別何以修心寬曰心本無損傷云何要修理無論垢與淨一切勿念起曰垢即不可念淨無念可乎寬曰金屑雖珍寶在眼亦為病曰無修無念何異凡夫寬曰凡夫無明二乘執著離此二病是為真修真修者不得勤不得忘勤即近執著忘即落無明此為心要也又僧問道在何處寬曰祇在目前曰我何不見寬曰汝有我故所以不見曰我有我故即不見和尚還見否寬曰有汝有我展轉不見曰無我無汝還見否寬曰無汝無我阿誰求見元和十二年二月就化謚大徹禪師

允文

嵩書

卷九

三

竺葉篇

允文字執經姓朱氏秀州嘉禾人九歲父亡其家捨文奉佛師授維摩法華二經敏速之性再稔皆通或戲問文曰爾出家之後擬營何事業乎率然對曰當陟蓮華臺而作獅子吼或謂之曰耆宿前敢爾或曰志欲得大此兒將來未易測也至十六歲削髮投嵩山臨壇大德遠和尚受法時年二十三矣後就中京攻相部律宗并中觀論補衣分衛寒燠四周既扣義門遂入師室玄樞律範尤見精微太和五年返故鄉後聞錢塘天竺寺講大涅槃經蔚為勝集文往學焉

嵩書

卷九

三

竺葉篇

彥暉

彥暉姓孫氏陽武縣人少時聞父讀金剛般若證目

凝聽若有悟者其家內嘗齋僧磬梵俱作暉於簾幕之下合掌欣然年十五隨師學法後於嵩山少室寺受大戒隸習毗尼尋討內典皆能洞達且曰為善不同同歸乎治治則戒定慧也入聖機械此三治性之極致也洛都先達無不推伏暉三衣之外百一之資量足而供更無餘長所行慈忍匪事規求不畜門徒惟勞自己勤勤化導默默進修是故南燕之人號為佛子焉初寄明福寺講百法論四方英士雲合景從精研論席鑽仰經宗其間碩學兼才故分為上下十

高書

卷九

五

竺葉篇

惡反其詞以善之上十惡則洞閑性相高建法幢宗因喻三立破無滯下十惡則學包內外吟詠風騷擊論談經聲清口捷讚揚梵唄表白導宣蓋立題分目皆門弟子為之乃極才能之際云暉因明百法論各講百許徧出弟子一百五十餘人著鈔曰滑臺盛行於世乾化元年秋八月以壽終

五代

貞峻

貞峻姓張氏鄭州新鄭人唐張果先生之裔孫髫齡

不弄年十四投相國寺歸正律師出家丰神俊朗資稟穎悟未幾遂諷徹淨名仁王諸經計數萬言時同儕戲之曰汝是有脚經笥也峻遜讓而已及削染為僧十八升論座後於嵩山會善寺戒壇院納法因樓封禪寺今號開寶律院學新章律疏二十三策名講授長大順二年相國寺災樓閣廊殿四百餘間都為煨燼時寺衆惶惶莫知投跡或曰如請得峻歸寺寺可成矣乃相率往今開寶堅請峻歸充為上座前後數載寺遂重新視舊增華焉又請為新章宗主復開

高書

卷九

五

竺葉篇

律講僧尼弟子日有五十餘人執疏問難峻之戒行冰雪相高暑未見裸寒止於衾食惟知量以清約而終為後唐同光二年也

宋

報恩

報恩禪師黎陽劉氏子世皆碩儒師未冠舉方略擢上第後厭塵境請於朝乞謝簪紱為僧上從其請遂游心祖道至投子未久即悟心要子曰汝再來人也宜自護持辭謁諸名宿皆蒙印可丞相韓公績請開

法於西京少林未幾大洪華律為禪詔師居之參禪說法機辯雲湧一日問諸人要識達磨祖師麼乃舉手作捏勢曰達磨鼻孔在少林手裏若放開去也從教此土西天說黃道黑欺胡謾漢若不放過不消一捏有人要與祖師作主便請出來與少林相見還有麼良久曰果然上堂拈起拄杖曰昔日德山臨濟信手拈來便能坐斷十方壁立千仞直得冰河焰起枯木花芳諸人若也善能橫擔堅秀偏問諸方苟或不然少林倒行此令去也隨擊禪牀一下其傳授議論

嵩書

卷九

主

世業篇

詞多隱怪狀多奇詭皆此類也又一日忽拈起拄杖曰穿却德山鼻孔換却臨濟眼睛掀翻大海撥轉虛空且道三千里外誰是知音於斯明得大似杲日照天苟或未明不免雲騰致雨卓地一下又嘗設百問以問學者其略曰假使百千劫所作業不忘為甚麼一稱南無佛罪滅河沙劫又畫一圓曰森羅萬象總在其中具眼禪人試請甄別又上堂拈起拄杖曰看看大地雪漫漫春來特地寒靈峰與少室料掉不相干休論佛意祖意漫謂言端語端鐵牛放去無踪跡

明月蘆花君自看乃卓拄杖下坐報恩禪師有答張商英論三教書妙

徹義理不能盡載見五燈會元集

慧昭

慧昭禪師河東絳人母娠合掌而生人謂宿世僧也少年尚武輕財重義里有鬪而直者將敗遂佐之為吏所執逃之永安昭孝院為僧終不言其姓叩之則曰幼孤不知吾第姓佛耳日誦經文數千言元豐三年結侶遊方禮法王寺冲禪師參究言下便契強記博聞為禪流所宗朝廷賜紫袈裟號慧昭大師政和七年晝夢有異作頌曰緣生二十八地水火風別夢覺向誰言三春花雨雪遂奄然而逝

嵩書

卷九

主

世業篇

教亨

教亨禪師號虛明濟州任城王氏子生有奇瑞早歲出家從實公法席參證頓解真宗越逸流輩道譽大彰實公遂記別曰吾謾汝不得也諸方知師得法懇求出世師亦知緣至輒往應命五坐道場嵩山之戒壇韶山之雲門鄭州之普照林溪之大覺嵩山之法



王知河南府國公石抹仲溫以少林虛席請師繼之居無何師復引去徜徉嵩少間者數年興定己卯秋七月十日謂衆曰汝輩各宜著力忽索筆書頌詞理與不可曉其末後句云咦一二三四五六七堅坐不動而逝

元

### 福裕

福裕自號雪庭太原文水張氏子九齡入學日了千言鄉閭稱曰聖小兒幼遭世變然無依道逢老比丘

嵩書

卷九

五

竺葉篇

丘勸以學佛曰能誦法華足矣裕曰佛法止是乎此丘異之與偕謁休林古佛於仙巖曰此龍象種也即為祝法授具歲在乙巳世祖潛邸慕其名德命住少林憲宗命總領釋教授都僧省之符至庚申歲世祖踐祚因論辨偽經馳驛以聞火其書乃賜光宗正法大禪師之號時萬壽祖席無可當之者衆請裕主之既老倦於接納仍歸栖嵩陽未久示微疾書偈告終壽七十三有弟子千餘人裕之住世也剛果英毅風神閒敞三閱藏典俱能成誦誘掖後學無倦色通群

書善翰墨吟詠提唱普說幾十萬言播在叢林云幼時與雙谿廣公同執事者七年遊方來燕親炙萬松師又十年始終萬壽又十四年道益隆名益著學者日益廣其住少林也萬松實為之主屬嵩少煨燼之餘暫憩緱氏之永慶已而興仆起廢訓徒說法施者如丘山來者如歸市嵩陽諸刹金碧一新洛陽白馬經筵不輟皆裕力也世以興復嵩寺功比開山謂之祖師再出世非虛語矣皇慶元年贈大司徒追封晉國公

嵩書

卷九

三

竺葉篇

### 緊那羅

緊那羅者西天菩薩也至正初忽有一僧至少林蓬頭裸背跣足止著單襯在廚中作務數年慇懃負薪執爨朝暮寡言暇則閉目打坐人皆異之而莫曉其姓名至十一年辛卯三月二十六日潁州紅巾賊率衆突至少林欲行劫掠此僧乃持一火棍而出變形數十丈獨立高峰賊衆望見驚怖而遁僧大呌曰吾緊那羅王也言訖遂没人始知為菩薩化身也衆感其德為塑像寺中遂為少林護伽藍神至今靈異傳

澄錄隋開皇中天台顓禪師居荊州王泉山有神  
通謂稱蜀前將軍關羽以戰功廟食此山聞師欲  
營精藍願充役事七日而成捷出神功事聞於朝  
敕封王泉山護伽藍神今天下寺院皆塑開像蓋  
始諸此獨少林  
以緊那羅代也

大明

徹空

徹空和尚法名本原籍順天大興人父寓洛陽本生  
於正統丙寅有文在手成慈字少時祝髮洛之福先  
寺禮貞公為師貞公沒本回家業儒三年經史皆通  
復入寺師詠公畫習釋典夜溫儒書寒暑無間如是

嵩書

卷九

圭

三業篇

又三載豁然貫通天順中下令僧未度者還俗本復  
歸家父母議擇婚配辭之成化丙戌始請度為真僧  
矣久之參定國寺從公無方知識授禪學得曹洞真  
宗從公遂將僧伽黎印證法語手卷並拂塵悉以付  
之時本年方二十有五也壬辰春入檀榆山三載閉  
關習靜時蝗蝻徧野惟本菴地禾稼蔚然夏中亢旱  
居民辦香叩請本出山為禱雨即大降洛陽僧俗力  
舉於郡請視僧篆本辭之有詩云松窻竹戶影沈沈  
名利場中寄好音許大乾坤今古事秋雲幾片掛疎

林未幾從公來住少林本隨侍執巾拂三載是冬少  
林主席者禮請開堂演法本陞座垂語機辯馳四  
衆歎服後乃遨遊吳楚江湖之間十有餘秋法幢高  
建遠播宗風弘治辛亥還山復入少林安禪與座者  
五十三員就食者幾千餘衆旬日後禪堂中外金光  
燭天三日方息俄供厨泉竭本隨禱而泉湧明年遂  
主福先寺本以高僧兼工詞賦請詩于文者戶外之  
屨常滿壬申秋陞為都綱總領一郡釋教預營壽藏  
於少林之西尋以壽終

嵩書

卷九

圭

三業篇

文載

文載別號月舟北畿通州人父清早歲無子嘗禮事  
廣濟寺白菴禪師受戒發願曰若生子必命出家至  
景泰甲戌臘月十日夜清夢一僧入室而載生童稚  
時或結草為菴或聚沙為塔或塑泥為像或撮土為  
香或采花為供戲作種種佛事人皆異之九歲入鄉  
校讀儒書輒了了十三父謂之曰昔我有誓言今捨  
汝為佛子便當割恩愛也載曰為佛子者云何父曰  
讀佛之書行佛之道超三界利四生奚啻九族蒙庇

也載欣然曰唯遂禮白菴落髮年二十游虎林登昭慶方等之壇受大乘具足之戒三載北還閉門不出日習靜業因閱萬松評唱疑其葛藤潛心久之忽自省曰曹洞宗風大播天下有織錦回文之妙非鍼線細密盤旋轉折立觸當頭者不能與伊作主也遂幡然出關參扣少林三周寒暑朗然大悟乃復北還徧歷京師諸大禪席弘治中住白塔精舍閱大藏經衣不解帶暇則流覽群書以資宏博正德改元少林諸徒以寺久無主舉載名請於祠部三辭不獲乃束裝

高書

卷九

五

竺華篇

而南住持少林十六載門人以千計闡宗猷輝祖教令譽赫隆不踴而走四裔也至嘉靖甲申年七十三示寂

### 匾圖

匾圖禪師者號無空取派曰悟頓禹州陳氏子也年踰二十忽辭父母求出家父母曰此兒引舌過鼻非常人相任其去也乃投少林寺禮梵僧喇嘛為師掛搭三年一日跪於師前請求法名師曰道本無形何名之有禪師曰三世諸佛皆有名號弟子安得獨無

師授以心經讀至五蘊皆空豁然大悟曰身尚是幻何處求名一日手編大圖於師前師指曰匾圖是汝名也答曰既名匾圖內也無空師曰教外別傳方契此語一日辭師至中條山修行三月有餘忽自惟曰善財童子向南方參見五十五人歷百一十城莊嚴妙行今住此山中獨善其身者好直造神仙耳去之後到峨嵋絕頂結茆以居一日見阿彌陀佛手執大彌陀經一部曰藏內有經藏外全無付授與汝廣令傳化禪師遂飛錫周流寓內徧蹈九州後到京都遇

高書

卷九

五

竺華篇

御馬監中貴張暹等待以師禮卜吉祥菴居焉前後印造大彌陀經若干藏未幾復返少林嘉靖四十二年去少林再之峨嵋山欲以終老行至夔州江中曰道曠無涯逢人不盡登岍端坐而逝祥雲結頂身如金色徒孫普明等曰少室吾師發身之地乃歸骨焉建塔葬之

予少不肯讀佛書然亦不至如种名逸裂經作幃自領縣高下歲以趨府或候客常十餘過少林兀坐松陰輒命僧取大藏二三函置几上覽竟乃去

不竟則於與中卒業以為常今既五載覺有少入  
嵩書之役予手自纂錄名僧自此中得正果者共  
若而人不敢謂即佛亦庶幾佛之徒也又有名存  
事亡者如唐之普寂宋末之萬松輩方策既無所  
考耆宿亦無所傳難免遺珠之歎矣噫寺因達磨  
得稱祖庭達磨不立文字終日壁觀今乃講頌唱  
繁律儀近於史矣至於習戈棒演攻刺近於兵矣  
又甚而高堂室華器御近於宦矣佛教中衰莫此  
為甚遐想前哲能不大息云

嵩書

卷九

重

生華篇

嵩書卷之九終

門人高亮校字

嵩書卷之十

文林郎登封縣知縣傅梅元鼎撰

物華篇

外方長曰予博覽載籍至郭璞所註山海經有異焉  
自窮荒外徼至於中國其所載土地道里諸生產之  
物一何壤垠恢奇遠於中庸也即以二室論鳥睹所  
謂帝休鯨魚栢木莖草者哉豈古今所產不同耶抑  
有之人自不識耶多聞闕疑存之以俟知者耳史稱  
鳳凰麒麟見於嵩山又有連理木十二靈芝皆世之

嵩書

卷十

生華篇

間出者寶劍神鼎悉漢代物四樹三花詞林艷稱之  
玉漿石髓鍾乳雲母書傳所載不一而足也蘭桂中  
土所無松栢處處有之而無其古菖蒲為神人所採  
常而幾於異矣凡此類者得並著於篇至於本草方  
書諸藥物亦有二三註生於嵩少者雖非專產彼有  
取爾也安得沒作者之意乎惟尋常動植之屬與他  
山所出全無別焉則不以煩載書耳夫含澤宣氣以  
生萬物者山也嵩居堪輿陰陽之會萃中黃土德之  
精衆山視嵩如輻之有轂所稱天地不測之用宜自

茲始矣予推山海經之義而言之

玉部

玉膏

山海經云少室之山其上多玉郭璞註云北山

巔有白玉膏服之即得仙道世人不能上也時含

神霧云河圖玉版云少室之山有白玉膏服之成

仙

玉漿

世說云晉初一人誤墮嵩山大穴中遇仙人與

一盃白飲墮者飲之氣力十倍後出問張華華曰

玉漿也予按仙經三十六水法有化玉為漿事本

高書

卷十

二

物華篇

草稱為玉泉服之長年不老一名玉液一名瓊漿

白石英

石之似玉而有光澤者六稜如削大者徑二

三寸小者如指長短不一輿地志云少室崖頭下

石室中有水多白石英本草經云久服輕身延年

陶弘景云能補五臟

雲母

嵩高山記云少室山有雲母井出雲母荆南志

云取雲母者候雲頭出處於下掘之無不大獲抱

朴子云服雲母十年雲氣常覆其上以母致子故

也

石部

石髓

世說云晉初有人墮嵩山大穴西行入天井內

有蛟龍此人饑則取井中物食之半年方出以問

張華華曰所食者龍穴石髓

石脂

陶弘景云黃石脂生嵩山色如常雖黑石脂生

潁川陽城吳普曰五色石脂一名五色符黃符生

嵩山白符赤符俱生少室亦見嵩高山記服之一

合壽與天地相畢

石鍾乳

名醫別錄云石鍾乳生少室山谷本草註云

高書

卷十

三

物華篇

凡乳生於溪洞幽穴皆龍蛇潛伏石乳者其山洞

純石以石津相滋陰陽交備蟬翼紋成其性溫

石蜜芝

葛洪曰石蜜芝生少室石戶中有溪谷不可

過但望見石蜜從石戶上入石偃蓋中良久輒有

一滴得服一升長生不老也

石膽

玉洞要訣云石膽陽石也出嵩嶽稟靈石異氣

形如琴瑟其性流通精感八石能化五金變化無

窮

石流赤

一名石流丹一名石流芝按抱朴子云石流

丹者石之赤精亦石流黃之類也浸溢於涯岸之間其濡濕者可丸服堅結者可散服五嶽皆有而箕山爲多許由巢父服之即石流黃是矣

**石桂英** 神仙傳曰許由巢父箕山得丹石桂英今在中嶽抱朴子曰石桂英芝名生巖穴中似桂樹而

實石也葛洪云石桂芝有枝條高尺許光明而味

辛 右二芝各引許巢且異名同色豈一物耶

**丹砂** 少室有丹砂峰相傳峰產丹砂宋樓異賦云擅

香丹砂寶所鍾兮

嵩書

卷十

四

物華篇

**封石** 陶弘景云封石生常山及少室主治消渴熱中

**石麴** 萬曆三十七年少室山洞中忽生石麴是年大

饑百姓競取作餅食之本草綱目云石麴益氣調

中然予親見食者面多浮腫知不如五穀也

### 金部

**鐵** 山海經云少室之山其下多鐵今少室不見有鐵

而箕山之南馬峪有之土人從事鑪冶頗享其利

### 器部

**承露鼎** 漢安帝延光四年鑄一鼎於少室山其文曰

承露鼎小篆書四足

**八服劍** 刀劍錄云漢武帝元光五年鑄八劍各長三

尺六寸銘曰八服小篆書五嶽皆埋之

**鎮山劍** 刀劍錄云魏道武帝以登國元年於嵩阿鑄

一劍銘曰鎮山隸書

**銅鈔** 嵩高山記云嵩山最是棲神靈數占人住止處

有銅鈔器物

**石牀** 潘岳關中記云嵩山石室十餘孔有石牀道士

遊之可以避世

嵩書

卷十

五

物華篇

**自然明燭** 仙經云嵩高山東南大巖下石孔入五六

里大室中有自然明燭如日月無異

### 書部

**自然經書** 輿地志云少室自中定思而出至崖下有

石室內有自然經書亦見嵩高山記又劉居中居

嵩山控鶴菴遇石壁推得異書甚多陰陽方伎修

真黃白之學無所不有乃知二室俱多遺書也

**陰符經** 神仙傳云唐李筌於嵩山虎口巖得黃帝陰

符本經緘以玉匣

素書道書云蔡邕於嵩巖室中得素書八卷

丹經群仙錄云漢張道陵入嵩山遇神人告之曰石

室藏黃帝丹經琅函玉笈之書子行必獲矣遂從之果得其書

三皇文雲笈七籤云晉鮑靚登嵩高山入石室清齋

忽見古三皇文皆刻石為字

古篆隸書應遇錄云吳善經學道嵩高忽入大洞行

十數里巖下遇一仙者遂拜而求道仙者指石牀

上書令取一軸曰且讀此可以於人間整叙經書

嵩書

卷十

六 物華篇

辨識文字矣即按以指訣從他徑出蓋古篆隸書也

### 草部

莖草山海經云太室之山其上有草焉其狀如茱白

華黑實澤如蓂莢其名曰莖草服之不昧贊曰莖

草黃華實如菟絲君子是佩人服媚之帝女所化

其理難思

南燭草太元先生氣經云木中之王名曰南燭草每

叢七十二莖每莖二十四枝每枝五葉以應七十

二候五行二十四氣也少室山有之作飢飯食之佳

芝嵩高山記云嵩山靈藪有神芝仙藥別錄云黃芝

生嵩山宋建中靖國元年少林寺產靈芝大小十

二本守臣繪圖奏聞取入內府後將芝圖摹刻石

碑今在寺中十二芝名曰抱石黃曰小紫團曰金

黃曰霞頭黃曰黑團曰印子黃曰鵝黃曰小靈紅

曰僧笠紫曰鴨腳黃曰花萼紫曰大紫團

蘭生少室山谷中葉如麥門冬而闊且長春月開花

嵩書

卷十

七 物華篇

鵝黃色中間瓣上有細紫點馥郁異常與福建產

者無異但建產多秋花耳此近世通所謂蘭也與

離騷之蘭異種予戲斷曰湘蘭樂水嵩蘭樂山

著本草經曰著實生少室山谷其莖為莖以問鬼神

知吉凶故聖人謂之神物白虎通云著之為言著

也老人歷年多更事久故能盡知也褚先生曰著

滿百莖者其下必有神龜守之其上常有青雲覆

之

葛蒲神仙傳云漢武帝登嵩山忽見神人曰吾九嶷

山人也聞中嶽有石上菖蒲一寸九節食之可長生故來采之言訖忽然不見後王興服之得仙

**黃精**陶弘景名爲仙人餘糧別錄云今南北皆有之以嵩山者爲佳博物志云太陽之草名黃精餌之可以長生

**薯蕷**本草經云薯蕷一名山芋益氣力長肌肉久服耳目聰明輕身不饑延年生嵩高山谷後避唐代宗諱改爲薯藥又避宋英宗諱改爲山藥嵩民有從嵌石中掘得者形如蟠蛇極難得也

嵩書

卷十

八

物華篇

**何首烏**神農本草無名自宋開寶時始入方書圖經曰在處有之以西洛嵩山爲勝此藥本名交藤因何首烏服而得名也唐李翱有何首烏傳文多不能盡載統括其効有丑焉壯血氣黑髮悅顏色健筋骨益精髓○按蘇頌圖經云根大者如拳各有五稜瓣似小甜瓜而李翱本傳則云形大如拳連珠有如鳥獸山嶽之形者珍也味甘可休糧二說不同予命山民采取果有五瓣如甜瓜者亦有連珠如鳥獸山嶽形者然氣味迥別自是二種不

如何者爲是殊可疑也且二種俱苦澆全無甜意

李翱所說味甘豈未審耶又明州刺史李遠云何首烏五十年者如拳大年愈久形愈大有至如三斗拷拷者服之得仙今嵩山亦有大如盆盎者而頌與翱俱云如拳全非定論矣特詳著之以俟知者

**天門冬**抱朴子云在東嶽名淫羊藿在西嶽名管松在南嶽名百部在北嶽名無不愈在中嶽則名天門冬予謂惟中嶽之名通行今古者亦以見物土

嵩書

卷十

九

物華篇

之相宜也

按六書本義木字篆文象其根幹枝葉之形圖經曰今處處有之以嵩山者爲佳蓋木得土氣其益在脾中嶽故土位也

**葵**爾雅翼云葵者揆也葵葉傾日不使照其根乃智以揆之也本草云生少室山

**芍藥**本草經云生中嶽川谷及丘陵

**桔梗**本草經云生嵩高山谷

**赤箭**陶弘景云亦是芝類其莖如箭幹赤色本草經



云生少室

**防葵** 唐蘇恭云根葉似葵花子根香氣似防風故名

本草經云生嵩高少室

**天雄** 本草經云生少室山谷

**草石蠶** 食物本草稱甘露子唐陳藏器云生嵩山石

上

**米蒿** 枝葉俱如蒿但細小不臭耳蒿下徧地生之立

春前後百草未發此獨長二三寸予每出郊輒見

婦子三五輩地中撿拾察之知為米蒿也山民一

**蒿書**

卷十

十

物華篇

春拌米作糜亦有煮熟作團鬻於市者真救荒之

佳品也贊曰爰有米蒿託根靈嶽臘在不藏陽生

先覺采采釜之饁彼耕作菽粟同功嘉名孔炤

**毛女菜** 亦野苗也似菜而小初春米蒿纔長此即發

生俱在百卉未出之先貧家用以佐米充饁勤者

多采而曝之以為春荒之備昔秦始皇宮人入山

得道往來嵩華間人稱毛女茲豈所遺種耶贊曰

嵩有野蔬厥名毛女春信方通青青野被盈把盈

筐聿勤婦子農腹果然省耕伊始

**翠子茶** 本名牛金子蒿之野卉也其葉似茶而稍厚

實如小蒲萄微長而堅色似翠羽光澤可愛土人

春間取葉作茶香味色俱不入品而有桃背負販

之鄰壤諸方無不售者亦足以奉畊也予改是名

以旌之贊曰彼美奇卉氣鍾蒿楨春葉旗翻秋實

翠泠孰與虎丘何如龍井曰茶則茶代畊有永

**木部**

**帝休** 山海經云少室之山其上有木焉名曰帝休葉

狀如楊其枝五衢黃華黑實服者不怒郭璞贊曰

**蒿書**

卷十

十

物華篇

帝休之樹厥枝交對竦本少室曾陰雲霽君子服

之匪怒伊愛

**栢** 山海經云太室之山其上有木焉葉狀如梨而赤

理名曰栢木服者不妬郭璞贊曰爰有嘉樹厥名

曰栢薄言采之窈窕是服君子維歡家無反目

**貝多** 雜道書云漢世有道士從外國得貝多子來於

嵩高西腳上種之有四樹與衆木異一年三花白

色香美西陽雜俎云貝多出摩伽陀國長六七丈

經冬不凋此樹有三種西域經書用此三種皮葉

寫之嵩山記稱嵩高寺中有思惟樹即貝多也釋氏有貝多樹下思惟經

**連理木**晉書云晉元帝建武元年閏月己丑木連理

生嵩山

**松**嵩高山記云嵩嶽有大松或百歲千歲其精變為

青牛或為伏龜採食其實得長生今之白鶴觀初祖菴及絕崖各處有之

**栢**嵩陽宮前有古栢三樹其大者七人合抱量之得

三丈二樹稍次之各亦不下二丈相傳漢武帝封

**嵩書**

卷十

主 物華編

為三將軍然不見書傳也盧元明云嵩山長松綠

栢生於澗嶺抱朴子云大谷側生之栢皆與天齊

其長地等其久二室處處有之

**桂**異物志云桂之灌生必粹其族柯葉不渝冬夏長

綠在乎嵩嶽今山中無桂惟少林毘盧閣東一株

也

**櫨**許氏說文引伊尹曰果之美者箕山之東青鳧之

所有櫨橘焉夏孰也呂氏春秋云箕山之東有甘

櫨焉司馬長卿上林賦云盧橘夏熟即指此物盧

字誤去木傍而張勃吳錄遂妄解曰盧黑色也天下豈有黑橘乎

**槐**少林寺經閣後有大槐一株相傳秦時所植宋文

路公詩有五品封槐今尚在之句不知何考今經

閣既廢而閣後槐已枯惟寺門東南一株亦似數

百年物僧人即指此為秦槐姑聽之耳

**杏**嵩高山記云嵩山東北有牛山其中多杏至五月

爛然黃茂自中國喪亂百姓饑饉皆資此為命人

人充飽而杏不盡

**嵩書**

卷十

主 物華編

**榆**本草經曰榆皮生潁川山谷今各處俱產而獨言

潁川豈地氣有異耶

**楮**本草經曰楮實生少室山所在有之詩疏云構即

楮也雜俎云葉有瓣曰楮無曰構

**檀**少室有檀香峰相傳山多檀樹色紫而香今也則

亡

**柿**二室之下民多種柿森蔚相望實小而核遠遜

宛產戊己大旱五穀不登百姓倚柿為生初冬削

皮作餅鬻錢完賦即以其皮曝乾雜橡實荊子磨

而作餬啖之遂免流移予叨牧一方不忍忘柿之功也特錄於此仍作贊曰嵩山佳柿盈田塞谷秋莫霜凝丹朱奪目博餅供租磨膏代穀丕濟凶荒功超金玉

棗嵩山諸果與五穀並重者柿之外則棗與胡桃二者而已連山被蔽林樹甚繁予親見饑民資三物以為命遂並紀之旌其功也兼為作贊棗贊曰爰有佳棗嵩陽蔭術花揚素芬子茂朱實剝而膠之其甘如蜜邁稻超梁儉歲奏績

嵩書

卷十

品 物華篇

胡桃 贊曰漢使西還胡桃資始樹之嵩高厥種蕃矣外樸內和此德君子活我饑民功垂素史

竹部

竹 河圖云少室之山大竹堪為甌噐今山中絕無竹惟人家園固有之僅可作笙簫耳

鳥部

鳳凰 舊志云唐高宗永淳元年幸嵩山有鳳凰飛集峰上遂名其峰曰鳳凰峰亦曰鳳凰臺在山南麓嶽寺之右

鶴 太室之上有三鶴峰相傳道士李八百煉藥於此時有三鶴來翔因名焉又白鶴觀故址亦在太室

上浮丘公接王子晉居嵩高三十餘年即此地也山頂有控鶴菴浮丘公所著有相鶴經而王子晉竟棄鶴去由此譚之嵩其鶴之數乎

黃燕 萬曆辛亥春縣衙建永譽堂成三月有燕巢於前楹其戶北向伏雛二隻其一正黃色予考往牒燕稱玄鳥間有白者世以為瑞而紀之今乃黃色此今古所未見足為異也聊識於此以廣世聞

嵩書

卷十

品 物華篇

獸部

麒麟 晉五行志云晉咸寧五年九月甲午麒麟見於陽城

駁

麋 按漢書武帝詔曰朕用事於中嶽獲駁麋按爾雅說文俱云駁如馬倨牙食虎豹山海經云駁狀如馬白身黑尾一角虎牙聲如鼓能食豹可以禦兵又按爾雅云麋大鹿牛尾一角說文云鹿麋屬麋大鹿也觀此則駁麋為二物明矣註漢書者數家

於此皆忽而置之而他書亦無解者斷非一獸也

**白鹿**東觀漢記曰安帝延光三年頓川上言白鹿見

嵩山少室今有白鹿峰萬曆戊申七月望日馬峪

居民獲一小白鹿來獻通身如雪目睛周圍如丹

砂而瞳子如點漆予畜之二年角將生遂縱於王

柱峰之下矣按抱朴子曰鹿壽千年滿五百歲則

色白豈其然乎

**麝**仙經云嵩高山大巖下有浮圖奇妙一大金像在

中嶽寺僧密公往求之白霧中惟見一麝香出入

**嵩書**

卷十

六

物華篇

三四月側足雙跳步步回顧而去今山中間有田

者往往得之

### 鱗部

**龍**世說云嵩山有大穴晉初有人誤墮其中遇仙人

飲以玉漿告之口從此西行有天井其中有蛟龍

但投身入井自當出鱗則取井中物食之墮者如

言乃出歸洛下問張華華曰龍穴石髓也又嵩山

龍潭群龍所居遊者不敢笑語竇之龍怒則有雷

恐唐武后封禪處刻石戒之韓文公酌龍潭水亦

遇雷見集古錄及雲麓漫抄

**鯢魚**山海經云少室山下休水出焉其中多鯢魚狀

如鼈雖而長距足白而對食者無蠱疾可以禦兵

**碧蛇**萬曆辛亥春予以勸稼過五渡水遙見樹下有

鄉民聚觀一物問之云碧蛇也其色與樹葉無異

約長三尺許見人不驚徐入叢棘而去亦異物也

### 蟲部

**白蝙蝠**爾雅云蝙蝠伏翼也玄中記云百歲伏翼色

赤千歲伏翼色白予初至登封時縣尉李逢霖奉

**嵩書**

卷十

七

物華篇

郡司理命督鄉民山洞中捕之欲以入藥果得二

頭大於常者時頗以為異後予遊羅漢洞命持火

先入親見洞中飛出三四頭其大如扇其色如雪

比前更異有言張網可得者予不許

**蜥蜴**夷堅志云劉居中見嵩山顛有大蜥蜴數百皆

長三四尺聚繞飲水纔入口即吐出已圓結如彈

丸俄頃間累累滿地忽震雷一聲起彈丸皆失山

下雨雹大作乃知蜥蜴所為也今山頂有長尺許

者見人影即竄去殊與志所載不同

右雜錄嵩山金石動植及他物產分十二部共得

七十八種大抵采撫前聞附以一二已見舍其常

者取其異者常所同也異所獨也存舊籍之名徵

諸往古詳目睹之物傳諸後來如是而已矣夫溪

山大澤人跡罕到蠓飛螻動耳目所遺者不少至

於奇花異卉四時芬芳爛熳於高巖幽谷之間百

色俱陳錯如繡錦山中之人有老死不能悉其狀

舉其名者其麗不億也今欲以二三策盡之豈不

陋哉噫闕疑闕殆吾聊守孔子之訓耳至於博物

嵩書

卷十

十

物華篇

洽聞勒成一家言足稱名山掌故咸以正無缺以俟君子實謙讓而未遑也或問曰子旣云尋常動植不煩載筆則何以錄及野苗園果乎對曰有之草部之末有三木部之末有三也戊己之歲靡有子遺此六君者予患難之交也旣紀其名復爲作贊情見乎詞矣或曰則何以叙於松桂芝蘭諸草木之後也曰世之貴松桂芝蘭也久矣噫

門人傳性良校字

嵩書卷之十終

嵩書卷之十一

文林郎登封縣知縣傳梅元鼎撰

靈緒篇

嵩書

卷十一

十一

靈緒篇

外方長曰予讀述異記稱盤古氏之死頭爲東嶽腹爲中嶽左右臂爲南北嶽足爲西嶽何不經也然史載共工氏頭觸不周山崩天柱折女媧氏鍊石補之此其怪誕奚以別乎春秋外傳曰夏之興也祝融降於崇山韋昭註夏居陽城崇高所近觀此則嵩之靈蓋自古已然矣啓母化石傳自歸藏儒者以非所見而不信然則履大人跡與玄鳥空桑之說何以不廢也子不語怪力亂神此非通論孔子作春秋五伯迭興盟會征伐焉往而非力至弑逆侵滅其何亂如之一切筆而弗削夫力亂且不諱謂不語怪神乎肅慎之矢與萍石商羊津津置對若朝服見儼如在承祭所稱天下語怪語神者宜莫如孔子也他日曰鳳鳥不至河不出圖吾已矣夫予蓋歎惟世無神怪而聖人之道始窮矣二室介河洛之間居陰陽之會聖賢之所居仙釋之所託至其奧演幽遠亦鬼神之所憑

也其間靈異奇怪驚世而駭俗雜見於他書者嵩固不以此為重然而嵩之緒也事匪盡誣理或可信矣語云多所見少所怪旁聞恢論亦足以破固吾備采而輯之所謂多識前言往行以蓄其德博物君子或有取焉

### 啓母嵩高山化石

漢書武帝詔曰朕用事至於中嶽見夏后啓母石應劭註曰啓生而母化為石文穎註曰在嵩高山下顏師古註曰啓夏禹子也其母塗山氏女也禹治鴻水

嵩書

卷十一

二

靈樞篇

通轅轅山化為熊先謂塗山氏曰欲餉聞鼓聲乃來禹跳石誤中鼓塗山氏往見禹方化熊慙而去至嵩高山下化為石方孕啓禹曰歸我子石破北方而啓生事見淮南子按崔融啓母廟碑亦云鴻烈之言無誤也後考穆天子傳郭璞註啓母事亦云見淮南子豈淮南在古時自有全本後乃殘缺耶楚辭註云禹治水時身化為熊以通轅轅之道塗山氏見之而慙遂化為石時方孕啓禹曰歸我子於是石破北方而啓生其石在嵩山

老子居嵩山用浮提金壺墨寫經

王子年拾遺記云老君居景室之山與世人絕迹惟與老叟五人或乘鳴鶴或著羽衣共譚天地之數所撰書經垂十萬言有浮提國獻善書二人乍老乍少隱形則出影聞聲則藏形時出金壺器中有墨汁狀若淳漆灑木石皆成篆隸科斗之文記造化人倫之始佐老子撰經皆以玉牒寫之級以金繩貯以玉函及金壺汁盡二人乃欲剗心瀝血以代墨道書云洛州景山太室少室也今太室有金壺峰

### 嵩山少室為洞天福地

嵩書

卷十一

三

靈樞篇

嶽瀆名山記云天下有三十六洞天第六為嵩山司真洞天三千里在中嶽又有七十二福地第六十為緱氏山在洛州緱氏縣子晉上昇處第六十二為少室山在河南府連中嶽

### 少室太室神皆人面三首

山海經云苦山之首自休與之山至於大騄之山凡十有九山千一百八十四里內苦山少室太室皆冢也其祠之太牢之具嬰以吉玉其神狀皆人面而三首其餘十六神皆豕身而人面也

嶽神姓諱職掌服御各書所載不同

五嶽名號云中嶽黃元大光合德真君又云中嶽嵩山是寇真人得道之處女几少室二山為副嶽神姓

暉諱樊主世界土地山川谷兼牛羊食稻之種

魚龍圖云嵩山姓壽名逸群呼之令人不病

綜監寶諱云中嶽君諱闕

五嶽古本真形圖云中嶽嵩高君服黃素之袍戴黃

玉大乙之冠佩神宗陽和之印乘黃龍又云中嶽是

五土之主太上常用三天真人有德望者以居之

嵩書

卷十一

四

靈結篇

無上秘要云中嶽嵩山君姓角諱普生頭建中元黃

晨玉冠衣黃錦飛裙披玄黃文裘帶黃神中皇之章

常以四季月干支俱土日乘黃霞飛輪奏真仙名錄

上言于帝

太平御覽云嵩高君冠黃玉太玄之冠佩黃神中皇

之章

玉清隱書云中嶽嵩山仙官二千四百人黃素玉女

十二人侍文右衛佩符著身

嵩山是棲神靈藪

盧元明嵩高山記云嵩山最是棲神之靈藪長松綠

栢生於嶺澗左右古人住止處有銅鈔器物東北出

雲有自然五穀神芝仙藥東脚下有衆樹云是漢果

園後有小山名牛山多香樹昔有陽翟婦人姪身三

十月生子五歲便入嵩山學道道成爲母立祠號開

母祠按唐崔融碑文云漢遼景帝諱故改啓爲開若據元明所說又似非夏啓之母也姑兩存之

石室中有石脂益壽

嵩高山記云又一石室有自然經書飲食室前有石

柱似承露盤有石脂滴滴下食之一合與天地相畢

嵩書

卷十一

五

靈結篇

嶽像玉人神異

嵩高山記云中頂南下二百步有嶽廟畫爲神像有

玉人高五寸玉色甚光潤制作亦佳莫知早晚所造

蓋嶽神之像相傳謂明公山中人悉云屢常失之經

旬乃見

二室所產異物服者各有益

山海經云少室之山百草木成困其上有木焉其名

曰帝休葉狀如楊其枝五衢黃華黑實服者不怒其

上多玉郭璞註云北山巔有白玉膏服之即其下多得仙道世人不能上也時含神霧云

鐵休水出焉而北流注於洛其中多鯀魚狀如盤蝱而長距足白而對食者無蠱疾可以禦兵又東三十里曰太室之山其上有木焉葉狀如黎而赤理其名曰栴木服者不妬有草焉其狀如茱白華黑實澤如蓂蓂其名曰莖草服之不昧上多美石

嵩高山穴有圍棋仙人玉漿石髓

世說云嵩高山北有大穴莫測其深百姓歲時每遊觀其上晉初嘗有一人誤墮穴中同輩冀其儻不死乃投食於穴中墮者得之為尋穴而行計可十許日

嵩書

卷十一

六 靈結篇

忽曠然見明又有草屋中有二人對坐圍棋局下有一盃白飲墮者告以饑渴棋者曰可飲此墮者飲之氣力十倍棋者曰汝欲停此否墮者曰不願停棋者曰從此西行有天井其中有蛟龍但投身入井自當出若饑取井中物食之墮者如言可半年許乃出於蜀中歸洛下問張華華曰此仙館大夫所飲者玉漿也所食者龍穴石髓

少室有王子晉所留資糧

顧野王輿地志云少室山有自然五穀甘果神芝仙

藥周太子晉學道上仙有七千年資糧留於少室山少室有三定思及自然經書飲食

輿地志云少室在嵩山西十七里從東角上四十里得下定思又上十里得上定思十里中有大石門為中定思自中定思而出至崖頭下有石室中有水多白石英室內有自然經書自然飲食與世無異

嵩巖石孔中有十六仙人月光童子

仙經云嵩高山東南大巖下石孔方圓一丈西方北入五六里有大室高三十餘丈周圍三百步自然明

嵩書

卷十一

七 靈結篇

燭相見如日月無異中有十六仙人云月光童子常在在天台時亦往來此中非有道不得望見

石室十餘孔可以避世

潘岳關中記云嵩高山石室十餘孔有石牀池水飲食之具道士多遊之可以避世

嵩山浮圖金像神異

仙經云嵩高山大巖下有浮圖奇妙有一大金像在中或語寺僧密公密公時在嵩寺聞之欣然即與人披林求索時白霧昏迷密公失路一往看之即入山



中唯見一麝香出入三四步側足雙跳步步回顧復去十步中有青炎出就視之有自然天地

### 漢武帝夢繡衣使者乘龍請少君

漢武帝外傳云漢武帝夜夢與李少君共上嵩高山半道有繡衣使者乘龍持節從雲中下言太一請少君帝覺即遣使問少君消息且告廷臣曰如朕夢少君將舍朕去矣明日少君病帝自往視並使左右人受其方書未竟而少君絕既殮忽失衣帶不解如蟬蛻也

嵩書

卷十一

八  
靈緒篇

### 漢武帝三臺山見仙女

雜道書云自嶽神廟東北二十里至一山名曰東龍門其東有三臺山昔漢武東巡過此山見學仙女帝觀之遂以名焉

### 嵩山貝多樹一年三花

雜道書云漢世有道士從外國將貝多子來於嵩高西腳上種之有四樹與衆木異一年三花白色香美少室女子食日精

劉根別傳云漢武帝登少室見一女子以九節杖仰

指日閉左目開右目氣且絕久乃蘇息帝使人問之所行何等女子不答東方朔曰婦人食日精者

### 蔡中郎嵩山石室中得素書

道藏云蔡邕中郎將入嵩山學書於石室中得素書八卷垂芒寫史籀李斯用筆勢讀誦三年遂通其理嘗獨居於室不寐恍然一客至厥狀甚異授以筆法言畢而沒

### 束皙識嵩山竹簡

晉書束皙傳云晉時有人於嵩高山下得竹簡一片上兩行科斗書傳以相示莫有知者司空張華以問束皙皙曰此漢明帝顯節陵中策文也檢驗果然

### 嵩山石室出三皇文

雲笈七籤云晉惠帝時有晉陵鮑靚官至南海太守少好仙道以元康二年二月二日登嵩高山入石室清齋忽見古三皇文皆刻石為字爾時未有師靚乃依法以四百尺絹為信自盟而受後傳葛洪

### 嵩山天降玉璽

南齊書云昇明三年四月滎陽郡人尹午於嵩山東

南隅見天雨石墮地石開有玉璽在其中璽方三寸文曰戊丁之人與道俱肅然入草應天符掃平河洛清魏都又曰皇帝運興午奉璽諸雍州刺史蕭亦斧表獻之

### 嵩高神以金壁致劉裕

宋書云冀州有沙門法稱將死語其弟子普嚴曰嵩高神告我云江東有劉將軍是漢家苗裔當受天命吾以三十二壁鎮金一餅與將軍為信劉氏卜世之數也普嚴以告同學法義法義以晉義熙十三年七

嵩書

卷十一

十一

靈龜篇

月於嵩高廟石壇下得玉壁三十二枚黃金一餅符彩潤潔河南太守毛脩之以靈嶽降瑞送諸神府戴延之西征記曰宋公諮議參軍王智先停栢谷遣騎送道人惠義疏云有金壁之瑞公遣迎取軍進次於嶠東金壁至修壇拜受之

史稱法義此稱惠義微別

### 左慈陽城山變羊

後漢書云曹操欲收殺左慈慈屢變形避之後人逢慈於陽城山頭因復逐之遂入走羊群操知不可得乃令就羊中告之曰不復相殺本試君術耳忽有一

老羝屈前兩膝人立而言曰遽如許即競往赴之而群羊數百皆變為羝並屈前膝人立云遽如許遂莫知所取焉

### 嵩山大蜥蜴作雹

夷堅志云劉居中少隱嵩山嘗見山顛有大蜥蜴數百皆長三四尺人以食就手飼之撫摩其體滑膩如脂一日聚繞盜邊各就取水纔入口即吐出已圓結如彈丸積之於側俄頃間纍纍滿地忽震雷一聲起彈丸皆失去明日山下人來言昨正午雨雹大作乃

嵩書

卷十一

十一

靈龜篇

知蜥蜴所為者此也

### 白龜年嵩山遇李白

體道通鑑云白龜年至嵩山遙望東巖古木簾幙罕地步至其傍尊俎羅列有一人前曰李翰林相召龜年趨進其人裋衣博帶色澤秀發曰吾李白也子之祖乃白樂天也雖不同朝以其道同今相往復吾自水解後放遁山水之間因思故鄉西歸嵩峰中嶽帝飛章上奏見辟於此掌牋奏已百年矣贈龜年書一卷讀之後遂能辨禽獸語言

嵩山老道士化石

仇池筆記云曹煥遊嵩山遇老道士盤礴石上未嘗與人語謂煥曰我與汝以某年月日同集神清洞我當以某日化為石復坐不語後果化於石上

王猛賣畚遇嵩山仙人

晉書云王猛字景略少貧賤以鬻畚為業嘗貨畚於洛陽乃有一人貴買其畚而云無直自言家去此無遠可隨我取直猛利其貴而從之行不覺遠忽至淡山見一父老鬚髮皓然踞胡牀而坐左右十許人有

嵩書

卷十一

土

靈鑑篇

魏寇謙之刻石嵩山隱言唐代之事

宣室志云寇謙之後魏時得道者也常刻石為記藏於嵩山之上上元初有洛川郛城縣民因採藥於山得之以獻縣令樊文言於州州以上聞高宗皇帝詔藏於內府其銘記文甚多與不可解略曰木子當天

下又曰止戈龍又曰李代代不可移宗又曰中鼎顯真容又曰基千萬歲所謂木子當天下者蓋言唐氏

受命也止戈龍者言武氏天后臨朝也李代代不移宗者謂中宗中興再新天地也中鼎顯真容者顯實中宗之廟諱真為睿宗之徽謚也基千萬歲者基玄宗名也千萬歲蓋曆數久長也後中宗立極樊文男欽貢以石記本上獻上命編於國史

唐高宗不得封嵩山童謠

唐書五行志云高宗自調露中欲封嵩山屬突厥叛不果後又欲封以吐蕃入寇遂停時童謠曰嵩山凡幾層不畏登不得但恐不得登三度徵兵馬傍道打

嵩書

卷十一

土

靈鑑篇

騰騰

王秀才嵩山遇修月戶授玉屑飯

酉陽雜俎云太和中鄭仁本表弟不記姓名常與一王秀才遊嵩山捫蘿越澗境極幽巖遂迷歸路將暮不知所之徙倚間忽覺叢中鼾睡聲披榛窺之見一人布衣甚潔白枕一襍物方眠熟即呼之曰某偶入此徑迷路君知向官道否其人舉首略視不應復寢又再三呼之乃起坐顧曰來此二人因就之且問其所自其人言曰君知月乃七寶合成乎月勢如九其

影日爍其凸處也常有八萬二千戶修之予即一數因開襍有斤鑿數事玉屑飯兩裹授與二人曰分食此雖不足長生可一生無疾耳乃起與二人指一支徑但由此自合官道矣言已不見

### 嵩山聖竹林寺示現

古碑云唐蜀僧法藏來遊嵩山路逢一梵僧語次便託附一書與竹林寺上座且曰是寺隨機應緣隱現不常但到嵩嶽寺入石三門登逍遙臺望之山腹是也法藏至嶽寺袖書登臺逢一老人訪問之老人曰

嵩書

卷十一

西

靈緒篇

隨吾手看但見祥雲瑞霧梵剎崢嶸金碧交輝天花散墜遂趨前瞻仰有二童子來迎入寺參禮堂中上座投書問次忽見天使持書帝釋請五百尊者齋須臾鐘磬齊鳴觀諸尊者攬錫擲盂或騎獐虎或乘龍象皆去上座呼法藏乘雲同到天門帝釋出迎樂作昇殿布齋觀三鉢絹每位一疋法藏執絹心生愛著默羨奇異忽覺身墜巖前天宮聖寺都失絹猶在袖容嗟尋逕復到嶽寺衆僧問故法藏曰我幸入竹林瞻敬又隨諸尊者赴帝釋齋因得觀三鉢絹心生貪

羨不覺身墜巖前聖境都失矣時有耆年僧曰汝為出家人得至聖寺同諸尊者受天王供養事非小緣何故未除流俗愛物生心自犯戒律乎今此天絹非汝用物當獻至尊法藏具表進於朝明皇受之倍加宣賜後巖洞聖跡屢常應現焉

### 避瘡人聞嶽神言北魏移都年數

廣古今五行記云魏太武時嵩陽太室中有寶神像長數寸乍見孝文太和中有人避瘡於此廟見太武來造神因言今日朝天帝帝許移都洛陽當得四百

嵩書

卷十一

五

靈緒篇

年神言昨已得天符矣太武出神謂左右曰虜性苛貪天符但言四十而因言四百明年孝文遷都洛陽後果唯得四十年

### 嶽神為珪禪師移樹東嶺

高僧傳云永淳時嵩嶽閑居寺釋元珪廬嶽之龐塢一日有偉丈夫從部曲來謁曰我此嶽神也請受正戒珪與講論甚久授以五戒神言願報慈德珪曰東巖寺之障莽然無樹北岫有之而背非屏擁神能移北樹於東嶺乎神曰聞命幸無駭是夜暴風吼雷物

不安所詰旦和霽則北巖松栢盡移東嶺森然行植焉詳見竺葉篇

### 嵩陽孫思邈因伊洛二龍之言撰千金方

獨異志云唐天后朝處士孫思邈居於嵩山修道時大早有敕選洛陽德行僧徒數千百人於天宮寺講人王經以祈雨澤有二人在衆中鬚眉皓白講僧雲林遣人謂二老人曰罷後可過一院既至問其所來二老人曰某伊洛二水龍也聞至言當得改化林曰講經祈雨二聖知之乎答曰安得不知然雨者須天

嵩書

卷十一

志

靈驗篇

符乃能致之居常何敢自施也林曰為之奈何二老曰有修道人以章疏聞天因而滂沱某可力為之林乃入啓則天發使嵩陽召思邈內殿飛章其夕天雨大降思邈亦不自明退詣講席語林曰吾修心五十年不為天知何也因請問二老二老答曰非利濟生人豈得昇仙於是思邈歸蜀青城山撰千金方三十卷既成而白日冲天

### 韋老師嵩嶽寺洗犬變龍騎之昇天

驚聽錄云嵩山道士韋老師常養一犬多毛黃色每

以自隨或獨坐山林或宿雨雪中或三日五日至嶽寺求齋餘而食人不能知也唐開元末復牽犬至寺向僧徒求食以食犬僧發怒慢罵令奴盛殘食與之老師悉以與犬僧又慢罵欲毆之犬視僧色怒老師撫其首久之衆僧稍引去老師乃出於殿前池上洗犬俄有五色雲遍滿溪谷僧駭視之雲悉飛集池上頃刻之間其犬長數丈成一大龍老師亦自洗濯服綃衣騎龍坐定五色雲捧足冉冉昇天而去寺僧作禮懺悔已無及矣

嵩書

卷十一

志

靈驗篇

### 嵩嶽寺神婦蹋泉顯異

神僧傳云嵩嶽寺僧有百人泉水纔足忽見婦人敝衣挾簾却坐階上聽僧誦經衆不測為神也使訶遣之婦有愠色以足蹋泉立竭身亦不現衆以告僧稠稠呼優婆夷三呼乃出便謂曰衆僧行道宜加擁護婦人以足撥放故泉水即上涌

### 潘老宿少林空屋自用葫蘆中臥具肴饌

原化記云嵩山少林寺元和間嘗因風雨後有一老人策杖叩門求宿寺人以閉門訖指寺外空屋令宿

亦無牀席入更後僧人見寺外燈火怪而問之見其屋內設茵幕華盛陳列肴饌老人飲噉自若及曉老人睡起漱盥訖取牀席帳幕內葫蘆中空屋如故問其姓名云姓潘氏從南嶽北遊太原後時有見之者中嶽道士顧玄續求人守丹鼎不終

道書云天寶中中嶽道士顧玄續嘗懷金遊市中歷數年忽遇一人強登旗亭扛壺盡醉日與之熟一年中輸數百金其人疑有所為拜請所欲玄續笑曰予燒金丹八轉矣要一人相守忍一夕不言則濟吾事

嵩書

卷十一

六

靈鑑篇

予察君神靜有膽氣將煩君一夕之勞或藥成相與期於太清也其人慨然許之遂隨入中嶽上峰險絕巖中有丹竈盆乳泉滴瀝亂松閉景玄續取乾飯食之即日上章封鼎及暮授以一板云可擊此知更五更當有人來此慎勿與言也其人曰如約至五更忽有數鐵騎呵之曰避其人不動有頃若王者儀衛甚盛問汝何不避令左右斬之其人如夢遂生於大賈家及長成思玄續不言之戒父母為娶有三子忽一日妻泣君竟不言我何用男女為遂次第殺其子其

人失聲豁然夢覺鼎破如震丹已飛矣

李石嵩山遇病鶴求三世人血

雲笈七籤云李石未達時頗好道嘗遊嵩山荒草中聞有呻吟聲視之乃病鶴作人語曰某已為仙厄運所鍾為樵者見傷一足將折須得三世人血數合方能愈也李公解衣即欲刺血鶴曰世上人少公且非純人乃授一眼睫曰持往東都但映照之即知矣李公中路自視乃馬首也至洛陽所遇頗衆悉非全人偶於道上見一老翁騎驢以睫照之乃人也李公拜揖具言病鶴之事老翁忻然下驢宣臂刺血李公以小餅盛之持往鶴所濡其傷處裂衣封裹鶴謝曰公即為明時宰相後當輕舉相見非遙慎勿墮志李公拜之鶴冲天而去

嵩書

卷十一

九

靈鑑篇

吳善經嵩洞遇仙人授以字書

神仙感遇傳云吳善經嵩山學道十餘年周歷幽勝忽直一洞門廣大餘高五六尺徐行入二三里即覺似濃煙霧中又數里豁然明朗山川洞開四顧極遠巖下有仙人五六奔往禮謁比至唯一人在焉善經

拜禮修謁自幸遭遇乞延生度世之要仙者指石牀上有書數軸令取一軸來依教取之仙者笑曰未可教以出世之道且讀此可以於人間整叙經書辨識文字耳即授以指訣一一詳識諭令出山指以他徑頃之已在洛下矣詳見黃齋篇

任生讀書嵩山拒仙女求姻

雲笈七籤云任生隱嵩山讀書夜有女子來曰冥數合與君為姻顏色絕代服采異常生堅拒不納女子取生紙筆贈詩曰我名籍上清謫居游五嶽以君無

嵩書

卷十一

三

靈緒篇

俗累來勸神仙學寫畢去三日後又來復贈詩曰葛洪亦有婦王母亦有夫神仙盡靈匹君子意何如任生竟不納女子重贈詩曰阮郎迷不悟何處伸情素明日海山春綵舟却歸去遂絕跡按任生能夜拒奔女自是卓行便合緣以致促筭殊為不經今削之素元君也自阻仙

少室有歌山舞水織錦堂光明穴雲鐘鶴井諸異

宋河南志云少室有歌山舞水在諸峰內阿育王塔在山北王女織錦臺並堂在東北堂內石色爛斑煥

如紋錦鍾乳穴在山東南穴中有鍾乳徑頭大一丈光明穴在山東南角溪三里餘直上五百尺晝夜長明雲鐘洞樵人往往聞鐘聲石穴井昔有二人得道一誤傷而死一人化為鶴求其死者哀鳴泣血滴而成穴

嵩山古松變青牛伏龜

嵩高山記曰嵩嶽有大松或百歲千歲其精變為青牛或為伏龜採食其實得長生

石元懿嵩陽遇老叟識為良弼

嵩書

卷十一

三

靈緒篇

談苑云石元懿熙載遊嵩陽道中遇一隻熟視之曰真大平良弼也吾幼為唐相房玄齡檢書蒼頭公酷似房公語訖即滅太宗朝石為左僕射

薛生上嵩山見五仙人朱書篆字

北夢瑣言云後唐清泰中進士龐式於嵩陽觀聚課有薛學子者因上山採樵次見道士五人曳輕羅羽帔身長大欲携此子同去薛辭之乃褫其襟背上朱篆一行八字道士乘虛而去薛歸觀話其事無有識其篆者

崇福宮真武神像顯聖

啓聖錄云西京嵩山崇福宮有北極紫微閣右角簷傾一椽斜墜損真武右肩判府侍郎富弼方擬奏聞未發忽內侍岑靜奉敕專詣崇福宮計驗紫微閣真武神相有無動損因言皇帝近於宮中夢見崇福宮土地奏言今有紫微閣神因攻趙元昊化黑蜂遍滿軍前特助元帥龐籍獲勝為施神功護國今右臂傷重若不奏聞陛下無緣得知言訖辭去時征西士馬尚無消息富公乃以簷傾椽墜事付岑靜回奏旋即

嵩書

卷十一

主

靈鑑篇

錢參政識嵩山童子異人

龍川別志云參知政事錢若水少時讀書嵩山佛寺有一童子日來嬉擾禁之不可寺僧曰此田家子寺乃伊父所建也今其家死亡略盡以此子見屬吾憐

其功不忍禁也若水曰然則試以經授之不數日誦

寺中所有經殆遍遂去不知所往若水既貴護宗室葬事舉者若干人將宿常失其一行則復在怪而閤之則昔之童子在焉若水曰子乃在是耶子實何人也對曰世之如我者多矣顧公不識耳姑置我我將食而復見置之則走入衆中不復識

張齊賢醉臥嵩石見自己食料羊

清波雜志云淳化中宰相張公齊賢布衣時嘗春遊嵩嶽醉臥巨石上見人驅群羊過於前曰此張相公

嵩書

卷十一

主

靈鑑篇

食料羊也既貴每食數斤猶未厭飫健啖世無比者此與唐贊皇李德裕夢人謂平生合享萬羊之兆符合

登封士人見鼠糞作異

酉陽雜俎云登封嘗有士人客遊十餘年歸莊莊在嵩山下夜久士人睡未著忽有星火發於墻下初如螢稍稍芒起大如彈丸飛燭四隅漸低輪轉來往去士人面纔尺餘細視光中有一女子貫釵紅衫碧裙搔首擺尾具體可愛士人因張手掩獲燭之乃鼠糞也大如鷄栖子破視有蟲首赤身青殺之



李光元少室遇元壽先生得道

談苑云渤海李光元歷遊名山至嵩高少室獨步崑谷忽於松下遇一老人問曰子求道幾年有所遇乎光元曰予遊歷二十餘年數年前曾於船中遇一道人教以保養精氣導引四肢依而行之亦有少驗曰如斯則道成矣夫復何求光元曰竊聞仙家更有金液還丹之道是以留心尋訪耳老人微笑曰子識吾否吾元壽先生也子求金丹大道將為已乎光元曰既為已亦將提拔有分之人曰斯可傳矣光元即

嵩書

卷十一

雷

靈

再拜稱謝老人曰若非夙緣雖辛勞沒齒亦不能遇子仙骨已彰神基漸就果能聽吾說矣乃置杖共坐石上而授以道焉

王胡叔死而見形引胡入冥途遊觀見嵩山二神僧

太平廣記云宋元嘉中有王胡者長安人叔死數載忽形見還家語家人云吾今欲將胡遊歷幽途使知罪福之報觀畢當還不足憂也胡即頓臥牀上泫然如盡叔於是將胡來至嵩高山諸鬼遇胡並有饌設

其品味不異世中唯薑甚脆美又至一處屋宇華曠

帳筵精整有二少僧居焉亦為設雜果檳榔等胡遊歷久之備見罪福苦樂之報乃辭歸復活遂赴嵩山遊學偶入寺於眾中忽見前二少僧胡大驚與叙乖闊問何時來二僧答云貧道本住此寺往日不憶與君相識胡復說嵩高之遇眾僧云君謬耳豈有此耶至明日二僧不辭而去胡乃具告諸沙門叙說往日嵩山所見眾咸驚怪即追求二僧不知所往乃悟其神人焉

嵩書

卷十一

雷

靈

元好問少姨廟見仙詩

雷淵中州集云金興定庚辰河南元好問趙郡李獻能渾源雷淵同遊王華谷又將歷嵩前諸刹因憩少姨廟好問周行廊廡得古仙人詞於壁間云夢入雲山宮闕幽鶯鶯同侶駕鳳流桂月竟夜光不收世俗擾擾成囂湫醉飛星馭鞭金虬八仙浪迹追真遊龜玉筌蹄二十秋摩霄注壑須人求覓劍如或笑刻舟陽燧非無角綺儔元鼎以來虛崑丘東井徒勞冠帶修松餐竹飲渡蜃樓嵩頂坐嘯垂直鉤祇應慚愧劉

幽州知音者莫惜迹畱淵謂觀其體則栢梁事則終始二漢字畫在鍾王間東井又元鼎所都幽州必賢宗子虞也夫眷眷不忘幽州者非吾田疇尚誰歟田復所事之讐却曹瞞之賞衰俗波蕩中挺挺有烈丈夫風氣死而不忘蓋無疑其能道此語亦無疑仙山靈嶽宜有閔衍博大之真人往來乎其間而人莫識也予三人乃見之豈偶然哉再拜畱跡以附知音之末

昇山李純甫云雷希顏謂先詩為仙語無疑然直謂田疇則似未安王仲澤送元裕之還嵩詩末句云仙門仙馭待知音用此也

嵩書

卷十一

王

靈緒編

### 韋安之與泰嶽冥官張道同業少室

太平廣記云韋安之者河陽人往少室尋師至登封逢一人曰張道亦至少室讀書二人乃約為兄弟安之年長為兄同師李潛經一年張道博學精通一日語安之曰兄事業全未從今五載方成名官不過縣佐安之驚異曰弟何以知之道曰余非人廼冥司主典也泰嶽主者欲重用為余才識尚寡給一年假於人間學今限滿業成將辭兄去慎勿洩於人言訖辭其師安之送至山下涕泣而別道曰兄成名之後有

急當呼道必可救矣安之五年乃赴舉其年擢第授杭州於潛縣尉被州遣部將抵河陰至淇澤浦為淮盜來劫安之遂虔啓於道俄而雷雨暴至群盜皆溺安之為龍興縣丞卒

### 王子晉所乘之馬亦昇仙

體道通鑑云浮丘公接王子晉登嵩山數年友人桓良遇子晉於緱山之上謂良曰七月七日我當昇天可與故人會別也至期良與故人群官登山見子晉棄所乘馬於澗下飲餞如初子晉乘白鶴揮手謝時

嵩書

卷十一

王

靈緒編

人昇天而去是時群官拜別回拜所乘馬馬亦飛空而去今有拜馬澗在焉

### 漢武帝嵩山遇大耳仙人採菖蒲

神仙傳云漢武帝上嵩高忽見有仙人長二丈耳出領下垂肩帝禮而問之曰吾九嶷山人也聞中嶽有石上菖蒲一寸九節服之可以長生故來採之言訖忽然不見帝謂臣曰彼非學道服食之徒也恐是中嶽之神以此喻朕耳

達磨在天竺時豫識少林傳法

寶林傳云達磨祖未入中國時問般若多羅曰我既得法當往何國而作佛事答曰吾滅後六十餘載當往震旦設大法藥直接上根所化之方獲菩提者不可勝數惟南方不可久畱聽吾偈曰路行跨水復逢羊獨自栖栖暗渡江日下可憐雙象馬二株嫩桂久昌昌末句蓋識在少林寺傳法無窮也也久昌昌者則傳法無窮之義為林嫩者少

### 盧鴻一登嵩山著四銘紀異

紀異云嵩山之上王女搗帛石瑩徹光潔人莫能測

嵩書

卷十一

天

測嶽下之人云立秋前一日中夜常聞杵聲響焉嶽之西北一峰號望都峰云天氣晴朗即望見洛陽隱如車蓋之狀又嶽之東北一峰號雞鳴峰云五更之初便見日出嶽頂有中天池開元中隱士盧鴻一凡有絕境之處皆勒銘其最妙者此四銘也

### 嵩山龍潭神異

集古錄云武后封禪處有石記戒人游龍潭者毋笑語以瀆神龍龍怒則有雷恐又雲麓漫抄云韓退之元和四年三月二十六日同李渤盧仝自龍泉寺酌

龍潭水遇雷至次月三日題名天封觀記之

予泛覽書傳及稗官小說釋道二藏奇境奇事之中在中嶽不啻累牘連篇也中有語大荒唐不經者如軒轅氏治嵩山夏啓登仙為東明公許由巢父為九天侍中中嶽領仙官王女三萬人或曰十二萬人嵩山洞周迴一千里或曰三千里武當太和陸渾為佐命佐理田璆鄧韶見中嶽嫁女事諸如此類不能悉數可不問而知其為矯誣也悉刪難之稍取六十六策存其籍名雜錄於右無分世代

嵩書

卷十一

天

不更銓倫亦足以表嵩山之靈恢奇怪變可謂無所不有矣第所錄者皆前代之已事耳即無煩載筆世自知之予綰綬此中自丁至壬六更歲曆日履山間之地日接山下之人或披斷石於荆榛或聆遺言於父老或遇境而目擊其異或因事而身際其奇一片有心悉從札記略存數事信而有徵近恐傳聲久將襲謬後之視今亦猶今之視昔也我今不書後世何述哉遂為別錄如左

少林寺跋陀叱水西流

少林寺跋陀三藏開創時有識云後五百年當有文  
主來欲葬此因叱水不令東流至唐則天后果幸此  
欲奪其地竟以無水而止此王敬美述潤公之言入  
之記文者予徧閱釋書俱不載此事萬曆戊申己酉  
歲登封連遇大旱寺井盡竭僧人取汲於五里外甚  
苦之予至寺同住持道公往尋泉脉擬為穿引至寺  
右一峽古名虎澗予謂虎西方之獸也五行屬金金  
能生水必有泉正徘徊之次一負薪者過曰此處  
夜靜聽之地下泠泠有聲自東而西蓋水從山之內  
轉矣予察地勢西方甚峻澗水東流自其常理今乃  
地下倒轉豈真跋陀神力有異耶遂露坐石上俟夜  
親聽之尋以風起而歸無暇再往

會善寺龍聽講經送水

嵩前會善寺亦名利也寺西北數十武山麓一泉甚  
甘冽自佛殿後三疊而過右廊宛轉流通未出山門  
便沒入地下相傳寺中舊無水唐時有高僧晏公者  
講法華經有龍作人來聽晏公知之告以乏水乃送  
此泉止供僧汲不以資灌溉之用本朝都玄敬亦有

嵩書

卷十一

三

靈樞篇

記信之戊申之夏予親至水次周圍相度曰神豈有  
私必其下石嵌而地空故水洩耳時方大旱予督率  
居民自其發源處力改入畦俾澆禾黍泉脉遂微涓  
滴亦不下纔復故道則仍舊奔流予意大不憚因歎  
今天下農出全力奉佛而佛乃不捐剩水救農慈悲  
安在若此龍知有僧更不知有農亦是顛倒然竟無  
可柰何實地勢使然也

玉柱峰下縱白鹿

萬曆戊申秋七月馬峪居民於山中獲一小白鹿來

嵩書

卷十一

三

靈樞篇

獻通身如雪目睛周圍如丹砂而瞳子則如點漆問  
之山中人亦從來未見真異物也予以銀五鎰酬之  
羣於公衙殊甚馴擾至庚戌四月鹿壯且生角矣予  
念是物犧牲既不忍用豈可以絕世奇姿充人耳目  
之觀惟當縱之豐草長林令自適其性耳遂命從者  
牽至山中放於玉柱峰之下予同主簿杜紹德典史  
李逢霖偕往法王寺門觀焉鹿登高崖猶回首顧視  
良久若相戀者已而遂不知所之縱鹿未三月權稅  
書來乞大略謂白鹿瑞物嘉靖時曾有獻者群臣  
表賀僉謂聖壽之徵今此物見於中嶽故自非

偶門下既不申獻乞以見惠借為孝順方物也予  
復書云千里之早民方告災一獸之奇詎足言瑞  
即使此物果關聖壽正當使之自若其性與天  
無極若羈磨之又籠檻之二千里長途萬一道斃  
友損其祥況此鹿久縱嵩山萬壑千崖何處寺覓  
公能田獵當來自取之第不得傷民問禾稼耳事  
寢遂

### 石堂山壁上見字

宋人小說載歐陽永叔遊潁陽見山中石壁上丹書  
神清之洞四字明日復尋不見及讀歐公戲石堂山  
隱者詩內有云四字丹書萬仞崖神清之洞鎖樓臺  
雲溪路絕無人到鸞鶴今應待我來乃知洞在石堂

嵩書

卷十一

圭

靈應篇

山公不特見字兼亦見其樓臺也庚戌秋八月十三  
日予候過客於潁陽客失期不至予乃乘便登石堂  
心懷誠願凝目睇觀回環良久見北巖一壁苔蘚剝  
泐處皆成鳥跡科斗之文不能悉識中亦有似大篆  
者似八分者大者如斗小者如鉢予僅能辨三字為  
甲為癸為天然又不在一行久之霧生遂滅以此遠  
愧歐公耳

### 玉黃峽潭龍作雨

玉黃峽者少室之東界也有小潭在密樹之下相傳

其中有龍潛焉素著靈異正德乙亥冬旱登封令關  
中李居仁以祈雪致祭方宣告文忽見一青蛇自潭  
出蜿蜒昇樹杪尋復下樹躍入潭中頃之有雲如縷  
結於潭上瞬息間徧滿一峽雨即暴至繼以大雪四  
境無不沾被者

### 白鶴觀老松樵傷見夢

萬曆己酉冬十月袁中郎吏部朱非二兵部自秦中  
典試回枉道見訪同遊少林盧巖並嵩前諸刹凡三  
日至第四日擬登太室絕頂是夜予夢一道士形容

嵩書

卷十一

圭

靈應篇

臃怪色甚不平揖予而言曰部民鐵器見傷安得不  
問明發請自驗之及曉同二公至白鶴觀故址見觀  
前孤松為樵者斧傷尺餘松身油浸作琥珀色其堅  
如石已非木質必刃缺不能入方止耳予始恍然有  
悟笑謂松曰夢中膏肓者子耶即立命工斲石作一  
垣衛之又檄禁山中民不得更有翦損噫記稱嵩山  
老松能變青牛伏龜予初不信今方知且能變人入  
夢矣

### 嵩山赤衣童子屢見

宣德丙午春三月翰林編修周叙以使命假道嵩陽自少林赴會善寺過郭店東南行五里許見道傍有赤衣童子趨走時方大旱謂赤色南方火象疑是旱魃之類遂名其地曰赤童子山然此非旱魃也萬曆辛亥六月邑方苦多雨予以公務趨府侵晨衝泥過此地遙見赤衣童子二人盤坐石上前導將近亦不驚徐步入林從人皆見之良久始滅予意溪山大澤何所不有二童子者非神即仙也謂之旱魃誤矣

夢中為象極洞雙龍井立名

嵩書

卷十一

孟

嵩陽編

太室之麓有大石焉方廣幾十丈南面有自然小洞可容二十人厥形正圓俗稱雞卵洞內塑老君像又名老君洞兩旁密邇石上有二自然井手可探汲泉味甘冽因去潘師正居不遠遂名潘真人井噫是洞與井天造地設奇絕古今他山恐不多見惜往牒不為詳紀游者略之且名不雅馴遂致無聞於世負屈千載而道士又建瓦屋三間蒙冒其上煙火日薰之使二奇幽閉黑獄中竟不得見天日焉豈不冤哉辛亥午日邀客飲此相與扼腕者久之予欲改錫以佳

名別為作記屬思不就客去予以小醉晝寢未熟夢中彷彿若有教予者曰何不名為象極洞左龍井右龍井乎予躍然而起遂援筆記之

詛龍潭致雨

嵩山龍潭自古靈異昔人遊此者笑語俱不敢恐遭雷震蓋其崖溪谷險地勢使然耳戊申大旱予三次虔禱杳然無應六月六日有異人教予儲菜子踰旬而公私之種俱積仰觀天色殊無雨意聞鄉民亦有空其室以去者予心欲焚乃召諸父老議曰古人祈

嵩書

卷十一

孟

嵩陽編

禱法用之已盡吾欲出一新意求之如有禍則身當耳父老問故予曰欲親打龍潭也眾共諫之不聽至十八日昧爽予選健卒十人督往龍潭各給熟肉二斤胡餅燒酒極其醉飽令環坐潭邊投石喊罵言詞麤厲或比之豕犬或詛以斬殺旁觀者人人股慄久之潭中微有波濤聲眾稍稍引去已而聲漸大去者益多予著緋衣堅坐寺中不動有勸予先回嶽廟侍之者予曰我朝廷命吏龍亦獸耳自有正神御之何敢妄加禍於

我况我為民請命三次虔禱先有禮矣今日之事與遊觀褻玩者不同嶽神有靈亦當陰相何以避為言訖忽黑雲從潭中起咫尺昏暗小雨如絲及午而雲漸寬雨亦漸大予乃肅衣冠拜於潭上撤卒先歸頃之雨降如注漏下二鼓方息四境溥徧然始終竟不聞一雷聲尤為可異也

### 箕山遇招隱客

壬子仲春予登箕山遇一客神色非常似有道者邀入許由祠共談極博洽蘊藉語次多微諷予宜棄官

嵩書

卷十一

美

審緒篇

予曰固知今天下資格世界其何能為第此時未可去或旦暮量移便投簪耳客曰今有人於此聚衛共姜陳夏姬一處而防閑之朝詰曰得無踰牆乎暮詰曰得無鑽穴乎明日又詰曰得無與金夫共枕乎守宮之血不離臂夏姬無耻必不以為辱若共姜者便當羞矣尚何待也予知其見誚也心甚愧服良久不能應客笑而別纔出門便不見

嵩書卷之十一終

門人劉湛然校字  
袁嵩秀

### 嵩書卷之十二

文林郎登封縣知縣傅梅元鼎撰

### 韻始篇一

外方長曰古人有言登高能賦可以為大夫然則聲律之道果與政通矣而必曰登高何哉豈有待於山川之助耶蓋人之有遠趣逸韻者情近乎山水而登臨眺望往往發為詩歌縱目開心神思若曠而澹焉固其宜耳然古來奧區奇境以不遇通人名湮沒者不可勝數惟曾經品題者稱焉由茲以譚山川與人兩相待而俱稱不朽巍巍洋洋雖與天地並昭可也其何有于政乎嵩高在禹貢稱為外方自大雅篇出而峻極之名遂著予首錄其詩取標于吉甫歸重于嶽神匪獨以其韻也而韻實始基之矣其他古今篇什託于此中者甚侈中原之大觀將在于是予廣收而精取之各以代次俾觀者得論其世焉

周

嵩高八章

尹吉甫  
卿士

嵩高維嶽駿極于天維嶽降神生甫及申維申及甫

維周之翰四國于蕃四方于宣

疊疊申伯王績之事于邑于謝南國是式王命召伯

定申伯之宅登是南邦世執其功

王命申伯式是南邦因是謝人以作爾庸王命召伯

徹申伯土田王命傅御遷其私人

申伯之功召伯是營有傲其城寢廟既成既成藐藐

王錫申伯四牡騶騶鉤膺濯濯

王遣申伯路車乘馬我圖爾居莫如南土錫爾介圭

以作爾寶往近王舅南土是保

高書

卷十二

二

鄭始一

申伯信邁王饒于鄙申伯還南謝于誠歸王命召伯

徹申伯土疆以峙其糗式遄其行

申伯番番既入于謝徒御嘽嘽周邦咸喜戎有良翰

不顯申伯王之元舅文武是憲

申伯之德柔惠且直揉此萬邦聞于四國吉甫作誦

其詩孔碩其風肆好以贈申伯

烝民八章

尹吉甫

天生烝民有物有則民之秉彜好是懿德天監有周

昭假于下保茲天子生仲山甫

仲山甫之德柔嘉維則令儀令色小心翼翼古訓是

式威儀是力天子是若明命使賦

王命仲山甫式是百辟績我祖考王躬是保出納王

命王之喉舌賦政于外四方爰發

肅肅王命仲山甫將之邦國若否仲山甫明之既明

且哲以保其身夙夜匪解以事一人

人亦有言柔則茹之剛則吐之維仲山甫柔亦不茹

剛亦不吐不侮矜寡不畏彊禦

人亦有言德輶如毛民鮮克舉之我儀圖之維仲山

高書

卷十二

三

鄭始一

甫舉之愛莫助之袞職有闕維仲山甫補之

仲山甫出祖四牡業業征夫捷捷每懷靡及四牡彭

彭八鸞鏘鏘王命仲山甫城彼東方

四牡騤騤八鸞喈喈仲山甫徂齊式遄其歸吉甫作

誦穆如清風仲山甫永懷以慰其心

漢

邛疏

劉向

光祿大夫

八珍促壽五石延生邛疏得之鍊髓餌精人以百年

我享千齡寢息中嶽遊步仙庭



王子喬

劉向

妙哉王子神遊氣爽笙歌伊洛擬音鳳響浮丘感應  
接手俱上揮策青崖假翰獨往

魏

詠懷

阮籍

步兵校尉

王子十五年游衍伊洛濱朱顏茂春華辯慧懷清真  
為見浮丘公舉手謝時人輕蕩易恍惚飄飄棄其身  
飛飛鳴且翔揮翼且酸辛

宋

嵩書

卷十二

四韻始一

王子晉

謝靈運

臨川內史

淑質非不麗難以之百年儲宮非不貴豈若登雲天  
王子愛清淨區中寔囂諠冀見浮丘公與爾共續翻

梁

王太子

江淹

金紫光祿大夫

子喬好輕舉不待鍊銀丹控鶴去窈窕學鳳對噴岬  
山無一春草谷有千年蘭雲衣不躑躅龍駕何時還  
效阮公詩

江淹

昔余登大梁西南望洪河時寒原野曠風急霜露多

仲冬正慘切日月少精華落葉縱橫起飛鳥時相過  
搔首廣川陰懷歸思如何常願反初服閒步潁水阿  
北朝

道士步虛詞

庾信

司宗中大

渾成空教立元始正圖開赤玉靈文下朱陵真氣來  
中天九龍館倒景八風臺雲度弦歌響星移空殿迴  
青衣上少室童子向蓬萊逍遙開四會倏忽度三災

緱山引

鮑照

前軍刑獄

嵩書

卷十二

五韻始一

王子吹笙去不還當時舊物惟緱山山溪老樹藏遺  
廟秋月春風空自閒轆轤左界連商雒碧瓦朱欄露  
華薄經時掩戶庭草淡永晝無人對花落徘徊未下  
日將夕遙望嵩陽煙景微鶴馭飄飄向前三許林間空  
見白雲飛

門人

焦一露校字

嵩書卷之十二終

嵩書卷之十三

韻始篇二

唐

五言古詩

歸山

劉希夷 一名庭芝  
汝州人

歸去嵩山道煙花覆青草綠山無塵山青楊柳春  
日暮松聲合空歌思殺人

嵩嶽聞笙

劉希夷

月出嵩山東月明山益空山人愛清景散髮臥秋風

嵩書

卷十三

韻始二

風止夜何清獨夜草蟲鳴仙人不可見乘月近吹笙  
絳脣吸靈氣玉指調真聲真聲是何曲三山鸞鶴情  
昔去落塵俗願言聞此曲今來卧嵩岑何幸承幽音  
神仙樂吾事笙歌銘夙心

田家

王績 待詔門下  
省

家住箕山下門枕潁川濱不知今有漢唯言昔避秦  
琴伴前庭月酒勸後園春自得中林士何忝上皇人

鳳笙曲

沈佺期 太子詹事

憶昔王子晉鳳笙遊虛空揮手弄白日安能戀青宮

豈無嬋娟子結念羅帷中憐壽不貴色身世兩無窮

感遇

陳子昂 右拾遺

吾愛鬼谷子青谿無垢氛囊括經世道遺身在白雲  
七雄方龍鬪天下亂無君浮榮不足貴遵養晦時文  
舒可彌宇宙卷之不盈分豈徒山木壽空與麋鹿群

寄宋之問

田遊巖 太子洗馬

信彼稱靈石居然狎逋棲徘徊承翠巘斌駁帶深溪  
夕陰起層岫清景半虹蜺風來應嘯阮波渡可琴嵇  
僕也潁陽客望彼空思齊倘見山人至簪蒿且杖藜

嵩書

卷十三

韻始二

答田遊巖

宋之問 越州刺史

家臨清溪水溪水遶盤石綠蘿四面垂裏裏百餘尺  
風泉度絲管苔蘚鋪茵席傳聞潁陽人霞外漱靈液  
忽枉巖中翰吟臥朝復夕何當遂遠遊物外候逋客

奉使嵩山途經緱嶺

宋之問

侵星發洛城中歌吹聲畢景至緱嶺嶺上煙霞生  
草樹饒野意山川多古情大隱德所薄歸來可退耕

賦得雨從箕山來

宋之問

雨從箕山來倏與飄風度晴明西峰日綠緡南溪樹

此時客精廬幸蒙真僧顧淡入清淨理妙斷往來趣  
意得兩契如言盡共忘論觀化靜不動聞鳥懸可悟  
向夕聞天香淹留不能去

使至嵩山尋杜四不遇慨然復傷田洗馬韓觀

主因以題壁贈杜侯杜四 宋之問

洛橋瞻太室期子在雲烟歸來不相見孤賞弄寒泉  
與君闊松石於茲二十年田公謝昭世韓子祕幽延  
憶昔同携手山棲接二賢笙歌入玄地詩酒坐寥天  
舊友悉零落罷琴私自憐遊者非樂誤餐霞意可全

嵩書 卷十三 三 詩始二  
為余理還策相與事靈仙

初至崖口五渡 宋之問

崖口衆山斷嶽峯聳天壁氣衝落日紅影入春潭碧  
錦續織苔蘚丹青畫松石水禽泛容與巖華飛的皪  
微路從此淡我來恨干役惆悵情未已群峰暗將夕  
入崖口五渡寄李適徐彥伯

宋之問

抱琴登絕壑伐木沂清川路極意謂盡勢迴趣轉綿  
人遠草木秀山淡雲影鮮余負海嶠情自昔微尚然

彌曠十餘載今來宛仍前未窺仙源極獨進野人船  
時攀乳竇憩屬薄天牕眠夜絃響松月朝楫弄苔泉  
因宜泉外理永謝區中緣碧潭可遺老丹砂堪學仙  
莫使馳光暮空令歸鶴憐

答宋十一入崖口五渡見贈

李適 工部侍郎

聞君訪遠山躋險造幽絕眇然青雲境觀奇彌年月  
登嶺亦泝溪孤舟事沿越嶠嶂傳彩翠崖磴互欹缺  
石林上攢叢金澗下明滅捫壁窺丹井梯苔瞰乳穴

嵩書 卷十三 四 詩始二  
忽枉巖中贈對翫未嘗輟殷勤獨往事委曲煉藥說

邀余名山期從爾泛海渤歲晏秉夙心斯言匪張設

答宋十一入崖口五渡見贈

徐彥伯 太子賓客

聞有獨往客拂衣捐世心結忻薄枉渚撰念營舊林  
經亘去崖合冥綿歸壑渡琪樹環碧彩金潭生翠陰  
洄公弄沙榜危仄眺明岑夕聞桂裏猿曉翫松上禽  
雜珮蘊孤袖瓊數綴雙衿我懷滄洲想鬱爾白雲吟  
秉願理方叶存期跡易尋茲言庶不負為報巖中琴

題元丹丘潁陽山居 并序 李白 翰林供奉

丹丘家于潁陽新卜別業其地北倚馬嶺連峰嵩  
丘南瞻鹿臺極目汝海雲崑映鬱有佳致焉白從  
之遊故有此作

仙遊度潁水訪隱同元君忽遺蒼生望獨與洪崖群  
卜地初晦跡興言且成文却顧北山斷前瞻南嶺分  
遙通汝海月不隔嵩丘雲之子合逸趣而我欽清芬  
舉跡倚松石談笑迷朝曛終願狎青鳥拂衣棲江濱

題元丹丘山居 李白

嵩書

卷十三

五 韻始二

故人棲東山自愛丘壑美青春卧空林白日猶不起  
松風清襟袖石潭洗心耳羨君無紛喧高枕碧霞裏  
潁陽別元丹丘 李白

吾將元夫子異姓爲天倫本無軒裳契素以煙霞親  
嘗恨迫世網銘意俱未伸松柏雖寒苦羞逐桃李春  
悠悠市朝間玉顏日緇磷所共重山嶽所得輕埃塵  
精魄漸蕪穢衰老相憑因我有錦囊訣可以持君身  
當餐黃金藥去爲紫陽賓萬事難並立百年猶崇晨  
別爾東南去悠悠多悲辛前志庶不易遠途期所遵

已矣歸去來白雲飛天津

聞丹丘子於城北營石門幽居中有高鳳遺跡  
僕離群遠懷亦有棲遁之志因序舊以寄之

李白

春華滄江月秋色碧海雲離居盈寒暑對此長思君  
思君楚水南望君淮水北夢魂雖飛來會面不可得  
疇昔在嵩陽同衾卧羲皇綠蘿笑簪紱丹壑羨巖廊  
晚途各分析乘興任所適僕在鴈門關君爲峨眉客  
心懸萬里外影滯兩鄉隔長劒復歸來相逢洛陽陌

嵩書

卷十三

六 韻始二

陌上何喧喧都令心意煩迷津覺路失託勢隨風翻  
以茲謝朝列長嘯歸故園故園恣閒遊求古散縹緲  
久欲入名山婚娶殊未畢人生信多故世事豈惟一  
念此憂如焚悵然若有失聞君卧石門宿昔契彌敦  
方從桂樹隱不羨桃花源高鳳起遐曠幽人跡復存  
松風清瑤瑟溪月湛芳樽安居偶佳賞丹心期此論  
尋高鳳石門山中元丹丘 李白

尋幽無前期乘興不覺遠蒼崖渺難涉白石忽欲晚  
未窮三四山已歷千萬轉寂寂聞猿愁行行見雲收

高松上好月空谷宜清秋壑渙古雪在石斷寒泉流  
峰巒秀中天登眺不可盡丹丘遙相呼顧我忽而哂  
遂造窮谷間始知靜者閒留歡達永夜清曉方言還  
酬岑勛見尋就元丹丘對酒相待以詩見招

李白

黃鶴東南來寄書寫心曲倚松開其緘憶我腸斷續  
不以千里遙命駕來相招中逢元丹丘登嶺宴碧霄  
對酒忽思我長嘯臨清飈余未相知茫茫綠雲垂  
俄然素書及解此長渴饑策馬望山月途窮造階墀  
嵩書

卷十三

七 韻始二

喜茲一會面若覩瓊樹枝憶君我遠來我歡方速至  
開顏酌美酒樂極忽成醉我情既不淺君意方亦淡  
相知兩相得一顧輕千金且向山客笑與君論素心  
題嵩山逸人元丹丘山居 有序

李白

白久在廬霍元公近遊嵩山故交淡情出處無間  
巖信頻及許爲主人欣然適會本意當冀長往不  
返欲便舉家就之兼書共遊因有此贈  
家本紫雲山道氣未淪落沉懷丹丘志冲賞歸寂寞

竭來遊閬荒捫涉窮禹鑿黃緣泛湖海偃蹇涉廬霍  
憑雷躡天窓弄景憩霞閣且欣登眺美頗愜隱淪諾  
三山曠幽期四嶽聊所託故人憩嵩顙高義炳丹牖  
滅跡遺紛囂終言本峰壑自矜林湍好不羨朝市樂  
偶與真意并頓覺世情薄爾能折芳桂吾亦采蘭若  
拙妻好乘鸞嬌女愛飛鶴提攜訪神仙從此鍊金藥  
贈廬徵君昆弟

李白

明主訪賢逸雲泉今已空二廬竟不起萬乘高其風  
河上喜相得壺中趣每同滄洲卽此地觀化游無窮  
嵩書

卷十三

八 韻始二

水落海上青鼉背觀方蓬與君弄倒景攜手凌星虹  
嵩山采菖蒲者

李白

神仙多古貌雙耳下垂肩嵩嶽逢漢武疑是九疑仙  
我來采菖蒲服食可延年言終忽不見滅影入雲煙  
喻帝竟莫悟終歸茂陵田

魯城北郭曲腰桑下送張子還嵩陽

李白

送別枯桑下凋葉落半空我行憊道遠爾獨知天風  
誰念張仲蔚還依蒿與蓬何時一杯酒更與李膺同

送于十八應四子舉落第還嵩山

李白

吾祖吹簫籥天人信森羅歸根復太素群動熙元和  
炎炎四真人攜辯若濤波交流無時寂楊墨曰成科  
夫子聞洛誦誇才才故多爲金好踴躍久客方蹉跎  
道可束賣之五寶溢山河勸君還嵩丘開酌昞庭柯  
三花如未落乘興一來過

送裴十八圖南歸嵩山

李白

何處可爲別長安青綺門胡姬招素手延客醉金樽

嵩書

卷十三

九 顧始二

臨當上馬時我獨與君言風吹芳蘭折日沒鳥雀喧  
舉手指飛鴻此情難具論同歸無早晚潁水有清源  
君思潁水綠忽復歸嵩岑歸時莫洗耳爲我洗其心  
洗心得真情洗耳徒買名謝公終一起相與濟蒼生

送楊山人歸嵩山

李白

我有萬古宅嵩陽王女峰常留一片月挂在東溪松  
爾去掇仙草芻蒲花紫茸歲晚或相訪青天騎白龍

贈嵩山焦鍊師

李白

嵩山有神人焦鍊師者不知何許婦人也又云生

於齊梁時其年可稱五六十常胎息絕穀居無室  
廬遊行若飛倏忽萬里世或傳其入東海登蓬萊  
竟不能測其往也予訪道少室登三十六峰聞風  
有寄灑翰遙贈

二室凌青天三花含紫煙中有蓬海客宛疑麻姑仙  
道在喧莫染跡高想已綿時餐金鵝蕊屢讀碧苔篇  
八極恣遊憩九垓常周旋下瓢酌潁水舞鶴來伊川  
還歸空山上獨拂秋霞眠蘿月挂朝鏡松風鳴夜絃  
潛光隱嵩嶽鍊魄棲雲幄霓裳何飄飄鳳吹轉綿邈

嵩書

卷十三

十 顧始二

願同西王母下顧東方朔紫書倘可傳銘骨誓相學

寄焦鍊師

李 頎 新鄉尉

得道凡百歲燒丹唯一身悠悠孤峰頂日見三花春  
白鶴翠微裏黃精幽澗濱始知世上客不及山中人  
仙境若在夢朝雲如可親何由覩顏色揮手謝風塵

潁陽東谿懷古

崔曙 進士

靈谿氛霧歇皎鏡清心顏空色不映水秋聲多在山  
世人久疎曠萬物皆自閒白鷺寒更浴孤雲晴未還  
昔時讓王者此地閉玄關無以躡高步淒涼林壑間

早發交崖山還太室

崔曙一作薛據

東林氣微白寒鳥忽高翔  
吾亦別茲去北山歸草堂  
仲冬正三五日月遙相望  
蕭蕭過潁上朧朧辨少陽  
川水生積雪野火出枯桑  
獨往路難盡窮陰人易傷  
傷此無衣客如何度雪霜

留別溫古上人兄并示舍弟縉

王維尚書右丞

解薛登天朝去師偶時哲  
豈惟山中人兼負松上月  
宿昔同遊止致身雲霞末  
開軒臨潁陽卧視飛鳥沒

嵩書

卷十三  
詩始二

好依盤石飯屢對瀑泉渴  
理齊小狎隱道勝寧外物  
舍弟官崇高宗兄此削髮  
荆扉但灑掃乘閒當過歇

戲贈張五弟諱時在常樂東園走筆成三首

王維

吾弟東山時心尚一何遠  
日高猶自卧鐘動始能飯  
領上髮未梳牀頭書不卷  
清川興悠悠空林對偃蹇  
青苔石上淨細草松下軟  
牕外鳥聲閒階前虎心善  
徒然萬象多澹爾太虛緬  
一知與物平自顧為人淺  
對君忽自得浮念不煩遣

其二

張弟五車書讀書仍隱居  
染翰過草聖賦詩輕子虛  
閉門二室下隱居十年餘  
宛是野人野時從漁父漁  
秋風日蕭索五柳高且疎  
望此去人世渡水向吾廬  
歲晏同攜手只應君與予

其三

設置守龕免垂釣伺遊鱗  
此是安口腹非關慕隱淪  
吾生好清靜蔬食去情塵  
今子方豪蕩思為鼎食人  
我家南山下動息自遺身  
入鳥不相亂見獸皆相親

嵩書

卷十三

詩始二

雲霞成伴侶虛白侍衣巾  
何事須夫子邀予谷口真  
至閒居精舍呈正上人

即天后故宮

儲光義監察御史

太室三招提其趣皆不同  
不同非一趣况是天遊宮  
雙嶺前夾門閣道復橫空  
寶坊若花積宛轉不可窮  
流泉自成池青松信饒風  
秋宴景氣迴晶明丹素功  
近將隱者鄰遠與西山通  
大師假慧照念以息微躬

嵩陽觀即天皇故宮

儲光義

真人上清室乃在中峰前  
花霧生玉井霓裳畫列仙

念茲宮故宇多此地新泉松栢有清陰薜蘿亦自妍  
一聞步虛子又話逍遙篇忽若在雲漢風中意泠然  
緩氏尉沈興宋置酒南溪留贈

王昌齡龍標尉

林色與溪古溪篁引幽翠山樽在漁舟棹月情已醉  
始窮清源口壑絕人境異春泉滴空崖萌草圻陰地  
久之風榛寂遠聞樵聲至海鴈時獨飛永然滄洲意  
古時青冥客滅迹淪一尉五子躊躇心豈其紛埃事  
緩岑信所剋濟北余乃遂齊物可任今息肩理猶未  
嵩書  
卷十三  
始二

岑參嘉州刺史

舊居緩山下偏識緩山雲處士久不還見雲如見君  
別來逾十秋兵馬日紛紛青谿開戰場黑谷屯行軍  
遂令巢由輩遠逐麋鹿群獨有南澗水潺湲如昔聞  
緩山西峰草堂  
岑參

結廬對中嶽青翠常在門遂耽水木興盡作漁樵言  
頃來闕章句但欲閒心魂日色隱空谷蟬聲喧暮村

曩聞道士語偶見清淨源隱几閱吹葉乘秋眺歸根  
獨遊念求仲開徑招王孫片雨下南澗孤峰出東原  
栖遲慮益淡脫略道彌敦野藹晴拂枕客帆遙入軒  
尚平今何在此意誰與論佇立雲去盡蒼蒼月滿園  
自潘陵尖還少室秋夕憑眺

岑參

草堂近少室夜靜聞風松月出潘陵尖照見十六峰  
九月山葉赤谿雲淡秋容火點伊陽村煙淡嵩角鐘  
尚子不可見蔣生難再逢勝愜只自知佳趣為誰濃  
嵩書  
卷十三  
始二

常建盱眙尉

昨詣山僧期上到天壇東向下望雷雨雲間見回龍  
久與人群疎轉愛丘壑中心淡水木會與幽魚鳥通  
稀微了自釋出處乃不同况本無宦情誓將依道風  
宿五渡谿仙人得道處  
常建

李華司戶參軍

詠史  
巢許在嵩穎陶唐不得臣九州尚洗耳一命安能親



綿邈數千祀丘中誰隱淪朝遊公卿府夕是山林人  
蒲帛揚側陋辟蘿為搢紳九重念入夢三事思降神  
且設庭中燎寧窺泉下鱗

李冬自嵩山赴洛道中作 獨孤及 司封郎中

皇運偶中變長蛇食中土天蓋西北傾衆星隕如雨  
胡塵動地起千里聞戰鼓死人成爲阜流血塗草莽  
策馬何紛紛捐軀抗豺虎甘心赴國難誰謂荼葉苦  
天子初受命省方造區宇斬鯨安溟波截鼉作天柱  
三微復正統五王歸文祖不圖漢官儀今日忽再覩

嵩書 卷十三 五 龍始二

升高望京邑佳氣連海浦寶鼎歆景雲明堂舞千羽  
虎臣頗激昂奔走爭禦侮腐儒著縫掖何處議鄒魯  
西上轅轅山丘陵橫今古和風蒸萬物臘月春靄吐  
得爲太平人窮達不足數他日遇封禪著書繼三五

寄劉方平 皇甫冉 右補闕

坐憶山中人窮棲事南畝煙霞相親外墟落今何有  
潘郎作賦年陶令辭官後達生貴自適良願固無負  
田取潁水流樹入陽城口歲暮憂思盈離居不堪久  
經少林精舍寄都邑諸親友

韋應物 蘇州刺史

息駕依松嶺高閣一攀緣前瞻路已窮既詣喜更延  
出巘聽萬籟入林濯幽泉鳴鐘生道心暮鶴空雲煙  
獨往雖暫適多累終見牽方思結茅地歸息期暮年

經李蒙穎陽舊居 錢 起 考功郎中

同心而早世天道亦何論獨有山陽宅平生永不謾  
青溪引白鳥流涕弔芳蓀蔓草入空室叢篁深毀垣  
舊遊還在眼神理更忘言唯見東山月人亡不去門  
奉送韋起居老舅百日假滿歸嵩陽舊居

嵩書 卷十三 六 龍始二

權德輿 平章事進 扶風郡公

威鳳翔紫氛孤雲出寥天奇彩與幽姿縹緲皆自然  
嘗聞陶唐氏亦有巢許全以茲聳風俗豈必効羈牽  
大君遂群方左史蹈前賢振文去朝市賜告歸林泉  
滑和固難久循性得所便有名皆畏途無事乃真詮  
舊壑窮杳冥新潭漾淪連巖花落又開山月缺復圓  
輕策逗蘿徑幅巾凌翠煙機閒魚鳥狎體和芝朮鮮  
四皓本避難二疏猶待年況今寰宇清復此鬢髮玄  
顧慙纓上塵未絕區中緣齊竿終自退心寄嵩峰顛

石淙十首今錄二首

孟郊參謀

巖谷不自勝水木幽奇多朔風入空曲徑流無大波  
迢遞逗難盡參差勢相羅雪霜有時洗塵土無由和  
潔冷誠未厭晚步將如何

其二

出曲水未斷入山溪更重冷若僂語皎皎多異容  
萬響不相雜四時皆自濃日月互分照雲霞各生峰  
久迷向方理逮茲聳前蹤

哀孟雲卿嵩陽荒居

孟郊

嵩書

卷十三

七 南始二

戚戚抱幽獨晏晏沈荒居不聞新歡笑但覩舊詩書  
藝藥意彌苦耕山食無餘定交昔何在至戚今或疎  
薄俗易銷歇淳風難久舒秋蕪上空堂寒槿落枯渠  
薤草恐傷蕙攝衣自理鋤殘芳亦可餌遺秀誰忍除  
徘徊未能去為爾涕漣如

訪嵩陽道士不遇

孟郊

先生五嶽遊文焰藏金鼎日下鶴過時人間空落影  
常言一粒藥不墮生死境何當列禦寇去問仙人請  
夢上嵩山時足病未平 白居易刑部尚書

夜夢上嵩山獨攜藜杖出千巖與萬壑遊覽皆周畢

夢中足不病健是少年日既悟神返初依然舊形質

始知形神內形病神無疾形神兩是幻夢悟俱非實

晝行雖蹇澀夜步頗安逸晝夜既平分其間何得失

送李垣先輩歸嵩少舊居 劉駕園子博士

高秋灞滻路遊子多慘戚君於此地行獨以尋春色

文章滿人口高第非苟得要路在長安歸山却為客

狂歌罷嘆息我豈無故山千里同外國

寄友人

于鄴

嵩書

卷十三

七 南始二

長安清渭東游子跡重重此去紅塵路難尋君馬蹤  
昔時輕一別漸老貴相逢應戀嵩陽住嵩陽饒古松

緩山廟

吳筠嵩山道士

朝吾自嵩山驅駕遵洛汭逶遲轅轅側仰望緩山際  
王子謝時人笙歌此賓帝仙材夙所稟寶位焉足繫  
為迫丹霄期闕流蒼生惠高蹤邈千載遺廟今一詣  
肅肅生風雲森森列松桂大君弘至道層構何壯麗  
稽首環金壇焚香陟瑤砌伊余超浮俗塵慮久已閉  
况復清風心蕭然叶真契

府尹王侍郎准制拜岳因狀嵩高靈勝寄呈三

十韻

尉遲汾衛尉少卿

雄雄天之中峻極聞維嵩作鎮盛標格出雲為雨風  
瑞時物不羈順澤年多豐加高冠四方視秩居三公  
明朝虔昭報頒祀歲嚴恭署祝紆御札詔賢導宸衷  
皇皇三寸守馨德清明躬肅徒奉蘭沐竟夕王華東  
星漢耿齋戶松泉寒壽宮具修諒蠲吉曙色猶蔥朥  
端儀大主立興俛聲玲瓏挹瓚椒桂馥奏金巖壑空  
靈歆若有答髣髴傳祝工卒事不遑偃勝奇紛四叢  
嵩書  
卷十三  
九  
嵩始二  
朝霞破林嶂錯落間蒼紅動息形似蟻玄黃氣如籠  
奔傾千萬狀群岳安比崇日月襟袖捧人天道路通  
冥搜必殫竭躋覽忘崎穹踏翠遍諸刹趣綿步難終  
浮丘仙袂接謝公履齒窮龍潭應下瞰九曲當駭容  
龍門計東豁三臺有何蹤金像語奚應玉人光想融  
瑤漿與石髓清骨宜遭逢况是降神處跡惟申甫同  
周翰已洽論伊衡亦期功誠富東山興須陟中台庸  
勉促旋駢軫未可戀雲松散材事即異期為卜一峰  
此唐太和三年刻也予嘗岳廟于圯墻之下得  
之移置壁間續錄于此庶可永乎

七言古詩

送考功武員外仲春赴嵩山置舍利塔

張說尚書左丞相

懷王泉戀仁者寂滅真心不可見空留影塔嵩巖下  
寶玉四海轉千輪金曇百粒送分身山中二月娑羅  
會虛唄遙遙愁思人我念過去微塵劫與子禪門同  
正法雖在神仙蘭省間常持清淨蓮花葉來亦好去  
亦好了觀車行馬不移當見菩提離煩惱

王子喬

宋之問

嵩書

卷十三

九

嵩始二

王子喬愛神仙七月七日上賓天白虎搖瑟鳳吹笙  
乘騎雲氣喻日精喻日精長不歸遺廟今在而人非  
空望山頭草草露濕人衣

下山歌

宋之問

下嵩山兮多所思攜佳人兮步遲遲松間明月長如  
此君再遊兮復何時

和宋之問下山歌

王無競廣州司馬

日云暮兮下嵩山路連綿兮松石間出谷口兮見明  
月心徘徊兮不能還

和宋之問下山歌

賈曾 禮部侍郎

良遊畹晚兮月呈光錦路逶迤兮山路長王孫不留  
兮歲將晏嵩巖仙草兮為誰芳

元丹丘歌

李白

元丹丘愛神仙朝飲潁川之清流暮還嵩峯之紫煙  
三十六峰長周旋長周旋躡星虹身騎飛龍耳生風  
橫河跨海與天通我知爾遊心無窮

嵩山十志十首 并序

盧鴻 嵩山隱士

草堂

嵩書

卷十三

三 讀始二

草堂者蓋因自然之溪阜前當壩洫資人力之締  
構後加茅茨將以避燥濕成棟宇之用昭簡易叶  
乾坤之德道可容膝休閑谷神同道此其所貴也  
及靡者居之則妄為剪飾失天理矣詞曰

山為宅兮草為堂芝蘭兮葍房羅靡蕪兮拍薜荔荃  
壁兮蘭砌靡蕪薜荔兮成草堂陰陰邃兮馥馥香中  
有人兮信宜常讀金書兮飲玉漿童顏幽操兮不易  
長

倒景臺

倒景臺者蓋太室南麓天門石崖傑峰如臺氣凌

倒景臺登路有三處可憩或曰三休臺可以邀馭

風之客會絕塵之子超逸真邊遐襟此其所絕也

及世人登焉則魂散神越目極心傷矣詞曰

天門豁兮仙臺聳傑屹岵岵兮零瀕湧窮三休兮曠

觀忽若登崑崙兮中期汗漫仙聳天開兮倒景臺

飄氣兮軼翼埃皎皎之子兮自獨立雲可朋兮輟可

吸曾何榮辱之所及

樾館

嵩書

卷十三

三 讀始二

樾館者蓋即林取材基巔拓架茅茨居不期逸為  
不至勞清談娛賓斯為尚矣及盪者鄙其隘闐苟  
事宏涵垂其實矣詞曰

紫巖隈兮青磧側雲松煙薦兮千古色芳蘿靡兮蔭

蒙龍幽人構館兮在其中蘿靡蒙龍兮開樾館臥風

霄兮坐楮旦粵有賓兮時戾止樵蘇不爨兮清談已

永歲終朝兮常若此

枕煙庭

枕煙庭者蓋特峰秀起意若枕煙祕庭凝虛窅若

仙會卽楊雄所謂爰靜神遊之庭是也可以超絕  
紛世永潔精神矣及機士登焉則寥闌懔懔愁懷  
情累矣詞曰

臨決滂兮背青焚吐雲煙兮合窅冥恍欬翁兮沓幽  
靄意縹緲兮群仙會窅冥仙會兮枕煙庭竦魂形兮  
凝視聽聞夫至誠必感兮祈其顛契顯氣養丹田終  
彷彿兮觀靈仙

雲錦淙

雲錦淙者蓋激溜衝攢傾石叢倚鳴湍澗濯噴若

嵩書

卷十三

三

韻始二

雲風詭輝分麗煥若雲錦可以瑩發靈矚幽玩忘  
歸及匪士觀之則反曰寒泉傷玉趾矣詞曰

水攢衝兮石叢聳煥雲錦兮噴洶湧苔駁華兮草齋  
緣芳纂纂兮瀨濺濺水石攢叢兮雲錦淙波連珠兮  
文沓絳有翳員者媚此幽漱靈液兮樂天休實獲我  
心兮夫何求

期仙磴

期仙磴者蓋危磴穹隆迴接雲路靈仙髣髴若可  
期及儒者毀所不見則黜之蓋疑冰之談信矣詞

曰

霏微陰壑兮氣騰虹迤邐危磴兮上凌空青霞杪兮  
紫雲垂鸞歌鳳舞兮吹參差鸞歌鳳舞兮期仙磴鴻  
駕迎兮珪華贈山中人兮好神仙想像聞此兮欲升  
煙鑄月煉液兮竚還年

滌煩磯

滌煩磯者蓋穹谷峻崖發地盤石飛流攢激積湫  
成渠淥性滌煩迴有幽致可爲智者說難爲俗人

言詞曰

嵩書

卷十三

三

韻始二

靈磯盤礴兮溜奔錯漱冷風兮鎮冥壑研苔滋兮泉  
珠潔一飯一憩兮氣想滅磷漣清淬兮滌煩磯靈仙  
境兮仁智歸中有琴兮微以玉峨峨湯湯彈此曲寄  
聲知音兮同所欲

纂翠庭

纂翠庭者蓋崖巘積陰林蘿沓翠其上懸纂其下  
澹湛可以王神可以冥道矣及喧者遊之則酣譔  
永日汨情濃厚詞曰

青崖陰兮月磳曲重幽疊邃兮隱淪躅草拊綿纂兮

翠蒙龍當其無兮庭在中當無有用兮纂翠庭神可  
谷兮道可冥有幽人兮張素琴白玉徽兮綠水音德  
之惜兮澹多心

### 洞元室

洞元室者蓋因巖作室卽理談玄室返自然元斯  
洞矣及邪者居之則假容竊吹妄作虛誕竟以盜  
言詞曰

嵐氣肅兮巖翠冥室陰虛兮戶芳迎披蕙帳兮促蘿  
筵談空空兮覈元元蕙帳蘿筵兮洞元室祕而幽兮

高書

卷十三

五

韻始二

真可吉返自然兮道可冥澤妙思兮草玄經結幽門  
兮在黃庭

### 金碧潭

金碧潭者蓋水潔石鮮光涵金碧巖葩林蔦有助  
芳陰鑒洞虛道斯勝矣而世生纏乎利害則未暇  
遊之詞曰

水碧色兮石金光濫熒熒兮潏湟湟泉葩映兮煙蔦  
臨紅灼灼翠陰陰翠相鮮兮金碧潭霜天洞兮煙景  
涵有幽人兮好冥絕炳其煥兮凝其潔悠悠千古兮

長不滅

予讀盧顥然嵩山十志標奇據勝可謂能受享山  
林之樂矣第列序篇篇莫不以人形已得無分畛  
己甚乎古有木石與居鹿豕與游幾希于溪山野  
人者虛中之度可想也顥然力辭諫議或亦自諒  
其勝心之未融浮氣之未化耳外方長曰勝心浮  
氣果不可以立人之本朝矣

少室雪晴送王寧

李頎

少室衆峰幾峰別一峰晴見一峰雪隔城半山連青

高書

卷十三

五

韻始二

松素色峨峨千萬重過景斜臨不可道白雲欲盡難  
爲容行人與我詭幽境北風切切吹衣冷惜別浮橋  
駐馬時舉頭試望南山嶺

送王道士還山

李頎

嵩陽道士餐柏實居處山花對石室心窮伏火陽精  
丹口誦淮王萬畢術自言神訣不可求我師聞之玄  
圃遊出入彤庭佩金印承恩赫赫如王侯雙峰樹下  
曾受業應傳肘後長生法吾聞仙地多後身安知不  
是具茨人王膏清冷瀑泉水白雲谿中日方此從今

不見數十年鬢髮顏容只如是先生捨我欲何歸竹  
杖黃裳登翠微當有巖前白蝙蝠迎君日暮雙來飛

送楊山人歸嵩陽

高適  
散騎常侍渤海縣侯

不到嵩陽動十年舊時心事已徒然一二故人不復  
見三十六峰猶眼前夷門二月柳條色流鶯數聲淚  
沾臆鑿井耕田不我招知君以此忘帝力山人好去  
嵩陽路惟余眷眷長相憶

送餞從叔祖辭豐州幕歸嵩陽舊居

盧綸  
進士

嵩書

卷十三

三  
嵩始二

白鬚宗孫侍坐時願持壽酒前致詞鄙詞何所擬請  
自邊城始邊城貴者李將軍鼓遙疑天上聞屯田  
布錦周千里牧馬橫花溢萬群白雲本是喬松伴來  
遶青營復飛散三聲畫角咽不通萬里蓬根一時斷  
豐州間說似涼州沙塞清明部落稠行客已去依獨  
戍主人猶自在高樓夢親旌旆何由見每值清風一  
回面洞裏先生那恠遲人天無路自無期砂泉甘井  
非同味桂樹榆林不並枝吾翁致身殊得計地仙亦  
是三千歲莫著戎衣期上清東方曼倩逢人輕

送張山人歸嵩陽

白居易

黃昏慘慘天微雪脩竹坊西鼓聲絕張生馬瘦衣且  
單夜扣柴門與我別媿君冒寒來別我為君沽酒張  
燈火酒酣火暖與君言何事入關又出關答云前年  
偶下山四十餘月客長安長安古來名利地空手無  
金行路難朝遊九城陌肥馬輕裘欺殺客暮宿五侯  
門殘茶冷酒愁殺人春明門門前便是嵩山路幸有  
雲泉客此身明日辭君且歸去

雜體

嵩書

卷十三

三  
嵩始二

送考功武員外學士使嵩山置舍利塔

徐堅  
集賢院學士

伊川別騎灞岸分筵對三春之花月覽千里之風烟  
望青山兮分地見白雲兮在天寄愁心于尊酒悵離  
緒于清絃共握手而相顧各銜悽而黯然

嵩山天門歌

宋之問

登天門兮坐盤石之磷砢前從從兮未平下漠漠兮  
無垠紛窈窕兮巖倚披以鵬翅洞膠葛兮峰稜層以  
龍鱗松移岫轉左變而右易風生雲起出鬼而入神

吾亦不知其靈恠如此願遊杳冥兮見羽人重曰天門兮窮崇迴合兮攢叢松萬接兮柱日石千尋兮倚空晚陰兮足風夕陽兮緒紅試一望兮奪魄况衆妙之無窮

五言律詩

登石門

駱賓王 臨海丞

層巖遠接天絕嶺上棲煙松低輕蓋偃藤細弱絲縣石明如挂鏡苔分似列錢斲策為龍杖何處得神仙同太平公主遊九龍潭 武后

嵩書

卷十三

三 韻姑二

山牕遊王女澗戶對瓊峰巖頂翔雙鳳潭心倒九龍酒中浮竹葉杯上寫芙蓉欲驗山家賞唯有風入松

嶽館

沈佺期

洞壑仙人館孤峰王女臺空濛朝氣合窈窕夕陽開荒澗含輕雨虛巖應薄雷正逢鸞與鶴歌舞出天來

辛少林寺應制

沈佺期

長歌遊寶地徙倚對珠林鴈塔風霜古龍池歲月深紺園澄夕霽碧殿下秋陰歸路煙霞晚山蟬處處吟

扈從嵩山途中作

宋之問

帳殿鬱崔嵬仙遊實壯哉曉雲連幕捲夜火雜星回谷暗千旗出山鳴萬乘來扈遊良可賦終乏挾天材

辛少林寺應制

宋之問

紺宇橫天室迴鑾指帝休曙陰迎日盡春氣抱巖流空樂繁行漏香煙薄綵旂王膏從此泛仙馭接浮丘

登嵩山嶺應制

宋之問

翼翼高旌轉鏘鏘鳳輦飛塵銷清蹕路雲濕從臣衣白羽搖丹壑天營逼翠微芳聲耀千古四海警宸威

辛嶽寺應制

宋之問

嵩書

卷十三

三五 韻姑二

整幸珠筵地俱憐石瀨清泛流張翠幕拂迴挂紅旌雅曲龍調管芳尊蟻泛觥陪歡玉座晚復得聽金聲

扈從登封告成頌

宋之問

複道開行殿鉤陳列禁兵和風吹鼓角佳氣動旗旌後騎迴天苑前山入御營萬方俱下拜相與樂昇平

緱山廟

宋之問

王子賓仙去飄颻笙鶴飛徒聞滄海變不見白雲歸天路何其遠人間此會稀空歌日云暮霜月漸微微

寄嵩陽隱者

李咸



昔年江上別初入亂離中我住匡山北君之少室東  
信來經險道詩半憶皇風何事猶高臥巖邊夢未通

永泰公主挽歌二首

吳兢右庶子後為恒王傳

穠華從婦道釐降適諸侯河漢天孫合瀟湘帝子遊  
關雎方作訓鳴鳳自相求可歎凌波迹東川遂不流

其二

舜華徂北渚宸思結南陽盤綬哀榮備遊軒寵悼彰  
三川謀遠日八水宅連岡無復秦樓上吹簫下鳳凰  
陪張丞相登嵩陽樓

孟浩然襄陽布衣

高書

卷十三

手

觀始二

獨步人何在嵩陽有故樓歲寒問耆舊行縣擁諸侯  
林莽北彌望沮漳東會流客中遇知己無復越鄉憂

汝墳寄盧徵君

孟浩然

行乏憩余駕依然見汝墳洛川方罷雪嵩嶂有殘雲  
曳曳半空裏溶溶五色分聊題一時興因寄盧徵君

遊精思題觀主山房

孟浩然

誤入桃源裏初憐竹逕深方知仙子宅未有世人尋  
舞鶴過閒砌飛猿嘯密林漸通玄妙理淡得坐忘心

遊精思觀迴王白雲在後

孟浩然

出谷未停午至家日已曛迴瞻山下路但見牛羊群  
樵子暗相失草蟲塞不聞衡門猶未掩佇立望夫君

口號贈盧徵君鴻

李白

陶令辭彭澤梁鴻入會稽我尋高士傳君與古人齊  
雲臥留丹壑天書降紫泥不知楊伯起早晚向關西

中峰居喜見苗發

祖詠駕部員外郎

自得中峰住深林亦閉關經秋無客到入夜有僧還  
暗澗泉聲小荒岡樹影閒高牕不可望星月滿空山

謁啓母祠

崔曙

高書

卷十三

手

觀始二

闕宮凌紫微芳草閉閒扉帝子復何在王孫遊不歸  
春風鳴玉珮暮雨拂雲衣豈但湘江口能令懷二妃

緱山廟

崔曙

遺廟肅陰陰孤峰映綠林步隨仙路遠意入道門深  
澗水流年月山雲變古今祇聞風竹裏猶有鳳笙音

送盧逸人

李頎

洛陽為此別攜手更何時不復人間見祇應海上期  
清溪入雲水白首臥茅茨共惜盧敖去天邊望所思

歸嵩山作

王維

清川帶長薄車馬去閒閒流水如有意暮禽相與還  
荒城臨古渡落日滿秋山迢遞萬山下歸來且閉關

過方導師院

綦母潛 著作郎

羽客北山尋草堂松徑深養神宗示法得道不知心  
洞戶逢雙履寥天有一琴更登玄圃上仍種杏成林

謁焦鍊師

王昌齡 龍標尉

中峰青苔壁一點雲生時豈意石堂裏得逢焦鍊師  
爐香淨紫棠松影閒瑤墀拜受長年藥翩翩西海期

登少室山寺

褚朝陽 大曆時人

嵩書

卷十三

三 韻始二

飛閣青雲裏先秋獨早涼天花映窓近月桂拂簷香  
華嶽三峰小黃河一帶長空閒指歸路煙處有垂楊

漣水東店送唐子歸嵩陽 岑參

野店臨官路重城壓御隄山開灞水北雨過杜陵西  
歸夢秋能作鄉書醉嬾題橋回忽不見征馬尚聞嘶  
尋少室張山人間與偃師周明府入都

岑參

中峰鍊金客昨日遊人間葉縣鳧共去葛陂龍蹙還  
春雲湊淡水秋雨懸空山寂寂青谿上空餘丹竈閒

送靈澈上人歸嵩陽蘭若 劉長卿

南地隨緣久東林幾歲空暮山門獨掩春草路難通  
作梵連松韻焚香入桂叢唯將舊瓶鉢却寄白雲中

遊少林寺

戴叔倫 經略使

步入招提路因之訪道林石龕蒼蘚積香徑白雲深  
雙樹含秋色孤峰起夕陰禪廊行欲遍回首一長吟

宿靈巖寺

戴叔倫

馬疲盤道峻投宿入招提雨急山溪漲雲迷嶺樹低  
涼風來殿角赤日下天西偃腹虛簷外林空恣鳥啼

嵩書

卷十三

三 韻始二

送李城門罷官歸嵩陽

權德輿

與君相識處吏隱在牆東啓閉千門靜逢迎兩掖通  
罷官多暇日肄業有儒風歸去塵寰外春山蘭桂叢

送盧處士歸嵩山別業

劉禹錫 禮部尚書

世業嵩山隱雲深無四隣藥爐燒姹女酒甕貯賢人  
晚日華陰霧秋風函谷塵送君從此去鈴閣少談賓

看嵩洛有嘆

白居易

今日看嵩洛回首嘆世間榮華急如水憂患大於山  
見苦方知樂經忙始愛閒未聞籠裏鳥飛出肯飛還

早春題少室東巖

白居易

三十六峰晴雪消嵐翠生月留三夜宿春引四山行  
遠草初含色寒禽未變聲東巖最高石唯我有題名  
夜從法王寺下歸嶽寺 白居易

宿石窟寺

喻鳧

一刹古岡南孤鐘撼夕嵐客閒明月閣僧閉白雲菴  
野鶴立枯枿天龍吟淨潭因知無生理合自此中探  
萬書 卷十三 詩 二 韻 始 二

贈中嶽僧

方干 處士

坐來叢木大誰見入巖年多病長留藥無憂亦是禪  
搯牀移片石春栗引高泉盡願求心法逢誰擬即傳  
送韓處士歸少室山 張喬 進士

寄中嶽顓頊先生

張喬

先生顓頊後得道自何人松柏卑于壽兒孫老却身  
夜窻峰頂曙寒澗洞中春戀此逍遙境雲間不見親

題嵩陽隱者

崔塗 進士

四十年高夢生涯指一丘無人同久住有鶴對冥修  
草雜芝田出泉和石髓流更嫌庭樹老疑是世間秋  
題嵩高隱者居 鄭谷 都官郎中

潁陽縣

韋莊

琴堂連少室故事即仙蹤樹老風聲壯山高臘候濃  
雪多庭有鹿縣僻地無鐘何處留詩客茅簷倚後峰  
萬書 卷十三 詩 二 韻 始 二

宿山寺

張翥

中峰半夜起忽覺有青冥此界自生雨上方猶有星  
樓高鐘尚遠殿古像多靈好是潺湲水房房伴誦經  
贈王道士 釋清塞

送贊律師歸嵩山

釋清江

藥力資蒼鬢應非舊日身一為嵩嶽客幾笑洛陽人  
冰縫瓢探水雲根斧斷新關西往來熟誰得水銀銀  
禪客歸山意山深定易安清貧修道苦孝友別家難  
雲路尋溪轉花宮映嶽看到時松塔暮松月向人寒

七言律詩

遊石淙詩 並序

武后

若夫圓嶠方壺涉滄波而靡際金臺王闕陟玄圃而無階惟聞山海之經空覽神仙之記爰有石淙者卽平樂澗也尔其近接嵩嶺俯屆箕峰瞻少室兮若蓮睇潁川兮如帶旣而躡崎嶇之山徑蔭蒙密之藤蘿洶湧洪湍落虛潭而送響高低翠壁列幽澗而開遙密葉舒帷屏梅氛而蕩燠疎松引吹清麥候以含涼就林藪而王心神對煙霞而滌塵

嵩書

卷十三

五

韻始二

累森沈丘壑卽是桃源森漫平流還浮竹箭網薜荔而成帳聳蓮石而如樓洞口全開溜千年之芳髓山腰半坼吐十里之香粳無煩崐閬之遊自然形勝之所當使人題綵翰各寫瓊篇庶無滯於幽栖冀不孤於泉石各題四韻咸賦七言 聖製  
三山十洞光玄籙玉嶠金巒鎮紫微均露均霜標勝壤交風交雨列皇畿萬仞高巖藏日色千尋幽澗浴雲衣且駐歡筵賞仁智珂鞍薄晚雜塵飛

侍遊應制

碑刻

每人名上有臣字名下有上字

皇太子顯

三陽本自標靈紀二室由來獨擅名霞衣霞錦千般狀雲峰雲岫百重生水炫珠光遇泉客巖懸石鏡厭山精永願乾坤符睿算長居膝下屬歡情

太子左奉裕率兼檢校安北大都護相王旦奇峰嶮嶭箕山北秀峯嶢嶢嵩鎮南地首地肺何曾擬天目天台倍覺慙樹影蒙籠鄧疊岫波聲洶湧落懸潭 願紫宸居得一永欣丹宸御通三

太子賓客上柱國梁王三思

嵩書

卷十三

五

韻始二

此地巖壑數千重吾君駕鶴 乘龍掩映紫光含翡翠參差石影帶芙蓉白日將移衝疊嶽玄雲欲度礙高峰對酒鳴琴追野趣時聞清吹入長松

內史狄仁傑

宸暉降望金輿轉仙路崢嶸碧洞幽羽仗遙迎鸞鶴駕帷宮直坐鳳麟洲飛泉灑液恒疑雨密樹含涼鎮似秋老臣預陪玄圃宴餘年方共赤松遊

奉宸令張易之

六龍驤首曉駸駸七聖陪軒集潁陰千丈松蘿交翠

幕一丘山水當鳴琴青鳥白雲王母使垂藤斷葛野  
人心山中日暮幽巖下冷然香吹落花淡

麟臺監中山縣開國男張

名剝落或昌宗也

雲車遙裔三株樹帳殿交陰八桂叢礪嶮泉聲疑度  
雨川平橋勢若晴虹叔夜彈琴歌白雪孫登長嘯韻  
清風卽此陪歡遊閭苑無勞辛苦向崆峒

鸞臺侍郎李嶠

羽蓋龍旗下絕冥蘭除薜幄坐雲扃鳥和百籟疑調  
管花發千巖似畫屏金竈浮煙朝漠漠石牀寒水夜  
高書

卷十三

壬

韻始二

泠泠自然碧洞窺仙境何必丹丘是福庭

鳳閣侍郎蘇味道

瑀輿藻衛擁千官仙洞靈谿訪九丹隱曖源花迷近  
路參差嶺竹掃危壇重崖對聳霞文駁瀑水交飛雨  
氣寒日落宸襟有餘興徘徊周曠駐歸鑾

夏官侍郎姚元崇

二室三塗光地險均霜揆日處天中石泉石境恒留  
月山鳥山花競逐風周王久謝瑤池賞漢主懸慙玉  
樹宮別有祥煙伴佳氣能隨輕輦共慈慈

給事中閻朝隱

金臺隱隱陵黃道王輦亭亭下絳霧千種岡巒千種  
樹一重巖壑一重雲花落風吹紅的歷藤垂日晃綠  
葢葢五百里內賢人聚願陪閭闔侍天文

鳳閣舍人崔融

洞口仙巖類削成泉香石冷畫含清龍旗畫月中天  
下鳳管披雲此地迎樹作帷屏陽景翳芝如宮闕夏  
涼生今朝出豫臨玄圃明日陪遊向赤城

奉宸大夫汾陰縣開國男薛曜

高書

卷十三

壬

韻始二

玉洞幽尋更是天朱霞綠景鎮韶年飛花藉藉迷行  
路轉鳥遙遙作管絃霧隱長林成翠幄風吹細雨卽  
虹泉此中碧酒恒參聖浪道崐山別有仙

守給事中徐彥伯

碧淀紅岑崑嶂閒淙欹狀岨沔成灣琪樹璇娟花未  
落銀芝窟咤露初還八風行殿開仙榜七景飛輿下  
石關張薦席雲平圃讌焜煌金記蘊名山

右王鈐衛郎將左奉宸內供奉楊敬述

山中別有神仙地屈曲幽淡碧澗垂巖前暫駐黃金

輦席上還飛白玉卮遠近風泉俱合雜高低雲石共參差林壑偏能留審賞長天莫遽下丹曦

司封員外于季子

九旗雲布臨萬室萬騎星陳集潁川瑞液含滋登禹膳飛流薦響入虞絃山扉野逕朝花積帳殿帷宮夏業連微臣獻壽迎千壽願奉堯年億萬年

通事舍人沈佺期

金輿旦下綠雲衢綵殿晴臨碧澗隅谿水泠泠雜行漏巖煙片片遶香鑪仙人六膳調神鼎玉女三漿捧

嵩書

卷十三

罕

讀始二

帝壺自昔汾陽紆道駕何如太室覽真圖

是碑刻于久視元年裴賓之月薛曜奉敕書也在石淙北岸磨崖石爲之下臨澗谿非架木爲梁不可以讀世鮮有見者所傳僅沈佺期宋之間應制二篇而已今觀碑列十六人延清之名與其詩俱不載豈別有續遊耶抑此公中熟而擬作也按傳稱三陽宮御苑東西二十里削巒起觀竭流漲海池亭奇巧仰出雲路今尋一斷礎敗瓦了不可得獨此石以僻險完好無恙予棧觀良久因嘆武氏

操粉奩而移國命此時年七十有六耄矣猶復作

此清遊勝語文彩精神映帶千古之下豈其人果

由天縱耶惟是太子相王與三思鴈行在側而狄

姚諸公亦與二三嬖幸之臣接席唱和不知當日

母子君臣作何面孔相向真不滿弔古者一笑耳

予故備錄如其式而梓之俾後世有所考焉更從

正文十一字剝落闕四字

侍遊石淙應制

宋之問

離宮秘苑勝瀛洲別有仙人洞壑幽巖邊樹色含風

嵩書

卷十三

罕

讀始二

冷石上泉聲帶雨秋鳥向歌筵來度曲雲依帳殿結

爲樓微臣昔忝方明御今日還陪八駿遊

王維

無著天親弟與兄嵩丘蘭若一峰晴食隨鳴磬巢鳥

下行踏空林落葉聲迸水定侵香案濕雨花應共石

牀平澗洞長松何所見儼然天竺古先生

送方尊師歸嵩山

王維

仙官欲往九龍潭毛節朱幡倚石龕山厭天中半天

上洞穿江底出江南瀑布杉松常帶雨夕陽蒼翠忽  
成嵐借問迎來雙白鶴已曾衡嶽送蘇耽

送常十九歸嵩山故林 劉長卿

迢迢此恨杳無涯楚澤萬丘萬里賒岐路別時驚一  
葉雲林歸處憶三花秋天蒼翠寒飛雁古堞蕭條晚  
噪鴉他日山中逢勝事桃源洞裏幾人家

題嵩陽焦道士石壁 錢起 考功郎中

三峰花畔碧堂懸錦里真人此得仙玉醴纔飛西蜀  
雨霓裳欲向大羅天綵雲不散燒丹竈白鹿時藏種

嵩書 卷十三 聖 嵩始二

王田幸入桃源因去世方期丹訣一延年

謁許由廟 錢起

故向箕山訪許由林泉物外自清幽松上挂瓢枝幾  
變石間洗耳水空流綠苔唯見遮三徑青史空傳謝  
九州緬想古人增嘆息颯然雲樹滿巖秋

酬暢當嵩山尋麻道士見寄

盧綸

閒逐樵夫閒看棋忽逢人世是秦時開雲種玉嬾山  
淺渡海傳書怪鶴遲陰洞石幢微有字古壇松樹半

無枝煩君遠示青囊錄願得相從一問師

送澹公歸嵩山龍潭寺 楊巨源 河中少尹

野煙秋水滄茫遠禪境真機去住閒雙樹為家思舊  
壑千花成塔禮寒山洞宮曾向龍邊宿雲徑應從鳥  
外還莫戀本師金谷地空門無處復無關

嵩陽觀夜奏霓裳 白居易

開元遺曲自淒涼況近秋天調是商愛者誰人唯白  
尹奏時何處在嵩陽迴臨山月聲彌怨散入松風韻  
更長子晉少姨聞定怪人間亦便有霓裳

嵩書 卷十三 聖 嵩始二

與諸道者同遊二室至九龍潭作

白居易

喜逢二室遊仙子厭作三川守土臣舉手摩挲潭上  
石開襟抖擻府中塵他日終為獨往客今朝未是自  
由身若言尹是嵩山主三十六峰應笑人

從龍潭寺至少林題贈同遊者

白居易

山屐田衣六七賢寒芳踏翠弄潺湲九龍潭月落杯  
酒三品松風飄管絃強健且宜遊勝地清涼不覺過

炎天始知鶴駕乘雲外別有逍遙地上仙

欲遊嵩嶽留別李少尹益 賈島司倉參軍

孤策遲迴洛水湄孤禽嘹唳幸人知嵩嶽望中常待  
我河梁欲上未題時新秋愛月愁多雨古觀逢仙看  
盡棋微眇此來將敢問鳳凰何日定歸池

同徐處士秋懷少室舊居 周賀處士

曾居少室黃河畔秋夢長懸未得回扶病半年離水  
石思歸一夜隔風雷荒齋幾遇僧眠後晚菊頻經鹿  
踏來燈下此心誰共說傍松幽徑已多苔

嵩書

卷十三

聖

龍始二

送蕭處士歸緱山別業 許渾節勝二州刺史

醉敝烏帽髮如絲曾看仙人一局棋賓館有魚爲客  
久鄉書無雁到家遲緱山住近吹笙廟湘水行逢鼓  
瑟祠今夜月明何處宿九疑雲盡綠參差

題潁源廟 韋莊

曾是巢由棲隱地百川唯說潁源清微波乍向雲根  
出去浪遙衝雪嶂橫萬木倚簷疎幹直群峰當戶曉  
嵐晴臨川試問堯年事猶被封人勸濯纓  
看賀自真飛昇 陳陶處士

子晉鸞飛古洛川金桃再熟賀郎仙三清樂奏嵩丘  
下五色雲屯御苑前朱頂舞低迎絳節青鬟歌對駐  
香輶誰能白晝相悲哭太極光陰幾萬年

和趙嘏題嶽寺 溫庭筠方山尉

疎鐘細響亂鳴泉客省高臨似水天嵐翠暗來空覺  
潤澗茶餘爽不成眠越僧寒立孤燈外嶽月秋當萬  
木前張邴宦情何太薄遠公窻外有池蓮

寄嵩陽道人 曹鄴洋州刺史

三山浮海倚蓬瀛路入真元險盡平華表千年孤鶴  
嵩書 卷十三 聖 龍始二

語人間一夢晚蟬鳴將龍逐虎神初定積火焚心氣  
漸清見說嵩陽有仙客欲持金簡問長生

遊上方石窟寺 劉渚龍門令

苔徑縈迴景漸分脩然空界靜埃氛一聲疎磬過寒  
水半壁危樓隱白雲雪下石龕僧在定日西山木鳥  
成羣幾來吟嘯立朱檻風起天香處處聞

贈潁頊山人 劉渚

浩氣含真玉片輝著書精義入玄微洛陽紫陌幾曾  
醉少室白雲時一歸松雪月高唯鶴宿煙嵐秋霽到



人稀知君濟世有長策莫問滄浪隱釣磯

龍泉寺絕頂

方干

未明先見海底日良久遠雞方報晨古樹含風常帶雨寒巖四月始知春中天氣襲星河近下界時豐雷雨均前後登臨思無盡年年改換往來人

龍潭張道者

伍喬

碧洞幽巖獨息心時人何路得相尋養生不說憑諸藥適意惟聞在一琴石逕掃稀山蘚合竹軒開晚野雲淡他年功就期飛去應笑吾徒多苦吟

嵩書

卷十三

巽

巽始二

五言排律

和劉侍郎入隆唐觀

楊炯 盈川令

福地陰陽合仙都日月開山川臨四險城樹隱三臺伏檻排雲出飛軒遶澗迴參差凌倒影瀟灑軼浮埃百果珠為實群峰錦作苔懸蘿暗疑霧瀑布響成雷方士燒丹液真人泛玉杯還如問桃水更似得蓬萊漢帝求仙日相如作賦才自然金石奏何必上天台從駕幸少林寺觀先妃營建之所倍切梵衿逾悽遠慕聊題卽事用述悲懷

武后

陪鑾遊禁苑侍賞出蘭闈雲偃攢峰蓋霞低插浪旂日宮疏澗戶月殿啓巖扉金輪轉金地香閣曳香衣鐸吟輕吹發幡搖薄霧霏昔遇焚芝火山紅迥野飛花臺無半影蓮塔有全輝寔賴能仁力攸資善逝威慈緣興福緒於此罄歸依風枝不可靜泣血竟何追

扈從登封告成頌應制

宋之問

御路迴中嶽天營接下都百靈無後至萬國競前驅文衛嚴清蹕幽仙讀寶符貝花明漢果芝草入堯厨

嵩書

卷十三

巽

巽始二

濟濟衣冠會喧喧夷夏俱宗裡仲神理刊木望川途撫已貧非病時來本不愚願陪丹鳳輦率舞白雲衢

秋日於天中寺尋復禮上人

武三思

封梁王後

妙域三時殿香巖七寶宮金繩先界道玉柄卽談空喻筏知何極傳燈竟不窮彌天高義遠初地勝因通理詣歸一處心行不二中有無雙惑遣真俗兩緣同摘葉疑焚翠投花若散紅網珠遙暎日簷鐸近吟風定沼寒光素禪枝暝色蔥蔥願隨方便力長冀釋塵籠

和武三思於天中寺尋復禮上人之作

蘇味道 眉州刺史

藩戚三雍暇禪居二室隈忽聞從桂苑移步踐花臺  
敏學推多藝高譚屬辯才是非寧滯著空有掠嫌猜  
五術幽機暢三番妙鍵開味甘露灑香似遡風來  
砌古留方石池清辨火灰人尋鶴洲返月逐虎谿迴  
企躡瞻飛蓋攀游想渡杯願陪為善樂從此去塵埃  
登封禮畢洛城酬宴 奉和聖製

張九齡 中書令左遷長史

嵩書

卷十三

哭

嵩書

大君畢能事端展樂成功運與千齡合歡將萬國同  
漢酺歌聖酒韶樂舞薰風河洛榮光遍雲煙喜氣通  
春華頌覺早天澤倍知崇草木皆沾被猶言不在躬  
送漪叔遊潁川兼謁淮陽太守

李頎

罷吏今何適辭家方獨行嵩陽入歸夢潁水半前程  
聞道淮陽守東南臥理清郡齋觀政日人馬望鄉情  
疊嶺雪初霽寒砧霜後鳴臨川嗟拜手寂寞事躬耕

題石寇寺

宋昱 中書舍人

梵宇開金地香龕鑿鐵圍影中群象動空裏衆靈飛  
簾牖籠朱旭房廊挹翠微瑞蓮生佛步寶樹挂天衣  
邀福功雖在興王代久非誰知雲朔外更覩化胡歸

寄張十二山人彪

杜甫 工部員外郎

獨臥嵩陽下三違潁水春艱難隨老母慘澹向時人  
謝氏尋山屐陶公漉酒巾群兇彌宇宙此物在風塵  
歷下辭姜被關西得孟鄰早通交契密晚接道流新  
靜者心多妙先生藝絕倫草書何太古詩興不無神  
曹植休前輩張芝更後身數篇吟可老一字買堪貧

嵩書

卷十三

哭

嵩書

將恐曾防寇深潛託所親寧聞倚門夕盡力潔餐晨  
踈嬾爲名誤驅馳喪我真索居猶寂寞相遇益愁辛  
流轉依邊徼逢迎念席珍時來故舊少亂後別離頻  
世祖修高廟文公賞從臣商山猶入楚渭水不離秦  
存想青龍秘騎行白鹿馴耕巖非谷口結草卽河濱  
肘後符應驗囊中藥未陳旅懷殊不愜良覲眇無因  
自古皆悲恨浮生有屈伸此邦今尚武何處且依仁  
鼓角凌天籟關山倚月輪官場羅鎮磧賊火近洮岷  
蕭瑟論兵地蒼茫關將辰大軍多處所餘孽尚紛綸

高興知籠鳥斯文起獲麟窮秋正搖落回首望松筠  
和鄭少府祭中獄寺因訪蕭居士之作

皇甫冉 右補闕

肅事祠靈境尋真到隱居  
黃緣幽谷遠蕭散白雲餘  
晚節持僧律他年著道書  
海邊曾狎鳥濠上正觀魚  
寂靜求無相淳和覩太初  
一峰綿歲月萬象任盈虛  
門掩林鐘度窻臨澗水疎  
謝公懷舊壑迴駕復何如  
酬暢當尋嵩嶽麻道士見寄

盧綸

嵩書

卷十三

李

嵩始二

自別前峰隱同為外累侵幾年親酒會此日有僧尋  
學稼功還棄論邊事亦沈衆歡徒滿目專愛久離心  
覽鬢絲垂鏡彈琴淚灑襟訪田悲洛下寄宅憶山陰  
薄溜漫青石橫雲架碧林壞簷藤陣密衰葉棘籬深  
流散俱多故憂傷併在吟唯當俟高躅歸止共抽簪

和太常王卿秋日即事

盧綸

嵩高雲日明潘岳賦初成籬槿花無色堦桐葉有聲  
絳紗垂簾淨白羽拂衣輕鴻鴈悲天遠龜魚覺水清  
別絃添楚思牧馬動邊情田雨農官問林風苑吏驚

松篁終茂盛蓬艾自衰榮遙仰憑軒夕惟應善宋生  
題緱山王子晉廟 鄭畋 檢校司徒贈太傅

在昔靈王子吹笙遡沆寥六宮攀不住三島去相招  
亡國原陵古賓天歲月遙無蹊窺海曲有廟訪山椒  
石帳龍蛇拱雲樓彩翠銷露壇粧琬琰真像寫松喬  
珠館青童宴琳宮阿母朝氣輿仙女侍天馬吏兵調  
湘妓紅絲瑟秦郎白管簫西城邀綽約南嶽命嬌嬈  
句曲觴金洞天台嘯石橋曉花珠弄藥春茹王生苗  
二景神光秘三元寶籙饒霧垂鴉翅髮冰束虎章腰  
嵩書 卷十三 李 嵩始二  
鶴馭爭銜箭龍飛各獻綃衣從星渚沅丹就日宮燒  
物外花常滿人間葉自凋望臺悲漢戾閱水笑梁昭  
古殿香殘地荒堦柳長條幾曾期七日無復降重霄  
嵩嶺組天漢伊瀾入海潮何由得真訣使我珮環飄  
贈蕭鍊師 并序 許渾  
鍊師負元初自黎園進為內妓善舞柘枝宮中莫  
有倫比者寵錫甚厚及駕幸奉天以病不獲從遂  
失所止泊復宮闈上頗懷其藝求之浹日得于人  
間後聞神仙之事謂長生可致乞奉黃老上許之

詔居嵩南洞清觀迄今八十餘矣雪膚花顏與昔  
無異則方龜鶴之壽安得不由所尚哉因賦是詩  
題于院壁

曾試昭陽曲瑤齋帝自臨紅珠絡繹帽翠鈿束羅襟  
雙闕朝塵起千門宿霧陰出宮迷國步回駕軫皇心  
桂殿春空晚椒居夜自淡急宣求故劍冥契得遺簪  
暗記神仙傳潛封女史箴壺中知日永掌上畏年侵  
莫比班家扇寧同卓氏琴雲車辭鳳輦羽帔別鴛衾  
網斷魚游藻籠開鶴戲林洛煙浮碧漢嵩月上丹岑

嵩書

卷十三

三

嵩書

露草爭三秀風篁共八音吹笙延鶴舞敲磬引龍吟  
旄節纖腰舉霞杯皓腕斟還磨照寶鏡猶插辟寒金  
東海人情變南山聖壽沈朱顏常似渥綠髮已如尋  
養氣齊生死留形盡古今更求應不見雞犬日駸駸  
緱山月夜聞王子晉吹笙 張仲素 中書舍人  
王子千年後笙音五夜聞逶迤清洛斷續下仙雲  
泄泄飄難定啾啾曲未分松風助幽律波月動輕文  
鳳管聽何遠鸞聲若在群暗空思羽蓋餘韻自氛氲

前題

厲玄 侍御史

緱山明月夜岑寂隔塵氛紫府參差曲清宵次第聞  
韻流多入洞聲度半和雲拂竹鸞驚侶經松鶴舞群  
蟾光聽處合仙路望中分坐惜千巖曙遺音過汝墳

前題

鍾輅

月滿緱山夜風傳子晉笙初聞盈谷遠漸聽入雲清  
杳異人間曲遙分鶴上情孤鸞驚欲舞萬籟寂無聲  
此夕留煙駕何時返王京唯愁音響絕曉色出都城

嵩山望幸

王邕

峻極位何崇方知造化功降靈逢聖主望幸表維嵩

嵩書

卷十三

三

嵩書

隱映連青壁嵯峨向碧空象車因叶瑞龍駕願升中  
萬歲聲長在千巖氣轉雄東都歌盛事西笑佇皇風  
五言絕句

嵩山夜還

宋之問

家住嵩山下好采舊山薇自省遊泉石何曾不夜歸

荅田徵君

宋之問

出遊杳何處遲回伊洛間歸寢忽成夢宛在嵩丘山

題田洗馬遊巖桔槔

陳子昂

望遠長為客商山遂不歸誰憐北陵井未息漢陰機

寄王長史

祖詠

汝穎俱宿好往來託層巒終日何寂寞遠離生蕙蘭

贈柳喜自號嵩山老

釋皎然

一見嵩山老吾生恨太遲問君年幾許曾出上皇時

七言絕句

嵩山尋馮鍊師不遇

崔曙

青谿訪道凌煙曙王子仙成已飛去更值空山雷雨

時雲林薄暮歸何處

少室韋鍊師昇仙歌

皇甫冉

嵩書

卷十三

書

開始二

紅霞紫氣晝氤氲絳節青幢迎少君忽從林下昇天

去空使時人禮白雲

粵嶺四望

武元衡

平章事封臨淮郡公

漢家仙仗在咸陽洛水東流出建章野老至今猶望

幸離宮秋樹獨蒼蒼

寄李渤

張籍主客郎中

五渡溪頭躑躅紅嵩陽寺裏講時鐘春山處處行應

好一月看花到幾峰

山中五絕

白居易

遊嵩陽見五物各有所感感興不同隨興而吟因成五絕

嶺上雲

嶺上白雲朝未散田中青麥旱將枯自生自滅成何

事能逐東風作雨無

石上苔

漠漠斑斑石上苔幽芳靜綠絕纖埃路傍凡草榮遭

遇曾得七香車碾來

林下樺

嵩書

卷十三

書

開始二

香檀文桂苦雕鐫生理何曾得自全知我無材老樗

否一枝不損盡天年

澗中魚

海水桑田欲變時風濤翻覆沸天池鯨吞蛟鬪波成

血漢澗游魚樂不知

洞中蝙蝠

千年鼠化白蝙蝠黑洞深藏避網羅遠害全身誠得

計一生幽暗又何如

王子晉廟

白居易

子晉廟前山月明人聞往往夜吹笙鸞吟鳳唱聽無  
拍多似霓裳散序聲

送嵩客

白居易

登山臨水分無期泉石煙霞今屬誰君到嵩陽吟此  
句與交三十六峰知

送友人遊嵩山

陳羽

嵩山歸路繞天壇雲影松聲滿谷寒君見九龍潭上  
月莫辭清夜訪袁安

嵩陽客舍月夜憶清上人

徐凝 金部侍郎

嵩書

卷十三

季孟 韻始二

獨夜嵩陽憶上仙月明三十六峰前瑤池月勝嵩陽  
月人在玉清眠不眠

緱山廟

許渾

王子求仙月滿臺玉笙清轉鶴徘徊曲終飛去不知  
處山下碧桃春自開

前題

鄭仲賢

秋風寂寞秋雲輕緱氏山頭月正明帝子西飛仙馭  
遠不知何處夜吹笙

箕山

胡曾

寂寂箕山春復秋更無人到此溪頭棄瓢暈畔中宵  
月千古空聞屬許由

題中峰

費冠卿

中峰高柱沆寥天上有茅菴與石泉晴景獵人曾望  
見青藍色裏一僧禪

嵩書

卷十三

季孟 韻始二

嵩書卷之十三終

門人 焦弘祐 校字